

*image  
not  
available*

*image  
not  
available*



*image  
not  
available*



Feb 1892

8

1-b

25

6

27

F

5


1549

8. 1. b. 25.
















ALEXANDRI  
AB ALEXAN  
DRO IVRIS PERITI  
NEAPOLITANIGENIA  
LIVM

DIERVM VARIA AC RECO  
NDITA ERVDITTO NERE  
FERTI  
LIBRI SEX



*Accuratius, et maiore fide  
quam antehac usqua  
impressi*

PARISIIS  
*Apud Sebastianum Wivellium  
Jacoba ad insigne Ciconiam. 1561*

Dom. Probat. Rom. Schol. Piar.  
ex P. Ilderonso.

ALEXANDER

WALKER

NEW YORK

1850

NO. 1

NEW YORK

1850

1850

1850



ALEXANDRI AB ALEXANDRO  
IVRISPERITI NEAPOLITANI  
GENIALIVM DIERVM  
LIBER PRIMVS

Locus ex tranquillo de Testamento Cesaris in Natali Loui-  
ani Pontani inuicem discussio. Cap. I

Accersebat plerumq; nos in hortos amenissimos  
ubi edimulashabebat Louianus Pontanus in nostra  
partenope uir memoria quidem nostra omnibus  
bonis artib; atq; omni doctrina praeclitus uir p. et;  
ingenij mansuetudinem, quae plurima in homi-  
ne fuit munditia uerborum et compositus ille  
sermo ad omnem ingenuitatem plurimum agens  
omnis faciebat. Illog; conueniebam; compluribusq;  
bonarum artium studia eademq; discipline atq;  
non abrimilis discendi facultas erat. Deindebat de-  
mulebatq; nos uir ille fandi uicis. inis egregia qua-  
clam et illustri oratione pronunq; per qua lepidoe-  
uentusto totos plerumq; dies: tanta in eo comitis tan-  
tusq; lepos erat. forte autem cum Natalis sui diem  
annum Decembrio mense ut solebat cu amicis ce-  
lebrare uult, euenit, ut et nos una cum reliquis mi-  
hi coniuuentissimis primis ab eo tenebris. curia:  
pud eu conueniremy. quo cum uenim; benigne  
quidem et comiter accepti ad forum consedimus  
festiuissimisq; colloquijs noctis paritiam in mira sua-  
uitate traducim; cum interim Louianus florenti quib;  
dona facundia et sermone quam castissimo de lineam

## GENIALIVM DIERVM

petemus: quo somone desito cum iam mensas, et cenam  
 instauri iubet ceterisq; nimis intempestivum cenandi  
 tempus esse uideret. Quid ergo inquit optimi iuue-  
 nes dum cena apparat; dumq; obsonia esui matura  
 fiunt, quid hoc otium legimus? Iussitq; mox adferri si-  
 bi Suetonii Tranquilli Caesarum uitas. Aderat inibi adol-  
 lescent runc quispiam letę indolis atq; a literarum cultu  
 non abhorrentis: huic mandat, ut D. Iulij uitam do-  
 nec maturum cenandi tempus foret, nec turbide, nec  
 ambigue legat. Accipit ille cupidus et libens, atq; dis-  
 crete admodum legere incipit: cum nos interea calecti-  
 one demulsi legentis uerba, et compositam illam  
 dicendi breuitatem summa cum attentione captaremy  
 cumq; ad calcem lectionis uentum foret ancipiti sen-  
 tentia et operta uerborum significatione de tes-  
 tamento Caesaris in hec uerba ipsum loquentem offen-  
 dimus. Sed nouissimo Testamento tres instituit he-  
 redes fori Nepotes Octavianum ex dodrante L. Pinarium  
 et q. Padium ex quadrante et duos in ima ceret. C. Octavi-  
 um etia in familiā nomenq; adoptauit: plerosq; perus-  
 soni in tutorib; filij si quis sibi nascereb; nominauit.  
 D. Brutum etiam in secundis heredib;. Populo hortos  
 circatiberim publice et uirum trecentos sexcentos se-  
 gavit. Quib; perfectis puenum substituere Iouianus iubet  
 et ad Dentatum conuersus iuuenem qui ut mihi uide-  
 bat; in cognoscendis reb; lectione multa exercitus e-  
 rat: quid tu, inquit Dentate sentis de hoc quadra-  
 nte, et dodrante in quib; hos heredes scriptos author  
 hic memorat? cumq; ille hereditatis quotam esse par-  
 tem asseueraret in qua illos institutos arbitrare-  
 tur: proba inquit Iouianus. hec et  
 uera

nera sententia est, sed inops admodū & ieiuna: plus ego desidero. Et me intuitus, rogat, nūquid nostro iure civili (in quō multū operæ per id temporis impendere uidebamus) aliquid de istiusmodi partibus tradatur? Tum ego: memini, inquā, traditū memoratumq; apud nonnullos ueteris disciplinæ authores, præcipuè apud nostros iurecōsultos fuisse, omnem hereditatem quantācunq; esset, si morientis supremo iudicio rō esset diuisa, tū ab ipso iure in duodecim partes omne illud patrimonium parti: quas quidem partes omnes in unum collatas, assem pleraq; antiquitas dixit: singulas uerò disiunctim diuisas, uncias appellauit. Itaq; si te heredē in uncia instituerō, in duodecim partes diuiso prius toto asse, hoc est, omni patrimonio & fortunis meis, unica tantum pars tibi institutionis iure debetur: cum uerò te heredem in assem effecero, solidam hereditatē & integrum patrimonium, nullis diminutis partibus transferri uolo. Hæ autē duodecim uncia, quæ assis appellatione cōtinētur, propria nomina à ueteribus, iureconsultis, singulæ nactæ sunt: nam præter unciam & assem ea pars quæ sextans appellatur, duas totius assis partes, hoc est duas uncias habet; quadrās uerò tres. Cum ergo hic in quadrante heredes institutos L. Pinarium & Q. Pedium uideamus, quin ex duodecim uncis integro Caesaris patrimonio diuiso, tres tantum uncia, hoc est quarta totius hereditatis pars, his duobus debeat, in dubiū nō uenit. Deinceps est triens, id est tertia pars totius assis: quatuor enim hæc continet uncias, quincunx uerò quinque. Semis autem dimidium illius habet, quod asse continetur. quæ quidem pars sex uncias ex toto asse uendicauit: quippe cum totus as



duodecim uncias diuidatur, quod dimidium illius est, sex uncias, id est semissem efficiet. Sepcunx autem septem cōsequitur uncias, bes octo, dodrans uerò nouem. Cum igitur in dodrante (ut Tranquillus hic refert) C. Octauū Caesar testamento heredē fecerit ex duodecim uncīs, in quas Caesaris hereditas diuisa fuit, hic in dodrāte institutus, nouē cōsequetur. Reliqui uerò duo, L. scilicet Pinarius & Q. Pedius, quadrantem, id est tres uncias ex integro asse, & quartam totius hereditatis uendicabūt. Inter hos ergo & illum duodecim uncia, & tota Caesaris hereditas diuisa fuit. Dextans autē decem signat uncias, deunx uerò undecim. Quod à Iuena!e non inscitè, ut arbitror, dictum est:

Vnciolam Proculeius habet, sed Gillo deuncem.

Totum enim assem diuisit, cum ex duodecim uncīs alteri unicam, alteri undecim uncias patrimonij tribuit. Est quidē, inquit Iouianus, ita ut dicis, satisq; de quadrante & dodrante, deq; uncia & asse, ut à iuris studio explicatum accepimus: sed unum illud etiam me angit, in quo ancipitem cogitationē iam diu duxi, sepiusq; in hoc quæredō fui: Nam cū tres heredes institutos author hic dicat, plures postea nominauit, Caium scilicet Octauium, Quintū Pedium, & Luciū Pinarium: demū adijcit, reliquos in ima cera, hoc est ultima testamenti parte scriptos fuisse. Etenim si totus as inter eos quos modo nominasti, absumptus est: quid reliqui sit quod istis debeatur, nō equidem uideo: totus enim as, ut modo dixti, totam absumit hereditatē, & dodrans cum nouem signet uncias, quadrans uerò tres, duodecim uncias & totum efficiunt assem. Neque est praterea quod ex defuncti bonis amplius asse, heredi  
scripto

Scripto debeatur: Ergo aut frustabuntur peculio Caesaris isti reliqui in ima cera adiecti, aut alia quædam hæreditas obuenienda est, ut istis etiam satisfiat: quorum alterum si asseueras, profectò perperam & absurdè dixeris. Neque ego Tranquillū uel syncerissimū scriptorem tam inconsideratè loquutum arbitror, ut plusquam oporteat aliquid in scribendo addiderit: siquidem tam circuncisus in explicandis adnotandisque rebus fuit, ut arguta breuitate pleraq; potius perstrinxisse, quàm aliquid plus iusto addidisse uideatur. Tum ego, est inquam quod dubitetur: neque abnuerim, quin locus hic perobscurus forsā uideatur plerisque: qui tamen probabili ratione reddito, clarus & expositus fiet. Tres enim Caesar testamento suo hæredes fecit, ex toto uidelicet asse. Siquidem dodrans & quadrās, duodecim uncias & totū efficiūt assem. Et q̃ asse distributo, reliquos in ima cera instituit, equidem denotat, nō in noua quadā hæreditate hos admittendos fore, sed postquā in uniuersum bona sua inter hæredes partitus fuit: in ima cera illos qui in singulas partes legati admittendi fuerant, nominaſſe: quæ quidem legata, quāuis toto asse distributo, nō extra hæreditatem sunt, sed à scriptis hæredibus, atque ipso asse debentur. Etenim scriptus hæres, qui assem assequitur pro quantitate bonorū in quibus institutus est, legata quoque distribuet. Vetus enim est testantium mos, (quod ipsum apud iureconsultos lege sancitur) ut primo testamenti capite, hæredis fiat institutio, siue unus, siue plures sint, qui in uniuersum bona ex defuncti uoluntate capiant: sequenti capite & in ima cera, secundum di hæredes, legata, & reliqua testatoris uoluntas, &

dispositio ponantur: siue aliquos onere grauat, aut si quibus dari fieriq; oportere, testator pro sua uoluntate arbitratu est: qui nō hāeres, sed legatarij dicti. si quidem nō bona in uniuersum, sed legata & res singulares capiunt. Idq; ex integro asse, atq; ex toto patrimonio deducitur. Et hoc Tranquillum nunc dicere arbitror. Nam cum primo capite testamēti Cāsar tres fecisset hāeres ex asse, in ima cera & ultimo capite reliqua posuisse, quā ascriptis hāeredibus debentur, Caiumque Octauium in familiā nomenque adoptasse, secundos hāeres & tutores nominasse, populo hortos publicē & uiritim trecentos sextertios legasse. Quibus uerbis ultro citroq; ad multā noctem habitis, animaduersum est obsonia iam pramatura & praecotta esse. Mox in aliud tēpus dilatis sermonibus, ad natalem Iouiani diem celebrādum, cuius causa ueneramus, ab ipso admoniti diuertimus.

Qui Reges uel Principes apud uarias gentes cognomena ex suo nomine posteris reliquerint. Cap. II.

NON apud Romanos solū, sed apud exteros quoque obseruatū accepimus, ut ab eo qui de sua republica bene meritus fuit, posterī Duces cognomena accipere operae precium ducerent. Nam de Romanis principibus nemo ambigit, quin a diuo Iulio & Octauio reliqui Imperatores, Cāsares & Augusti dicti cognominatiq; sint. Credo equidem quod desiderio illorū post funera tenerentur, & tanquam in posteris eadem indoles futura uirtutis eniteret: ita eodem sibi nomine adoptato, ipsi quoq; ad praeclara facinora obeūda inuitaretur. Mansitque sequutis Imperatoribus cognomen Cāsaris & Augusti. Quod nō ipsis modō, sed uxoribus,



ribus, sororibus & filiabus cōmune fuit. Siquidem Livia postquā nupsit Octauio, Augustæ nomen tulit: & Agrippina, postquam Claudio cōiugata fuit. Senatus quoq; frequenti curia uxori sororiq; Traiani, cognomen Augustarum dedit: & Vitellius matri, & Faustina uxori Antonius: sic Iuliani uxor & filia, Augustæ appellatae sunt: quibus hoc etiam honoris tributum est, ut illas quandoq; sacer ignis præiret: quem mox sequuti Cæsares, pro maiestate imperij, more Persarum regum & Indorū, sibi uendicarunt: tamen si Vitellius oblatum sibi Cæsaris cognomen recusarit, Augusti uerò distulerit: quod postea deploratis rebus, quum hostilibus armis premeretur, dimissum reuocauit, & Cæsarem se dici uoluit: donec post seriem annorum, haud lōgo interuallo, Romani principes Antonij cognomen ta sumpserunt. Namq; à Pio Antonino, Antoninus philosophus, uir omni laude dignus: deinde Cōmodus, Caracalla, Geta, Heliogabalus, & alij ex Cæsaribus fama illustres, Antonini nomen sibi adoptarunt: uoluitque Seuerus imperator, ut Romani imperatores, sicut Cæsaris, sic in posterum Antonini nomen ferrent, hoc suæ posteritati longè clarissimū fore arbitratus. Mox succedenti æuo, collapsa re militari, Ataulphus Gothorū rex, Roma debellata, eò uasania processit, ut quæ admodum Cæsares, sic in posterum Romanos principes Ataulphos cognominari destinaret: à quo instituto sicut à pluribus alijs, postea desitum est. Nomen uerò Imperatoris Prætoribus olim magnarum laudum titulus fuit: quippe hoc honore uelut insigni munere, milites summos Duces honestabant: isque præcipuus honos habebatur semper. Postea nisi illos, quorum

ductu & auspicio conflatum fuisset bellum, & sub quibus decem hominum millia uno praelio cecidissent, aut saltem duo millia, quæ postea consuetudo increbuit, uel denique mille occubuissent, aut præcipua uictoria potiti essent, nullos imperatoris nomine dignos putarunt. Propterea Marco Crasso, quod urbem Zenodotium trans Euphratem, imbelli certamine & incruento Marte uicit, & ob id imperatoris nomen sibi arrogauit, magna inuidia fuit, quod non multo negotio tantum nomen uendicasset. Pompeius, quod in Africa Domitium superasset, quodque ex uiginti millibus hostium uix tria millia effugissent, toto conspirante exercitu, imperatoris nomine fuit honestatus: qui licet se imperatorem saluari permiserit, nunquam tamen epistolis aut chirographis hoc nomen usurpauit. Iulius Cæsar, C. Cæsaris pater, quod Syllanis temporibus multa Samnitum & Lucanorum millia ad Eserniam interfecisset, ab exercitu imperator fuit appellatus. Mox diuus Cæsar, post pericula depulsa, prænomen imperatoris sibi arrogauit. Deinde Augustus Tiberium & Claudium Drusum priuignos hoc nomine nobilitauit. Bello quoque Germanico fuscis fugatisque hostibus, Tiberio Cæsari & Tito, expugnatis Hierosolymis, miles uictor imperatoris nomen dedit, & trophæum posuit. Cicero quoque quod Parthos ad Amanum profligasset, & Metellus quod Sertorium uicisset, imperatoris nomina tulere. Fertur tamen Curio ad Vticam, quod eius opera, conductis commeatibus, omnium rerum copia abundaret exercitus, imperatoris sibi nomen asciuisse. Et Scipio bello ciuili inter Pompeium & Cæsarem, ut pecuniam à provincialibus cogeret, se imperatorem

imperatorem dixisse. Demū Casares, ne in crimen inui-  
 diamque inciderent, imperatoris nomen tanquam titu-  
 lum mitem et honestiorem, abrogato regis uocabulo,  
 iterū et saepe desumpserunt. Quare Augustus semel et  
 uicies fuit imperator dictus, et sequenti Principes hoc  
 cognomēto persaepe nobilitati sunt. Quod etiam apud  
 Græcos fuit usurpatū: quippe Phocion uigesimum im-  
 perator dictus est: Aratus decimum et septimum im-  
 peratorem gessit: Pelopidas ter et decies: Philipome-  
 nes octauum: quem apud Achæos intra annum bis ge-  
 rere non licebat, sicut apud Spartanos bis eundē clas-  
 sis præfectum fieri lege uetabatur. Sola mulier Zeno-  
 bia Palmyrensis regina, quum Orientis regnū tue-  
 retur, armata in uirili ueste exercitui præfuisse, et  
 imperatoris nomen tulisse dicitur, cuius auspicijs ple-  
 raque egregiè gesta in hostes fuere: sed non solum Ro-  
 manos, uerum eos qui Albæ regnarūt, qui ante Romu-  
 lum per annos trecentos fuere, idem obseruasse prodi-  
 tum est. Constat enim à Syluio Ascanij filio, qui secun-  
 dus ab Ascanio suscepit Albæ regnum, reliquos Alba-  
 norum reges per ordinem successionis, Syluios cogno-  
 minatos fuisse. Siquidem Aeneas Albanorum rex, et  
 Latinus, et Capys, et Capenus, et Tyberinus, ac re-  
 liqui deinceps, quandiu regnum Albæ stetit, Syluij co-  
 gnomenta ab illo meruere. Sicut Latinis regibus à Mu-  
 rano, qui in Latio regnauit, Murani cognomen inditū  
 ferunt. Quæ quidem res ancipitem mihi animum sæ-  
 pe agit, cogitatioque subit, cur non exemplo Albano-  
 rum et Latinorum, idem quod imperatoribus, etiam  
 in regibus ueteres Romani factitarunt, ut à condito-  
 re urbis Romulo, reliqui post illū reges, felix faustum-

que nomen acciperent: cum præsertim ipse urbis conditor, bonis artibus partum firmatumq; regnum, inter omnia inimica infestaq; longè illud maius auctiusque reliquerit. Sed hanc quæstiunculâ relinquamus quibus huiuscemodi indagare, ingenium abundè & negociû est. Parthos quoq; idem obseruasse, ut Regû cognomenta ferrent, multi prodidere. Etenim Arsaces Scythæ, uir fortis & strenuus, quum premente inopia, latrocinij obnoxiam iuuentam ageret, coacta exulû manu, quos parthos nuncupant, deuicto Seleuco & Mandragora, in regem Parthorû assumptus, illud ita instituit, formauitq; ut diem uictoriæ tanquam natalem libertatis, multis post tempestatibus solennem celebrarint: qui postquam fato functus est, tanto honori ipsius memoria fuit, ut celebre ad posteros reges cognomen Arsaces ex suo nomine reliquerit. Nam & Parapatus, & Mithridates, & Pharnaces, & qui post illû regnarunt Parthorum reges, cognomen Arsaces sibi posterisq; illustri titulo propagatû adoptauerunt. Quorum posteros parû legitime regnare dixerût, nisi ex matris incesto & filij concubitu editi forent. Quin etiam apud Indos hunc aliquâdo morè inoleuisse accepimus. Nanque Indorû reges, alios Palibrotos, alios Sandracoctos, nonnullos Taxiles, sequente nomine in quemcunque imperium transfiret, ob eximiâ in bello uirtutè denominatos ferût. Bithynos quoque ob prioris Nicomedis claritatem, qui militia & domi clarus fuit, Nicomedis cognomen regibus indidisse putant: sicut à Cecrope, qui Athenis regnauit primus, reges Atheniensium Cecropidas nuncupari. Hic enim omnem multitudinem in oppida duodecim digestam, partitus fuit,



fuit, quam Theseus obuiam cundo periculis, ne hostium præda forent, uelut unius corporis alumnos, in unam urbem postea sociauit & coëgit. Et Paphlagonum Philomenes, Thessalorum Hellenes ab Hellenæ. & Assyriorum reges Tigranes dicti cognominatique sunt. Cum enim seleucidarum imperium ab Alexandro ad septuaginta supra ducentos annos prouectum fuerit, Tigranis cognomen à primo illo qui Assyrijs præfuit summa iustitiæ temperamento, posterius desumpsere, ita ut per ea tempora quatuor supra decem Tigranes reges denominati ferantur. Quin etiam à Neoptolemo Achillis filio, qui Pyrrhus dictus est, reges Molossorum Pyrrhidæ, cum ea loca tenuissent: & Ponti, Mithridatis nomina sumpsere. Is enim cum quo populus Romanus multiplex bellum gessit, à primo Mithridate sextus adnumeratur, quem Eupatorem uocitarunt. Fuitq; literis proditum, reges Persarum qui Spadones in regnum asciti fuere, Bagoios nuncupari. Et in Meroë, quod Candaces præcipua mulier regnum tenuisset, Reginas in posterum Candaces cognominari: eaque obseruatio constans & per diu mansit. Nec me præterit, Aegyptios quoque reges eandem consuetudinem usurpasse, ut in pleraque historia est. Siquidem cum antea Pharaones dicerentur, Ptolemæus Lagus gregarij militis filius, qui Aegyptum armis sibi uendicarat, post res cum Antigono compositas, cum quo multiplici bello & immodica simultate cōflictatus est, Aegypti regnū quādiu uixit, moribus & disciplinis mirifice instruxit ornauitq;. Is igitur iam gradis natu, morbo absumptus est, magno de se, ut de tam bene merito principe desiderio relicto, cuius memoriā Alexandrini

tanta charitate prosequuti fuere, ut Philadelpho qui post eum regnavit, & reliquis Aegypti regibus ab illius nomine, Ptolemæi cognomen indiderint. Nam & Evergetes, qui Philadelpho successit, & Philopator qui Tryphon, & Epiphanes, & Philomator, & alter Evergetes Phiton appellatus, & Lagus, & Auletes Aegyptiorum reges, ab illo Ptolemæi dicti cognominatique sunt. Hic enim Philadelphus Stratonis discipulus fuit, omni doctrinæ genere clarus, qui cū viribus attenuatis, infirma valetudine laboraret, miro discendi studio affectus, nobilem illam omnium sermonibus celebratam bibliothecam, conquistis undique exemplaribus, omniumque linguarum voluminibus construxit, pulcherrimum sanè regiae opulentiae monumentum, quæ ad primum Alexandrinum duravit bellum. Quem Philadelphum, Philatorem & Philopatorem ob neces parentibus & germanis fratribus illatas, per antiphrasin & irrisionem uocitarunt: sicut Evergeten, quod deorum simulacra à Cambyse dissecta restituerat, quasi beneficum: & Auleten defamatisimum, quod super cætera flagitia & dedecora, choralam & tibias exerceret. Hunc enim Auleten ob similitudinem Aegyptij regno exegere, qui Romam exul cum venisset, à senatu populoque Romano benignè exceptus, in Aegypti regnum ab Aul. Gabinio reductus, & restitutus fuit. Post quem Alexandrini Cleopatram & Ptolemæum puerum regno præfecere, sed mota seditione, à factione alterius partis, Cleopatra in Syria exulavit, atque ex illo Aegypti regnum penes puerum stetit. Hic est enim Ptolemæus ille puer, qui Pompeium Magnum ex Pharsalo fugientem, ministro Achilla &

Photino

Photino miserranda nece affecit: exindeque Alexandrinorum res, urgente fato, in peius magis ac magis rueret uisa sunt: donec Augustus terra marique uictor, Aethiaco praelio superatis Alexandrinis, Antoniôque & Cleopatra, quam matrimonio sibi deuinxerat, uictis necatisque, Aegyptum omnem stipendio superimposito, prouinciam effecit, quam primus Romanorû Cornelius Gallus præses administrauit. Tunc primum sub præsidibus haberi cœpta est, atque ex illo finis regum Aegyptiorum fuit.

Qua potestas, quantumque ius aduersus reliquos magistratus, tribunus plebis Roma fuerit. Cap. III.

TRIBVNO S plebis, quos plebe à patribus discedente, & ad sacrum montem secedente, sacrosanctos sibi plebs creauit, nec iuri dicundo, nec postulatis ciuium noscendis, sicut alios magistratus, sed ut auxiliij latio aduersus consules esset, & illos qui insolenter in plebem insultarent, utque præsidēs libertatis custodēsque forent, creatos accepimus. Ideo nec in sella curuli sedere, nec purpuratos incedere, nec licitorem ut consules prætoresque, sed uiatorem habere illos satis constat. Causa autem hæc est, quòd tribunus plebis, populi Romani magistratus non est: propterea cum consulum, prætorum, & adilium, reliquorûque magistratum, creato dictatore, iurisdictio cesset & cōineat, solos tribunos plebis in potestate esse liquet. Ex reliquis præterea magistratibus, cum multi uocationē & cognitionem habeant, apud tribunos tantum prehensionem esse absq; uocatione, memoriæ datum est. Prehendere enim tribuno plebis licet, & in carcerē mit-

tere, iure sacrosancta potestatis, etiam consulem, præ-  
torem, censoresque, M. Drusi exemplo, qui tribunus  
plebis, Philippum consulem, quia concionantem inter-  
pellarat, præcipitem egit in carcerem, ita ut non modi-  
ca vis sanguinis è naribus efflueret. Etiam ab iniuria  
quæ coram fieret inhibere, multamque indicare con-  
suli, dictatori que & reliquis magistratibus tribunus  
pro imperio poterat. Intercessionem quoque aduersus  
reliquorum potentiam magistratuum, apud tribunos  
plebis tantummodo sunt. Contrà uerò dictatoris im-  
perium, à quo non est prouocatio, tribunis interceden-  
di facultas non est, quâuis plerique contra dictatoris  
iussu, tribuni intercessionem ualuisse contendunt,  
Q. Fabij exemplo, qui cum magister equitum esset, &  
in eum, quod contra uetitum pugnasset, L. Papyrius di-  
ctator animaduertere uellet, M. Fabius pater, qui ter  
consul dictatorque fuerat, tribunos plebis & populū  
appellauit, qui intercessionem suam etsi præcaria præsti-  
tissent opem, reum tamen supplicio exemere. Ego autē  
cum id aliter compertum non habeam, tribunitiam po-  
testatem semper dictatoris imperio cessione ausim asse-  
nerare: ab uno quoque tribunorum ad reliquos tribu-  
nos prouocare licere, ipsosque intercedere posse, nō est  
controversia. Neque enim leuis est unius tribuni in pro-  
hibendo potestas. Siquidem uno aliquid fieri negan-  
te, nihil ceteri, etiam si plures numero sint, decernere  
ualent. Id tamen lege cautum erat, ne ultra mille pas-  
sus ab urbe ad tribunos prouocatio foret. Ideo si quid  
sublata intercessionem tribunorum, per populū agi uel-  
lent, extra urbem ultra mille passus comitijs indictis,  
& senatu euocato, decernebant. Tunc enim sine im-  
perio



perio tribunus censebatur. Capitis etiam diem dlcere dictatori uel consulibus, postquam abiire magistratu, & reliquis magistratibus dum in honore sunt, tribunorum potestatis est. Illud certè satis constat, neque tribunum plebis diem integrum ab urbe abesse licere, ne auxilij latio cū opus fuerit, ciuibz desit: sicut Heduis in more fuit, ut qui summum gerit imperium, finibus excedere non posset. Neque eum qui parentem superstitem habeat, tribunū plebis esse oportere. Propterea seruilius qui tribunatum gesserat, falso tribunus esse creditus est: quod patrem quem obisset mortem opinio inualuerat, uiuere constabat. Quin & illud animaduertimus, tribunis quoties oportere uisum fuit, habendi & dissoluēdi senatus, nonnunquam, ne consularia comitia fiant, intercedendi ius potestatemque fuisse. Ipsis tamen cum frequens habetur senatus, intra limites curiæ adesse non licebat: sed positis ante curiæ fores subsellijs, quæ ad populum pertinerent, senatusconsultis excipere: quæ si probarent, T litera subscribere solebant. Si autem minimè rata esse uellent, poterat senatusconsultum per intercessionem tribunitias impediri. Tametsi æuo posteriore, tribunum frequēti curiæ de his quæ ad populum pertinerent senatum sæpe consuluisse, ibique subsellia habuisse, inter exempla inueniamus: donec Atinio plebiscito tribuni plebis senatores effici meruere. Posse etiam plebem cōsulere, & rogationes ad populum ferre, ac super his leges promulgare, quæ plebiscita dicta sunt, tribunitiæ potestatis esse nemo dubitauit: quod quidem concilium in ade Vulcani frequentes habuere, ibique siqua turbulenta confusio esset, in qua consulto opus foret, plebeios ad-

uocare, & concionem frequentissimo concilio habere, assueuerant. In quo templo canes pro aditu esse, & sacrilegis tantum adlatrare, fama ferebat: sicut apud Aetnam in Vulcani templo, canes lucum & templum asseruare dicunt: & in Daunia, Achaia Minervae delubro, atque in Creta Dictae matris ade canes nutriti traduntur: qui Graecis subbladiuntur, Barbaros uero insectantur. In sinu quoque Adriatico Diomedae aues Graecis mites, Barbaris uero infestae sunt. Hoc etiam notatum est, tribuni plebis domum cuius patere, foreque illius per diem, perque noctem reclusas esse oportere. Cuius rei causam quaerentibus nobis, illud probabile uisum, quod congressus faciles ad se praebere, & neminem aditu arcere debet. Nam soli tribuno, noctu pariter & die cuius opem imploranti praeesto esse, & ius auxilij sui expedire, atque a cuiusque magistratus nimia potentia plebem tueri fas est.

Quid uerbum sino, cum negandi aduerbio apud inreconsultos designet, & quam uim habeat in edictis. Cap. II. II.

ARGVEBAT. quispian negligentiae colonum suum, quem partiarium habebat, quod cum fundum suburbanum in agro Neapolitano, ut uetus illius regionis mos est, colendum locauisset, in lege locationis ita scriptum fuit: Ut colonus fundum bene coleret, bene irrigaret, bene stercoret, neue quempian iniussu domini in fundum ingredi sineret. Cum postea dominus poma & fructus arborum clam sublatis, & ex his nihil ad iustam magnitudinem crescere, quin furto substractum foret, repperisset: coloni negligentiam incuriamque acerbè atque acriter apud iudices crimina-

tus est: quantiſque ſua intereſſet, tanti litem aſtimari poſcebat. Cumque colonus ſecundum locationis legē ſe neminem admiſiſſe, aut in fundum ingredi fuiſſe cōtenderet, contrā ſtabat fundi dominus, uehementique obiurgatione colonum inceſſebat, cum non modò non admittere quempiam, ſed etiam euigilare atque attendere, ne quis ingrederetur, debuiffet. Quibus iurgijs ad multam diem protractis, tandem ſecundum domini poſtulata iudices litem dedere, quantiſque domini intereſſet, tanti litem contra colonum aſtimarunt. ſed cum poſt immodicas altercationes ſedata res & compoſita uiderentur, ambòque & colonus & dominus diſceſſiſſent: percontatus ego ſum iudices, quibus rationibus adducti, contra colonum litem aſtimaeſſent: nam pacto ſteriſſe uidebatur, ſi neminem permiſſu ſuo in fundum ingredi fuiſſet: atque ideo ſecundum pacti legem potius abſoluendus, quàm condemnandus fuit. Tum ex his unus literis homo multis præditus, cōprobatâ quaſtione: Verbum, inquit, ſino, in cōuentione poſitum, ſi cum negandi aduerbio ponatur, non ſolum hanc habet uim, ut quis contrā facientem prohibere debeat: ſed ut impenſe operam det, ne ob ſocordiã negligentiamque ſecus fiat: quod niſi factum fuerit, culpa commiſſa eſt. debuit ergo colonus iuxta conuentionem deductam in chirographo, non ſolum ingredi uolentem prohibere, ſed enixè dare operam, & fundum ita cuſtodire, ne quid ob ſocordiã furti damniue dominus pateretur: quod quia molliter fecit atque neglexit, iure mulctandus fuit. Et ne, inquit, me hoc tantum aſſeuerare putes, poterit apud te multum fideiſſiſſe Alphenus iuris publici priuatiſque peritus, qui de

hac quæstione, de qua tu modò quæris, consultus, ita respondit: (tum sibi libellum mirandæ uetustatis è sinu depromit, corrosis iam & senio labentibus literis. in eo ita scriptum fuit:) Redemptor syluâ ne cadito, nèue findito, nèue deurito, nèue quem findere, cadere, urere finito. Respondit Alphenus, locatorem potius id uideri uoluisse, ut redemptor non solùm, si quem casu uidisset syluam cadere, prohiberet: sed ut curaret dare operam, ne quis caderet. Quod cum legissemus, tum planè animaduertimus, grauiter simul & uerè litem æstimatam, & iudicatam fuisse.

Ex quot militibus decuria, centuria, ordo, manipulus, uexillum, turma, cohors & legio, à Romanis scribi consueuerint. Caput V.

IN antiquis annalibus illorum qui in re militari docti Romani moris & iuris fuere, intercise scriptum inuenimus, militum ordines in acie instruenda alios minores, nonnullos maiores, descriptos fuisse: quo facilius cuius ordinis quisque miles, cuiusque manipuli esset, & sub quo duce militaret, dignosci animaduerti que posset. Ideo imperatores singulas centurias ex centū peditibus, decurias uerò ex decem equitibus scribere solitauerunt: ut hac militum descriptione distinctior acies, & instructior fieret. Ordo autem, minor centuria, maiorq; decuria, ex sexaginta militibus constat, cui præerat uexillarius, plerunque centurio, aut ordinis ductor. Manipulus leuis ex uiginti militibus & turba scutatorū fit, Persis ex uigintiquatuor: militesq; manipulares appellati. Huic etiam centurio præerat, quē manipularē uocitarunt. Manipulos uerò quindecim suis interuallis distinctos, in pri-



ma acie uelut fortissimū robur plerūq; Imperatores lo-  
 carunt: Lewisq; manipulus dictus, q̄ hastus miles ga-  
 sisq; non armis grauioribus muniretur. Turma quasi  
 terma, triginta equites, hoc est tres decurias, & decu-  
 riones tres uetusto more recipit, qui honore prastāt &  
 ordine. Ex tribus enim cēturijs, Ramnensi, Titienſi &  
 Luceri, (quas à prima origine ad belli pacisque munia  
 Romulus instituerat) triginta equites singulis conscri-  
 bis turmis scribere solitus fuit, ex q; ea lectiōne turma  
 constituta. Sed turma ex equitibus, centuria fit ex pe-  
 ditibus. Has quoq; Tribus ueteres nūcuparūt: & qui  
 his præsunt, Tribuni uocati. Primpilus ex tribus ue-  
 xillis cōstat, qui centurionē habet, cui primipili nomē,  
 qui ordine primus erat: siquidem centurio primus, &  
 primipilus, ac primi ordinis ductor, idē fuit: postquā  
 ductor populariū in Romanis castris saepe meruit &  
 ordines duxit. Vexillum ex centiū octoginta tribus ho-  
 minibus fit. Horum primum triarios habet ueteranos,  
 & summae uirtutis milites: secundum rorarios, fidutiae  
 paulo minoris: tertium uerō accensos, qui minimi ro-  
 boris, uel in fronte locati, primos congressus excipie-  
 bant: uel in postremam aciem reūciebantur. Cohors a-  
 lia milliaria: ea mille quingentos pedites, equites uerō  
 centum trigintaduos habet. Cuius generis cohortes, q̄  
 ex lecto milite cōstabant, ad subdita belli, quo lapsam  
 aciem repararent, seruare soliti sunt. Aliae quingenta-  
 riae, quas ex quingentis quinquaginta peditibus, equi-  
 tibus uerō sexaginta sex plerūq; describere. Ex qui-  
 bus nonnullae consulares, aliae pratoriae, aliae urbanae,  
 multae legionariae, pleraq; auxiliares dictae. Cuius ge-  
 neris cohortes numero decē, iustam efficiunt legionem.

Tametsi cohortes quinquagenarias apud Latinos, Samnites & Hernicos, & apud Camertes sexcentorum militum quandoque descriptas legamus, quas in centurias, centurias uerò in contubernia nonnunquam duces diuisere, ut decem militibus uno tabernaculo degentibus præesset unus, qui contubernij caput foret, ipsaque cohabitatio Contubernium dicta. Cyrus tamen contubernia pro numero centurionum diuisisse fertur, singulisque tabernaculis centum milites cohabitare iussisse, qui uno conuictu uiuerent, & sub eodem centurione militarent. Lycurgus uerò ad maximos conatus turmam quadratam ex quinquaginta equitibus fecit, quam *ἑκαμύριον* uocitauit: qui etiam equites ac pedites in sex tribus diuisit, quarum quilibet tribunum militum, & quatuor præfectos manipulares habuit, quinquagenarios octo, duces turmarum sedecim. Ex quibus tribubus aliquando tres, nonnunquam sex turmae pro necessitate constituebantur. Inter ceteras fuit Sparta cohors Pitaneia, præcipui roboris, quæ ultimo discrimini, & ad extremos casus seruabatur. Et tametsi centuria, decuria, turma, cohortes, equitatus, pro uoluntate, proque arbitrio saepe aucta & imminuta, nonnunquam duplicata fuerint: idem tamen nominis, quanuis mutato militum numero, sortita fuere. Legio autem non uno semper eodemque ex numero fit: sed pro robore, proque militari multitudine, modò maior ampliòrque, modò exilior esse consuevit: sæpiùsque numero & genere uariauit. Romulo primum regnante, Legio ex peditum tribus millibus, equitibus uerò trecentis fieri capta est: quàm, quòd ex lectis militibus confecerat, Legionè appellari

appellari maluit. Aucta mox ciuitate aduentu Sabi-  
 norum, & crescente imperio, sex millium peditum, e-  
 quitum sexcentorum legiones fieri captum, Plutar-  
 chus author est: cuius testimonio amplissimo mouerer,  
 nisi quod à C. Mario primum, cum aduersus Cimbro-  
 moliretur arma, sex millium & ducentorum pedi-  
 tum, equitum uerò trecentorum descriptas fuisse, T.  
 Liuius memorat. Scipio deinde, cui Aphricano fuit co-  
 gnomen, cum in Aphricam traïceret, duas Cannensis  
 exercitus legiones ita suppleuit, ut singula sex millia  
 & ducentos pedites, trecentos haberent equites: sæ-  
 piusque in describendis legionibus uariatum fuit, ut  
 modò quatuor millium peditum, equitum uerò trecen-  
 torum legiones fierent: modò quinque millia peditum,  
 equites trecenti, in singulas essent legiones. Quibus Ro-  
 mani duces ob uarios euentus nomina indidere. Siqui-  
 dem C. Casar Martiam & Alaudam præcipuas nun-  
 cupauit, Decimam maximo in honore habuit: reliquis  
 uero à numero dixit. Nero ad Caspias portas ductu-  
 rus, sex millium militum legionem fecit, quam Phalan-  
 gè magni Alexædri appellauit. Otho præcipuæ legio-  
 ni, Auxiliatricis nomē dedit: Vitellius, Rapacis: Var-  
 ro uni, Vernaculæ: Pōpeius, Gemellæ, quòd ex duabus  
 unam effecerat: Hadrianus Mineruiam, alij Primige-  
 niam, nonnulli Classicam, plerique Italicam, Septimā,  
 Galbianam, Geminam, Vindemissam: alij Claudianā  
 uocitarunt: Valerianus Felicem, Samnites Linteatam.  
 Græcis uerò Hipparchia ala fertur præcipua, quæ ex  
 quingentis duodecim cōstabat equitibus, & alia Age-  
 ma: Macedonibus Etherica. Apud Romanos Scribo-  
 niana & Singulariū: Antiochus Gemeam, mille equi-

tum alam uocitauit. Inter quas alas Campanorum ex quingentis ferè equitibus multum anteisse fertur. Illud planè constat, ueteres Romanorum perraro, & nisi cōtra maximos conatus plus quatuor legionū exercitus scripssisse. Atque in iusta legione centurias sexaginta, manipulos triginta, cohortes decem ponere consueuissse. Quodque iure militari præter descriptos singulis legionibus milites, qui Romani uel Latini nominis erant, semper auxiliares ex socijs ciuitatibus finitimis, aut externis, peregrinæ iuuentutis sub disciplina & cultu Romano, & auctum uoluntarijs agmen iungi consueuere. In quo id seruatum est, ne unquam amplior numerus auxiliariorum ex peregrinis copijs, quàm ciuium foret: tametsi à prima origine Romani semper suo milite, nullo externo adiuti militarint. Quodque singulis quatuor legionibus, tribuni militum seni ac deni præfecti, centuriones, decuriones, & legati præesse consueuere. Est quoque illud animaduertere, lege militari sancitū, ut miles subsit centurioni, centurio tribuno, tribunus præfecto castrorū, præfectus legato, legatus consulis pareat imperio. Consul autē & magister equitū, sicut reliqui magistratus, dictatoris iussui & potestati subest. Claudius uerò Cæsar militiā ita ordinauit, ut post cohortē, alā: post alā, tribunatū legionis daret: quā militare institutionē à Lacedæmonijs fluxisse crediderim, à quibus reliqua Græcia armorū duces, uelut rei militaris expertissimos, petebat: quibus in more fuit, per gradus maiores duces, minoribus præesse: & ne turbatis imperijs cōfunderetur, munia distincta mandare multis. Nam cum rex apud eos summū gerat imperiū, post regem suere duces: proxima dignitate tribuni,



dui, post tribunos centuriones, deinceps decani. Ita ut cum gerendarum rerum cura & procuratio multis incumberet, in exercitu uix quispiam mediocri prudētia uir, sine honore aut imperio foret.

Ex quibus causis Dictator apud Romanos olim, & quare fieri consuevit. Cap. VI.

DICTATOREM, à quo prouocare non licebat, quemq; summum Romæ imperium tenuisse certū est, non modò laborante repub. & trepidis in rebus, cum aut de communi libertate ageretur, metusque de summa rerum esset, quod ultimū erat consiliū: sed ex uarijs euentis, diuersisq; rerum causis creari solitū accepimus. Nam & clauī figendi, & senatus legendi, aut magistratus coercendi causa, nonnunquam questionibus exercendis, plerunque comitijs habendis, sicut res tempusque postulabant, etiam florente republica & procul à belli tumultu, creatum fuisse liquet. Constat enim ciuitate morbo laborante, cum uis pestilentia & insanabilis perniciēs, tabēsque ciuitatis ita per omnium capita peruagata esset, ut nec ope diuina, nec humanis consilijs leuari posset, quotidieque uarijs morbis corpora affecta caderent: ex seniorum memoria repetitum, pestilentiam quondam fixo à dictatore clauo decessisse. Ideo C. Genutio, & L. Aemilio Mamercō cōsulibus, & saepe aliās, cum graui morbo ciuitas affecta esset, senatus L. Manliū Imperiosum dictatorem clauī figendi causa dici iussit: qui dictator dictus, clauū paxit, isq; clauus dextro lateri ædis Iouis opt. maximi in capitolio fixus fuit. Post quem cum Romæ de ueneficijs quærerent, & aliquot matronæ damna-

re forent, eaque res prodigij haberetur loco: ut mentes alienata sui compotes fierent, simili memoria ex annalibus repetita, clavi figendi causa dictator creatus Cneus Quintilius fuit, qui fixo item clauo, cum eo periculo ciuium mentes sui compotes fecisset, discordesque animos conciliasset, dictatura se abdicauit. Eos autem clauos fuisse aeneos, notasque numeri annorum quibus tunc tempora designabant, habuisse, idque à Vulsinis emanasse ferunt, quibus in usu erat, clauos indices numeri annorum habere fixos in templo Nurtiae Hetruscae deae. Comitiorum uero causa, si quando neuter consul bello abesse poterat, uel morbo, aut alia necessitate comitijs praesse nequirent, senatum absentibus consulis dictatoris, qui comitijs praesset, dicere censuisse, saepe compertum est. Dicebat enim consul dictatorem comitiorum causa in castris, uel ubi terrarum erat, cum ipse à bello auocari commodo reipublicae non posset. Quaestionibus quoque exercendis creari dictatorem, argumento est, quod Sp. Melio imperium populi Romani affectante, cum nullius imperio magistratus cogi posset, senatus ut nefarios ipsius conatus reprimeret, utque clandestinas insidias à capite & ceruicibus dimoueret, dictatorem creari exacta aetate Q. Cincinnatum uoluit: qui re explorata, sumpto de reo supplicio, dictatura se abdicauit. Et cum occultas principum coniurationes, conciliaque clandestina, Capuae fieri percrebuisset, senatum quaestiones ueri inquirendi causa decreuisse, dictatoremque quaestionibus exercendis dici censuisse multi adnotarunt. Nec me praeterit, legendi quoque senatus cum patres in demortuorum loco suffici, ordinemque senatorium suppleri opus foret, ut  
esset

esset qui nouos legeret senatores, quiq; senatum sufficeret, plerunque dictatorem fuisse. Quo tempore illud euenit, ut duo simul dictatores, quod nunquam antea factum, crearentur, Marcus scilicet Iunius, qui castris dictator tunc praeerat, & M. Fabius Buteo, qui ordinem senatorum, eo quod multi bello ceciderant, sufficeret, legeretq;. Quanquam & feriarum causa, cum tetra prodigia nunciarentur, proptereaq; feriae indicendae forent, ut esset qui ferias indiceret, quiq; ludis Romanis, aut quadrigis mittendis praesset. Nonnunquam ut illorum contumaciam cohiberet, qui functis honoribus, magistratu abire uel senatus dicto parere nollent: Interdum qui flaminem proderet, dictatorem fuisse legimus: qui quidem magistratus non Romae tantum, sed & Albae, & Lauini, & in toto ferè Latio summus erat. Id quoque non praetereundum, quod siue belli gerendi, siue cuiusuis muneris exequendi causa dictator dictus foret, nisi uirum consularem, quiq; consulatum antea gessisset, & nocte silente, atque in agro Romano (is autè Italia terminabatur) dici licuisse: nec ultra sex menses ante Syllam dictaturae munus quempiam exercuisse praeter Furium Camillum: cui iam exacto semestri, cum cõsternata republica laborarent ancipiti metu, ne tumultus urbani fieret, nèue urbe relicta Romani Veios migrarèt, senatus in annu dictaturam inuito prorogauit: atq; hic Camillus fuit, qui uindex maiestatis Romanae, dictatura quinquies, triumpho quater potitus est. Cõsulatũ uerò nunq̃ attingit, tametsi lege ueteri de dictatore creando primũ lata, id sanctum fuerit, ut nisi consulares uiri, quiq; consulatum antea gessissent, nulli dictatores haberètur aut fierèt.

Locus ex Terentij Phormione elucidatus, & uetus senatus-consultum à Græcis ad Romanos deductū. Cap. VII.

LEGEBAMVS aliquando, dum pueri essemus, Terentij Phormionē, ubi adolescens filius, uirginis amore perditus, mentitus se proximū genere puellā absente patre, uxore duxerat, lege coactus. Demū reuersus pater, seruū, cuius suāsu nuptias cōfecerat, q̄ indotatā duxisset atq; ignobile, iurgijs afficiebat, qui leui mercede inhonestas nuptias effugere, & filium ab ignominia redimere potuisset: hoc erat si dotem uirgini dedisset, ut dote contenta, aliū puella uirū quæreretur, filium uerò dimitteret: aut si pecunia deesset, mutuam sumeret uel fœnore. Cui seruus in hæc uerba respondit: Hui dixti pulchrē, siquidē quisquā crederet, Te uiuo. Quid sibi uellet, quod uiuo patre, neminem filio crediturum pecuniam seruus respōdebat, non satis tunc acceperamus. Sed cū post aliquot dies in eandē lectionem, ut fit, incideremus, animaduertimus uetus olim senatusconsultū fuisse, quod primum à Solone ueteri lege sancitum, inde ad nostros deductum fuisse arbitror, quo

- » cautum fuit, Patre uiuente, filio qui sub patris iure est,
- » credi pecuniam non licere: & qui credidisset, petitiō-
- » nem non habere: ne filius familias ære nexus alieno,
- » ut creditum redderet, uel necem patri machinaretur,
- » aut aliunde eam inhonestius quæreretur. Sed cum ipsius senatusconsulti uerba non haberemus, incidimus forte ad id temporis cum hæc dictaui, in pluscula legum commentaria, quæ ex naufragio erepta, nauta qui spiā Romam aduexerat: ea cum emendi studio inspicere-
- » mus, illud ipsum senatusconsultum, quod diu impensa
- » opera quæsieramus, casu inuenimus. Verba uerò ex eo

senatus-



senatusconsulto hæc sunt: Placere ne cui qui filio familias mutuam pecuniâ dedisset, etiam post mortem parentis, cuius in potestate fuisset, actio petitioque daretur. Ut scirent, qui pessimo exemplo fœnerarent, nullius posse filij familias bonū nomen, inde expectata patris sui morte, fieri, & infra. Cū enim fœneratores magna licentia pro arbitrio fœnerarent, cautum fuit, primo duodecim tabulis de modo credendi, ne quis plus unciario fœnore fœneraret: mox tribunitia rogatione ad semiuncias fœnus redactum, deinde ad semissem, postea ad trientem: demū L. Genutius tribunus plebis tulit ad populum, ne ullo modo fœnerari liceret. Post aliquod uerò tempus, Sulpitius trib. plebis, ut credendi modum præfiniret, legem tulit, ne quis ordinis senatorij, ultra duo millia drachmarum æs alienum conflaret: qui postea decedens, cōtra legem à se latam, trecentas myriadas æris alieni conflasse inuentus est. Diuus deinde Cæsar etiam certum modū credendi præfiniuit. Tiberius uerò ut fœnus tolleretur omnino, disposito per mensas millies sextertio, cauit ut singulis facultas creditum accipiendi fieret in trienniū sine usuris, si debitor in duplum populo cauisset. Postremo pluribus plebiscitis, non modò fœnus, sed uetita uersura fuit, cautumq; perpetuo senatusconsulto, ne filiofamilias credere liceret. Causam ferunt fuisse, quòd Calius Plotius fœnerator T. Veturium nexum & additum, ob reliquum fœnoris non redditi, stuprare uoluit, & uerbere affecit. Sicut de Papyrio traditur, qui Publiū nexum ad libidinē perlicere coactus fuit, quæ causa traditur fuisse, ut nexi soluerentur, nèue in posterum quisquam neceretur. in qua quidem re, adnotare

succurrit, apud iurecōsultos reliquatores dici, qui integrum *as* alienū cum fœnore nō exoluissent, sed partem *aris* alieni & fœnoris deberent. fuitq; Athenis magistratus cui Zeteta nomen, apud quem si quis integrū *as* debitum nō soluisset, cōueniri lege poterat. Indis uerò & Germanis fœnus ignotum fuit, & pleræq; gentes odio illud inexpiabili prosequutæ, adeò ut cum furem dupli, fœneratorē quadrupli damnarent: feruntque Aegyptios & Athenienses, cum hæc contagio mali latius serperet, pluribus decretis cauisse, ne ob fœnus corpora adiudicari uel addici possent, nèue super corporibus fœnerari fas foret, nec citra debitoris facultatem scire, quæ lex Sisachthia & Chreocopia dicta: adeò ut Lycurgus è tota Sparta fœnus & usuras exterminasse dicatur. cumq; omnis Aegyptus esset obruta fœnore, fuit lege sancitū, ut ita demum mutuam pecuniam accipere liceret, si cadauer patris fœneratori daretur pignori, penes quem esset potestas paterni sepulchri debitoris oppignorati. Inter ceteros. fertur Agis Atheniēsium dux adeò fœnus exosum habuisse, ut omnium fœneratorū tabulas igne supposito in foro concremarit, quo igne nullum clarius lumen uidisse Agesilaus dixit. laudaturq; Antoninus Pius & Alexander Seuerus, quòd Romæ fœnus trientarium constituerint, cum nonnullos fœnoris causa agro paterno auitoq; exutos cōperissent: semissem uerò induxerint, & abrogarint. Lucullus quoq; adeò fœneratorum licentiam cohibuit, ut omnem Asiam fœnore demersam liberarit: Sicut Cato qui in fœnore coercendo asperior & durior, ex tota Sicilia fœneratores exegit, illamq; are alieno obrutam, in pristinum decus restituit. Hoc quidem

quidem senatusconsultum iam longo abusu obliteratum, diuus Claudius fœneratorũ licentiam coercens, ne filijs familias pecuniam fœnori darent, se uero edito seruari mandauit. Diuus deinde Vespasianus cum censuram ageret, saluti parentum & liberorum consulens, illud denuò ex longo intervallo reuocauit. Non ergo inscitè seruus ille respondebat, neminem fore, qui uiuo patre, filio pecuniam crederet, cuius petitionem actionemque lege & senatusconsulto non haberet.

Spero te amaturum fore, uel amandum fore, ueterum authoritatibus Latine dici licere, contra opinionem quorundam grammaticorum.

Cap. VIII.

COMMENTATIVNCVLAS suas non inuenustas adolescens quispiam ingenio & lingua præstabili, dum posteritati & gloriæ seruit, apud nonnullos eiusdem disciplina uiros lectitabat, non equidem, ut uidebatur, laudis indipiscenda gratia, sed ut graui illorum iudicio subnixus, liberius consultiusque, si quod in eis delictum, si quòd uemendum esset, castigaret, eorumque explorata sententia, nonnulla in uulgus emittebat, multa uel tollebat è medio, uel corripiebat. Aderat inibi familiaris meus quispiam, honesti ordinis, Latine eloquentiæ & ueterum literarũ non ignarus, qui cetera quidem minimè uisus aspernari, uno uerbo se offensum dicebat, quod in posterum nihil in eum scripturum fore, ille dixerat. Minus Latine (inquit) dictũ est, scripturũ fore, sed aptius cõuenientiusque dicendum fuit, scripturum esse. Siquidem uerbum fore, cum tempus quod futurum est designet, cum participio in rus, uel in dus, quod pariter futurum tempus designat, minimè conuenire, perindeque haberi ac si dicas, scripturũ

futurum esse: quæ oratio, ut probè nosti, nihil habet gratiæ uel dignitatis. Quoq; minus dubites, inquit ille, hoc senserunt multi eruditi: quorû sententiam, iudiciûmque minimè aspernaberis. Statimq; ad nos attulit observationes grammatici hominis non incuriosi, in quibus ad hanc sententiam scriptum, definitumq; inuenimus: Fore cum uim participij habeat, cum nomine, non cum participio iungi oportere, ne duo simul participia confundantur. Itaq; dicendû, spero te amatorem fore, uel amaturum esse: non autem amaturum fore, uel amandum fore: uenturum esse, non uenturû fore. Et ita dici scribiq; oportere maximè cõtendebat. Quod cum legissemus, tenuit nos admiratio istius doctõris equidẽ diserti & tamen inconsiderati, qui præcipiti ductus sententia, tam asseueratè contendere auderet, id quod longè secus à doctissimis sæpe usurpatum meminèramus. Siquidem T. Liuius facundissimus author, secundi Punici belli octauo, & acturum se, inquit, per populum apertè fore, si senatus aduersaretur. Et alibi, libenter facturos fore, ut ludi maximi fierent. Et rursus, eò quoq; mittendos fore legatos, dixit. Et septimo de Macedonico, sub pellibus habendos milites fore. Q. Curtius, senescendum fore tantum terrarum uel sine imperio obeunti. Quibus adstipulatur Plinius naturalis historiae secundo, quid fore putandum est, inquitens? & pluribus exemplis quibus omnis historia referta est, quæ trita & peruulgata in quæstione minimè dubia referre non necesse habeo. Præterq; ueterum auctoritates, rationes adduci possent, quibus ita dici conuenire facile contenderim, ex arbitrato eruditissimi uiri. Cum enim substantiuum olim uerbum fuerit suo, atq;

eius



eius infinitiū fore, fuisse, futurum esse, &c. eiusdē-  
que uerbi nonnulla tempora retinuerimus, adeo ut fo-  
rem antiquum, & essem recentius dicamus: quis pro-  
hibet etiam fore atq; esse, simul custodiri, perindeque  
amaturum fore dici, quod amaturū esse? Sed cum nos  
authoritatibus ueterum inniti debeamus, quibus hæc  
comperta fuere, quæ pro ratione sunt, frustra in re con-  
fessa & explorata, rationem & adminicula non ne-  
cessaria inquirimus. Si qui tamen sunt ita Latina lin-  
gua curiosi, aut animo tam agresti & duro, quibus  
ueterū authoritas nō satis sit, poterūt ab his qui istius-  
modi res cōquisitiū indagantur, quibusq; ista conse-  
ctari cura fuit, hæc atq; his similia perscrutari.

Pleraque ueterum Romanorum cognomenta, quibus de causis  
indita & denominata fuerint. Cap. IX.

VERVM profectō est, id quod à multis traditur,  
ueteres illos nō infimæ plebis homines, quorū bona for-  
tiq; opera populus Romanus usus fuit, ex re rustica, in  
qua multū diūq; uersati fuerant, clari nominis cogno-  
menta sumpsisse. Ex qua re coniectari licet, fortes illos  
atq; acri ingenio uiros, quicquid à reipublicæ muneribus  
ocū & laxamenti habebant, id plerunq; in exer-  
cendis agris & colendis frugibus ponere consueuisse.  
Neq; semētes terræ iacere, neq; uites amputare, aut a-  
gros stercoreare, uel irrigare fastidio unquā duxisse: quæ  
nunc probro ducimus, dedecoriq; & turpitudini da-  
mus. Eiusmodi fuisse Pisones, q̃ in pinsendo frumēto lō  
go usu fuerāt exerciti, uel à pīso legumine: hi enim Cal-  
phurniorū prosapia à Numa originē duxisse ferūtur.  
Cicerones & Lentuli, alteri ob ciceres, alteri ob len-  
tes eximiē cultas, generosum familiæ nomen inuenere.

Fabios quoq; à satione fabarū sunt qui autument denominatos: tametsi ab Hercule prognatos, & ab fovea dictos nonnulli ferant. Sicut Antoniorū familia, quæ Romæ imperitavit, Antonem Herculis prognatū, authorem stirpis nuncupat. Lactucini, q̃ lactucas colerent: & Hortensij, quod hortorū studio tenerentur. Stoloni quoque à pampinatione & cura arborū, quod curarent ne frutices quos stolones uocant, ad caudices arborum nascerentur, nobilia cognomenta inuenere. Ex qua familia Licinius ille Stolo, primus de plebe cōsul, quia filium emācipando fraudem legi fecerat, qua uetabatur ultra quingenta agri iugera possidere, sua lege damnatus est. Pilumnos, q̃ pilum conterendo frumento, idoneum commenti sunt, dictos accepimus: & Serranos, q̃ agros sererent, uel q̃ serenti fuerat delatus honos. Cuius familiae propriū erat, fœminas nullo tēpore linea ueste uti: sicut Cethegis, distincto amictu & exerto brachio incedere: & Flaminj, nisi sacrorū causa è sua domo ignem efferri. Suilli uerò, Bubulci, Bupecij, Caprarij, & Porcij, Quinj quoque, Caprij, Equitij, & Tauri, à pecudibus & armentis cognomenta familiae tulere: ex quibus claros illustresq; uiros militiae domiq; multos fuisse fama uulgauit. Rursus ex corporis uitio, aut membri iactura magis q̃ honestamento, plures dicti cognominatiq; sunt, quos recensere & breui perstringere, de quibus meminisse potuimus, non pigebit. Strabones, Pæti & Caci, ex oculorum uitio cognomenta inuenère: tametsi pætos habere oculos laudi plerūq; datum sit. Sunt enim ad lasciuiam proniores, sicut Licinj & Limi: alteri q̃ paruis ocellis nasceretur: alteri, q̃ limis oculis intuerentur.

Horatio

Horatio illi qui Thuscorum copias detinuit solus, quòd alterũ in bello amisit oculũ, Coclitis nomen fuit: quan-  
 uis q̃ esset unoculus, Cyclopem, mox lapsa cõsuetudi-  
 ne, pro Cyclope, Coclitem appellatum ferant. A simis  
 uerò naribus uel repandis, Silos & Simos: à superfi-  
 lijs, Silones: à labiorum magnitudine, Chilones & La-  
 beones: à naso, Nasones: ab auribus mobilibus, Clac-  
 cos: à capite Capitones, à fronte Frontones, dictos acce-  
 pimus: sicut à colore, Burros, Nigros, Ruffos, Aquilios  
 & Rutilios. Dixere autẽ Silos, naribus sursum uersus  
 repandis: Silones uerò, qui præminenti supercilio fo-  
 rent: Galbas quoq; à colore galbulæ auis credũt deno-  
 minari. Est enim passeris genus luteis pennis, tametsi à  
 galbeo indumẽto aliqui dictos asseuerent. Et Lappas,  
 ab inculto capite: & Suras, à surarum neruositate: &  
 Halas, à fædo oris halitu: Cossosq; quòd rugosi corpo-  
 ris forent. Sunt enim uermes seu teredines, quos in ue-  
 tustis lignis cum cariem cõtrahere, genitos inspicimus.  
 Sicut Aenobarbos ab æris simillimo capillo, multos di-  
 ctos uolunt. C. Mutius uir clarus genere factisq; cum  
 Porfennam gladio impeteret, q̃ scribam pro rege ob-  
 truncarat, à clade dextræ manus, quam sibi ad ignem  
 deflagrauit, Scauolæ nomen tulit. Inde cognomentum  
 Scauolæ multis Romæ factum est. Scaum enim græcè  
 læuum designauit. Plautos etiam & Plotos, quòd su-  
 pra modum pedibus planis essent. Plancis uerò & Pan-  
 sis, à uola pedum pariter id nominis fuit: cuius familia  
 numeratur Numatius Plācus uir pratorius & cõsula-  
 ris, qui sub disciplina Ciceronis euasit orator summus.  
 Sic Valgi, Vari, Vatia, Vatiniũ & Scauri, q̃ uarias ha-  
 berent suras, aut crura pedum intorta, uel q̃ talis præ-

minentioribus forent. In Scauris enim adnumerantur præcipuæ nobilitatis uiri: quorum familiam in Scauro Mamerco, qui maiestatis reus causam dixit, extinctâ fuisse uolunt. Ex Metellis uni q̄ frontem uitta ligatus ambulare, Vittato: alteri q̄ funebres ludos & uisceratione sine mora exoluendos curauit, Celeri nomē datum: tertius, q̄ à Furio tribuno, patris reditū exorauit, Pius cognominatus est. Falconū, quod pollices pedum introrsus curuatos, falconis instar haberēt. Et Sedigiti, q̄ senis plerunq; digitis: & Tuditani, quod malleo simili capite nascerentur, cognomen gentilitiæ stirpis inuenere. Tudites enim mallei, à tundendo dicti sunt. Sic Malici & Bronci, alteri q̄ magnis malis & buccis tumidioribus essent: alteri, q̄ ore sine labijs nascerentur. Capellas quoque, à capillorū hirsutie dictos uolūt. Et Cenestellas, à caluitie: Columellas, à proceritate: Aruinas, à pinguedine: Nasicas, ab adunco naso: & Mammulas quasi papillosos, ab ipsa re denominatos ferunt. Lecce quoq; inexhausta libido, & obscænus amor, gentilitiū nomē dedit. Quinetiā ex uarijs fortunæ casibus multos clara nomina sumpsisse inuenimus. Valerio tribuno militū, cū ad singulare certamen à Gallo prouocatus descendisset, q̄ pugnantem in galea coruus insedisset, Coruini nomē factū. Et T. Mālius, q̄ præualidū hostem cominus trucidasset, induuiasq; hosti torquē detraxisset, Torquati nomē assumpsit. Druso quoque à duce Druso pugna singulari uicto, clarū familiae nomē datū. Rursus Buteones dicti, q̄ authori familiae, cum classi præfectus à portu solueret, Buteo auis felici omine insedit, quo augurio insignē de hoste uictoriam tulit. Ea enim triorches, q̄ treis habeat testes, nūcupatur.



tur. Et Lanatos quòd eo uestis genere utebantur, quæ  
 ἡλῶνας dicta. Quorū M. Popilius Lanus princeps fa-  
 milie fuit, qui cōsul & flamen, cum lanam indutus, sa-  
 crū faceret, orto patrū & plebis tumultu, ut erat ami-  
 ctus, in forum processit, magnificaq; oratione seditionē  
 cōpressit, & rixam sedauit. Liuius Salinatori, q; in cen-  
 sura ex salaria annona nouum uestigal statuisset, sal  
 cognomentū dedit. Ex Sabinis uerò Claudios, ab au-  
 thore Appio Clauso gentis principe, qui cum multitu-  
 dine clientum Romam cōmigravit, deductos ferūt: ex  
 qua familia multi insignes nobilitate & honoribus,  
 cōtra furores tribunitios, pro patribus perpetui defen-  
 sores extitere. Huius generis Appius Caudex cogno-  
 mento fuit, q; primus classem extra Italiā duxerat, &  
 nauali prælio pugnare docuerat. Dixere autem cau-  
 dicem, lignorū aceruū cōpactū & conglutinātū,  
 unde & codices. Ea autem Appiorum familia ab Ap-  
 pij corona, quam L. Appius in Achaia ludis Næmeis  
 meruit, originem duxisse fertur, cui postea Neronis di-  
 xere nomen, quod Sabina lingua fortē designauit &  
 strenuum: ex qua nonnulli patritij, alij plebeij: plebeia  
 Marcellorum, patritia uerò Pulchrorum fuit. Aurelios  
 quoque ex Sabinis, quòd publice his Romæ locus da-  
 tus foret, ubi soli sacra facerent, à Sole nuncupatos  
 ferunt, proque Aufelij Aurelij dicti, sicut Valesij,  
 Fusij, & Papsij quondam, nunc Valerij, Furij, &  
 Papyrij, R primum litera inuenta. Is enim Claudius  
 Centinianus, seu Centimanus fuit, qui librum in iure  
 ciuili cōscripsit, & primus R literam Latinis dedit. Pa-  
 pyrius, à pedum pernicitate, qua uictor omnium sua  
 ætatis æqualium fuit, Cursoris nomen accepit: alteri,

ob loquendi tacendiq; in etate prae-textata prudentiâ,  
 Prætextati nomen datū. Præter hos Cati, qui & Cor-  
 culi, quòd usu & sapientia præstarent: nam catum Sa-  
 bini acutum dixere. Et Curiones à curis, quibus maci-  
 lentiores erāt, denominati sunt. Ex qua gēte tres præ-  
 cipui oratores, lumen totius senatus atq; imperij fuere.  
 Dentatos quoq; , quòd solido osse uice dentium arma-  
 rentur, dictos putant. quomodo Prusia regis Bithy-  
 niæ filius fuisse fertur. Quanquā pleriq; aliter sentiāt,  
 authorem scilicet gentis, cum primum in lucem editus  
 fuit, dente nato prodijisse: sicut de M. Curio, & M. Car-  
 bone traditur. Rursus Clodij & Cluentij à Cloante,  
 & Memmij à Mnesteo, à Sergesto autem Sergij, sicut à  
 Naute Nautij, & Geganij à Gia, Troianis ducibus, qui  
 Aeneæ comites post euersum Ilium huc applicuēre, il-  
 lis progenitoribus gloriantur. fuitq; proprium Nau-  
 tiorum familiæ, ut sacerdotes Palladis fierent, & sacra  
 tractarent, quòd princeps familiæ palladium Romam  
 attulisse ferebatur. Sic Manilios à Manilia Thelego-  
 nij filia, quam Thufculi genuit, & Cæcilius à Cæculo  
 Præneste conditore. Et Lamios à Lamo, qui Formijs im-  
 perauit, & Calphurnios à Calpho Numa regis filio,  
 oriundos ferūt. Quatuor enim Numa filios genuit, qui  
 omnes honestarum familiarum nomina dedere: Cal-  
 phum, ex quo Calphurnios: Pomponem, unde Pompo-  
 nios: à Pino autē Pinarios, & ex Mamercus Mamercos  
 fluxisse putant. Calphurniorū familiam illustrasse  
 dicitur L. Calphurnius Piso Frugi, qui tribunus ple-  
 bis, repetundarū legem tulit primus, & promulgauit.  
 Aemylia gens, Mamercum pythagoreum authorē suæ  
 stirpis nuncupat: cui propter eximiam humanitatem,  
 quòdque

quoddamque animo esset æquissimo, cognomen Aemylios inditum ferunt, sicut à lepore Lepidi, & Cicurij mansueti appellati. Scipio Nasica, à maioribus naribus, & ob morum temperantiam Corculum. Contra uero Trebonius, quod esset ingenio impotens, & moribus difficilimus, Asper dictus est. Sic Cotta ab ira & oris toruitate, quod acres forent & uehementes: & Insani, quod natura intractabiles: atque Massa, quasi fures, & Lamia, quasi uoraces, cognomina inuenere. Fabius uero Maximus ex morum clementia, & quod nihil illo esset placidius, Ouicula: idem, quod Hannibalem mora fregit, Cunctatoris, & à Verruca in labijs, Verrucosi nomen accepit. Est enim uerruca, præminens caro seu tuberculum. Alter, quoniam sordida intemperantia foret, & profusa largitione patrimoniū prodederat, Gurgitis. Sicut Nepotes, qui attritis facultatibus uino, alea & scortis, patrimonium exhaustere, appellati. Tertius, quod salutis adem pinxit, Pictoris. Alius Ambustus, cuius filia Licinio Stolori nupserrat. Ex qua familia, quod nulli contigit, uno uelut tenore tres principes senatus fuere, Fabius scilicet Ambustus, Rutilianus, & Gurgis, præcellenti ingenio uiri. Is autem Ambustus, quod adolescens ictus fulmine deflagrauit: idemque Pullus, postea Rullus nominatur. Fuit quoque Fabius cognomento Venox, qui censor cum Appio Claudio, ob inquisitas aquæ uenas, Venocis nomen accepit. Et alter Rutilianus, cui primum ob uirtutem Maximi cognomen datum, qui magister equitum à Papyrio dictatore penè securi percussus est. Duos enim Maximos populus Romanus præcipue cognominauit, Valerium, qui plebem patribus conciliauit, & hunc

Rutilianum : post quem Pompeius , astipulante Sylla , Magni nomen accepit. Nec me præterit, Cæsones, quod cæso matris utero in lucem prodissent, sicut Cæsares, q̄ est Iuliorum familiae cognomentū , uel quod cum cæsarie nascerentur , seu quod auus C. Cæsaris elephantem occiderat, qui punica lingua Cæsar dicitur, nomina inuenisse : cuius familiae proprium dicunt fuisse, ut sacra Apollinis curæ habeant, eiusque ministri fiant. Iulos uerò , à prima barbæ lanugine plerique dictos autumant : ἰῶλον enim Græci primam in mento dixere lanuginem: & Agrippas, quod contra nascentium legem, pedibus prius ex utero emersis, nati essent, quasi ægrè partos nuncupari, quod omen infelicitatis fuit: sicut qui ex utero haud magno negotio & proniori partu effusus foret, felix augurium affert. Et Vopiscos, cum ex gemellis nno defuncto, alter superuiveret : & Proculos, qui foris agente patre: ac Posthumos, qui post patris obitum nati essent: & Cordum, qui sera & postremus: atq; Opiter, qui patre mortuo, auo uiuo editi forent, dictos existimarunt. Cornelius qui Scipionum nomen propagauit, quod patrem lumine orbum, pro baculo regeret, uelut hastili nixum, Scipio fuit appellatus: & Cincinnatus, quod esset capillo incōpto: & Roscius, quod exactæ uirtutis & cōsummatissimus foret. Cum enim Roscius Gallus histrio nulli secundus, supra omnem memoriā absolutissimè mimum ageret, sicut Pollus apud Græcos, si quem uirtute præcipuum & artibus præcellentem uidebant, Roscium, hoc est, mira & perfectæ probitatis nuncupabant. Sic Piso, q̄ in omni re commodus foret, utilis & fructuosus, Frugi est cognominatus. Scrofae uerò & Asinae unde sint cognomenta,



cognomenta, uulgo proditum est: siquidem alter cum uades daret, a sinam onustam auro in forum duxit: alter supposita uxore puerpera, quam depeculatus fuerat, scrofam se nō habere mentitus fuit: seu quod Varro tradit, qui primus genti nomen propagauit, cum quaestor in Macedonia relictus foret in castris, hostēsque impressionem facerent, palam uociferatus est, celeriter se illos ut scrofa porcos disiecturum, quod & fecit: unde nomen assequi meruit. Proditumque memoriae est, Cornelium Rufum, quod ex praescripto librorum Sibyllinorum ludos fecerat, Sibyllam primo, mox annis intercedentibus, Syllam appellatum, posteris nomen propagasse. Et militem, quod fronte coronatus, militaria gessit facinora, Erōticiū nomen dedisse. Sed iam longius euecti sumus, quā statueramus. Itaque ne longius legentes fatigemus, neue pluribus moremur studiosos, de his hactenus dixisse satis sit. Hoc quoque nō fuerit ab re meminisse, pleraque cognomenta Romanis ex piscibus fuisse indita. Nam Murenas & Oratas, uel quod piscium eius generis uiuaria quā amplissima haberent magno sc̄nore, uel quod eo edulio praecipuo uescerentur, plerique dictos uolunt. Tametsi Murenā à neruoso corpore, sicut Neruā à fortitudine multi denominari dicant. Fēmināsque Romanas duo tantū nomina ferre, mares uerō tria, saepius quatuor, praenomen, cognomen, agnomen & nomen, idque nobilitatem generis monstrare: quodque rarerer mulieres praenominibus utebantur, mares uerō frequentissime. Nanque cognomen, & agnomen mulieri nō datur. Quod nobis, cum frequenti lectione id obseruamus, ita esse propemodum uisum fuit.

Quare partus ancilla, cuius usus fructus legatus fuit, in fructu non sit, cum reliquorū animalū contra fuerit. Cap. X.

INTER contentiones forenses quondam summa dissensio fuit, An partus ancillæ, in qua usus fructus legatus est, in fructu sit habendus, ita ut in eo sicut in ancilla usus fructus maneat. Vetus quæstio fuit inter consultiſſimos viros P. Scauolam & M. Maniliū, à quibus Brutus summæ authoritatis uir, qui inter iurisperitos multum longeq; præstitit, & M. Cicero iure meritoq; dissentit. Verba Ciceronis de finibus bonorū primo, si recensere ea quis uellet, ascripsi: An partus ancillæ sit in in fructu habendus, differetur inter principes ciuitatis P. Scauolam & M. Maniliū: ab hisq; M. Brutus dissentiet, quod & acutū genus est, & ad usus ciuium nō inutile: nosq; ea, eorumq; scripta, reliquaq; eiusdē generis, & legimus libenter, & legemus: hæc quæ uitā continēt omnē, negligētur? Hactenus Cicero. Manilius & Scauola, in fructu ancillæ partū esse dixere, ea de causa, quod sicut in cæteris animantibus, quæ in manu mancipioq; sunt, illorum foetus in fructu est. Siquidem pecudū legato usufructu, soboles ex pecudibus postea natis suffecta, perinde accedit legato & in fructu habetur, ac si unā cum pecore legata fuisset. Ita ancillæ legato usufructu, pari exēplo partum ancillæ in fructu esse uoluere, pluresq; iurecōsulti in hanc sententiā concessere, à quibus tamen Brutus grauis author in primis, certioribus argumentis dissentire haud immerito uisus fuit: cuius sententia postea obtinuit. Non enim sicut in sobole pecudis pecus enatum, nexu obligatur, & in fructu est, ita ancillæ partum in fructu esse aut in ius dictionemq; uenire censuit. Quippe  
pecore

pecore legato, ipsum pecus & sobolem tanquam pari nexu obligatam accedere, & in fructu esse consentiunt omnes. Sed in fructu hominis, homo, inquit, esse non potest, permagnique interesse an pecus ex pecore, uel homo ex serua nascantur. Cum enim ex serua natus, sui potens non sit, nec alieni iuris aut dictionis fiat, sed in seruitio & famulatu domino ita addictus, ut sine domini iussu permissuue in ius alterius uenire, aut mancipio, nexuue obligari non possit, ideo ancillæ partus, in ius ministeriumque usufructuarij non uenit, sed uelut mancipium domino addicitur. Quod in pecore enato secus dici conuenit. Siquidem pecus enatum, cum in manu & fructu sit, unà cum pecore legato tanquam adiectum perinde manet, ac si unà legatum esset. Aptissimè commodissimèque Brutus, magno ut fuit ingenio, ab homine pecus seiunxit: sed sicut hoc peracri iudicio non ineptè ab altero discreuit, & diuersum arbitratus fuit: ita causam ego tam uariæ decisionis, à ueteribus iureconsultis libenter quæserim. Cur area usufructu legato, si in ea insula erecta foret, ea postea demolita, in eademmet area mihi usumfructum manere Paulus & Vlpianus censuerunt, non autem econtrà: nanque ædium usufructu legato, illis demolitis, licet altera suffectæ sint, in eis tamen mihi nullum manere usumfructum, constans omnium opinio fuit. Et tametsi rationis huius dijudicanda non prompta animaduersio foret, constitit tamen grande discrimen subesse, q̃ demolitis ædibus, solum & area quæ prius fuit, manet, in qua mihi ususfructus incolumis & certus est: ædibus uerò demolitis, quanuis alteris inibi suffectis, non easdem censerì conuenit.

Ideo cum aliæ non eadem dicantur, usum fructū propterea non deberi, iure meritōque putarunt.

Miracula de somnijs apud nonnullos cognita & comper-  
ta, & quæ ipse expertus fui. Cap. XI.

IUNIANVS Maius conterraneus meus, uir bene literatus, in exquirēdis, adnotandisq; uerborum & sententiarum uiribus, multi studiū fuit: & præterquam quod in erudiendis iuuentulorū animis, imbuedisq; doctrina pueris castigatissimæ disciplinæ: somniorum quoq; omnis generis ita uerus cōiector fuit, ut ipsius responsa diuina ferè monita haberentur. Ad eum memini cum puer adhuc essem, & ad capiendum ingenij cultum frequens apud eum uentitare, quotidie somniantium turbam, hominēque celebri fama & multi nominis, de somnijs consultum uenisse. Declarabat definiebātque ille, non breuiter aut subobscurè, ut plerique, sed expositè atque apertè enigmata somniorum, siue boni, siue mali prænuncia: ita apertè, ut iudicium factum à ueridico diceres. Multi quoque illius monitu, uitæ interitum, nonnunquam animi ægritudines uitarunt. Sed quod illi, interprete Iuniano, assequebātur, animaduerti quosdam haud quaquam summæ nobilitatis, sed homines tenuissimos & sortis infimæ, absque ullo interprete assequutos, & somnio tantum præmonitos, imminentem cladem aut futurū exitium, & pleraque incommoda uitasse. Verissimæque, qualia futura uiderant, somnia extitisse: quod genus Græci *ὄρα*, hoc est, uisionem dicunt. Nuper in Vesuino meo familiaris meus quispiam fuit, homo aliqui exiguæ sortis, obscurus & egens, sed tamen spectata



Etate fidei & exempli recti, qui ouium greges custodire solitus, cum esset grauior annis, & ualetudine non bona, eam curam unico quem habebat filio delegerat. Accidit, dum procul à stabulo ipse & filius sub paruulo lare noctu decubarent, ouem quandam à lupo circunuentam, sibi in somnijs obuersari, illiusque dentibus opprimi & lacerari uisam: quo somnio expergesfactus senior, filium qui unà decubabat, excitauit, utque ad gregem properè accederet, acclamauit: nanque ouem, cuius etiam nomen referebat, à lupo circunuentam dilaniari dixit. Qui cum illuc excitatus pergeret, eandem, quam pater prædixerat ouem, à lupo lacerari atque opprimi inuenit, uerissimumque, & quale pater prædixerat, in somniū expertus fuit. Matrona insignis, multi & celebrati nominis, dum Neapoli degerè, referre mihi solita est, quācunq; in somnis imaginē uidisset, eandē sibi postera luce representari: Eaque magnæ admirationi apud reliquas matronas fuit, quòd sæpius quàm sibi die euētura erant, somnio monita, futura prædiceret. Sed præ omnibus quæ nota uerim, res est memoria & admiratione digna, quam ego nuper expertus sum, & re probaui. Iacebat in lectulo Marius alumnus & cliens meus, cuius ego ingenium & animi indolem sæpe demiratus sum. Is cū per quietem matrem defunctam efferri, & funus apparari uidisset, grauissimos gemitus & lugubres querelas, quāuis somnio cōfusus edebat: quē cū excitari iussissem, & causam tam luctuosi gemitus requisissem, retulit matrem uita functā, sibi per quietē uisam efferri, & funerari. Obseruaui ego diē, & tempus, quo species hæc obuersata fuerat, notaui. Haud multo post nūcius de-

functæ matris ad me uenit: à quo cum diem requisissem, conuenit, ipso die quo mater per quietē efferrī uisa fuit, illam ē uita excessisse. Quibus exemplis admonemur, ut esse præscita quiescētis animi, & diuinationes, humanaq; mētis præsagiū, quasi uaticiniū futuro-rū diuinitus mortalibus datū per somnia, credamus.

*Quæ forma castrorum, qualisque disciplina olim fuit, & quot porte in Romanis castris esse cōsuevere. Cap. XII.*

QVIBVS castrametandi scientia, & idonea castris loca eligendi, nota & perspecta cognitio fuit, cuius rei gloria Pyrrho Epirotæ præcipua fuisse traditur: quiq; militaris disciplinæ præcepta diligenter exequuti sunt, hoc annotasse literis accepimus, ut pro loci qualitate, ubi castra metanda forent, proque angustia & laxitudine, aut militari multitudine, ita se duces castris capiendis insinuent. Sed neq; eadem figura & habitu, neque eisdē in locis semper castrametari oportere, rectē arbitrati sunt: Siquidē modò quadrata, modò trigona, plerunque rotunda, ex disciplina Lycurgi, qui ita castrametari docuit: nonnunquam lunata, & hemicycla castra habere: interdum planis & patentibus campis, nunc arduis & accliuīs in locis, plerunque demissa ualle, nūc in colle edito, & summo iugo castra communire: Nonnunquam terræ situ difficili, & impedito saxis præruptissimis loco munito, ut si qua maior uis ingruat, milites in tuto sint: & sicut loci natura tempusque patitur, castra & munitiones extendere: ut opportuna aquatio, ne siti & lassitudine conficiantur: ut lignorum, ut pabuli copia sit: ne commeatu, ne ue re frumentaria prohibeantur, haud paruum munimentum

mentum esse putauere. Præcipue cauendum, ne collis aut iugum immineat, unde prospectus castrorum, & subita incurfio fiat, nèue sylua densa, aut latens fossa, uel sinus occulti iaceât, unde latebræ hostium, & insidia parari, aut tacito speculatu pericula oriri possint. Portæ quoque castrorum, ut pro amplitudine, pauciores potius, quàm plures cõstruantur, esse cum facilius, tum etiam utiliùs, idque percommodum fuisse & salutare. Tamen si in Romanis castris multiplices aliquãdo portas nonnulli exemplis adnotarint: quod ideo seruatum est, ne quid eruptionem subitam in hostes demoretur, utque omnibus portis effusus equitatus, uno impetu in hostes diuersi irrumpant. Sed tamen ubi amplissima erunt castra, & quanuis latè fusa, ibi quatuor ad summum portas constitui conuenire: minora uerò & angusta, duabus contenta esse debere, omnes ferme consentiunt: Quarũ sicut nomina distincta, ita dissimilia fuere munia. Prima enim prætorialis, quæ & quæstoria dicta est: siquidẽ in Romanis castris, & prætorii ducis, & quæstorii fuit, prout prætor, aut quæstor castris & legionibus præerat: quæ uel orientem solem spectare, uel è conspectu hostium dirigi consuevit. Quod eo fit, ut si quando ad arma cõclamatum foret, sine tumultu extra castra contrahi multitudo, & explicari ordines, signaq; educi possint. Etenim ubi acie decernendum erat, illinc cohortes educi, & copię ad-moueri solebant. Vbi etiam militum stadio composita, instructaque ad subitos conatus esse debebat, cui etiã Principali nomen datum. Altera à tergo castrorũ Decumana, eo quod ampla & patens: ex qua desertores, & facinorosi, in quos iure militari animaduertendũ

erat, educuntur, & pœnis coercentur. Tertia principalis, ex qua principes, & summi duces uelut ex postico, si quando usui foret, opem suis laborantibus ferre, ordines tendere, & milites educere consueverant. Via quoque quæ ad portum ferebat, Principalis dicta est. Quarta post prætorium, Quintana dicitur: quippe per eam commeatus in castra conuehi, & rerum utensilium copia uenalis exponi: inde etiam merces ad usum militaris multitudinis, quæque bello usui forent, importari & exportari solita. Hoc quoque inter exempla relatum est, quod & Fabius Maximus, & plerique Imperatores præcipiebant, exercitum itineribus, & locorum mutatione crebro fatigari, potius quam uno in loco in castris sedere, esse cum tutius, tum ad disciplinam militarem nobilius. Id quod Cyrus apud Xenophontem nouimus factitasse. Quauis nonnulli castrorum crebram mutationem præ se ferre turpem fugam, & exercitus alienationem, duxere. Fuitque præcepto militari obseruatum, ut uigiliarum uices tubæ in castris per interualla significant. Et si quando hostes in conspectu sint, pro portis castrorum singula stationes & expeditæ cohortes, dispositis excubijs, instratis equis frenatisque, pro uallo excubent, ut omnia militari custodia uigilijsque tuta firmaque sint, ne paratis insidijs, & omni aditu præsepto, nudata custodijs stationibusque castra, hostes adoriantur, & nec opinantes inuadant, cadibusque & rapinis pateant. Paulus uerò Aemilius, ut attentius custodiæ contra somnum repugnarent, nocturnas uigilias sine armis fieri, & inermes milites uigilare iussit: quod multi postea duces exequi magno studio curauerunt. Tametsi  
ueteri



ueteri exemplo, stationes uigiliaeque, diurna nocturnaue munia ab armatis in castris fierent: ita ut ferant militem, quia uallum non accinctus gladio, & alium, quia pugione tantum accinctus foderet, capite luisse. Arma enim ueteres membra militum duxere. Ferturque Epaminundas, cum custodias stationesque circuiret, ut disciplinam exemplis stabiliret, sopitum militem gladio transfixisse, asserens quod qualem inuenerat, talem reliquerat. Augustus quoque manipulares milites statione deserta, & centuriones morte multauit. Caius uero Caesar, ut ad subitos conatus disposita praesidia haberet, duas saepe legiones pro castris excubare iussit. Utque in disponendis castris, tendentium ordines, & descripta suis quaeque partibus loca, ac iusta itinerum interualla distincta sint: utque tribuni militum in principibus iura dent, indeque milites signum petant, ac in stationes & uigilias eant: etiam ut in praetorio imperatoris tabernaculum, quod augustale dicitur, tendant, ibique pro tribunali sedere, classicumque apud eos cani, quotiesque dimicandum foret, pugna signum ab his tribuni petere debeant. Cyri uero tabernaculum apud Xenophontem hyeme pariter atque aestu orientem uersus, aut in castrorum medio, quod locus munissimus foret, statui consuevit. Ea enim regio summis ducibus dabatur. Alexandri Magni tabernaculum statuae circuncingebant: in quo traditur mirum, cum ad Oxum amnem statueretur, fontem manantis olei scaturisse. Philippus autem pro uallo castrorum, nonnunquam in conspecto maximè tumultu, tabernaculum fixit: quae quidem ex corio & pellibus, modò ex saccis aut cilicijs pilis contextis construebantur.

Numida ex calamo & stramento. Nomades centonũ  
 instar tectoria intexebant, multi ex tabulis & crati-  
 bus: fuitque more nouitio seruatum, ut in principijs ca-  
 strorum, aut iuxta tabernaculum ducis, templum uel  
 adiculam simili exemplo milites construant, intra quã  
 signa & aquilam uenerarentur & seruarent: unde  
 cum opus esset, extra castra educi possent. Illud quoque  
 notatum, per exploratores centurionẽsque, Romanos  
 duces prius explorato & præuiso, locum castris ante  
 capere consueſſe: quotiẽsque motis castris loca mutan-  
 da forent, militari more uasa prius cõclamari, & col-  
 ligi: utque itineri sarcinas aptent, admoneri: ne quid  
 ignari imprudentẽsque præpropera festinatione præ-  
 termittant. Vallumq; castrorum ex cespite aggesta hu-  
 mo, aut mole & aggere contra fluminum impetus: nõ-  
 nunquam ducta ingenti fossa, uel lapidum congestus  
 molibus: plerunque arboribus obiectis, prout materia  
 suppetebat, à tyronibus, præfecti castrorum iussu, com-  
 muniri. Quæ quidem fossa per sepe fuit duodecim pe-  
 dum, & si detur occasio, latitudine quàm amplissima,  
 ne quis illam & munitiones transcenderet. Vallum ue-  
 rò tantæ crassitudinis, quòd nullo telo, nullòque tormẽ-  
 to traũci possit. Quæ quidem munimenta siquando ho-  
 stis propinquus foret, firmis stationibus dispositis, ut  
 armati inermes & operi intentos tuerentur, fieri sole-  
 bant. Germani tamẽ & Gallorum pleraque gens, pro  
 uallo dispositos habebant currus mutuo nexu. Roma-  
 ni in magno discrimine, nouo munimenti genere, cli-  
 tellas & coniectas sarcinas pro aggere opposuere. Cæ-  
 sar ad Mundam, cum materia deficeret, castrorum ho-  
 stium factis aggeribus & humanorum corporũ strue  
 castra

castra uallauit. Nicias uerò dum ad Syracusas sedet, cū esset pro uallo pugnandum, incendio machinarū, quibus castra uallauerat, hostiū uim propulsauit. Quòdque in castris Romanis postquam uallo fossaq; communita sunt, equo insidentem militem, nisi cum acie dimicandum foret, haud facile perspectum esse: neque longius à tubæ auditu, nisi imperatoris aut tribuni iussu, militi extra munimenta abire licuisse: qui contrà fecerat, in eum militaris animaduersionis erat. Idque ideo cautum, ne uagi milites solutiore cura obambulantes, in hostili solo temere progressi, cadibus essent et periculis obnoxij. Quòdque mulieres in castris interesse, aut cum militibus turpi consuetudine uersari nō decebat. Mulieres enim castra sequi apud maiores magnæ turpitudinis erat, et seuerissimæ animaduersionis. Quare Scipio Aemilianus maximus Imperator, et qui imperatorias artes callebat, bello Numantino collapsam militiæ disciplinā, et dissolutū morē in omne genus licentiæ, eiectis multis millibus scortorū, restituisse fertur, ad opusque milites traduxisse, stantisque prandere coegisse, et cocti nihil uesci. Metellus in Aphrica lasciuientem exercitū, et prauis moribus institutū, correpta castrorū disciplina, emendauit. Alexander quoque Macedo, depulsis pistoribus et cocis, ad prandia, itinera nocturna: ad cœnam, cibi uinique parcitatem se habere dixit. Quibus disciplinis imbuti milites, in fide et officio mansere, sapissimèque fuisse perspectum, quod in quibus locis hostes castra metati fuerant, inibi Romani exercitus, eadē castra operibus septa habere, tunc præcipuè, quum hostium uestigijs inherendo, illos haud facile assequi poterāt. Quod ne fieret, salu-

bri consilio prouisum fuit, ut abituri milites, uetera tabernacula & munitiones incendant, ne quando illa hostium receptus forent. Erat quoque uetus constitutum, ut quoties duo simul consules prætoreſue contra hostes, duos consulares exercitus, multasque legiones ducerent: quo facilius tanta multitudini præessent, diuisa castra, copias & præsidia haberet, & munia belli partirentur, ne confusa imperia & decreta ambigua forent. Quod æuo succedente, à Domitiano uetitum fuit. is enim geminari legionum castra prohibuit, sub unius imperio & unius castris, satius regi milites arbitratus. Horum castrorum formam in locis compluribus etiam nunc extare, ualli; & fossarum altitudines, & egregias munitiones firmo munimento relictas, nos recentissima memoria uidisse, & singulas portas adnotasse, quæ species illius ueteris instituti, magnum nobis documentum fuit, libenter meminimus.

Quot cognominibus Fortuna Dea apud Romanos cognominata, & quibus templis donata fuerit. Cap. XIII.

INTER numina pleraque quæ ueteres habuere, olim à Romanis Fortunam eximie cultam, scriptum in antiquitatibus & traditum est: Id; ex eo coniectari licet, quod plures illi ades fuisse, ac diuersis nominibus deam denominari, uulgo proditum est. Primus enim Ancus Martius Fortunam uirili cognomento dedicauit: ut uero plures certioresque, Seruius Tullius Paruæ Fortunæ adem consecrauit primus. In qua ade signum sua prætexta ornatum dedicasse, & longo tempore mansisse incorruptum, authores tradunt. Causam fuisse crediderim, quod tenuis ipse & parui cultus, ut tum



res erant, quodque ex captiua natus, *Fortuna* beneficio regnum assequutus foret, propterea templo illam sacrasse, proque dea coluisse, tanquam gratiam meriti ferret: quam quidem ita cumulatisime retulit, ut non una ade illam recepisse, aut consecrasse satis fuerit: Si quidem regnum assequutus, *Fortis Fortuna*, *Primigenia* & *Mascula*, mox *Prospera* & *Virilis Fortuna* templa eundem crexisse, fama uulgauit. Quod quidem *Fortis Fortuna* templum, extra pomariū fuisse in hortis à diuo *Casare* populo legatis iuxta *Tyberim*, mox *Tiberij* tempore dicatum: *Primigenia* uerò in colle *Quirinali* authores memorant: quam adem *Domitius* prætor urbanus postea dedicauit, licet alterā *Primigenia* adiculam *Publius Sempronius* consul secundo *Punico* bello uouisse, & uoti reus dedicasse feratur. Extatque ueterum monumentis, eundem *Seruiū*, *Primigeniam* & *Obsequentem Fortunam* in *Capitolio* sacrasse, illamque præcipua religione coluisse. *Prospera* uerò in foro *boario* fuit: *Virilis* autem *Fortuna* templum extra urbem ad *Tyberis* ripam, in quod mulieres, quæ dabantur nuptui, frequentes uentitabant, & corpore inuelato singula membra, ne quo morbo, uitiq; affecta forent, aut labe aliqua tenerentur, detegebant. Aucto postea imperio, cum de *Veientibus* *Caruilius* cōsul triumphasset, arisq; grauis trecenta nonaginta millia in *arariū* detulisset, de reliquo quod ex manubijs & omni præda exactū fuit, *Fortis Fortuna* adē, prope illam quæ à *Seruo Tullio* dicata fuerat, faciendam locasse, *T. Liuius* author est. Cuius dies annua octauo calēdas *Iulias* celebratur: quo tēpo *re* *Hasdrubal* perijt, & *Masinissa* *Siphacē* bello uicit.

Muliebris uerò Fortuna phanum Latina uia, quarto ab urbe miliario, in quo loco Coriolanus matris precibus siue imperio adactus, ab urbis excidio temperauit. Romæ cōsecratum dedicatumq; haud ferme quisquam est qui ignoret: cuius simulacrum non semel humanam emisisse uocem ferunt. Fuisse quoque Viscatæ Fortuna templum, quòd eius illecebris multi capiuntur, denominatæ: quinetiam Equestris, iuxta lapideum theatrum, ad quod Q. Fuluius Flaccus ex Lacinia Iononis templo marmoreas tegulas detulit: quæ mox ob religionē eodem relata fuere. Ac Bonæ, Reduci, Euelpidi, & Atropheæ, nec non Conuertenti, Beneſperanti, Propriæ, Virgini, & Seyæ Fortuna templa, non uno tempore cōstructa, multi asseuerant. Tametsi Equestris Fortuna ædem Romæ nullam fuisse aliqui contendāt, nisi apud Antium. Hanc ædem Fortuna Seyæ, à Seruio Tullio antea erectam ex phengite lapide, mirifico opere Nero princeps instaurauit, ita ut foribus opertis, diurna ibi lux uideretur: in qua Seruij Tullij simulacrum tecto uultu toga superiniecta, diu mansisse dicitur, quasi ut lateret Fortuna dedecus, quòd seruatus imperitaret. Conuertens autem Fortuna, quòd homines ludificatur, quodq; per omnia humana agit, ac paruis momentis magnas facit mutationes, in eodemq; uestigio nunquā diu stat, dicta denominataque est, quæ à Græcis τῆς Εὐεργεσίας, quasi æstuās dicta. Legitur quoq; Fortuna Calua, quam sub tecto nominare, religio non sinit: & Fortuna Respiciens, cuius ædes iuxta templum Iouis Victoris erat: & Fors Fortuna, quæ ædem trās Tyberim habuit: & Fortuna Propria, cuius delubrum in Palatio est. & ad portam Collinam fuisse

fuisse tres Fortunas, de quarū nominibus ambigitur: eadem quoq; Bonæ Fortunæ intra portā Carmentalem, & Malæ Fortunæ in Exquilys, ubi sacellū Lariū fuit, sub idem tempus dedicatas inuenimus. Hanc, quæ intra portam Carmentalem sita erat, quandoq; incendio absumptam, triumuiro reficiendis adibus à solo collapsam refecere: illam uerò quæ in Exquilys, nō ut opem ferret, sed ne obesset, sicut Febris phanum & pleraque numina Romani persanctè coluere. Eius uerò simulacrum manu altera cum cornu copiæ, altera gubernaculum geminum uersans effingebatur. Nonnulli habitu fœmineo furenti similē, cecam & exoculatā super uolubile saxū effinxere, quòd nullo delectu opes ad malos & indignos conferat, quodq; uaga, inconstans, & instabilis foret. Quare Apelles Fortunā sedentem effinxisse dicitur, eò q̄ nunquā staret: sed quos fouisset indulgēter, mox de gradu deiceret. Aliqui sine pedibus illam exculpere, sed manus & pennas tantum adhibere: ut si manus porrigeret, pennas comprehendere non sineret. Bupalus uerò Fortunæ simulacrum fecisse dicitur primus, polum habens in capite, & altera manu cornu Amaltheæ. Alij uitream, quòd puncto temporis frangitur, statuere Fortunā. Cuius simulacrum ex auro fabrefactū uelut sacratissimū in cubiculo Imperatoris poni, & post obitum in successoris tabernaculū transferri, Spartianus memorat. Fuitq; obseruatum, illos qui Fortunam religiose colerent, magnis sæpe incrementis auctos: qui uerò minimo cultu, aut despectui habuissent, pluribus incōmodis fuisse dehonestatos. Propterea Timotheus Cononis filius, quòd Fortunæ successus sibi adscriberet, neque illi ut par erat, gratiam

ferret, licet magnus Imperator, de gradu deiectus, & infelici pugna uictus, atque in exilium actus fuit. Galba quoque, qui Fortunam Thusculanam torque fraudarat, illumq; Capitolinae Veneri dedicarat, in somnis Fortuna queri uisa est, quod se promisso fraudasset, breui se quoq; erepturam quod dederat, interminata est, quod mox fuit sua morte subsequutum. Sed quod de Mala Fortuna & Febri, idem de Postuerta & Prosa, quarum Romae duae arae fuere, ac de Væioue, Timore & Pallore, atque Auerrunco & Robigo dijs, dictum accepimus. Siquidem huiusmodi numina, ne quid obessent, neue aliquid afferrent incommodi, Romani persanctè habuere, quos canes & oues placabant. Fuit enim Væiouis aedes inter Capitolium & arcem inter duos lucos. Febris uerò phanum triplex: unum in capite uici longi, alterum in palatio, tertium iuxta Mariana monumenta, cuius adhuc extare uestigia plerique asserunt. Quae numina à Graecis originē duxisse crediderim: quippe Athenienses Contumeliae & Impudicitiae aras sacrarunt, ut à contumelijs & probris auerteret. Lacedaemonij, Morti & Timori, atque alijs affectibus templa dicarunt. Misericordiae quoq; Pudori, Famae & Appetitioni Athenis uisuntur arae. Romani Vitulinam deam, quae latitiae praesesset, magno cultu semper habuere. Etiam Paupertatis & Senectae apud Gades sacella ostenduntur. Et Oethei Herculem Conopium, ne provinciam infestam culicibus redderet, uenerati sunt. Nam culices Oethei conopas uocant. Sicut de Apolline Culi-ciario proditum est, qui in Attica colebatur, quod infestos culices ex agris propulsaret: & Hippothonus Iupiter apud Erythraeos, & Erythibius Apollo apud Rhodios



dios habentur maximi: erythibam enim Rhodij rubiginem dicunt. Bæotij quoq; Apollini Pornopioni sacra facere dicuntur, ne muribus provinciâ redderet obnoxiam. Apud eos enim mus, pornopios nuncupatur. Et tametsi Fortuna præcipuum numen Romæ fuerit, non minus tamen apud alios culta celebratâque est. Nam Ferentano in oppido, & in Algido, atque Anti, Equestris Fortuna templum, & alterum Præneste satis vetustum, & multa religione inclytum uisebatur, ubi sub imagine duarum sororum colebatur, ex quo consulentibus certa edi oracula putabant: ubi sortes primum à Numerio Suffio sitas fuisse, fama fert, sicut Lycia fons sortes antiquissimis characteribus, quibus futura prænoscentur, emittere traditur. In Eubœa quoque Rhamnis urbs fuit, in qua Fortuna templum habebatur maximū, & multis caeremoniis sacrum. Præ cæteris autem Syri Fortunam impensius coluisse feruntur, cuius simulacrum ad Orontem summo ingenio & arte, ut Pausanias ait, à Sicyonio Eutrychide effictum erat: sicut Athenis in Prytænio simulacrum ἀρχαῖος τύχης, supra omnium seculorum memoriam in signo colebatur.

Quoties opima spolia, caesis hostium ducibus, Roma relata fuerint, & quoties Iani templum clausum sit, aliâque scitu non indigna.

Cap. XLIII.

OPIMA spolia, quæ regibus ducibusq; hostium caesis, Ioui Feretrio in Capitolium ferebantur, tersolum à Romanis ducibus, qui fortem strenuamque operam reipublicæ nauarunt, delata fuisse comperimus. Prima Romulus urbis author & parens, de Acrone Ceninensem duce, post raptas Sabinas detulisse fertur, quo tempore Iouis Feretrj templum dicauit. Fue-

re enim Ceninenses ex Sabinis, Latio propinqui, qui unà cum Crustuminiis & Antemnatis ob raptarum contumeliam, contra Romanos primi sumpserunt arma. Iouis uero Feretrii templum fuit in uertice Capitolini montis, exiguum sane & angustum, sed religione sanctum, & propter uetustatem longè primum. Neq; magno post interuallo Cornelius Cossus dux ea tempestate inclytus, secunda detulit spolia de Larte Tolumnio, rege Veientiu, quem acie uicit, & manu confecit. Veientes enim gens Hetrusca fuere, cum quibus & Romanis multiplici bello, & propè assiduis cladibus de imperio saepe dimicatum est. Tertia Claudius Marcellus manu strenuus & bonus Imperator, de Viridomaro Gallorum duce, seu Britomarto apud Clastidiu uicto, opima spolia reportauit. Cum Gallis enim & Romanis ad internecionem, & saepe Marte atrocissimo dissensum est: sed hi Insuæres fuere accolæ Alpium, qui post Senones arma cōtra Romanos tunc & saepe aliàs moliti sunt. Feretrius uerò Iupiter, uel à ferendo, seu feriendo dictus, quasi ut ducem dux feriret, se propicio & iuuante effectū sit. Ex cuius æde, si quando fœdus ferire, aut pacem Feciales inire uellent, sicut ex Capitolina arce uerbenam & gramen cum terra euulsum, ita lituum & lapidem silicem, quo fœdus percuterent, sumere mos erat. Opima uerò, uel ab opibus ut ait Varro, uel ab inuicto opere, cum uictoribus tantum laudis accesserit, nomina sumpserunt: seu quod fidei propius est, opima ampla dici, sicut opimam prædam, & opimum bouem dicimus. Hæc nisi duces, regesq; quorū auspicio res geruntur, suis met corporibus dimicantes, hostium ducibus detraxerint, necemq; & exitium intulerint,

haud

haudquaquam opima dici uoluere. Fuere qui crederent, Ioui Feretrio spolia opima, prima trecētis assibus: secunda Marti, octoginta: tertia Quirino, assibus centum, ex cōmentarijs Numa pramio cōstituto, fuisse cōsecrata. Sed admonuit me huius rei mentio, uenitq; mihi in mentem, id quod ueterum monumentis extat, ter quoq; templum Iani, pacatis undiq; populis, ocioq; & pace cōpositis, quādiu Romana res stetit, clausum fuisse. Ex qua re cōlectari licet, Romanos à gerendis bellis & strepitu armorū, parū ocij & laxamenti habuisse: atq; ideo militari usu assiduo, manu promptos, fortesq; bellatores euasisse. Semel à Numa templum Iani clausum fuit, per id tempus quo Roma regnauit, annis fere triginta & quadraginta: quo tepore Ianū ad insimū Argileti indicem belli pacisq; cōsecrauit, cum populus Ro. tranquillā pacem ageret, & à belli tumultu homines ad deorum cultū, curamq; reuocaret. Iterum post primū Punicum bellū, cum ad Aegades insulas nauali praelio contra Carthaginienses felici uictoria pugnatū est, ab urbe cōdita anno ferè quinquagesimo, icto cum Carthaginiēsis fœdere à Luētatio, M. Attilio & Tito Manlio consulibus. Quo tēpore diutino bello fractis animis, uectigalis & stipēdiaria populo Romano Carthago facta est, sed breui tēpore: tertiò imperante Cesare Augusto, post bellū Aētiacum, Antonio & Cleopatra uictis profligatisq;, pace terra mariq; parta, cum tot dissonas gentes nationesq;, societate & fœdere iunxisset: & à ciuili dissensione, assiduisq; cladibus populus respirasse, & quietis imaginem sumpsisse uisus foret. Qui tamē ter Ianum clausisse dicitur post Aētiacā uictoriam: primo quo tēpore Augustus fuit cōsulatus:

secundò, post Cantabricam: tertio, cum à cunctis orbis partibus res pace cõposuisset. Post quos Nero princeps, & deinde Titus Cæsar, euersa Hierosolyma & bellis cõfectis, Iani templū clausisse ferūtur. Quod quidē templum ad infimū Argilleti, mediū circa forum, cõtra Capitolium fuit, forma quadrata, haud multæ amplitudinis. Siquidē cum Iani simulacrū & aram tecto clausisset, non multū ultra spatij occupauit. Et sicut duplici facie & bifrons effingebatur, sic binis utrinq; foribus munitū erat, ut alteris orientem solem, alteris occidentem prospectaret. Ipsum deinde ad forum transitoriū translatum memorant: captisq; Faleris, quatuor portarum fuisse extructum, q̃ Iani simulacrum cum frontibus quatuor, multo æuo uetustū, ibi erutum fuisse dicerent. Aliud quoq; Iani templū ad forum Olitorium cõspicuum fuit: quod C. Duillius, qui triumphū naualem egit, primus extruxisse fertur. Ad hoc templū, bellum suscepturus cõsul, frequenti senatu, primoribus patrum ac militibus comitatus, accedebat. Ipse incinctus ritu Gabino, solenni more fores templi recludebat. Is uerò amiectus, erat toga super tergū sic reiecta, ut lacinia reuocata hominē cingeret. Qui habitus uestitusq; ex eo sumpsit ortū, quod Gabini cū operarentur sacris, repētino hostiū incurso, ut erant incincti xonis, ab aris ad præliū profecti, insignem de hoste tulere uictoriā. Quod cõpar fuit cū eo, quod de Pausania authores pdunt, qui cū extra militū stationem sacriū faceret, Lydos repente incurrisse, & sacrificij apparatū disieciisse: ipsumq; & comites, ut erāt inermes, loris prosequutos Lydos fugasse: inde institutū mansisse, ut Lacedæmonij in ephēbos flagris desæuirēt. Inde è columella, quæ  
pro



pro Bellone templo sita erat, hastam cōsuli aciebat: sicq; acerrima bella & maxima pro aris focusq;, proq; imperio indicibat. Eius uerò simulacrum cū clauī effingebatur & uirga: dextra, trecenarij: sinistra, sexagenarij quinarij numeri figurā, quot diebus annus terminabatur, manu significans: quippe ueteres gestu manus modò dextra, nūc sinistra, & digitorū depressione; aut circūflexione, sæpe annos denumerarūt. Siquidem digitus minimo proximus complicatus, senarium ostendit numerū: circulare digitos sinistra, modò decē, nunc triginta: palma porrecta, quadraginta: superiore uerò digito depresso, sexaginta significari tradūt: Centenariū uerò numerū de sinistra trāsserri in dextrā: & iisdē digitis quibus in laua, sed nō eundē numerū designari. Aliusq; gestus alios numeros figurauit. Nōnulli Ianū ita effinxere, ut in dextra, T, notā haberet trecen- ta: in sinistra uerò, Z E, sexagintaquinq; denotarēt. Cui etiam duodecim aras (quot mēsibus annus clauderetur) Romæ dicatas, Varro significat: sicut in agro Larisseo iuxta Magnesiā, portus Achiuorū duodecim habuisse aras: & iuxta Iliū Lecti ara duodecim dīs dicata ferebatur. Dionysius tyrānus iunior, ut notā dierū totius anni traderet, in Prytaneo Tarētino fixit candelabrū: in quo tot succēdebātur lychni, quot anni dies erant. Persici quoq; reges, trecētos sexagintaquinq; iuuenes puniceis uelatos amiculis, pro numero dierū totius anni qui lateri astarēt, prōptos & expeditos habuere. Ipse autē cū solēnia exhibētur, in præsatione sacrorū, uarijs nominatur nominibus. Nam & Geminus pater, Lunonius, Cōsuuius, Quirinus, Patutius, & Flu- sius, pro multiplici potestate dicebatur. Cuius in foro

statua triplex fertur fuisse: ad unā cōuenire creditores, ad alterā qui fœnus redderēt, ad tertiā qui locarēt. Sed præter Iani templū, quod pacatis undiq; populis claudabatur, fuit Romuli templū in Quirinali, omni tēpore clausum, quod patefieri nō decebat: quasi arcanū haberi uellent, an humo tectus, an inter diuos relatus fuerit. tametsi Varro post Rostra, Romuli sepulchrū fuisse dicat: quod inter antiquissima urbis monumenta adnumeratur. Ante cuius adem, testāte Plinio, duæ myrti fuere: una patritia, altera plebeia: quæ pro augmento uel dāno senatorij ordinis uel plebei, modò fœcūda redundabant, nūc detrimento languebāt. Apud Heleos Plutonis templū semel annis singulis aperitur, & quāuis patens, nulli ingredi fas erat. Corinthi quoq; Necessitatis & Violentiæ phanū fuisse ferunt, à cuius limine arcentur omnes. Contrā uerò, adem Horæ perpetuò apertam Romani uoluere, illiusq; aditū patere omnibus. Cur autem indicem belli pacisq; Ianum potissimū ferant, uariata memoria est. Sed tametsi in diuersum authores trahant, illa nobis ratio potior & præstabilior uisa, quod cum sub præside Iano temporū ratio uicesq; habeātur, ideoq; & bisfrontem fingi, & tam anni principium, q̄ finem Iano dicari cōuenierit. Sic temporum qualitas siue bellum, siue pax futura esset, sub ipsius præsidio & tutela foret. Apertus, ut omnia hostilia esse, & cuncta bello ardere, uelut contra hostes profecto deo: clausus uerò, tranquilla pace uigere, & ab armorum strepitu procul esse, designaret.

Verbum liberorū & parentū, in edictis Prætorum quos cōprehendat, & an ad omnes in infinitū extendatur. Cap. XV.

IN edicto prætoris de in ius uocando, scriptum est:  
Prætor

Prator ait, parentem, patronū, liberos, parentesq; patroni patronaue, in ius sine permissu meo ne quis uocet. Querebatur apud iuris studiosos, qui tunc animo natio et soluto in foro cōuenerant, cum prator coerceat hoc edicto illos, qui se prius nō adito, parentē aut patronum, parentē sue, aut liberos patroni, in forū uel iudiciū traxerint: num is qui auum paternū, qui supra parentem est, uel qui nepotes patroni, aut pronepotes, qui inferiores sunt, sine permissu pratoris in iudiciū uocarit, pariter in edictum cōmittat, perindeque mulctandus et coercendus pœna sit. Quod est dicere, num parentis nomine, aut liberorum, superiores supra patrem, aut inferiores ultra filios cōprehendātur edicto. Anceps quæstio fuit inter ueteres iurisperitos, et diu in utranq; partem agitata, plerisq; arbitrantibus in cōsularibus edictis, et tribunitijs rogationibus tanquam diuersa dici, liberos, nepotesq;. Multis cōtra opinantibus, maximeq; antiquorum opinionem probantibus, qui censuerunt parentis nomen ad tritauium usque extendi: liberos uerò, ad trinepates: ultra hos posteriores nuncupari: ex ascendentibus uerò, maiores. Nos postea cum in legum cōtrouersijs uersaremur, admodū eleganter in Cassij cōmentarijs, in hanc sententiam scriptū definitumq; inuenimus: Qui legem duodecim tabularum interpretatus, tam in senatuscōsultis q̃ pratorū edictis nomen parentis ad superiores, et liberorum ad inferiores ad utrunq; sexum, et in infinitum extendit. Nec modò liberorū, sed natorū nomen ad idem produci: liberosq; habere nō eum dici solum, qui plures, sed qui unicum habeat filium. In cuius sententiam reliquorū iurisperitorū opiniones postea con-

cessere. Caius tamen Caligula quum nullū rapinis modum faceret, posteros non ultra filios extendi, nequiter cauillatus est. Lampridius uerò in Alexandri uita à uulgi sermone non diuersus: Parentis nomine non superiores modò, sed cognatos affinesque comprehendit censuit. Ex quibus sine controuersia liquet, id de quo uerbis disceptabatur, pari multa afficiendū, qui auū paternum, qui supra parentem est, uel patroni nepotes, qui inferiores sunt, in forum uel iudicium traxerit: quàm qui parentem, aut patronum, uel patroni filios, inconsulto pratore in iudicium uocauerit. ...

Qua & quot curiae Romae fuerint, & uerbum curia sine adiectione nominis, quam curiam designauit. Cap. XVI.

DE AMBVLABAM aliquādo Romae cum Pomponio Lato, uiro literarum & locorum ueterum exquisitissimo. Cumq; antiquitatis studio ruinas urbis & ueterū monumenta quicquid uisendū esset & memorabile, scrutaremur: in ruinis templi Pacis, grandioribus literis extantibus, effractum ibi marbor legimus hac inscriptione: IN CVRIA HOSTILIA. Querebat à me Pöponius, ubinam curiam Hostiliam quondam fuisse crederem. Cumq; me arbitrari apud Rostra Hostiliam curiam fuisse, ibique Tullum Hostilium regem curiam iuxta Rostra construxisse (authore Varrone) respondiissem, Rostra autē in foro esse Romano: siquidem ex rostris nauium Antiatum, suggestum in foro extructum legimus: in quibus clarorum uirorū imagines, qui reipublicae nauarunt operā, pro immortali gloria saepe statui & coli solebant. Fuisseq; duorum generū curias: unum in quo sacerdotes res diuinas, sacra & caeremonias, cultusq; deorum curarēt: alterum



alterum, ubi senatum de rebus publicis, & ad populū pertinentibus cōsulerent. Quid tu, inquit Pomponius, cum simpliciter curiam nulla cognominis adiectione apud authores legimus nominari, de qua intelligi oportere censes? Statuā enim Porſenna accepimus iuxta curiam fuiſſe: ſed de qua intelligi deceat, non ſanē definitū eſt. Nam & Calabram curiam legimus iuxta Capitolium, quæ Caſæ Romuli fuit proxima, quā ſine calatione aperiri non licuiſſe ſcribit Varro. Et ueteres curias, ubi pōtiſices de ſacris ſacerdotiſq; , & religione deorū, deſque caremoniſ conſulebant. Et Pōpeij curiam, in qua ſenatus frequens eſt haberi ſolitus: ibique Iulius Cæſar, idibus Martiſ cōiuratorū manibus oppreſſus, interijt. Et aliam cognomento Pompilianā, nouitia denominatione: & diui Iulij, quæ Iulia dicta eſt: & Auguſti curiā, quam in comitio ipſum cōſecraſſe memorant: in quibus tēpla per augures ne prophana eſſent loca, neue edita ſenatuscōſulta irrita forent, inaugurata fuere. Et Geruſiam, quæ ſeniorū dicta, & Octauia, ſicut Leucadiam ac ſaliorū: ſiquidem ſaliū propriam habuere curiam. Atq; omnes deniq; curias ſuis nominibus notatas, definitasq; uidemus. Sed quia nullo nominis cognomento frequenter curiā apud authores legimus, de qua intelligi conueniat, equidē dubito. Tamen ſi me opinio non fallit, inquit Pomponius, memini Aſconij Pædianū dicere: Roſtra ad comitiū, propē iuncta curiæ fuiſſe: nulla propria denominatione exprimens curiā, licet aliò translata, & noua poſtmodum facta ſit. Ex hoc arbitror, inquit, id quod neceſſario redūdat, cū in Roſtris olim curia Hoſtilia fuerit, ut Varro & authores tradūt: cum ſimplici nomine

curiam absq; cognomento enunciarī uidemus, anteq̃ alio translata foret, de Hostilia, quā ibi legimus fuisse, intelligi oportere. Ad hanc curiam ad dextrā supra comitium græcostasis erat, statio legatorum exterarū gentium & nationū. Ad quam si iniuriā questi uenirent, aut mandata haberent, accedentes præstolabātur, & subsistebāt. Athenis multiplices fuere curiæ, inter quas Cholorgea præcipua nominationis, quod inde Pericles oriundus foret: & Phylaidarum, ex qua Pisistratus, & alia magistratū curia, ubi iura dabant, quod Prytanion dictū est. Megarenses uerò cum eorum curiā, in qua Timaci lectumultus fuit, inter mira & memoranda ducerēt, tanquā quid uisendū & mirificū, propter maximas substructiones, M. Antonio ostendisse dicuntur. Mox sciscitantes quid de illa sentiret, arbitrati miris illam laudibus eius testimonio celebrari, futilem & nullius pensi iudicauit. Cui haud absimile est quod de Chijs proditur: qui cum ex Chio marmore uersicoloribus maculis, urbis muros tanquā quid mirum Ciceroni ostentarent: magis mirum fuisse, si ex Tiburtino marmore illos construxissent, allegauit.

Que fuerint Romanarū tribuum nomina, & unde dicta denominataq; sint: & quæ apud exteros celebrētur. Cap. XV II.

TRIBVS Romanas, quas quinq; & triginta fuisse cōstat, unde dicta, quæque singulis nomina fuerint, quia subobscura quæstio est, nec satis obuia, in Vesuuii meo, dum ruri agerē, indagare uisum fuit. Romulū urbis cōditorem, in tres tribus populū diuidisse. Titiensem à Titio, Ramnensem à Romulo, & Lucerem à Lucumone: singulisq; illarū tribunos præfecisse, & quæque tribum in decem curias partitū esse, illisq; curiones præposuisse,

præposuisse, ita ut triginta essent curiæ, Dionysius au-  
 thore est. Rursus singulas curias in decurias, præfectosq;  
 illarum decuriones dixisse, ut in sua quisq; curia sacra  
 facerët, suamq; aram haberët: ubi Iuno Mensalis, quæ  
 Quiritia dicta est, colebatur: feriasq; obseruaret, ac ex  
 raptarũ nominibus decurijs nomina fuisse, multi asse-  
 uerant. Tullus uerò Hostilius in honoribus & magi-  
 stratibus dandis fecisse dicitur turmas, sicut erāt Athe-  
 nis curiæ, quæ uice tribuum rogarentur. Aucta mox ci-  
 uitate, & latius propagato imperio, tribus simul con-  
 stitutas & numero auctas, ut postremo quinq; & tri-  
 ginta fuerint. Ac ex locis quibus duxere originẽ, aut à  
 cõditoribus, nomina tulisse authores tradũt: ita ut post  
 pugnam cum Latinis ad Regillũ lacum, tunc primũ  
 triginta annũ tribus Romæ factas inueniamus. Ascitis  
 deinde nonis ciuibus, ad quinq; & triginta illas pro-  
 pagasse facile crediderim. Romilia ergo tribus, quæ  
 & Quirinalis dicta, quod à Romulo instituta, ex his  
 quos in ciuitatẽ ascierat ex agro, quẽ de Veientibus  
 cepërat, & ex Sabinis: & Titicis siue Titia, à Tito Ta-  
 tio, dicta nominatæq; sunt. Procedente mox tempore,  
 quũ Tarquinius Priscus tres adũcere tribus ueteribus  
 uellet, augurio detentus est quo minus faceret. A Ser-  
 uio Tullio post classes centuriasq; cõstitutas, Suburba-  
 nam, Palatinã, Exquilinam, Collinã, quas urbanas ap-  
 appellauit, & à parte cæpta urbis nominauit, additas  
 fuisse memorant. In quas manumissos, si rei publicæ Ro-  
 manæ participes esse uellent, ut unã cũ ciuibus cense-  
 rentur, distribuit. In has quatuor urbanas, Quintus  
 Fabius Rullus omnem forensẽ factionem postea ex-  
 cretam, censor coëgit: quod ad eò populo gratũ dicunt

fuisse, ut ex hoc Maximi nomen assequi meruerit. Proditum tamen memoria est, temporibus Syllæ libertinos ex factione Carbonis, & bello sociali Latinos populos in quinque & triginta tribus diuisos, ius suffragii habuisse. Lapsis inde temporibus, cum Cn. Manlius tribunus plebis, homo summa temeritate, perniciosissimas leges ferre uellet, ut libertinis in omnibus tribubus ascribi & suffragari liceret: ita à Cn. Domitio prætoris truci oratione confectus fuit, ut sublata rogatione, turpissimè destiterit. Demum Clodius tribunus plebis, dum infensus animis patritios insectatur, ut libertini qui in tribus solum tribubus suffragia ferebāt, in urbanis quoque, quæ ingenuorum sunt, suffragari possent, legem tulit & promulgauit: quod aliquādiu mansit. Præterque has Urbanas, reliquæ Rusticæ dictæ, à quibus transire ad Urbanas, Romano ciui fuit probro datum. Est tamen literis proditum, Scipionem Nasicam, licet moribus spectatissimum, à rusticis tribubus adilitatis repulsam tulisse, quod candidatus dum obuias manus daret, & suffragia ambiret, rustico opere duratas manus illis obiectaret. Ab Appio uerò Claudio, cum ex Sabinis magna clientum manu Romam commigraret, Claudiam tribum & Lemoniam à pago Lemonio, qui extra Capenam uia Latina fuit, dictas memorant. Sic Pötia, Crustumina, & Scaptia ab oppidis, quorum ciues in urbem asciti fuerant, dictæ nominataeque sunt. Ea enim urbs Scaptia in agro Campano fuit, Crustuminiū in Sabinis. Post uerò incensam à Gallis urbem, cum Camilli opera ciuitas restituta foret, quatuor ex nouis ciuibus, qui in ciuitatem asciti erant, tribus additæ sunt, quas ex locis nominatas facillè crediderim. Hæ fuere Stellatina, Sabatina,



batina, Tromentina, & Armenfis: quas etiã Vrbanas appellari audio. sed hæc Scaptia, & Sabatina, quæ & Fabiana dicta est, peculiares quondam diuo Augusto fuere: atq; ideo cùm in campum descenderent, ne quid à quoquã desiderarent, pluribus ab eo muneribus donata sunt. Armenfis seu Narniensis, ea tribus fuit, in qua cùm Liuius cēfor nomen ferret, Claudius Nero, cū quo censuram frequentē iurgys egit, q̃ non syncera fide secum rediisset in gratiam: eundem Liuiū equum uendere iussit, reddens talionem: quippe Liuius citato nomine Claudij in Pollia tribu, ob ueterem similitudinem prius equum uendere coegerat. Sabatinam uerò, à lacu Sabate nuncupatam uolunt. Papyria quoq; , Pupinia & Pupilla, ex suis progenitoribus uocātur. Quauis Pupinam ab agro Pupino dictam, & non immeritò existimati. Metiam à Metio oppido claro & peruetusto, cuius memoria intermortua est, quidã dici opinati sunt. Hanc Metiam Marcus Liuius Salinator in censura cum ceteras tribus ararias fecisset, quod se ut nocentem condemnassent, & postea consulem censorumq; fecissent, solā multam exemit, & sine noxa reliquit. Phalerinam & Ophentinam, Lucio Flacco & Lucio Plautio cōsulibus additas tribus accepimus. Sed Ophentina ab Ophente fluuio dicta est. Sic Volscinia, Terentina, & Faucia: quarum sicut loca originis ob uetustatem interciderunt, ita nomina originum abolita, memoria oblitterata sunt. Sed Fauciã pluribus claudibus insignem, si quãdo in comitijs prima rogabatur, uelut tristi omine infamem & detestabilē, omnes abominandam putasse, authores memorāt. Constat enim hanc Fauciam tempore capte urbis, quo ad Alliam

fœdè pugnatum est, & Caudina pacis, & ad Cremeram infelicis pugna, quo pericula & terrores respublica perpeffa est maximos, primam rogatam fuisse. Ideo si quando rogabatur prima, tristitiâ & calamitates, exitialeq; omen adferre credita est. Neq; ignoro Mentinam, Polliam, & Galeriam, haud longè pòst additas tribus, cæteris adnumerari: quas ex locis nomina sumpsisse, haud dubiè existimarim. Hæc enim Pollia tribus fuit, quæ cum Flaviâ rogationem de pœna Thusculanis irroganda, quorû consilio defectiones à populo Romano fiebant assiduè, omnes tribus antiquassent, sola uerberandos necandosq; eorumq; bona iure belli publicanda censuit: quod tam ægrè Papyria tribus tulit, ut neminè ex Pollia candidatû, Papyria quæ Thusculanis pronior erat, ad honores euehi passa fuerit. Quo autem tempore lex de ambitu à Caio Petilio lata est, Pomptinam & Publiciâ, mox Anthesin & Velinam adiectas tribus fuisse constat. Hæc enim à Velia edito urbis loco, seu à Velino lacu, cuius incolæ in ciuitatem asciti fuerant, denominata fertur. quanuis Velinâ cum Exquilina in urbem uno tēpore ascitas Liuius tradat. Sed Anthesis iuniorum plerunq; fuit: cuius in dandis nominibus sors prærogatiuæ plurimum ualuit. Præter quas fuere Aniensis, Aemylia, Sergia & Cornelia, ex claris Corneliorum & Aemyliorum familijs ductæ: quorum authores nomina familiarû dando tribubus, ad posteros samâ nominis transmisere. Sed Aniensem, Marco Fulvio Pæto, & Tito Manlio Torquato consilibus tribum ueteribus additam inuenimus. In Aemylia autem, ut Formiani & Fundani: in Cornelia, ut Arpinates nomina ferrent, quandoq; rogatione promulgata

mulgata cautum fuit. Præter quas erat prærogatiua iuniorum & seniorum, quibus Veturia & Galeria nomen. Namq; ex ipsis centurijs, factò iterum delectu ex iunioribus & senioribus, præstantiores ætate & dignitate, in proprias centurias seligebant: quarû in ferendis suffragijs erat prærogatiua & primus honor. Hoc tamen dicere ausim, actores Atellanarû hoc privilegio datos: ne tribu, in qua ascripti erant, à censoribus amouerentur. Sicut Augustus histriones immunes uerberum fecit, & ne flagellis caderentur, edicto inhibuit. Quodq; ex quinq; & triginta tribubus in comitijs si quando rogarentur, quæ plures in eadem sententiam irent, cæteris præualuisse: eamq; tribum, cuius in ferendis suffragijs prærogatiua fauor inclinauit, & quæ primo suffragabatur, cû ipsius authoritatè omnes tribus faciliè sequatur, tantum roboris habuisse, ut pro quo candidato suffragiû tulerit, eum aut ipsis comitijs, aut in proximû annum ad honores prouexerit. Illud quoq; non est ab re dixisse, Athenis decem tribus, quarum suffragijs, pacis belliq; temporibus respublica stetit, à regibus qui imperitarunt, nomina sumpsisse: singulasq; tribus in decem genera distinctas fuisse. Ex quatuor enim tribubus, in qua olim ciuitas diuisa fuit, Clisthenes decem effecit. Namq; à Cecrope, qui primus regnauit, tribus Cecropis dicta, sicut Egis altera, tertia Erichthis, Pandionis, Athamantis, Antiochis, Leontis, (ex qua Themistocles fuit) Oenis, Eantis, Hippocoontis: quibus per subsequentes reges duæ additæ, Antigonis & Demetrias ab Antigono & Demetrio: qui ex suis nominibus, decem ueteribus illas adiecere. Hæc Eantidem ferunt, quum fortiter contra Mardonium &

Persas pugnasset, illosq; turpi fugasset fuga, ab Atheniensibus hoc proprium tulisse, ut soli illius tribules spargiticis nymphis sacrū Victoria faciant quotannis impensa publica. Post quas fuere, Alopecia, Athenonea, Paanica, Decelensis, Specia, Acharnas, Agraleuta, Alimusos (ex qua Thucydides & Lacyas, unde Milciades) mox illis prioribus adiectæ, ex quibus iudices qui iura darent in foro, deligebantur. Eratque constitutum, ut nisi Cypriorum princeps, tribus Atheniensium nemo sorte educeret. Thuriorum quoque urbs in decem pariter tribus diuisa fuit, quas ex gentibus quæ in ciuitatem ascitæ fuerant, denominariūt. Siquidem ex Arcadibus, tres Arcadica: reliquæ uerò, Bæotia, Amphictonida, Dorida, Lyda, Athenaida, Euborida, & Nesytis, nomina tulere. Ferturq; idem Clisthenes tribus Doriensium, ne foret eadem Sicyonijs, quæ Argys, diuersis nominibus notauisse. Nam præter tribum suam, cui Archæ nomen erat, reliquas ludibrio habitas, ex brutis appellauit. Quippe Hyatas, id est, suales, aliquibus Oneatas, hoc est, asinales, reliquis Chæreatas, hoc est, porcales nomina indidit: quibus mox aliud dixere nomen, hoc est, Hyleas, Pamphilos, Diamantes, & Egyleas. Helei uerò, cum duodecim tribus foret, postea bello Arcadico, parte agri amissa, in octo relapsi sunt: rursus restituto agro, eo uenere, ut decem fierent. Traditū quoque est, Corinthios, postquā in unam ciuitatem asciti fuere, in octo tribus distinctos fuisse, quarū nomina prodita nō sunt. Et Pyrenses, inita cum Attalo societate, de noua tribu Attalida decem ueteribus adiicienda conuenisse, quod postea subsequutum est. Sparta uerò Aegida & Pitana præcipua tribus fuere,



fuere, ex qua Menelaus oriūduſ fuit. Sicut apud Boios tribus Sappinia. Persæ autem urbes in quatuor sæpe curias diuisere: unā pueri tenebant, & qui erant ætate imbelli, ad primam usque lanuginem: Alteram adulescentes primo flore ætatis, quibus ad militare munus satis erat uirium & roboris: Tertiam ætate matura uiri: Quartam senio affecti, qui nullo impliciti negotio, militia muneribus uacabant, uitamque ocio exigebant. Hiberos quoque apud Albanos in quatuor genera diuisos comperimus: unum ex optimatibus, ex quibus deliguntur reges: secundū ex sacerdotibus: tertium ex agricolis & militibus: quartū ex plebeis & popularibus. De Megarensibus uerò traditū est, olim in quinque tribus omnem regionē diuisisse, ut distinctio ordinis fieret: ex quibus alij Heraci, nonnulli Piraci, alij Megarenses, plerique Traspodicei, ultimo Cynosurci dicti. Indi autem nō per ætates & tempora, sicut Persæ, sed per munera & artes singulos populos in septē tribus partiti fuere: in philosophos, agricolas, pastores, artifices, milites, ephoros & cōsiliarios: qui licet essent pauci, & seuerissimis moribus astricti, tamē ex amussim facta regū pensitabāt, & certa lege examinabāt.

Historia de Scipione Asiatico, & morte Aemyliani Scipionis,  
qua incerto authore fuit.

Cap. XVIII.

SCIPIO cognomēto Asiaticus, superioris Aphricani frater, post superatū Antiochū & Asiam bello uictam, peculatus crimine accusatus à tribunis plebis quandoque fuit: cumque in carcerem duceretur, Tiberius Gracchus tribunus plebis (qui antea, quod de republica cum Aphricano dissentiret, inſensus Corneliorum genti fuerat) interceſſit, eumque ne in carcerem

mitteretur inhibuit: cuius rei beneficio, amicitia inter eos conciliata & affinitas fuit. Siquidem solenni die, quum Ioui epulū in Capitolio libaretur, Corneliam filiam maturam uiro, ei desponsam dedit: quam ille tam cupidè dilexit, ut duobus anguibus deprehensis in cubiculo, quum haruspices respondissent, mare angue dimisso, fore ut Cornelia mortem obiret: fœmina autem, se occasurum maluerit, Titus Sempronius marem potius extinguere, q̃ illa morte obita, superesse. Ex hac Cornelia Sēpronius duodecim filios sustulit: qui omnes mortē obiere immaturā. Ipseq; haud multò pōst, duobus consulatibus & triumphis pariter clarus, ac censuræ honore insignis, moritur: superstitibus Tiberio & Caio Gracchis, summis oratoribus, præcellenti ingenio, & suorum temporū eloquentissimus: ac Sempronia filia, quos ex Cornelia genuerat. Sed Tiberius cū legem agrariam turbulentissimam, inuisam patribus, contra senatus decreta tulisset, nouasq; alias haud minus perniciosas ferre contenderet, duce Scipione Nasica concursu hominum interficitur. Caius uerò Gracchus tribunus plebis, dum improbis concionibus rempublicam uexat, actaq; sua tueri uult, neque abrogari patitur, duce Opimio consule, serui manu casus occubuit. Sempronia autem Scipionis Aemyliani (cuius summa dignitas, magnæq; res gestæ fuere, qui ob Carthaginē & Numantiā funditus euersas, minor Aphricanus, & Numantinus cognominatus est) coniugium sortita fuit: cum qua non modica simultate & penè dissidio, quod eam ob morū prauitatem osam haberet, aliquādiu nixit: uenit q; in suspitionē, ipsius necis, quæ fuit authore incerto, non minimam causam præbuisse.

Quantum

Quaquam de Caio Graccho, & Fulvio Flacco eius familiari, pariter ambigi dubitarique uideamus. Hic enim Scipio, licet maximus imperator, tanta fuisse traditur abſtinentia, ut annis quatuor & quinquaginta, quibus in humanis egit, nihil dicatur emiſſe, nihil uen didiſſe, nihil ædificaiſſe, atq; in tanta rerum affluentia & opibus, quibus Carthaginē & Numantiam deleuit funditus, haud plus tribus & triginta argenti libris, auri uerò duabus, reliquiſſe. Qui tribunus adhuc militum, dum ſtipendia faceret, magnum Catonis futura magnitudinis teſtimonium tulit. Siquidem interrogatus, qualis inter primores iuuenum uideretur Scipio: hunc ſolum ſapere, ceteros uerò uelut umbras ferri reſpondit. Quod compar fuit cum Antigoni dicto de Pyrrho: quem magnum futurū uirum, ſi ſeneſceret: & Scipionis de Mario, quem proximum poſt ſe Imperatorem, profeſſi fuerunt. Is quoque cum ab Appio Claudio competitore in cenſura conuiſus iactaretur, quod ciuium nomina ignoraret: cura ſibi fuiſſe potius, ne à quoquā ignoraretur, quàm multos nouiſſe reſpondit. Illud plane conſtitit, poſt Aemyliani necem, homines de Sempronia uxore, quoquo modo merita, nec minus de Cornelia ſocrū tanquam eum ueneno interceperint, propalam loqui ſolitauiſſe: idque non incertis authoribus probari. Hæc nos de Gracchis, propter harum rerum ſtudioſos, quo facilius innoteſcerent, non omittenda putauimus.

Quanta & quàm uaria iuriſconſultorum opinio fuerit de ſupelleſtili, & qua ſupelleſtilis nomine comprehendantur.

Cap. XIX.

QVID ſit ſupellex, quidue ſupelleſtilis nomine

comprehendatur, uariè inter iuriconsultos diffen-  
sum est, pugnantiâque studia inter eos, opinionésque  
fuere, alijs alias res supellectilis appellatione designan-  
tibus: omnes autem ita definire, ut domesticum pa-  
trisfamilias instrumentum rerum ad quotidianũ usum  
paratarum, supellectilem esse dicant. Quæ autem res  
huiuscemodi sint quotidiani usus, quas in supellectili  
adnumerari conueniat, sententiæ uariarunt, magnâ-  
que inter eruditos, & perpetua dissensio fuit. Pompo-  
nius uir, ut in illa quisquis ætate, consultissimus: dome-  
sticum patrisfamilias instrumentum, quod neque au-  
ro, argentóue factó, aut uesti annumeretur, supellecti-  
lem definiuit. Florentinus inter iurisperitos autori-  
tate non minori, præter hæc, animalia excepit: itaque  
equi, boues, gallinæ, anseres, & cætera hoc genus, quæ  
pecorum numero habentur, quanuis in quotidiano  
usu forent, in supellectili non haberi censuit. Paulus  
autem iuris æquè peritissimus, uasa ænea uulgaria,  
quæ proprio sunt loco sita, capsasque uel armaria, qui-  
bus uestes libriue continentur, & si quotidiani usus  
causa parata, in supellectili adnumerari negauit. Al-  
phenus qui Seruij Sulpitij discipulus fuit, illa quæ ad  
artificij aliquod genus seorsum pertinerent, & nomen  
sui generis separatum haberent, in supellectili non ha-  
beri dixit: itaque pugillares & codices, tum fabrilia  
arma & militaria iuxta Alpheni sententiam, in su-  
pellectili non sunt. Tubero negauit ea quæ in penu fo-  
rent: præterea argentum, uestem, mūdum muliebrem,  
& alia ornamenta, instrumentum agri uel domus, su-  
pellectilis appellatione contineri: reliqua uerò quæ in  
quotidiano essent usu, in supellectili adnumerauit. Pa-  
pinianus



pinianus autē Scæuolæ discipulus, cui in aduocatione  
 fisci succēssit, magnæ apud Senerū authoritatis, men-  
 sas argenteas uel eburneas, argenteosq; lectos, & ar-  
 gentea candelabra, legata supellectile, deberi dixit: ar-  
 gentum tamen escæ uel potorium, in supellectili esse,  
 Modestinus negauit: fuitq; sentētia Labeonis, quæ de-  
 liciariū magis, quàm usus causa parantur, quæq; in exi-  
 mio cultu forent, inter supellectilia non cēseri. Myr-  
 rhea uerò quæ uestendi causa parata sunt, licet in deli-  
 cijs forent, in supellectili tamē adnumerari. Sed in hac  
 quæstiuncula, quia uulgaris ferè & protrita est, ni-  
 mium immorari, nullum operæ precij fuerit. Illud cer-  
 tē dixisse haud piger, in supellectili cōtineri mēsas, tra-  
 pezophoras, delphicas, subsellia, scamna, lectos etiam  
 excultos gemis & auro, culcitrās, stragula, & thora-  
 lia, quibus lecti thoriue insternuntur, non autem uehi-  
 cula: nam illa instrumenti uiatorijs esse Florianus ait.  
 Præterea pelues, quauis argenteas, candelabra & cra-  
 terem etiā argenteū, myrrhina, crystallina aut uitrea  
 escaria uel potoria, lucernam quoq; & trullam. Adde  
 uasa ænea uulgaria, quæ proprio non essent loco affi-  
 xa, & si quid paratū foret quotidiani usus causa, præ-  
 ter illa quæ modò excepta fuere. Ex quibus datur in-  
 telligi id, de quo dissensio erat, quid uerbo supellectilis  
 dici cōprehēdiq; oporteat. Sed quia de escario argēto  
 & Delphicis mētio est, nō omittendū literis proditum  
 esse, Delphica dici uasa, quorum nulla mutata forma,  
 uariis & multiplex usus foret. nanque ita erant fa-  
 brefacta, ut duplici facie diuersis usibus inseruiret: si-  
 quidē Delphi uasa elaboratæ artis habuere, ita ut po-  
 culorum uicem præstarēt, & clypeorū loco usui essent.

Trapexophoras uerò, mēsas fuisse ornatu magno, quæ effictis imaginibus sustinebantur, quales hodie in uetustis marmoribus sæpe uisuntur: quippe mensarū species apud ueteres multifarias legimus, scilicet trapexas, quas magidas Græci uocant, & tripodes, & micotrapexas, in quibus modica parabatur cœna, & epidorpias, urnarium & cylibantum, & alia mensarum genera, si cui illa prosequi libeat. Inter escarium uerò argentum etiam aquæ manaria, id est, uasa abluendis manibus accommoda, quæ Latini gutturnia uocant, Pöponius de auro & argēto legato cōtineri putauit.

In qua atate milites apud Romanos legi consuevere, & quæ fuerit disciplina militaris, quòd ue iusiurandū. Cap. XX.

**QVI** de militari disciplina libros posteris reliquere, eos haud ferè quenguā minorem septem & decem annis, aut sex & quadraginta maiorem, militiae & tyrocinio adscribi uoluisse constat. id quæ à Seruio Tullio uetere censione cautum fuisse primum, quod auctore subsequēte à Caio Graccho lege sacrata sancitum fuit. Causa autem hæc est, quod citra eam atatem aut supra, uelut immaturos, aut præduros & effatos, militiae rudimentis minimè idoneos putarunt. Ideo uetus constitutum erat, iuuenes nisi post pubertatem, & primo flore atatis, dum per atatem laborem militare ferre possent, florentes uiribus, & eos ex urbana, sæpius agresti iuuentute rusticis operibus duratos, militari sacramento & muneri adigere, singulósque militiae per numerum in iuniorum tabulis adscribere, qui Catalogi dicti: illosque ex corporis habitudine, si apti militiae, si lato pectore, si cernice erecta, si fortis & strenuus: quæ

quæ species, qualisq; uigor, & quod robur uirium foret internoscere, ut illorum forti fidelisq; opera, res publica uti possit. Nam nimis pinguem, deformem aut mancum, desidem aut uecordem, tanquam minus utiles, militiæ non adscribebāt: quippe Cato Censorius pingue militem, uelut rei publicæ incommodum, iure incessuit: cuius inter guttur & inguen, cuncta sub uentris dominio forent. In qua semel adscriptus, nisi propter demerita exautoratus foret, ipso nolēte, deleri nequibat. In quo id sedulò cauebatur, ut primum militiæ uinculum putarent, sacramenti religionem: secundum, singulorum amorem uelut inexplicabilem nexum, cum his qui unà mererent: tertium, deserēdi nefas. Quibus ad militiam admissis, primo anno custos, sub quo disciplinam ediscerent, & magister sub cuius imperio tyrunculi acuerentur, publicè dabatur, ne expertes operum militarium, arma tractarent. Diuus uero Iulius equites Romanos, aut senatores armorum peritos, sub quibus militiæ nesciū erudirentur, magistros dedit: quorū præceptis imbuti, perstando & peruigilando, militare rudimentum deponerent, legēsque pugnandi & prælii normam ac dictata internoscerent. Primusque Publius Rutilius consul, collega Cnei Manlii, è ludo Cornelii Scauri doctoribus accersitis, plagas uitandi & inferendi militibus præcepta dedit. Inde ne temerè & sine arte pugnarent, utque tyrones sub disciplina essent, & militaribus imbuerentur præceptis, tribunis datū negocium fuit. Quos optimis disciplinis institutos, tandem militiæ adscribebant. Apud Persas uerò magistri rei militaris, grandiori ætate fuere, nec citra annum quinquagesimum, sub quibus parata instructaq; acie,

parcè primū & modicè, mox exactissima cura militiā ediscebant: apud quos iuuentus à uigesimo ad quinquagesimū annū militare cogitur: ultra uerò arma tractare uetitum. Siquidē lex militaris etiam Romanis à quinquagesimo anno militē non tāgebāt. Apud alios inoleuit mos, ut post annū quadagesimū militiā tyro cinio neminem adscriberent: post quinquagesimū uerò militare desinerent, hisque uelut perfunctis militiā, missio daretur. Quod Scytharum legibus cauebatur, ne hominem sexagenarium militiā admitterent. Aegypti in more fuit, ut Calasiries, qui praecipui habentur milites, à nullo doctore, sed à patre solum militiā praeceptis erudirētur. Phocion uerò, ut Athenienses nimis bellicosos à belli furore, delectu acerbo cohiberet, quod libentes & cupidi appetebant, lecta iuuentute, etiam octogenarios, emeritis stipendijs, coegit dare nomina. Camillus cōtra Latinos & Volscos magna mole dimicaturus, seniores quibus aliquid uirium superesset, in sua uerba iuratos centuriauit. Romani quoque bello Hetrusco, & saepe alijs, seniorum cohortes, post emerita stipendia, quinetiam libertinorum ad militiā exciungere. Et Marius magna partis milites, seniores, qui multa stipendia meruissent, & capite censos, sacramento asciuit. Quod Alexander Macedo fecisse dicitur, ut ducturus contra Darium, ueteranos peritos belli, militiā adscriberet. Non sic Conon, qui ut exercitum suppleret, Atheniēsium pueros immaturos annis, quibus uires non suppetebant, & senes legit. Milites uerò in castris, nisi Romanos ciues uel Latini nominis, leuium tamen armorum auxiliares externos, sacramento Romani adigere solitauere. Contra uerò Cyri con-

silium



filium fuit, non modò ex ciuibus suppleri milites, sed  
uelut optimos equos è longinquo quari oportere. Idem  
apud Alexandrinos uetusto more seruatum est, ut nul  
los milites nisi peregrinos militiæ admittant. Prodi  
túmque memoriæ est, in fœdere quod cum Romanis &  
Antiocho ietum est, caueri, ne milites sub ditione po  
puli Romani cõducere, aut uolütarios habere liceret.  
Inter auxilia tamẽ minor, in legionibus longè maior  
militũ numerus adscribi assueuit. Sed tamen legiona  
riorum, & arma grauiora, & disciplina fuit seuerior:  
auxiliariorum uerò minor, nec tam exacta diligẽtiæ:  
quibus in prælium euntibus, præter sagas togasque &  
rectam tunicam, album aut rubrum paludamentum,  
quo socios ab hostibus internoscerent, publicè daba  
tur. Aphris uerò, Caunis, Numidis, Lacedæmonijs, &  
Massagetis, in bellũ profecturis, russatas uel puniceas  
ferre uestes moris erat: ut eo argumẽto uulnera & san  
guis effusus nõ innotescerent, confidẽtiusq; & sine pa  
uore dimicarẽt: id quod apud Persas in usu fuit. Nanq;  
Artaxerxes ducturus cõtra Cyrum, milites rubro sa  
gulo ornauit, Cyrus albo. Agesilaus quoque ita copias  
instruxit armis, ut omnia ærea punicea uiderentur.  
Thraces pullas induti tunicas, in acies prodeunt: con  
trà, Mybæ & Aethiopes candido amictu. Samnites  
discolori ueste præliantur, nonnunquam candida. Boij  
& Insubres auratis sagulis, Galli uirgatis cum torque  
aureo, Britanni glasto infecti. Est enim fullonia herba,  
quæ atro colore inficit, & hominẽ decolorem facit. Ge  
loni hostium cutibus ornati, quo truculẽtiores uisu &  
aspectu formidabiliore essent. Aethiopes dimidia  
tum corpus minio, dimidiatum gypso solent illinire.

Fertur Caius Caesar, ut in conflictu bellorū cunctis innotesceret, ad prima signa nouo colore amictus, & diuerso armorum habitu insignis prodūsse. Et Lucullus cum thorace squamoso, & amictu purpureo praeliari. Gylippus uerò maximus imperator, sordida ueste & semilacera, ac cultu neglecto cōspicius erat. Agis quoque Lacedæmoniorum dux, à gregario milite nihil differebat: sicut Agesilaus, qui cultu corporis uili exultabat, exercitu autem ornato. Contrà Alexandrum Macedonem, insignem cum regio habitu, tum Siculo amiculo & lineo thorace, duplicata ac ferrea casside, auro & gemmis arma honestabāt. In quo illud traditur mirum, dum in India praeliatur, concussis armis, uisum barbaris lumen infundere, & monstrum ante se agere. Quod compar fuit cum Epizelo Atheniensi, qui (ut tradit Herodotus) in pugna Marathonica dū praeliatur, uisum monstrum, quod ante se conspiciebat occidere nissus, luminibus captus perpetuò mansit. Etiam Tiberij equus in conflictu belli, ore flammam interdū emitte re uisebatur. Caius tamen Gracchus legem tulit ad populum, de uestibus publicè militibus dandis, sine stipendiorum diminutione. Inde institutum, ut singulis militibus saga & togaq; in hybernis dentur. prauuluitq; mos, ut in bellum profecturi Romani milites, singuli in tabulis describātur: illorum, ut qui pralio ceciderant, nomina reuersis innotescerent: utq; in delectu conscribendo, primus miles bono omine tanquā inde factum felixq; auspiciū futurum sit, conscribatur. Id enim boni ominis esse, & prosperos euentus facere putabant. Apud Persas inualuit mos, ut profecturi in bellum, in cistam ante regis tribunal singuli singulas sagittas

gittas immitterent, mox reuersi, quisque repeteret suā: ut ex remanentibus, illorum qui praelio cecidissent, numerum internoscerent. Hi ergo in castris militiam edo-  
cti, hyeme pariter atque aestu diebus singulis mane & post meridiem, locum tenere, signa sequi, ordinem seruare, fossam fodere, figere uallum, militari gradu incedere, & alia militaria facere quotidiano usu ediscabant. nam ducibus, centurionibus & tribunis, præcipuè curandum erat, in locis ubi statina habebāt, cogerere tyrones milites, cum primum merere cõpissent stipendia, ne sine consilio, sine imperio in hostes tenderet, per turmas hincinde crebrò concurrere, decurrere, clamare, locum tenere, imperium seruare, iussa exequi, seque in orbem colligere, cuneum facere & phalangem, ut sequi signa, & pati tedium, aestus ac uigilias assuescerent, ne pulsī loco cederent, & in acie quisque agnosceret ordines suos: ita ut usu quotidiano non minus ipsi sibi præscriberent quid factū opus foret, nec hoc incitante ullo, nec imperante, quā ab alijs ediscerent. Quæ disciplina præcipua Iphicrati traditur, ut sine ducis opera milites ita institueret cōsistere in acie, ut peritissimè dispositi uiderentur. iactu quoque disci, cursu, saltu, iaculatione, & lucta inuicem contendere, mos erat. Nandi quoque post solitas exercitationes iuuentutis Romana summum studium in militari rudimento fuit, aliāq; opera iusta militaria, quibus quasi simulacris pugnae, animos corporāque tanquam ad uerum bellum acuebant. Ad palum quoque exerceri, aut iaculis & sagittis ferire, nonnunquam fundis & lapidibus disciplina militaris erat. Fuit enim palus cubitorum trium, quem tyrones scuto & clauo uelut ho-

stem petere, in eumq; ictus & plagas inferre solebāt. In quo id cauebatur in primis, ne dum ad palum ictus intendunt, ipsi hostiū telis pateant: proinde oportebat animo eos & corpore intentos esse, non magis ad inferendos, quā ad cauendos declinandosq; ictus: cui ludus Palaria nomen. Arcu quoq; & sagittis plerunque Cretēsisibus & Cydonijs, exactissima cura milites instruebantur, sicut apud Græcos palestra. Cyri uerò disciplina fuit, ut milites semper opus facerent, & nunquam exercita inuētus, nisi sudore prauio, cibū sumerent. Qui etiā neq; prandebat, neq; cœnabat unquam, nisi sudasset prius, & militaria obiisset munera. Agefilaus quoq; in gymnasio, ne ocio senescerent milites, exercitationis & uirtutis cuiusq; præmia proposuit, leuibusq; prælijs experiundo assuefecit. Qui etiā Persarū regū mos traditur, ut cursus & pugna dona militibus proponant. Alexander uerò Macedo, ne ocio milites lasciuirent, certantibus uirtutis præmia Chiliarchas dedit. Præ cæteris Aurelianus Cæsar nullum reliquit uacuum diem, quin se pilo, sagittis, ac militari- bus armis exercebat. Et Maximinus senior, quāuis grādis natus, campestriū exercitationū supra modū labores subiit. Antoninus quoq; Bassianus Caracalla, præterquā qd se cum militibus exercebat, iter semper onustus armis pedes fecit. Id quod de Seuero scriptū accepimus, ut hyeme seu a & gelida aperto capite per nives & pruinas, per montes syluasq; cursitaret, in patientia laboris & uictus abstinentia supra fidem assuetus. Quibus documentis redactō in disciplinam milite, posito rudimento, & continuo usu firmato, legiones conscribebant. Præterq; milites peregrina militia

inter



inter auxilia Cretenses sæpe militasse accepimus. Hi enim terrestri naualiq; pralio, ad insidias, furta & rapinas, populando assueti: excursiones maximas facere promptissimi sunt, in pralio uerò segnes: Cydones uerò fortissimi, sicut Homerus inquit, illorūq; arcus caprinis pellibus ornari pleriq; literis adnotarūt. Idq; à Inuenale uersibus mūdīs significari crediderim, dū inquit:

- ” Tu scabie frueri mali, quod in aggere rodit,
- ” Qui tegitur parma & galea: metuentq; flagelli,
- ” Discit ab hirsuta iaculum torquere capella.

Notat enim illa ueteris disciplina rudimenta, quibus tyro miles in emittendis iaculis apud suum centurionē instrui solebat. Quinetiam Romana militiā fuit, leuis armaturā milites atq; equites, loricas & galeas ursinis pellibus tectas, quo truculentiores uisu forent, in aciem deferre: sicut Græcorum ueteres, pelles fluuiatilis canis pro capitis tegmēto uice galeæ detulere: equinasque iubas & caudas in galeis, aut pennas strutionis cameli, nonnunquam leonis pellem pro conis apud Romanos fuisse cōstat, more Aethiopum, qui pelles equorum capitum cum ipsis auribus & iubis deferentes, nonnūquam pardorū pellibus leonumq; amicti, acies subeunt & praliantur. Thracibus in more fuit, è pelle uulpina cassides ferre, sicut Albanis & Hiberis cū ferinis galeis pugnare. Rhoxani non modò galeis, sed thoracibus & scutis ex crudis boum corijs uti solebāt. Apud Græcos autem, Homeri testimonio, equina iuba pro cristis fuisse. Pyrrho & Philippo hircina cornua, Hammoni arietis caput, Achæis penna uarijs distincta coloribus. Alij rubras cristas supra cassidem deferrebāt. Cimbri & Theutones horrentiū hiatibus ani-

malium contexere galeas. Abradata Persarum duci conus hyacinthinus erat. Cyrus cassidibus aeneis & conis albis milites ornauit. Cares gallos gallinaeos pro conis habet. Alexandri cassidem cristata iuba & pennae candidissima circuncingebant. Nonnunquam insigne fuit Epiporroma. Galli non modò scuta, sed corallo ornabant galeas. Galatae partim cornua, partim quadrupedum habuere effigies. Samnites cum pinnis muralibus digladiantur, in praelio uerò cristatis galeis: sicut Lusitani, & Sacae Scythica gens, quibus neruatis cristatisque galeis pugnare in usu est. Teucri, Mysi, & Thraces, super aeneas galeas bouis aures & cornua apponunt. Inter ceteros Conidus centurio, bello contra Mysos fertur miraculo fuisse, quòd poculum supra cassidem, modò suscitans flammam, modò remittens deferebat. Eratque Romanae militiae uetus constitutum, ne miles sine cōmeatu ab signis abeat, neue praesidio decedat, neue locum relinquat, aut è castris effugiat, neu discedat longius: sed explorato, & sub signis atque subsidijs positis, non modò in acies prodeat, sed lignatum & pabulatum uadat: omnia deniq; uelut si coram hoste, cauta prauiusq; sint. Utq; milites die simul ac noctu iuxta parati instructiq;, ad nutum imperiumque praesto sint: qui contra fecerat, aut ignominia notaque afficiebatur, aut seuera correptione capite luebat: tametsi nonnulli delicta eiusmodi lenius uindicerint. Namq; Aemylianus Scipio, licet grauissimus exactor disciplinae, què militem extra ordinem deprehenderat, fustuario plectebat, eumq; uulgato ad rem militarem exemplo, si Romanus ciuis esset, uitibus: si uerò externus, fustibus cadebat. Est quoque lege militari sancitum,

sancitū, ne lixa permisti cum equitibus uagetur: neue frumentum publicè datum, miles uendat: aut prædas pecorum, uel mancipiorum uino commutet: neue gregarius miles in acie uel castris seruum aut iumentum habeat: neu quis ubi tribunus militū fuisset, postea ordinū ductor esset: nec qui ordines duxisset, miles postea fieret. Utq; milites manipulares, qui sub disciplina militant, semper cincti caligatiq; sint: quæ quidem caligæ multiplicibus clauis munitæ erant. discinctos enim uelut ignauos & militiæ minimè aptos putarūt: pracinctos uerò, fortes & strenuos. Quare Macedonum lex erat militaris, ut qui miles hostem nō occidisset, non militari cingulo, sed capistro cingeretur: quod apud Carthaginienses seruatiū legimus, ut discinctos, postremos homines ducerent: tametsi Aphrorum peculiaris feratur mos, fluxa tunica & discinctos incedere. Quinetiam ut in expeditionem ituri milites, arma & uallum, nec non utrem, follem, scutum, gladiū, tum siquid ad usum uelint, interdum plus dimidiati mensis cibaria absque seruorum aut iumentorū ministerio humeris ferat, antiqui moris & exempli fuisse. Illud quoque animaduertimus, nemini in Romana militia extra ordinem, etiam in prouocantem, contra imperiū pugnare licuisse. idem Macedonibus, quibus iniussu ducis aut arma capere, aut in ordines ire uetabatur. Quodq; nisi militari sacramento miles adscriptus foret, hostem gladio petere, aut militare minimè fas erat: perindeq; in eū militaris animaduersio fuit, qui hostē militia sacramento non adscriptus occideret, aut qui classico renocatus, tardius pareret, quàm qui ciuē aut sociū iniuria occidisset. Ideo laudasse Cyrus dicitur

militem, qui cum hostem interfectorius, gladium eduxisset, classico receptui audito, iectus cohibuit, & hostem dimisit. Sed prius sua sponte decuriati equites, centuriati pedites, sacramenta mutuò præstabant. Paulo deinde Aemylio & Terentio Varrone consulibus, tunc primū, quod nunquam antea factū, per tribunos militum à uoluntario sacramento, ad legitimū iusiurandum milites adaecti fuere. Quod quidem imperator præstare tenebatur primus: suo mox ordine subsequerentur legati, deinde tribuni, deinde centuriones, postea decuriones, mox præfecti castrorum, demum milites: quod singulis annis, Calendis Ianuarijs denuo præstabatur. Iurabant enim per deos solenne iusiurandum: postea in acta principum se iussu consulum conuenturos, neque è castris eorum iniussu quæsitis occasionibus abituros, non fugæ formidinisue causa extra ordinem recessuros, nisi teli sumendi, uel hostis ferendi, aut ciuis seruandi causa. Neque in exercitu propèue decem passuum millia, pluris argentei nummi furtum facturos: extraque hastam, ligna, pabulum, utrem, follem: siquid, quod pluris esset, nacti fuissent, id omne ad consules delaturos, aut dominis reddituros. Nonnunquam alio sacramento milites adaectos comperimus: tunc cum ingens subeunda dimicatio foret, & in extremum discrimen res uenit. Ut nisi uictis debellatis, fuisque hostibus uictores forent, se ad castra nunquam redituros iurarent. Tum illud notatum est, quod si ab uniuerso exercitu iusiurandum consuli præstandum esset, satis fuisse, si centurio uel tribunus exercitus nomine, conceptis uerbis, sublimi uoce iuraret, omnisque multitudo & singuli milites, communi conspiratione & consensu, in eadem



eadem uerba silentio in se quisque iuret. Hocque iusiurandum, ac si cōcepta uerba singuli expressissent, perinde tenere, atque sanctum & illibatum haberi. Apud Lacedæmonios uerò milites hoc etiam iuramentum præstare soliti sunt, eosdem cum Imperatore amicos, inimicōsq; habituros, utque bonorum malorumque firma consensio inter eos & fœderatio esset. Neq; emittendum quod de Atheniensibus memoriæ proditum est, qui cum propter quotidianas contentiones, & uiolatum ius gentium, infensi Megarensibus & animo hostili essent: quoties milites solito militari sacramento adigebant, hoc etiam iusiurandum illos subire coegisse, se intra militiæ tempus quotannis quoquo modo possent, Megarensium agros sinésque infesto exercitu inuasuros, & peruastatis agris, nihil intactū relicturos, atque in eos omni clade belli grassaturos.

Diffensio inter duos ludi professores, super uerbo inuenio & reperio, contra observationes grāmatici cuiuspiā. Cap. XXI.

AMBVLABAMVS in litore, dum Neapoli essemus, æstiuo anni tempore, cū iam aduesperasset, ego & Iunius Antonius, & plerique studiosi paribus disciplinis dediti, qui illuc ociandi causa aduenerant. Cumq; duos ludi literarij professores super uerbo reperio & inuenio graui contentione inter se iurgantes disceptantēsq; uideremus, libuit eorū disceptationi interisse. Atq; ex his alter, cum inuenire diceret esse impenso labore rem diu quæsitam assequi: reperire uerò, rem non quæsitam, sed forte oblatam nancisci, idque Ouidij authoritate, qui in suo maiori carmine, dum Inachum natam Io quærentem facit, post longos &

„ irritos labores, his uerbis illam affatur: Tu non inuen-  
 „ ta, reperta es. Quos ipse uersus sic explicabat, ut dice-  
 ret, te ego cū diu quæserim, non inuenis, sed casu obla-  
 tam comperi. Ouidiū ergo de significatu uerbi contra  
 illum diiudicare asserebat, qui uerbū reperio casus fa-  
 cit, non op̃ra. Quoq; minus dubites, (inquit ille) ha-  
 bes Latinæ linguæ doctore non ignobilem, nec mora  
 commentatiunculas quasdā grammatici hominis non  
 incuriosi, quas secum adduxerat, è sinu togæ depromit,  
 „ in quibus ita scriptū erat: Excogitare consilij est, reperi  
 „ re uerò fortunæ. Vnde Ouidius, Tu non inuēta, reper-  
 ta es. Hæc cum ille. & pleraq; legisset, reclamabat al-  
 ter, doctorem istum, nec uerba, nec mentē Ouidij intel-  
 ligere quisse, labiq; errore manifesto. Siquidē reperire,  
 est cum labore aliquid quæsitū assequi, deductū ex re  
 & pario. parere enim est cum labore quærere, unde  
 pecunia parta cum labore quæsita dicitur, imò eundē  
 Ouidium, quem in mediū ille adduxerat, eodem uersu  
 „ significantius contra demonstrare: Tu non inuenta, sed  
 „ reperta es, inquit, quasi, ego te non casu & fortuna  
 nactus sum, sed studio & labore quæsitam, reppe-  
 ri. Quod & alio uersu eundem exploratius significa-  
 „ re aiebat: Examinansque artus primò, mox ossa re-  
 „ quirens, Repperit ossa tamen. Praterque hanc Oui-  
 dij auctoritatem, idem apud authores probatissimos  
 usu continuo obseruari. Q. Curtius: Quippe Euphra-  
 tes, inquit, altum limum uehit, quo penitus egesto, uix  
 sufficiendo operi firmo reperiunt solum. Et idem: Quia  
 duces asseruati profugerant, misit qui conquirerent,  
 nec reperi. Suetonius in Cesare: Idque eo studiosius  
 facerent, quòd aliquantum uasculorum operis antiqui  
 scrutantes,

*scrutantes, reperiiebant. Vides, inquit ille, reperire esse opera & consilij, non autem fortuna? Atque alter cum contra tenderet, & uoce immodica obstreperet, eadem sapius & quadam nugalia repetendo, cupidus ego istius doctoris mentem planè perspicere, accipio libellum à manibus magistri, atque in eo lego pleraque nimium audacis doctrinae & confidentis. Nanque eò processit, ut singulos ferè ueterum probatissimos, quorum uestigijs nobis inniti operæ precium est, à præscripta à se lege & dicendi norma dissidentes taxare non fuit ueritus. Præter quæ in eo admiratus sum, offendo & nanciscor ferè idem esse quod reperio, quod procul à uerò esse apertè liquet. Etenim si reperire est aliquid impenso studio inuenire, ut est modò ostensum: nemo ferè quisquam id in uerbo nanciscor, & offendo, inueniet. Siquidem uerba hæc haud dubiè sub casu & fortuna sunt. Præterea qui rem exquisitus pensabit, inueniet nancisci id frequentius notare, rem scilicet fortè oblatam, data occasione assequi & habere. T. Tiuius tertio ab urbe condita: Pacuuius, inquit, Calanus malis artibus nactus opes. Idè, castris ponendis dispersos nactus. Cæsar idoneam tempestatem nactus dixit, id est, assequutus. Id quod, Festo Pompeio authore, scientissimè probatur, qui uerbo nanciscor, significatum assequendi potius quàm inueniendi in suis commentarijs tribuit: & plerisque ueterum authoritatibus, in quibus si nancisci inuenire dixeris, profectò absurdè & imperitè loqueris. Hæc & pleraque in eo cum legissem, cum me iam tæderet, librum restituo, atque illos inuicem altercantes discipulantesque relinquo.*

Ex quibus uictorijs olim consules, & deinde sequuti duces,  
triumphare consueuerint.

Cap. XXII.

VETERES Romanos olim nō ex quibuscunq; uictorijs triumphare consueuissent, sed cum bellorū & uictoriarum causa eo munere digna uiderentur, triumphos egisse accepimus. Causa uerò triumphorū licet à prima origine exiles fuerint atq; tenues: quippe quia exiguis uiribus & parua manu rem agebant: postea aucto dilatoq; imperio maiores certioresque fuere, ut ad triumphi munus quisquā aspiraret. Cum Veientes olim Tarquinesesq; pro Tarquinjs contra Romanos mouissent arma, & uelut æquo Marte utrinq; pugnatum foret, q̃ uno plus Hetruscorū in acie cecidisset, nec hostium quisquam postera die in conspectu erat, digna res triumpho uisa fuit. Itaque Valerius consul, quantū collega morte sublato, de Veientibus Tarquinien-sibusq; triumphum egit. Et P. Valerius, & T. Lucretius consules cum infesto exercitu in agrum Sabinum profecti, primo uastatione, mox prælio ita hostiū opes afflixissent, ut nihil inde rebellionis timeri posset, triumphantes urbem iniēre. Quinetiam ex deditis & non captis urbibus, aut hostibus fuis & auersis, stante dictatore, à consulibus sæpe triumphatum, est. De Priuerno & Pometia, deq; Sabinis & Samnitibus, etsi non uicaptis, sed in deditionem acceptis, triumphare licuit: propterq; auersos & palatos hostes, Claudius Petilius consul, dictatore Q. Seruilio Hala, de Tiburtibus & Gallis triumphauit. Et Cornelius & Bebius consules, quod Ligures Apuanos nō expectantes bellum, in deditionem acceperunt, & ad duodecim milia in alias terras traduxerūt, de Liguribus uelut acie uictis



uictis triumpharunt. Procedente mox tempore, cum propagato imperio, cum hostibus ualidioribus, magnis utrinque uiribus bella agerentur, cautum fuit, ne cui triumphum, nisi quinque hostium millia cecidisset, et iusta acie magnas copias fudisset, decernere liceret. Cuius rei fidem apud quæstores, ut quid laboris exhaustum, quidue cædis noscerent, amplissimo testimonio facere oportebat. Idque non ab re uisum. Erat enim triumphus ingens honorum cumulus, quem multi duxerunt maximum uitæ bonum, quo nisi magnis conatibus deuictis perduellibus, uictores bello duces honestabant. Utque nisi pro aucto imperio, non pro recuperatis his quæ bello amissa erant, triumphus cuiquam decerneretur. Quinetiam nisi suo ductu et auspicio, ac in sua et non aliena prouincia, eaque pacata, et nullo manente bello, imperatores hostes profligassent et uicissent, triumphare nemini licuit. Ideo, Liuius et Nerone consulibus, deuicto ad Metaurum Hasdrubale, Liuius qui in sua prouincia rem gesserat, de Hasdrubale et Pænis iustissimè triumphauit: Nero autè, qui potior uictoriæ causa fuit, quæ in aliena prouincia suppetias collegæ dederat, ouans in urbem uectus est. Exque duobus consulibus eandem prouinciam sortitis, contraque eosdem militatibus, uni triumphum decretum, quod hostes fusius egerat, eiusque ductu et auspicio parta uictoria fuerat, alteri negatum legimus. L. Valerio Potito et M. Manlio consulibus, quæ contra Aequos in Algidio prosperè rem egissent, Valerio triumphus, quod perseveratior in hoste persequendo, instando, urgendoque fuerat: Manlio uerò, ut ouans urbem iniret, à senatu datum est. Fuitque animaduersum, quod tametsi uictis,

fufis, fugatisq; hostibus, res triumpho dignas imperatores gessissent: si tamen neq; dictator, neq; consul aut prator exercitui praefuissent: neq; legitimum haberent magistratum, cuius ductu & imperio uicti essent & profligati, triumphare nemini fas erat. Propterea L. Cornelio Lentulo, magnis rebus gestis, negatus triumphus fuit: q; proconsul Hispaniam provinciam, non consul obtinisset. Tamen si Scipionem proconsulem, & cui saepe prorogatum imperium fuerat, de Hannibale & Pœnis: & Cn. Manlium de Gallogræcis, Paulumq; Aemylum de Ingaunis Liguribus, & Pœpeium Magnum de Sertorio, proconsules egisse triumphos legamus. Per raro enim alicui triumphare permissum fuit, qui sine legitimo magistratu, & sine iusto imperio rem gessisset, praeter Pœpeium Magnum, qui tamen si in senatum per aetatem admissus non fuisset, eques Romanus adhuc, id quod contigit nulli, deuicto in Africa Domitio, triumphauit: cui hoc ferunt praecipuum contigisse, quod è tribus orbis partibus speciosos egerit triumphos: sicut Camillo, qui treis triumphos una egit, triplici uictoria ouans. Sed nec eum qui magnis perpeffis cladibus, & nimium cruenta uictoria esset potitus, tanquam lugubri & parui cõpendij, quod multis funeribus, non multis commodis rempublicam affecisset. Propterea Valerio consuli uictori contra Gallos, ob cladem exercitus, negatus triumphus fuit: cum magis dolor ciuibus amissis, quam uictoria hostibus fufis praualuisset. Nec eum qui exercitus Romam non deportasset, nisi perdomitam pacatamq; provinciam successorì dedisset, more maiorum. Est tamen memoria proditum, nonnunquam stantibus consulibus pratorè qui in sua provincia res gesserat,

serat, hostesq; fuderat, etiã sine cõsulibus triumphasse: duosque consules de eisdem hostibus parta uictoria, triumphantes urbem inisse. Neq; negauerim, non semel, sed pluries in eodem magistratu, & cõtra eosdem hostes, propter res feliciter gestas, magnis saepe ducibus triumphare permissum: quodq; à principio urbis non curru triumphali, nec equo uehi triumphantes, sed pedibus incedere assueuerant. Postea equo uecti, demum curru quadrijugo triumpharunt. Tamen si Romulũ de Acrone Ceninensium duce, curru quatuor equorum triumphasse, Dionysius asseuerat. ac ex duobus imperatoribus in magistratu positis, illi qui in supremo gradu est, soli triũphare permissum. Ideo consul cũ dictatore aut pratore non triumphat, ne minor potestas maiori æquata uideatur, nèue auspicia, quæ maioris magistratus sunt, cum minoribus confundantur, licet dictatorem & magistrũ equitum unà triumphasse saepe legamus. Illud deniq; ex annalibus constat, Romanũ ciuem, quanuis reipub. perniciosum & infestũ, si bello uictus foret, in triumpho deferri nõ licuisse: quodque si cõtra pyratas, seruos, aut fugitivos, uel aliud genus hominum Romano nomine indignum bellatũ foret, tanquam belli causa erubescenda, quanuis parta uictoria, aut hostibus fuis, auersisque, nemini triumphare licere. Cõtra uerò ciues bello uictos, quia lugubris uictoria est, ipseq; dux minime imperator censetur, licet bene gerenda rei occasione data: neq; ouare, aut triũphare, uel supplicationes cuiquã decernere, dum resp. stetit, unquam permissum fuit, nisi post aliquot ætates, cum Aurelianus Augustus de Tetrico uiro senatorio (quem in oriente uicerat) & Zenobia muliere trium-

phauit. Apud Græcos uerò seruatiū diu est, ut qui imperator hostem fugasset, trophæo donaretur: qui occidisset, aut funditus euertisset, triumpho uel encomio & peplo. Fuisse autem pepulum uelum, in quo qui facinora gesserat fortia, singula egregiè gesta, atq; acerrima prælia, & maxima effingere, illudq; pro immortalis memoria exponere palam, & templis dicare assueuerant, scriptores prodūt: in quo deorum imagines, sæpe clarissimorum uirorum gesta effingebant. Quare Athenienses, Antigoni & Demetriū imagines cū Ioue & Pallade effinxere in peplo. Nonnulli pepulum eximij candoris uestem sine manicis, aureis distinctam clauis, fuisse autumant: quā quinto quoq; anno apud Hyden, mulieres sex & decem Iunoni cōtexebant. Encomion uerò, carmen in uictoris laudē editum ad immortalitatem, quo ipsius res gestæ magnificæ, illustri præconio canebantur, quod Epinicion uocant: trophæum uerò monumentū dixere, nunc marmoreum, modò æneum, cū inscriptione & titulis æuo perpetuo duraturis. Nonnunquā, si materia non suppetebat, lapides ingentem cumulum aggerendo, uel insignem arborem excisis ramis, ibiq; hostium spolia statuendo, in memoriam posteritatis, bonis & fortibus uiris pro trophæis erigebant. Tametsi qui primi Græcis æneum aut lapideum statuere trophæum, non magnopere probati fuerint, q; regum tantū nomina illis inscriberent, nec militum operam aut fortitudinem, quibus uictoria parta fuerat, annotarent. Fuitq; moris in locis quibus cū hostibus decertassent & uicissent, aut aliqua insigni clade affecissent, ibi uictores duces pro monumento laudis cum ampla inscriptione trophæum ponere, & fortium



tium factorum posteris dare memoriam. Quare Pericles nouies pro patria uictor trophæum posuit: & aliud Agesilaus inter Anthracem Nartheriumq; erexit. Lacones, quod Persas parua manu uicissent, porticum Persicam de manubijs trophæi loco extruxere. Idem contigit Fabio Aemyliano, qui ad Rhodanum deuictis Gallis, ex candido lapide uelut monumentum magnæ laudis trophæum tulit. Sylla cōtra Archelaum potitus uictoria, fixit stemma, in quo Martem, Victoriā, & Venerem, & se uenustum inscripsit. Marius uerò de Iugurtha & Cimbris dublici est trophæo donatus. Metellus autē deuicto Sertorio, aureū sibi poni iussit. Quod & Flaminius de torquibus Gallorum aureum statuit, cum elogijs monumentorū cladis illatæ: Claudius quoq; deuictis Boijs, ex torquibus Callorū unum magni ponderis in Capitolio donum posuit, index uictoriæ & triūphi. Sicut Octauius, qui ex auro rostrata colūna in foro trophæum fixit. Germanicus uerò de uictis nationibus inter Rhenum & Albim, congeriem marmorum, structis molibus, Tiberio sacrauit. Proditumq; memoriæ est, Artemisiam deuicta Rhodo, trophæi loco, duas statuisse imagines aneas, unam Rhodiæ ciuitatis, alteram illi stigmata inurentē pro æterna memoria dedecoris, ignominiaq; acceptæ. Mirumque prodi de Numenio Antiochi duce, qui cum in Arabia æstuante uadoso & reciproco mari, prælio nauali cōtra Persas uictor fuisset: mox æstu reuerso, pedestri certamine ibidem uictor, gemina trophæa Ioui & Neptuno posuit. Sicut de Neoptolemo Mithridatis duce traditur, circa Maotim æstate nauali pugna, hyemē uerò equestri, glacie concreto mari, ūsdem in locis

uictoriam tulisse. Conuenitq; inter peritos rei militaris, quod tametsi duces feliciter rem gessissent, & insigni uictoria potiti essent, si tamen precario ab hoste aliquid petissent, nec trophæo donaretur, nec encomio. Viriatus autem Lusitanus hanc temeritatis laudē tulit, ut potitus uictoria contra Romanos, trabeas & cōsulares fascēs triumphī loco in montibus figeret. Sic Pōpeius, deuictis Hispanis & Alpinis gentibus, trophæa in Pyrenæis iugis, qua in Hispaniam iter est, excitauit. Et Domitius Aenobarbus, ac Fabius Maximus contra Allobroges, turres, fixis hostilibus armis, erexere. Inter ceteros memoria proditur Sesostris Aegypti rex, si cum hostibus, qui magno certamine dimicassent, & præsenti animo restitissent, rem gessisset: ibi trophæum cum coleis & uirili mēbro erigere: si uerò remisso & languido animo, per ignauiam segniter uicti, aut nullo negotio pulsī essent, contra eos muliebri genitali cōstituto, tanquam in desides & ignauos, trophæum ponere consueuisse. Apud Lacedæmonios uerò, contrā. Nam qui dux fortiter dimicasset, & cruento Marte, magnāq; hostium clade uicisset, trophæi loco gallum dīs immolabat: qui uerò deditione & pacto, nec nimium cruenta uictoria potitus belli mala uitasset, bouem: ut signarent magis decere imperatorem (iuxta Periclis sententiam) consilio & astu, quàm gladio aut multo sanguine fuso, uictoria potiri. Neq; praterendum, quod tametsi ponendi trophæa rebus prosperè gestis apud Græcos frequens usus foret, regibus tamen Macedonum fuisse uetitum, ne illa erigerent: quippe cum Caranus, deuicto Cisseo rege, trophæū posuisset; noctu ueniens leo, illud euertit & dissipat: inde uelut

fædi

fædi ostenti maliq; ominis uetitum est, ne in posterũ reges Macedonum quæsitis uictorijs trophæa ponerent.

Disceptatio Francisci Philelphi cum grammatico, an Cicero aliquando ludum aperuerit. Cap. XXIII.

FRANCISCUS Philelphus ætatis suæ homo doctus & fortunatus, inter sui æui poetas famã carmine primũ auspicatus est: à principibusq; qui eo tempore floruerunt, magnis honoribus & re familiari æctus & honestatus fuit. Cuius uitia ineuntis adolescentiæ, postquã deferbuere cupiditates, cum iam ætate matura senesceret, magnis postea uirtutibus emendauit. Is cum auo ingrauescẽte celebris famæ haberetur, & optimatum rogatu accersituq; Romam aduentasset: experiri, credo, uolens quantum dicendo ualeret, Tusculanas quæstiones Ciceronis publicè in scholis legere aggressus est. Ad eum quotidie concursus studiosorum iuuenum, & clari nominis professorũ frequens fiebat. Ipseq; inter legendũ firma etiam tunc uoce & latere, nouis & exquisitis eloquentiæ generibus præceptisq; discipulos imbuebat, exploratoq; iudicio singula dicendi genera, & philosophorũ scita multo cum nitore & cultu pensitabat & rimabatur. Eum ego adolescentulus senem inter ceteros coæuos meos colui & obseruaui: cumq; ad eum nos quoq; uentitaremus, memini ipsum inter legendum dicere, Ciceronem cum eiusmodi quæstiones scriberet, conuentum suæ ætatis studiosorum habuisse, ludumque literarium quasi aperuisse, & pleraque hoc genus satis scitè & eleganter, ut mos ingeniumque eius fuit, non sine multo ornatu in scholis recensere. Cumq; perorasset, & à lectione, ut fit, discipuli apud eum se colligerent & fabularentur,

ipseq; illa eadem sapius repeteret: animaduerti quem-  
 piam grammaticum florentis facundia, cuius nomen  
 libens praterco, eius doctrina amulū, qui ipsum per-  
 niciali odio persequabatur, saepeq; apud studiosos il-  
 lum in inuidiam crimenq; uocabat, singulaque nō mo-  
 dō dicta factaque, sed uerba & nutus obseruabat, cō-  
 tradicere: quaq; ille dixerat, uera esse pernegare, neque  
 apud authores inueniri, Ciceronem ludum aperuisse,  
 aut scholas studiosorū habuisse, asseuerare. Cumq; Phi-  
 lelphus, mitis ut erat & placidus, non rhetorū scholas,  
 in quas homines passim uentitarent, sed tamen aliquos  
 praestantis ingenij uiros studiosos disciplinarum Cice-  
 ronem edocuisse, & quasi ludū aperuisse diceret: idq;  
 testimonio probari illius ad Patū epistola, qua se Dio-  
 nysium superiorem imitari dicit, qui cum Syracusis ex-  
 pulsus, Athenas commigrasset, ludum inibi aperuit: se  
 pariter habere discipulos asseuerauit. Hæc & pleraq;  
 cum ille diceret, contraque cum alter insectaretur, &  
 iam non cōtentione, sed clamoribus & propè dimica-  
 tione rem agerent, nec res sisti uideretur posse: excan-  
 descens Philelphus, tanta indignatione exarsit, ut illū  
 indoctissimū omnium indoctorū uocitaret. Tandem cō-  
 muni discipulorum amicorumq; intercurſu, desita ira  
 & ardore illo animorū, composita controuersia, & lis  
 dirempta est. Sed cum postea in ipsius Ciceronis mul-  
 tiplici lectione uersaremur, inuenimus id ab eo aper-  
 tius significari. Nanq; ad Volumniū Cassium scribens,  
 " Cassium & Dolabellā suis auribus frui asseuerat. Ad  
 " Patum quoq; , Veniunt qui me audiunt, quasi doctum  
 " hominem, quia paulo sum quā illi doctior. Et ad Pa-  
 " pyrium Patum: Hircium ego habeo, inquit, & Dola-  
 bellam,



„ bellam, dicendi discipulos, cœnandi magistros: puto te  
 „ audisse illos apud me declamitare. Vatinius quoq; ad  
 „ Ciceronem de Catillo inquit: Defenditur à Q. Volu-  
 „ sio tuo discipulo. quod & M. Fabius de Cælio & Pan-  
 „ sa testatur. Qui omnes à primo ætatis gradu, Cicero-  
 „ nem in disciplinis bonarum artium sectati fuere. Sed  
 quod de Cicerone, idem nimirum de Socrate, Platone,  
 & Aristotele, alijsque doctissimis uiris, qui scientia  
 præcelluere, accepimus: qui bonis disciplinis iuuenum  
 animos imbuendo, æternam sibi gloriam peperere,  
 suisq; dissertationibus & documentis diuersarum opi-  
 nionum sectas inuenere. Ante omnes Pythagoras Sa-  
 mius iuuenum æmulantium studia, scholasq; sophista-  
 rum in Italia habuisse fertur: pluresq; discipulos reli-  
 quisse magnæ & expertæ uirtutis. Sic Thebanū Epa-  
 minūdā Lysias Pythagoreus, Aristoteles Theophrastū,  
 & Syracusanū Dionysium Plato erudiuit. Perrarōq;  
 eximius aliquis ingenio & doctrina inuentus est uir,  
 cuius nō aliqua monumenta studiorū mandata literis,  
 aut aliqui discipuli sapiētia præceptis aucti & imbu-  
 ti, uelut hæreditaria munera, posteritati relictī fuerint.

In quo gradu cognationis apud plerasque gentes matrimo-  
 nia licuerint, & quàm diuersi mores in contrahendu  
 nuptijs fuerint.

Cap. XXIII.

INTER omneis constare uideo, licuisse quondam  
 passim & nullo delectu aut modò, ueteres cōiugijs af-  
 finium cognatorumq; copulari: quod tamen non æquè  
 apud omnes seruatum est. Nam etsi apud nonnullas  
 Indorum gentes, Arabes, Persas, Maurosque, qui iux-  
 ta Bactrianos sunt, ac Magos & Babylonios, quorum  
 hoc institutum fuit, cum quibus Chrysippus sentire

H 4

uisus est, filios matres ducere uxores, & cum parentibus stupro coire, atque ex eis sobolem gignere passim licuerit, idque inter eos cōiugium nullis fuerit legibus uetitum: tamen apud reliquas ubiq; gentes, tam immane scelus lege & moribus sub graui documēto interdictum fuit: nefas scilicet existimantes, filios cum matribus turpi amore commisceri, ferarum ritu: quòd dictu audituque fœdum & pudendum est. Aegyptij uerò sororum amoribus coniugijsq; implicari, & cum his passim matrimonia inire solita uere. Quippe Ptolemæus, ut sororis quam miro amore deperibat, coniugium sortiretur, & suam libidinem expleret, passim id licere permisit. Itaque ut dirum facinus & notam turpitudinis nefariæ uelamento matrimonij obnubilaret, omnibus id permitti uoluit. Id quod Persis quoque licuit. Nam Cambyfes duas sorores cum desiderium ferre non posset, & Darius Satyram iisdem genitam parentibus connubio sibi deuinxere. Idem Epirota & Macedones: siquidem & Ptolemæus Ceraunicus Arsinoen duxit, & Olympias Pyrrhi filia, fratris coniugio potita fuit. Contra uerò omnis ferè Græcia, qui inter priuatas necessitudines cum sororibus cōmisceri interdictum habuere: nefandumque putauere eodem parente genitos, inuicē incestis nuptijs detineri. Tametsi Atheniensibus germanas ducere uxores, crimini datum nō fuerit: quippe Cymon Elpenicē duxit: & ex illo traditum, impunè cum sororibus coniugari. Persis quoq; legitimū fuit, neq; pudendū uisum est, non modò sororibus, sed & filiabus cōmisceri. Nāq; Artaxerxes Athosim atq; Mestrim filias, iuste uxoris loco habuit: & alij impunè id factitarunt, quod Græci  
& ple-

et pleraque gens improbū nefandūq; extimarunt. Præ omnibus uerò Lesbij fœdissimæ Veneris fuisse traduntur: apud quos nihil synceri erat aut incōtaminati: adeo ut ne capiti quidem parcerent, et omni fœda libidine se inquinarent. Apud Romanos uerò tam infor- mia coniugia, lege et moribus interdicta fuere: apud quos licet cum affinibus cum quibus summa erat ne- cessitudo, cōiugalem inire copulam esset lege uetitum, ea de causa, ut novos affines agnationibus familia- rum, multasq; propinquitates et clientelas mutuis af- finitatibus sibi asciscerent cognationis iure: tamē cum sobrinis aut defunctæ uxoris sorore, uel mortui fratris uxore copulari non uetabatur. Cæcilius enim Metel- lus, uxore defuncta, illius sororem desponsam tulit. Et Brutus Porciam sobrinam, nulla prohibente lege, de- sponsauit. L. quoque Crassus ex defuncti fratris uxore filios eduxit, et propagauit. Ex descendantibus uerò ad neptes usque, coniugia Romani uetuerē, id quod etiam plebiscito cautum fuit. Sed fratris filiam ducere uxorem, licet antea lege uetaretur, subsequutis inde temporibus, passim id licere principes uoluere: postquā Claudius Cæsar rem desuetam usurpauit, ut Agrippi- nam, cuius amore deperibat, sibi uxorem desponsaret. Idem apud Græcos licuisse comperimus. Namq; Ale- xandrides sororis filiam sponsam duxit: ex qua Do- ryeum, Leonidem, et Cleombrotum genuit: quod suc- cedenti auo à Nerua fuit seuera constitutione inhibi- tum. Proditus tamen memoriæ est Antoninus Cara- calla, præter instituta maiorū, nouercam Iuliam uxo- rem duxisse, nuptiasq; incesto primus polluisse: causa- tus principi, quodcūq; liberet impunè licere. Et licet

focrus genero copulari nullis auspicijs posset, sobriini tamen filiam uxorem ducere nullæ leges uetuerunt. Scipio enim Nasica Africani maiorem filiam nullo prohibente iure, sibi desponsauit: quod alij frequentes factitarunt. Procedente mox tempore, Valentinianus Cæsar, ut soboles passim propagaretur, gentesq; affatim redūdarent, duas simul uxores ducere licere, duobusque impunè cōiugijs commisceri lege sacrata sanciuit: quam legem Iulius Cæsar decreuisse dicitur, ut liberorū quærendorū causa, quot uellet quisq; uxores ducere, facultas foret. Id quod apud Siculos & Athenienses in usu fuisse quandoq; inuenimus. Siquidē Dionysius uno simul tēpore cū Doride Locrēsi & Aristomacha Syracusana nuptias celebrauit. Et Demetrius Antigoni filius, atq; Euripides poeta duobus simul cōiugijs nihil ueriti sunt copulari. Socratem quoq; tradunt, simul Xantippen & Myrtonem Aristidis neptem habuisse uxores. Ipse uerò Demetrius tam inexhausta libidinis fuisse fertur, ut postpositis armis & omni apparatu belli cōtra Megarenses, Lamia prostituta amore accensus, inseruiret. Vt haud immeritò Lysimacho ostentanti uulnera quæ cum leone miræ magnitudinis pugnans, passus fuerat: ipsius legati respondisse ferantur, quasi alludentes, Demetriū quoq; meretricis Lamiæ in collo notas, & uulnera dentibus inflicta, exhibere potuisset. Proditū uerò memoriæ est, Athenienses ut exhaustam iuuentutē belli cladibus repararent, decreto cauisse, ut urbanam ciues ducerent, & ex altera liberos tollere non uetarentur. Apud Spartanos duas simul duxisse, crimini fuisse datū satis cōstat (licet aliqui contra uetitū pessimo id exemplo factitarint) Lycurgi



curgi lege, qui binas uxores unas ædes incolere, atque eadē domo habitare nō permisit. Brachmanes, Numida, & Mauri, pro modo facultatum uxores habent. Itaq; multis denas, plerisq; uigenas habere permissum est. Reges quoq; Persarū & Assyriorū, plures, quibus ciuitates pro redimiculis & muliebri mūdo largiuntur, habēt uxores. Sed sicut apud diuersas gētes nationesq; dispares gradus affinitatis cognationisq;, quibus cum iūgerentur, definiti fuere: ita mores obscænos & sordidos ritus, ac fœda quædā solennia in cōtrahendis nuptiis, pleraq; gentes dispari obseruarūt modo. Qui ppe Thraces mulieres nuptura, nō parētū arbitrato, sed præmijs nubūt. Virgines enim quæ forma præcellerbāt, à uiris precio exhibito, & certa subtaxata pecuniarum summa, emebantur. Cōtra uerò, deformes & minus decora, præcijs mercabantur uiros quibus nuberrēt. Babylonys & Assyrys peculiare fuit, nobiles uirgines ad forum in unū cogere: circumstanteq; uirorum turba, per præconem singulas auctionari: ut quæ complacita foret, precio exhibito, aut datis uadibus, spōsa duceretur. Apud Taxilos, Brachmanesq; si qua propter inopiam uirum nancisci nō posset, in forum uirgo producebatur: & classico euocata turba, pudibundisq; ostēsis & reuelatis, cui cōplacita erat, nuptui dabatur. Bæotijs & Locris nihil erat in spōsalibus firmū, nisi spōsus & spōsa in ara Euclia uirgini dicata, prius libarent: haud aliter, nisi more solenni antea libassent, matrimoniiū esse rati. Qui mos Romæ quandoq; inuauit: siquidē olim nuptura, in sinu Eutini dei sedere cogebatur. At apud Indos, nisi nubentes unguento quod ex arboribus Phasis fluminis distillat, delibuti forent:

neque matrimonium, neq; cognationis iura legitimè cōtrahi putarūt. Sicut Atheniensibus nulla dabatur nuptui, ni prius Diana sacra obisset. Nam uestem induebat, cui crocoton dixere nomen: neque initiari poterat decennio maior, uel quinquennio minor. Samnitū institutio talis erat, nō cuius homini nuptui locare filias, sed decem deligebantur quotannis uirgines ex omni turba, quæ totidem magnæ indolis iuuenibus darentur, compare uoluntate, ut si à suscepta uita institutione, aut à bono honestoq; decederent, per ignominiam illi uirgo adimeretur, alteriq; locaretur. Proditū quoque memoria est, Phænices uirgines in lustris & lupanari uulgo quæstum facere in fano Veneris in oppido Sica: exq; eo quæstu meretricio dotem parare, & ita uirum nanciſci: de reliquo uerò, donū Veneri exhibere. Quod apud Cyprios usurpatū fuit. Nam uirgines nupturæ, ad litora descendere, & cum hospitibus cōmisceri, uulгатоq; corpore quæstū facere solebāt, donec dotes, quibus uirum nanciſcerentur, sibi compararent. Harmeniys lex est, ut uirgines in fano uetustissimo & sanctissimo Anetidis deæ prostituantur: ubi ipsius statua ex solido auro sita erat, quam Antonius expilauit: quibus emeritis, cuiusuis præcipui hominis coniugium sortiri fas erat, nemine abnuente, aut tale coniugium detrectante. Indi uerò maximū decus arbitrati sunt, si qua uirgo eleganti munere, aut insigni dono prisca artis digna foret. Quibus in more fuit, ut parentes nobiles filias in cœtu præstantissimorū iuuenum producant: exq; illis uirū sibi deligat, qui fortitudine, cursu, pugna, aut specie corporis cæteris antestaret, nullaq; dote exhibita, quæ sibi illa uirū delegerat,

sponsum

sponsum adducebat: quippe cum non genere aut nobilitate, sed libentes cum uiris insigni corporis forma iungantur, ut species manaret ad posteros. Quod & Cetheorum dicunt proprium fuisse, ut sponsa sibi uirum deligat: sed ut eo fœdere iungatur, ut uiro defuncto, eadem pyra oppetere cogatur. Segoregiorum uetus erat mos, ut paratis instructisque mensis, inter epulas uirgo introducatur: & cui ex conuiuiis aquam dederat, cum sibi uirum delegisse uidebatur. Sicut apud Talcheas Libycam gentem, ubi multi unam expetunt: apud futurum socerum instructis epulis, coram sponsa scommata iactitant, fabellas & iocos: cuique arridet mulier, illum sibi delegisse censetur. Nonnunquam posita uirgine, in uictoris præmium decernebant. Indi luctatione & pugnis, uictorque præmium sponsam adducebat. Idem apud Sacas extimas Scythiæ gentes: nanque hi solebant pro sponsa cum riuali pugnis decernere, uictusque uelut deformatus ignominia, pudibundus & marces, in latebra degere, & alterius aspectum lucemque uitare. Circa Maotim gens est, Laxamatas uocant, apud quos uirgo nisi qua hostem confecisset, nuptui dabatur nulli. Et ex Carmanis uxorem ducebat nemo, nisi qui hostis caput ad regem detulisset. Apud Syginnos Persicam gentem, mulier aurigan di perita, quemcunque uult uirum ducere, ius habet. Troglodytæ uerò, fœminas uiris desponsas, primis notibus cognati affinesque producunt, illasque promiscuis adulterijs patere sinunt, postea perpetua pudicitia adscriptæ, seuerissimis pœnis, uel minima cōiectatione, si deliquissent, coercebantur. Quem morem Cymnesiarum incolis, Balearibus, & Lydis inualuisse le-

gimus. Tradunt quidā Andrimachidis in Aphrica populus, usum multa secula uiguisse, ut uirgines nupturas regi in primis offerant, ut illarum pudicitiam ante solennia nuptiarum delibaret. Quod à Volsiniensibus quandoq; seruatum legimus, ut seruili pressi dominatu, ingenuas filias seruis delibandas darent. Ebulibus uerò insulis rex imperare dicitur, qui sine spe coniugij, in quācunque commotus fuerit, usufrariam capit. Apud Aethiopes pleraque gens solennes nuptias non nouit, quia passim & indiscreto concubitu miscentur. Garamantes quoque nuptias non nouere, sed ferarum ritu passim in Venerem ruere licebat. Quod quidem à barbaris frequens usurpatum est, qui turpi coitu se immiscentes, expertes thori genialis fuere. Inter quos Lymirini populi traduntur, uulgato cōcubitu, connubia habere promiscua, filiōsque editos post quinquennium in unum coactos, suū quenque similem agnoscere, & pro filio educere. Neque omiserim quod traditum est, apud Persas Medōsq; reges quā plures habere uxores, mulieres uerò quā pluribus nubere: quā autem paucioribus quinque uiris nupsisset, agrestis habebatur & sordida. Thraces quoq; honori ducunt multiplici coniugio & numero uxorum gloriari: sicut Germani, qui licet singulis uxoribus contenti sint, nobiliores tamen plures habere uxores pro decore familiae & maiestate putant. Apud Arabes, Nabathæos & Britannos in usu fuit, ut consanguinibus, cognatisque omnibus una uxor sit, ad quam per uices quisque suo ordine admittitur, ingressurusque ad eam, baculum pro foribus ponit: alterius uerò congressum pro adulteria luit. Ac ne nimium multa complectat, neue ulterius barbaros ritus



tus morésque recenseam, de his hæcenus dixisse abun-  
dè fuerit. Illud utique uerum est, quod à Græcis & Ro-  
manis pariter factitatum nouimus, ut uxorem quam  
quis duxisset, etiam sublati liberis aliq̃ dare usua-  
riam, ex qua liberi gignantur, mox illam uendicare  
legibus & moribus permissum fuisse. Sic Cato Mar-  
tiam uxorem amico dedit, & Socrates Xantippen.  
Atque aliq̃ id sæpe factitarunt: quem morem apud La-  
cedæmonios Lycurgi lege, Tapyrásque, & pleraque  
gentes inualuisse, documenta sunt: qua cauetur, ut ad  
senioris uxorem, iuuenis florenti atate, tollendæ prolis  
causa, admittatur. Legibus uerò Solonis sancitur, ut or-  
bæ puellæ qui sunt genere proximi, nubant: utq̃; si ma-  
ritus ad rationem ueneream minus potens foret, ma-  
riti propinquus illius uxorem nanciscatur. Quare At-  
talus Asiæ rex, cum falsus rumor inuasisset, Eumenem  
fratrem morte sublatum fuisse, protinus illius coniu-  
gem unà cum regno sibi uendicauit: deinde Eumene su-  
perstite, uxorem illi simul & regnum restituit.

Quid sit artemon apud iureconsultos: & quod dicatur  
plumbum in ripa positum, de quo ambigitur  
apud multos. Cap. XXV.

MALVM, nauis esse partem, licet pleraque na-  
ues sine malo sint: artemonem uerò nō esse nauis par-  
tem, labolenus ex authoritate Labeonis, in primis ma-  
gni & docti uiri, de uerborum significatione notauit.  
Quæsiui ego à iureconsulto maximo temporū nostro-  
rum, claro in iudiçis & foro, quid esset artemon: qui  
quasi additamentum, non pars nauis à iurecōsulto cen-  
seretur: cūque ille ex opinione interpretis, artemonē  
gubernaculum, seu clauum nauis diceret esse: rursus

quæsiui ab eo rationem tam uaria decisionis, cur malus naui pars sit, cum pleraque naues sine malo sint: gubernaculum uerò pars naui censeretur non debeat, cū extorto gubernaculo, naui haud dubiè fluitaret, & incommoda fieret, arbitriūmq; moderandi deperiret. Quippe sicut gubernaculum, sic malus naui faciliè demitur & addi, figi que & refigi potest: plūsque opera & negocij gubernaculū naui, quàm malus præstet. Cūque ille subdubitare aliquandiu uisus, non faciliè obiecta dilueret: tandem dixi, à nostris interpretibus pleraque minus commodè & uerè definiri: ob quæ non solum imperiti legum & rudes, sed & docti in dissonos sensus dilabuntur: multipliciq; affecti errore, ueros significatus non planè percipiunt. Nō enim gubernaculum naui artemon fuit, ut falso illi opinati sunt: quippe gubernaculum nō esse naui partem dicere, est improbiſſimæ insipientiæ: sed artemon troclea genus tractoriū est, quod ἰστρον Cræci uocant, quo fune ductorio per orbiculos traiecto, & acto in gyrum, ut nostri moris est, facili ductu importantur onera uel exportantur: uulgóq; quantum coniectura assequimur, Arganum dicitur. Is autem artemon, naui pars non erat: cum non nauigationi, sed oneri inferendo machina commodè cōstructa fuerit. Iterum idem Iabolenus plumbum, quod pro tegulis tecto appositum foret, ædium partem esse, ex autoritate eiusdē Labeonis asseuerat. Quod uerò in ripa tegendi causa locaretur, cōtra esse dixit: quo fit, ut uēdita domo uel legata, plumbum quod esset in ripa, uenditioni aut legato non accedat. Quid esset plumbum in ripa, sæpe à iuris professoribus quæsiui. Et tamen si nonnulli inani opinione ferantur,

rantur, ipseque legum interpretis alioqui facundissimus, ingenue se id ignorare fateatur: animaduerti tandem plumbum quod esset in ripa, tegendi causa illud dici conuenire, quod tecto destinatum, necdum appositum, aliquo in loco relictum, donec tecto apponeretur commendatumue fuisset: esseque in ripa id commodè dici, quod parieti inhaerens erectum, ita subsidet, ne humi iaceat penitus, unde uulgo arripere dicunt. Id autem plumbi quòd ita haesit, & subsidet, in ripa esse dictum est. Fuit ergo opinio Labeonis, quòd tamen si tegulae plumbicae quae in tecto sitae erant, aedificij pars forent: illas tamen quae sepositae muro adhaeserant, ut paulò post apponerentur, aedificij partem non esse, licet ad eum usum destinatae, ut pro tegulis tecto inseruient. Itaque legata domo aut uèdita, plumbum quod in ripa ita situm erat, uenditioni aut legato non accedere, legitime putarunt.

Quod esset collegium fratrum Arualium Romae institutum, quibus Salij sacerdotes, & quot societatum genera fuerunt. Cap. XXVI.

PRIMUM sacerdotum Romae collegium, fratrum Arualium fuisse multi asserunt. Hoc enim sacrum à principio originum Romulus instituit primus. Nam cum legibus armisque urbem muniuisset, ne religio in bene instituta ciuitate deesset, undecim fratres Aruales constituit sacerdotes, seque duodecimum. Fratresque ideo appellauit, quasi mutua charitate & foedere nexi forent. Refert tamen Massurius Sabinus, Accam Larentiam Romuli nutrice, duodecim eduxisse filios, & cum unum fato amisisset, in defuncti locum Romulum asciuisse: ipsumque & ceteros Aruales appellasse fratres, quòd socij essent & ferè pares, agresti & pastoritia sodali-

tate coniuncti. Horum insigne fuit, spicea corona alba, infula alligata, quam dum operantur sacris, singulos gestare solenni more decebat: quo insigni ab Acca Laurentia donati primum fuere: usque honor perennis illis perpetuo mansit, ita ut nullo successu uel casu, tanta societas nisi uita finiretur: tantaque fuit amplitudinis, ut etiam ab hostibus captos, & in extrema fortuna, aut exules, quanuis nullo postliminio redemptos, honor hic comitaretur. Apud Aquitanos uero Solduni dicti sunt, quorum societas erat, ut ipsdem uitae commodis, opibusque promiscuo usu fruantur: siquid autem aduersi contingeret, eosdem casus, eandemque fortunam, ac etiam uitae interitum, unà subire cogerentur. Quod ab Aegyptijs usurpatum legimus, quibus amicitia genus & sodalitium fuit, cui nomen *συγγενικὸς σύνδεσμος*, quasi commorientium, qua nulla sanctior firmiorque fuit: quo genere Antonius & Cleopatra, cui plus nimio se addixit, mutuo affectu deuincti fuere, hac lege copulati, ut si fatale quippiam aut diri casus alteri contigisset, alter tanquam pœnæ socius, eundem fortunæ exitum esset laturus, sociique & comites essent fortunarum & calamitatum. Apud Hunnos tale fœdus inexplicabili nexu contrahebatur, ut uiginti uiri generosi spiritus, eisdem sacris initiati, unà comites essent consiliorum & uoluntatum: eo uinculo, ut in conuictu frequenti & cōtubernio mancant, & ne punctum quidē temporis uacuum relinquunt: prosperaque & incommoda mutuis officijs ferant ad supremū diem: morte autem obita, superstitēs defunctum efferant & comitentur. Hiberorū uero mos fuit, ut amici in familiaria iura assueti, principē se deuoeant, uita mortisque ultores: quique ita



in cohorte amicorum deuoti erant, omnium consiliorum secretorumque participes fiant, & si quid timendum accidisset, omnes casus & fortunæ minas, atque unâ mortem oppetere cogantur. Qui mos Cantabris fuisse traditur, ut pro amicis & fœderatis, sociali fide se immolare atque interire non dubitarent, insigni testimonio mutua charitatis & perpetui amoris. Ex Socianis quoque Gallorum gente, sexcēti ex primoribus, Solduni uocati, unâ cum rege uiuunt & commoriantur: nefas putantes, superstitem principi suo esse. Apud alios uerò intimi familiares, qui manus, mens, lingua, & oculus, atq; aures principis uocantur: in eodem cultu & conuictu sunt, rei nullius ignari, & amici principis, qui arcana consilia & abditos sensus soli cognouerunt. Ab Aethiopibus seruatum est, ut familiares in regis societate per omne obsequium insinuati, unâ cum rege ad supremos annos uiuant, consociati & fœderati, qui summum inter amicos locū tenent, & si qua corporis parte rex mancus fieret, eodē membro se deforment, eoq; morte sublato, sponte intereant. Tauris apud Scythas cū regibus præcipuè gratos, & qui magno in honore fuissent, ex amicis sepelire in usu fuit: cui rex tanquam pignus amoris aurem abscindere solebat. Apud Græcos usurpatū est, ut cum aliqui inexplicabili nexu copulantur, uno pallio inuicem se operiant, & morte obita eodem tumulentur: quo significabant, duo simul corpora cōcordibus animis & una mente teneri. Priscis autem Longobardis maximū fuit amoris uinculum, apud aliquem ponere barbam. Is enim intimo fœdere astrictus erat, apud quem lanuginem quispiam deposuisset. Sicut apud Persas dona-

ri anulo à rege, fœdus inexplicabile & summi amoris uinculum putabatur. Huic ergo Larentiæ quæ Flauia dicta est, mense Aprili solennes dies & sacra ab Anco instituta, Romani assiduè celebrant: quæ Larætalia dicta sunt, & decimo calendas Ianuarias, qui dies Ioui feriatum erat. Cui Martis flamen, plerunque pontifices in Velabro, ubi Larentiæ ara & statua erat, sacrû anniuersarium facere, ad eiûsque sepulchrum Decembri mense conuenire frequentes, & dare inferias solebât, quòd populum Romanum decedens hæredem fecerat. Cuius rei causa, eiûs dies inter fastos relatus fuit. Sta- taque die flamen Quirinalis illi quotannis sacrum fa- cit. Huius postea exemplo inter Romulum & Tatium inita societate, retinendis Sabinorum sacris, sodales Ti- tii à T. Tatio, uel à titijs auibus, quas obseruant augu- res, denominati sunt. Post quæ, sodalitates sacris Idæis magnæ matris receptis, Romæ sub idem tempus inuen- ta, ueluti publica munera habita sunt, sicut sub Tibe- rio Augustales, qui numero quinque & uiginti ex pri- moribus urbis, sorte ducebantur: quos Tyberius Iuliæ gēti sacrauit. Et Antonini temporibus Antoniniani so- dales, mox Eluiani & Aureliani, & demum Fausti- dianæ puellæ ad imaginem antiquitatis nuncupatæ, qui in principis comitatu, inexplicabili fœdere uincti erant, & post funera illi flamines & sacerdotes conse- crati. Sed cum à Romulo hoc sacerdotium primum in- stitutum ferant, quin reliqua sacra Numa summus reli- gionum cultor obiuerit, nulla cōtrouersia est. Nam & pontifices, flamines, salios, atque augures ab ipso in- uentos tradunt. Fuere enim salij Martis sacerdotes nu- mero duodecim ex patritijs, liberi & ciues, & qui

neutro

neutro parente orbatii essent, à Numa seu Tullo Hostilio bello contra Fidenates (ut Linius author est) uoti causa nuncupati: qui postea numerum saliorum duplicasse fertur, ita ut quatuor & uiginti, belli pacisque temporibus collegio cooptarentur: cuius sacri causa hæc & origo fertur. Cum enim regnante Numa, morbo & afflatu noxio ciuitas affecta esset, eaq; lues nullis sacrificijs aut piaculis sedari uideretur posse, peltam æneam è cælo, in qua Romanorum fata sita erant, in manus Numæ decidisse ferunt. In qua cum urbis salutem sitam crederent, ne inuentu facilis, & ob id furto exposita esset, alias undecim elaboratæ artis eadem facie mensuræque à Mamutio fabro, ne dignosci posset, constructas dicunt fuisse: illasq; in Martis sacrario asseruasse, illarumque custodes, salios uocasse: quorum princeps, præsul, alter uates, alius magister, qui præsidebant, dicti. Illorumque insigne tunica erat punicea, & aneum in pectore tegmen, quod supra tunicam uersicolorem induebat: tum balthæi, & æneæ galeæ: quibus ornati Martio mense, cum tripudijs ad tibiam, solenni que saltatu cælestia ancylia eiusmodi ferentes, culti ornatique prodibant, ipsiq; gladiolis illa percussientes, cum gressu & gradu composito, pulsū pedum ad sonum uocis modulato, per Capitolium & forum, perque urbem incedebant. Inque eo tripudio Mamutium fabrum, qui tam exactè illa molitus esset, in nominis memoriam sempiternam, ac pennatas impennatasq; agnas pro spicis & aristis, & Lucecium Iouem, Ianumq; deorum deum, aliosq; deos, excepta Venere, quam in carminibus saliaribus nominare nefas erat, uerbis subobscuris, Marti consecratis, quæ nec mutare

licebat, ritu prisca religionis, in fine carminum referebant. Post aliquot uerò atates, imperatorum nomina suis carminibus salios adnotare constitutum fuit, ut illorum quoque memoriam sempiterna gloria mandarent. Quare Germanici nomē saluari carmine, & mox aliorum principum, intercurſu temporum celebrata fuere, quo tempore flaminica dialis uxor capillum petere, antequam ancylia conderetur, uetabatur: quorum sacra & festos dies cœnis sumptuosis, & comestationibus cum cantu & symphonia opiparè celebrare soliti sunt: in quibus sutiles coronas & alia conuiujs oblectamenta adhibebant. Hi quæ dies religiosi & sœri mansere in posterū. Quod sacerdotium quanti fuerit, licet æstimare, quod nisi ex patritijs ad hunc honorem admittebatur nemo: & nisi liber & ciuis, patrimus & matrimus foret. Quodque Appiani Claudius triumphalis, Scipio Aphricanus, & L. Bibaculus inter salios esse, & hæc sacra attrectare, gloria duxere. Et Titus Vespasianus, quod numero saliorum fuisset cooptatus, gratias egit. Antoninus quoque philosophus, natus octo annos, ab Adriano Casare inter salios adnumerari, laudi duxit, uelut magni splendoris munus ferret. Eratque constitutum, ut qui consulatum aut praturā, aliūmue magistratū gereret, ancylia ferre, & inter salios esse cogi nequiret. Præter quæ, etiam apud Larinates, salios Martis sacerdotes fuisse: & in sacris Herculis ad magnam aram, salios sacrorum ministros cum cantu psallere consueſſe comperimus. Et tametsi Martio mense ancylia deprompta è Martis sacratio prodirent, si quando tamen gentibus nationibusque, iustum piūque bellum per fœciales indicebatur.



tur, ancylia in eodem sacrario, aut in curia saliorum commouere, moris erat: quasi eo motu Martam è sua sede excitum, eoque propicio & uolente, arma expediri, legiones conscribi, exercitus apparari, atque omnia hostilia esse designarent: qui dies religiosi & infames habiti sunt, quibus antequàm conderentur, sponsalia inire, peregrè proficisci, aut pacis fœdera tractare, uel aliquid publicæ priuatæue rei inceptare, uelut mali auspicij, tristisq; maneret exitus, ominosum fuit.

Quot lictores apparitoresque habebat Dictator, quot consules aut pratores, quaestoresue, quine secures habebant, & qui non.

Cap. XXVII.

QVOD Romulus parto regno, cum sella curuli trabeaque, & reliquo ornatu se augustiorem fecisset, tum maximè duodecim lictoribus insignè fecerit, qui fascès securesq; uelut insignia maiestatis præferrent, à multis est memoria mandatum. Nonnulli Tullum Hostilium Romanum regem, primò purpuratū cum lictoribus & fascibus in publicū prodūsse ferunt. sed perpendimus non lictores modò cum fascibus & securibus, sed apparitores quoque regem præire consuesse. Fuere enim apparitores ministri regij, qui astabant lateri, & corporis stipatores erant: ut si quando opus esset, ad imperium nutumque regis præstatores. Præter quos fuere uiatores in regio comitatu, qui quoties senatus cogendus esset, ex agris senatores aduocarent, contumacèsque citarent & arriperent. Quippe cum priscis temporibus procères ciuitatis morarentur in agris, si quando consilium publicum cogendum erat, à uillis accersebantur in senatum: ex quo qui eos euocabant, Viatores dicti, quiq; ex uiatoribus ligan-

di cædendique ius habebant, Liçtores nominati sunt: quibus iussu regis delinquentes uincire, nudatosq; uirgis cædere, & si crimen exposceret, securi percutere negotium erat. Ideo lora in sinu gestantes, regi apparebant: quibûsque mandatum erat, facinorosis & delinquentibus crura & manus ligabant, ut post uerbera nouissimo exemplo afficerent. Præter quos fuit accensus & præco, qui dicto consulis alteriusue magistratus ad imperium nutumque præsto essent. Accensus, ut ad concionem: Præco, ut ad comitia quirites aduocaret. Quod munus ut esset expeditius, Libertis dari consueuit, sicut ministrorum & apparitorum, Brutarijs, coactis seruilia exhibere, pro eo quod bello Punico secundo post cladem Cannensem, ad Hannibalẽ defecissent primi. Sed cum post exactos reges, cons. creati, omnia insignia quæ apud reges erant, populus consulibus concessa uoluerit, Brutus & Valerius Publicola, qui assertores & uindices Romanæ maiestatis fuere, cum stauissent non formidolosum & ferũ, sed mitem & plebi percharum efficere consulatũ, utq; offensionem & inuidiam uitarent, in publicũ prodeuntes, cum eisdem quibus reges insignijs, secures à fascibus dimouerunt: & cum solis fascibus ad populum concionati sunt. Inde mansit in posterum, ut cum duodecim fascibus, totidem liçtores sine securibus consuli præirent. Hæc enim fuere insignia summi honoris & imperij consularis. Illis ergo magistratibus secures cum fascibus in urbe præferebantur, qui sine prouocatione summam imperij tenebāt: ut dictatori, & decemuiris, à quibus ad maius tribunal prouocatio nõ erat. Dictatori ergo pro honore summi imperij, quod plus iuris & maiestatis haberet,

haberet, quatuor & uiginti lictores cum fascibus & securibus, uiatoresque & apparitores, qui summouerent turbas, praebant: consulis in urbe duodecim lictores cum fascibus tantum, demptis securibus: foris uerò, ut in decreta sibi prouincia, aut quum castris & legionibus praessent, fasces cum securibus, unaque lictores apparitoresque precedebant. Idque ideo cautum, ut prouinciam perniciosi hominibus purgare, illorumque audacia & temeritati obuiam ire, flagitiaque & dedecora poenis & damno mulctare ualerent. In urbe enim consuli cum securibus esse ius non erat: quippe suprema potestas, & ius de nece ciuis consuli intra pomerium non datur. Obseruatumque fuit, ut inter consulem & proximum lictorem, nemini officij causa nisi consulis filio aditus esset: praetori uerò in urbe non duodecim ut consuli, sed sex tantummodo lictores apparere solent: extra uerò urbem aliquando cum securibus apparuisse inuenimus. Paulo tamen Aemylio in praetura priuilegio honoris duodecim secures apparuisse ferunt, ut consularem maiestatem in prouincia praese ferret. Tribuni autem plebis solum uiatorem, apparitoremque, à prima origine sine lictore habuere: qui etiam libertini erant: quippe cum Tiberius Gracchus in tribunatu libertis apparitoribus primus usus fuisse dicatur. Postea uerò quàm prouincias sortiri cœpere, & illis cum imperio praesse, etià lictores habendi tribuno facultas data est. Quaestores uerò, ædiles, duumuires, & minores magistratus, qui prehensionem & uocationem non habebant, in urbe nec lictore utebantur, nec uiatore: tametsi praetorem duodecim secures cum fascibus: & quaestorem, lictorem & fasces quandoque habuisse

legamus: quod in provincijs, quas sortiti pratores quaestoresque fuerant, non autem intra pomeriũ id licuisse apparet. Extra urbem enim his uti fascibus & lictoribus interdũ cũ securibus licebat, ut sceleris & perfidiae pœnas à facinorosis expeterent: in urbe uerò minime, nisi quaestores parrici forent, quibus pro imperio & maiestate cum crimina uindicarent, in urbe lictores cum securibus saepe praelati sunt. Marcus tamẽ Linius Drusus dum quaestor Asiam obtineret, nullo lictore aut alio insigni honorũ uti uoluit, ne quid seipso insignius prouincia haberet. His ergo quorum erat maius imperiũ, & maxima auspicia, quique cum adeunt magistratus, Vestæ & penatibus rem diuinam faciũt, ut dictatori, consuli & pratori, passim lictores cum fascibus in urbe habere licuit: Dictatori etiam cum securibus: ceteris uerò qui minima auspicia habebant, lictore uti non licuit, nisi quaestori parrico, ut percensuimus. Fuitque uetus cõstitutum, ut praefecti prouinciarum & praesides, senatoribus ex claris maioribus & inclytæ familiae, peregrè agentibus, quo conspectior dignitas & honoratior foret, plerunque in prouincia lictores cum bacillis darent: utq; si reges externi aut fœderati in prouincias populi Romani uenirent, magistratus Romanus aut praeses illi cum lictoribus & fascibus praeretur. Mario enim pratore Asiã obtinente, & in eam profecto Mithridate, semper cum fascibus Marius praecessit Mithridatẽ. Qui quidem lictores nõ his modo magistratibus, sed & uestalibus, & sacerdotibus, mox Caesaribus & summis imperatoribus cũ uirgis laureatis, & Augustis mulieribus pro muliebri fastigio praecessere. Quare Agrippinae matri Neronis, perpetuo



perpetuo senatuscōsulto lictores duo tributū fuere, & flaminium claudiale. Contrā Tiberius Drusillā matri decerni lictorem minime passus fuit, licet Augustus illam in familiam nomenq; Augusta testamento ascuiisset. Illud quoque obseruatū est, ut cum lictores iussu consulum, aliquem ē domo euocarēt, fores adium uirga percuterent, quasi eo signo publicam adesse personam innotesceret. Si cui tamen ob claritatem dignitatemq; deferrebant, uirga fores percuti uetabant. Cum enim Pompeius Magnus Possidonij domum summi sapientiae professorus esset ingressurus, fores uirga percuti uetuit, & fasces summisit. Et si quando dictatori, consuli, aut pratori praerent pro imperij maiestate, obuium quenque semita cedere, denudare caput, & obsequij honorisque causa, equo descendere iuberent, obuiamque turbam uirga subsisterent, & summoerent. Apud Athenienses & omnem ferē Graciam, ut discrimen personarū notaretur, magistratus non lictores, sed lixas simul & uirgas habuerūt uice lictorum, quos latāgros nuncupant. Fertur uerō Germanicus, Atheniēses socios & fœderatos, uno lictore uelut principuo munere donasse. Neq; praterendum, in occursum maioris magistratus, minores summittere fasces consueuisse: ut signarent honori deferre & imperio parere. Quare Valerius Publicola in suspicionem affectati regni adductus, dum concionatur, fasces populo summisit: scilicet populi quā consulis maiestatem & iura potiora arbitratus. Lictoresque cum fascibus saepe paludatos, cōsuli etiam paludato in prouinciam profecturo praere solere: quae quidem paludamenta tunc sumebat, cum in expeditionem aut decretam sibi pro-

uinciam consuliturus esset. Paulo tamē Aemylio prætori in Hyberiam profecturo, album paludamentū, ac lictores ministrōsq; albatos cum modico comitatu tributos comperimus. Sine autem lictoribus proficisci in prouinciam, aut consulibus profectis, lictores in urbe mansisse, religioni est & prodigiū loco habitum. Fuit quoque receptus mos, ut quoties insigni uictoria consules potiti essent, ob res prospere gestas, laureatis fascibus prælatis incederent, literasque laureatas Romam mitti, aut nuncios cum iaculis laureatis aduenire, nauemq; laureatam aut uittatam, felicitis uictoriæ nunciū esse: ac lata & magna significare tunc, quū depulsis & dissipatis copijs, hostes uicti essent & profligati, animaduersum est. Victo enim Mithridate, & fugato duplici prælio, lauro ornata nauē, & bellico apparatu instructā, ut in uictoria mos erat, Lucullus Romā misisse dicitur. Ipsis uerò nuntijs tabellarijs, Græci πτεροφόρος dixere nomen, quoniam erectas pin-nulas gestarent, quod Aelius Verus fecisse dicitur, ut cursoribus alas pennatas imponeret, illosq; uentorum nominibus appellaret: quandoque φανώνας & γράμματοφόρος, Persæ ἀγγάρος & ἀσάδης. Proditumq; memoria est, columbas tabellariorum uice apud maiores saepe fungi solitas: quippe Cecina Volaterranus hirundines uictoriæ nuncias habuit. Cyrus uerò per interualla locorū tabellarios ita disposuit, ut fatigatis recentes, & nocturni diurnis succederent: adeo ut uolantes grues superarent. Quod & Xerxes fecisse dicitur, ut cursores inuicē succedētes haberet dispositos, quos neq; imber, neq; noxa à cursu dimoueret. Inter alios Mar-rhes Aegypti rex proditur cornicem habuisse, cui cur-  
foris

foris uice literas perferendas dabat. Nec ab re fuerit meminisse, ex uiridi lauro fasciū Luculli, Pōpeiū fascēs languentibus folijs lictores exornare, concessæ mox uictoria omen fecisse. Sicut Superbus Tarquinius, ne suum ducem Latini agnoscerent, nèue disceta insignia haberent, ex Latinis Romanisque fascibus, manipulos miscuit, singulosque ex binis fecit. Ipse tamen Pōpeius, licet se imperatorem siuerit appellari, nunquam tamen in fascibus insignia laurea coronæ detulisse legitur: quo exempla arguitur, imperatorum fascibus laureas apponi consuesse, quo iustum imperium & legitimus triumphus notaretur. Apud Græcos uerò uetusto more receptum est, ut si quid faustè & feliciter nuncij afferrent, coronati aduentarent: ipsique ciues felici accepto nuncio, in communis signum lætitiæ coronati incederent, ouantes gratantesque. Carthaginenses, rebus feliciter gestis, præcipuum lætitiæ genus habent, uictimas cadere, ludos celebrare, munera mittere. Quodque fascibus, quos præferebant lictores, betullas uirgas maximè commodas duxere. Itaque ex illarum uirgis, tum propter candorem, tum propter tenuitatem publicos fascēs, qui magistratibus præirent, effecerunt. Atque illud animaduersum est, quod tametsi ad reliquas prouincias præsides & magistratus cum lictore & fascibus irent: tamen Alexandriam consulares fascēs accedere, aut urbem inire uetabatur: quod diuinis carminibus & uaticinio prædictum esset, tunc demum Aegyptum fore liberam, cum ad eam Romani fascēs aduentarent. Tametsi Romani magistratus libera & fœderata oppida, uelut sociali fide copulata, plerunque sine lictore aut fascibus adirent.

Quod regium diadema tam apud Romanos quàm apud exteras nationes gentesq; fuerit, & qua insignia. Cap. XXVIII.

APVD Paulum Cortesium uirum doctum, & mihi per familiarē, legebatur Luculli uita ex Plutarcho: in qua expeditionem & praelia cōtra Mithridatem à Sylla primū, mox à Lucullo suscepta, multa cum facundia uerborū refert, cum quo multiplex, uarium & inexpiabile bellū fuit: quoq; modo fusus & profligatus, quū de cōfiscenda morte cogitaret, repentina incursionis metu, ac subito malo perterritus, eunuchum ē cubiculo ad sororem, & duas uxores, Monymam & Veronicam, ut in tanto discrimine ne cunctarentur sibi uel honesta morte cōsulere, antè quàm uictor hostis adueniret, misisse dicit: & dū alij alio lhetō absumerentur, illarum alteram animo cōsternatā, diademate detractō, quod capite gestabat, & collo circumdato, suspendio uitam finire uoluisse: alteram ueneno mortē sibi consciuisse, & qualia in magnis discriminibus, & summae fortunae casibus euenire solent: in eandem sententiam multa cōmodissimè aptissimeq; enarrat. Atq; hae cum legerentur, quidam uir curiosus & haud illiteratus, qui unā aderat: quonā modo potuisset quispiam diademate, quod capite gestaretur, suspendio uitam finire demirabatur: quippe diadema regium ex auro gemmisque constare dicebat, neque illo efficere potuisse quenquam, ut laqueo deperiret. Quae cum dixisset, multiq; idem sentirent, dixi aliud fuisse sententiae & opinionis meae: diademaque regium tam Romanis, quàm exteris gētibus, candidā fasciam esse respondi: quod insigne à Libero patre inuentum Plinius notauit: ideo crimini datū Pompeio fuisse, quod ulceris uelandi



uelandi causa, crux fascia circuncingeret, tanquã regium sibi diadema uendicaret, nihilque referre, qua in parte gestaretur, illi obiectum esse: tametsi ferantur ueteres, quod caligis non uterentur, crura fasciis alligasse, femoraliaq; & tibialia habuisse. Et Lucius Murellus, quod ulceris causa frontem fascia circumdeditisset, Vittati seu Diademati cognomen tulisse. Tigranes quoque Armenius candidam fasciam insigne regium ante Pompeij pedes abiectisse dicitur, uelut dominationi cederet, & omni publico munere se abdicaret. Quin Alexander memoratur, cum defiliens equo, casu Lyfimachum uulnerasset, medendi uulneris causa, diadema sibi detraxisse, (nam cãdida fascia erat) illoq; Lyfimachi uulnus alligasse. Quod omen illum futurũ regem designauit, sicut euentus docuit. Idque apud aucthores assiduis exemplis patere. Medis uerò, Persis, & Armenijs regibus, cidaris cum cerulea fascia albo distincta, uel tiara, amictusque purpureus quadrangulari figura. Interdum candys, quod Persarum Lydorumque insigne regium erat, pro diademate fuit. Quos quidem reges antequam sceptrum inirent, sacris initiari oportebat: qui modus erat, ut uestem qua gestauit Cyrus, primũ induerent, mox terebinthum & caricam gustarent, poculumque lactis ebiberent: sicut initiatos sacris Isidis, fores ædis aperire, arcanosq; libros euoluere, aqua ablui, ad sacraria deduci, duodecimq; stolis primò, mox ipsius deæ picta ueste indui decebat. Quæ quidem tiara pileus erat, ex qua redimicula quibus maxilla uelantur, defluebãt, qua Phryges in solennibus utebantur sæpe. Quod quidem diadema Armeniorum reges, nisi à Romanis, assumere non poterant.

Nanque experimento cognitum erat, barbaros malle Roma petere reges, quàm habere. Persici reges obseruauerunt ex myrrha & labix odorata, capiti insigne regium ferre, pallamq; picturatã & auro distinctam induere. Numidis regibus sceptrum in sinistra, & candida in fronte uitta, insigne est regale habitum. Macedonum regum chlamys, chausia, & crepida, ac diadema: Assyriorũ uerò, tiara diademate obuoluta, & tunica purpurea, & partim alba, quam nisi rex induere nemo poterat. Sardis quoq; curru uehi, & rectã ferre tiaram, solis regibus dabatur. Apud Siculos, purpurea uestis, argenteus baculus, & purpura gemmis extructa cum diademate. Phœnicibus, Syris & Cilicibus, chlamys cum crepidibus, & candicans diadema. Aegyptijs autẽ regibus, nunc leonis, nunc tauri, aut draconis efficti imaginem, aut ignem, arboremue effictam supra caput ferre, principatus & regũ dominatus insignia fuere. Tametsi regni cura & procuratio illis penes regias uxores fuerit, quibus plus quàm regi honoris, obsequiũq; tributum est. Nonnunquã diadema aspidis imagine distinctum, Aegyptiorũ regnum spectatissimum insigne fuit. Parthis duplex diadema, amplissimum decus regium dicunt esse, quippe quorũ reges magni, & regum reges habebantur: sicut Phrygum reges adeò processere, ut regũ maximi nomina ferrent. Dariũ diadema fuit purpureum albo distinctũ: quod mox Alexander usurpauit ferre. Syriũ quoq; stolam & sceptrũ pro regio diademate habuerunt. Apud prius uerò seculum reges tenuisse hastas, quas sceptrã nuncupant, pro maiestate, proq; diademate fuisse proditum est. Ferunt milites in exercitu Pharnacis, tumultuaria coacta

coacta manu, latiore illi scirpum, dum ipsum in regem assumunt, pro diademate dedisse. Sicut Amasi, dum cōcionatur, pro regali ornamento galea data est. Bataui & Germani, regem quem delegere, attolere humeris, & scuto exceptum subcollare per uices pro regio fastigio obseruarunt. Romanis autem regibus diadema, trabea & purpureus amictus, nō quadrangularis, sed semicircularis, insignia regij dominatus fuere. Sequutosq; postea Casares, diademate minimè usos comperimus: imò omne decus regium, ut inuidiosum, deuitalse. quippe nomen regium alibi magnū, Romæ uerò intolerabile fuit. Frequens enim apud eos laurea capitis decorū, & distincta radijs corona, ac purpurea chlamys, insignia imperij fuere. tametsi post temporum interualla ex Caesaribus Aurelianum Casarem, præter mores institutaq; maiorum, diadema usurpasse, eoq; insigni primū usum fuisse legamus. Demum eò uesania processum fuit, ut sequuti Casares, sacrum ignem, qui tantum regibus Persarū mos erat, uelut imaginem imperij sibi præferri sinerent, eoq; præcipuo insigni & singulari ornatu uterentur. Fertur Clearchus Heracliensium tyrannus, cum effluxè fluerent opes, eò processisse, ut successu cōtinuæ felicitatis, supra spem humanam insolens, se Iouis filium diceret: superq; cetera flagitia & dedecora, auream aquilam sibi præferri sineret: purpureamq; uestem, auream coronā, & cothurnos excellenti cultu instar tragicorum regum, pro insigni haberet, hanc regalem existimans palmam, uelut eo ornatu, argumenta sui generis, nō ambigua fide demonstraret. & Antigonus, quo liberum patrem referret, insolenti dominatu eò uanitatis excessisse, ut hede-

ram capiti suo pro diademate, pro sceptro thyrsum gestaret. Indi uerò reges pro regio ornatu habent, ut cum foras prodeunt, aurea mitra pluribus gemmis distincta, & sindone amicti, tympanisque & tintinabulis præcedentibus, cõspicui fiant. Quod autẽ de cidari diximus, nõ abnueri illam ab tiara haud multũ abesse, sed specie ferè pari, neq; inuenusta fuisse. Præter quæ fuere capitis insignia Atheniensibus, quod crobylum uocant, Cyprijs quod cordilen, Persis nidarion, Aegyptijs fasciolũ non regium, sed clarorũ uirorũ & principum. De regali autem sceptro illud memoriæ proditum est, externorũ regum sceptra in summo ciconiam, in imo hippopotamum habere effictum: quo argumento regem iustitiæ obsequi oportere, atque feritatem & indomitas libidines, ne ira desæuiat, emollire significabant: quod ciconia summæ pietatis, hippopotamus uiolentiſſimum animal foret. Lydia uerò reges sceptri loco securim habuisse feruntur, sicut Labradens Iupiter in Caria pro sceptro & fulmine securim ferebat. Romanis uerò regibus lituus cuspidẽ incurua, qui etiam uirga auguralis erat, sceptri loco est habitus. Tarquinio Prisco sceptrum fuit eburneum, in summo aquila figuram habens, & corona aurea, quam usque ad extremum tulit. Indis autem, nisi ex ebena sceptra sumere non licebat. Quorum reges cum iura dabant, aut exteros legatos admittebant, tunc capillum pectere, atque ornari solebant eximiẽ. Babylonij uerò tanto studio sceptra prosequuti sunt, ut extra domum sine sceptro prodire, aut conspici nefas ducerent: in quibus diuersas effictas species figurasque habebant, quippe mali, rosæ uel lilij, aut aquila, alteriusue auis in summo



in summo insignia ferebant. Hoc diadema apud exteros hodie uidemus in usu frequens, ut imaginem præ se ferant antiquitatis. nam candida fascia uelut regio insigni caput obuoluti, regalem præ se ferunt maiestatem. Non ergo mirum, ubi in summa desperatione & diffidentia, Mithridatis uxor nihil prolatandum rata, cum mortem oppeteret, si arrepto diademate & insigni regio, quæ fascia erat, eodem collo alligato, uitam finire uoluisset.

Quæ fuerint auspicia, quæ è pullis emissis è cauea captarentur, & quæ secundos euentus, quæ uic infortunia afferunt.

Cap. XXIX.

INTER auspicia quæ ueteres maxima cura cultuq; obseruarunt, annotauere annales, nõ parua estimationis fuisse pullos, quibus è cauea emissis plus dabatur. Et tamen si antiquo augurũ decreto, omnis aus tripudium facere possit, tamen inter eas præcipui fuisse pulli Melici & Chalcidici, quibus tantum honoris tributũ est, tãtumq; fabulosa uetustas religionis adscripsit, ut nisi his præmonentibus, comitia non haberent: nullos ad honores proueheret: nulli prouincias demandarent: nõ senatum consulerent: nõ bella uel paces inirent: nihil denique domi forisque agerent, quod ab his non prædictũ uelut deorum monitu, magna cura pensitarent. Hæ enim quasi internuntia Iouis & interpretes, futura præmonere dicebantur, quibus pullarius præerat: quotiesq; de promouendo negotio, aut re exequenda pullos consultum ibat, imperato de more silentio, pulsem illis ante caueam aut offam obijciebat: eratque tempus cõsulendi summo mane & primo diluculo. Quod si oblata esca, è cauea pulli non exirent,

aut serò progressi, escam nō attingerent, retrōue cederent, uel occinerent, aut non uescerentur, seu planctu alarum alimenta refugerent, aut euolarent penitus, omen magni terroris & solitudinis, tristissimosque euentus adnotabant. Tunc enim pullarius quasi monitu fatorū, exitus animo præsumens, diem praelij aut rei exequenda tempus diffundebat. Quod nisi paritū fuisset, extremū exitium & perniciem plerunq; attulere. Tiberio Graccho, qua die in turba cæsus occubuit, pulli nō addixere, sed emissi è cauea, retro cessere euentu tristissimo, qui mox cōsequutus est. Et Claudius Pulcher moturus aduersus hostes, non pascentibus in auspicando pullis, per contemptū religionis inito nauali praelio, terribili strage cum omni classe profligatus, pœnas dedit insignes. Sunt tamen exempla, delusam religionem, & cōtempta auspicia, felices euentus & successus plerunque habuisse fortunatos. Papyrius enim Cursor, cum à pullario admoneretur, ne cum Samnitibus praelio decerneret, pullis non addicentibus, feliciter dimicauit. Et Flaminius consul moturus aduersus hostes, contemptis auspicij, fortiter pugnauit & uicit. Si autem pulli è cauea egressi, obiectam pultem, aut ofsam uolenti animo depasti essent, ita ut illis uescentibus frustum ab ore decideret, & terram pauiret, quod tripudium faceret solistimum: rem haud dubiè fortunari & auspicia secūda esse, latosq; successus & spem mirificam præsignarunt. Sed quod de pullis apud Romanos proditum est, idem in Lycia in Apollinis fonte, & in Medorū lacu ad Neptuni aquas Lymira pisces facere tradunt: ubi à cōsulentibus euocati, ad auitum ueniunt: qui si obiectas carnes diriperent & pasceren-

tur,

tur, felicia portendere, & praesens auspiciū facere, imperiūque breui futurum interpretabantur. Contra si caudis abegissent, aut aspernati cibum refugissent, tūc luctus graues & dira ac pestifera augurati fuere. In Epiro quoque in templo Apollinis draco colebatur: & in Aegypto Apis bos in fano antiquissima & sanctissimo, intra septa magnae religionis, in quibus cōiectura diuinæ mētis, & prædictiones futurorum putabantur. Sicut in Memphi uacca, & in Heliopoli Mneus bos, atque in Arsinoe crocodylus. hisq; porrectam escam accipientibus aut auersantibus, felicia auguria & exitus fortunati, nonnunquam magna infortunia & repentinum incommodum prædici & præmonstrari. Fuitq; obseruatum in omni augurū responso, ut si pullarius, seu quiuis augur qui auspicatur, cuique monita deorū prædicere, & de augurio respondere, ac portenta interpretari curæ fuit, tacitum ferret, quod dii uulgari uoluissent: haud aliter cōtraheretur nefas, quàm si occultæ diuulgaret, & abdita palam faceret. Si uerò augurio fallaci mentiri ausus fuisset, sinistrūque pro dextro, uel quid prodigiū foret, contrā denunciasset: non id illi qui de auspicio consulit, sed in ipso pullarij uel auguris caput, qui tam improbe mentiri ausus esset, quicquid fuisset infortuni, reca surum.

Pythagoras, Parmenides, & Zeno philosophi, cum Ennius,  
Pacuius, Accius & Nauius poeta, unde originem  
duxere. Cap. XXX.

QVOD de Pythagora samio ueteribus monumentis memoria & literis proditum est, his etiam Genialibus adijcere non dubitauī. Siquidem hic samio

relieta, ex patrio & natali solo, primo in Aegyptum, mox Babyloniam ad Persarum magos, contemplandósque siderum motus, originémque mundi spectandam, profectus est. Inde Cretam Lacedamonémque ad cognoscendas Minois & Lycurgi inclytas ea tempestate leges, contendit: quibus instructus, tanquam ex mercatura bonarum artium Metapontum & Crotonem uenit: ubi suis monitis præceptisq; tantum processit, ut populum in uitia lapsum, ad frugales mores modestiámque reuocarit. ibique Archytam primo & Epicharmum, mox Philolaum & Alcmeonem, deinde Zenonem, Parmenidem, ac Lysiam suæ disciplinæ sectatores habuit: qui eius monitis doctrinâque imbuti, diuina mente & consilio uiri euasere, lumenq; & ornamentum suæ reipublicæ fuere. Sed Archytas & Lysias ex Tarento, Alcmeon & Philolaus Crotoniata, ubi quondam magna Græcia fuit: Parmenides uerò & Zeno ex Elea Lucaniæ urbe, quæ post Silarim iuxta sinum Possidoniatem sita est, oriundi fuere. Eam plerique Eleam dixerunt, alij Ileam, quæ à Phocensibus colonia deducta fertur. Hic enim ille Zeno fuit dialectica primus inuentor: cuius plerâque extant egregie dicta factâque: qui Pythagoræ præceptis imbutus cū Phalaridi tyranno homini sauo & sanguinario, ob crudelem dominatum necem machinaretur, ut ciues ab impotenti seruitio tolleretur, & arcano consilio detecto, captus ab eo in omnes cruciatus laceraretur acerbis quæstionibus, quod conscios coniurationis non detegeret, nullis terroribus adduci potuit, ut affines culpæ & conscios facinoris palàm faceret: sed uultu interrito & quadam sublimi constantia, ea præsentia  
 animi



animi fuit, ut singulos tyranno intimos familiares, quanquam infontes, coniurationis capita esse diceret: quibus sublati, multitudinem scruentem magnifica oratione ita impulit, ut factò impetu, lapidibus eum obruerint. Sed quod de Zenone, idè de Theodoro, qui in Hieronymum Hieronis filium, iuuenem omnibus flagitijs coinquinatum propter turpitudinem sordèsq; uitæ coniurauerat, scriptum accepimus. Is enim quum tormentis per omnia exempla cruciaretur, quæ fortissimi cuiusque patientiam uincerent, ea fuit constantia animi, adeoque fortis & magnus, ut omnes socios facinoris supprimeret: Tyranni uerò alumnos & familiares, uelut sceleris ministros & eodem crimine pollutos, per carnifices & tortores ad supplicium tradi fecerit. Leana quoque quauis mulier, cum per omnes cruciatus uexaretur à tyrannis, nūquam adduci potuit, ut consilia Harmodij & Aristogitonis tyrannicidarum detegeret. Ob quod meritum simulacrum illi Athenienses erexere leanam aneam, cui ob taciturnitatem linguam addi uetuerunt. sicut Berofo astronomo, ob uera quæ prædixerat uaticinia, in gymnasio statuam lingua aurata effinxere. Cui non absimilis Epicharis libertina fertur, quam in coniuratione Pisoniana, iussu Neronis per omnia fœda exèpla cruciatam, non uerbera, non ignes, non torquētium ira peruincere potuit, ut se consciam fateretur. Fuit quoque alter Zeno philosophus insignis, & alij nominis eiusdem fama illustres. Sed quia Tarenti mentio & Ilea facta est, admoneor etiam Rhudiarum in Appulis sitæ urbis, quæ multi nominis & famæ non minoris habitæ sunt. Ex his enim Ennius poeta oriundus fuit: ta-

metſi ex Tarento ortum nonnulli credant. Ea enim urbs à Tarento haud multum diſtans, citra Brūduſiũ. in mediterraneo ſita eſt, ubi Lupiæ & Salapia oppida fuere. Salentini autem hi ſunt, qui extimam oram Italia, & Chersonesum circa Iapygiam incolũt, qui Meſappij, Calabri, Iapyges, Peceucij, & Appuli communi nomine appellantur. Fuit iſdem temporibus Patuius tragiædiarum ſcriptor, Brunduſij in agro Salentino Ennij ſorore genitus, et Accius tragicus libertinis parentibus, haud multum ætate diſtantes: ſimul & Næuius poeta, qui ex Campania, ut frequens opinio eſt, originem ſibi uendicauit.

LIBRI. I. GENIALIVM  
DIERVM, FINIS.

ALEXANDRI AB ALEXANDRO IV  
RISPERITI NEAPOLITANI, GE-  
NIALIVM DIERVM LIBER  
SECVNDVS.

Locus ex Propertio, ab Accio Syncero Neapolitano in conuiuiis  
familiari commode emendatus.

CAPVT I.

ATVRNALIBVS cum ego &  
familiares mei complusculi, sub idem  
tempus Neapoli conueniremus: cunq;  
à forensibus negocijs feriarum causa  
aliquando quies foret: ad Acciũ Syn-  
cerum, uirũ ingenij cultu & facundia singulari, cum  
quo mihi peruetus consuetudo fuit à puero, nonnunq̃  
uentitabamus: cum eoque uel honestis deambulationi-  
culis, uel sermonibus lepidissimis, id quod erat tempo-  
ris, ad multam saepe diem conferebamus, quotidianò-  
que eius cõgressu & assiduo comitatu perfruebamur.  
Accipiebatq; nos homo ille suauitate insigni, plerunq;  
nouo epigramate, aut elegia, uersibus mundis & gra-  
phice factis, multo cum nitore & cultu. nonnunquam  
festiuissimis epulis & latiore conuictu, cœnaque non  
uulgari nec protrita, sed aut ueteris cucurbitæ ferculo  
cum lactuca thyrsò minutim caso, & acino uua pas-  
sa inperso: aut olentibus pomis, anni frigore seruatis,  
& ficu sicca sinuessana cum rosaceo ex petrino suo,  
qua ipse appellabat petrinia. Velut fuit illa die, cum  
mihi & plerisq; doctis uiris cœna exhibita, sanaxa-  
rio ex Aethiopia bonæ frugis liberto, scitissimo adole-  
scenti, quem libertate & gentili cognomento donauerat,  
liberalibusque disciplinis instruxerat, ita ut cuius

ingenuo nō impar uideretur, demandauit ut Propertij elegias à se pluribus in locis castigatas, summissim leniterque cantaret. Quod cum ille cupide faceret, uersusque ad tibiam modulis dulcissimis, scita & canora uoce canere inceptaret: nosque & proferentis uerba, & concentum, numerosque admodum suaues summa cum uoluptate captaremus: & iam millibus modulatis uersibus, uentum esset ubi Cynthiam Baijs demorantem, diu abfuisse conqueritur, his uerbis:

„ Ecquid te medijs cessantem Cynthia Baijs,

„ Quà iacet Herculeis semita littoribus:

„ Et modò Thessproti mirantem subdita regno

„ Proxima Misenis æquora nobilibus?

Accius carminibus pausam fieri iussit, & ad me conuersus: Quid tu, inquit, qui orbis situm tam diu legendoperscrutaris, Misenum aut Naiaas cum Thessproti regno commune habere uidisti? Nunquid in memoriam uenit, Thessprotiū agrum in Epiro iuxta Chaones & Acarnanes, aut (sicut Herodotus ait) Ambracijs & Leucadijs proximum longe à Cumano abesse? Quid enim isto in loco hic poëta senserit, qui regno Thessproti æquora Miseno proxima subdita esse dixit, quū tanta maris terrarumque recessu discreta sint, non equidem intelligo. Neque enim Thessprotios in Cumanum uenisse, aut in Italiam colonias deduxisse, uel armis nouas sedes conquississe, unquam, quod meminerim, legi: nisi tū forte, qui meliore memoria es, aliter sentis. Cūque me id arbitrari respondissem, quod plerique studiosi sensere, ut poëta loci cōfinio & quasi commercio ductus, cum ex Chalcide & Eubœa profecti, multum in ora maris possent, lateque fines propagassent, illosque Cumanum



manum tenuisse, & illuc colonias deduxisse, autores tradant: siquidem Hypocles Cumeus, & Megasthenes Chalcidensis, multo emenso mari, huc colonias deduxere, moniti oraculo, quippe cum nullam coloniam sine consilio deorum Graci transmitteret: uel ut multi ferunt, duce Parthenope Eumeli filia, quæ solum Neapolitanum delegit, columbae angurium sequuta. In cuius rei monumentum, Apollini statuam Neapolitani erexere, columba humero insidente, quam ipsa inspicere & adorare uidebatur: Thesprotiumq; agrum ab Eubæa haud multum distare certum sit, quasi ad hoc alludens poeta, subdita regno Thesproti æquora Miseno proxima affirmarit: scilicet quia ex Chalcide Thesprotis proxima & Cumeis profecti, agrum Miseno finitimum, hoc est, ipsas Cumas tenuerunt, propterea ea loca subdita uideri: solereque non ignobiles poetarum loca & recessus circumscribere, illaque non exposite & aperte, sed quasi per tegmenta & figuras obliquis orationibus denotare: idque sensisse doctos uiros, itaque uersus interpretatos fuisse dixi: Nunquam, inquit Accius, quod ego scio, tam hispida & agresti aure Propertius fuit, ut cum Chalcidem aut Cumeos dicere contenderet, Thesprotium agrum quasi finitimum illorum loco nuncuparit, quum præsertim nulla societas aut communio cum Thesprotis agro Cumano fuerit: constetque, si omnes sinus, promontoria, litora, insulas, & urbes maritimas, ac maria uasta, & terra infusa ex omni antiquitate percussere uelis, Thesprotios magno litorum flexu & multiplici sinu, longe à Chalcide Eubæa & Cumeis abesse: nec ita finitimos, ut forsan arbitraris. Neque ego huius poeta præstatis

ingenū uim, hos nitidissimos & mundissimos uersus optime editos, tam abstruso & recondito significatu uerborum conculcasse putarim. Etenim si Chalcidenses & Heretrieses ex Eubœa, classe huc aduectos Cumanas condidisse, & pulcherrimam Campaniæ oram, ac loca Miseno proxima tenuisse fama fert, sicut Iapygiâ Phaliscos, Nolam & Abellam tenere, cur loca Miseno finitima potius Theßprotijs quàm Chalcidensibus, quàm Heretriesibus subdita dixerit, equidem ignoro: cum & hi ueri incole sint, & longe aptius conuenientius quæ fuit, istos, quàm illos, cum quibus nullum erat commercium, nominasse. Verum, inquit Accius, si uersus istos bene pësitare, & uerba ac sensus aure attenta rimari uolumus, nō Theßproti, ut communis error habet, sed Prochyta à poeta scriptum fuisse facile cōtenderim. Idq; ita esse, in quoduis pignus uocarim, non aliter scriptum carmen ab eo editum uē fuisse. sed hic error ita aliquibus infedit penitus, ut diuelli haud facile queat. Quod tamē ita esse, inclināt animus probabili argumento. Cum Prochyta & Pithecusas à continente æstu marino euulsas, quandoque circumfluum mare insulas fecisse, liquido constet, sicut Capreas, Leucosiam, Syrenes, & Oenotrias: seu q; multi tradunt, Inarimen montem fuisse, qui motu terræ disclusus à continente, Prochyta fecit insulam, angusto freto intersfluente, quæ Græcis ab effusione dicta est: ipsamq; & Pithecusas disclusas montis partes, proximas Cumanorum finibus tanquam moles obiectas ante agrum Cumanum & Misenum existere, antiqua monumenta annalium prodidē: quod & nunc uidere licet. Subdita ergo Prochyta regno Miseni pro-

xima

*xima æquora poëtam dixisse crediderim, cum ipsa litora facili traiectu apta & coherentia sint, quippe cum ante ipsam paruo freto distincta iaceant: propterea subdita uideri potius, quàm Thesprotios, cum quibus nullum commercium fuit, extimos & remotissimos intellexisse. Insulas quoq; regna nuncupari, Virgilij testimonio probatum est septimo Aeneidos, dum inquit: Fertur Theleboum Capreas dum regna teneret. Huiusque erroris illud quoque specimen est, quòd alio in loco communi opinione, pudendo errore receptum erat, nauitam hunc poëtam fuisse: quod quidem ita fuit in confesso, ut in eius uita commentarijs plerique id pro certo posteris tradere non dubitarint, ut altero uersiculo còstare uidebatur. Et quanuis nauita diues eram: quo imperitius dici profectò nihil potuit, cum neque hoc usquam gentium tradatur, ut elegantissimus poëta & honestissimus, uita genus poëtarum studijs piacularare & portentosum, nautæ munus concupiuert. Et portenti ac prodigij simile est, hæc commenta in tanti ingenij uiro opinari. Sed quod à uero minime abest, mendum etiam in hoc uersiculo facilè, inquit, ostēdimus: siquidem ubi legebatur perperam, Quanuis nauita diues eram, nō ita diues eram, dicendum fuit. Huius quoque rei haud improbabile documentum uideri, quòd Iouianus Pontanus uir multa eruditionis, antiquissimo firmabat testimonio, Propertij elegias patrum nostrorum ætate, & se adolescentulo primum in lucem produsse, cum antea inscitia temporum incompertæ forent & incognitæ: opusque oblitteratum & longissimo auo absumptum, corrosis & labēribus literis in cella uinaria sub dolijs inuen-*

tum apparuisse, & cum libelli uetustate, uerbis & nominibus absumptis lōgo situ & senio, quōd in diuturna obscuritate latuerant, ueram lectionem assequi nequirent, effectum ut mendosi inde codices prodirent: paulatimque discuti errores, & corrigi cœpti sunt: nec tamen effici quisse, ut posteris omnino integri inoffensiq̃ue darentur. Ad hunc modum Accius Synce-  
rus noster, scitè admodum apud complusculos qui aderamus, sermocinabatur: itaq̃ue mendaces libellos deprehendebat, errorèsq̃ue dijudicabat, ac perpenso iudicio uitia rimabatur.

Qui quæstores Roma, quōtq̃ue fuerint, qualisq̃ue potestas & munus erat, aut iurisdictio. Caput II.

ORIGO quæstorum antiquissima est, ut Pomponius & Gratianus scribunt: quippe à cōditore urbis Romulo, deinde Numa Pompilio, ut nonnulli putāt: ut uerò plures certioresq̃ue, à Tullo Hostilio quæsturam primo inuētam fuisse autumant. Sed sicut hoc incertis autoribus traditur, ita exploratum est, Valerium Publicolam, qui cum Bruto consul fuit, cum Saturni ædem & ararium condidisset, duos quæstores qui publica pecunia præessent, suffragiis populi creari uoluisse. Fuere autem hi, P. Veturius & M. Minutius, qui primi ex patribus quæstura munus curiatis comitiis cepere. Quæ res quum bene & prospere reipublica cessisset, & plebs cum patribus tumultuata, quæstura se participem fore contenderet, eò deducta est, ut ex duobus quatuor quæstores fierent: duo, qui urbanis negocijs & arario præessent: duo, qui consilibus ad belli ministeria præsto forent: liberumq̃ue esset, ut hi possent populi suffragio ex plebe uel patri-



*bus creari: quo tempore tanto certamine in quaesturam plebs inuasit, ut ex quatuor uix uni patritio, Fabio scilicet Ambusto, locus relictus foret. Interiecto deinde tempore, quo Picetes assiduis cladibus fatigati, in populi Romani societatem asciti sunt, quaestorum numerus auctus fertur, ut seni crearentur. Coniectari licet, quod auctis populi Romani uectigalibus, & quaestu uberrimo ex prouinciis proueniente, illorum numerum qui id munus exequeretur, quibusque curatio hac demandaretur, augeri oportuisse: donec Syllana lege inter cursu temporum, ultra uiginti excreuisse dicuntur. Quid autem quaestorio muneri conueniat, separatim & intercise autores tradunt. Nam consules praetoresque in prouincias profecturi, singulos quaestores, quorum cura captiua praeda, & quicquid auri argentique inde adueniret, appensum adnumeratumque demandaretur, apud se habebant. Quorum munus erat, uectigalia populi Romani in prouincia exigere, stipendia praebere militibus, singulaque accepta expensaque rationibus inferre: multas quoque pecuniarias, tam Romae quam in prouinciis exigere, & in publicas tabulas notare: omniumque rerum pecuniarumque notas, & illustres rationes dare: illasque confectas & consolidatas, absolutasque per suos scribas in ararium deponere. quos quidem scribas maximae pbitatis, ne quid fraudi doliue admitteretur, huic muneri adscribebant: tamen si scribae officium Romanis mercenarium fuerit, nec magni testimonij aut precij: Macedonibus contra, apud quos nisi uiri expertae uirtutis, magnisque rebus gestis, & pro cumulo magna gloria admittebantur. Siquidem Eumenes Car-*

dianus scriba Philippi regis fuit: & alij uiri illustres, hoc munere uelut amplo honore honestati fuere. Cato uero in quaestura ministros & scribas rationibus obnoxios, grauiter increpitos, quod parum integra fide ara persoluissent, fœdum in modum uexasse, & magistratu deieciisse dicitur: qui tam accurate quaesturam gessit, ut unus ex quaestoribus quotidie ad ararium ueniret primus, & rationibus cōfectis recederet postremus. Hos enim quaestores à principio consules deligebant, nonnunquam sorte ductos accipere coacti sunt: donec eum quoque honorem populus suffragijs tribunitijs, quibus libitum est demadauit. In qua re id obseruari meminimus, ut antequam cōsul prouincia decederet, quaestori magistratu abesse nō liceret. Alij uero quaestores dicti, qui prouincias decreto senatus sortiebatur: qui etiā ius dicere, liētores habere, & munera belli obire, ac magistratus insignia in prouincia ferre poterant: quibus & mādāta imperia, & exercitus cōmissos, illorumque ductu & auspicio egregie bella gesta, prouincias administratas & perdomitas, hostes uictos & profligatos, atque exercitus fusos & multiplici clade affectos legibus. Præter quos urbani quaestores fuere: qui etsi nullo imperio fungerentur, quippe qui nec uocationem, nec prehensionem haberēt, nec sella curuli, ut plerique magistratus, neque liētoribus aut uiatoribus insignes forēt, & apud prætorem possent à priuato in ius uocari: negociosa tamen & plena sollicitudinis administratio fuit. Nam & ararij, & uectigalium populi Romæ curam gessere: tum si quid pecuniarum publice uel priuatim erogari, uel in ararium condi deberet, quaestorum cura demandabatur.

cumque

tumque exercitus scribi, & in campum legiones educi oporteret, signa militaria à quaestoribus ex arario promebantur: eaque ad consules in expeditionem ituros mittebatur. Quinetià regibus & legatis ex ultimis oris terrarum Romam profectis, publicum hospitium & munera, quae laucia dicta sunt, saepe commeatus large & hospitaliter, & uestimenta per quaestorem urbanum publico nomine praestabantur: ipsisque ac comitibus ne quid rerum deesset, urbani quaestoris cura mandabatur. Qui tamen non omnium gentium legatis hac munera praebere solitauerunt. nam si quae incognita legationes aduentarent, antequam admitterentur, exploratores minoresque magistratus profecti obuiam, qui & quae petentes uenirent, in primis inquirebant: inque adeo Apollinis extra urbem senatu euocato, postulata noscebatur: quos, si uidebatur, admitti iuebant. Et si socij essent foederati, aut bene de republica meriti, quo honoratius exciperetur, his obuiam prodire, illosque liberali & largo uiatiko, ac communi hospitio iuuare, benigne inuitare, comitatuque & copia rerum omnium cumulare, nonnunquam apparatis excipere epulis per oppida, perque municipia solebant. Sed quum lapsis post temporibus, propagato late imperio, legati sociorum ab exteris & ultimis gentibus, urbem quotidie adirent: quum uix tot commeatibus populus sufficeret, cautum fuit, ut sublato sumptu & uiatiko, legati regum, municipiorum & coloniarum, undecunque Romam profecti, eadem Saturni petant in primis, ibique apud praefectos ararum nomina dare & literis ascribi debeant: ut quum commodum foret, noscendis singulorum postulatis senatus

detur & post mandata, singulis in prouincias profecturis consulatur. Quinetiam absentibus consulibus comitia quaestorem urbanum habere posse, non est controuersia. Prater hos fuisse quaestores parricos, qui & parricidij dicti sunt, apud multos comperimus: tanta dignationis, ut capitis reos agere, & maiestatis postulare, diemque perduellionis ad populum dicere, capitales res quaerere & de fontibus quaestiones habere possent. A quaestoribus Casone Fabio, & L. Valerio dies dicta perduellionis Cassio fuit. Et ab A. Cornelio & Seruilio quaestoribus M. Volsio, q. falsus haud dubie testis in Casonem fuerat, diem dictam accepimus: qui postea seuera correctione damnati, suorum facinorum pœnas dedere. Hos etiam lictorem & uiatorē habere, & ius dicere liquet: qui & quaestores dicti: quā iurisdictionem triumuii capitales postea sibi uendicarunt. Quos quidem parricos Syllæ temporibus ad uiginti numerū propagatos, ut de fontibus pœnas exigeret, autores memorat, per quos ius quotidie dici & senatum suppleri uoluit. Est quoque illud animaduertere, quod licet quaestura ex minoribus magistratibus in urbe foret, eius tamen dignationis erat, ut quisque egregius & bonæ indolis adolescens, ex illa gradu ad reliquos honores faceret. nanque hinc aditū reliquis adeundis magistratibus auspiciabantur: siquidem primis experimentis, quaestura initiati, qui nullis ante honoribus usi erant, inculpata uitæ testimonio, ad aeditatē, mox praturam, & demum consulatū, euehebantur. Quinetiam tanto honori quaestura fuit olim, ut uiri consulares, magnisque honoribus functi, illam gerere indecorum nō putarent. Cum M. Valerio Vo-

lesi



lesi nepote, T. Quintius Capitolinus, qui ter cōsul antea fuerat, quique amplissimis magistratibus insignis erat, quæsturā gerere non dubitavit. Cato quoque triumphalis senex, quæsturam ita gessit, ut consularis potestas quæstorio muneri adiuncta uideretur. Quod et lege Pompeia cautum fuit, ut deinceps quæstores nisi viri consulares suffragio populi crearentur. Fuitque inde servatum in exercitu, cum pro re consilium capiendum erat, uel acie duces congregi parant, ut quæstores unā cum legatis et senatorū ordinis militibus, tribu-  
nis militaribus, et primorum ordinum centurionibus, concilio aduocentur. Cumque antea quæstores designati, gladiatoria munera exhiberēt, quod illis erat hoc munus à principibus datum, postea Neronis tempore senatusconsulto cautum fuit, ne deinceps quæstores exhibendi gladiatores ad ferrū, necessitate polluerentur. Nec præterierim quæstores principis candidatos ultra præscriptos, cæteris adnumerari: quorū munus erat, acta senatus et principis perscribere: orationes imperatorum, et libellos ad senatū missos cum postulatis recitare, et mandare literis: dictandisque epistolis et legendis assiduè uacare. Quare orationes principum, senatusque edicta, ac militum conciones, per quæstores sæpe perscripta, lecta, et audita fuisse legimus. Tametsi Nero princeps missas ad senatū orationes, præterito quæstoris officio, per cōsules recitasse pro cōcione: et Vespasianus orationes in senatu quæstoris uice, frequenti curia retulisse dicatur. Sed cum quæstura annuus magistratus foret (quippe finito anno, ex legis præscripto, redditus quæstori permittebatur) quosdā tamen prorogato imperio, continuo trien-

nio ararij curam, & quæstura munus gessisse compe-  
rimus: donec lapsis tēporibus, desito quæstoris officio,  
cura ararij à quæstoribus urbanis ad prætorios præ-  
toresque, ac præfectos ararij, lege promulgata ab Au-  
gusto translata fuit. Is enim ex numero senatorij præ-  
fectos ararij delegit primus: deinde sorte ducti fuere  
ex numero prætorum: quam Cl. Cæsar à præfectis ad  
quæstores rursus deuolui iussit. Deinde Nero curā ta-  
bularij publicarij à quæstoribus ad præfectos trans-  
ferri uoluit: donec ad Vespasiani tempora peruentum  
est, quibus rursus à prætoribus cura ararij gerebatur.  
Apud Athenienses uerò amplissimus magistratus quæ-  
stura fuit: quam cum gereret Perianther, grauissimam  
contraxit offensam, quòd parcius frumentum populo  
impartiret, proptereaq; accusatus, & à plebe pro con-  
cione lapidibus obrutus fuit. Cur autē in ade Saturni  
ararij esse uoluerint, licet uaria opinio dissentiat, il-  
lorum sententiæ accedo magis, qui censuerunt id quod  
nonnulli tradunt, & ad fidem pronius est, Valerium  
Publicolam, qui Saturni adem construxit, loci oppor-  
tunitate ductum, quum omni aditu perseperto, undique  
præruptus & ab accessu munitus locus foret, eandem  
Saturni adem æris publici, legumque & senatuscon-  
sultorum, tabularumque publicarum, & signorū mi-  
litarium sacrarium esse uoluisse. Præter quod Saturni  
ararium, Nemis quoq; & Tybure, sacrarum pecunia-  
rum thesauros ad incertos belli euentus, si externa uis  
ingrueret, longo tēpore seruari accepimus. Illud quo-  
que non ab re fuerit meminisse, in eadem Saturni ade  
fuisse sanctius ararium intentioris curæ: in quo aurū  
uicesimarium, quod ex uicesimis exigebatur, ad ulti-

mos casus & in extrema fortuna populi Romani servabatur: quod incensimarium, ab alijs cimiliarchium dictum est. Ex quo C. Caesar primo ingressu civilis belli, laterum aureorum sex & viginti millia: percussæ vero monetae pondo trecenta millia, quod erat tot triumphis partum congestumque, & laesepitij pondo centum & undecim protulisse fertur. Post qua legimus arariū militare cum vectigalibus novis ab Augusto editum: unde prompta pecunia stipendijs sufficeret. Aedem vero Saturni in faucibus Capitolij fuisse constat, qui mos Saturnius dictus, ubi Carmentis fanum, à quo Carmentali portae nomen datum: ibi quoque Saturnia porta, quae Pandana, eo quod semper pateret, dicta est: in qua aede senaculum fuisse autores memorant. Apud Graecos illud fuit notatum, Myniam Chrysa filium, qui Mynius imperitavit, condendis pecunijs thesauri locum munivisse primum. Tum si quando conspirante Graecia, communi consilio bellum gerendum foret, in Delo insula, quam sedem bello delegerant, collatas pecunias ad belli opus tanquam ararium deponere consuevit: idque quantum opinione auguror, ideo visum, quod difficilis aditus, & arcis in modum munitissimus locus foret. Ceteris quoque & belli consilia, in eiusdem insula templo, nonnunquam apud Olympia habebant: de quibus rebus maximis de concilij sententia decernebant. Athenienses vero Delphis thesauros omni aetate intactos habuerunt. Lacedaemonij pecunias publicas in thesauris non coegere: veriti, ne violentiores custodes nacti, illas expilaret. Macedones in oppido Quinda iuxta Tharsum, omnem gazam & pecuniam ad belli opus deponebant. Syracusani in Labdalo castello munito. Assyrii

autem Susis. Cambysis ararium, oppidum Gaza in Palestina fuit. Nam Persæ gazam arariū uocabant: Deiotari uero in Peio Phrygia, Lysimachi thesaurus Pergami seruabatur: aliquando in Cetirizi promōtorio. Iugurtha in Thala & Capsa Numidia. Persarum reges barbaras opulentias in montibus ponunt. Hebræi in Thrace & Tauro Hiericuntis: nam sacrum thesaurum, corbonam uocāt. Tigranis in Bambinsa & Olenna: Mithridatis in Petra Armenia. Babyloniorum autem regū in Zeugma urbe iuxta Euphratē, uelut arce tutissima, tributorū thesaurus & arariū esse cōsuevit. Quid responderit super controuerso iure testamenti, in quo fundus seu aedes filia legata fuerant. Caput III.

A P V D tribunalia iudicum, cū in foro & iudicijs uersaremur, ibique assideremus, ut postulata cognoscerem testamentum exhibitum est in hac uerba:

„ T. Sempronium filium honestissimum, ex asse mihi hæredē uolo: Septicia uerò filia mea impuberi, cum uiri

„ potens erit, fundum suburbanum seu aedes meas, quæ

„ in uia lata sunt, do, lego: ut hac dote contenta, Aelio

„ Campano nubat. Cumque filia potens uiri dotem sibi à Sempronio apud iudices dari postularet, et lege ageret: tamque ad fundum suburbanum, quam aedes admittere peteret ex legato, ideoque ad iudices consciscenda litis gratia uenisset, Sempronius contra renitēs reclamabat, & Septicia alterum tantum deberi ex testamento, ut siue ad fundum, siue ad aedes admissa fuisset, amplius ex legato peti non posse aiebat: cum testamenti uerba nō utrunque dari, sed ad alterum admittere designaret, illamque si alterum fuisset assequuta, ad aliud iure legati admittere non decere. Cumque ad

multam



multam diem iurgijs clamoribusque obstreperent, & infinita contentio, atque inexplicabilis difficultas patronorum esset: tandem post immodicas altercationes, consultus ego à iudicibus super hoc iure controuerso quid sentirem, testamentum & tabulas mihi exhiberi iussi: quo plato, cū postulata cognouissem, discusso iure quod incontrouersia uenit, & testamēti uerbis maturè pensatis: utrumque Septiciæ deberi, & tam ad suburbanum fundum, quàm aedes iure legati admitti posse respondi: quippe cum parentis arbitriū tam super fundo quàm domo Septiciæ consuluisse appareat, & hoc ex testamēti uerbis liquere. dictio enim seu, ultima dispositioni apposita, in qua omne momentū rei est, & testatoris uoluntas sita apparuit, non disiunctiua, sed coaugmentatiua est: illamque copulare uerius quàm disiungere: propterea utrumque simul comprehendere dixi. Et hoc habere rationem explicatam ex perpetua legis dispositione, quam Paulus iureconsultus libro iuris ciuili tertio de legatis aptissimè prosequutus fuit: qui de hac controuersia consultus, ita respōdit: uerba Pauli ex eo libro hæc sunt: Vxori meæ mundum, ornamenta, seu quæ eius causa parauī, do lego: placuit omnia deberi: hoc enim uerbū seu, ampliandi legati causa positum est. Quibus perlectis, iudices secundū ipsius postulata Septiciæ litem dedere.

Quæ deorum aedes extra urbis pomerium sita fuerint, & ex his quæ in urbem postea receptæ.

Caput 1111.

QVOD aedes Vulcani à Romulo primū extra pomeriū constructa, in urbē diu admissa nō fuit, causam hanc ferunt fuisse: ut is deus procul incendia arceret: neue cōfinio & quasi cōtagio, urbi quæ incēdys expo-

sita erat, discrimini aut noxæ foret. quos enim deos uir  
sua ueteres obesse sunt arbitrati, in urbem diutius non  
admisere. Hac de causa ædem Bellonæ et Martis extra  
Capenam, quarto ab urbe milliario constructâ ferunt,  
ut à ciuū mētibus intestinas clades, ardoremq; conse-  
rendæ manus, à ciuili cruore ad hostiles pugnas auo-  
carent, utq; domi iugi concordia quietè uiuerent, illos  
ueluti fomēta præliorū intra urbē esse noluerē. In hac  
æde Bellonæ summis ducibus, qui fortē strēuamq; ope-  
ram reipub. nauarunt, post res gestas magnificè, sena-  
tus sæpe dari, ibique de triumphis, deq; uictoria con-  
suli mos erat. Martis uerò ædem, qui Gradius dicitur,  
Appia uia quindecim stadys ab urbe: & alterâ Qui-  
rini cognomento, quasi sedati & tranquilli intra po-  
mærium fuisse, multi meminerunt. Sic Veneris Herici-  
næ templum extra portam Collinam magna mole con-  
structum ferunt, cum porticu insigni, quod deuicta Si-  
cilia, Marcellus fundasse dicitur, ne libido inualesce-  
ret. Utq; luxuria à matribus familias abesset procul,  
ideo ab urbe semotum extra pomærium locauere. Ad  
hanc ædem si quādo circus maximus Tyberis alluui-  
one inundaret, ludos Apollinares sæpe celebratos com-  
perimus: in quam uirgines ætate adolescente Veneri  
pupas uelut puerilia rudimenta offerre tradunt. In ea  
quoque intercurſu temporum, Veneris Verticordæ si-  
mulacrum, quod homines ab effusa libidine auerte-  
ret, dedicatum fuit. Sed quæ fuerint ædes deorum ex-  
tra urbis mœnia, præcipuæ traduntur Iouis & Fauni,  
atque Aesculapij fanum in insula Tyberis, quam ab  
Epidauro aduectus sedem sibi delegerat, cum ægra  
ualetudine urbs oppressa, et latè uis morbi peruagata  
foret.

foret: seu quòd feruēte morbo foris habitare salubrius ducerent. Nenīe quoque sacellum, quòd cātu querelo funeribus præffet, pari exemplo ab urbe semotū extra portam Viminalē statuerunt: sicut sanum Quie-  
tis uia Lauicana, & Rediculi extra portā Capenam: quod secundo Punico bello constructum fuisse cōstat. Cum enim Hannibal urbē oppugnaturus, inter Anienem & mœnia Romana castrametatus foret, q̄ nulla bene gerendæ rei occasione data, & spe urbis potiundæ abscissa, fatum urbis & propiciū dū illius mentem ab oppugnanda urbe auertissent, & inde parum feliciter redisset, Rediculo deo sanum ibi constructum ferunt: dictūque est Rediculi, quòd uisis quibusdam & ostentis inde deterritus, nullo edito negotio redierit. Vltra quod campū Rediculi extra Appiam ad secundū lapidem fuisse dicunt, in quo Hannibal castrametatus fuerat. Aedem quoq; Apollinis extra portam Carmentalem sicut ædem Honoris cum ara, quam Q. Maximus dedicauit, & collapsam M. Marcellus restituit: atque Herculis templū diu mansisse extra Collinam plerique asserunt. Sed hæc Apollinis ædes, intra forum olitorium & circum Flaminium fuit. Nanq; in altera extra pomærium, legatis exterarum gentiū, antequam admitterentur, senatus dari consuevit. Templum quoq; muliebris Fortunæ, latina uia, quarto ab urbe milliario ad fossas Cluillas. quòd inde Coriolanū urbi excidium minitantem, materna præces auocauere, quodque mulier urbi laboranti præsidio fuit: & uirilī ac fortis Fortunæ templa iuxta Tyberim pariter extra pomæriū fuisse liquet: in quo muliebris Fortuna tēplo, solas mulieres litare, aut sacrificio admitti

seruatum est. Aedes præterea Spei extra portam Carmentalem fuit, & altera in foro olitorio. Hanc ædem extra Carmentalem secundo Punico bello incendio deflagrasse, à triumuiris postea restitutam: illam uerò in foro olitorio sub idem tempus fulmine ictam fuisse, quo tempore Hannibale Italiam peruastante, resp. intestino malo laborabat, & cuncta bello ardebāt, multi prodidere. Quæ res uastitatem Italia, & imminens excidium, quo terra marique imperium agebatur & fluctuabat, haud dubiè designauit. Apud Athenas uerò Cynosarges Hercules templum, gymnasium & lucus, extra urbis mœnia uisebantur. Apud alios Timorem, Pallorem, Paupertatem, & Senectam tanquā noxia nomina, procul à ciuitate arcuere: nisi quod spartæ Timoris templum, iuxta eorū tribunal Ephori locarunt, cum rempub. nulla re magis quàm metu corrigi putarent. Alij Aesculapij templa extra urbis mœnia statuere, quòd foris degere salubrius ducerent. Ab Aegyptijs autem perpetua constitutione seruatum est, ut nunquam Saturni templa aut Serapis intra oppida admittant: sed uelut peruigiles & excubitores deos extra pomerium & in suburbij sedes habere sinant: tanquam illorum numine & favore ualidis septi præsidij forent: proque aris, focusque & deorum templis, ac solo in quo nati essent, excubarent: illorumque ministerio & opera, ab hostili incurſu & clandestinis infidijs se tutos adnotarent.

Quæ solennes ceremonia more Romano in sponsalibus olim & nuptijs esse consueuere, & quæ apud exteros. Caput V.

NUPTIARVM solēnes ceremonias, quæ ritu Romano in sponsalibus adhiberi solent, quas nostri maiores



maiores festo cōiugij die seruare consueuissent, quasq; uetusto more pratermittere non licebat, has fermè accepimus. Vbi enim uirgo necessitudinis causa, futuro uiro spondebatur: ipso sponsaliorum die, signatoribus & auspiciibus duobus, nuptias castas et legitimas auspicabantur noctu, nonnunquā die luce prima: in quo id cauebatur in primis, ne motus cali aut terræ fieret, nèue turbatiore celo & die inquieto fædus inirent. Hæc enim præcipue nuptijs aduersari putabant. Auspicatissimum uerò signum esse cornicem, maximaq; fidei & inuiolati fæderis indicium facere. Ea enim cornicum societas est, ut ex duabus socijs altera extincta, uidua altera perpetuo maneat: quod de lyncibus proditur, ut post amissam coniugem, alijs non iungantur. Qui tum pro marito auspicabatur, auspex, idemque paranympheus: qui pro uxore, pronuba dicebatur. Tunc qui sponsam ducturus erat, illam sibi in coniugē dari solēni stipulatione postulabat: qui uerò daturus, illi uxorem futuram spondebatur. Qua de causa mulier, sponsa (autore Seruio Sulpitio) & ipsa conuentio, sponsalia dicta sunt. In qua sponsione, nec propria nomina sponsi sponse uel exprimere fas erat: sed uir Caius, uirgo uerò Caia dicebatur. Castum Caia Cæcilia coniugium, quæ Tanaquil dicta Tarquiniū Priscum coniugem sortita fuit, felici nomine usurpantes. Idque sacrificio perfectō, & consulto deorū numine, primo diluculo & maturino. Siquidem prima et secunda hora sponsalibus olim & nuptijs dabatur. Nonnunquam per cōemptionem nuptias trahebant: ita ut mulier, an ei materfamilias esse uellet, à uiro: inuicemque uir, an ei paterfamilias esset futurus, à muliere rogaretur:

quo genere sponsaliorum, uir & uxor inuicem in bonis & fortunis omnibus succedebant. Mulierque in mariti familiam ut filia, & sui heredis loco admittebatur. Quippe cum tribus modis contraherentur nuptiae, usu, coemptione, & confarratione: per coemptionem uxor in uiri familiam transit, quare materfamilias dicta, quae in mariti manu & mancipio sit: usu uero & confarratione minime: quae quidem confarratio solis pontificibus dabatur. Tametsi sortitione nonnunquam uxores ductas, & sponsalia inita inuenimus. Stipulatione ergo facta & sponsione sequuta, ignem & aquam in limine appositam, uterque tãgere iuebatur, quae etiam noua nupta aspergitur: quasi eo fœdere inexplicabili uinculo, & mutuo nexu forent copulati. Hæc enim elementa sunt prima natura, quibus uita uictusque communis constat, & quibus qui extorres ab hominum cœtu futuri sunt, interdici legibus solet. Apud Græcos uero & Macedones panem gladio diuisum, sponsum & sponsam cum ineunt sponsalia, gustare solenne fuit. Apud Galatas, ut ex eodem poculo uir & uxor bibant. Quare Cãma Galata cum uiri mortem illatã à Sinorige ulcisci uellet, dissimulato dolore, sponsalia cum eo inire sinxit, uenenatumq; poculum illi propinauit: quo hausto, Sinorix & ipsa læta q̃ ultia uirum esset, mortem obiuere. Coiys autem in more fuit, ut sponsi cum ineunt sponsalia, muliebri ueste induantur. Romulus quoque in communionem panis & aquae, matrimonij fœdus inisse traditur. Ab alijs est usurpatũ, ut uitta purpurea cãdido distincta, aut ueste uersicolori, sicut apud Latinos usus erat, noua nupta sponsusque amiciantur: aut iugum pariter subeant: quare

quare Iuno iugalis dicta, quasi æquissimo iure, & concordibus animis inuicem necerentur, societasque & communicatio uitæ coita foret: Vel caput obnubāt, ut ueteribus mos erat, unde nuptiæ. Persæ autem & Assyrii, accepta inuicemque data dextra, sædus matrimonij ineūt. Nihil enim apud illos fide antiquius erat. Apud Hetruscōs in coniunctione nuptiali, uiri sublimes porcam immolant, quasi dīs testibus, illud bene cessurum, & futurum inuiolabile. Quod quidem iri mere non licebat, nisi diuortio, morte, captiuitate, uel seruitute. Dona uero & munuscula uirum ab uxore, uel contra accipere, legibus erat & scripto iure uetitum: nefas existimantes, quos legitimus amor coniunxisset, donis uideri potius allici quàm cōiugali amore conciliari. Annulus tamen sponsa dono mittebatur à uiro, qui pronubus dictus: is enim erat ferreus, & sine gemma, prisca uidelicet secula & antiqui uictus parsimoniam, ac frugales mores designans. Germanorum fertur mos non improbandus, ut sponsus complacitæ mulieri, quā ducere animo destinauit, dotem det: qua exhibita, frenatum equum & boues, scutum, gladium & arma tanquam pignus amoris uxori mittat. Cū uero sponsa ad uirum ire parat, in ipso nuptiarum celebri officio seruatum est, ut rectam tunicā & puram togam uestiat, uerbenāque, quæ Veneri dicata est, & floribus herbisque à se lectis corollam texat, eamque sub amiculo deferat. Id quod Locrensibus in usu erat, ut matronæ ex lectis floribus necant coronas. Nam emptæ gestare feta, uitio dabatur. In Bæotia usurpatum est, ut sponsam obtegētes, asparago coronent: apud Græcos autem sisymbrio, caputque hasta gladiatoris,

quæ in corpore mortui stetit (quæ celibaris dicta  
 est) comat, ac frontem & comam discriminet. Opina-  
 ri licet, quasi fortes ea de causa viros se genituram o-  
 minetur: aut quod spōsi disciplina se subditam fateat-  
 ur. Debere enim uxores sub viri disciplina esse &  
 corrigi, seuerissimis exēplis ueteres uoluere. Flammeo  
 etiam caput uelabat, pudoris causa: quod lutei coloris  
 erat, quo matronæ spectata pudicitia tegebantur.  
 Quoddamque eo Flaminica utebatur, cui diuertere à uiro  
 non licet, ideo sine dissidio matrimonium fore opinati  
 sunt. Id tamen apud Spartanos in more fuit, ut uirgi-  
 nes innuptæ, & quæ nullo coniugū fœdere iunctæ es-  
 sent, facie inuelata & aperta: nuptæ uero, nisi uelata  
 parte oris, & operto capite foras prodirent. Chelido-  
 nius quoque mulieres quæ se alienis uiris collocassent,  
 dimidium faciei inuelare ius erat, ultra reuelare ue-  
 titum: Seque cingulo cingebat ex lana ouis contexto,  
 quod Herculaneo nodo uinctum, nemini nisi in genia-  
 li thoro, & dum sacrum nuptiale fit, soluere permitti-  
 tur: ominis causa scilicet, ut in sobole gignēda, educa-  
 disque liberis, sicut Hercules, fecundus foret: eo ar-  
 gumento, quod illum eximia fecunditatis (quippe qui  
 septuaginta ex se liberos reliquit) fuisse dicunt. Zona  
 quoque nouam nuptam circuncingi, quæ nuptiarum  
 die à uiro soluebatur, nonnulli ferunt. Mox nuptiali  
 mundo cōpta, in pelle lunata sedere iuebatur. ei que  
 pellem sub pedibus strauere: sanè uetustū morem, quo  
 pellibus ueteres usi sunt, significātes. Lusitanis uerò in  
 roseis tantum ornamentis sponsas locare permittitur,  
 quibus omnes utuntur pariter: alterius generis non  
 licuit. Cumque ad uirum profectura noua nupta egre-  
 di uult



di uult, ipsum limen transcendere sua sponte, aut uesti-  
 bulum tangere non sinunt: sed quasi raptam, & inui-  
 tam è gremio & sinu matris, transcendere limina uo-  
 lunt: uidelicet nisi coacta, suos relictura, aut proprios  
 lares exitura non fuisset: uel quia ubi delibandus flos  
 maritalis erat, inuitam ingredi uideri uolunt. Ipsa ue-  
 ro domum egressa, precedente tibicine, & eo qui ca-  
 nit hymenæum, officio frequenti affinium stipata, co-  
 lum cōptam secum defert, & fusum cum stamine: duo  
 uero patrimi, & matrimi pueri eam tenentes defe-  
 runt: tertius uero anteit, qui facem accensam præfert,  
 ex pino alba: qua pralucente, ad uirum nupta dedu-  
 citur. Apud Græcos uero (ut Pausanias ait) media lo-  
 catur in nuptiali curru, sponso & necessario affini iu-  
 xta comitante, quem parochum uocant: cuius axem  
 pro foribus incendebant, ut signarent illam ibi perpe-  
 tuo māsram, neque ulla tempestate inde recessuram.  
 Quod si curru spōsa non subuehitur, sed pedibus ma-  
 riti domum peteret, Chamæpus dicebatur. Apud Rho-  
 dios noua nupta per præconem in mariti domum ad-  
 uocatur, & eo proclamāte, in thalamum admittitur.  
 Eam uero facem ideo accensam ferunt, quia nisi sub  
 noctem, & in tenebris priscis seculis inire coniugium  
 non licebat: Alio deinceps far tostum præferente. scili-  
 cet quia nihil cofarrationis fœdere in spōsalibus reli-  
 giosius fuit. Ideo in dirimendis nuptiis, & si quando  
 uir ab uxore diuertere contendit, diffarrationem fieri  
 accepimus. Eandem uero facem sub lecto uiri posuisse,  
 aut in sepulchro cōburendā curasse, fœdū erat auspicium  
 & omen exitiale: maximāq; facere infortunia credi-  
 tum. Fuit quoque Græcorum mos, ut cum spōsa ad uiri

domum traducitur, puer spinis & glande querna ob-  
 situs, canistrum panibus onustum deferat, sponsæque  
 præcedens passim clamitet, ἰχυρον κακὸν, ἔσπον ἀγαθόν, quod  
 est dicere, effugi malum, inveni bonum, quasi post fru-  
 gales mores, re & honoribus auctior sit. Dumque  
 ad uirum uadit, intranti domum nuces iuglandes  
 flagitant, easque pueris iaciunt & passim feliciter  
 dicunt, Thalassiumque modulatis carminibus cla-  
 mitant, sicut Græci ὑμῶν ὦ ὑμῖναι ὦ ὑμῶν, qui felices  
 coniugio fuere: quem morem inoleuisse opinati sunt,  
 quasi felicem, ut Thalassium, cui Sabina uirgo hone-  
 stæ formæ in raptu contigit, sponsum futurum ominen-  
 tur, dignamque esse quæ Thalassio uiro admodum for-  
 tunato nubat, his uocibus significari. Varro tamē per-  
 hibet, signum lanificij esse thalassionem, quem ueteres  
 quasillum seu calathum lanificiis aptum nuncuparunt.  
 Nuces uero spargunt, uel quia iactu tripudium exci-  
 tant, uel quod gemino protectæ operimēto, fetus suos  
 multipliciter muniunt, similia infertibus nouæ nuptæ  
 augurati. Athenis uero inualuit usus, ut sponsi caput  
 caricis & palmarum fructibus, legumine & colybijs  
 inspergant: quod & seruis nouitijs, cum primum do-  
 minorum aedes introissent, fieri usurpatum est. Sponsus  
 uero illam domi operiens, in qua sedes erat cōiugij fu-  
 tura, paratu magno ianuam lana cingit & coronat:  
 multaque lauro exornat, postesque uittis laneis pri-  
 mum à noua nupta attingi & ornari, oleoque & a-  
 dipe suillo uel lupino inungi iubet: ne quid perniciosæ  
 pestis in domum irrepat, quod maiorum commentum  
 fuisse dicunt, ut felle nigri canis suffitas domos, & ge-  
 nitale sub limine defossim habeant, contra mala me-  
 dica-

dicamenta & amatoria maleficia maxime proficere  
arbitrati. In foribus uero uillarum, lupi rostrum, ne  
quid deperiret, neue mala fascinatio in domum irre-  
peret. Alij stellam marinam uulpino sanguine illitam,  
ne quid periculo foret aut noxa, defixere. Ipsa autem  
cum uiro cōgressa primū, treis ferebat asses, ex qui-  
bus unum uiro dabat, uelut imaginaria emptione sibi  
sponsū precio quāsiuerit: alterum quem in pede ha-  
beret, in foco larium ponebat, quem accensum, pluri-  
bus ornabant coronis: tertium, quem in sacciperio, in  
compito uicinali paulò post resignabat. Dixere autem  
ueteres sacciperium, maiorem crumenam, & nummo-  
rum receptaculum. Ac epulis instructis, ut porcum ma-  
ctarent sponsaliorum die, deducto ex Hetruria more.  
Utque sponso bulbi cum nucleis pineis, eruca succo, &  
pipere in nuptiali cœna dentur obsonia, seruatum est.  
Pleriq; papaueris succum, lacte & melle dilutū exhi-  
buere. Apud Persas, nisi a deso malo aut cameli medul-  
la, ingredi ad nouam nuptam non licebat, neque alio  
uesci cibo illa die fas erat. Babylonj̄s uir & uxor non  
miserentur nisi thymiamate prægustato. Solon uero nisi  
malo Cydonio epulis adhibito, uiri thalamum spon-  
sam ingredi uetuit. Repotia autem postridie nuptias,  
apud nouum maritum propiores affines latiore con-  
uictu percolebant, qua die noua nupta in uiri domum  
libertatem auspicari, & dominā agere simul & rem  
diuinam facere assuērat: quo tempore clauem sponsa  
dari ad signandum partus facilitatem, in more fuit.  
In cœnis uero nuptialibus Naucraticarum obseruatū  
est, ne quis ouum aut mellita inferret. Apud Cartha-  
ginienſes ut thynnorum concisis carnibus uescantur.

Et in Lepta Libya, ut postridie nuptias ollam sponsa ad  
 sponsi matrem petitū mittat, quam illa asperius abne-  
 get, eo exēplo iurgiorū auspiciū augurati. Apud Græ-  
 cos, ut postera die à nuptiis, pater mittat sponsa nuptiale  
 munus, quæ ἐπὶ δόξα uocitabant. Nāq; ingenuus  
 puer, specie liberali, cādida amictus toga, cum ardenti  
 face præibat: longo mox ordine succedebāt, qui mūdū  
 muliebrem, deinde qui aurum & gēmas, deinde qui  
 uasa & pelues, qui pectines & alabastros, qui sanda-  
 lia, & demū reliquā suppellectilem ferebāt. Parcius  
 tamen apud Atheniēses. Nam Solon treis modo uestes,  
 & quādā modici precij uasa nō elaboratæ artis, spō-  
 sam ad uirum ferre iussit. Præter quæ fuere dona, quæ  
 domestici cōferebāt & amici, cum primū sponsa reue-  
 lata facie uisendam se præberet, ἀνακλυστήρια dicta.  
 Romani obseruarunt, ut nuptialia munera socii ge-  
 neris non mittāt, q̄ erat lege uetitū: sed uas artis exi-  
 miæ, quod camillū dicunt, ubi mūdus & iocalia uxo-  
 ris erant, opertū in nuptiis ferāt. Genialis præterea le-  
 ctus, duabus culcitris in Genij honorē parabatur exi-  
 miæ, ad quē noua nupta quinq; facibus noctu admit-  
 tebatur: quas ab Aedilibus accēdi, et ex spina arbore  
 fieri erat auspicatissimū, & fortunati euentus: cum ex  
 hac arbore in raptu Sabinarum pastores faces accen-  
 disse ferātur. Spartanis Lycurgi lege, spōsam rasis cri-  
 nibus in ueste uirili pronuba patete cubiculo cōstituit  
 solam: cui spōsus exoluēs zonā, in tenebris primos cō-  
 gressus capit. Quas quidem faces pronuba, & qua u-  
 ni semel nupserāt, ante cōgressus cōiugales noua nu-  
 pta deferebāt. Græcis uero nubētium matribus, tenere  
 faces in nuptiis negociū datur, q̄ ἀδελφὴν dixere. Si-  
 mul-



mulq; carmina & Fescēninos uersus, atq; sacriū hym-  
nū, quē epithalamiū uocāt, decātare, atq; in his quinq;  
deos precari solebant, ut noua nuptia uolētes & pro-  
picij adessent, prolemq; secūdarēt, Iouē adultū, Iuno-  
nē adultā, Venerē, Dianā, & Suadelā. Nāq; hæc nu-  
mina cōiugijs præesse putabāt: quas etiā pronubas no-  
uā nuptā ad uirū comitari, & domum deducere non-  
nulli tradūt. Dixere autem Fescēninos à Fescēnio Cā-  
pania, uel Sabinorum, ubi carmina nuptialia inuēta,  
& posteris memoriæ data sunt primū: ea quidē fuerūt  
procacia, & lasciua licētia cōiugali, in nuptijs decan-  
tari solita per ludum iocūq; amores, gratias, & mistos  
lepōribus lusus cōtinentia: quos Augustus in Pollionē  
scripsisse, eūq; mordaciter taxasse fertur: quibus quōd  
non respōderet, increpatus Pollio, se nō facile dixit in  
eū scribere, qui posset proscribere. Græcis uero, amæ-  
baum carmē in nuptijs modulatis uocibus canere, so-  
lēne fuit: q; festo nuptiarū die Thetidīs & Pelei, deos  
decātasse ferūt. Plato in Gorgia cātilenam in cōuiujs  
decātari p̄didit hoc tenore: formosum esse & diuitem  
ac bene ualere, summū extimari bonū. Athenis uero  
incōditū carmē canebatur: Bonosama: timidos repel-  
le, sciēs timidorū paruā esse gratiā. Illud autē non præ-  
terierim, nuptias legitimas illas haberi, quæ inter Ro-  
manos ciues, aut cum eo cui princeps, populū sue ciui-  
tatem aut connubia dedisset, contrahuntur: quo iure  
nati liberi, in familia & potestate sunt: cum impare  
uero, aut si Romanus cum peregrina, uel Latini no-  
minis muliere, aut serua uel barbara iungeretur, nul-  
lum fuisse ius nuptiarum necessitudinisq;ue. itaq; nati  
liberi sub patris iure aut familia non erant, sed matrē

sequebatur: tametsi tradatur in Gracia & Apulia & Carthagine, serviles saepe nuptias curari. Quod quidem connubium ut manaret ad posteros, socys & bene meritis ac finitimis, nonnunquam externis dare solitauerunt. Siquidem Campanis ut Romanas ducere liceret uxores, natiq̃ue liberi ut iusti hæredes forent, fuit olim pro magno munere datum: sicut Alatrinati, Verulano, & Ferentinati. Neque enim cum Romano & peregrino cōnubium esse censuere. Nanque impares nuptiæ, aut sine testibus, ac patre non iubente, legitima non sunt. Idq̃ue senatuscōsulto Roma cautum fuit, ut si Romanis Latinas uxores ducere contigisset, aut Latinis Romanas, sui essent iuris & arbitrij, siue Romæ degere, uel in patriam redire uellent: atque innuptæ puellæ ut matrem sequantur. Quodq̃ue uirgines publicis festis non dabantur nuptui, uiduas uero nubere fas erat. Ac mense Maio, quo Lemuria, ut occisi Remi umbra placaretur, instituta sunt. Et dum Feralia seu parētalia fiunt, ac diebus impuris, & quibus ancylia in templo Martis nondum condita sunt, uel festis diebus & mense Iunio, nisi post Idus, quenquam nuptijs copulari religiosum erat. Quinetiam animaduersum est, postera die à Nonis, Idibus, uel Calendis, uxorem spōsamue ducere Romanis non licere: sed eos dies uelut tristi omine infames & detestabiles cēseri: quoniam hi dies atri decreto pontificum habentur: quibus legiones educere, aut acies cum hostibus cōmittere, uel quicquam publicæ rei agere, religio non sinir. Persis uero nuptias cōtrahere, aut maritale coniugium inire, initio uerni æquinoctij tātummodo permittitur: reliquo anni tempore non licet.

Imma-

immane exemplum Tullia, supra corpus patris ambulantis, & filij Eucratidis idem facinus admittentis.

Caput VI.

DE TVLLIA Seruij Tullij filia, nequissima femina, quæ Tarquinio Superbo nupta fuit, inhumanæ crudelitatis memorandum facinus, & post homines natos inauditū accepimus. Cum enim furijs eius Tarquinij æquæ ferox agitatus, regni cupiditate improba, Seruium Tullium socerum, ut ipse regno potiretur, interficiendū curasset, præteruehens ipsa carpento infestis furijs agitata, & muliebri spiritu inflata, supra patris defuncti corpus, uulneribus & plagis affecti & cruentati, incedere non dubitauit. Ob cuius inhumanum scelus & rei fœditatem, loco tanquam nefario & conscelerato, Scelerati nomen factum: sane detestabile facinus nominis diritate execrantes. Fuerat enim Cyprio nomen uico, in quo hæc gesta sunt, postea Sceleratus dictus: Cypriusque nuncupatus, quod cum locum eum Sabini in sedissent, boni ominis causa, Cyprium, hoc est, bonum appellarunt. Scelerata quoque porta, quæ Carmentalis olim fuit, subinde dicta est. Cum enim CCC. & VI. Fabij uno agmine inde egressi contra Veientes ad Cremeram acriter dimicantes, ad unum procubuissent, portæ unde egressi sunt, Sceleratæ nomen indidere: scilicet memoria detestandi facinoris, indignitatem rei posteris relinquentes. Castra quoque in quibus Claudij pater Drusus graui morbo affluctus, & tristi fato sublatu fuit, quia intempestiua morte præuentus, acerbo funere decessit, Scelerata etiam dixere: quæta eum charitate milites prosequuti

fuerint, turpi conuicio & infando nomine significan-  
 tes. Fuit quoque Sceleratus campus iuxta Collinam  
 portam: in quo uestales incesti damnatae, uiuæ defodi  
 consuevere. Sed quod de Tullia est modò dictum, haud  
 ab simile facinus in Eucratidem, qui Bactris imperita-  
 uit, admissum accepimus: siquidem cum Demetrii in-  
 gentes copias parua manu fudisset, Indiãque ex-  
 terminato hoste, magno consilio subegisset: dum Ba-  
 ctra peteret, à filio impuro & flagitioso, quem socium  
 regno ascuerat, ut solus potiretur regno, imprudens  
 ex insidijs occupatur, turpique nece in uia trucidatur:  
 qui patris cæde non contentus, pari scelere & auda-  
 cia, per corpus uulneribus affecti currum agere, &  
 sanguine inspersus paterno, insepultum abicere non  
 dubitauit, ausus facinus quod in nulla unquam Scy-  
 thia tyrannus admisit. Tantis sceleribus mortales ue-  
 sana regni cupido cepit, ut effrenato furore cæci, ad  
 eadem & cruorem agantur præcipites. Fuere autem  
 Bactriani iuxta Sogdianos & Hyrcanos, horridi in-  
 genijs haud procul ab Scytharum gente (quippe Ta-  
 nais ab Scythis illos diuidebat) bellicosissimi & rapto  
 uiuere assueti.

Tria errata interpretis epistolarum familiarium Ciceronis  
 commodè explanantur. Caput VII.

Tri-



TRIBVS erratis lapsum offendimus uirum sane eruditum, epistolarum familiarium Ciceronis interpretem non infacundum, cuius scripta uulgo innouere. Primo illa ad M. Calium epistola, in qua uerba sunt Ciceronis: Oppugnaui quinque & uiginti diebus aggeribus, uineis, turribus oppidum Pindenissum munitissimum, tantis operibus, ut mihi ad summam gloriam nihil desit nisi nomen oppidi. Quid sibi Cicero uellet his uerbis, non satis assequi uidebatur: cum nomen oppidi nihil censeret aliud quam ipsum oppidum, ac si diceret: ad summam mihi gloriam nihil deest, nisi ut oppidum quod oppugnare adortus sum, denique expugnem. Quod tamen longe abesse à uero intellectu apparet. Quid quæso nomen oppidi cum ipso oppido commune habuit? aut quid tam insolens, aut à Ciceronis facundia tantum abesse potuit, quam uerba plane exposita, poetico sensu & quasi figuris circumscribere, aut coloribus infucare? Quod tamen aliter intelligi oportere ex contextu uerborum liquere arbitror. Cum enim ex oppidis uel expugnatis imperatores plerunque nomina ferrent, quippe cum ex Coriolis Martius Coriolanus, & ex Fidenis Sergius Fidenas, atque ex Creta uicta Metellus Creticus dicti sint: quæ sibi cognomēta in testimoniū maximæ & expertæ uirtutis, rerumq; gestarū gloriæ adoptarunt: sic Cicero cū spem haud dubiam potiundi haberet oppidi, nihil deesse ad summam gloriam nisi nomē oppidi, & cognomētum ex Pindenisso assenuerat: uidelicet sicut Aphricani, Numantini, & Cretici illi nomina tulere: sic ex Pindenisso ipse cognomētū ferat. Rursus alia ad eun-

- „ dem Calium epistola, his utitur uerbis: Mea uero offi-  
 „ cia ei non defuisse tu es testis, quoniam, ut opinor, co-  
 „ micus accidit Phannia. Quod ille in Terentiano Phannia non posse accommodari aiebat: sed alium quendam fuisse Phannia, de quo sentiret Cicero, qui in notitiam nomenq; non uenit. Quæ uerba si pensitare quis uolet, atq; ingenij acie non obtusa rimari, etiam ad Terentianum Phanniam saluo sensu accommodabit. Cum enim Phannia ille Terentianus Chremetis frater fuerit, & Crito Andrius inopino aduentu opportunè introducatur aduenisse: quo significâte de Phannia Chremetis fratre & filia Glycerio, in notitiam uenit, ipsamque filia sibi esse cõpertum habuit. pariter Cicero peropportunè comicum Phanniam aduenisse dicit, hoc est aliquid secreti consilij, quod nondum emergerat, produsse in lucem: quo sicut in Phannia Terentiano Glycerium Chremetis filia, & Phannia neptis apparuit: sic ipsius opera opportunè sit intellectũ, Ciceronis officia illi nõ defuisse, & se de Appio benemeritum significari. Tercio ad eũdem Calium Ciceronis uerba sunt: Vtor  
 „ atatis uitio, uelim ita sit: sed tamen togam prætextam  
 „ texi apio: puto te audisse. Quid uerba signarent, haud  
 „ perspicuè capere uisus fuit. Dicebat enim his uerbis id notari, quasi meam togam maiore circundedi, cum apium amarum esse constet, quod animo afflicto & iacenti esset. Id tamen aliter intelligi conuenire, qui sensum eruere uolet, haud dubie animaduertit. Cum enim apium funeralis herba fuerit, ex quæ apij corona defunctorum tumulos ornari, atque in ludis funebribus apio coronari uictores proditum sit, merito, inquit  
 cune

cum tot calamitatibus respub. opprimatur, ob immo-  
 dicas simultates & ingruentia bella, cum in atrocissi-  
 mos fluctus reipub. inciderim, ipsique cadenti nihil o-  
 pis afferre ualeam: meam, inquit, togam prætexam,  
 quæ magistratum decet, texi apio, hoc est, funere: quasi  
 eò indignationis uenerit, ut cum ulterius labentem rem-  
 pub. ferre nequeat, de quæ illius interitu crucietur &  
 sollicitus sit, sibi iam in extremo uitæ curriculo mortem  
 proposuerit, quam pro repub. libenter subiturus fuit:  
 quod est dicere, si respu. morietur, se nolle uiuere. Sicut  
 Asinius Pollio ad Ciceronem: Nam nec reip. deesse uo-  
 lo, nec superesse, inquit. Ideo togam prætexam, quæ  
 prætoria & consularis est, apio, hoc est, funere texue-  
 rit, quod etiam græco est prouerbio usurpatum, ut in  
 mala ualitudine & rebus accisis & deploratis, apio  
 opus esse dicat. Quos intellectus, qui rem assequi uo-  
 let, ex uerborum contextu planè redūdare perspiciet.

Quot Roma pōtīfices, quōdūe officium, & quæ fuerint insignia,  
 quibūsq̃ue legibus maximus pontifex astrictus erat, & quid  
 apud exteros.

Caput VIII.

NON sordidum neque obscurum apud ueteres  
 olim nomen pontificum fuisse traditur. Nam quum in-  
 ter sacerdotia à Numa instituta, ipse se pontificem in-  
 primis: ut uero aliū, Martium M. filium ex patribus le-  
 gisset, postea interiectis temporibus, collegium pontifi-  
 cum ad quatuor, mox à tribunis plebis rogatione pro-  
 mulgata, ad octo auctum fuit. māsīque hic numerus  
 lōgo æuo inuiolatus, donec Sylla ad quindecim colle-  
 gium ampliauit. Inter quos maximus pōtīfex, genere

M iij

& dignitate præcipuus erat, & aliorum longè princeps. Horum igitur fuit, religiones & ceremonias publicas priuatasque, sacra & res diuinas sanctissimè tueri & interpretari, illaque omnia excripta signataque habere: ut quibus aris, quibus dijs, quibusque hostijs, quibus diebus, & ad quæ templa sacra fierent, perfectum haberent: ne qui Romana sacra negligerent, peregrinosque ritus asciscerèt, aut deorum ceremonias turbarent. Ad quos tam de celestium deorum sacrificijs, quàm de funeribus, iustisque exhibendis, placandisque manibus, ac supernis infernisque dijs: de sepulchris & uotis rite exoluendis, de ferijs, de religione, pietate, sanctitate, ceremonijs deorum, deque fide & iureiurando, sacrificijsque solennibus, plebs quoties uidebatur, tanquam ad antistitem deorum immortalium, ceremoniarum & sacrorum cōsultum, ibat. Ipseque maximus pontifex preces, supplicationesque deorum, cum pontificali carmine præire, comitia habere, diesque feriatis indicere, quo quisque deus ritu, quoue die colatur, quibusque precibus aduocetur, & quid quaque die operis fieri, uel non fieri publicis ferijs conueniret, edocebat. Eundemque pontificem maximum, singulorum annorum res gestas & memoratu dignas, diurnis actis mādare literis: illasque non solum monumentis tradere, sed in albo proponere & referre, ut populo excribēdi potestas fieret, solitum esse traditum est. Quod albū non apud pontifices modo, sed penes senatores, iudices, prætores, decuriones, ac citharædos, & centurias fuisse constat: denique apud Cæsares & omnes magistratus, qui coercionem habebant, album fuisse apparet: in quo singula constituta-



stituta decreta, & mādāta publicè edita proponeban-  
tur. Quare Alexandrū Senerū imperatorē, illorū qui-  
bus magistratus delegabat, nomina in albo proponere  
accepimus, ut uitia uirtutesque innotescerent: & quo  
quisque honore dignus foret, populi iudicio exploraret.  
Ac nō solū respub sacra, ceremoniasque curare, sed de re-  
bus quæ ad religionē pertinent, iudicia ferre: cōtuma-  
ciæque minorū magistratū uindex esse, sacrificantes  
observare, piaculāque iræ deū cōquirere, ne secus quā  
præscriptū esset, sacra fierēt, nēue incerta auspicia, aut  
turbatae religiones aduersus mores institutaque maioriū  
observaretur. Utque super impetrāda uenia uenerādīs-  
que dijs iusta solenia exhibeātur, cauere debebat. Tū  
religionis arcana, & diuinas traditiones cognoscere,  
& siquid religioni minus uerè adscriptū esset, religio-  
ne liberare, aut numinibus obligare: de uestaliū capite  
decernere, & ferre sententiam: quæ sacra quæue pro-  
fana essent diiudicare: nēue quis praua religione po-  
puli alligaret, maximi pōtificis officiū & munus erat.  
In quo fuit obseruatū, ut nūquā infāusta die & omi-  
nosa, collegiū cōsulat, quod dirum foret & auspicij mali.  
Quare Vitellio principi, quod pontificatū maximū a-  
deptus, decimo quinto calendas Augusti, die cladibus  
insigni, collegiū consuluerat, magno exitio fuit. Tum si  
pons publicius collaberetur, illū reficere: unde illis no-  
men factū. Is enim ligneus erat, & nullo ære aut ferro  
cōpactus, quæ sacrū illi aestimarūt: ita ut in aliqua par-  
te labātem, nisi cæsa uictima & sacrificio perfectō re-  
ficere nō liceret: diuque Roma lignei pōtes fuisse, donec  
post interualla tēporū ab Aemylio quaestore lapideus  
cōstructus fuit. Vota etiā solennia, quibus uerbis con-

cipi, quibusque pecunijs exolui deberent, pontificum  
 decretis cauebatur, illorumque arbitrato, uel exolue-  
 bantur, aut non rite emissa denuo concipiebantur. Quod  
 si quis sui iuris arrogandus foret, quæ causa adoptio-  
 nis, quæ ratio generis, quæ dignitas, quæque essent sacra,  
 apud pontifices lege quærebat, quæ lex curiata dicta  
 est. Idque ideo cautum, ne qua calumnia, neu quis do-  
 lus compositus, in arrogando sui iuris homine adhibe-  
 retur: ita ut adoptiones contra ius pontificum factæ,  
 aut sine collegii decreto, nullæ & pro irritis forent. Et  
 quauis proprium sacerdotis esset, nec imperia, nec ma-  
 gistratus gerere, nec equo uehi, aut trinoctio ab urbe  
 abesse: poterat tamen idem consul uel censor esse &  
 pontifex, pariter religioni & reipub. præesse, ab urbe  
 trinoctio abesse, equo uehi uel pedibus ire. Crassus Li-  
 cinius pontificatum maximum & consulatum, mox  
 censuram præturamque simul gessisse: & Liuius pon-  
 tifex pro prætore ordinibus præfuisse traditur. Ipsum  
 tamen qui simul consul foret & pontifex, ne reipub.  
 aut sacrorum deferatur cura, nèue longius ablegare-  
 tur, extra Italiam sortiri prouinciam non decebat ex  
 senatus decreto, postquã idem Crassus prætor & pon-  
 tifex, cui belli summa commissa erat, quod nunquam  
 antea factum, sortitus Asiam, ab Aristonico Attali fra-  
 tre prælio uictus, occubuit: donec post interualla tem-  
 porum, extra Italiam sortiri prouincias cõpere: in tan-  
 tumque honoris culmen pontificatus & eò excellen-  
 tiæ creuit, ut Cn. Cornelio prætori, quod quum M. Ae-  
 mylio Lepido pontifici maximo conuicium fecisset,  
 mulcta dicta fuerit: ipsumque regie dignitari proxi-  
 mum crederent. Nam & lictor apparebat, & curuli  
 regia

regia sella, ac lectica insignis erat, quam ante uestibulum conspicuam habere assuêrat: ad cuius fores pro splendore dignitatis, uiridis laurus affixa uidebatur. Cumque ceteri honoribus functi, rationem administrati muneris reddere cogerentur, pontifex tamen maximus pro maiestate, gesti honoris rationem dare minime cogi poterat: ipsique pro imperio & potestate, quoque plus dignitatis ferret, cum galero esse & carpêto, ut reliquis sacerdotibus ingredi licebat. Quippe pōtifici proprium insigne erat galerus, sicut lituus auguribus, paludamentum imperatoribus, diadema regibus. Et quum in capitolium nulli fas foret carpento uehi, solis pontificibus sacerdotibusque Tarpeium ascendere carpento licuit: ad eumque siqui noxiū confugissent, ea die à pœna immunes erant. Ideo nō uulgares, neque obscuros, sed qui nobilitate generis et multo splendore illustres forent, quique autoritate & opibus antecirent ceteris, ad pontificatum admiscere: diuque Roma pontifex, qui antea curuli sella non sedisset, nemo creatus fuit: donec lapsis temporibus, etiā qui nullos curules gesserant magistratus, ad pontificatum admiscere. Primus enim T. Coruncanus ex plebe homo, pontificatum maximum meruit, quo tempore M. Atilius Regulus, primo Punico bello graui supplicio excruciat, pœnas dedit. Et deinde M. Drusus, quod antea contigit nulli, tribunus plebis simul & pontifex creari meruit. Postea ex plebe & patribus, nullo delectu aut discrimine admitti cœpere. Cumque ad collegium pontificum pertineret, in demortui locum alium cooptare, Cn. tamē Domitius Tr. pl. offensus collegio, quod se in numero pontificum nō cooptassent, ius subrogandorū

pontificum sacerdotumque à collegijs ad populū tran-  
stulisse fertur. Ipseque pontifex maximus primus po-  
puli suffragio, alijsq; deinceps creari capere. Sunt uero  
qui credant, Licinium Crassum de cooptatione colle-  
giorum ad populū beneficium transferenda, legem tu-  
lisse primum. Inde comitia à populo pōtificibus crean-  
dis saepe indicta fuere. Id tamen in admittendo ponti-  
fice sedulo cauebatur, ne quem eligerent, qui cuiquam  
ex collegio inimicus foret: hiq; per collegium admissi  
capi dicebantur. Atque licet uetus fuerit constitutum,  
in demortui pontificis locum alium nominari, si tamen  
exaëto anno, pontifex mortem obisset, in eius locum  
alterius nominatio non erat, licet alter suffici coop-  
tariq; oporteret. Tunc enim pontificis nominationem  
fieri necesse putarunt, quū nondum exaëto anno, mor-  
tem obisset constaret, postea uero nō licebat. In locum  
enim T. Oëtaciliū Crassi pōtificis maximi, quia exaëto  
anno mortuus fuerat, alterius nominatio non fuit.  
Tamen si in locum uiuentis pontificis alium substitutū  
legamus. Claudius uerò Caesar tanti sacerdotiū fecit,  
ut in cooptadis sacerdotibus neminem nisi iuratus no-  
minaret. Est tamen memoria proditū, ut si quid ad re-  
ligionem pertinēs inter pontifices discreparet, uariatis  
sententijs, ubi aliud aliū sentiunt, id satis fuisse crede-  
rent, stabiliq; sententia esset ratum, quod tres ponti-  
fices communi decreto statuissent. Et licet à collationi-  
bus multi ferant sacerdotes immunes, sunt tamē exem-  
pla, pōtiffices & sacerdotes pecuniam per bellum con-  
ferri solitam in stipendium contulisse, illamq; quæ-  
stores saepe exegisse, frustra q; pontifices tribunos ap-  
pellasse, quum se ob sacerdotium immunes dicerent.

Sed



Sed prater hos qui collegio cooptabantur, fuere pontifices minores. Nam scribae pontificum, qui fastos & commentarios habebant, fidelem custodiam rerum gestarum, qui annales maximi dicebantur, quiq; illis ministri aderaut, quod omnis aui gesta mandabant literis, minores pontifices dicti sunt: à quibus in curia Calabra Iunoni singulis calend. sacra fiunt: nouamq; lunam obseruare, & quot dies à calend. ad Nonas superessent, referre solent, ut populo causas feriarum à rege sacrorum recipiendi facultas foret. Ad quorum collegium etiã interpretandi iuris, & an posset lege agi, quaq; competeret actio in iudicijs, declarandi ius spectauit et pertinuit. Quippe ius ciuile inter sacra ceremoniasq; multa secula abditum, solis pontificibus patebat. Ex his quoque minoribus distinctio gradus fiebat. Nam qui primus collegio ascitus erat, maximus: qui uero ultimus, minimus dicebatur pontifex. Illud quoq; uerum est, solos pontifices nouo more, coniugale copulam sacro confarrationis iure inire solitos: quippe quum matrimonia apud maiores tribus modis fierent, usu, coemptione, & confarratione, confarrationem solis pontificibus dederunt, quum alijs modis per ceteros contrahantur. Animaduersum quoque est, pontificis uxorem, singularis exempli & magni documenti esse oportere, ut sicut ab omni noxa & libidine ipse mundus erat, ita uxor casta & innocens maneat: Quodque pontifici maximo cadauer uidere nefas fuit, ne quid triste aut lugubre oculis acciperet, multo magis si hominem insepultum reliquisset. Si tamen in occursum cadaueris imprudens incidisset, interposito uelamento, ne uisum offenderet,

salvis ceremonijs prodire poterat, cui etiam per liberos iurare non licebat, per deos autem permissum fuit: Quodque ex octo pontificibus, pontifex maximus reliquis præest & propè dominatur: cui rex sacrorum, augures, & omnes flamines, ac uestales uirgines parent: quibus mulctam indicere, & poenam irrogare poterat: cuius arbitratu publica et priuata sacra gerebantur, uestalesque uirgines ad sacri & æterni ignis custodiam, qui in penetralibus Vestæ colebatur, eligebantur, ipsiusque cura custodiaque mandabantur. Atque ex decreto pontificum enunciata prodigia sapius procurata fuere, licet augurum proprium munus foret. Nanque augures auspicijs, pontifices uerò sacris præfuere. Cum enim C. Seruilius pontifex maximus L. Cornelium Dolabellam inaugurare uellet, nec se magistratu abdicaret, & propterea comitijs indictis, illi populi iussu cogeret, quia fœda tēpestate comitia turbata fuere, religio fuit ex illo pōtificibus inaugurādi, indeque inaugurare desiere. Neque solū ab omni sanguine puras manus pontificem seruare decuit, sed ne participem quidem, aut consciū alicuius necis fieri: eundemque duplici sacerdotio functū sæpe animaduersum esse. Siquidem Q. Fabius Maximus, & pōtificatum & auguratum unā gessit: aliique utrique simul sacerdotio præfuere. Ex Cæsaribus uerò C. Cæsar auguratum simul & pontificatum: Galba autem sacerdotiū triplex gessisse dicitur: id quod à regibus spartanorum usurpatum fuit. Nam quum primum in eam assumpti sunt dignitatē priuilegio honoris præcipui, Iouis cælestis & Lacedæmonij sacerdotio funguntur: quibus ex omni scrofarum fœtu porcus debebatur, ut

si dñs

si dñs immolare uellent, nunquam uictima deesset. Est quoque literis proditum, apud Græcos unum uirū aut fæminam nonnunquam sacris præfuisse: apud Opuntios duos, quorum alter deorū, alter dæmonum sacrificia curat. Indis uero Solis sacerdotes numero diuersi sunt, & nunc plures, nunc pauciores cooptrātur: Aegyptijs plures, qui easdem traditiones atque auita & paterna sacerdotia & imperia filijs tradunt, qui post regem secundi sunt. Apud alios autē pontifices diuerso iure & nomine censentur. Nam Græci pontificem summum archierosynem uocant, ad quem ius & moderatio sacrorum pertinet. Babylonij Chaldaëum Isidis sacerdotem grammatheam, aliū mithram, Sicyonij charnium, quorū collegium, pastophorum nuncupāt. Delphis quinq; pontifices per omnem uitā sacri erant, qui Osi dicti, quorū primus qui hostiam immolabat, Ofter: qui uero edebat oraculum, Aphetor nuncupati sunt: qui unā cum prophetis sacra obibant, diuināsque prædictiones & ceremonias, & quo cultu, quibusq; exemplis fierēt sacra, prædicebant. Apud Athenienses Daduchus maximus erat sacerdos Herculis Stephanophorus, Palladis Eteobutades, à Bute propagati, ex qua familia longo tempore sacerdotio præfuere: sicut Buxigia familia à Buxige heroe, qui Athenis diu sacerdotium tenuit. Et posterī ex Cirta et Myrta in Paphiæ Veneris templo sacris ceremonijs præfuere. Quod de Veientana Lunone proditur, quam nisi certi generis sacerdos attrectare nemo poterat. Clazomenis Palladis sacerdos, Isichias: Bacchi uero, Thias nomē habet. Poliei Iouis sacerdos, Buphonus: in Troëzene, Hippolytus nuncupatur. Apud Cretenses matris magnæ sa-

cerdos, Melissa: Ephesia Dianæ, Megalobizus, qui eunuchus erat. Alexandrinorum atque Atheniensium Phacasi, quibus candida solum ferre calceamenta licet: ex quibus antistes sacrorum purpuram induit. Dodonei uero oraculi pontifices, pedibus semper illotis erant, qui tanquam sacrosancti supernudam humi eubare coguntur. Isiaci linea stola amicti sunt, capite rasso, calceis papyraceis, sistrum tenentes, aut ramum absynthij marini, uel nuces pineas & Anubim supra caput deferentes. Sicut Indi uates tanquam religiosum, corallium ferebant. Et Cybeles sacerdotes flagrum: & matrem deum colentes iuxta Suenos, formas aprum, quo insigni ab hostibus tuti sunt: Panthei sacerdotes, omnium duces fiunt, quibus causarum iudicia et publicarum rerum arbitria tribuuntur. Apud Hebræos pontifex festis diebus mitram gestat, cum nebride auro distincta, aut tunicam talarem, & cothurnos cum tintinnabulis: quem maiestate decorum tanti Alexander fecit, ut uenerabundus ueniendi occurreret, & uelut sanctissimum numen adoraret. Fuitque animaduersum Bellonæ, Cybeles, et Isidis sacerdotes eadem sacra obire, iisdem pro ceremonijs teneri. Sed Cybeles sacerdos uarijs coloribus fucatus, & faciem pigmento delitus, oculoque obunctus, cum mitella & crocoto, lineo calceamento ante simulacrum deæ incedebat: cui erat proprium, cum tinnitu cymbalorum & sonitu tympanorum sacrum facere. Arabum uero pontifices lineas uestes induunt, mitras gestant cum sandalio. Apud Pedasios Palladis sacerdos sacram barbam nutrire cogitur, neque erasa incedere fas erat. Albanis ceremoniarum antistes ea fulgebat dignitate, ut post regem habere-



haberetur secundus. In Aritia Artemisia Diana sacerdos rex uocatur. Idem in Cappadocia Bellona fanum obtinuit: & in Comanis Ponticis tanta dignationis erat, ut annis singulis bis diadema gestaret. In Zela quoque tanti imperii fuit, ut suprema fulgeret dignitate. Traditumque est, in Meroë Iouis sacerdotes adeo superstitutione implese animos, ut nonnunquam misso nuncio, necem regi Aethiopiae demandarent, nullo detrectante, aut mandatum iussione uel abnegante: donec ad Erganem regem peruentum est, qui omnes occidit, & sacerdotium sustulit. Apud Germanos nulli uerbere, aut uincire, uel animaduertere nisi sacerdoti permissum. Narualis iuxta Sueuos praesidet pontifex, qui muliebri ornatu ingreditur semper. Fuitque memoriae proditum, Trallibus regiam regibus destinatam, illi quoque qui summum gerebat sacerdotium, privilegio honoris dari. Sicut in Tyro Herculis sacerdos, qui cum insula & purpura incedit, post regem proxima dignitate fungitur. Apud Aegyptios qui sacra ministrant sacerdotes, capite rasi sunt, quum apud alios comati incedant: à quibus est usurpatum, ex philosophis sacerdotes, & ex sacerdotibus probatissimum in regem eligere. Vnde Mercurius Trismegistus, id est, ter maximus nomen tulit, quod philosophus maximus, sacerdos & rex maximus esset. Apud Phoenices Solis sacerdos, ueste auro & purpura uaria manuleata, ad imos pedes fluxa incedebat: & tanquam spendoris signum, & amplissimi honoris prerogatiuam, coronam ex auro gemmisque ferebat.

Mira exempla à compluribus experta de umbrarum figuris et falsissimis imaginibus, & quae ipse didicit atque experiri fuit. Cap. 1X.

PROFECTO rem mirificam, & dictu aestima-  
 tuque admirabilem, de umbrarū figuris & falsis ima-  
 ginibus, quæ homines uaria specie et aspectu uano ple-  
 runque illudunt, familiaris meus quispiam modò mihi  
 enarrauit: quod equidem fabulosum aut commentiti-  
 um uideri posset, nisi grauioris esset ingenij & præ-  
 stabilis homo doctrina: ipsiusque uirtutis & non am-  
 biguæ fidei plerisque in rebus multa & magna docu-  
 menta forent. Refert enim, quòd Roma quondā ipsius  
 amicus diutino & graui morbo agrotabat, cum quo  
 coniunctissimè uixerat: & quia corpore inualido af-  
 fectoque esset, uale tudineq; minus prospera uteretur,  
 uisum est ad illa apparatusissima balnea quæ Cumis  
 sunt, uegetandi corporis & animi lenandi causa pro-  
 ficisci: cum ferè constet homines ex ancipiti morbo, lo-  
 corum mutatione & sereniore calo plerunque leuari.  
 Hi ergo cum fidis aliquot comitibus Cumas quum iter  
 intenderent, & aliquantulum uia emensi forent, ager  
 quum esset & uita & spe tenui, ui morbi coalescente  
 & labore uia, in hospitium in quod forte diuerterāt,  
 suū obūt diē. Is ergo amicus qui unà accesserat, quan-  
 tum prouideri hominis diligentia potuit, pro loco fu-  
 nere satis amplo illum efferri, rem diuinam fieri, atque  
 in honorato urbis loco sepulchro condi curauit: ibiq;  
 cum mæstos aliquot habuisset dies, curatis rebus o-  
 mnibus, ipse & comites Romam, unde digressi fuerāt,  
 reuerti cœpere. sed cum aliquantū uia remensi essent,  
 & nocte appetente in unum quod uia proximum fuit  
 hospitii diuertissent, ibi se animo & corpore fatiga-  
 tum quieti dedisse. Cumque solus degeret, & adhuc  
 uigilans foret, fert repente amici nuper defuncti ima-  
 ginem

ginem summo pallore & macie, ac eo fermè habitu oris, quali illū cum egrotaret dimiserat, ad se accessisse: quem cum fuisset intuitus, & præ timore, nec animo, nec mēte satis constaret, quis nam esset, interrogauit. Ille autem cum nihil respondiisset, ex utris, ut uidebatur, uestibus, in eodem quo ipse iacebat lectulo, se collocauit, ac propè accessit, quasi eum amplexibus petiturus foret. Alter uero cum prope iam metu exanimis uideretur, ad lectuli spondam secessit, illumq; propè accedentem abegit: qui cum se abigi expelliq; uidisset, fert in eum toruo & minus familiari uultu inspexisse, resumptisq; mox uestibus illum è lectulo surrexisse, cinctumq; & calceatum inde abeuntem nunquam apparuisse. Quo timore familiaris ille percitus, subitani morbi correptus, ac propè ad internecionē grauissima ualitudine oppressus fuit. Ferebat etiā, dum in lectulo cum illo luctaretur, nudum illius pedem usque adeo gelidum ac rigentem attrectasse, ut nulla glacies illius frigori comparari potuerit. Equidem memorabile hoc, & cuius mirū uideri posset, nisi peruulgata res esset, ades quasdā Romæ euidentissimis ostentis ita infames, ut nemo illas incolere ausus fuerit, quin uarijs umbrarum illusionibus & tetrīs imaginibus, nottibus ferè singulis inquietetur. Gordianus amicus meus spectata fidei homo, mihi retulit cum Aretium ipse & familiaris suus iter unā intenderent, & à semita, ut fit, longe deuiassent, loco infami & deuio, ubi ne uestigium quidem apparebat humanum, per ardua & propè inuia diuersis tramitibus aberrare capisse: ibique cum nec oppida aut uicos, neque aliquid culti uiderent, sed nemora tantum saltusq; inuios &

inaccessos, omniaque uasta, muta, & deserta ab humano cultu peragrarent, in quibus ipsa solitudo terrebat animos: uergēte iam ad occasum die, fessos labore ac uia confedissee. Cumque hominis uocem audire procul uisi fuissent, ad illā propius accessisse, homines obuios, quos de uia interrogaret, dari sibi arbitrati. Nec mora, in proximo iugo trium hominum imagines immanes & formidabiles ultra humanū modum, nigris & demissis tunicis, in ueste lugubri funestaque, barba capilloque summisso, horribili facie conspexisse: qui quū uoce gestuque ad seipsos aduocarēt, ac iam propē esset ut illuc accederent, illos interim ingenti mole corporis longē humana maiores apparuisse: atque aliū specie non absimili nudum & nullo amictum uestitu, mirificos edentem saltus gestusque indecoros cōspexisse. Quo timore cōsternati, properē fugam cepere: uiamque arduam & precipitem emensi, uix rustici cuiuspiam uile hospitii ubi reciperentur, inuenere. Sed quod ego certum habeo, & satis certa probatione tradiderim, profecto haud minus est. Cum Romæ agra ualitudine oppressus forem, iaceremque in lectulo, speciē mulieris elegantis forma mihi plane uigilanti obuersatam fuisse, quam cum inspicerem, diu cogitabundus & tacitus fui, reputans nunquid ego falsa imagine captus, aliter atque res esset, aspicerem. Cumque meos sensus uigere, & figuram illam nusquam à me dilabi uiderem, quæ nam illa esset interrogauī: quæ tum subridens, & ea quæ acceperat uerba respondens, quasi me planē derideret, cum diu me fuisset intuita, discessit.

Quæ sint pedamēta apud iureconsultos, cuiusue generis, & quid  
 Inpresis, & ptyocampa. Caput X.



CVM in legum commētarijs uersaremur, & rusti-  
 corum prädiorum seruitutes scrutaremur, inuenimus  
 Vlpianum ex Neratij sententia censuisse, rusticam ser-  
 uitutem posse constitui, ut pedamenta ad uineam ful-  
 ciendam ex uicini pradio mihi sumere liceat. Quasiui  
 ego à iureconsulto, qui omissa modestia, multa sibi in-  
 eptè arrogabat, quid pedamenta essent, quibus sumen  
 dis ex alieno, seruitus constitui poterat. Atque ille in re  
 uulgari, cum diu cogitabūdus hæsitasset, haud multo  
 post, nescio quæ inuolucra uerborum, & falsarum opi-  
 nionum ineptias, ambiguos magis quàm ueros sensus  
 denotantia profudit, quibus nihil ueri animaduerti  
 cognosciq̃ue potuit. Et tamen si pedamen munimen esse  
 & palum, quo uitis caduca fulcitur, neminem fallit,  
 unde pedatio dicta: tamen id triplicis generis fuisse  
 animaduertimus. Nam & pedamen, & ridicam, &  
 statumen eiusmodi fulcimenta nuncupari, Cato asse-  
 uerat, græcè charax: quare pedamēto fultæ uites, cha-  
 racatæ dictæ. Sed pedamen quodlibet fulcimē esse cui  
 uitis inhæret, ridicam ex querna arbore, aut ex iuni-  
 pero, olea, uel cupressu plerunque fieri: tamen si nullo  
 discrimine ex his quoque componi pedamen opinio  
 fuerit, statumen, è palis & pertica: quod uero ex arun-  
 dinibus pedamentum sit, arundinetum. Quod autem  
 natium ex arboribus in arbores traductis uitibus,  
 nonnulli traduces, quidam rumphos, plerique arbuta  
 dixere: quas in transpadana Italia ex cornu, populo,  
 tilia, acere, orno, carpino, & quercu frequenter arbu-  
 stari tradunt. Quare multi in eadem atque in Cam-  
 pano agro harum plantaria instituunt: quæ si recto  
 ordine digesta fuerint per aqua interualla quaque

uersum, in quincuncem metata dicuntur: interque nites simplici iugo porrectum ordinem, cantherii: transuersamque hastam inter pedamēta, quā uitis innititur, Cato & Varro iugum: quadruplex uero iugum, à cauis adium compluuium, unde compluuiatas uites dixere: palmitem uero pluribus annis duratum, & quasi emeritum, draconem: qui in bisulco medius inter duo nascitur, focaneum: qui uero per tabulata scandit ad superiora, emissarius dictus est: superior pars malleoli, sagitta: surculum autem qui nihil affert fructus, appellant spadonem, quasi sterilem. Ea uero iuga in agro bene culto, plano, & minus uentoso, altiora: in arido et gracili, ac uentis exposito, humiliora fieri oportere Plinius notauit. Tamen si cantherium equum dici, cui testes adempti sunt, neminem praterit: sicut ueres castrati, maiales fiunt, & galli, capi. Ex quo licet intelligere, ut ex tuo fundo pedamenta ad uineam fulciendam mihi sumere liceat, posse cōstitui seruitutem. Censuitque Paulus iureconsultus, quòd tamen si ex tuo fundo pedamēta sumere licere, in fructu sit, tamen hoc ius capiendi, apud legumperitos seruitutem, nō usum-fructu, putari. Rursus alium celebri fama iura Romæ profitētem, in auditorio professorum interrogauit, quid esset quod Ulpianus legem Corneliam de sicarijs interpretatus scripsit, pigmetarios si cui temere dederint pityocampas aut buprestim, legis Corneliae de ueneficijs sanctione teneri. Quid essent pityocampa, & quid buprestis, ut me doceret, quasi sui. Cumque ille portēta uerborum longè à fide deuia effudisset, quā quum pendendi sint erroris, referre nō necesse habeo: paulò post dicti pertasus, se hoc ignorare ingenuè asseuerauit.

Nos

Nos autem perscrutati uerbi significatum, animaduertimus pityocampas erucas esse, seu teredines uirulentas, uiru exitiali, quæ in pini sæpe nascuntur arboribus, unde illis nomen factum. Nam ætrus pinus est, καμπτὴ eruca: quippe erucas Græci καμπτὰς dicunt, ueneni præsentissimi. Buprestis uero animal inuentu rarum in Italia, similimū scarabæo, qui inter herbas fallit sæpe boues: quo deuorato, ita concitantur rabie, ut actæ in furorem, terrorem afferant, pauloque post rumpantur, ex quo perniciole uirus confici dicunt, quod fœdissimè uexat: cōtra cuius exitiū præsentaneo remedio Græci succurri prodidere, & Plinius autor est. Qui ergo tanti facinoris conscius, uel buprestim, uel pityocampas, aut monstrifici quid ueneni ad necem properandam dederit, eum iudicio capitali & pœna legis Corneliæ teneri, iura & leges uoluere.

Qui Romani duces ex oppidis & piuincijs ui subactis cognomēta desumpserunt: & de Scipionum familia, & quid apud exteros.

## Caput XI.

CONSVEVISSE Romanos ex oppidis uel piuincijs captis aut ui subactis plerunq; cognomēta ferre, memoriæ datum est. Martium Coriolanū, quod fortem strenuamque operam reipub. nauasset, capto Volscorum oppido Coriolis, Coriolani nomen sumpsisse ferunt: & Sergium Fidenatis, ex bello quod ad Fidenas gessit. Ex tribus uero Metellis, unus, deuictō Iugurtha & ui subacta Numidia, Numidici: alter Q. Cæcilius, L. Metelli filius, ex Macedonia, Macedonici: tertius ex Creta, Cretici cognomēta sumpsere. Fuit quoque Metellus Balearicus, ex deuictis Balearibus cognominatus. Sed Numidicus L. Luculli auunculus fuit: Ma-

cedonici, Metellum Balearicum pleriq; filium, nonnulli fratrem dicunt. Creticum uero, & alium Dalmaticum eiusdem Macedonici filios fuisse nulla controversia est. L. quoq; Mummius deleta Achaia & Corintho, Achaiei cognomen tulit. Sed Corinthi superata, prima laus Macedonici fuit. Is enim omnem Achaiam ita bello affluxit, ut rebus abscessis Mummius superueniens, leuè certamine expugnata Corinthum uictoriae suae adscripserit. Messana quoque in Sicilia, & Isauria in Cilicia bello domita, M. Valerio & P. Seruilio, Messala & Isaurici cognomenta dedere. Is enim Seruilius uir acer fuit & strenuus, qui in Ciliciam cum imperio profectus, illam collatis signis, ui atque armis domuit: Lyciaeque urbes clarissimas iusto praelio uicit. Isauros primum bello aggressus, imperio adegit: Victor denique triumphum ex hostibus, & Isaurici cognomen reportauit. Ex Allobrogibus quoque Fabius Allobrox, & ex Caucas Germanica gente Gabinus secundus Caucius, atq; ex Callectis Brutus cognomento Callectus, & ex Getulis Cossus Getulici nomina sumpserunt. Callecti enim ulterioris Hispaniae populi sunt, duri & agrestes, qui extrema & motana inculta ac difficiles saltus & impeditos ad Oceanum incolunt. Ideo bellacissimi & subacti difficilissimi fuere. Fertur tamen Q. Turninus, qui Garamates ultra Aethiopes horridos & incultos bello uicit, ob modestiam & uitandae inuidiae causa, Garamantici cognomento abstinuisse. Scipionem praeterea Africani, qui dux fatalis contra Hannibalem fuit, Africana superata & Carthaginensibus bello uictis, Africani cognomen tulisse: & alterum ex deuictis Antiocho & Asia subacta, Asiaticum cognominatum inueni-



Inuenimus . Sed hic Asiaticus frater Aphricani fuit, quorum alter P. Scipio, nomine à se uicta gētis Aphricanus : alter L. Scipio frater, Asiaticus dictus est, qui cōsul aduersus Antiochū primus Romanorū in Asiam signa intulit : cum eoq̃ue cōsule Aphricanus frater legatum se gerēs, pariter profectus est: illiusq̃; ductu & auspicio pleraque egregiē gesta in hostes fuere. Victo deinde Antiocho & pace Eumeni concessa, ob Asiam uictam Asiatici cognomē reportauit. His enim duobus fratribus, Aphricano scilicet & Asiatico, pater fuit P. Scipio ex Corneliorum gēte, cum quo primū Hannibal Pœnus signa in Italia cōtulit: cuius fuit Cn. Scipio frater, summi ambo imperatores, uiri ornatissimi, qui paucorū dierū interuallo in Hispania casi occubuerunt. Sed ex Publio hi duo quos dixi, Scipiones, Aphricanus scilicet & Asiaticus, filij extitere: ex Cn. autem P. Cornelius Nasica ortus fuit, qui unus uir optimus à senatu iudicatus, matrem Cybelen ex Pessinunte suscepit, Tiberiumq̃; Gracchū seditiones in urbe molientem interemit. Fuit quoq̃; & alius Scipio cognomento Aemylianus, prioris Aphricani nepos adoptiuus, qui ob Aphricam & Numātiā bello domitas, minor Aphricanus et Numantinus appellatus est. Sed hic Aemylianus quem dico, minime ex Corneliorū gēte propagatur, sed adoptiuus in nomen & familiā uenit. Si quidem cum Scipio maior Aphricanus filium haberet natura admodum tenui & imbelli, unde & ualetudinarius uocatus, q̃ non ea uis animi foret, uigorq̃; nulloq̃;ue liberos sustulisset, ne decederet sine liberis, hūc Aemylianum Lucij Pauli filium, ut multi credunt, ex filia nepotem, in familiā nomenq̃ue adoptauit.

Fuerat enim Scipioni Aphricano uxor filia Pauli Aemylii, qui consul ad Cannas ne tantæ cladi superesset, in cōflictu belli cæsus occubuit, ex qua unicum filium tulit, filias uero duas, quarum altera Scipioni Nasicæ, altera Tiberio Graccho nuptæ fuere. Aemylio uero Paulo quatuor filij extitere: duo in adoptionem alterius familiæ dati, Scipio uidelicet & Fabius: duo in potestate retenti, quos ex altera coniuge sustulerat. Horum alter, quinque diebus ante triumphū, quem speciosissimū de rege Perse & omni Macedonia habuit: alter tertia post triumphū die, adhuc impuberes mortem obiere immaturam. Hic ergo Aemylianus ex reliquis Pauli Aemylii filiis iunior fuit, gloria militari illis stris, qui Aphricani nepos adoptiuus, auitæ uirtutis memor, prouocatore barbarum tribunus adhuc militum occidit. Cum patre aduersus Persen acriter pugnans, egregia facinora gessit. In Aphricam deinde cum exercitu profectus, tertium Punicum bellum confecit, Carthaginem & Numantiam funditus euerit, parta deinde uictoria, & rebus confectis, cognomen Numantino & minori Aphricano inditum fuit. Horum postea exempla sequuti Cæsares, ex prouincijs quas ui & armis subegere, illustria cognomenta ob immortalem gloriam tulerunt. sæpe populi decreto, nonnunquam acclamatione Senatus. Siquidem Seuerus imperator, & reliqui post eum Cæsares, ex Arabia, Adiabena, Parthia, Armenia & Germanias alijsque bello domitis gentibus nationibusque, quas suo ductu & auspicio conquiescere, Arabici, Adiabeni, Parthici, Armenici & Germanici, sicut Sarmatici, Aphrici, diuersis titulis cognomenta repere.

Fertur

Fertur tamen Valeriano Cafari, quòd promptus ad arma & bellicosior effet, milites militari studio manu ad ferrum nomen indidisse: qui postea in imperio delatum Carpici cognomentum refutauit. Alexàder uero Seuerus imperator, licet imperatoris, patris patriæ, & Magni cognomenta renuerit, asserens magnis rebus gestis ea sibi nomina parare oportere: tamen ob deletos Azauenos, Azauenici cognomen sumere non dubitauit. Traianus autem cōtra Parthos uictor, Parthici appellationem non accepit. Cui cum multi deferrentur honores, reliquis posthabitis, sola Optimi agnominacione gauisus fuit. Commodus uero eò uecordiæ processit, ut pro Cōmodo, Hercules & Iouis filius dici maluerit, quod sibi postea in inuidiam perniciemque cessit. Apud Græcos non ab oppidis & prouincijs, sed à rebus gestis magnificè, Soter & Callyneos dicti: à forma & specie corporis, Phystos & Cyrippus: ab excellentia crurum, Eucnemos: à uirtute, Energetes & Philadelphus: à fortunæ felicitate, Eudamos: à multiplici uictoria, Nicanor: ab urbium expugnatione, Polycrates: à fortitudine, Achersites. aut Aquilæ uel fulminis nomina fuere: quare Pyrrho ab Epirotis Aquilæ nomen inditum. à multiplici doctrina, Polyhistor: ab optimo cōsilio, Aristobulos dicti. Quibusdam regibus liuor & uitium, nonnunquam ignauia & nequitia cognomentum dedit: quippe Antiocho regi Macedonia, quòd multa promitteret, parum efficeret, Doso: Ptolemæo, Lamyro ob uitæ turpitudinem nomen fuit. Antigonus quoque à rapacitate Hierax, & à genuum magnitudine Gonatus: Alij à uerborum obscuritate, Scotini, & ab amentia Choalemi, atque ob fictos mo-

res Laconista notam nominis tulere: sicut Xenarchus Rhodius à bibacitate, Metretes: & Atheniësis Diotinnus, Chone, hoc est, infundibulum, quod illo appposito affatim hauriret. Demochares uero ob procacem linguam, Parasyades: & Demosthenes, ob morum feritatem, Arges serpentis nomine, appellati sunt. Inter quos Varro sophista à forma nasi ciconia comparis, Pelargus nomen factum. Nonnullis uero ob claritudinem, Lychni dixere nomē, sicut Artaxerxi Mnemoni, quod memoria ualeret. Pericles summus orator ob dicendi elegantiam & sermonis magnitudinem, Olympius: Dion, Chrysostomos: Phocion, ob frugalitatem, Chrestus seu bonus: Cleomenes & Ptolemaeus, Benefactor nūcupati. Aristides ob morum sanctitatem, Iusti: Callimachus propter studium miræ artis, Calotechnos, sicut alter ob artis calumniam Cacotechnos sumpsere nomen. Alcæus tamen Pittachum Sarapodam, quod latos haberet pedes, cognominauit. Antiochus uero Syriæ rex, elatus supra modum hominis, cum uanum titulum uendicaret, cognomēto Deus dici uoluit: sicut apud Romanos Domitianus, & Caius princeps, qui Optimum Maximū, & Latialem Iouem se dici iussit. Proditus tamen est Mariccus: quidā è plebe Boiorum, cum Dei nomen sibi arrogasset, & non spernendam manum perditissimorum asseuisset, quos ingentibus promissis corruerat, ita ut in Romanos ferret arma, postea captus & occisus, falsi inditi nominis grauissimas pœnas dedisse. Sicut Selurus ignotus homo, qui se Aetna filium mentitus erat, quum loca circa Aetnam cum perditissimis & facinorosis prædaretur, à Romanis captus, in ludo gladiatorio ictibus bestiarum occisus.



sus fuit. Cui haud absimile est quod de Euno Syro pro-  
ditur: qui quum nuce iuglande in os inclusa ignem e-  
uomeret, simulās se dea Syria numine afflatum, apud  
seruos & infimam plebē diuinus habitus, primo duo  
hominum millia in Sicilia spe rapinarum asciuit, mox  
effractis carceribus ad sexaginta millia coegit, Man-  
liumque & Lentulum pratores iusto praelio uicit &  
profligauit: denique à Romanis coercitus, post multi-  
plices clades suæ temeritatis meritas pœnas dedit.

Quid sit triplex forum, de quo in Martiale sit mentio: quæue fora  
olim Roma fuerint, quæue apud exteros præcipua.

Caput XII.

DOMITIVM Calderinum uirum disertum  
& studiosum uidimus aliquando, dum Romæ ageret.  
interpretabatur tunc Martialis epigrammata, in qui-  
bus hos uersus meminimus legisse:

„Causas, inquis, agam Cicerone disertius ipso,

„Atque erit in triplici par mihi nemo foro:

Quos ille in scholis cū suis sectatoribus sic definiebat,  
ut tria fora Romæ esse diceret, in quibus iudicia red-  
deretur, Latinum scilicet, Romanum, & Vetus: quod  
in commentarijs à se editis referre non dubitauit. Sed  
quum legissemus fora multiplicia Romæ, in quibus fo-  
rēsia negocia & iudicia actitareretur, Romanumq; fo-  
rum, Latinū quoq; & Vetus dici, tenuit nos admiratio,  
q̃ uir ille ingenio alioquē ex culto, strictim & inexplor-  
ratē rem nō prætereundā pertrāsierit. Nā & Romanū  
forum in comitio legimus inter Capitoliū & Palatiū,  
ubi Rostra, ædes Saturni, Castoris & Pollucis templa  
fuerē, q̃ Latīū forū dictum est. In quo Romani magi-  
stratus, finito honoris tēpore, imperij insignia dimittere

assuerant: ad quod populus frequens conueniebat, sicut ad comitium senatores: ibique Pauli basilica mille & quingentis talentis taxata, quæ mox Fulvia dicta fuit, licet aliam Opimam in qua senaculū erat, quod in ea seniores assidebant: & aliam Iuliam, cuius constructa præfectus Vitruuius fuit: & aliam Porciam, quam Cato Censorius magna mole construxit, basilicas fuisse legamus. Alterū uero Caesaris forum dictum est, ubi Veneris templum ab eo extructum ferunt. Et Augusti forum, quod cum æde Martis ultoris Augustus sua impensa instruxit, ornavitque. Vetus quoque forum boarium legimus, in quo ædes Hercules rotunda, matris Matutæ, & Pudicitia patritia sacella. Ibi etiā bos ex ære Aeginetico fabrefactus. Quintum fuit olitorium, iuxta quod ædes Spei & Pietatis, quam Marcus Acilius Glabrio duūmuir dedicauit, Iunonis Matutæ & Fauni tēpla fuere: ubi lactariam columnam fuisse Pompeius memorat, in qua infantes lacte alendos deponebant. Forum quoque Cupedinis, macellum appellari, quod cupedinarium dicunt: cuius generis in Thessalia & omni Græcia frequentia fuere. Præterque piscarium & forum Nervæ, cui Transitorio nomen erat, pistorium in Auentino, & Vlpium, & Palladium. Sed piscarium iunctum boario dicunt fuisse secundum Tyberim, iuxta Ianitemplum ad Ianiculum quod quidam Iunonium uocāt, sicut fora publica iuxta Veneris sanum: & alia, ut Traiani, ubi columna integra mirabili structura hodie superest: iuxtaque forum Nervæ & forum suarium, à sequutis principibus præcipuis operibus ornata. De foro autē ueteri, quod in eo causæ actitarentur, quantum commemini, nec re-

reperitur quicquam, nec traditur, nisi unum idemque Romanum, Vetus, & Latinum forum dicant fuisse. Sed quod nos sentimus, quodque probabilius putamus de triplici foro, profectò sic est: Primum forum Romanum iuxta comitium fuisse, in quo de iure controuerso respondere solebat: ipsumque Cato Censorius, ne populus litibus assuesceret, acutis lapidibus sternendum putauit: quem postea Marcellus Octavia Augusti sorore genitus, quo salubrius disceptantes operam forensi labori darent, uelis inumbravit. Constatque Iulium Casarem, cum ius quotidie seuerissime diceret, alterum de manubijs unà cum ade Veneris genitricis magnifica impensa & profusis sumptibus cõstruxisse: cuius aream supra sestertium millies, & immenso constitisse authores tradunt: ipsumque suo nomine imposito, Caesaris appellasse, in quo iudicia etiam reddebantur. Tertium diuus Augustus inter publica opera precipue forū cum ade Martis ultoris cõstruxisse fertur, cū porticu duplici, ubi Apollo eboreus uidebatur: forique extruendi causam fuisse, hominum iudiciorumque multitudinem, quæ uidebatur, (ut Tranquilli uerbis utar) non sufficientibus duobus foris, tertio indigere, quod Augusti nuncupatur. Ex quibus sine cõtrouersia liquet, triplex de quo quærimus forum, de Romano, deque Caesaris & Augusti foro, in quibus lites actitari, & iudicia reddi consueuerant, non de alijs intelligi oportere. Succurrit tamen in hac re notare, Sparta forum, Clarium uocari: apud Iones, Panium: Argis gymnasium, quod Cyllarauium dixere: Athenis aliud quod Ptolemæum, & apud Samios & Alexandrinos duo fora, Larua nuncupari. Athenis quoque

Diphilum & Ceramicum, atque Helicum, quod erat omnium maximum, & Delphinium, & Palladium pro foris fuisse, aliaque ignobiliora, ut Parabiston maius, quasi absconditum, & Trigonum. Fuit quoque Parabiston maius, in quo undecim considebant iudices: & aliud forum, ubi Ola ara quā praeipue Athenienses colunt, & Batrachium, & aliud Punicum à coloribus: & in Thessalia Liberum, atque in Pyraeo Hippodromia, & Capua Albanum. Celebratur inter cetera Argium forum sepulchro Donabi, qui insigni prudentia & astu praecedentes reges anteisse fertur: in quo lupus aeneus cum tauro pugnans, satum Pyrrho regi praedixere: & Magnetum sepulchro Themistocelis: sicut forum Antiochia, Germanici funere insigne fuit: & Megarensium, sepulchro Coraebi: in quo mirum proditur, ut oleaster longo aëo suspensa diu arma intra corticem admiserit: mox incisa, ocreas & galeas peperit: & Celenarum, ubi Marsia pellis detracta ab Apolline, appensa uidebatur. Mirumque prodi de Aricia foro, ingenti chasmate in profundum hausto, magno & exitiali portento calamitatis futurae. Tradunt Thaletem in loco Milesii agri uili & contempto sepeliri uoluisse, praediuinans animo, in illo Milesiorum forum celebre quandoque futurum. Apud Persas uero fora duplicia fuere: unum, quod Liberum uocant, in quo honorati & praecipue nobilitatis uiri principem locum tenebant, ubi regia erat: alterum, in quo mercenarij & negotiatores, aliaque humilis turba diuertebant. Capua quoque fora distincta fuere: alia plebeiorem, quum plebs à patribus dissentiret: alia nobilium. In quibus enim nobiles erant, ne essent in contum-

ber.



*bernio sordidissimorum, ad illa infimo ordini accedere non licebat.*

*Qua multa militares maiores, & qua minores militibus, & ob qua delicta inferri solebant.* Caput XIII.

**MVLCTAE** militares nonnulla maiores, quæ capitis supplicio luebatur, pleræque minores, prout grauius aut leuiter delictum esset, facinorosis & delinquentibus militibus, necessario ad rem militarem exemplo, à ducibus inferri solita sunt: quibus sanciuerunt militaris imperii disciplinam, ut ignauus & cõtumax miles, prout segnis, negligensque, aut affinis culpæ fuisset, ita acris & seueri iudicio uel leniori pœna notaretur. Nam desertores, seditiosos & fugitiuos, aut si loco, statione uel præsidio cessisset, tergæue dedissent, aut è castris effugissent, tãquã pessimo facinore astrictos, capitali pœna plectere solebāt. Nonnunquã ubi multitudo obnoxia foret, autores turbarũ ad palũ deligare, aut securi percutere: reliquæ uero multitudinis decimum quẽque sorte ductũ ad supplicium petere, peruulgata pœna fuit. Cæsar uero quum cõnueret in cæteris, seditiosorum & desertorũ acerrimus inquisitor, & punitor dicitur fuisse maximus. Traditur Alexander Macedo quendam castelli custodiam præpositũ, ob desertã stationẽ nece multauisse: alterũ descendentem sagitta cõfixisse. Appius tamen Claudius humanius agens, ex his quos loco cessisse nouerat, decimũ quẽque in cõspectu exercitus fuste percuti iussit. Iuba rex asperior & durior, desertores quæ loco amisso in castra aufugerāt, cruce affluxit. Inter cæteros Aufidius Cassius memoriæ p̃ditur nouo exemplo multis desertoribus manus detruncasse & pedes: asserens maiori disciplinæ fore, miserabiliter

criminosum uiuere, quàm occidere. Seuerus autem im-  
 perator, exactor alioqui grauis, urbanas cohortes, q̃  
 neci Pertinacis consenserant, satis habuit militaribus  
 insignibus exutos, nudos destituere & dimittere. An-  
 tiqui tamen moris erat, ut qui aciem reliquissent, aut  
 infrequentes ad signa conuenirent, fustuario plebte-  
 rentur. Praesidio uerò decessisse, semper capitale fuit. Si  
 quæ uero cohortes signa fœde amississent, nisi nox am-  
 cuius arguebantur, purgassent, in eas more maiorum  
 quandoque capitali supplicio, plerunque leuiori pœna  
 fœuitum est. Quare pro frumento hordeum dare, uel  
 extra uallum sine tentorijs relinquere, nonnunquam  
 milites in prima acie inducere, aut districtis gladijs  
 discinctos destituere, uarijsq̃ue ignominijs afficere so-  
 lebant: ut his contumelijs coerciti, intentius mandata  
 exequerentur, deincepsq̃ue ad subeunda pericula pa-  
 ratiores foret. Eos uero qui pugnam detrectassent, aut  
 secessionem fecissent, quique erant fuga & pauoris  
 insimulati, quique segnes & cunctabundi arma ce-  
 pissent, leuissima nota erat iureiurâdo adigere, non ali-  
 ter quàm stantes quoad stipendia facerent, cibum po-  
 tumq̃ue capturos, aut traditio pugillarium, quos taciti  
 statim legerent: quæ leuior censebatur nota. Augustus  
 tamen decimam legionem cõtumacius parentem, cum  
 ignominia totam dimisit. Ob minora uero & leuioris  
 noxæ crimina, uel locum & ordinem in acie mutare,  
 uel stipendium anni differre militibus, neque his æra  
 procedere, qui ære diruti dicebãtur, aut in poliria uel  
 infrequentia notare, uel citra commoda stipendiorum  
 exautorare, uel locum in quo tenderent in castris, adi-  
 mere: illosque sine pellibus tabernacula habere, ut  
 humi

humi & sub diuo accubarēt, uel ne in oppidis hybernarent, inhibere solebant. In politia autem & in frequentia notabantur hi, qui rudibus & parum nitidis armis, uel strigiosi equo & macie affecto utebātur: quique prædicto ad pugnam die, occasionibus quæsitus, contumacius parēt: quæ mora excusabat, si funeris paterni uel sacrificij gētilis, auspiciūue, aut morbi sonitici, uel feriarum causa, ad cōstitutam diem non adessent. Qui uero arma alienasset, aut illa amisisset, propter inertia turpitudinem aequè ac desertor morte luebat. Apud Gracos uero militari erat iure cautum, ut qui miles scutū in acie amisisset, capite lueret: qui uero gladium, leuiori pœna notaretur: quia maioris disciplina, se ab hoste tueri & præstare incolumem, quam cum sua perniciē hostem perdere, semper summi duces putauere. Quod Scipionis Aemyliani uerbū fuit, malle se ciuem seruare, quam multos hostes perdere. Quare Lacedæmonij Archilochū poētā urbe exegere, quod carmen scripserat, in quo suadere uisus fuit, satius esse arma, quam uitam in acie amittere. Germanis quoque qui scutum amisisset in bello, à publico concilio & saceris arcebatur. In transfugas uero uelut maiori crimine obnoxios, & patriæ ac ciuium proditores, capitali pœna plerunque scuitum est. Hi enim semper uenia indigni fuere, sicut prodicionis insimulati. Quauis Q. Fabius Maximus illorum, qui contra religionem iurisiurandi ad hostes transfugerant, dextras amputari mādauit: hoc animaduersionis metu sub disciplina & in officio fore arbitratus. A Publio tamen Scipione in perfugas & fugitiuos fuit acerbe consultum. Siquidem ex Romanis qui rupto imperio ad hostes

O

transfugerant, in crucem efferri: nominis uero Latini, securi percute iussit. Posterior Aphricanus transfugas bestijs obiecit: Paulus Aemylius elephantis: Germani arboribus suspendunt: ignauos & imbelles palude mergūt. Qui uero captiui in hostium potestate sua desidia uenissent, his arma & ordo militandi mutatus fuit, ut equites in peditum, pedites in funditorum alas transcriberent: utque locum extra castra assignatum, uallo & fossa non communirent. Quare Domitius Corbulo a Nerone in Armeniam missus, duas alas & tres cohortes, quod hosti cesserant, extra uallum sine munimento tendere iussit. Artaxerxes Medum qui transfugerat, & rursus rebellarat, pro insigni ignominia iussit scortum capite circūferre nudum. Qui etiam summis ducibus siquid deliquissent, ignominia loco detractas uestes flagellari, & pro capite depilando tiam depilari iussit. Titus Vespasianus tam seueræ disciplinae fuit, ut militem ab hostibus captum, qui solutis uinculis ad castra refugerat, ultra militare non sinerit, nec illi arma crediderit, quod uiuus ab hostibus capi permiserit. Sertorius uero, ut disciplinam exemplis stabiliret, cohortem propter obscœnitatem morum & immodicas rapinas, ad unum interfecit. Daci cum male pugnassent, hac fuere ignominia notati, ut cubantes capita loco pedum ponere, & ministeria uxoribus præbere cogerentur. Xerxes quoque ut Babylo-nios, quorum ductu defectiones ad hostes fiebant asidue, reprimeret, cavit edicto uti arma ne ferrent, sed caupona indulgerent, tibijs psallerent, & scorta alerent: sicut Leontini, ne res novas molirentur, à Phalaride conuiujs & uinolentia relictis sunt. Cyrus qua-

que



que Lydis superatis, cum essent infidi & damnosi, imperasse fertur, ut dimissis armis, iocus & nequitia uacarent, talaesque tunicas ferrent. Ideo Lydius ornatus, mollis & parum uirilis habitus: quod de Aristodemum tyranno proditur, qui optimatum filios, ne quid cōtra se moliri possent, calamistratos incedere, & tortis crinibus ornari, talaes pictasque tunicas induere iussit. Cato autem in Hispania contra continuas defectiones salubri remedio prouidit, ne desciscerēt, ut oppidorum mania sub idem tempus dirui iuberet. Senerius Romani: nam legionem licentia corruptam, quod Rhegium in cuius praesidio erant, occupassent, Genucius consul millia hominum quatuor exautorauit totam, & in foro percussit. Sapius uero exilium, ut relegati & capite minuti procul à lare senescerent, & ita ignominiam finirent, ignauis & cōtumacibus datum comperimus. Marcellus autem, milites à quibus orta esset fuga, quique pauore signa reliquissent, sequenti pugna inter primas acies frequenter induxit: ut quod ignominia acceperant, alijs praelijs periculo expiaret. Fuit illa etiam nota ignominia non parua, quali Calphurnius Piso consul, & demum Octauius Augustus affecit milites, ut tunicatos discinctosque per totum diem, cum decempedis plerunque cespitem portantes, ante praeatorium stare, uel obsoleta toga & tunica discincta, nudis pedibus ante principia adesse iuberent: uel ut fossam fodere discincti cogerentur, ut eo habitu & specie deformi in omnium conspectu praeseferrent insignem memoriam flagitij ignominiaque accepta. Est autem decempeda, lignum quo latifundia metiuntur, & in partes diuidunt, oblongum pe-

dibus decem. Tametsi diuerso quisque more agros metiri soleat: quippe in Aegypto aestuaria & fossas funibus metiuntur aut passibus: in Hispania iugis, in Campania uersibus, circa Persidē schœnis, alij parasangis, alibi pertica, cui nomen Acana: agricolæ iugeribus, nonnulli stadijs metiri solēt agros, camposque. Lucius uero Calphurnius consul, haud absimili exēplo præfectum equitum, quod arma hosti tradidisset, lacinijs abscissus, discincta tunica, & nudis pedibus ad principia per omne tempus militiæ adesse iussit. Fertur Pescēnius Niger, ob subtractum gallinaceum commanipulones hac affecisse ignominia, ne focum facerent, nèue cocti quid obsonij sumerent, sed pane & frigidis uescerentur. Tiberius uero nimis seuerè: nam prætorianum militem ob subtractum paonem, capite puniuit. Militem uero militiæ gradu deicere, aut exautorare, uel equum illi adimere, ipsumque uitibus aut uirgis cadere, seu equo detrahare, uel hastas dare iubere, quæ censio hastaria dicta est: hæc & eiusmodi non pro leui noxa, sed pro acri delicto, magna animaduersionis loco à ducibus inferri solita sunt. Hastas dare iubebantur milites, quibus propter probra ignauie & luxuriæ, hasta adimebatur. Etenim sicut gloriæ causa fortes uiri donabantur hasta pura, hi qui primum uictores in prælio fuissent: ita ignauis & contumacibus adimebatur. Hoc notabat, tanquam spermerendi stipendia illis adempta foret. Quinetiam militi obeso & præpingui, quod cutem nimis bene curasset, & nimia sagina grauis esset, aliquādo equum duces ademere: id quod magnum Agesilaum fecisse legimus. Augustus tamen his qui maiores quinq; & quadra-

draginta annis equum retinere nollent, reddendi equi gratiam fecit, illosque uelut emerita militia dimisit. Apud Thurios lex erat militaris, ut contumax miles, desertor uel trās fuga, muliebri ueste amictus, ob ignominiam uinctus teneretur. Spartanis tam seuera militia disciplina fuit, ut miles qui in acie scutū amisisset, capite lueret. Idem probro milites aut ignominia notabant: qui probro notabatur, cum nemo igne, nemo alloquio impartiuir: ignominia notabatur, qui fugax esset, desertor, aut transfuga. Apud Aegyptios qui milites ordines reliquissent, aut dicto non parerent, uel iniussi in castra rediissent, de gradu deiecti, ad inferiorem redibant statum. Si uero ducis consilium hostibus palam fecissent, lingua mulctabantur. Fuitque moris apud Syracusanos, ut hipparchi, hoc est, equitum praefecti, militum nomina in tabulis scriberet, illorum qui in acie ordines deseruissent, ut post praelium pœna notarentur. Quod & Xerxes fecisse dicitur, ut uirtutis & ignauia cuiusque testis & spectator esset. Cyrus autem quem militem extra ordinem inuenit, qui que prodicionis causa dedisset terga, capite puniuit. Nec pratermittendus est Agesilaus, qui quum in bello Pelopōnesiaco quosdam Asiaticos in ueste mūda & nitida, corpore uero desides uideret & ignauos, ea affectu ignominia, ut uestibus nudatos per castra incedere cogeret, illorumque amacula fortibus uiris, quorum in bello uirtus enituit, dono daret. Hoc quoque loco pœna militaris fuisse traditur, iubere ignominia causa militibus audacioribus, qui nec animi, nec cōsiliū satis haberent, uenam solui: quæ non tam pœna quàm medicina fuit, ut superflua sanguinis parte defluxa, se magis

intra gyrum rationis cōtinerent. Illud quoque notandum, quòd inter animaduersiones militares leuissima est admonitio, castigatio minor, deprensa maior, ignominia maxima: ideo milites in quos lege militari, castigatione aut admonitione animaduersum est, non propterea ignominia notati erant: Quodque milites quauis graui ignominia affecti essent, si tamen ad officium redeūtes semel atque iterum bene nauatam reipublicæ operam præstitissent, singulaque aut bina ex hostibus spolia retulissent, aut digno aliquo facinore flagitiij labem aboleuissent, tunc demum uno atque altero felici pralio priori culpa correctæ, & obliterata memoria dedecoris, noxa atque ignominia soluti, & in eo quo prius erant gradu restituti, pristinam dignitatem & honoris gradum, quibus antea functi erant, quandoque reciperent. Notatumque & illud est, per raro bis delictum imperatores uenia dignum putasse: " quia iuxta uerbum Lamachi summi ducis, non est in bello bis errare: ubi si quid offenditur perperam temeritate uel inscitia, emendari non potest. Paruaque in bello offensa, magnarum sæpe rerum momenta facit.

Quæ solennia in Herculis sacro ad aram maximam seruabantur, & quæ apud exteros, quauis ara Herculis Roma fuerint. Caput XIIII.

POST Urbem conditam Romulum Urbis auctorem sacra Græco Herculi, ara illi erecta, quæ maxima dicta est, (ut ab Euandro constituta erant) fecisse, eaque posteris mansisse, literis proditum est. Quæ ara ante Romulum religiosissima fuisse traditur: eamque ipsum Herculem Ioui inuentori, si amissas boues reperisset, dedicasse fama uulgauit. Hoc enim sacrum Euan-



*Euander instituit primus post Marathonios, qui primi  
 diuinos honores Herculi dedere: Potitijs & Pinarijs,  
 qui ex clarissimis familijs ea loca incolebant, ad sacrum  
 adhibitis. Traditumque memoria est, Potitios sacris  
 praesto fuisse: & propiciato deo, extis solennibus de-  
 pastos: Pinarios uero, extis adefis, ad reliquam dapem  
 uenisse: inde institutum mansisse, ne extis solennibus  
 uescerentur in posterum, ipsique Potitij, eorumque po-  
 steri ab Euandro edocti, multis post tepestatibus anti-  
 stites templi, sacris & ceremonijs praefuere: donec su-  
 blata Potitia gente, seruis publicis tradita sunt. Appius  
 enim Claudius censor, sublato Potitiorum genere, cui  
 ad aram maximam familiare id sacerdotium fuit, seruis  
 quos docuerat, sacra delegauit. In quo id traditur mi-  
 rum, ut triginta puberes, qui reliqui Potitiae familiae  
 manserant, cum omni stirpe intra annum extincti fue-  
 rint. Ipseque Appius huius autor facinoris, ob hoc ad-  
 missum in extremum uitae exitium penè lapsus sit: &  
 siue casu, siue consilio deorum immortalium, luminibus  
 orbat, calamitosam uitam egerit. Fuit autem haec ara  
 in Capitolij faucibus, iuxta Carmentalem portam &  
 forum boarium: in qua proprium erat, ut iuuenecus in-  
 domitus sua Herculi uictima mactaretur: cui & Fau-  
 no uiam profecturi sacrum facerent. In qua propria  
 quaedam huic ara debita solennia, praeter aliorum in-  
 stituta mansere, quae praeterire non erat fas. Siquidem  
 in ea prator, aut pontifex qui rem diuinam facit, sola  
 lauro nec alia coronatur fronde. Cumque mulieribus  
 adesse sacris & rem diuinam facere omnibus ferè li-  
 ceat, Hercules tamen sacrificio adesse, uel exta tangere  
 aut uesci, araeque ad mouere manus, aut solennia uidere,*

religio non sinebat. Et quum in sacrificijs deorum, qui rem diuinam facit, capite operto numina adire, adorantesque ueste ad caput obducta sacris interesse debeant: apud aram Herculis maximam, dum sacra fiunt, dumque litatur, omnes capite aperto & inuelatos esse decet. In qua præter aliorum morem, nec lectisternium fieri, nec puluinar suscipi poterat: in quibus quoque sacris seruatum legitur, ut sedentes epulis uescantur solennibus, quum in cæteris stantes & saltabundi uesci soleant: Cumque in omni precatione qui uota effundit sacerdos, Vestam & Ianum, aliosque deos præscriptis uerbis, & cõposito carmine aduocare soleat: illos tamen qui ad aram maximam sacrum faciunt, alium quàm Herculem deum aduocare non decebat: quippe cum in Herculis templum deorum nemo admittatur, neque alterius dei aram effigiemur, sicut in cæteris fanis uidere fas est: ita more tradito, ut mane simul & uespere ad aram maximam sacrum fiat, quum in cæteris matutinum tantummodo tempus hostijs immolandis dicatum sit. Fuitque obseruatum, ut ab eiusmodi sacris nedum serui & liberti, sed & canis arceatur: sicut ab arce Atheniensium, ubi Mineruæ, & à Delo ubi Dianæ templum fuit, arcebatur: quod impurum & procax animal esset. Neque fas uisum, sacra Herculis qui libertatem impartiuit, quique ex seruitute gentes exemit, nisi liberos attrectare. Quod Plateensibus in usu erat, ut dum manibus illorum qui pro Graciæ libertate ceciderant, parentant, & supremum exhibent officium, mancipia procul arceant. Cuius exemplo Coi rem diuinam Iunoni exhibentes, à solenni epulo seruos abegere. Traditum uero est,

Rho-

Rhodi, Lindi incolas nouo ritu Herculi immolare: nā maledictis ludibrijsque uerborum Herculi litant iunctus bobus. Si quid uero honesti probique in sacrificio prolatū dictūue fuisset, tanquā ominosum spreta religionis crimen erat. Idem in sacris Eleusinis, quæ magna dicta sunt, factitatum comperimus: in quibus mulieres mutuis probris conuicijsque se incessere, & maledictis solent conuiciari. Et in festo quod Lenæū Athenienses uocant, fœda conuicia per risum & iocum inuicem poetæ iactitāt, & cōtumelijs se laceffunt. Apud Coos autem sacerdos muliebri ueste amictus, & mitra caput ornatus, Herculi sacrum facit, & uictimam cadit: sicut in Attide uiri ornatu muliebri, mulieres uirili, Veneri rem diuinā faciunt. Cui persimile est, quod in Mutinini sacello, mulieres togis prætextatis uelata, Romæ sacrificant. nonnulli coturnice, ut Phœnices: plerique humana uictima, ut Carthaginienses Herculi litant. In Pantheo quoque statis diebus in sacris Herculis mactabatur homo, fœdo facinore & perniciali exemplo. Fuitque literis proditum, ab ignauis uota Herculi & preces effusas non exaudiri, quod soli strenuo & peruigili p̄speros successus faceret, & propicius foret. Sed præter hanc aram fuit alia Victoris Hercules in foro boario, qui triumphalis dictus est, cuius statua ab Euādrosacrata triūphi die, habitu triumphali ornabatur. Alia ad circum maximum Cereris, & Herculis qui custos cognominatur, à Sylla ex prædicto Sibyllinorum carminum, ut multi autumant, erecta & constructa. Templum quoque Herculi iuxta Tyberim mirabili structura olim fuisse legimus, in quo ex decimis sacrū fit, ubi duæ aræ, ex quæ earū altera mulieres

degustare, ex altera uiros tantū uesci fas erat. Ad portam quoque trigeminā Hercules Victoris cognomento fuit, atque in eodem boario foro ades Herculi rotunda præcipua admirationis: ad quā nec canes, nec muscas ingredi opinio est: sicut Achillis adem ante Borysthenem nulla ales ingreditur. Fuit præterea Hercules cognomento Oliuarius, & Hercules Cubans. Fuisseq; Herculi & musis communem aram in circo Flaminio, à Fuluio Nobiliori ex censoria pecunia constructam, mox à Martio Philippo Augusti tempore sacratam fama uulgauit. Sed præter hæc tēpla, quæ in summa religione & cultu maxime fuere, fuit Hercules Conopios apud Oetheos, ab Erythræis Hippotonos, à Celtis Ogmios, ab alijs Alexicacos, quasi depulso malorum cognominatus. Feruntque templum Iolao nepoti ab Hercule constructum tantæ maiestatis incolis fuisse, ut si à solitis deficerent sacris, muti euaderent: rursus si sacra se perfecturos uouerent, in pristinā restitui sanitatem. Præcipua uero admirationis apud Persas colitur Hercules in monte, cui nomen Sambulos: qui per quietem sacerdotes monere dicitur, ut equos uenatui sistāt ornatos: qui quum per nemora & saltus diu uagati fuerint, nullo rectore, nocte redeunt ad stabula uacuis pharetris: mox omnes saltus feris confossis constratos reperiūt: ita ut multo uenatu incolæ ditetur. Apud Athenas uero Cynosarges templum Hercules, Gymnasiū & Lucus, maximi nominis erant: quæ Philippus impotenti ira deuastauit, & incendit. Hoc etiam licet animaduertere, ab Iliensibus Herculi sacra celebrari uetitum, quod Iliū Hercules olim depopulatus esset, eum propterea odio prosequuti perniciali. Sicut apud

Thraces,



Thraces, mulieres tanto flagrarunt odio, quòd Orpheum discerptum à mulieribus dicerent, ut uiri uxoribus stigmata inurerèt, in Orphei ultionem. Et Lemnii cum Vulcanum colant, quod apud eos enutritus foret, Venerem quod Marti se miscuisset, uelut adulteram adeo contempserunt, ut nemo illi sacrum faceret. Tenedii quoque Achillem, quod Tenedum deuastasset, ita infensum habuere, ut supplicio afficeretur, si quis restituto templo, Achillem nominasset. Contrà uero Syracusanis Herculem promptum numen, & maximi cultus fuisse: quòd ope Proserpinæ Cerberum ex inferis eduxisse dicerent. Caucasii etiam produntur Herculem summis percolere honoribus, quòd Prometheum uinclis exoluisset: Ioui & Mineruæ infensi, pleni persuasionis, tanquam Prometheo satisfaciant, quòd igniferis sagittis aquilas & illorum nidos incendant, fœtusque euascent & depopulentur. Ferunt Sibas circa Indum adeo Herculem uelut gentis autorem coluisse, ut pellibus amicirentur ut Hercules, clauas gererent, illasque bobus & equis inurerent. Sicut Tyrii & Gaditani, Herculem magni numinis instar habuere. Fuitque memoriæ proditum, Herculem non unum fuisse, sed plures. Nam præter Tyrinthium, etiam Argium, Thebanum, Libycum, Cretensem & Aegyptium legimus. Denique Varro Hercules tres & quadraginta, ac Ioues trecentos enumerat. Cicero sex fuisse dicit. Græci uerò Orpheos quinque fecere, & Veneres quatuor. Sicut enim præstantissimos & summa prudentia uiros, Iouis filios, ut Aeacum & Minoa, & semideos qui à Ioue genus ducunt: ferocissimos, Neptuni tan-

quam è mari genitos, ut Cyclopes & Lastrigones :  
monstrosos uero & ignobiles, è terra editos uetustas  
nuncupauit, ut Titium & Antaum : ita omnes qui  
uario & solerti ingenio fortissimum aliquod facinus  
gessere, uel periculis subleuandis hominibus profue-  
re, aut alicuius ingenue artis autor uel princeps fo-  
ret, à maioribus Herculis nomina tulere. Sed quod de  
Libyco Hercule dictum est, meminisse oportet, quòd  
hic Libycus, Aegyptius nuncupatur, qui Nilo natus  
Phrygias literas primus inuenisse & per manus poste-  
ris dedisse traditur.

Quo tempore primùm pratores creati cœpere, & quod ius, quauē  
illorum potestas fuerit. Caput XV.

PRODITVM memoria est, ab ortu Urbis ad  
annum ferè trecentessimum & nonagesimum, prato-  
rem qui ius in urbe diceret, nullū Romæ extitisse. Fue-  
rat enim hoc consulis munus, & illorum qui in summo  
erant magistratu, super iure controuerso respondere.  
Sed quia à iure dicundo, ingruente bellorum tumultu,  
persæpe eos auocari oportebat, pratore ac proprio ma-  
gistratu, qui ius in urbe diceret, opus esse uisum fuit.  
Igitur quo tempore tribuni militum cōsulari potestate  
esse desiere, quum iam de consulibus ex plebe creādis  
magnis cōtentionibus agitari cœptum esset, eaquē res  
inuisa patribus infamisque haberetur, neq; aliter se-  
dari uideretur posse : tum primùm leniendæ multitu-  
dinis causa, ut consul etiam de plebe fieret, à patribus  
est impetratum: inuicemquē ipsa plebs ut prator unus  
ex patribus crearetur, qui ius in urbe redderet, haud  
dubie assensit. Euit enim is Spurius Furius Marci fi-  
lius primùm prator ex patribus, eiūque ut aliquibus  
honoris

honoris insignijs conspicuus foret, curulē sellam ut consuli dictatorique, & eadem auspicia esse uoluere. Nec diu apud patricios honos iste mansit. Nanq; haud diu post, Quintus Publius Philo primus de plebe, auersante Senatu, prator factus est: communicataque tam pratura, quam cōsulatus cum plebe fuit. Sed cum pratores magis ex usu reipub. uiderentur, ita breui illorū numerus auctus fertur, profecto ut mirū sit quā facile coaluerint. Quippe latius propagato & aucto imperio, quo tempore Atilius Calatinus primo Punico bello dictator extra Italiā duxit exercitum, cum obire tantum munus solus nō posset, duo pratores creati: exque his alter urbanam, alter peregrinā iurisdictionem sortiti fuere. Et quia plerunque usu ueniebat, ut urgentibus hinc inde hostibus, & multiplici bello ingruente, ferro & armis decernendum foret, pratores sicut consules prouincias sortiri, hisque & exercitibus cum imperio præesse cæpere, ibique non solum ius dicendo, sed armis imperitando imperiū exercuere. Ipsis enim licet ad ius dicendum creati, non tamen à belli cura uacatio dabatur. Qui tametsi in imperio essent, iura tamen prouinciæ sine decreto Senatus, aut populi iussu mutare non poterant. Neque diu post, primo Punico exacto bello, cum Galli transalpini in Italiam irumperent, quatuor pratores creati lege Bebia fuere: quæ iubebat, à ternis ad quaternos creari licere: mansitque hic numerus ad primum fere Macedonicū bellum: quibus & belli summa commissa fuit, illorumque auspicijs egregiè res gesta plerunq; sunt. Tunc quoque additis prouincijs, & magno incremento rebus auctis, cum M. Cato Sardinia obtineret, Siciliaq; et Hispania.

imperio accreuissent, magisque indies pratores ex usu forent, illorum numerus auctus fertur, ut seni crearentur. Post temporum uero curricula, quibus Cornelius Sylla remp. in dominationē uertit, cum plures de parricidijs, de sicarijs, de falsis leges tulisset, ut essent qui eas tuerentur, quatuor qui de crimimbus inquirerent, ueteri numero adiecere, ita ut decem crearentur. mox Iulius Caesar numerum ampliavit: nam prater hos annonæ & rei frumentariæ præfecit duos, ad inuehendos cōmeatus, qui frumentarij seu Cereales dicti: quibus ut ne quid commeatus frumenti quæ Urbis deesset, præuidere præcauere quæ negotium erat. Et mox alios, qui ararij curam agerent, adiecit. Diuus deinde Augustus sedecim expleuit numerum: tametsi prætura candidatos duodecim ab Augusto editos, autores sint: quæ numerum non excessurum Tiberius iureiurando firmavit. Demum diuus Claudius alios constituit, qui deficientium uoluntates tuerentur, & de fidei commissis ius dicerent: quos fidei commissarios uocauit: quo tempore ad decem & octo pratores, quod nunquam antea factum, excreuit numerus. Et quum pupillis tutores à consulibus antea poscerentur, M. Antoninus philosophus, omni doctrina homo eruditus, cuius pleraque extant egregia facinora militaria, ut diligenti disquisitione tutores pupillis darentur, proprio magistratui eam curam demandauit, qui tutelaris dictus est. Denique nullo præfinito numero tot fuisse, quot expedire reip. uisi sunt: quod lege prætoria cauebatur, cuius uerba subieci: **IURIS** disceptator, qui priuata iudicet, iudicariue iubeat, prætor esto: iuris ciuilis custos esto: huic potestati parento: quotcunque Senatus creuerit;



creuerit, populusq; iusserit, tot sunt. & infra. Quàm  
lata autem in iure dicundo pratorum iurisdictio fue-  
rit, multis documentis ostenditur. Nam & bonorum  
possessionem dare, & ad defuncti bona heredem ad-  
mittere: nonnunquam ius constituere, & uetus abro-  
gare poterat: seruos manumittere, iudices delegare,  
tutores pupillis minime inuisos constituere, dolo uel  
metu lapsis, aut ui deiectis subuenire: de fide, deque  
iureiurando: tutelæ, mandati, pro socio, fiducia: deque  
empto, uendito, locato, conducto ius dicere, suæ cog-  
nitionis erat. Læsos quoque immatura ætate uel sexu, in  
integrum restituere: edicta proponere, legem ad po-  
pulum ferre: neue probitas aut innocentia fraudi cui-  
quam esset, cauere debebat. Quinetiam ferias concipere,  
ludis præesse, quadrigis emittendis signum dare,  
aquæ ductuum curam gerere, ædem dedicare, de gestis  
cuiusque magistratus disquirere, duumuiros & de-  
cemuiros creare, bonis interdicare: quæque ad disci-  
plinam publicam pertinerent, curare & prospicere:  
tum criminosos reos facere, officij pratoris erat. Rei  
autem criminis fiebant, ut accusator criminosum in  
ius ducat, & apud prætorem reum agat, his uerbis:  
Aio te prouinciam depeculatum fuisse, aut crimen  
aliquod admisisse. Tunc si reus tacuisset, tanquam  
in conuictum lis dabatur: si uero esset inficiatus, in-  
quirendo crimini præfixo die, à prætore accusatio  
constituebatur: & tunc in reum, ut noxam cuius  
arguebatur, dilueret, lege agebatur. Denique il-  
lud receptum est, absentibus consulibus & in pro-  
uinciam profectis, habendi senatus pratori Romæ  
ius fuisse, comitijsque præsidendi, de rebus quæ

ad rem publicā pertinent, consultandi, urbi praeessendi, atque idē ferē iuris quod consules habere, nulla controversia est. Nec me praeerit, memoria datum esse, nō modo super priuatorum causis, sed inferiorum quoque magistratuum, uidelicet quaestorum & aedilium, praetori more prisco ius dicere licere. Itaque tam plebeios & humiles, quā aediles & quaestores, reliquosq; magistratus, qui nec uocationē, nec prehensionem habēt, apud praetorem in ius uocare cuius potestas est: quos in uincula duci iubere, pro imperio & potestate & legitimis pœnis afficere poterat. Fertur quoque Octauius Augustus hoc munus praetori urbano dedisse, ut populariū litigatorū appellationes cognosceret: prouincialium uero cognitionem consularibus uiris ipse delegaret. Si tamen ipsi praetores prauē quid deliquissent, ex consulto Senatus nonnunquam pratura deiecti fuere. Nam & P. Lentulus praetor & alij magnis criminibus circumuēti, abdicato magistratu, de gradu exturbati, male administrati muneris pœnas dedere. Moris praeterea fuit, ut sicut dictatores magistrōs equitum, consules sub se legatos habebant, qui eorum uices gerere, et quoties oporteret, munia obire possent; sic praetores quaestorum ope niterentur. Itaque praetores quaestoribus parentis affectu, & coniunctissimorū loco esse, uetusti iuris fuit. Tamen si praetores sicut consules non modo quaestorem, sed legatū unum pluresue in prouincia habuisse, ipsi: quē quoties abessent, legionum & exercitus curam demandasse, compertum sit. Illud quoque non ab re fuerit meminisse, praetorem urbanum plus decem continuis diebus Roma abesse nō licere: ipsisq; nō duodecim, sicut consuli, sed ut inferior magistratus

magistratus notaretur, sex tantummodo lictores cum fascibus Romæ: in prouincia uerò sibi decreta pro maiestate imperij, etiam cum securibus præire. Paulum tamen Aemylum cum prætor in Hiberos duceret, cum duodecim lictoribus præturam gessisse autores tradunt. Credo equidem, ut dignitas consularis adiuncta prætoriam uideretur, utque plus maiestatis inesset, ideo duodecim lictores præter præscriptum, Aemylum in prouincia habere senatum uoluisse. Fuitque animaduersum prætorio uiro & qui fuisset prætura functus, toga prætexta uti licere: eundemque Aemylum non in purpura modò prætexta, sed trabea condida & ministris dealbatus, atque in equo albo præturam gessisse. Neque præterierim, nomen prætoris & munus non Romæ tantum, sed apud Latinos populos & Siculos, atque in Samnio, & Campanos, exterisque gentes præcipuè fuisse. Namque Aegyptus loco censoris erat, cui portoria exigendi munus impedebat. Achæis bini prætores longo tempore imperitarunt: mox unum accipere. Apud Macedones, saguntinos & Syracusanos, domi forisque iura dabant: in quo magistratu cum esset Dionysius, gradum ad tyrannidem fecit. Apud Thebanos summam imperij tenebāt: sicut fuit Epaminūdas: & nisi præsentem eo, magistratus eligi nequibant. Sardium prætor de bellis cōsultabat, & fœdera inibat. Aetolis, cum de bello aut quouis negotio senatum cōsulisset, dicendæ sententiæ ius non habebat. Epirotis & Atheniensibus prætor, Themotheta, & belli dux, singulis annis sortitò creabantur. Is autem si quando bella mouenda, & armis decernendum foret, militum delectus habere, legionesque & turmas conscribere solebat: quam præ-

turam Nicias cum Pericle aliquando gessisse fertur. Nonnunquam Athenienses decē prætoreꝝ militiæ præfecere, qui per uices castris & legionibus imperitarunt. In quo magistratu cum esset Aristides, Milciadi cessit: ne in pugna Marathonia aduersus Datym Darij præfectum, in disidiū ueniret, quum multitudine pratorum, patriæ discrimen impenderet.

Locus ex Ciceroni oratione pro Milone, quando delicta non consummata, ac si perfecta fuissent, puniri debeant.

Caput XVI.

CVM Ciceronis orationem, quam pro Milone magna cura et summo ingenio elaboratā, in Senatu dixit multo cum uerborum pondere & nitore, quandoque legeremus: in qua ad exaggerandam inuidiam, Clodij seruum in æde Castoris cum sica, ut Pompeium trucidaret, deprehensum dicit, in hæc uerba ipsum loquutū offendimus: Nisi quia res perfecta nō est, ideo puniēda non fuit: quasi exitus rerum, non hominum consilia legibus uindiciuntur. minus dolendum fuit, re non perfecta: sed tamen puniendū certe nihilominus. Hætenus Cicero. An semper, inque omni negotio, praua hominū consilia, quæ exitum sortita non sunt, perinde legibus uindicienda sint, ac si cogitatum facinus esset admissum, in congressu æqualium tunc me præsentē quærebatur. Vt si quis cum telo hominis occidendi causa deprehensus, ipsum non occiderit: uel qui uenenum parauit, hominem non necauerit: an tanquam necem intulerit, perinde mulctandus & coercendus pœna sit. Rursus, si extra cogitationis fines peccatū non excessit, ut quia mente conscelerata quis agit facinus, illudq; adhuc opere non inceptauit, neque actu exequutus est, an



est, an nihilominus pari supplicio afficiendus fuerit. Et quantum intelligi ex ueterum monumentis datur, distinguere oportere putant: ut si homo magnum aliquod scelus, aut extremū facinus patrare inceptat, ut quia deorum templa funestis facibus incendere: fana depeculari: sacra profanare: patriam, parentes, Lares, focosq; hostibus prodere: nec parenti aut principi parat: aut eiusmodi dānata crimina, in quibus magna calamitas, aut fœdum exitiū futurum est, proculdubio leges inceptum facinus, ac si consummatum esset, puniri uoluerunt: nec solum autores sceleris, sed facinoris cōscios. Non enim secus censuere eum qui tam atrox dirūne facinus moliri ausus fuit, quique ad tam exitiale scelus animum induxit, perinde affici oportere, ac si illud opere consummasset. Idque exemplis patere, quod lex Iulia in mæchos animaduertit: ac fures & proditores æquè punit, qui adulterium furtumue patrarunt, quàm qui id inceptarunt, etsi crimen non perfecerunt. Ideo Gracis lege cauetur, ut tyrannorum filij uelut facinoris conscij, parentum crimina luant, & haud secus morte exiliōque mulctentur: fœdaque in eos exempla iræ inuidiæque exerceantur: tametsi Romana lege caueatur secus: quod in leuioris noxæ criminibus, & ubi non est tanta sceleris magnitudo, aliter statutum est. Tunc enim delinquentes peccato nondum absoluto, non usque adeo criminibus obnoxij fiunt, nec sceleris ita se obligant, ac si opere exequutum esset: sed prætoris arbitratu pœna modò maiore, modò minore, pro noxâ, & quoad usque ad facinus progressum fuerit, puniri oportet: ut nec à pœna immunes fiant,

nec tam seuera legum disciplina, quàm qui effecere, puniantur. Idque Ciceronem sentire nunc arbitrari, quàm legibus hominum consilia, non euenta rerum uindicari dicit: ut quia immanissimo reatu obnoxius fuit, qui cum sic Pompeij trucidandi causa deprensus fuerat, in quo totius reip. salus & maiestas imperij periclitabatur, haud dubiè poena detestabili dignus erat, tametsi illud non consummasset. tanquam eo casu foret, quo hominum consilia incepta, ac si exitum sortita fuissent, poena coercentur. non sic autem, ubi cogitationis fines crimen non excessit. Tunc enim cogitato, necdum incepto facinore, quia intra cordis arcanum facinus retinetur, neque satis apparet nequitia, quoad usque deducta est, etsi Deo obnoxius fiat, qui scelus, quamvis minimum, animo praesumit: tamen crimen conceptum aut cogitatum facinus legibus poenam non meretur: quippe uoluntates (ut Cato inquit) neque legibus, neque poenis sunt obnoxiae. Huc pertinet illud Iuuenalis: Nam scelus intra se tacitus qui cogitat ullum, Facti crimen habet: scilicet Deo obnoxium inuisumque fieri, qui lesa conscientia, infandum facinus animo agitauit.

Quod Theophrastus sensit, quibusdam uiperarum morsibus tibicines mederi, probatum experimentum. Caput XVII.

THEOPHRASTVS philosophus praestabili uir sapientia, Academia post Aristotelem successor, in rebus physicis & mathematicis magna doctrina et astimatione fuit. eum literis mandasse accepimus, quibusdam uiperarum morsibus, cantus tibiarum aut fidicinium, atque alia organa artis musicae modulatè adhibita, aptissime mederi. quod & Asclepiades medicus literis prodidit, qui phreneticos mente imminuta & ualetu-

ualetudine animi affectos, nulla re magis quàm sym-  
phonia & uocum contentu ac modulis resipiscere, &  
sanitati restitui censuit. Fertur quoque Ismenias The-  
banus plures Bæotiorum ischiadicos, & coxendicum  
dolore laborantes, in centione tibia bonæ ualetudini  
restituisse. Tanta hominis naturæ cum harmonia con-  
sensus est. Quod cum credi uix posset, nuper id nobis  
quum casu ad id incideremus, pro explorato & com-  
perto fuit. Siquidem tarantula, id est, phalangio per-  
cussos, quos uulgo tarantatos dicunt, haud aliter ex  
ancipiti morbo conualescere uidimus, quàm si tibicen  
uel citharista iuxta eos diuersos modulos incinat: ut  
pro ueneni qualitate, ita harmonia & audiendi ille-  
cebra capti, uenenum illud uel ex intimo corpore di-  
lapsum effundant, aut sensim per uenas diffusum dila-  
batur. Tarantula enim aranei genus est, dirū animal,  
tactu pestilens: eam si casu spectes, futilē & sine noxa  
putabis. & sane reliquo anni tempore minime perni-  
ciosa aut exitialis, uix aliquid neruorum aut uirium  
ad nocendum habet. Cum uero æstu anni flagrantissi-  
mo, assiduo sole Apuliæ cāpos, ubi peculiare hoc malū  
existit, torreretur certum est, tum maxime seu afflatu no-  
xio, seu æstu accensa morsu uirulento pestiferam per-  
niciem affert: cui tanta malo uis est, ut quemcunque  
morsu percusserit, nisi celeri remedio succurratur, aut  
stupor exitialis primo, deinde certa nex subsequatur  
necesse est: aut si qui forte uitæ damnum euaserint, ue-  
luti ab alienati mente & semiuiui, cōtinuo stupore &  
hebeti sensu oculorum auriumque affecti, uitam mise-  
rabilem ægerrime ducant. Huic pesti & tam presenti  
malo, quantum prouideri humana diligentia ualuit,

unum hoc salubri remedio esse compertum est, si protinus tibicen aut citharista uarios cōcinat modos: tunc enim morbo eiusmodi percussus, qui moribundus, & sermonis & oculorum sensus amiserat, quique nec ingredi, nec fari, neque aliquo sensu frui ualuerat, mox ubi tibiam aut citharam admotam propius audit, illi miti sono & cōcentu captus et demulsus, uelut è graui somno excitus, oculos attollit parumper, mox se in pedes erigit, ac sese recipiens, paulatim pro modulo & pulsu sonorum, seruata psallendi lege ingreditur: tunc enim inaugeſcēte sono, quasi permulsis animis & confirmatis, exultabundus maximo nisu atque impetu, in saltus gestusque, nec indecoros, neque à pulsu citharæ dissonos erumpit: ita ut etiam rudes & ignaui, psallendi modos docti in ludo uideātur. Memoria repeto, dum per loca illa diutino situ squalida, & ardore solis feruentia cum aliquot comitibus iter intenderem, undique oppida & uicos, alia tympanis, nonnulla fistulis, pleraq; tibicine circunsonātia adisse: cuius rei causam quærentibus nobis relatum est, tarantula morbo affectos undique per opida curari. Cūq; eius rei gratia in pagum quendam diuerteremus, inuenimus adulescentem morbo eiusmodi affectum: qui uelut repentino furore iētus & mente abalienatus, corporis motu non indecoro & manuum pedumq; gestibus ad tympanum psallebat non inconcinniter: utque uehementius modos acciperet, quasi illo pulsu demulceri animus & leniri dolor uideretur, sensim et placide aures tympano ad mouere: mox caput, manus & pedes crebro motu concutere, & demum in saltum se attollere uidebamus. Quæ res quum ludo et risu prorsus digna

uisa



uisa foret, interim is qui tympanū pulsabat, sonitu parumper intermisso, pausam fecit: atq; illum morbo affectum, ubi præcentio illa quieuit, uelut attonitum, stupentique similem, repēte animo linguī, & omni sensu destitui cernimus. Rursus resumpto tympano, ubi primum modulos audiuit, pristinas illum uires resumere, & acrius in choreas insurgere spectabamus. Creditū est, quod à uero non abhorret, uim illam ueneni uirulento morsu & sanie conceptam, harmonia & uocum concentu per totum corpus diffundi: atque inde fato nescio quo, dilabi & exinaniri. ideo illos qui morbo eiusmodi laborarunt, siquid reliquiarū residuum fuit, quod penitus curatum nō sit, si quando sono extrinsecus uel concentu illorum aures affici contigerit, ueluti mente consternatos toto corpore & animo concuti, ac manibus pedibusque gestire compertum est, donec uis illa tabifica penitus extincta fuerit. Nos etiam quædā aranearum genera & scorpionum, præcipuē apud Albanos & Hiberos gigni literis mandatum legimus, letiferi morsus: quibus affectos homines tam dira inficiunt tabe, ut quosdā ridendo, nonnullos flendo, alios diuerso animorum habitu mortem oppetere compellant. Illud tamē proditum memoriæ est, in Arabia uiperas minus esse letales, nec morsus letiferi: quòd odoratis depastæ, uirulentæ non sunt: in Phœnicia uero et omni Aphrica tractu, triculētiore, & uel solo halitu afferre necem: & in Syria angues ne lacepsitos quidem Syros attingere: in peregrinos autem ictu perniciali iras acuere. Contra uerò, in Altenio Cariæ monte scorpiones aduenis innocuos esse: incolis uerò perniciosos & infestos.

Qui uici, uia, uel cliui precipui Roma fuerint, & unde nomina originis sumpserint.

Caput XVIII.

ADVERTI saepe animum, sicut fora, ita & uicos urbis precipuos, partim à conditoribus, nonnunquam ex uarijs euentis nomina sumpsisse: plerunq; qui loca urbis incoluere, ad posteros denominatiões ex suis nominibus transmissere. Thuscum uicum ideo dictum ferunt, quòd quum Porsena rex Vrbi castra admouisset hostiliter, & repentinas incursiones faceret, neque ut admitteretur efficere quisset, re infecta inde discedēs, contra Aricinos admonuit copias: unoq; pralio fusi Hetrusci, lassitudine & uulneribus saucij Romā petiere: ubi maiore cura habiti & culti in calamitate, amore Vrbis, locum quem incolerent petiere: quibus in Vrbe datus est, quem Thuscum uicum appellarunt. Sunt qui credant, Calium Lubeniū Hetruscum bello egregium, cum expedita manu Romulo contra Latinos praesidio uenisse: cumq; in monte Calio loca editiora tenuisset, post Calij obitum, nequid moliri possent in aqua deducti, infima urbis coluisse, à quibus Thusco uico, ut ait Varro, nomen datum. Ea autem fuere inter Capitolium & palatium loca iuxta comitium stadiorum ferme quatuor, prope Velabrum, quantum à foro ad circum maximum latitudinis est. Ex uico enim Thusco & Velabro per boarium forum in cliuum publicum flectebatur, atque in aedem Iunonis reginae: ibique aedem Vertumni fuisse autores tradunt: qui deus instar magni numinis apud Thuscōs, & multo in honore fuit. In capite enim uici Thusci, inter circum maximum & Auentinum, Argiletum & sepulchrum Argi uisebatur. Patritij autem uici nomen dictum  
accepi-

accepimus, quòd regnante Seruio Tullio, quum timor incessisset patres, ne quid Romana nobilitas moliretur locus in urbe semotus, què incoherent, datus fuit: quem patritium, quòd ea loca patritij tenerent, uocatum fuerunt. Præter quem fuit angiportus patritius ad ædem Dianæ: ad quam uiros ingredi religio non finit. Cyprium uero dictum autumant, quòd quum Sabini locum infedissent, boni ominis causa Cyprium, hoc est, bonum nuncuparunt: cui postea propter Tullie inhumanum scelus, quòd infando facinore carpentum supra defuncti patris corpus egerat, Scelerati dixere nomen. Ex summo enim Cyprio uico eunti dextra in Urbicum flectebatur: inde ad Exquilias iter erat. Sic uicus Aphricus, quòd in eo ex Aphrica diuertebant hospites, quique obsides dati erant, denominari cepit: & Fregellæ, quòd ea loca Fregeæ ciuitatis hospites incoheret. Iugarium uero dixere ab ara Iunonis Iugæ, quæ præcipuo ibi honore colebatur: Iunonem enim Iugam uocant, quòd iungere matrimonia & nuptijs præesse putarunt. Hunc Iugarium in infimo Capitolini montis prope Aequimelum & templum Fortunæ fuisse, iuxta ædes matris magnæ, indubia argumenta sunt: quibus in locis etiam Opis & Minervæ ædes erant. Sobrium autem uicum, uel quod nulla ibi caupona foret, aut uinaria officina: uel quia lacte, non uino Mercurio litabatur, nomen uedicasse Pompeius autor est. Vicus uero Lõgus, sicut uia Lata à latitudine, sic à longitudine nomen fecit. In eo enim Febris fanum, & ara Pudicitie plebeie, quam Virginia Auli filia nupta plebeio, templo sacrauit, esse traduntur. Nanque aliam patritie Pudicitie ad ædem Herculis rotundam in

foro boario fuisse uulgatissimum est: cuius Pudicitiae signum praterquam ab ea quæ uni nupsisset, castissima matrona attingi, aut in æde litari nulli permissum fuit. In uia uero Lata, lacus Ganymedis, Solisque & Spei, ac Fortuna templa in magno fuere cultu. Præter quos erat cliuus Capitolinus, ex quo ad æqua urbis ex Capitolio descensus patuit: iuxta quem Saturni & Concordia templa, haud longè ab æde Iunonis mone-  
ta: & alter Publicus seu Publicius à Publicijs ædilibus, qui locum statuerunt, uel quodd publica impensa constratus foret, sicut uia publica, sita apparent. Per-  
que huc cliuum publicum ad Velabrum, & boarium ac piscarium forum ex Capitolio atque arce descen-  
sum patuisse, & inde in Exquilias iter esse tradunt. Nam cliuum urbicū, iuxta quem Seruius Tullius ha-  
bitauit, & publicum uicum, ad quem lacus Faguta-  
lis, Fagutalque Iouis sacellum, in quo fagus arbor sa-  
era uisebatur, pariter in Exquilys fuisse proditum est. Fuit quoque cliuus proximus non incelebris, ad quem  
Florales ludi celebrati plerunque sunt: & uicus Cos-  
conius & Histrius, qui, ut multi autumant, à condito-  
ribus nomen uendicarunt. In hoc uico Histrio, secūdo  
Punico bello aquarum magnā nim erupisse, T. Liuius  
memorat. Legimus quoque Sandaliarium uicum ab  
Apolline Sandaliario, cuius effigiem ornatam sanda-  
lio, quod est calceamenti genus, in quarta urbis regio-  
ne autores ponūt: sicut in sexta regione malum puni-  
cum fuisse memorant, & ad Capita bubula, ad Pirum  
& Scalas anularias. Sed quod de uicis, idem de uis  
dictū accepimus. Nā Carinas à Cerione dictas Varro  
significat: iuxta quas templum Telluris & Pōpeū do-  
mus.



mus. Hæ enim & Suburra celebres, & primæ uiarum habitæ. Hanc uerò ab agro Succussano, uel quòd sub muro Carinarum foret, denominari tradunt. Post quas uia sacra non minoris celebritatis & famæ adnominatur: siquidem per eam frequens in Capitolium iter erat, per quam triumphalis pompa, captiua præda, & hostium spolia, subactis gentibus & nationibus domitus, solèni apparatu triumphi die procedebat: eamque sacram nuncupari, quòd inter Romulum & Tatium ictum in ea fœdus fuisse tradunt. Quauis in comitio inter Romanos & Sabinos percussus fœdus, atque ideo à conuentu comitium ueteres appellasse contendant. Nonnulli quòd per eam sacra in arcem quotquot mensibus deferri, indeque augures captare auguria solerent, dici opinati sunt. Cuius cognomenti etiam Athenis uiam fuisse legimus, quòd Eleusina sacra in ea peragerent. Et alia Mylasæ in Caria eiusdem nominis proditur, ab Vrbe ad Iouis templum stadijs sexaginta, per quam sacrorum pompa ferebatur. Inter uicos autem Athenis præcipuæ dignationis Melita, ubi Phocionis ædes erant, & Achæus Colonides memorantur. Hæc quidem sacra Romæ à Carinis oritur, & ab Streniæ sacello, ubi statua Chlæliæ uirginis insidens equo, ibique ad ædes Larium, & demum ad Scauri ædes procedebat, ubi templum Cluaciæ Veneris situm memorât fuisse, quòd inibi Sabina mulieres infestas acies, & usque accensum prælium inter Romanos Sabinosque diremissent. Cluere enim antiqui pugnare dixerunt. In ea quoque regia fuit, ubi Ancus Martius primò, & post aliquot tēpestates, Iulius Cæsar habitasse fertur. Ibiq; Fabius fornix arcus mar moreus à Fabio censore extructus, qui quòdam de ui-

Etis Allobrogibus triumphauit: & haud procul Calphurnius fornix, apud quem C. Gracchus fragmento subsellij ictus occubuit. Præter quas fuit uia Fornicata in capō, ubi Flamina & Septa fuere. Exquilinam uero & Calimontanam, quod in Calium & Exquilinum montem ferrent, denominari ferè uulgatissimum est. Septa uero frequētia fuere in Martio campo loca, quibus olim Ouilia nomē, tabulatis cincta. Aeuo mox succedente, sumptu magnifico & excellenti cultu marmorea facta, quæ excelsas porticus & ingentes ambulationes accepere: in quibus populus ad comitia frequens conuenire, & de dandis honoribus, deque repub. decernere solebāt: ibique res sensu & æstimatione digna, & quæ magno paratur, uenales exponi. De noua autem uia, quod supra ædem Vestæ, iuncta Romano foro & Velabro fuerit, quodque ex Velabro ad eam iter esset, ibique ante aduentum Gallorum, Gallos primum aduentare auditum sit. Proptereaque Aij dei aram, & Alloquutionis templum illic à Furio Camillo extructum diu mansisse, à multis scriptum & memoratum est.

In quibus membris in homine insit religio quædam, propter quam illa sanctè coli debeant & obseruari.

Caput

XIX.

QVIBVS DAM membris in homine religionem inesse, eaquæ sanctè obseruari & coli decere, multi arbitrati sunt. Siquidem in capite hominis tanquam in arce, ubi mens & sedes animæ creditur esse, quæ pars longè sanctissima homini est, quod inde originem sumunt sensus & nerui, religio & quoddam numen inesse fertur. Ideo si quem reuerebantur ueteres, aut

hono-

honore dignum putabant, ad omnem occursum caput reuelare & assurgere, ac de uia decedere solebant: scilicet existimantes, nudo & aperto capite in exhibendis honoribus esse oportere, ueluti omnia nostra patefaciamus: credo etiam ualetudinis causa, ut Varro significat, quod ad fidem proxime accedit. detecta enim capita contra uim alboris calorisue haud dubie firmiora esse, & ad ualetudinem mire proficere multi censuere. Ideo Aegyptij, quod detecto sunt capite, habentur firmiores. Persæ uero, quod cum mitra & pileo, debiliores: adeo ut leui ictu offendantur capita. Hinc Hannibal, diuus Iulius, & alij summi duces detecto semper capite, seu sol, seu imber esset, uelut contra frigora tempestatesque obdurato, incessere. Masinissa quoque Numidia rex, nullo frigore aut imbri adduci potuit, ut caput tegeret. Quod de Hadriano & Seuerio principe traditur, tantæ firmitatis fuisse, ut hyeme sæua & gelida per niues & frigora aperto capite incesserit semper. In quo quidem id longe præstantissimum fuit, suis nominibus quenque uenerari & salutare, salutantibusque reddere salutem. Ideo nomenclatorem, qui nomina suggereret, iuxta ueteres habere. Si autem nomen nõ succurreret, illum honoris causa dominum appellabant. Græci uero non proprio, sed officij nomine aut muneris quod gerebat, salutare, religiosius putarunt. Defunctis uero corpus exanime, aut urnam tangere, uenerationis signum erat. Si qui tamen præcipua dignitate & honoribus fulgerent, illos proprijs salutare nominibus, haud decorum uidebatur. Fertur tamen Alexander Macedo postquam profligato Dario, Magnus est cognominatus, nulli

nisi Antipatro & Phocioni literis dedisse salutem: & Demetrius præter se & Antigonū patrem, regem nec nominaſſe quēquam, nec ſalutaſſe. Nero quoque Cæſar nedum ſalute, ſed ne reſalutatione quidē aliquem impartiuit. Craſſus contrā: nam infimi ordinis ſingulos proprijs nominibus reſalutauit. Reges Numidarum pro maiestate habent, nulli mortalium impartiri oſculum, nec ſalutem. Pyrrhus uero in ſalutatione literarum, adulterinas Lyſimachi literas deprehendit: nam cūm Ptolemæus Pyrrhum epistoſis filium ſalutaret, in adulterinis quas Ptolemæi nomine Lyſimachus deſtinarat, regem nuncupauit. Tigranes autem, quod à Lucullo non Rex regum ſalutaretur, quaſi coarguens imperitiā ſuā, ipſum pari modo retaxauit: nanque ad eum ut imperatorem ſcribere contumaci epistoſa reſuſauit. Cui haud abſimile eſt, quod Menecrates, Iuppiter cognominatus, cum literas ab Ageſilao hoc tenore accepisset, Menecrati rex Ageſilao felicitatem: quaſi conuicio affectus foret, reſcripſit. Menecrates rex Ageſilao ſanitatē. Dariō quoque, quum ſe regem aſſcripſiſſet, neque idem nominis Alexandro impartisset, Alexander reſcripſit, ut de cætero meminisset ſe non tantum regi, ſed & ſuo ſcribere. Caſſander uero quum omnibus libellis & epistoſis rex ſalutaretur, tanta moderationis fuit, ut nunquam ſibi regium uſurparit nomen: ſicut Porus Indorum rex ab Alexandro uictus, in poſterū nunquā ſe regem appellari ſuſtinuit. Cōtrā Perſes Philippi filius, quum rebus deploratis & euerſo regno ſupplex ad conſulem ſcriberet, tanquam in altiore faſtigio poſitus, ſe regem aſſcribere non dubitauit. Inter cæteros proditur Hānibal eò



bal eò insolentia processisse post uictoriã ad Cãnas, ut nulli ciuiũ suorũ nisi p̃ interpretẽ, responsum aut salutẽ dederit: & Pallas Claudij libertus, eius proteruia fuisse, ut non modò nulli ministrorũ salutem impartiuerit, sed ne uocem quidẽ cum familiari cõmunicarit. Fertur tamẽ Sapor Persarũ rex, quum ad Cõstantiũ scriberet imperatorem, Solis & Lunæ se fratrẽ dixisse. Et Artaxerxes quum minacibus literis urbiũ excidia, uastationes agrorũ, cades & incẽdia, Lacedemonijs interminaretur: Spartanos Laconico more uuico uerbo respõdisse, scilicet, ut faceret. Cui haud absimile est, quod quũ Lysander post multiplicia bella ad Ephoros scripsisset, Capta sunt Athenæ: Ephori suo more paucissimis respõderũt, Sat est capi. Philippo quoq; Macedonũ regi iniqua postulanti Lacedemonij rescripserunt, his tantũ uerbis, *καὶ πρὶ οὐ μὲν ἔρχεται, οὐκ*: de eo quod ad nos scripsisti, nō. Sicut iterũ quum Sparnatos fines ingressus quæsiuisset, utrũ uellẽt amicum an hostẽ se uenire: ijdem rescripserunt, *οὐδὲν*, id est, neutrum. In qua quidem re Atheniẽsiũ moderatio adnotãda succurrit, qui quum Philippi hostis literas, quas ad Olympiadem scripserat, interceptissent, eas inuiolatas reddiderũt, ne thori genialis & secreta cõiugij pãderẽt. Verũ aliter quum dijs immortalibus honores dabãt, fieri seruatiũ est. Tũc enim capite operto & uelato sacra facere & numina adire mos erat: ut deorũ honores lōgẽ dispares ab his q̃ datur hominibus, magnamq; in eo uim diuinitatis ostẽderent, quum semoto uisu à rerũ conspectũ, religiose & uenerabundi diuina peragerent. Ideo in sacris uelare caput, & ueste operiri, antiqui moris fuit. Regum quoque capita insigni fascia ornari, sicut

imperatorum aurea corona uel lauro: quoniã ea pars  
 corporis sanctior in homine est, propterea ibi insigne  
 honorum & diadema esse uoluerunt. Persarum mos  
 erat, ut si pares essent, osculo impartirent quos hono-  
 rabant: inferiores uerò salutando potentiorum genas  
 manu tangerent. Cognatos tamen reliquosque neces-  
 sarios, ubi diutius abfuissent, aut longius essent abfu-  
 turi, seinuicem osculari frequens usus erat: quod à Ro-  
 manis usurpatum inuenimus, ut cognatis obuiam fa-  
 ctis frontem suauietur. Apud Persas, Medos & Indos,  
 reges adorari, & in salutando homines toto corpore  
 procidere, inuenimus. Quare Thebanus Ismenias ius-  
 sus Artaxerxem adorare, ne cõtra decus faceret, pro-  
 lapsus annulum sustulisse, & ita adorantis speciem  
 præbuisse dicitur. Id quod Romanis lōge est habitum  
 nefas: nisi quod C. Caligula, cum Cæsares salutarẽtur  
 prius, adorari se iussit capite uelato ut deum. Mox  
 Diocletianus socordia intolerabilis, contra instituta  
 maiorum, idem exequi ausus fuit. Apud exteros uerò  
 Cyro Persarum regi adorandi cultum primum dela-  
 tum comperimus, cui proximum dijs immortalibus  
 honorem decreuere. Quod mox Indi & posteri reges  
 exequi magno studio curauerunt. Id quod Octauius  
 Augustus & Alexander seuerus præcipuè detestati  
 sunt. Nam si quis inter salutandum flexisset caput, aut  
 assentaretur blandius, foras detrudi atque exigi ius-  
 sere. Frontem uero sacram Genio nonnulli tradunt: si-  
 cut enim Iunoni brachia, pectus Neptuno, cingulum  
 Marti, renes Veneri, pedes Mercurio, digitos Mineræ  
 consecrauit antiquitas: ita frõs Genio dicata fuit: quip-  
 pe deum uenerantes frontem tangere, & indita ad  
 fron-

frontem manu, numina adire solebāt. Quare Pompeio Magno frontis honorem, & os probum, uelut maximum naturæ munus, tribuerunt. Ipsa enim seueritatis & clementiæ index est. Ideo minorem frontem, uenustam facere & mitem, remissum & quietum, multum censuerunt. Contrà frons magna, segnes: parua, mobiles: rotunda, iracundos: lata, mente flexibiles designauit. Quod etiam carmine Homerus prosequutus fuit, ut singulos membris honestaret deos. Nanque Iunonem facit candidas ulnas habere: Auroram roseos lacertos: Mineruam oculos glaucos: Thetidem argenteos pedes: Heben uero talos pulcherrimos. In oculis quoque religio fuit: in quibus imago & natura hominis, ac tacitus sermo mentis maxime exprimitur. ut enim cauda leonibus, aures equis animorum indicia præstant: sic oculis hominum mentis imago apparet: nam cordis nuncij sunt. Ex his enim uirtutes uitiaque agnoscimus: iratum uel propicium animum, lætum aut affectum perpendimus: dignitatemque oris exhibere consueuerunt, uitamque à morte distinxerunt. Hos osculari & amplecti, ac præcipua charitate prosequi solemus. Refert uero Aristoteles, caprinos oculos & modicè conniuentes, aut paruos, morum præstare indicium optimorum: contrà oblongos, pessimos notare: candidos & protentos, impudentes: carnosos, uersipelles: mobiles, inconstantes. Nasum quoque, morum facere indicium multi arbitrantur. Ideo Persæ adunco naso (quos grypos uocant) præcipuè honorant, quòd talem fuisse Cyrum crederent. simos uero, mites facere & gratiosos. In eo enim irrisionis sedes est: quare nasuti & habere nasum, irrisores dicti. In supercilijs

autem notatur fastus, qua parte negamus uel annui-  
 mus. Ea quidem porrecta, molles significat: nimis de-  
 flexa, austeros: inflexa, derisores: demissa, maleuolos:  
 nam si quem fastidimus, truci supercilio designamus.  
 Ideo Romanae mulieres supercilia Lucinae consecrarunt,  
 quia inde lux ad oculos fluit. In genus autem est sedes pu-  
 doris. Has enim quum pudet, primum rubore suffun-  
 di uidemus, pudibundumque animum ex illis pensi-  
 tamus. Quare in pueris rubere genas, & ingenuo pu-  
 dore affici, probitatis signum est: in his enim pudor,  
 integritas, & uirtus ostenditur. In quo proditum me-  
 moria fuit, populum Romanum tantum pudori tribuif-  
 se, ut Philippo regi Macedoniae pluribus criminibus  
 impetito, nihil aequè profuerit, quàm Demetrii filij pu-  
 dor, in senatu obiecta minimè diluere ualentis. Domi-  
 tiano uero Casari crebra oris confusio pro modestia  
 putabatur, quum esset summa immanitas. Ideo qui pu-  
 dorem abiecere, perfricuisse faciem dicti. cōtrā in au-  
 riculis rubor: nam laesa conscientiae & admissae turpi-  
 tudinis signum est: magnas tamen auriculas, stultum  
 designare uoluerūt & loquacem: mediocres uero, mo-  
 res optimos prae monstrare. In auribus mulieres binos  
 ternosque uniones aut elenchos ferre, nobilitatis si-  
 gnum fuit: sicut in Oriente uiris gestare aurum. Sylla  
 tamen tunc maximè truculentus fuisse dicitur, & as-  
 pectu minaci, quum eius faciem rubor infestaret. Pla-  
 to uero homines rubicundos dixit animosos: nigriores,  
 uiriles: albos, deo deuotos: mellei coloris & decoloris  
 uultus, nimium amatores. Tametsi communi feratur  
 adagio, iracundissimos esse flauos rubētesque. In pecto-  
 re autē sedē esse cōsiliij: ea propter praetextatis bullam  
 pēdere pro pectore, quod ubi sedes erat cōsiliij, ibi cor-



dis insigne maneret, multi prodidere. Hominiſ præterea genibus quandã esse religionem & pietatem nouimus. Etenim supplicâtes, & qui piè exorare aliquid uolunt, deorum hominumq; genua amplectuntur, manus apprehendunt, ad genua procubunt, illaque tanquã sacra suppliciter uenerantur & colunt, in his numen & sedem miserationis esse arbitrati. Quauis apud Græcorum antiquissimos, in supplicando mentum attingi, & altera manu genua apprehendere, aut oleæ ramum uelamenta supplicum offerre, usurpatum sit: & apud Molossos cum regis prole ad sacrariũ confugisse, eumq; sedentem erexisse: Spartanis, cruda exorta in manus obtulisse: Persis, per Solis iubar obtestari, uel manu ignem excipere, & si uoto caderet, se in aquam iniecturum interminari. Apud Scythas & Latinos populos supplicem in lare sedere tacitum, abiurationis & maximum supplicandi genus notabatur: sicut Græcis, humi inter cineres cõsidere ad ignẽ. Eratq; Macedonũ mos, si quid suppliciter exposceret, seminudos, & interiori tantũ amictos tunica, obtestari: & à Romanis quoq; usurpatũ meminimus, ut nudo petore & deiecta toga ab humeris, deprecetur genu nixi, nõnunquã humi deiecti, quæ infima obtestatio putabatur. Siculorum uero & Græcorum inualuit mos, squalida ueste, capillo & barba promissa, illuuiæ & squalore obsitos ad miserationem adducere: pedibus quoque obuolui, & humum uerrere crinibus, aut passis protectisq; manibus obtestari, præcipuũ supplicandi genus fuisse multi prodiderũt. Sicut manus in cœlũ tendere, à dijs opẽ exposci, uel puluerẽ crinibus spargere, intimũ doloris signũ notabatur. Est quoq; in dex

tris religio: eam porrigimus, si quid data fide futurum pollicemur: in ipsa enim fidem sacratā Numa Pōpilix uoluit, sacrūq; Fidei instituit, ad quod flamines curru arcuato, manu ad digitos inuoluta, solenni pōpa uehi iussit, magno argumento illam in dextris sanctam sacramque, & propterea minimè uiolādam ratus. Apud Persas quoque, si quid firmum illibatumq; uolebant, illud dextræ & fidei pignore sanciebant: itaque nihil apud eos fide antiquius fuit. Ad dextrā uerò locari, præcipuè apud Aegyptios, magnus est honos habitus: in medio uerò, maximus: quod æquè apud Romanos seruatiū est: idem apud Aphros Numidasque. Etiam in dextra magnam uiro inesse auctoritatē maiestatemq;, hoc argumēto notari, quum tumultuantem multitudinem dextra cōpescimus, aut indicare silentium, pacemq; manu protēta afferre significamus. Inde nos principum statuas pedestres equestresque ad hoc aui dextra porrecta inspicimus. Marius quoque quū in Romanos maxima clade seuiret, quos seruare uoluit, dextra porrecta, aut salute data, incolumes fecit. Refert tamen Xenophō, Cyrum singulari prudentia uiros adhibitos conuiuas, quo honoratius exciperentur, in sinistra locare solitum, eamque partem uelut cordi affinem, digniorem duxisse. Legimus quoq; uictrices dextras imperatorum, ob fortia facinora milites deosculari, apud Romanos patrū moris fuisse: pedes uero nunquam, nisi quod de Maximino proditur rāte perfidiæ regnasse, ut in salutationibus sibi pedes osculari suerit. Tametsi Iulius Cæsar Pompeio Pæno agenti gratias, pedem cum socculo aurato osculandum dedisse legatur. Fuitque apud Lingones seruatum, ut

dextræ

dextra effigies hospitij symbolū ferret, & incolumitatis tessera. Sinistrā uero attigisse, ominosum erat, & infortunij loco habitū. In ima uero aure memoria sedes locabatur: ideo si quē facti alicuius admonebant, aut attestari in iudicio uolebāt, imam aurem ueteres tangebāt: propterea tinnitu ferūt aurium, absentium de nobis sermones praesentiri. Quare Aegyptij qui per notas & figuras sensus effingūt, si quem memorem significabāt, leporem aut uulpem auritis auribus, quod summi essent auditus & insignis memoria, effingebāt: si uero malum, crocodilum: si uelocem, accipitrē: si inuidum, anguillā, quod cum piscibus esset insociabilis: si iustum, oculum: si liberalem, dextram manum digitis passis: si auarum, iisdem compressis marmorī insculpebāt. Etiam cum ueniam sermonis à dijs poscimus, proximo à minimo digito secus aurem locum Nemeseos tangere, & os obsignare solemus: in eo uenam quandam tenuissimā usque ad ima cordis penetrantē, peruagata opinione arbitrati. Ideo in sponsalibus & solenni die nuptiarum, digitum minimo proximum annulo excolebant, & uelut pignus amoris praecipuum ducebant: ut is in summo honore foret, quo duce mutus amor usque ad cordis ima penetraret. Sed meminisse par est, hunc annulum nuptiale, non ex auro, sed ferro ueteres coniugibus dono dare consueisse: quem quidē prior aetas in sinistra ferebat, crediderim, ne usu attereretur, quod erat proprium nuptialis annuli: reliquos uero, siue ex ferro, siue auro, quacunque manu deferre licuisse, eisq; ueteres non ornatus, sed signandi causa usos fuisse, populumque Romanum sine hoc insigni longo tempore stetisse: solitumque primo legatus

ad exteras gentes profecturis annulum aureum uelut  
 in signe munus dari: hique foris aureo, domi ferreo u-  
 tebantur. Postea iudicibus & equestri ordini, hisque  
 quibus & auro paterno sestertia CCCC. cēsus fuisset,  
 ferreos primum annulos, deinde aureos dari cēptum:  
 quo insigni equester ordo à senatorio discretus nosce-  
 batur. Idemque Lacedæmonijs in usu fuit, quibus fer-  
 rei annuli frequentes fuere: morisque fuit aureos an-  
 nulos in luctu & funeribus, funestisque casibus reip.  
 deponi, & ferreos sumi: scilicet arbitrati sine auro in  
 luctu esse oportere: in quibus imperatorum & princi-  
 pum, aliorumque quos colebant & præcipuo honore  
 prosequiebantur, aut maiorum imagines effictas ex-  
 culptasque habebāt: primi enim, saxi fragmentū ferro  
 inclusum gēma loco gestasse feruntur. Superior Aphri-  
 canus sardonychem, quod sola gemmarum ceram nō  
 auferret, Polycratis annulo celebratam: Lentulus aut  
 figuram: Aphricani filius patris effigiem insculpsit an-  
 nulo. Augustus Octavius sphingis, mox imagine Ma-  
 gni Alexandri. nōnulli Harpocrate & Aegyptijs dijs  
 usi sunt. Notaque est Pyrrhi gemma, in qua Apollo &  
 Musæ cum suis insignijs non effictæ, sed natua specie  
 uisebantur. Et annulus Syllæ, in qua traditus Iugur-  
 tha insculptus erat. Celebratur quoque rana Mecæ-  
 natis: & ensifer leo Magni Pompeij in gemma: & Se-  
 leuci annulus fatalis, in quo āchora efficta uisebatur,  
 cuius imago in femore posteris familie natua appa-  
 ruit: sicut Thebis habere lanceam, genitiuius notis Sa-  
 torum nomini & familie datū erat. Inter quos fertur  
 in brachio Dacorum, notam originis quarto quoque  
 partu regenerari. & Augustus corpore maculoso in  
 modum



modum & ordinem cœlestis ursæ notas habuisse. Præ cæteris aut magnis effertur laudibus Nonij senatoris annulus gēma XX. millibus sestertij taxata: propter quam ab Antonio proscriptus fuit. Proditumq; memoria est, Macrianorum familiā hoc habuisse proprium, ut Magni Alexādrī imagines tā uiri q̄ sœminæ in annulis deferāt, et reliqua supellectile effictas. Ipse tamē denictō Dario, quas destinabat in Asiā literas, Darij annulo imprimebat: quas uero in Europam, suo. Quibusdam uero Epicuri imagines non annulis modo, sed & poculis habere, magnæ curæ fuit: hoc fausti ominis generi & nomini suo esse arbitrati. Claudij uero Cæsaris principatu compertum est, non gemma signare, sed auro: quod uiolare signis gemmas nefas ducerent. Quo modo Commodus imperator signo Amazoniæ signasse dicitur: donec sequutis temporibus passim id insigne appeti cœpit. annulorumque frequēs usus fuit & promiscuus: ita ut Romani milites sine delectu, & demum libertinæ cōditionis homines, quin etiam sœminæ, & extrema mancipia, quod antea non licuit, annulorum aureorum iure donarentur. Qui enim libertus eo munere donatus erat, uelut ingenuus censebatur uiuens: ita ut haud secus quàm quiniis liber, magistratus & honores gerere, & reliqua ingenuorū munia ob ire posset: morte autē obita, hæreditatis & bonorū partē, ut quilibet libertus et seruitute exēptus patrono dare cogebatur: eratq; constitutum, ut qui libertus annulo donaretur, exploso ueteri nomīne, eque stre assumeret. Apud Persas uero donari annulo à rege, amicitia signum erat: eo argumento illos in intimā sodalitatem, & uinculum maximi fœderis admittere

significantes. Atheniensibus autem, etiam seruis ne-  
quissimis ferreo annulo signare permittitur: sicut Ba-  
byloniis, qui annulo signatorio utuntur omnes. Apud  
Cattos licet fortissimus quisque annulum ferret, igno-  
minia hoc ducebatur loco, tanquam uinculo nexius  
foret, nisi aliqua hostili cade eo se exoluisset. Cartha-  
ginenses pro numero expeditionum milites donabāt  
annulis pluribus. Nec fuerit alienum meminisse, He-  
liogabalum singulis diebus nouos uariasse annulos,  
eundemque nunquam bis induisse: atque Apollonium  
Thyanæum annulos ab Iarcha dono datos instar nu-  
minis habuisse: ita ut singulis diebus per uices uaria-  
tis, maximorum secretorum particeps fieret. Sed quia  
de Harpocrate mentio facta est, non omittendum hunc  
deum inter numina Aegyptiorum reputari: qui ex Isi  
& Osiride natus, quoniam præmaturo partu editus  
erat, tanquam mutus & elinguis, præsul silētij & ta-  
curnitatis habitus est: ideo digito obsignante ora ef-  
fingebatur. Fuitque animaduersum, hunc Harpocra-  
tem, Serapidē, & Isim, Pisone & Gabinio consulibus,  
quum reliquos in capitolium admisissent deos, euersis  
illorū aris Romanos exegisse, illasque diuinis coli ho-  
noribus uetuisse: saepeque actum in senatu fuisse de  
Aegyptiorum & Iudæorum sacris ceremoniisque ur-  
be pellendis, quod turpium religionum & nouarum  
superstitionum causa & seminariū forent. Athenien-  
ses uero Serapidem à Ptolemæo acceptum non solū in  
urbem introducere, sed magnis percoluere honori-  
bus: cuius templa in Memphi uetustissima uisuntur,  
ad quæ nec peregrino, nec sacerdoti, prius quàm A-  
pim sepelissent, ingredi fas erat.

Qui-

Quibus finibus, quaq; mensura iter, actus, aut uia constent: &  
 quid pes, cubitus, palmus, iugum, diplostron,  
 stadiumue sit. Caput XX.

PRAEDIORVM rusticorū seruitutes apud iu-  
 erconsultos, qui iura finium, possessionū, aquarum, iti-  
 nerumq; notauerunt, has esse nouimus: Iter, Actum,  
 Viam, & Aqueductū. Iter esse constitit, ius eundi per  
 fundum alienum hominis tantum: Actum, hominis et  
 iumentum: Viam uero, hominis, iumentum & uehiculi. Sed  
 qua mensura, quaq; finitione iter, actus, aut uia con-  
 stet, nec expositè, nec satis apertè illorū documentis tra-  
 ditur. Quum uero in nonnullorum autorum lectione  
 uersaremur, qui hæc compertius tradiderunt: inueni-  
 mus lege duodecim tabularū, uiam in porrecto, octo:  
 in anfractu, pedum sexdecim constitui: illiusque dimi-  
 dium, hoc est, pedes quatuor, actui tribui debere: si-  
 quidem actus latitudinis pedum quatuor, longi-  
 tudinis pedum uiginti supra centum definitus est:  
 iter uero, dimidiū quod actus, hoc est, pedes duos tan-  
 tum latitudinis habet. etenim quum palmus ex qua-  
 tuor digitis constet, prout Sidonius & alij metiti fue-  
 re: isque quater multiplicatus, pedem efficiat: ex qua-  
 tuor palmis, hoc est, digitis sedecim pedem cōstare ne-  
 mo dubitauit. Nonnulli licham quatuor digitorum,  
 palmum uero (qui spithama dicitur) duodecim effe-  
 runt. Est autem spithama mensura manus expansæ à  
 magno digito ad minimum, quantum protenditur pal-  
 ma. Sed si pollicem tantum ex plices & indicem, li-  
 chas nuncupatur. Maior uero spithama in duode-  
 cim partes diuisa, duos efficit pedes & quadrantem.  
 Passum uero nonnulli quinque, alij sex pedū, siue qua-

tuor cubitorum describere. Pes autem cum dimidio cubitum facit: illum namq; ex sex palmis, hoc est, quatuor & uiginti digitis confici, Aegyptiumque cubitum Samio parem esse, consentiunt omnes. Regius uero cubitus, quàm communis, tribus digitis habetur maior. Si autem ambas explices manus, & in longum protrahas à pectore linea deducta, ulna dicitur. Rursus qui mensuras & interualla scrutati sunt, duos actus quadratos, iugerum efficere uolunt. Iugerum enim dixerunt, quod iugo bouum una die exarari posset: qui iugeri modus in longitudinem, XL. & CC. pedibus: in latitudine uerò, centum uiginti definitur. Actus uero quadratus ita præfinitus est, ut ex quoquo latere pedes centum uiginti efficiat. Hunc nonnulli plethrum: nam duo plethra singulis iugeribus tributa sunt: duo iugera, duplethrum: diplethrumq; stadij tertiam partem esse: atque ex sex iugeribus stadium effici uoluerunt. Quod quidem plethrum nonnulli longitudinis pedum centum definire: iugeri que partem minimam, scrupulum dici: qui decem pedes longitudinis simul & latitudinis habet. Communi tamē dimensione, stadium passibus centum uigintiquinque: diaulon uero, mille & ducentis pedibus longitudinis metiri solent. Græci tamen curricula stadiorum, ducētis passibus in terris Græciæ communiter fecere. Sunt qui tradant stadium quater multiplicatum, hippicum: octies uerò, mille passus efficere: tametsi hippicū, mensura genus esse multi contendant: quippe quum omnis ferè Attica siticulosa sit, et effossis utatur puteis, Solon lege sanxit, ut ex publico puteo, ne homines sitirent, ad hippicum haurire liceret. In spatij uero, sicut quatuor hippicū,

sic



sic duodecim stadia dolichum efficere haud dubiè li-  
 quet. Ex hoc igitur tanquam ex fonte si quis metiri vo-  
 let, & ulterius progredi continua spatia addendo, in  
 infinitum usque procedet. Siquidem ex scrupulo ad  
 sextulam, & à sextula ad siciliquum, & inde ad se-  
 miunciam, & demum ad unciam, & ultra progredi  
 posset. Etenim decem pedes quum undique quadrant,  
 scrupulum efficiunt. Ex tribus uero scrupulis, hoc est,  
 pedibus triginta, sextulam effici: eam uero sextā par-  
 tem opinantur uncia. est enim aris minima pars. Sex  
 autem scrupulos siciliquum conficere, qui uncia quar-  
 tam efficit partem, drachmas scilicet duas: & ex duo-  
 bus siciliquis, id est, duodecim scrupulis, semiunciam:  
 necnon ex quatuor & uiginti scrupulis unciam effici  
 uolunt. Sed præter hæc fuerunt parasanga & stath-  
 mus. Hanc parasangam multi ex trecentis conficiunt  
 stadijs. Stathmum uero, quatuor parasangas penè con-  
 ficere, haud dubium esse, ita ut ex centum uiginti sta-  
 dijs stathmum effici dicerent, & hunc quindecim mi-  
 liarium spatij efficere. Persæ uero schænos & para-  
 sangas diuersis efficiunt modis: quippe Persicam pa-  
 rasangam alijs sexaginta stadiorum, nonnulli ex tre-  
 centis quadraginta effecere, prout cuique commodum  
 fuit, & pro uoluntate. Mensurarum uero alius mo-  
 dus est. Nam quatuor chænices modium faciunt,  
 chænica semodium. Medimnus autem ex sex modijs  
 constat: Atheniensis uero ex septem, qui duas am-  
 phoras & nonaginta sextarios parit. Modius, duo  
 & uiginti sestertia: modiolus, quartam modij habet.  
 Culeus uiginti amphorarum capax est: urnarium,  
 quadraginta: octo autem congi, amphoram efficiunt.

sed tamē amphorarum alia minoris mensura, ut Italica: alia duplo maioris, ut Antiochica censentur: Italica enim urnarum duarū fuit: Attica trium, quæ cadus & metreta dicitur. Cadū tamē à Græcis pro amphora sepe accipi legimus: nanque Antiochius cadus amphoram capiebat Italicam. Artabarum uero una Medica est, altera Aegyptiaca, capiens modios tres Italos, & tertium alterius. Singuli tamen congū sex sextarios habent, heminas scilicet duodecim: quippe duæ hemina sextarium complent. Quadrantal autem octo & quadraginta sextarios capit: quod amphorā Italicam nonnulli dicunt esse, cuius dimidium urna dicitur, quæ ex quatuor & uiginti sextarijs fit. Italus uero sextarius, uiginti unciarum fuit, cotylarum scilicet duarum: quippe decem uncia cotylam efficiebāt. Apud Arabes uero sextarius medium continet uncia: est enim nomen ponderis, qui à Græcis stater dicitur: is enim Latinis semiunciam facit. Scutula septem habet uncias: cotula quandoq; sex: ea enim sex recipit cyathos: siquidem uncia & cyatus eiusdem aestimationis fuere. Cyathus uero Atticus, decē drachmis appendebat: communis, duodecim: qui efficit unciam & semissem, quæ est sextarij pars duodecima. Alij sextam partem sextarij, cyathum capere dixerunt. Chus uero, qui græcè χῆς, cotulas octo habet. In ponderibus autem drachma sex obolos facit: obolus sex siliquis: Siliqua uero & scrupulus idem aestimatur: ea enim apud Romanos minimum habuit. Drachma ex tribus scrupulis, hoc est, decem & octo siliquis constat. Post drachmam nummus erat argenteus, qui fit ex scrupulis quatuor, hoc est, drachma & scrupulo, qui etiam denarius

rius dicitur. Post hunc uncia ex octo drachmis uel sex denarijs prodijt. Et post unciam libra Italica, quæ ex duodecim uncjs, hoc est, denarijs duobus & septuaginta, siue drachmis nonagint: sex cõstare dicitur. Hemina uero ex sexaginta drachmis fieri uoluere: est enim dimidium sextarij: habet enim cyathos sex, sicut cotula. Acetabuli autem mensura, hemina quartâ efficit partem, hoc est, drachmas quindecim. Communis tamen habet opinio, heminam dimidium sextarij esse: et acetabulum ex octo & decem drachmis constare. Sed tametsi mensurarum & ponderum pro gentibus & nationibus uaria dimensio sit: eaque nec definiri, nec explicari satis ualeat: tamen sextarium minoris mensuræ fuisse, argumẽto est, quod Hannibalẽ Italia pulsum, post accisas Carthaginensium res, tãta abstinentia dicunt fuisse, ut nunquam sextario uini indulserit. parcissimo enim uini poculo cõtentus erat. Et quia singulas mensurarum species exequi longũ esset, ne pluribus morer, de his hæcenus dixisse abundẽ fuerit. Illud tamen annotare succurrit, quod licet schænum ex duobus & uiginti stadijs, nonnulli ex triginta, uaria opinione, constare dicat: & Herodotus schænum sexaginta stadiorum scribat, & ex dimidio parasangam: tamen ex stadijs quadraginta, hoc est, passuum quinque millibus schænum uerum confici, communi opinione, quæ longe præstantior fuit, receptum est.

Miraculum de homine, qui plus in mari quàm in terris degabat, maximaq; æquora uelocissimè tranabat. Caput XXI.

QVI siderum motus, statusq; & interualla ac certos constitutosque cursus & recursus, illorumq; uires & qualitates, mensurasq; solis ac terræ animo metati

sunt: inter quos apud Græcos Berosus, Eudoxus, Gnidius, Aristoteles, & Empedocles: apud nostros, Aratus, Iulius Firmicus, M. Manilius, & alij clari sapientia autores, quos fama vulgavit, periti caelestium, qui diuinas prædictiones, decreta stellarum, ac uim fati, potestatemque subtili inquisitione collegere, hoc inter cætera adnotarunt: illos qui sub Delphini sidere in lucem editi fuissent, petaminarios esse, hoc est, præcipua pedum pernecitate ualere: prorsus ut admirabile uideatur, quàm pernici cursu, & quàm uolucris meatu magna spatia terrarum breui interuallo emensi fuerint. Quauis plerique physici rerum non ignari, quòd his splen deficiat, propterea cursu ualere contendat. Constat enim, quanto minor in corporibus splen foret, tãto perniciores homines esse. Hinc Ladas ille cursor apud autores tãtopere celebratus, memoria dignus fuit: qui longum itineris spatium cursu tam citatissimo emensus est, ut nulla pedum uestigia extaret, ita ut sæpe uisum falleret. Quod uerum falsumue fuerit, nonnullis ambiguum est. Philonides quoque Alexandri Magni cursor, qui ἡμipόδου & dictus est, pernici cursu ualuisse fertur: cui adnumeratus est Lasthenes Thebanus perniciatius eximia: ita ut ab Choromo Thebas usque cum equo cursore contenderit, & uictor fuerit. Inter quæ nimirum maiori miraculo uisum est, quod Plinius notauit, annos nouem genitum puerum, à meridie ad uesperam quinque & septuaginta passuum millia præcipiti celeritate confecisse: quod penè à fide deuium & dictu mirabile, quantum uix credi dicique possit, plerisque uisum est. Inter ceteros produntur Marsi populi singulari sidere seu fato geniti, ut præcipua pedum leuitate



leuitate ceteris præstet, ingentiaque spatia nix credibili celeritate peragerent. Tradunt quoque Troglodytas & extimos Aethiopes natina quadam pernecitate tantum ualuisse, ut fugacissimas feras rapido cursu assequi non dubitarent. Eos quoque qui sub piscis astro, certo cursu stationibusque sideribus constitutis, editi essent, nando plurimum ualuisse, & præcipuos natatu nonnulli tradunt. In his quoque lienis defectus multum profuisse creditur. nam quibus deesset lien, natatu plurimum ualere contendunt. Horum præcipui sunt Ichthyophagi Troglodytis proximi, cen maris belua, immensos tractus natatu peragrantes: inter quos Scillis quidam Sicyonius proditur apud Græcos, omnium ea tempestate maximus urinator: qui ex Aphetis Artemisium usque, octoginta ferè stadia natatu breui spatium peregit. Nostra uero ætate nonnulli extitere memorandi & multi nominis, qui nando ingens maris intervallum & maxima æquora emensi fuere. Ex omnibus autem quos nostra uidit ætas, recentiore memoria, nouimus quempiam haud sanè ingenitæ nobilitatis, sed extremæ sortis hominem, qui nauticam operam exigua stipe locare solutus, sæpiissime piscatu uictum queritabat: qui ab Enaria (quæ inter Pithecussas e conspectu Neapolis insula sita est) Prochyta usque, quod intermediū pelagi est stadiorum ferme quinquaginta, naufrago nonnunquam & fluctuante pelago, ac tempore anni difficilimo, eadem die nando measse, & nonnunquam remeasse inuentus est: quod quum nix credibile uideretur, eundem, pluribus ad spectaculū effusis, quo res testatior esset, promptissimum sui periculū fecisse: & quū in Enaria se præcipitem in

mare dedisset, lembum post sequentem longius ipsum  
nantem obseruasse: donec terra appulsus, ad Prochy-  
tam incolumis elapsus est. sed super omnia quæ post  
hominum memoriam unquam audita, quæque ab au-  
toribus prodita sunt, quod à Iouiano Pōtano relatum  
audiuimus, dictu mirabile, & supra omne miraculum  
fuit: siquidem patrum nostrorum memoria, Catana  
homo fuisse traditur, cui nomen Colan inditum ferūt,  
cognomento piscis, singulari fato seu fortuna genitus,  
qui plus in aquis degere quàm in terris uictitate sole-  
bat: eumq; diebus singulis mare & aquas petere ne-  
cessum habuisse: ibique naturæ ui & necessitate co-  
actum diutius degere consuesse: alioqui dicebat fore, ut  
si ab aquis abesset diu, quasi respirare, & ducere uitā  
nequiret, idq; sui exitū mox causam fore asseneret.  
Quod illi quo fato aut sidere euenerit, in ambiguo ple-  
rique omnes reliquere, eumque tantum nando profe-  
cisse, ut haud secus quàm marina belua, maxima pela-  
gi interualla, spatiaque immensa quingentorū & ul-  
tra stadiorū, fœda tempestate & reluctatibus aquis,  
excellenti ui & uelocitate, natatu peragraret. No-  
tumque & illud est, dictu mirabile, quum medio cur-  
su naues plenis uelis per aquora ferrentur, uiolentissi-  
mis interdum tempestatibus, per uastum & apertum  
mare, interq; agitationes fluctuum & turbines, huic  
natanti obuiam fuisse: ipsumque nantē ab undis nau-  
tas suis nominibus aduocare solitum: & quia omni-  
bus notus erat, nautas subitæ rei miraculo percitos, læ-  
tissimis animis illum in nauī excipiētes, unde ueniret,  
quōue iter intenderet, & quantū pelagi nando emen-  
sus foret, quantasq; tempestates tulerit, sciscitari con-  
suesse:

fuisse: ipsumq; Colan singulis omnia significasse: mox cum socijs in naui pransum aut potum, postquam acquiuisset, mandata ad suos, quid illis dici referrique uellent, & quid faciundū arbitrarentur, à singulis accepisse: nudumq; ut erat, è naui medio iam pelago cursum tenete, se præcipitem in mare dedisse: mox Caietam, modò in Salëtinā, Brutia & Lucana littora, modò in Siculos fines, & natale solum, ad quod frequens uentitabat, incolumem nando peruenisse: mandata quæ à nautis acceperat, singulis necessarijs & affini- bus significasse: idque non semel facere consueisse: donec festo annuo solenniq; die in Siculo freto effusa multitudine ad spectaculum, in portu Messanæ, ut aiunt, experiri credo uolens, quantum præ cæteris urinando ualeret: dum pateram auream munus natantibus tunc à rege in mare deiectā ab imo eripere conatur, quum se in mare merisset, dum illius studio profunda exquiri uada, diu expectatus, ab imo maris fundo, in quod se deiecerat, nunquam emerfit: neque postea inuentus apparuit. Creditur in concauas illius pelagi cauernas, quibus totus ille sinus refertus est, incidisse: ipsumque in imas uoragines uorticibus rapidis semel delapsum, quū se recipere uellet, & ad superiora niti, reuerti nequisse: cumque diutius reluctatus, respirare nequiret, inter occurrentes scopulos undiq; inundantibus aquis oppressum, uitam interisse.

In quibus deorum sacrificijs uictimas aut hostias antiquo more cadere non licebat. Caput XXII.

IN deorum sacrificijs seruatum est, ut non omnibus dijs uictimas aut hostias caderet. Nam in quibusdam sacris cæde uictimarū abstinetur. Siquidem in Termini

sacro nihil animatū sacrificari olim mos habuit, quia eum deum ueluti pacis custodem à cæde immunem esse uoluere. Primus enim Numa Pompilius Terminū & Fidem templo sacrauit, incruentumque sacrum instituit, ac lege sanxit, ut qui Terminum exarasset, ipse & boues deo sacri fierent. Libo ergo, & farina, ac fruge, & mola salsa, ut ferè omnia Numa sacra fuere, Termino apud priscos litabatur sub diuo. Fuit enim Numæ institutum, ut sine farina qua horna esset, id est, huius anni, sacrum nullum fieret. Apud prius uero seculum, herbas aut fructus manu excerptos, pro holocausto dijs consecrabant: illarumque exhalatione & fumo superis litabant. Quo exemplo Pythagoras nihil animatum dijs immolandum censuit: sed usque ad farinam & mel, terraque fructus & flores offerendum. Quod etiam Lycurgum fecisse legimus, qui tenuissima & nullo paratu Lacedæmonijs sacrificia instituit, ex herbis & his quæ parabilia in promptu sunt, nequando difficultate parandi omitterentur sacra. Nullaque ficta apud eum uel picta imago fuit: quippe hominum aut animalium species dijs tribui uetuit. Templum uero in quo colebatur, desuper patēs foramen habuit, quia nefas duxerunt, Terminum deum pacis & iustitiæ custodem, sub tecto conspici. Sic Ioui, Soli, Lunæ & Diosfidio, in aperto mundo templa hypetra & sub diuo ueteres extruxere. Quod à Græcis sæpe factitatum nouimus, ut his dijs hypetra tēpla constituent, sicut ades Iouis Puluerij in Attica semper sine tecto erigebatur. Græci uero Mineruæ in summa parte adium sine uictima sacrificant: Aesculapio in montibus. Apud Persas nulla dicabantur templa dijs: quia cū Solem præcipuum



puum numen & deorum maximum colant, mundum uniuersum illi templum esse dixerunt. A Bithynis usurpatum legimus, ut adoraturi mōtium cacumina conscendant, & sine templis Iouem Pappam saluent: sicut Scythæ Papeum. quæ etiam Diogenis opinio fuit, qui mundum sanum dei sanctissimum existimauit. Aegyptiūs uero, licet templa marmore & auro essent elaborata luxu ingenti & mira arte, tamen deorum imago erat deridicula. Nam Simia, Ibis, uel Crocodilus, aut aliæ id genus pestes, magorum & Aegyptiorum portenta, pro dijs colebantur. Fuere autem Termini & Fidei tēpla iuxta adē Iouis Optimi Maximi in Capitolio primum à Numa constructa, cui sacrum festis Terminalibus in agris, sexto ab urbe miliario sub patenti calo fieri solebat: cui Festi nomen: in quibus ex lapide, silice uel molari, nonnunquam extruncis oleagineis sacrificialibus Terminus erigebatur. Aegyptiorum quoque erat iste mos, non pecudibus & sanguine uictimarum, sed precibus & thure placare deos. Ideo Serapin non cæde animalium, sed uerbenis, coronisque & panificiis placabant. Quod Numam Pythagoræa præcepta sequentem, in suis sacris instituisse non ab re fuit: quanuis procedente tempore agnam aut suem, intermisso more prisco, in sacris Terminalibus cædi seruatum sit. Palilibus quoque intentiori cura custoditur, ne qua mactetur hostia: quòd eum diem qui patriæ natalis erat, à cæde & sanguine decet esse purū. Fuit enim is dies XII. calend. Maij, quo fausto & felici omine urbis fundamēta iacta sunt primum: quo die mos erat ouilia purgare, transilire flammæ, sapa & milio sacrum facere, Geniales dies agere,

cœnas apparare, à litibus abstinere: quæ prosperos successus decernebant. Deū uero, in cuius tutela urbs foret, nec nominare, nec quærere licebat: eumque nominasse, aut quæsiuisse, noxæ futurū erat. Ideo Valerius Soranus mortis supplicio pœnas dedit, quòd numinis nomē, in cuius præsidio urbs esset, efferre in publicum ausus fuisset. Idque ideo cautum, ne euocationes, quæ ab hostibus ad placandos deos qui urbibus præsunt, fieri solent, contra deos præsides urbis Romæ fierent. Festa tamen Palilia etiam ante urbem conditam, à pastoribus qui proxima urbis incolebāt, celebrari solita, inuenimus. Pales enim dea pabuli & pastorum est, quam plerique Vestā, alij Matrem deūm nuncupāt: cui pro partu & prouentu pecorum, lacte & libo sine uictima litabatur, ei que Palilia dicauere, qua die urbem à Romulo conditam fuisse tradunt. Nec solum urbis natalem, sed singulorum dies natalicios, pulte, fritillo, mero, libis, floribus & thure, sacra Genio, sine animali hostia, lati libentesque concelebrarunt: quibus diebus effudisse cruorem aut animal mactasse, mali portenti erat & fœdi auspicij: nanque erant hilaritatis & latitiæ pleni dies. Terra quoque sacrum fieri nō uictima, sed frugibus, floribus & lacte, plerique decere putant. Etiam solenne Fidei sacrum, sine cæde & sanguine uictimarū idem Numa instituit, ei que albo panno uelatos sacra facere, & ad id sacrū flamines curru arcuato, manu ad digitos inuoluta uehi iussit, solenni pompa, magno argumento, quòd fidem tutandam & in dextris sacratam sanctamque ostenderet: idque propterea asserunt, quòd dextra iuncta, denarium nummum qui sacratissimus est, efficiat. Suffimenta quoque  
ex faba

ex faba milioque aspersa mulso dñs offerri absque uictima, quo tempore uua calente pralo premütur, sape notatum est. Et Carnæ deæ, quæ uisceribus humanis præesse, & uitalia fouere credebatur, sacrum à Bruto institutū posteri seruauerunt, ut pulte fabacea & lardo, absque uictima sacrificetur: hic enim quum excors putaretur, latentem animum nimium diu reconditum, suo tempore detexit. Quas quidem fabas, nisi post Iulias calend. adulta forent, sacris adhibere non licebat: uires nanq; corporis his maxime augeri confirmariq; opinati. Quam deam in mōte Calio sedē habere, illiq; calend. Iulij sacrum fieri uoluere. Saturno quoque & Maniæ humanis uictimis, quod licuit antea, postea ad monitu Herculis, animali hostia sacrificari desitū est: ideo ad aram Saturni accensis luminibus, sacrum fieri cœpit, unde cereus misitādis in Saturnalibus mos inoleuit, qui apud Cyrenēses aliter seruabatur. Nam Saturno rem diuinam facturi, fici ornantur: placentasque misitāt, quod mellis repertorē esse ducerent. Maniæ uero, quæ mater Lariū fuit, in cōpitalibus à Bruto institutis, ut omnis antiquitas fabulata est, nō humana uictima ut olim, (nam pro familiæ incolumitate antea pueros mactabant) sed aliorum & papauerum capitibus supplicari cœptū fuit: in quibus sacris serui interesse, & ex æquato omniū iure, sublato discrimine liber an seruus esset, ut in Saturnalibus, unā cum liberis sacrificia in cōpitis facere, & comessari, ac largiori potui indulgere assuērāt, ut hac comitate obstricti, in dominorum obsequiis paratiores forent, odiaque inuicem offensionesque dimitterent. Quippe festis Saturni diebus, seruos ingenuorum ministeria occupare, pileos

sumere, & à liberis nullo discrimine differre, stipesque inuicem dare, & munera misitare, seruatum est: regna quoque sortiri inter aequales, & tanquam reges imperitare, magistratus purpuram induere, reliquos in ueste candida diem concelebrare. Qui etiam mos cum Græcis & exteris communis fuit. Nanque apud Babylonios, Sacea appellantur festa, quibus quinque dies serui dominis imperitabant: ex quibus unus, stola sumpta, dominabatur. Apud Thessalos Peloria, Cretenses Hermea, anniuersarios dies festos habent: quibus ex æquato iure, serui domini que socij & penè pares communi libertate fruuntur. Sicut Træxenis panagya, in quibus serui cum dominis pari exemplo uiuunt. Thebanis uero ludi musici Saturno dicati erant Saturnaliorum loco. Ideo in compitalibus manet constitutum, ne humano sanguine sacra polluerent, utque pilas & effigies uiriles & muliebres ex lana in compitis suspenderent: Laribus que tot pilas, quot essent seruorum capita, & tot effigies quot essent liberi, noctu pro uictimis darent: ut si quod periculum familiæ immineret, aut triste fatum, hoc sacrificij genere expiarent: sicut mense Maio: quum prius de ponte sublicio in Tyberim homines mitteret: qua de causa Flamini-  
cam tristem esse, & animo afflictio conuenit, qua nec eo mense lauat, nec aliquo cultu utitur: postea ab Hercule admonitas, nō homines, sed hominum effigies Vestales abjicere cœpisse, qua triginta numero fuere. Casta quoque mola & sale tuso, & in ollam fictilem cum aqua immisso, eadem uirgines sine uictima sacrū facere solebāt, ceteri farre et uino: in quibus sacris asellum panibus coronatum adhibuere. Lari quoque fami-  
liari



miliari Calendis, Idibus, & Nonis, corona in foco indita, pro aris focusque, proque familia, nō sanguine uictimarum supplicatur. Quæ quidem sacra ex hordeacea pulte, libo, farre, uino & thure, cum sale & salino sunt fieri solita: cui etiam particulas cœnarum & singulorum fructuum primitias sacrarūt. Ignem enim familiarem fauilla & cineribus excitatum, sanctissimis ceremoniis taciti adorabāt: fuitque antiquorum mos, ut profecturi uiam, simulachrum dei, tanquā Larem familiarem & Fortunæ comitem secum ferant, cui festis diebus thure & melle uota effunderet & supplicarent. Etiam in Quinquatrijs Mineruæ, prima dies sine uictima aut cæde fuit, quod illa in lucem primum editam fuisse putāt: quinquatrumque ideo dixere, quod diem quintum post Idus, festum haberent: sicut Triatrum, Sexatrum, Septemmatrum, & Decemmatrum: quidam, quod quum quinque diebus operarentur sacris, & reliquis omnibus uictimas caderent, atque exertis ensibus pugnas committerent & digladiarentur: prima die uelut pacata & festa, à uictimarum cæde abstinerent. Vltima uero Tubulustrium dicta, qua in atrio Saturio tubæ lustrabantur agnæ. Iano quoque libo & placenta, ac mola salsa, nonnunquam thure & mero: Cereri autem lacte, uino & melle, sine uictima sæpe litatum est. Hoc quoque adnotare non pigebit, quod quum in reliquis sacris qui rem diuinā facit, ueteri instituto, capite uelato immolet, & adorantes ueste ad aures usque attollat, ut se humiliores exhibeāt dijs, uel ne quid inter sacrificandū tristite auribus aut oculis accipiāt: Saturno tamē sacra faciētes, uelut ueritatis cultori, capite aperto immolat et

inuelato. Honori quoque & Opi ex uetere instituto dum sacrū sit, semper aperto capite & sine uelamento sunt. Apud aram quoque Herculis maximam, omnes aperto capite supplicare uetusto more seruatum est: uel quia ipsius dei, qui capite operto est, habitum imitari non liceat: uel quod magis adducor ut credam, ut ante Aeneam, qui ritum uelandi capitis inuenit primus, aram maximam fuisse, uetustissimasque illius ceremonias signarent.

Nunquid quod lege Falcidia cautum est, de quarta bonorum parte heredi debita, possit uoluntate testatoris comminui uel tolli. Caput XXIII.

VERBA legis Falcidia, quibus modus legatorum  
 „ praefinitus est, haec fuere: Quicumque ciuis Romanus  
 „ post hanc legem rogatam, testamentū faciet: is quan-  
 „ tam cuique ciui Romano pecuniam iure publico dare  
 „ legare uolet, ius potestasque esto: dum ita detur le-  
 „ gatum, ne minus quam quartam partem hereditatis  
 „ eo testamento haeredes capiant: eis quibus ita datum,  
 „ legatumue erit, eam pecuniam sine fraude sua capere  
 „ liceto: isque haeres qui eam pecuniam dare iussus, da-  
 „ mnatus erit, eam pecuniam debeto dare, quā damna-  
 „ tus est. & infra. Cum ea legis uerba in conuentu iu-  
 „ risperitorum legerentur, praesente me, quarebatur,  
 „ nunquid quod hac lege sancitum est, ut non minus  
 „ quarta hereditatis parte, testamento haeres capiat,  
 „ possit uoluntate testantis ita comminui uel tolli: ut si  
 „ omne patrimonium & totum assem legatis distribui  
 „ iusserit, ita ut nihil aut minus quarta parte scriptus  
 „ haeres ex bonis capiat, an id contra legem factum, ius  
 „ ratumque foret? Cumque nonnulli egregie patronorū  
 cense-

cenferent ex Scauola ſententia, licere cuius non inſa-  
no, præter legum ſolennitatem, ita ut uolet teſtari, ſi  
modo id uellet haberi legitime factum, palamque id  
antea teſtatus eſſet, plurimumque in eo momenti fore:  
quippe quum ipſa decedentis uoluntas, lex plane cen-  
ſeatur: & hoc Pomponium iureconſultum, hanc legem  
interpretatum, cenſuiſſe, contenderent: decernentem  
teſtatoris uoluntatem, qualiſcunque foret, ad omnem  
ſucceſſionis ſpeciem extendi oportere: multique in eius  
ſententiam irent, & uelut cunctis obuium id palam  
faterentur: nos contra ſentire uifi fuimus. Nam Papi-  
niani reſponſa relegentes, hoc ipſum improbaffe ani-  
maduertimus, atque reſpondiſſe in hæc uerba: Priua-  
torum pactiõibus legi reſfragari non decere: itaque  
trienti quæ per legem ex defuncti bonis debetur, ne-  
que per teſtatorem æſtimationem minui, neque ius  
quod debetur, auferri poſſe: ne uidelicet teſtator ſcri-  
ptos hæredes aditione iudificatus foret. Quæ ſenten-  
tia quum diu nobis inſediſſet, tamen reſutari & dilui  
potuit: quippe cum in eandem lectionem, ut ſit, incide-  
remus, animaduertimus minus probabili, nec uero  
iudicio, ſed falſa nos duci opinione, nouiſſimoque iure  
multis poſt ſeculis edito, contra priſcorum decreta, ſe-  
cus cautum fuiſſe: atque abrogata Papiniani ſenten-  
tia, ex placito principum lege edita ſancitum eſſe, ut ſi  
teſtator trientem dari hæredi inhibeat, totumque af-  
ſem legatis abſumi uolet, ut pro uoluntate de bonis  
diſponere, illaque ſicut libitum eſt, & quantam par-  
tem uolet, cuius legare ius poteſtasque foret, liberum  
eſſet hæredi ſcripto, ſi nimium tenuiter ſibi conſultum  
eſſet, minusque commodi tot legatis diſtribuendis, hæ-

reditatem allaturam putaret, aditione abstinere, & ius succedendi abnuere. In quam sententiam, quæ notior & probabilior fuit, nouissimæ iurisconsultorum opiniones postea concessere.

Loci ex Iuvenale parum ab interpretibus diligenter habiti,  
contra nonnullorum opinionem explanantur.

Caput XXIII.

DEFESSVS ego à forensium causarum contentione & iudiciorum strepitu, aliquādo uacuis curæ & labore, ad hæc mitiora studia nostratia, uelut in aliquod opportunum diuersorium, me recipiebam: & quoscunque aut ueteres, aut nostri æui libellos nactus eram, in his legendis perscrutandisque, aut uerborum & sententiarum uiribus pensitādis, exercebar. Cūque, ut fit, in cuiuspiam non equidem indocti, nec spernendi autoris commentarios super Iuuenalis satyris, quos nuper ediderat, & posteritati tradēdos curauerat, fortè incidissem, super his uersibus septimæ: Rara tamen merces, quæ cognitione tribuni Non egeat: in hanc sententiam ipsum loquutum offendimus, ut diceret, apud tribunos plebis agi necesse fore, & post impenso labore erudiēdis pueris ludi magistrum in iudicio experiri oportere, ut mercedem laboris & impensa doctrinæ assequatur: idque Iuuenalem in fine satyræ apertius sentire, dum inquit: Et cum se uerterit  
 „ annus, Accipe uictori populus quod postulat aurum:  
 „ tanquam post lites iudicio à tribuno pleb. diffinitas, tandem populus aurum quod petebatur, uictori magistro & mercedem tradi postularet: Qui sensus etsi à multis mira persuasione receptus, quàm absonus sit, quamque pudendo errore coarguat imperitiam interpret-



terpretis, nemo mediocris solertia uir ignorarit. Vbi enim, quæso, apud autores compertum fuit, tribunum pleb. iuris cognitionem aut in ius uocationem, apud suum tribunal Romæ habuisse, ita ut an stipendium magistro debeatur, suæ cognitionis & arbitrii fuerit? Non enim ut de controuerso iure cognosceret, aut super eo diiudicaret: sed ut à maiorum magistratuum iniuria tenuem plebem defenderet in re præsentī, tribunitiā potestatem inuentam ueteres uoluere. Prehendere enim licebat tribuno, & in carcerem mittere: nō autem super controuerso iure diiudicare, quod omnes annales & omnia monumēta uetustatis percalluere. Præterea quid imperitius dici potuit, aut tam præposterum, quàm ut in exactione uilis stipendij populus, tanquam si plebs aut plebiscitum aliquod rogaretur, interesse debeat: ita ut rogatione promulgata, an stipendium magistro debeatur, decernat? Sed quod est uero propius, quodque ab auctoris sensu non absonum putamus, profecto sic est, ut poëta non de tribuno pleb. qui iuris non habet cognitionem, sed de tribuno ærario, apud quem leuiiores expēduntur causæ, intellexisse credatur. Etenim liquere arbitror, leues & nummarios iudices, tribunos fuisse ærarios, causarumque cognitionē habuisse in minimis: quippe ab Aurelio tribuno pleb. rogatione promulgata, iudicia in tres ordines diuisa fuere: senatores, equestrem ordinem, & tribunos ærarios, quorum cognitio in minoribus fuit causis: ideo in subsellij, non pro tribunali ius dicebāt. Raram dicit ergo mercedē, quæ cognitione non egeat tribuni, non pleb. apud quem nulla erat iuris cognitio: sed ærarij, qui de minoribus causis ius reddebat,

intellexisse probabile est: quod & nos sentire salua  
 " fide possumus. Rursus quod dicitur in fine Satyræ, Ac-  
 " cipe, uictori populus quod postulat aurum: neque de  
 rogatione populi aut scito plebis, quod illi assenerant,  
 intelligi arbitramur, sed uetustum potius morem præ-  
 signari, qui apud Romanos in sacris certaminibus in-  
 oleuit frequēs. Fuit enim antiqui moris, ut qui in thea-  
 tro præstabant munera, multitudini effusa ad specta-  
 culum stipem spargerent, uictoresque certaminum &  
 multarum palmarum, gladiatores ære collato & sti-  
 pe donarent. Quinetiam non ludiones modo, sed ele-  
 phantos, & eos qui in certaminibus fortiter quid aut  
 dignum laude gessissent, à populo collatione stipis &  
 assibus donari legimus. Constatque populum Roma-  
 num Spurio Posthumio, & Quinto Martio cōsulibus,  
 primum stipem in ludis spargere cœpisse. Nam drach-  
 ma grandinis in morem, atque odorati imbres instar  
 pluuiæ, & alia misilia effusè spargebantur. Quod se-  
 quuti Cæsares, opulentiùs huberiusque ad leniendam  
 multitudinem factitarunt. Siquidem C. Cæsar num-  
 mos non mediocris summæ effudit in populum. Nero  
 tesseras frumentarias, aurum, argētum, gemmas, mar-  
 garitas, naues, insulas, agros, uestes, tabulas pictas,  
 mancipia & iumēta misilia dedit. Domitianus cū  
 omne genus rerū in theatro sparsisset, & pars maior  
 intra popularia decidisset: ne indonati abirent sena-  
 torius & equester ordo, per singulos cuneos quinquagenas  
 tesseras pronunciauit. Heliogabalus uero aurea  
 & argentea pocula, ac uestes magni census in plebem  
 sparsit munuscula. Multi quoque ex theatro missas è  
 sinu columbas fecere, quæ cum per caueam diu uolaf-  
 sent,

sent, reuertebantur ad dominos. Fertur tamen Scipio infamiae notam subuisse, quod pecuniam in populum ludis publicis iecisset, uelut istis muneribus auram popularem aucuparetur. Quae quidem cum in diripientium manus mittebantur, non sine discrimine & rixa in concursatione & tumultu assequi poterant. Itaque optimus quisque cum primum missilia induci uideret, ne quid discriminis in conspectu turbae elisi pateretur, è ludis excedebant, quaeque apud autores monumentis testata clarissimis comperta sunt. Post euersum ergo annum, & edocendis pueris labores impensos, Accipe poeta inquit, mercedem, qualem uictori in ludis populus postulare solet: ac si dicat, uilem assem & nimis tenuem mercedem, qualis est stipis exigua, quae à populo in ludis postulatur, cum aere collato uictor à plebe donatur, consequeris: quod nos quantum ingenij captu assequi possumus, lectioni magis conuenire, & uero sensui congruere putamus.

Varia apud diuersas gentes puerorum institutiones, & infantibus Romanis quae documenta fuerint.

Caput

XXV.

QVAM uariae apud nationes externas & gentes ultimas pueri, postquam in lucem editi essent, educarentur, quaeque institutio fuerit, à nonnullis literis memoriae proditum est. Siquidem apud Thraces Trausosque ac Cefias & Causianos, assuetum erat, ut puero in lucem edito circumdati cognati affinesque, puerum lamententur, & afflictii iaceant, ac recensentes calamitates & uitae incommoda, cui tantum restet maiorum, quae mox ille passurus aduenit, pectora plangant: iidem in funere exultantes iubilant, scilicet cui

defuncto omnibus incōmodis & infortunijs, quæ uita fert, ex hac luce & imminentibus malis, atque omni sæuitia fortuna tādē excedere datum sit. Quod ab Indis quoque seruari meminimus. Nam Gymnosophistæ & Brachmanes, castè & piè uiuentibus mortis diem natalem uitæ ducebāt. Spartanos Lycurgi legibus institutos, infantes primum editos, ut labore firmentur, rigidissima aqua fouere, nudosque in patientia laboris enutrire, nihilque somni causa sternere, proditum est. Necnon cibi potionisque modo præfinito, cum æqualibus in sobrio conuietū, inque eodem sodalitia & societate studiorum, humili cultu educare, duræque & horrida disciplina seuerissimis moribus assuesfacere, ne qua uitia mentem adhuc rudem inficerent, nèue moribus incompressi euaderent, illis magnæ cura fuit. Quare prouerbio increbruit, solas Lacenas uiros parere. Quod à Cretensibus & Germanis usurpatum fuit, ut pueri ab incunte adolescentia calores & frigora pati assuescerent, utque uilibus tecti amictus, hyeme pariter atque æstu eodem cultu incederent: & postquam satis uirium assequeuti uidebantur, ut militia per ætatem patientes forent, non in munditijs, ne lægueret animus, sed in laboriosis exercitationibus, currendo, algendo, æstuando, famem sitimque tolerando, arduasque & perdifficiles uias peragrandō, exercerēt: ac pugna simulachris, in quibus uerbera & plagas dare & accipere cogeāt. Quinetiam fuit Lacedæmoniorū mos solēnis, ut agrestes quos helotas uocant, quàm maxime possent uino ingurgitent, ad potumque & crapulam appellent, illosque uino madidos & distentos, in cætum adolescentium iuuenum intro-



Introducant, ut iuxta Anacharsis & Platonis consilium, temulentiae turpitudinem intuentes, quasi per-  
 tasi ignauiam, à uino & luxu promptius abstinerent:  
 ac tam tetri aspectus, tantiue dedecoris non solum pi-  
 geret, sed puderet. Tantaque disciplina fuit, ut iuueni  
 corpora ne lasciuiarent, statis diebus apud Ephoros ex-  
 hiberent, nudosque inspicerent, ut si quid insolite pin-  
 guedinis contraxissent, parsimonia & uictus absti-  
 nentia emendarent. Ad aram uero sic uerbere afficie-  
 bantur, ut plerisque sanguis manaret ad necem. Apud  
 Gallos quoque & Iberos zonae mensuram habet ma-  
 gistratus, quam si capere non posset mulier succi plena,  
 aut puer obesus, magno afficitur probro: quibus ama-  
 tores, imitatoresque uirtutum & adolescentium bonae  
 indolis permisi fuere, ut laudati & donati, facilius  
 ad res magnas & magno uiro dignas se accingerent:  
 qui etiam Cretensium fuit mos: quibus non fuisse amatos  
 iuuenes, est ignominiae datum: ex quibus amatem φιλά-  
 τοπα dixere, amatum uero κλειόν. Quorum exemplo Lucani,  
 liberos à prima infantia sine ueste aut ministerio ser-  
 uili, in duritie & parsimonia educabant in syluis, qui-  
 bus praeda uenatica erat cibus, potus uero fontium li-  
 quor. Colchis, Aethiopibus & Troglodytis atque Ae-  
 gyptijs, Syris & Phœnicibus, pudenda editorum infan-  
 tium circūcidere in usu erat, hoc non mediocriter uitae  
 commodis cōducere arbitrati: quo cōmerto labes corporum  
 & eluiones dilui putabant, seu quod multi putant, ut  
 diuersitate noti fieret, uel ut omne arcanum & pudendum  
 facinus inuelatum fieri ostenderet. In Arabia gens est,  
 Creophagos uocant, quibus nedum uiri, sed mulieres  
 Iudaicè excindi solebant: sicut de Andramite Lydorum

rege, qui primus eunuchas fecit mulieres, sermo proditus est: quo exemplo in Aegypto aliquando mulieres excindebantur. Arcades uero pueri, tum Lacedaemonij & Thracēs, quanquam ferum genus, à teneris insuescunt inter prima rudimenta in modulis & cantibus uersari: musicasque artes & uocum concentus ediscere ad annum XXX. uelut hoc amplissimum iuuentuti munus darent: qui non didicisset, rudis & ignauus, atque infamia nota inustus putabatur. Graeci uero adolescentes, musica & poëtica, liberalibusque potius uacabant disciplinis: in quibus excellere pulchrum putabant. In his enim tribus artibus, quas liberales uocant, literis, palaestra & musica, plus opera & studij conterebant. Nec minore studio prima adolescentiae iuuenes imbuebant, ut prater literas & gymnasticas disciplinas, iuxta Aristotelis praeceptum, quò ad reliqua munia firmiores essent, etiam natare discerent. Et tametsi canendi ad tibiam ars libero homine indigna prius uisa foret, ad eamque sola mancipia admitterentur: a quo mox succedente, tanti fuit honoris, ut ad illam nisi liber & ingenuus admitteretur nemo. Sicut pingendi ars primum Sicyonae, mox per omnem Graciam tanti fuit studij, ut pueros ingenuos picturam tanquam praecipuam liberalium artium in primis edocerent magistri, perpetuo interdicto, ne ad illam mancipia admitterentur: indoctusque & omnium postremus habebatur, quisquis huius artis nescius aut expers foret. Platonis quoque institutum erat, ut iuuentus musica disciplinis inter primas artes instrueretur, ut grauiora studia honesta uoluptate leniret. Id quod Pythagoras censuit, qui repentinos motus  
animi

animi & mentis perturbationes, nulla re magis quam  
 uocum concentu mulceri putauit. Cuius tanto studio  
 Græci affecti fuere, ut etiam ad myrtum canerent, can-  
 torque cantorem, myrto tradito, inuitaret, quod postea  
 prouerbio increbuit. In qua Timotheus tibicen mul-  
 tum floruisse proditur, qui duplicem mercedem exige-  
 bat ab his, quos ab alijs magistris male institutos acci-  
 peret, quod hi prius dedocendi quam erudiendi erant:  
 a rudibus uero & ignaris, simplicem. Pænorum uero  
 mos patrius erat, editorum infantium uenas capitis lana  
 succida inurere, defluentemque pituitam hoc modo si-  
 stere, quod salutare experti aduersus morbos, hoc tan-  
 quam peculiari remedio se munuere. Aethiopes quo-  
 que ab ipso natali die, editos infantes in fronte inu-  
 runt, & stigmate notant, quo capitis & oculorum hu-  
 mor exicetur. Quinetiam in Hybernia, quæ in peni-  
 tissimo Oceano extra terras insula sita est, cultu indo-  
 mito & fero, pueri ita aliti educatique sunt, ut inter  
 arma & cædes uersentur assidue, matresque natura  
 immites, ingenio barbaro, primos cibos edito infanti  
 gladio admonere ferantur. Tenet fama, apud Balea-  
 res matres infantes pueros ab ipsis uitæ incunabulis  
 his disciplinis assuefacere, ut nisi oblatum cibum ba-  
 culo aut funda petierint prius, cibo uesci prohibeant.  
 Quem usum uetustissimum apud Cadurcos, Acarna-  
 nes, atque Aethiopes inualuisse legimus, ut saxa in-  
 gētia fundis intorquere, aut sagittas & iacula ingen-  
 tis ponderis uibrare à teneris ediscant. Idoneos auto-  
 res habeo, Aegyptios impuberes filios apud se alitos  
 & educatos, his disciplinis exercere, ut nisi centum o-  
 ctoginta stadia prius cōfecerint cursu, uesci cibo nullo

modo sinerent: quos à pueritia & primis annis, nudis pedibus ingredi iubebāt, ne delicatior cultus corpora emolliret, eneruaretque. Indi & Brachmanes edito infanti curatorem & uita magistrum custodemque adhibent, ut sub legibus & magistratibus, bonis disciplinis formatus, salutaribus exemplis erudiatur: apud quos infans in lucem editus, post menses duos in medium producit: & cuius indolis & formæ sit, publico concilio decernitur: ut ex faciei & corporis specie, si pace uel bello bonus, & an uita sit uel morte dignus, iudicetur. Et si cuius indoles probaretur, bonis ille formabatur doctrinis: qui uerò minus, morte afficiebatur. Id quod apud Spartanos erat Lycurgi lege sancitum, ut speciosus puer & forma liberali, publice educari: mancus uero & deformis, in loca uasta & prærupta exponi, uel in ultimas terrarū oras ablegari deberet. Idem legibus Romuli à primo ortu Urbis constitutum ferunt, ut si mancum quid editum, aut monstrosicum fuisset, statim à partu in flumen aut mare exponatur. Prodiit Aethiopes editos pueros, quum paulum processere, super aues quas diuersi generis educāt, sublimes imponere, eosque cuius spei futuri sint, periculo internoscere: nam si uolantes intrepidi manent, uelut generosos & se dignos magna educant cura: si uerò consternantur animo, & trepidi pauent, tāquam degeneres in loca desertā exponunt & abijciunt. Quod de Psyllis quoque proditum est, qui partus obijciendo serpentibus, si illæ si manent, an suæ originis sint, experimento internoscunt. Nonnullæ Indorū gentes pueris adolescentibus, etiam si magnæ fortunæ & amplis opibus forent, pro seruis utebantur: ut eam sortem ex-

perti,



perti, quātum decus libertatis foret, agnoscerēt. Quod  
 cum Cretensibus & Laconibus commune assueverant  
 fuisse, ut ingenuos filios seruilia exhibere cogerent.  
 Phrygibus uero familiare fuit, proprios uendere filios  
 in eximio ætatis flore, & seruilem in modum educare.  
 Nabathæis quoq; adolescentes ingenuos, seruilia præ-  
 stare officia consanguineis, assidua exempla sunt. Per-  
 sæ autem editum infantem, ante septēnium in conspe-  
 ctu parentum non adducunt. Alij, nisi post pubertatem  
 filios à parentibus conspici non sinunt: qui mos apud  
 Hæduos, plurimasque Gallorū & Germanorum gen-  
 tes frequens fuisse traditur. Quod ita institutum non  
 ab re fuit: scilicet, ut si quid grauius accidisset, aut si  
 qua calamitas & aduersi casus puero euenturi foret,  
 illos parētes qui ipsorum conspectu tam diu caruerūt,  
 facilius ferant. Eosdemque Persæ apud se educatos  
 tam sanctis moribus imbuebant, ut illorum disciplina  
 nihil addi uideretur posse: siquidem per omnes ætatis  
 gradus hæc illis rudimenta fuere: iustitiam colere, &  
 æquum ab iniquo dignoscere: tum iaculari, equitare,  
 arcu & cursu contendere, & præcipue uera loqui:  
 cibus uero tam frugalis & modestus, aduersus fa-  
 mem & sitim tantummodo paratus, ut iuuentus na-  
 sturtio, pane, aqua & sale uelut exquisitis ualde ob-  
 sonijs uesceretur. Tantique pudoris fuere, ut pro lege  
 seruarent, ne in publico aut spuerent, aut nasum e-  
 mungerent: neue in conspectu parentum, nisi iussi con-  
 siderēt. Et quum natalem diem festum singuli & præ-  
 cipuum habeant, illis tamen etiam indulgentissimi  
 parentes uino abstinere uelut immani scelere præci-  
 pietant. Utque nullis errorum maculis notarentur,

nudos conspici uiros, nec fas, nec ius esse dicebant. Ita-  
que nudum conspicerere hominem, ac si immane scelus  
admissum foret, capite luebatur. Scythiis uero à patri-  
bus traditur mos non improbandus, ut iuuenes eph-  
ebos plurimos sibi amicos comparare, uelut firmissima  
uitæ præsidia iuberent. Is enim habebatur affluens  
& beatus, qui pluribus familiaritatibus fultus foret,  
pro certo arbitrati, in rebus deploratis & afflic-  
tis, nulli unquam satis fuisse amicorum. Romanis uero  
præualuit usus, ut quæ uterum ferunt, antequam e-  
datur partus, Postueræ & Prosa, quibus duæ aræ di-  
cata erant, ne partus peruersi fierent, nèue factus præ-  
posterè exiret, immolarent: Egeria quæ nympha, &  
Fluonia Iunoni sacra facerent: quia putabant illarum  
ope conceptum egerere, & fluorem sanguinis cohi-  
bere. Cuius rei causa apud Tibarenos inoleuit mos, ut  
mariti post uxoris puerperium, capite obuoluto tan-  
quam ipsi enixi fuissent, in lectulo decumbant, ea ac-  
cubatione uxoris labores & uentris profluvia cohi-  
beri arbitrati. Fuere autem Tibareni iuxta Cappa-  
doces, qui in risu & iocis atque indulgentia fortuna  
uersari solebant. Idem Thracibus & Scythiis, Canta-  
bris & Celtiberis proprium, ut puerperæ uiris ipsa-  
rum uice decumbentibus ministrent & famulentur.  
Apud Athenienses præcipuum eduliū puerperæ bras-  
sica dabatur, uelut parturienti commodissimum: mox  
stolis initiatorum infantem obuoluere, ad ualetudi-  
nem mirè proficere putantes. In Cyrno mulier puer-  
pera editæ prolis nullam curā gerit: sed uir domi ab-  
ditus, infantilis educationis curam atque onus fert. In  
Liguria quoque & Illyrico mulieres tam patientes  
labo-

laborum sunt, ut post puerperium minime decumbāt: pręgnantesque inter opus enixas pueros domum referre tradunt: quos non peperisse, sed intuenisse credas. Cumque infans editus primam lucem hauisset, Romanis erat in usu, ut ab obstetrice exceptus, humi stereretur, quasi diuinationem futuri exitus inde auspicati: lectoque Pilumno & Picumno in ædibus parato, ita augurabantur, ut his præsidiis dijs, uitalis foret: nèue Sylvanus in domum irrepere ualeat, quem uexare pueros opinio erat, ad fores ædium tres uiros, qui peruigiles domum circuirent, aduocabant, quorum primus limen securi, alter pilo seriebat, tertius uero scopis euerrebat: mox nomen & tempus editorum filiorum apud præsectos ararij publicis actis testarentur & scriberent: quæ quidem in Saturni æde tanquam publica monumenta seruari proditum est: deinde cum cibo & potu eum initiarent, Edusa & Potinæ sacra facerent: eodemque Adolęscęntę Maia, quæ fatua dicta est, ac Statano & Fabulino more patrio immolarent. Fuitque receptus mos, ut in testudineis alueis, aut ex tergo marinarum testudinũ factis, calda pueros abluerent, mox oleo & butyro perungerent. Spartani quandoque mero abluebant, quod uino admoto resolui ægritudines putarent: nonnulli sale & aqua: Galli pręgelido amne, ut à teneris calores & frigora pati ediscerent: idem Thraces, Scythęque. Fertur tamen Cato Censorius tam accurate procurandis liberis studuisse, ut nisi se spectante nunquam infantem ablui, aut uelamentis obuolui suerit: nèue pueri recens editi è cunis forte deciderent, & terra corpuscula afflictarẽtur, culcitrās iuxta cunas undique ster-

nerent, ut inde excepti innoxij fierent. Maribus quæ nono die postquam in lucem editi fuissent, feminis uero octauo, nomina imponerent, nōnunquam septimo, qui dies lustricus nomen habet. Quod teste Aristotele ideo cautum, quod ante septimum pluribus infans casibus expositus manet. Ab Atheniensibus uero & omni ferè Græcia, decima à natali die infanti nomen indere seruatiū est. Apud Troglodytas fuit patrj moris, ut non hominum, sed arietis, pecoris aut ouis imponāt infanti nomina, quod bruti, quorum ope uictitabant, suos genitores ducerent. Atlantes uero Aphricæ populi, nulla infantibus indere nomina cōsuevere: sed uelut bruti anonymi fuere. Diuus autem Antoninus philosophus, natos liberos apud præfectos ararij profiteri, & tertio die à partu nomina ferre iussit. Nono uero die nomina infantibus indere, antiqui moris fuisse, illud exemplo est, quod Nundina dea apud Romanos magnæ religionis erat: ipsumq; infantem editum, in gremio et sinu matris ac ipsius lacte educari potius quàm apud coëptas nutrices ali permitterent, cum ingenuitas à matre sola, non patre pfificatur: aut si permississent, magna cura præcipuas illi nutrices Laconicas, uelut educationis magistras, admonerēt: cum propter lactis & educationis uitia sæpe infantes degenerasse cōpertum sit. Quod æquè Germanis est habitum nefas, apud quos mater filiū suo lacte alit, nec nutrici educandum delegare licet. Græcorum uero inualuit mos, ut quinto die à partu, mulieres comites puerperj, manus abluant, & puerum Laribus circūferant, polyposque & sepias munuscula à cognatis ferant: dein de cum puer paululū processisset, prætexta illum donabant



nabant Romani & bulla: ea enim erat aurea, insigne nobilitatis, figuram cordis habens: ut signarent, eam aetatem alterius consilio regendam: qua primum à Prisco Tarquinio donatum eius filium tradunt, quem in prætextæ annis hostem dicunt occidisse. Hac Romani pueri honeste geniti & liberaliter educati patritij, aut illorum qui equo meruissent filij, postea usi fuere. Lorum uero erat insigne libertorum, plebeiorum & pauperum. Propius uero est, quod fœdere icto cum Sabinis & Tatio, cautum fuit, ut bulla prætextæque per eas tempestates Sabinorum ornatu, raptarum filij uterentur. Fuitque antiqui moris, ut parètes bonis exemplis artibusque honestissimis liberos educerent: plerunque apud patruos, ne nimia parentum indulgentia lasciuirent. Maximaque dabatur opera, ne quid insolens aut perniciosum, nèue quicquam quod minus esset decorum, coram infante pater faceret aut diceret: nèue uir mali exempli, qui seruilibus uitij imbueret animos, in conuictu esset: magni enim interest, quos quisque audiat domi, quibus cum loquatur puer. Quare Cato censor tanti exempli fuit, ut Manlium senatu mouerit, quòd interdum præsentem filia, uxorem suauisset: asserens se nunquam nisi cum tonaret, à sua complexum. Et Hieron Epicharmum comicum mulctasse & pœna affecisse dicitur, quòd coram filia lasciuos edidisset uersus. Tum ut socij consiliorum, magistrisque & comites puero probatissimi darentur, qui acuerent iuuentutem ad studia & bonas artes. Nam prauis impulsoribus multos degenerasse compertum est. Quod etiam à Græcis summo studio seruatum meminimus, ut dum

puerilis ætas prona esset ad vitia, magistros adhiberent probatissimos, magnæ & expertæ uirtutis, quorum conuictu domesticis disciplinis exemplisque formarentur. Sic Achilles Chirona & Phœnicem, Agamemnon Nestorem, Hæctor Polydamanta, Telemachus Menelaum, Alexander Aristotelem, Antigonus Zenonem: atque alij uitæ magistros habuere non parnitendos: sicut Augustus Apollodorum Pergamenum, Tiberius Theodorum Gadareum, Homerus Prognopidem, Virgilius Silonem, Cicero Diodorum, qui illos egregijs artibus instructos, ad bonam frugem prouexere: quorum doctrina, integritate & fide, magni postea uiri euasere. Primus enim Carbilus proditur, qui iuuentuti Romæ ludum aperuit: eius Carbilij libertus, qui uxorem repudiavit primus. Cato uero Censorius tam sanctè filium edocuit, ut non alium quæsuerit magistrum, sed seipsum, quia pater erat, filijs exhibuerit præceptorem. Augustus quoque Octavius, Caium & Lucium, quos sibi filios asciuerat, non alterius, sed sua ipsius doctrina imbuit: itaque literas & natæ illos scientissimè docuit. Utque in ludum literarium non solum ingenui pueri, sed & uirgines nondum adultæ, literis & bonis disciplinis formandæ uentitarent. Eligebaturque aliqua matrona insignis, spectatæ uirtutis, toto generi propinqua, aut uir grauissimæ disciplina, cuius sanctitate & moribus, tota familia & infantilis cognatio bonarum artium cupiens imbueretur: apud eumque in domo honestissima Hetruscas primum literas, mox Græcas, & haud multo post circumscriptas sententias, quas chrias Græci uocant, ediscebant: deinde studia liberalia &

animi

animi cultū. A quibus si quid esset offensum, prætexit anguillarū tergo, pueri ferula, à parentibus uero leuioribus flagris uel plagis, aut puerili uerbere plectebantur: quibus excitati disciplinis, ad uirtutem uegetabant animos corporaque. Quod apud Thurios & omnem ferè Græciâ lege cauebatur, ut pueris cum primum adolererent, magistros studiorum, doctos ætate & usu, in primo tyrocinio publica impensa præficeret: utque plures unius curæ & disciplinæ mandarentur, qui magister esset & comes: sicut de Thuscis & Massiliensibus traditur. Idem apud Iberos Sertorius fecit, ut magistris scientissimis, qui artes docerent liberales, ingenuosque educarent, stipendium de publico daret. Alexander Macedo multis millibus puerorū ex Perside magistros dedit, qui Græca instituta, mores, militaremque disciplinam præciperet. Quod de Vespasiano proditum est, ut Græcis Latinisque rhetoribus annua centena daret: & de Antonino Pio, qui rhetoribus per omnes prouincias annua salaria constituit. Traianus quoque adolēcentes ad quinque millia bonæ indolis ex omni imperio selectos, publicè ali, & parentis affectu paribus disciplinis erudiri curauit, ex præcepto Lycurgi, qui ingenuis adolēcentibus uirum præesse uoluit peritum ac uigilantem, ex his qui summi eliguntur magistratus, quem pædonum nuncupauit. Persarum uero pueri non literas quemadmodum consuetudo fert, sed iustum ab iniquo secernere, & quæ pœna improbus homo dignus, qui pace uel bello bonus, & quæ sit turpis & honesti distinctio, in scholis ediscebant. Aegyptij geometriam & arithmeticā: puerum uero regium magicas artes edocebant in primis,

tāquam

tanquam studia sanctiora. Ea enim erat diuinorū sci-  
 entia, qua imbui regum filios uoluere, quoniā ad ma-  
 gna fortuna cultum ingenia excitaret. Qui mos Per-  
 sarum regum frequens fuit, ut magicis artibus imbue-  
 rētur. Spartana uero uirgines nondū adultæ, in disco-  
 rum iactu, cursibus & palæstra exercētur omnes nu-  
 dæ, quod studium à Laconibus, qui summi palæstritæ  
 fuerunt, excolebatur in primis: id quod Plato non im-  
 probauit, censuitque ut non modò puella, sed & anus  
 luctarentur cum uiris, ut patientes laborum, facile res  
 arduas subirent: quorum studio in posterum adeò af-  
 fecti sunt, ut gymnasia & palæstras, quibus tota Græ-  
 cia dedita erat, ita occupasse animos tradāt, ut pro for-  
 tibus militibus se bonos palæstritas & athletas dici  
 potius exoptarint. Apud Pythagoreos, discipuli licet  
 disciplinis imbuantur bonis, illis tamen annis quinque  
 obstinato silentio tacendum erat: quippe primum ru-  
 dimentū erat tacere & meditari. Cretensium pueros  
 cogebāt magistri in primis leges, mox deorū hymnos,  
 atque egregia ducum facta modulatis uocibus man-  
 dare memoriæ. Apud Siginnos, qui Persicè uiuūt, qua-  
 drigas agitare, erat puellare studium. Nondum enim  
 adulta uirgo, quadrigas flectere & circumagere ma-  
 gna facilitate callebat: quibus hoc erat privilegio da-  
 tum, ut quem uellēt ex inuentute in uirum deligere, li-  
 ceret. Tanta porrò Romana uerecūdiæ obseruatio &  
 morum exempla fuere, ut nec pater cum filio pubere,  
 nec socer cum genero lauaret: nudosq; conspiciere pa-  
 rentes, ducerent nefas. Hoc tamen ad memoriā insigne  
 est, quod quanuis pueri tam castigatæ disciplinæ foret,  
 ut omnis esset uita plena grauitatis: calculum tamen  
 ediscere,



ediscere, & computationibus dare operam, in usu fuit Romæ non improbando, tanquam inde redundaret ingenij ratio exactissima. In quo id fuit animaduersum, solos Thraces ad quatuor usque numerare didicisse, Græcos & barbaros ad decem. Albani uero ultra centum computare non nouerunt. Mirumq; prodi, Meletidem adedò uerorem fuisse, ut uix toto ingenij captu ad quinque numerare disceret. Veteres uero Romanorū ultra centū millia numerare nesciuisse, multi asseuerant. Tum saltationis genera & motus Ionicos Romanam iuuentutem ediscere, quandoq; in usu fuisse. siquidem Iones psallendi normam & molles saltus primi inuenisse traduntur. Itaque ingenuos pueros, etiam Senatorum filios schola egressos, ad ludum saltatorium frequentes commeare, & cum crotalis neruorumque & tybiarum cantibus ad numerum certo motu psallere, antiquæ disciplinæ fuit. Quod apud Græcos, Persas, atque Indos dignum laude & exquisitæ artis fuisse, Homero teste probatur, qui inter cætera ludicra liberalia saltationem ponit. Quippe saltare habent Persæ, & equitare præcipuum. Lacædæmonij quoque saltationem tanquam ad bella utilem, ut gressu composito incederent, inter quotidianas disciplinas habuere: & ut concinna fieret motio in congregiendis hostibus, pueri nudi saltare didicerunt. Quare Epaminundas & saltasse & cantasse dicitur probè, quas etiam per genera & modos distinxere: ut podismus, & siphismus modus, comus & tetracomus in hostium congressu fierent. Ascoliasmus uero Baccho dicatus erat, ubi in theatro super utres obunctos uno pede saltant: Colabrisimus,

Phalicus, Bactriasmus, Strobilus, Apocinus, & Apofisis, aliaque saltationum genera, diuerso quaque gestu & modo, erant in quotidiano magis usu frequentia. Ea tamen saltatio non ubique & passim, sed in tempestiuo conuiuio deliciarum causa si quando prestabatur, laudifuit. Quippe cantus & saltatio, Homero teste, conuiuij appendices sunt, modesta tamen, non impudens, qualis fuit Hippoclidis, qui apud Clisthenem futurum socerum, dum intempestiue saltat & gesticulatur, illum desaltasse matrimonium Clisthenes dixit. Appius quoque Claudius uir triumphalis, & Gabinus, M. Caelius & Licinius Crassus optime saltare gloriae duxerunt: sicut fidibus sonare. Discebant enim fidibus antiqui apud magistros & artifices: nam Decius Sylla optime cantasse dicitur, & Cato Censorius simpliciter catere, non seruile duxit opus. In tantumque honoris culmen apud ueteres musica processit, ut illam sacris & publicis ceremonijs adhiberent, cum in deorum puluinaribus & epulis magistratum fides praecineret. Et apud Graecos iidem musici uates & sapientes erant: apud quos post cenam circumferebatur lyra, quam cum recusasset Themistocles, est indoctior habitus, Cimonque & Epaminondas, quod fidibus scirent, antelati fuere. Canebant enim ueteres ad tibiam clarorum uirorum laudes et uirtutes, tametsi principibus hoc fuerit probro datum. Quare uerbum Philippi fertur in Alexandrum, debere ipsum pudere, quod tam pulchre caneret. Et Pyrrhus, an Caphias uel Python melior musicus uideretur, interrogatus, Polyperconta meliorem ducere respondisse fertur. Scipio tamen Aemilianus Romana iuuentuti, quod in ludum histriionum ingenui pueri

pueri uenirent, & cum sambuco & psalterio canerēt  
 & psallerent: & Cicero Gabinio consulari studiū sal-  
 tandi, ut probrum obiecit. Domitianus quoque in  
 censura ciuem Romanum Senatu mouit, quod choreis  
 plus nimio indulgeret. Id quod Aegyptijs seuera fuit  
 lege inhibitu, apud quos pueri nec palaestra uacant,  
 nec musica. Quod de Alcibiade proditū, qui musicā  
 tanquā ingenuo indignā, odio prosequutus fuit. Con-  
 trā Pythagoræ: nam tanti musicam fecere, ut excita-  
 rentur ad lyram, & quietem capturi sono inuitaren-  
 tur. Inter puerilia uero rudimenta, hastilia iacere, su-  
 dem torquere, equū agitare, arma tractare, Romana  
 iuuetutis peculiare fuit. Cur autem citius fœminis, se-  
 rius uero masculis inderent nomina, credo propterea  
 uisum, quia fœminas cito pubertatem assequi comper-  
 tum est. Ideo ueteri lege cauetur, ut mulieres duodeci-  
 mo, mares uero quartodecimo anno ætatis, pubertatē  
 assequi censerentur. Eo enim tempore iura publica mas-  
 culis pubertatem definire.

An inter auguria sternutamenta sint & offensiones pedum,  
 & quæ illorum prædictio fuerit. Caput XXVI.

ESSE inter auguria sternutamenta & offensiones  
 pedum, in naturali historia Plinius notauit, quæ sym-  
 bola dicta sunt. Plerique contrā: nam sternutamenta  
 non facere auspiciū censent: sed quum captatis au-  
 gurijs superueniūt, illa rata facere, siue boni prænni-  
 cia sint, siue mali. Qualiaque prædicta, præuisa q; fue-  
 rant, affirmare & probare sermonis ueritatem, puta-  
 uerunt, Homeri exemplo, qui Penelope malum procis  
 futurum ab Ulysse referēte, Telemachum facit sternu-  
 tasse. Et Xenophonte ad milites concionante, sub idem

tempus sternutās quidam, omen fecit felicissimum, ita ut totius dux militia crearetur. Themistocle uerò ad aras sacrificante, à dextera sternutans homo, auguriū fecit, quo præcipui captiui immolarētur. Hippia quoque dum sternutat excussus dens, magnum augurium fecit calamitatis futura. Inde apud ueteres incussa fuit religio, in sternutamenti bonum omen & salutem precari, quod Tyberii Casarem mirifice exegisse dicunt, ut si quid infandi dirique immineat, ea precatione & salute auertatur. Aristoteles autem, quòd è capite hominis tanquam ex arce ducūt originem, quæ pars diuina & sanctior homini est, propterea proceduntem inde spiritum, tanquā signum augurale & diuinum numen, nos uenerari decere censuit. Ea quidem apud eos qui ista peruestigare adorti sunt, mira observationis fuisse: nam si essent matutina, nefanda ominari, & rei inceptandæ irritos conatus facere: si uero meridiana, firmissimi auspiciū esse, præcipue à dextris arbitrati sunt. Sape tamen symbolū ueritatis, & prognosticum liberationis facere ab insidiarum metu, uoluere. Fuitq; animaduersum, inter epulas medio accubitu, sternutamento reuocari ferculum: si non postea gustetur aliquid, inter dira, et certissimo exitio haberi. Sed tametsi de sternutamento uariata opinio sit, offensiones tamen pedum infausti semper ominis fuisse, ac portenti & prodigij mali, uulgo proditum est. C. Gracchus qua die ciuili seditione oppressus fuit, domo egrediens, ita pede limen offendit, ut non parua uis sanguinis efflueret. Neroni quoque in expeditionem Alexandriam profecturo, lacinia surgenti adhæsit. Crassi etiā filius contra Parthos proditurus in aciem, ita pedem  
offen-



offendit, ut humi prostratus concideret: quos omnes uehementi discrimine & immani strage oppressos, atque indignissimam fortunam expertos satis constat. Patentque abunde exempla, quæ singula exequi longum esset. Illud tamen annotare succurrit, adeo Romanos olim in magnis minimisque rebus auspiciorum euentus, atque omina obseruare solitos, ut ab inceptandis prosequendisque negocijs leui suspitione auguriorum, uelut tristitia portenderent, & magna infortunia facerent, auocarentur. Nec modò auspicia, sed sacrificia, ludosque solennes ita obseruariūt, ut ob minimas sæpe causas illos instaurarent & reficerent. Sacrorum uero ceremonias tam sanctè coluerunt, ut ex leui offensione idem sacrificium trigesies instauratum, & de nouo ac sæpius procuratum fuerit,

Quæ potestas proconsulis foret, quæ erant proconsules, & an idem iuris quod consules haberent. Cap. XXVII.

QVOTIES instantibus curis mihi animus laxatus fuit, sæpenumero quæsiui quæ potestas proconsulum foret, illorum quibus finito consulatu, prorogatum esset imperium. Et dum quæro, ab autoribus traditum memoratumque inueni, quòd ubi finito magistratu annuo, non expediret consulem prouincia decedere, illi, ne sine honore esset, imperium sæpe prorogari, ut eam prouinciã proconsul, non ut consul administraret. Continuabat prorogabatque illi Senatus imperium, nonnunquam populus sine Senatu, ex autoritate tribunorum plebis. Nam si in decernenda prouincia Senatus auersaretur, tribunus ad populum ferebat, plebsque sciebat, & ex scitu plebis & suffragatione populi proconsulatum

decernebat: idque quod à populo scitum erat, ratū firmumque manebat. His ergo à populo uel senatu prorogabatur saepe imperiū ad sex menses: modò ad annum, aut donec debellati hostes, uel reuocati à senatu foret, prout ex republica esse uidebatur. Publius enim Philo consul narratur primus, cui prorogatum imperium fuisset, & ex eo proconsulare officium cepit promunere dari. Scipioni deinde Africano in Africā profecto, ne finito consulatu, incōmodo reip. provincia decederet, imperium consulare, donec debellatū esset, prorogatum fuit. Nonnunquam stantibus consulibus, si qui in provincia tumultus, aut motus oriretur, pluresque provincia oporteret praeesse: nouos proconsules senatus, nunc iisdem, nunc alijs decretis provincijs creauit, ipsisque plerunque legiones & exercitus commisit & mandauit: poteratque non modo consuli, sed pratori proconsulare munus dari: sicut exemplis pluribus extat. Sempronio enim Graccho, & Quinto Fabio Maximo consulibus, quum Hannibal Italiā omnī clade belli peruastasset, Cl. Marcellus ex pratore proconsul designatus, uires Hannibalis multis praelijs ita fregit & cōminuit, ut facile uinci posse documentū daret. Quin & illud animaduersum est, easdem legiones atque exercitus, quibus antea cōsules praefuissent, ipsis proconsulibus prorogato imperio demandari, uel nouos comparari contra repentinos motus, quibus hostibus obuiā ire & magnis opibus rem gerere possent. Habebatque proconsul proconsulatus insignia eadem, quae & consulatus. Nam & lictores, fasces, secures, praetextā, curulemque sellam in provincia sibi decreta uelut cōsul retinebat, quibus insignijs pro imperij maiestate,

iestate, proq; splendore dignitatis conspicuus erat: nisi eam adiret provinciã, in qua consul præsens foret, aut è provincia decedens, Romam aduentaret. Tunc enim finito honore, sine imperio aut insignis erat. proconsuli enim portam Romæ ingresso, minuebatur honor, priuatusque & sine imperio censebatur. Neque enim proconsulem habere imperiũ, ubi unã esset cõsul, consentaneum erat, nisi par illi imperium delegatum fuisset. Tunc enim & consularia ornamenta, & potestas utrique erat par. Hoc tamẽ intererat, quòd procõsules aut propratores auspicia non habebant: quippe inauspicati erant. quum consules prætoreque auspicia haberent maxima. Si tamen consul in provinciam ueniret, in qua proconsul degeret: ipse sine lictoribus & fascibus consuli obuiam ire, & uelut priuatus equo descendere, & obsequiũ præbere debebat. Quòd uero æquatum imperium proconsuli unã cum cõsule fuerit, pluribus patet exemplis. Nam & cum T. Claudio consule, qui Aphricam provinciã sortitus erat P. Cornelij Scipionis, qui illam procõsul administrabat, æquatum imperium fuit. Et quum urbs ab Hannibale admotis hostiliter legionibus premeretur, metusque de summa rerum esset, Q. Fuluium proconsulẽ Capua profectũ, ne ei minueretur imperium, quòd urbem inisset, exæquato cum cõsulibus imperio, urbi præfuisse legimus. In urbem tamen reuersus procõsul, poterat absentibus consulibus eorum uices gerere, urbi præesse, Senatum habere, comitia futuris consulibus indicare: & si in provincia sibi decreta quid triumpho dignũ gesserat, etiam de uictis hostibus triũphare. P. Philo proconsul, & cui prorogatum imperiũ saepe fuit, Græcis in Cam-

pania debellatis, qui rupto imperio descuerant, de Palæopolitanis simul & Græcis triumphū egit. Et Seruius proconsul de Cilicibus & Isauris, quod indomita ingenia debellasset, triumphasse fertur: tametsi proconsulem non gerere magistratum legitimum, & ideo triumphare minimè posse, plerique asseuerent. Fuit tamen animaduersum, proconsulem sine prouincia nonnunquam, ut milites in officio haberet & obsequentes imperio, à Senatu creatum, exercitui præfuisse. Qui etiam legatum & quæstorem, quorum cōsilio niti, quibusq; adiutoribus & ministris tam in administranda prouincia, quàm gerendo bello uti posset, sicut consul habebat. Illud etiam non præterierim, proconsuli sex tantummodo fascium insignia præire, apud nonnullos scriptis mandatū fuisse, licet alij duodecim fascēs, lictoresq;ue, & eadem insignia honorum proconsuli sicut consuli apparere argumentis asseuerēt. Quæ quidem insignia statim atq; urbem ingressus est, proconsul accipit: contentiosam uero iurisdictionem, nisi in decreta prouincia non exercet: uolūtariam autem, ubique: quippe manumitti apud eos tam liberi quàm serui ubique possunt: apud legatum uero proconsulis, non possunt. Hoc tamen interest, quod proconsul in decreta statutaq;ue sibi prouincia ius tantum dicit: consul uero, etiam extra prouinciam & ubiq; dicit: quodque ante successoris aduentum, legatum dimittere non decebat proconsulem. Id enim lege Iulia repetundarū uetabatur. Fuitq;ue memoria proditum, nō consulibus modo prorogato imperio ultra tempus finiti honoris, proconsularem iurisdictionem fuisse: sed & consulem designatum, ante consulatum proconsulare imperium gessisse.



gessisse. Siquidem Nero Caesar & alij designati consules ante initum honorem saepe proconsulare imperium gessere. Et praetores pratura functi, & quaestores post quaesturam munus ex Senatus decreto prouinciæ præferre ultra præscriptum: qui nõ praetores, aut quaestores, sed proprætores proquaestoresque dicti nominatique sunt. Eundemque proprætorem & consulis legatum fuisse simul: quaestoremque consulis, pro prætore prouinciæ præfuisse, ibique insignia prætoria, aut quaestoria habuisse, multiplici exemplo probatum est. Illud quoque admonitu non inutile duxerim, quasdam prouincias proconsulares fuisse, ad quas soli mittebantur proconsules: quasdam consulares, nonnullas præsidiales, plerasque prætoria, quibus consules, præsides, prætoresque præfecti erant. Nam Carthago proconsularis erat prouincia: Numidia, Libya, & Asia citra Taurum, & Cyrenæ, consulares. Tripolis, & utraque Mauritania, atque Aegyptus, sub præsidibus fuere: Cyprus, Iberia, Sardinia, Sicilia, Illyricus, Achaia, Creta, & Bithynia, prætoria. Sardiniam & Corsicam olim prætoria, postea sub præsidibus fuisse comperimus. Soli uero Massilienses & Nemausenses ab onere prouincialis prætoriae feruntur immunes. Cumque omnis Hispania in sex prouincias diuidatur, ex his Batia & Lusitania consulares fuerunt, reliquæ sub præsidibus. Ea uero in quatuor conuentus diuisa fuit, in quibus dabantur iura: Gaditanum, Cordubensem, Aëtisatanum, & Hispalensem: Lusitania uero in Emericensem, Pacensem, & Scalobitanum. Norici & Pannonij in quatuor prouincias, Valeriam, Suauiam, Dalmaticam, & Mesiam.

Cappadocia in decem praturas, postea in satrapeas diuisa fuit: Armenia magna pars in duodecim gubernationes: Chatramotita qui iuxta sinū Arabicū incolūt, in quatuor monades: Paphlagonia in tetrarchias: Mysia in administrationes: Aegyptus in praefecturas & regiones: Syria in toparchias: Thracia in stratageas: Troas in nouem principatus: Indi in sex quinterniones, singulas praefecturas diuisere. Nonnulli in satrapeas, sicut Laodiceam. Alij in ethnarchias, multi in tribus, pleriq; in classes aut centurias partiti fuere. Gallia, Aquitania, & Britannia, prouinciæ decē & octo numerantur, ad quas praesides mittebantur, quas Cæsar in prouinciæ formam redegit primus. Macedonia septem prouincias habuit, totidem Illyricus, Thracia sex. Augustus Galliam & Aegyptum, Claudius Cappadociam, Cæsar Archelao uita functo, maiorem Cappadociam Romanorum prouincias fecit. Proditur tamen Ciaxares primus Asiae populos in prouinciis distribuisse, & in suum quenq; ordinem distinxisse, hastatos, sagittarios, & equites. Nero Cæsar Pontum Polemoniā & alpes Coëtiās, Polemone rege uita functo, prouincias fecit: & nationes alpiū maritimas in ius Latij transtulit. Fertur uero de Cappadocia mirum, quod cum liberi essent, libertatem à Romanis deprecati sunt: asserentes illam se ferre non posse, & sub regibus esse maluere. Vespasianus Achaiam, Lyciam, Thraciam, Ciliciam, Comagenem, Rhodum, Byzantium, & Samum libertate adempta, prouincias fecit: Traianus Daciam, Mesopotamiam, Assyriam, Arabiam, & Armeniam. Fuitque hæc dignitas apud Romanos in usu frequens, maximique splendoris: donec temporis

temporis intervallo, post Hadrianum imperatorem, et ordo et honor procōsularis desiere. Siquidem M. Antoninus imperator, puincias ex procōsularibus, consulares aut pratorias pro belli necessitate fecit: ipse uerò Augustus, pacatas imperij puincias et ab hostili tumultu ociosas, populo Romano regendas dedit, sibiq; tumultuantes et operosas, aut hostium incursionibus inquietas desumpsit: ad quas modò proconsules, praefides aut praefectos cum imperio, modò praesidia et exercitus, nonnunquam legiones et auxilia destinavit. Tyberius quoq; Achaiam et Macedoniam onera deprecātes, proconsulari imperio exemit, sibiq; illas regendas asciuit.

Licere uti accusatio casu nonnunquam in uerbis localibus, contra regulas grammaticorum. Caput XXVIII.

ADHIBITVS sum in concilium, magis quàm in concilio: et in causam descendi potius, quàm in causa dici cùm frequentius tum ornatius sapenumerò uidemus: fuitq; hic sermo ueteribus non frequens modò, sed concinnus et elegans. Titus Liuius de Macedonico bello: Si ex quo traiecimus in Graciam, adhibitus essem in concilium. Idem: Si semel, inquit, in causam descenderit, nihil integrum futurū sit. Et alibi: In euentum eius urbis positum, sperni ab uniuersa gente Thessalorum, aut timeri. Et rursus: In qua consilium dedi. Et de Macedonico octauo: In adem Herculis signum ipsius dei positum, et seiuges equi. Quem dicendi modum habuisse proprium et perpetuū ausim contendere. Quinetiam illud animaduertimus, uerbis localibus per accusandi casum, eundem frequēter usum: contraq; grammaticas regulas nouo exemplo multa

*usurpasse, ubi minime cōuenire putaretur, quæ oratio à regula latinitatis procul abesse uisa est: sed tamen recte & probabiliter dici, in eaque magnū fuisse orationis ornatum, cuius patere potest. quippe de Macedonico bello: Lucius Cornelius consul, inquit, relicto ad exercitum Claudio legato, Romam uenit. Idem: Quæ pro Chalcidensibus ad Euripi fretum dicta erāt. Caesar commentario quinto: Allobroges, inquit, crebrò ad Rhodanū dispositis præsiðijs. Cicero ad Catonem: Cum ad Cibistra quinque dies essem commoratus: & pleraque quæ frequenti lectione obuia sunt, ex quibus satis exemplorum colligi potest: cum in exercitu, in castris, in Cibistris, grammatici omnes dicendum consentirent. Quod tamen non ineleganter dici sæpenumero uidemus. Nam præter euphoniæ sonū, qui aptior conuenientiorque fuit, cum præpositionem ad accusandi casum adiicimus, eius eam uim uirtutemque animaduertimus, ut prope locum rem agi, certissima obseruatione designet, ut proximis modo autoritatibus ostensum est. Quod enim Caesar ad Rhodanū disposita præsidia habuit, aut Cicero ad Cibistra fuit commoratus, uel quod T. Liuius ad exercitum dicit legatum reliquisse: id signat, iuxta Rhodanum, exercitum, uel Cibistra: uel per solæcismi modum dici grammatici uolunt, & in primis Diomedes, ut è calo descendere in terris. Aut quandā magis intentionem, ac uim, & penitus atque alte fuisse penetratum in rem, de qua agimus, exprimere contendimus, & tunc in præpositio, accusatio apposita, expressius id significauit, ut superiore exordio & primis probatorum autoritatibus percensuimus. Huius rei admonuit me liber obseruationum*



tionum grammatici cuiuspiã, quæ in manus meas uenire, in quibus ita scriptum legimus : In marmore incisæ sunt literæ, in gemma, in lapide, in ligno : non in marmor, gemmam, lapidem, uel lignum : contra uerò, in æs incisas literas dicimus, non in ære : cum longe secus contra istius grammatici opinionem, crebrò apud autores usurpatum inueniamus. Nam in lapide uel ligno, aut lapidem uel lignum, & in ære uel in æs incisas literas passim dici licere, plussculis exemplis apparet : maioremque uim per accusandi casum exprimi, & penitus atque alte fuisse penetratum, demonstrari. Plinius iunior ad Traianum : Quæ, uos, inquit, patres conscripti, ne qua interciperet obliuio, et in publica a-  
cta mittenda, & incidenda in ære censuistis. Plinius item naturalis historia quarto & trigesimo : Vsus, inquit, æris ad perpetuitatem monumentorum iam pridem trās-latus est tabulis æneis, in quibus publicæ constitutiones inciduntur. Cicero quoque actione sexta in Verrem : id non modò tuuc scripserunt, inquit, uerum etiam in ære incisum nobis reliquerunt. Ex quibus apparet, per accusandi & auferendi casum, in marmor & in æs, ac in marmore et ære incisas esse literas, latine dici licere : sed quò accusandi casum ponimus, uideri expressius atque altius rem fixam designari : quò uerò ablatino utimur, leuiter & in superficie, & non penetrari funditus, significari.

Equestris ordo quando primum ceptus fuit, quai; ipsius ordinis potestas & officium atque insignia fuerint.

Caput XXIX.

RECTE & condignè quidam æstimauerunt, quò duo ordines, plebis scilicet & Senatorius, Romæ à

principio editi fuissent: equestrem ordinem, qui mediū teneret locum, postea adijci cœptum esse: quibus purpura, ut patritijs & Senatorijs, uti non licebat: ius tamen annulorum aureorum, quo insigni à plebe secernebantur, & medius ordo notabatur, publicè tributū ferunt. Quod quidem ius non equitibus modò, tanquā bellicæ uirtutis insigne, sed & Senatoribus & militiæ primoribus datum fuit. Is tamen ordo etsi Senatorio minor, magnæ tamen amplitudinis uigorisq; habitus est: quippe erat auctus amplissimis honoribus, & Senatorio penè par. Nam cum à principio originum, eiectò Tarquinio & depulso metu regio, in libertatem se urbs uendicasset, Brutus primus ex equestri ordine Senatū suppleuit, trecentosq; delegit Senatores, quorū cōsilio & autoritate niterentur. Lapsis deinde temporibus, C. Gracchus Tyberij frater, & haud multo post Liuius Drusus tribunus pleb. huberiori compendio eum aliquando ordinem cum Senatorio confundere decreuerunt: utq; plus dignitatis ferret, ut in Senatum uenire, & sententiam dicere liceret, lege sacrata, deinde plebiscito sanxerunt. Quibus etiam equitibus tributum est, ut tametsi à censoribus in Senatum allekti non essent, pro eo tamen quòd magistratus & honores gesserant, in Senatum uenire, & suffragari, ac sententiæ ius habere possent, qui sunt pedarij appellati. Quinetiam equites supra Senatores extulerunt, & uelut longe principes plerunque antelati sunt. Nèue iudicia quæ penes Senatores erāt, illius tantum ordinis forent, idem M. Liuius, ut æqua parte penes Senatum & equestrem ordinem diuiderentur, legem promulgasse fertur: quæ diu sancta & incor-

incorrupta mansit: quæ res magnarum sæpe dissensionũ & dimicationis pernicioſa causa & ſeminarium fuit. Ipſa긑ue decuriæ iudicum, quæ ex ordine equeſtri deligebatur, mox pluribus diſcreta nominibus fuere. Quippe alij tribuni aris, alij ſelecti, nonnulli appellati ſunt iudices: quibus poſtea non gẽti additi, ab omnibus ſecreti: quibus ſcita ſuffragiorũ in comitijs cuſtodire negocium erat: qui tametſi iudicum, non equitum nomina ferrent, tamen equeſtris fuiſſe ordinis, & inter equites adnumerari, haud dubium eſt. Nanque & annulo ut equites utebantur, & eadem habebãt honoris inſignia, iſdem긑ue fungebantur muneribus: ad quos aliquem ex nouis ciuibus, & cui haud multo tempore ciuitas data eſſet, admitti non decebat, quia neſas duxere ciuem nouitium inter equites adnumerari. Tametſi Hannibalis tempore, quo Italiam omni clade belli peruaſtabat, ius annulorũ aureorum fuiſſe promiſcui uſus Plinius aſſeueret. Hic etiam ordo quãdoque diuiſus in plures ſpecies fuit, nominibus uarijs: ex quibus qui ampliori prærogatiua illuſtres erãt, petra cognomentum tulere: plerique Fabiani, alij긑ue alio nomine cenſi. Denique Nero Caſar ordinem Au-guſtanorũ equitum inſtituit primus, reliquis per eum ordinibus offenſis, & ſerẽ deſtitutis. quo긑ue plus dignitatis ferrent, ſeruatum eſt, ut multæ prouinciæ per ſolos equites Romanos præſidum loco regerẽtur. Nam & Cappadociæ, & Aegypto, & alijs pluribus diu equites Romani præſuere. Inter quas Aegyptus hoc proprium tulit & peculiare, ut ad eam nemo ſenatorij, ſed equeſtris tantum ordinis præſes accederet: quorum decreta diuus Auguſtus perinde haberi iuſſit, ac

*si Roma magistratus, aut reges, consules, pratorésue illa censuissent. Cumque imperatores ius populo dicerent, fuit constitutum, ut equites cum senatoribus unà dijudicandis causis consilio adessent: ita ut eorum arbitratu intra & controuersias diffinirent: tantique splendoris fuere, ut præfecturam prætorij amplissimum munus cõtinua serie ad Titum usque ab ordine equestri administratam legamus: quinetiam res Cæsarum & negocia procurare, iam diu equestris nobilitas cenfebatur. Et quum defluxis moribus, equites Romani magno abusu pantomimis aggregarentur, illorumque latera cingerent: Tiberius Cæsar equestrem splendorem illorum contagio pollui arbitratus, ne equites Romani prodeuntes eorum latera tegerent, edicto uetuit. Tametsi legamus Augusti tempore equites Romanos ad scenicas operas produisse: & Neronem equites, ut operas arene promitteret, præmijs donisque adegisse. Contrà uero Caligula: nam equestrem ordinem, ut scenæ deuotum, assidue proscidit & conuicijs affecit. Cæpitque mox in senatusconsultis post populum Romanum equester ordo adijci, ita ut senatus populusque Romanus & equester ordo, publica decreta edictaque testarentur. Eoque dignationis ordo processit, ut Mecænas equestri gradu uelut amplissima fastigio contentus, ad senatorium transire non curarit: cui postea sequuti Cæsares, laticlauum, distinctum tamen à senatorio, uelut honoris ornamentum tradidere. Cautumque fuit, ne quis huic ordini ascisceretur, nèue ius annulorum aureorum daretur, nisi ipse ingenuus, pater & auus ingenui forent, cuique sestertia quadringenta, quod peculium equestre habitum est (census fuisse,*



set: quod etiam Tiberij edicto cauebatur. Fuere qui crederent, auri ornamenta fœminis medium quandoque ordinem fecisse, stolasque à plebeys diuississe, ut sicut annulus equitibus, ita auri cultus fœminis mediū ordinem designaret. Apud Romanos uero flos ordinis equestris Fabius Rutilianus inter ornatissimos fuisse proditur, qui magister equitum cum Papyrio Cursore aduersus Samnites militauit. Quo tempore, perpetuo senatusconsulto cautum fuit, ne, cui pater auus aut maritus eques Romanus fuisset, quæstum sui corporis faceret, aut indignis artibus se pollueret. Et tametsi publicani antea huic ordini asciti essent ( siquidem principes equestris ordinis olim publicani fuere: flosque equitum Romanorum, publicanorum ordine continebatur) postea deprauatis moribus, paulatim mancipēs & scribæ pro concione ab imperatoribus, uelut præcipuo munere, aureis annulis donari cœpere. Deinde libertinos hoc iure donari, & ordini aduocari cœptum. Fuere enim mancipēs, qui prærogatiuam inter publicanos habebant. Qui uero uestigalia redimebant, publicani dicti. Demum uilissima mancipia, seruitute exempta, in hunc ordinem asciscere, & equestri dignitate ac pratorijs ornamentis honestare, usus inualuit. In qua re seruatum est, ut sublatis explosisque ueteribus nominibus, quos ad equestrem splendorem aduocabant, ingenuorum ueterumque Romanorum nominibus nuncuparent, ne quid nota nominis obsoleti, collato honori officeret. Apud Chalcidenses uero tâta ratio peculij habita est, ut qui essent locupletes, equitum nomina ferrent. Creteneses quoque equitum ordinem, & uetustate & dignitate lōge

præcipuū, in magno precio habuere. Achæis equester  
 honor, uelut præcipuo semper munere præcelluit, sicut  
 Germanis qui Bataui dicuntur. Et Capuæ equitibus  
 plerunque est honos habitus, quibus ciuitas data est,  
 quod bello Latino à Romanis non desciiuissent. Maxi-  
 ma uero celebritatis apud Gaditanos hic ordo fuisse  
 traditur. Siquidem uno censu quadringenti Gaditani  
 bello egregij, huius ordinis censi traduntur: qui etiam  
 numerus in equestri dignitate Patauū fuisse proditus  
 est. Illud tamen præcipiendum non negauerim, non  
 cuiuscūque militi annulos aureos passim deferre licuis-  
 se: quia nisi ex primoribus militum, aut re magna &  
 æstimatione forent, aut præfectus, centurio, decurio  
 aut tribunus, exercitui præessent: uel à principe aut  
 prætore aureo annulo donati fuissent, illis impune uti  
 non licebat. Ferreo enim militibus passim uti permi-  
 titur. Quem morem Persæ usurparunt, quibus neque  
 aurum zonæmue, aut monile, neque annulum nisi re-  
 gis munere collatum, deferre licet. Post temporum uero  
 interualla non modo annuli aurei, sed diuersi generis  
 munera uelut ampla precia, militibus dari cœpere.  
 Quippe Aurelianus imperator gregarijs militibus, ut  
 per omne tempus militiæ fibulas haberent aureas, pri-  
 uilegium dedit. Seuerus ultra aureos annulos, etiam  
 domesticas cōcubinas largitus fuit, quibus delinimen-  
 tis militum animos emolliuit, & eneruauit. Apud Ma-  
 cedones chlamys & apex aureus munera regia fue-  
 re. Sertorius pictas chlamydes militi dona imparti-  
 uit: Alexander Macedo usum Persicæ stolæ. Vetusto  
 tamen more in Romanis legionibus solis tribunis au-  
 reas fibulas habere: gregario uerò, aut manipulari,  
 balteos

balteos aut phaleras argento decoras ferre permittitur. Ferturq; Iulius Caesar milites tam cultos habuisse, ut etiam auro & argēto politis armis ornaret. Tametsi Brutus in Philippis, tribunis fibulas aureas ut probum obiecit. Non sic Spartacus, qui dum contra Romanos molitur arma, omnem auri argētiq; usum militi interdixit. Præ cæteris Fabricius cēsor tantæ abstinentiæ, & tam castigatæ disciplinæ fuit, ut summos duces plus quam pateram & salinum ex argento in castris habere, edicto inhibuerit: & Pescennius Niger tantæ severitatis, ut summo omni argento, in uasis ligneis milites uesci iusserit. Contra uero de Antiocho proditū est, qui tam prodigæ luxuriæ exercitum duxit, ut præter frenæ & monilia, phaleras & armillas atque ephippia, galeas & arma, etiā clauos aureos crepidis subiectos, & argentea uasa ad spurcissimos usus, reliquamq; supellectilem ex argento auroq; intertextam, militibus ferre permiserit.

Quid sit charta opisthographa apud inreconsultos, de qua Vlpianus mentionem fecit, & quor chartarum genera fuerint, & quid cisiarius apud eundem Vlpianum.

Caput XXX.

QVIDAM inter causidicos patronus discretissimus, & in literis non postremi nominis, adiuit me, atque alterum cum quo in foro deambulabam, iurisperitum non parvæ æstimationis uirum, natura tristi admodum & recōdita, cuius nomen libens prætereo, ne quem uidear incesse: & petijt ab eo edoceri, quid sibi uellet Vlpianus de bonorum possessione secundum tabulas, ubi inquit chartæ appellationem etiam ad nouam chartam referri, & ad deletitiā: proinde si

in opisthographo quispiam testatus sit, posse hinc peti bonorum possessionem. Quid esset opisthographon, significari sibi postulabat. Cumque ille respondere cunctaretur, & incertus animo fluctuaret, putare se nihilominus dixit, ex interpretis autoritate, opisthographam dici chartam, in qua descriptæ impensæ ad calculos referuntur, una cum tributis & debitis: afferens quandam uerbi deriuationem deridiculam, & alia nugalia: quæ quum sint perspicuæ falsitatis, referre non necesse habeo. Nec multo post, quæstione deposita, quum ad alios sermones diuertisset, quasi tacita confessione uictus, non sine pudore digressus est. Quo digresso, quid ego sentirem de opisthographo, petiit à me ille sermō explanari. Dixi ego satis liquere, uerbi originem è Græco deductam, & quantum assequi poteram, opisthographam dici chartam, quæ utraque facie & diuerso latere scripturæ admouebatur, hoc est, intus & à tergo: quæ plerunque non specie libelli erat, sed uoluminis instar torquebatur: quo more prisca scripta edidisse feruntur, deductum nomen ἀπὸ τοῦ ὀπίσθεν, quod post & retro significat, καὶ ὑπαφί, quod est scriptura. Qui igitur tam à facie quàm à tergo scripta exarabant, in opisthographo scripsisse ferebantur. Plinius iunior: Electorum commentarios centum sexaginta mihi reliquit opisthographos: hoc est etiam à tergo scriptos, unde morbum opisthotonicū dici uolunt illorum, qui cernicem retro flexam habuere: sicut opisthocomæ qui comas retro ferre cōsueuere, qualis Hectoris coma dicitur fuisse. Fuere enim apud ueteres chartarum diuersa genera. Nam & syngrapha, & opisthographa edebatur scripta. Syngrapha enim uno, opisthographa

utro-



utroque exarantur latere. Quod uero testatoris manu scriptum erat, holographum: quod priuatim, chirographum: quod autem quisque sua manu scripsit, autographum. Præter quæ fuit hieratica ex biblo in Aegypto frequens, sacris tantum uoluminibus dicata. Hæ fuere à principio ex cortice platani, fraxini, aceris, populi albæ: item fagi & ulmi, aut (sicut Vlpianus censuit) ex tilia, philyra, & papyro. Liber enim, interior pars est corticis quæ ligno cohæret, in quo ante usum chartarum exarabantur scripta, uel in palmarum folijs, ut Plinius notat. Fuitque antiquissimi moris, publica monumenta plumbeis uoluminibus, priuata autem linteis describi: in quibus nonnunquam publica. In papyro autem perraro publica, frequentius priuata edebantur. Is enim in palustribus Aegypti frequens erat, qui intextus farina glutinabatur. Erant quoque tabellæ cera illitæ, in quibus monumenta literis nonnunquam mandari legimus, aliquando duplices, plerumque triplices, aut quincuplices colore diuersæ. Nam & luteæ erant, uirides, crocæ, purpureæ. In triplicibus epistolas, in quincuplicibus honores & magistratus: in duplicibus, si quid esset arcanum & subticendum, interioresque animi notas magis adnotabant. Philyram uero corticem esse tilia Græci asseuerant, in qua notas uerborum & sensa mandari literis sæpe proditum est. Post quas chartæ hædinæ (quas pergamenas uocant) fuere, Pergami urbe Troadis primum inuenta: ubi quum Attalus & Eumenes imperitarent, nobilem illam omnium sermone celebratâ bibliothecam cõquisitis undique exemplaribus, hædinis chartis confluxisse feruntur. Nam aliâ Ptolemæus Philadelphus,

plus ducentorum milium uoluminum, in Alexandria disposuit: quam M. Antonium Cleopatra largitum fuisse: nonnulli ad primum durasse bellum cum Augusto, asseuerant: quæ mox incendio absumpta fuit. Roma autem Asinius Pollio uatum libris conseruandis bibliothecâ dicauit primus: in qua M. Varronis imaginem adhuc uiuentis, pro cumulo magnæ gloriæ posuisse fertur: sicut Victorino ob doctrinæ magnitudinem, uiuenti statuam populus in foro posuit. Apud Athenas Pisistratus illius exemplo bibliothecam fecit. Meminitque Herodotus, prisca consuetudine, hædinas pelles biblos nuncupasse ueteres, quod aliquando biblorum inopia eiusmodi pelles scripturæ admouerent. Brachmanes literas non ceris, nec libris, sed in sindonibus fullatis coloribus effinxere. Babylonij uero cœtilibus laterculis mores, leges, atque instituta tradidere. Quare Cleantes quod à Zenone audierat, in tegula offe adnotauit. Phœnices animalium figuras literarum loco in scalpebāt lapidibus. Ab his enim profectus Cadmus, literas Græciæ intulit, quæ eadē mansere semper: & cum literis sermo: licet Pelasgica lingua sæpe mutata & abscissa fuerit: Sicut Assyrijs Rhadamanthus, Aegyptijs Mēnon & Anubis, Phrygijs Hercules, Latinis uero Carmēta & Pelasgi, aut ab Corinthio Demarato profecti, uel (ut putant alij) Simonides & Berosus primos characteres ediderat. Quauis Aegyptios per animalium figuras primum sensus mentis effinxisse, & antiquissima monumenta mandasse literis, nonnulli ferant. Alij Assyrios, qui notas literarum docuerint, arbitrantur primos. Nonnulli Ionum characteres à primis originibus editos, omnis

ueta-

uetustatis nuncios fuisse putant: sicut Pherocydem Sy-  
rum proſam orationem inueniſſe. Proditumque memo-  
ria eſt, Aegyptios literas habuiſſe uſitatiffimas, quas  
ſinguli diſcunt: quas uero dicunt ſacras, interiores &  
reconditas, ſoli ſacerdotes norunt à parentibus tradi-  
tas, qui etiam ex omni aeternitate rerũ geſtarum ſenſa  
effinxere: atque Aethiopes perplexo ſcriptura genere  
uſos, ut non ex lateribus digeſtis ordinibus, ( ut mos  
cõmunis habet ) ſed à ſummo ad imum literarum du-  
ctus exararent, quod tepocon Graci appellat: qui cum  
ſeptem characteres habeant, illorum ſinguli quatuor  
recipiunt ſignificatus: atque Aegyptios à dextra in  
ſiniſtram, contra Gracorum morem, ductus diſponere:  
atque Indos abſque uſu literarum, omnis aui res ge-  
ſtas & memoratu dignas, Pythagorico more, memoria  
tenuiſſe: illasque à parentibus traditas per manus po-  
ſteris dediſſe: qui tamẽ haudd multo poſt in ſindonibus  
ſcribere inceptarunt, totasque paginas monumentis  
rerum geſtarum impleuerunt. Fuitque apud Cartha-  
ginienſes uetus conſtitutum, ne quis Gracas literas aut  
idioma ediſceret, cum arcana illorum conſilia & ab-  
ditos ſenſus linguae commercio & per occulta collo-  
quia Dionyſio prodita intelligerent. Romanis quoque  
per ſigna, ac paruas breuesque notas, multarum lite-  
rarum ſenſa colligere per notarios uſus inualuit, adeo  
ut quauis citato ſermone editas in foro orationes per  
notas facile actuarij exciperent, ac ſenſa & uerba  
intelligerent. Quinetiam Romani principes lectores  
apud ſe habebant, quos ἀναγνώστους dixere, cum ipſi oc-  
cupati, lectioni uacare non ualerent: qui etiam uſum  
latini ſermonis nonnullis colonijs pro munere impar-

tiuerunt. Quippe Cumanis à populo Rom. tributum fuit, ut publice latine loqui liceret, utque praconibus latine uendendi, auctiōnandique facultas foret. Rursus quasi sibi explanari qui esset cisiarius, de quo apud Vlpianum & legum peritos frequens mentio sit. Dixi ego cisiarium dici, qui uehiculum duceret, & quasi aurigaret. Cisium enim uehiculari genus esse, aperte liquet. Cicero in Antonium secūda Philippica: Inde cisio celeriter ad urbem uenit, capite inuoluto. Etenim uehiculorum curruumque diuersa fuisse genera, non una facie, apud autores legimus. Nam & essedum & petoriturum, cisium, carruca, carpentum, pilentum, arcera, plaustrum, rheda & sarracum, epiredium, quod barbarum est, carri, couinum & arcirma, licet diuersi generis, omnes tamen uehiculorum numero fuere. Petoriturum enim gallicum fuit, rotarum quatuor: pilentum ueneti coloris, quo matronae uectabantur castae, quas postea basternas dixere: couinum Britannorum: esseda Belgarum: thensa deorum ex argento: carruca Germanorum & Gallorum: arcera infirmorum: erat enim plaustrum tectum undique. Eas quidem carrucas etiam in Italia frequētes fuisse comperimus: quippe Nero Caesar, nunquam minus mille carrucis iter fecisse proditur, longo semper agmine impedimentorum incedente. Censuitque iurecōsultus titulo locati, quod si cisiarius, dum praterire contendit ceteros, cisium euerit, & seruum quassauit uel occidit, culpa non liberari, sed in eum ex locato ius dari & agiliticere.

Solet magnos successus ex infima fortuna, & futuras calamitates plerunque signis praemonstrari.

Caput

XXXI.



VT OMNIS antiquitas fabulosa est, his qui in magnis discriminibus positi, admirabiles exitus habuere, aut ex inopi calamitosaque fortuna, regium fastigiū & imperia quassuere, quo res admirabilior uideretur, commenta miraculi non semel affinxit: ut qui ex grauib; periculis postea erepti foret, maiestate & cura numinum, non casu aut fortuna seruati uiderentur. Romulum & Remum ex Rhea Syluia & Marte genitos cum exponi in profluentem Amulius iussisset, à lupa distentis huberibus alitos plerique omnes tradiderunt: quod commentum fabula ab exteris nostri mutuati sunt. Nam Cyro Persarum regi, cuius late imperium ualuit, cum ab Astyage expositus & pulsus infans foret, canem hubera præbentem, illumque à feris defendentem pastor gregis inuenisse traditur: quæ res futuram ipsius magnitudinem haud dubie portendere uisa est. Nec uana prædictio fuit: quippe qui rerum gestarum magnitudine paruo imperij spatio omnes reges antecesserit. Hieronem Syracusanū, quod ex ancilla editus fuerat, in syluis expositum apes congesto in os melle aliquandiu aluere: qui mox omnes asperitates superuadens, tantum ingenio & uirtute ualuit, ut ob multa rei militaris facinora, regnum Syracusis, & omnia ornamenta uirtutum paulo post assequutus sit. Hic est enim ille Hiero, qui præcipua & constanti fide rem Romanam iuuit: unoque tenore amicus populi Romani & fidiſſimus cultor perpetuo mansit. Pari exemplo traditur Semiramis circa Syriae stagnum infans exposita, ab auibus diu alita & educata, magno præſagio futura felicitatis, quæ mox sublata à pastoribus, post uarios casus, regia coniux

fieri, & late imperitare meruit. Mida quoque regi Phrygiæ quum obdormisceret, formica quæ tritici grana in os cõgessere, diuitias & opes immodicas illi futuras euidentissimis ostentis adnotarunt. Habis Tartesiorum rex, magnis difficultatibus infans agitatus, tandem inter feras à cerua alitus, & haud multo post laqueo captus, post subactas gentes & domitas, sæuientes fortuna minas experiri defuit: qui deinde regnum assequutus, documenta egregij principis dedit, summoque iustitiæ temperamento illis gentibus præfuit: quod commentum de Telepho Hercules filio, qui aui iussu in syluis expositus fuerat, ueteres prodidere: sicut Peliam ab equa, Paridem ab ursa, Aegistum à capra, enutritos fabulati sunt. Adeo ex grauibz periculis ereptis, futura signa felicitatis quandoque fuere prænuncia. Rursus Sandrochetto, qui haud multo post Indorum rex fuit, quum Alexandro inuisus infestusque, sæuitiam fugiens per uastas solitudines, curis & insomnijs fatigatus, languente corpore iaceret afflictus, solusque obdormisceret, leo horribilis & pertimescendus sudorem dormienti deterisit lingua: quod ostentum ex omni sæuitia fortuna illum emersurum, & mox imperij præpotentem designauit. Sicut Gordium dum conductis bobus agrum coleret, aues omnis generis circunvolantes, illum ex infima fortuna ad summum honoris culmen processurum ostenderunt. Mitto Lysimachum & alios quos referre multum opera esset, qui sæuientes fortuna minas & miserabiles casus, ac uim fati, potestatemque mira uirtute superarunt. Sed sicut post calamitates magnis præfagijs multi felices euentus sortiti fuere, ita ancipitem fortunam,

nam, & infandas strages ac præsens excidium ueluti magna sortis humanæ documenta, nonnullis præmonstrare fata uoluerunt. Quo tempore Cræsus Lydorum rex à Cyro subactus, regno pulsus fuit, semestris filius in crepudijs articulate loquutus fertur, magno ostento & pernicioso. Xerxe expeditionem in Græciam parante, equa leporem enixa, & mula quæ incertæ naturæ partum edidit, cruenta bella stragesque, & memorandum illud excidium, quæ postea præcipitantibus fatis sequuta sunt, præmonstrarunt. Sagiti quoque, quo tempore Hannibalis excidium passa est, inter magna & assidua monstra, satis constat infantem è matris utero penè editum, in ipsum matris aluum reuertisse. Quod prodigium, quasi diuinationi futuri esset, teterrimum bellum, & fatale excidium, ac imminens fatum, quo ad internecionem funditus euersa est, haud dubie ostendit. Est quoque in exemplis, excisos panes Syllæ temporibus, manantis sanguinis guttas fuisse, canesque & alia id genus animalia rugitu miserabili lugubres uoces dedisse, bellum ciuile & intestinas clades, tantumque cædis, quantum postea effusum est, denotasse. Inter quæ ancilla quæ serpentem enixa est, Marsicum portendisse bellum dicitur. Multa quæ eiusmodi in medium afferri possent, ut taceam Tarquinium, aliosque innumerabiles, ac mille portenta, quibus maxima & cruenta bella, ac inuidentis fortunæ casus, euentusque tristissimi uarijs prodigijs, prædictionibusque præscita fuere. Ita profecto est, ut quæ futura quandoque sunt, multis signis quasi multo antè præuisa, monitu impulsuque dei declarentur. Et quod fatis debetur, siue anceps malum, & aliqua temporis

atrocitas, siue certa spes & indubia salus futura sit, nobis portentis signisque denūciatur: quibus fata imminentiā & tempestates sedulo uitari possunt & cauēri. Sed quod de Gordio legimus, cui aues circumuolantes auspicium fecere, id nimirum Vitellio principi exitio fuit. Nam Viennæ pro tribunali sedenti, supra caput & humeros residens gallinaceus, tantumque fœdarum auium superuolasse, ut tenebras penē afferrent, præsens periculum & futuras calamitates quibus ad internecionem dijs hominibusq; insensus redditus est, non cæca existimatione præmonstrauit.

Par exemplum Tarquinij Superbi & Thrasymbuli Milefiorum tyranni, ac Sexti Tarquinij & Zopyri Assyri.

Caput XXXII.

QVOD de Tarquinio Superbo scriptum legimus aliquando, qui odio inexpiabili dijs hominibusque insensus, regno pulsus fuit, quum Gabios olim opprimere uellet dolis, quia nuncius filij dubiæ fidei uidebatur, ne secreta sui consilij panderet, in hortos quibus deambulabat, illum adduxisse. Et quum nihil responderet, summa papauerum capita baculo decussisse, quo anigmate quid uellet pater, filius intellexit. Idem de Thrasymbulo Milefiorum tyranno non mitioris perfidiæ scriptum accepimus. Quum enim à Periandro Corinthio nuncio consultus foret, quid sibi agendum putaret, ut omni suspitione procul & metu uacuum imperitaret, quasi elinguis foret, nihil aliud retulisse fertur, præter quàm quod nuncium Periandri haud exploratæ fidei uirum, in segetem messi maturam adduxit, summasq; frumenti aristas baculo decussit, nullo uerbo reddito, eodem nuncio anxie prosequente, &  
quid



quid uellet Periandro referri expectante. Quo facto intellexit sagacis uir ingenij, ut si ciuibus dominari & tyrannide potiri cuperet, principes ciuitatis & summa capita rerum, quibuscūque modis posset, è medio tolleret: tacitisque ambagibus sublati potentioribus, illum regno potiturum, depulso metu, affirmauit. Atque hic Periander fuit, qui tyrannos, si diuitibus dominari cuperent, amore potius ciuium & charitate, quàm armis stiparētur, monuit & suasit. Non enim parua dixit munimenta, beneficentiam & studia hominum ad perpetuitatem. Sed in hoc stratagemate, quod de Sexto Tarquinio legitur, cuius fœda uitia, & fœdiores libidines fuere: quòd odio & dissidio patris simulato, ob suorum morum difficultatem, superbūque ac immodicum imperium, fugam fecisset, Gabiosque infestam Tarquinio gētem petiisset, ab illisque exercitui præfectus fuisset, uno atque altero prælio prosperè rem egisset: tūc demum creditam sibi uniuersam rem Gabinam, sublati de medio primoribus patrum haud difficulter nec magno certamine in manus Tarquinij tradidisse: haud absimile factū, sed pari exemplo, eisdemque confectis dolis, rem gestam apud Persas inuenimus. Nāque Assyrij quum à Darío descuiissent, Babyloniamque urbem præualidam occupassent, difficilisque expugnatio foret: in magna rerum difficultate Zopyrus quidam ex optimatibus, homo callidus & ueterator, ex omni barbarie ad omne facinus promptissimus, animo inuerecundo & astu barbarico, truncis auribus & naso, lacero corpore, & facie deformata fœdum in modum, singulare genus fraudis commentus fuit. Quippe simulans se à Darío tam

factæ de casum, quum illo oris dehonestamento cõspicius foret, Assyrios & Babyloniam petijt, asserens sibi nullum nisi apud Darij hostes receptum tutum putasse. Inde ab Assyrijs benignè exceptum, turmis equitum præfectum dicunt fuisse, uno atque altero pralio contra Darium prospererem gessisse, & cum ex composito uictor fuisset, tunc postquam dux totius militia constitutus fuit, uniuersum sibi creditum exercitum, ipsamque Babyloniam ualido præsidio munitam, in Darij manus haud multo negotio dedisse. Pisistratus quoque memoratur callido astu & uastro ingenio, ut Athenarum dominio potiretur, lacero & deformato corpore, pluribus sibi illatis uulneribus & plagis, in forum prodijse, & clamore querulo, magnisque fletibus incensam multitudinẽ aduocasse, ea sibi uulnera ab inimicis illata palam uociferatus: & cum custodes corporis, manus iuuenum audacissimorum accepisset, tyrannidem Athenis magno scelere & perfidia inuasisse. Neque ab simili exemplo Dionysium, qui Syracusas flagitiosius occupauit, pari audacia & astu idem factitasse accepimus. Nanque dolosis cõsilijs se multorum insidijs appeti asseuerans, prope concionantis in modum per infimas obtestationes apud populum, peruiçit, ut sexcentos circa latera armatos sumeret: quo agmine stipatus, graui & superbo dominatu patriam occupauit. Adeo perniciosus exemplis & uesana cupidine mouentur homines, ut quod uirtute nequeunt, callido astu & malo facinore assequantur. Proditur memoria iuuenis inter ceteros non ignaui spiritus, ex optimatibus quos Aristodemus tyrannus extorres fecerat, hoc consilio usus, ut patriam ab

im-

impotenti seruitute liberaret. Nam corpore plagis afflucto, ut fides haberetur, ad Aristodemum uenit: & quos fidiſſimos habebat, exciuit, illosque in saltus inuios & inaccessos ubi dispositæ erāt insidiæ, adduxit: quibus debellatis & tyranno occiso, Cumas seruili iugo liberauit. Sosſis uero Syracusanus, homo uersuti ingenij, nouandi res occasionem nactus, quum similibus dolis sanguine fœdatus & ueste lacera, lamentabili uoce contra Dionem multitudinem exciret, consilio parum celato, postquam dilicuit fraus, tanquam molitor nouarum rerum & uulgi turbator, Athenis iudicium subiit, & intestinae fraudis pœnas luit.

LIBRI II. GENIALIVM  
DIERVM FINIS.

ALEXANDRI AB ALEXANDRO IV  
RISPERITI NEAPOLITANI, GE-  
NIALIVM DIERVM LIBER  
TERTIVS.

Quid dicatur idem apud philosophos, & quid idem à iure-  
consultis, discussum cum Hermolao in conuiuio  
familiari. Caput I.

H ERMOLAVS Barbarus amicus  
meus summus, perquam fuit literis ho-  
mo ornatissimus, bonisque disciplinis  
& ingenuis artibus excultus, ac præ-  
ter ingenij amœnitatem, quæ plurima  
in homine fuit, doctrina quoque curiosa & eleganti.  
Ad eum quotidie, dum Romæ ageret, complures uiri

bene literati, atque in studijs doctrinarum magistri, sapientiaq; doctores facundissimi, exercendi animi causa frequentes uentitabāt. Accipiebatque singulos ille, aut noua lectione auctoris non uulgaris, nonnunquam quaestiunculis ex philosophia minime procacibus & petulantibus, sed placidis & ingeniosis, ac pro aestimatu cuiusque festiua quadam argutia animum laceissentibus: ita ut ipsius cōsuetudine & sermone quotidiano, semper quisq; doctior & lepidior fieret. Forte uero cum festa solenniq; die ad cœnam ab eo inuitati, nonnulli ex nostratibus boni adolescentes studia humanitatis professe, & nos unā transactis negocijs conueniremus, excepit nos ille cœnula admodum lauta et frugi, non prodigis epulis & paratu magno, sed parco, breui, & parabili cibo: & ut tenui cōiectu, ita summa uoluptate comitateque mutuos ipse sermones mistos conuiualibus iocis, in longum protrahebat. Cumq; inter cœnandum, sicut solebat in conuiuiis familiari, iuuenis quispia lata indolis, & haud illiteratus, Thesei res gestas nuper è Plutarcho in latinū uersas, scitè admodum & uenustè lectionaret, quoque pacto in Cretā delatus, Labyrinthi errores & Minotauri monstra superarit, reuersoq; ut Athenienses ob res fortiter gestas, dies festos dedicarint: & alia permulta, ut ingenium facundiaque eius fuit in extollendis uenditandisque Græcorum rebus, plusquam satis est, profusi: Hoc quoque legebat, nauim qua in Cretam Theseus delatus fuerat, ad Demetrii Phalerei tempora Athenis seruata custodiri. Et quia longo auro absumpta materia fuit, lignis antiquioribus detractis, nouisque coaptatis, diu mansisse. Ea que cum eadem Thesei nauis diceretur,



diceretur apud philosophos aliosque physica studiosos: an eadem esset nauis, an uero altera, ancipitem questionem incidisse: Cumque hæc & pleraque ex Plutarcho in hanc sententiam ille legisset: Morosa, inquit Hermolaus, & quæ nihil habeat controuersæ, quaestio hæc inter philosophos agitari cæpta fuit. Cui enim non explicatum est, ubi materia non eadem subest, quæ prius erat, & si loco illius altera suffecta sit, minime eandem rem dici oportere? Constat enim, nauim quæ demptis tabulatis & tignis, ex noua materia coaptata est, non eandem esse. Siquidem cum quid idem esse dico, illud ita demum esse idem putandum est, si nihil ei additum detractumue sit. Nauis ergo quæ ueteri dempta, & noua coaptata materia, facta est, quia non eadem materia nunc est quæ olim fuit, eadem omnino dicenda non est. Cumq; me, qui unâ aderam, quid de istiusmodi re iudicij haberem, potissime interrogaret: respondi meminisse me in complurium iurisconsultorum libris secus lōge atque ipse censeret, scriptum legisse, quos omnes contrà sentire atque isti opinioni aduersari haud dubium fuit. Nanque Alphenus iuris ciuilis & ueterum literarum impensè doctus, haud immerito existimauit, ubi iudicium coram uno pluribusue agitari cæptum fuit, si illis fato perfunctis alij suffecti sint, idem iudicium censi: & populum eundem esse qui nunc est, & qui ab hinc centum annis fuit. Nauim quoq; quæ mutata ueteri materia, noua suffecta est, non aliam, sed eandem decere existimari. Quod si aliter dicimus, utique foret, ut nos qui immutamur quotidie, idem non essemus, qui ab hinc anno fuissimus. Quin etiam, si longius euagari

libet, inueniemus Vlpianū magna uirum autoritate,  
 qui ob excellentem doctrinam, Aurelij Alexandri im-  
 peratoris sacri scriniorum magister fuit, & Pompeium  
 „ pariter iuris scientem & peritum, literis prodidisse: Si  
 „ grex mihi testamento legatus esset, isque adeo immu-  
 „ tatus est, ut ne ouis quidem quæ scripti legati tempore  
 „ fuit, hodie supersit, sed omnis ex sobole postea nata  
 „ suffectus sit: eundem gregem dici, atque ideo legatum  
 „ testamento deberi: quia cum quid loco alterius suffici-  
 „ tur, idem existimari haud dubium est. Atque hoc, in-  
 quam, apud ueteres iurisperitos ita in confesso fuit, ut  
 exploratius nihil esse possit. Quumq; Hermolaus me  
 fuisset intuitus, ueluti fateretur quod afferebam: Esse,  
 inquit, arbitror ut dicis, etsi mihi hæc sententia omnino  
 non probatur, cui prorsus non accedo: & cum ista sit  
 ueterum iurisperitorum opinio, ut modò dixi, aliquid  
 obniti non auderem, si penitus uera foret. Nam quòd  
 asseueras Vlpianum & iurecōsultos sentire, facilis est  
 & expedita distinctio, id quod asserunt censerī in ca-  
 sibus per te modò explicatis: non tamen ut in omni re,  
 omniq; negotio idem statuendum censeam. Nam si  
 altius rem intueri uolumus, profectò referre arbitror,  
 cum quid idem esse dicimus, an illud eiusdem substan-  
 tiæ & formæ, an uero alterius dicamus. Formam uero  
 à substantia abesse non ignoras, quas à uestris iurecon-  
 sultis materiā & speciem appellari audio, quam Ari-  
 stoteles ἰδος nuncupat, Plato ἰδέαν: nonnulli mate-  
 riam, plerique causam & formam. Cum ergo aliquid  
 idem esse dico, hoc apud physicos ita receptū est, quod  
 est uero propius, tūc demum illud idem dici oportere,  
 si eadem materia subest quæ prius fuit, & forma seu  
 species

species immutata non est: idque posse internosci, quod mutatio formæ uel substantiæ diuersam, non eandem rem facit. Nauis ergo quæ tignis detractis ex alia materia coaptata est, & grex noua sobole suffectus, sic populus & alia hoc genus, quia materia seu maior substantia non eadem est, quæ olim fuit: quippe quia illa depta, alia suffecta est: licet forma uel species nauis, gregis, populi, eadem subsit, eandem rem non esse haud dubie efficit: quum diuersa materia uel forma dissimilem rem, non eandem efficiat: alioqui dicendum foret, easdem nunc Athenas esse quæ quondam fuere, eandem Carthaginem, eandem denique Romam, urbes præualidas olim & populos præpotentes, nunc (ut uides) ita incendijs & ruinis deformatas, uastas, & infrequentes, ut illarum uix memoria aut uestigiū extet. Vestri uero iureconsulti rem aliter intuentes, licet materia rei mutata, si altera illius loco suffecta sit, dummodo eadem species maneat, eandem rem dici putant: credo quia nihil officit aut repugnat, quare illud ex constitutione iuris idem censerī non debeat. Etenim si in demortui loco suffectus est iudex, uel si testamento quispiā gregem legauit, seu quid aliud arbitrare, licet quod prius erat, mutatum sit, & aliud illius loco suffectum: quia non propterea mutata testantis uoluntas probatur, ex qua iuris constitutio pendet, eandem rem cēseri proculdubio facit. Vbi enim ratio legis inest, ibi idem esse iudicium, bonum & æquum est. Quod apud physicos, qui rem acutius intuentur, & magis hæc ad uiuum refecant, cum sint rerum scientissimi & artium periti, non ita receptū est. Leges enim quod probabile est, quantumque æquitas & ius suadet, sequuntur:

physici uero, quantum ueritas & ratio necessario conuincit, efficiunt. Ex hoc igitur effici cogique potest id, de quo disceptabatur, nauim quæ mutata ueteri materia, ex altera coaptata est, quia non eadem substantia subest quæ pridem fuit, licet uestri iurisperiti aliter sentiant, tamen secundum physicas rationes eandem non esse, nec censer: quia mutata materia uel substantia, diuersam, ut dixi, non eandem rem facit. Hæc Hermolaus admodum facundo, ut erat, ingenio, multaq; cum elegantia uerborum, apud complusculos qui aderamus, dum cœnulâ nobis daret, scite subtiliterq; differebat.

Gentium diuersarum mores in condendis humanisq; corporibus defunctorum, et qui Romanorum usus fuerit. Caput II.

ROMANOS olim ab ortu urbis, defuncta corpora humi condere, neq; cremare consueuisse, illud argumento est, quod Numæ Pompilij corpus in arca lapidea post multa secula à Cn. Terentio in Ianiculo inuentum, uetustissimi auctores tradunt. Postea quum longinquis bellis defunctos erui cognouissent, ut igni cremarentur decreto sanxerunt. Primus ex patritijs Cornelius Sylla traditur, qui decedens igni se cremari uoluit, ueritus talionem: nam ipse corpus Marij & eruta ossa subuertit, & in Anienem misit. Inde mansit diu defunctos cremandi consuetudo: à qua sequutis temporibus dum Antonini Cæsares imperitarent, desitum fuit. Tunc enim illo more abrogato, denuo corpora humi condere cœpere, ex instituto Thaletis, qui cum omnia ex aquis constare dicat, defunctos terræ mandare iussit, ut humore dissoluantur. Heraclitus uerò igni, tanquam ad originem suam reuertantur: quippe cum



cum omnia ex igne constare diceret. Carthaginienses  
uerò cum prius terra obruerent fato defunctos, postea  
à Dario admoniti, mutato cōsilio, igni tradidere. Apud  
Syros & Aegyptios condendi & non cremandi cor-  
pora, medicataque cadauera asseruandi in loculis, ue-  
tustum morem inualuisse accepimus. Condiebāt enim  
cadauera myrrha, aloë, cedro, melle, sale, cera, bitumi-  
ne & resina, odoribus & unguentis delibuta. Ex suc-  
co enim cedri exanimum corpus seruari, sicut uiuētia  
corrumpi, haud dubie perspectum est. Sudore quoque  
ligni tede concisa & furnis adacta apud eosdē mor-  
tuos delibutos, seruari prodiderunt, ita lineamētis in-  
tegris, ut uiui apparerēt: quod ab exteris regibus usur-  
patum accepimus, ut eorum corpora nō cremarent, sed  
differta odoribus tumulo inferrent, aut humi conde-  
rent. In tantumq; odores ad defunctos pertinere cre-  
ditum est, ut quanuis cremarentur, unguenta tamen et  
odores flammæ inijcerent. Pythagoræi non unguentis,  
sed folijs populi, myrti, & aloes stipati, humi manda-  
bantur, sicut M. Cato condi & humari uoluit. Lycur-  
gum legimus, nihil cum mortuo sepeliri mandasse, sed  
puniceo amictu uelatum, & oleæ fronde circumdatum  
terræ mandari uoluisse. Albanis pecuniam cum mor-  
tuis sepelire in loculis mos erat: Taxilis, Brachmanis, et  
Iberis, uulturibus defuncta corpora obijcere: Barchæis  
quæ apud Colchos & Iberos gens est, agnatos morbo  
extinctos, uelut ignauos & degeneres, igni tradere: in  
bello autem absumptos, tanquam fortes & strenuos,  
obijcere uulturibus. Parthi & magi procul à nostro  
orbe siti, honestissimā sepulturā uulgo auium aut canū  
laniatus putauere, nudaq; tantū ossa quæ supererant,

terra mandare assuèrant: sicut apud Hyrcanos, quorum horrida & inculta uita est, aliasque gentes indomitas, canes pro sepulchro fuere, qui sepulchrales dicti. Hos affluenti cibo nutriebant, & suos quisque canes parabat in uita, à quibus mortuus laceraretur: atque hoc eximium & solenne putabatur funus. Persæ fato defunctos cera circumlitos, ut maxime diuturni essent, domi condebant: Assyrii in melle, regum uero in paludibus. Humi uero tradere, aut igne cremare, capitale fuit. Essedonum traditur mos, ut parentum funera cantibus prosequantur, mox cœtibus propinquorum aduocatis, quod dictu audituque fœdum est, ipsis cadaueribus immistis ouillis carnibus uescantur. Id quod ab Indis & Massagetis usurpatum ferunt, quorum prodigiosa immanisque natura est: nam senio confectos in frustra cadere, illorumque carnibus immistis pecudibus uesci assuevere. Id quoque apud Derbices Persicam gentem, & cum Hybernis efferatis hominibus commune fuit, ut parentes & affines, qui succubere, comesse pietatis, maximæque honestatis munus putarent: quod Chrysippus philosophus probauit, & literis prodere non dubitauit. Fuitque proditum, eosdem Derbices in more habuisse, uiros etiâ progressos atate, more hostiarum immolare ad aras, mulieres uero senescentes præfocare. Tradunt Hyperboreos illos penitissimos, qui in extimo orbis tractu siti sunt, homines rigetis barbariæ, & omni humano generi infociales, eos qui longo æuo uixerunt, post epulas & familiare conuiuium sertis redimitos ex rupe abrupta in mare dare præcipites: quæ lex in Coe insula ad Hellespontum fuisse traditur, ut supra LX. annos nati, a conito uitam finire

nire cogantur, ne ipsi desides & ignaui, fortium uiro-  
rum cibaria absumerent, locumque & partes aliorum  
occuparent. Quod de Casspys quoque memoriae prodi-  
tum est: nam filij parentes septuagenarios domi clau-  
sos, aut in loca inculta & deserta, intimasque solitudi-  
nes expositos, uel fame enectos, siti & inopia cōficere,  
celebre funus putarunt. In Scythia gens est, quæ pa-  
rentum cadauera inter niues & glaciē truncis affixa  
arboribus detineant: illa terra mandare, pro scelere  
proque flagitio arbitrati. In Phrygia mortuos sacerdo-  
tes non defodiunt, sed super lapidibus decem cubitis  
erectos, sublimes constituunt: sicut Nasamones, qui se-  
dentes mortuos statuebant. Thraces quoque fama est  
& Indos ætate confectos, illos præcipue quibus studiū  
sapientiæ fuit, incensis rogis mortem oppetere, & sine  
aliquo funerum apparatu, latos se in flammās inūcere  
nō refugere nec formidare: alios inibi homines in alio  
tractu orbis intonsos & incultos, ultra Arabes & Æ-  
thiopes, parentes & sibi coniunctissimos in litoribus,  
ita ut fluctibus operiantur, sepelire: Ipsosque Æthio-  
pes ad certos annos uitam producere: qua exacta, di-  
uerso quisque fungatur fato, ex animaque corpora uel  
in flumen deūcere, uel uitro operta, ita ut integra spe-  
ctentur, & posteris spectaculo sint, asseruare. Paones  
in stagna, Ichthyophagi in mare defunctos abijciunt,  
Troglodytæ paliūri uirgis mortui cernicem cum pedi-  
bus alligantes, efferunt: deinde cadaueri lapides ag-  
gerentes, cornu capræ inibi ridentes apponūt, hoc pro  
exequiali pompa, proque funere existimantes. Quod  
à Gymnesiarum incolis usurpatum legimus, ut incisa  
& defecta cadauera in urnam imponant, de superque

ingentia saxa accumulēt. Arabum uero mos proditus est, ut regum & summorum ducum elata cadauera, in loca tetra & inculta stercore obruant, ac cæno & fimo aggesto, terræ imponant. Panebū, si quando rex moritur, corpus quidem defodiūt, caput uero auratum in templo augustissimo consecrant dicantq;: Sicut Saitanis reges qui imperitarunt, intra septa templi sepelire assuetum erat, hoc sepultura genus optimum, & pietatis ultimum officium æstimantes. Lotophagis nulla sepulchrorū habetur cura, sed defunctos in mare deiciunt, parū referre arbitrati, igni, terræ, uel aqua dissoluantur. Apud Athenienses & omnem ferè Græciam corpora non cremare, sed terræ condere, & sepelire cum funebri ueste: Phrygibus uero igni imponere, antiquissimus mos fuisse p̄ditur. Sed in humanis corporibus Athenienses orientem uersus, Megarenses & Phœnices, ad occidentem uertere solebant. Aphri uero ut Græci sepeliunt. Maxima autem sepeliendorū cadauerum cura Atheniensibus fuisse fertur, præcipue bello peremptorū, ita ut qui illos inhumatos relinquerent, quouis supplicio dignos putarēt. Idcirco summos duces quia cæsos nauali pugna in mare deiecerāt, grauius pœnis & capitis supplicio affecere: quibus cum peremptorum corpora assequi nequirent, illorum ossa & disiecta membra passim strata exquirere, & humo tegere, defunctosq; in acie, tumulo publicè extructo, quotannis pro cōcione laudare, magnæ cura fuit: adeo ut Nicias cum exercitu iter faciēs, ne duorum militum inhumata cadauera relinqueret, totū subsistere agmē, donec humarentur, iusserit. Et Cimon Milciadis filius, ut pater sepulchro conderetur, captiuū se præbere non dubita-



dubitauit. Traditum quoque est, Cares mortē sublatos milites, armatos sepelire: & Syndones tot pisces in sepulchris mittere, quot hostes consecisset qui humaretur. Sicut Iberi pro hostium interfectorum numero tot obeliscos apponunt, hoc insigne testimonium uirtutis & expertissimum decus arbitrari. Condebant enim prisca corpora uel arcis lapideis, uel fictilibus cum funebri tunica: quia nudum iacere cadauer, pro flagitio erat. Reges uero externis differtos odoribus, in montibus sepeliunt: unde deductum, ut illorum sepulchris pyramides apponant aut columnas: Romani uero in domibus quas singuli incolebant, dolijs aut uasculis: qua ex causa Lares, quos domesticos uocāt deos, colere cœperunt. Postea lege duodecim tabularum, ne in urbe sepelirentur, nēue urerentur, graui fuit documento sancitum, cuius uerba sunt: In urbe ne sepelito, nēue urito. Cineres tamē eius qui triūphasset, aut Imperatoris qui hostes bello domuisset, uel armis remp. auxisset, in urbem ferre licebat: quibus hoc honoris causa, ut in foro conderentur, tributum est: licet apud Spartanos secus longe seruatum sit, Lycurgi lege, quibus et in urbe, & secus deorum templa sepelire permissum. Non sic Athenis: nam in campo extra urbem tumultus erat, in quo columna extabant, in quibus defunctorū nomina per singulas tribus, qui illic conditi erant, continebantur. Corinthi quoque extra urbem maximorū uirorum monumenta fuere. Inter quæ Diogenis Synopensis, quem Canem Graci cognominariūt, sepulchrum uisebatur. Reliqui uero in agris quisq; suis, aut in fundo suburbano, seu auito & patrio solo ex Senatusconsulto Cn. Duillio consule, Romæ humari consueuere.

In quibus sepeliendi licet toto generi & familiæ ius  
 esset à principio, postea ut in familiam ius sepulchri  
 nō descenderet, recētiore cura prouisum fuit. Frequen-  
 tius in Flaminia aut Latina uia, ac suburbij et anfra-  
 ctibus uiarum, Romanorum gētilitia sepulchra suere:  
 ibique Calatini, Scipiones, Seruili, & Metelli, alio-  
 rumque honestissimæ familiæ condebantur: ad quæ  
 uasa figulini operis, nonnunquam arma militaria, en-  
 sesque & libellos, aliæque quæ defuncto cordi in uita  
 fuerant, quorumque efficaci studio tenebatur, ferre, et  
 eodē sepulchro tegere assuērant, ut ea quæ uiui dilexe-  
 rant, unā conderentur. Memini dum Roma agerem, in  
 uetustis sepulchris, quæ in uia Appia plurima uisun-  
 tur, inter ædificia hortosq; interq; coagmenta lapidū,  
 erutum cadauer fuisse, multo æuo uetustū, adolescen-  
 tulae mulieris facie, capillo, oculis, naribus, & reliquis  
 lineamentis prorsus integris & incorruptis: nisi quod  
 uestigia liquaminum & unguentorum quibus deli-  
 butum fuerat, apparebant: recenti specie, inscriptione  
 nulla, qua nomē defunctæ innotesceret. Pomponius ta-  
 men uir, ut in ea ætate, ueterū literarum impense do-  
 ctus, Tulliolam Marci Tullij Ciceronis filiam, de cuius  
 obitu ad Seruium Sulpitium sunt epistolæ: aut Priscil-  
 lam Abascanti, de qua Sylua Papinij extat, fuisse au-  
 gurabatur. Id quibus argumētis asseneraret, cum nul-  
 la inscriptionis uestigia extarent, prorsus nescimus.

Consularia comitia per quos fiebant, quæ uē potestas consu-  
 lis, quantumq; ius & quæ dignitas foret. Cap. III.

COMITIA consularia nouis cōsulibus creandis,  
 nō modo per consules haberi, sed per interregem, non-  
 nunquam absentibus consulibus, alterum consulem,  
 cuius

cuius erat fors, ut comitijs præset, ex provincia euocari, aut si morbo uel necessitate impediti, cōmodo reipublicæ auocari non possent, dictatorem dici, qui comitijs præset, sæpe rescriptum est. Dicebat enim dictator consulem ex patrum decreto, nonnunquam ex opinione sua, illum cui militares & ciuiles artes, ac imperatoria consilia forent, quiq; è republica magis esse uidebatur. Tametsi dictatorem comitiorū causa, aliquādo se consulem creasse, & in magistratu fuisse legamus, qui comitijs habitis, dictatura se abdicabat. Eadem uero comitia consularia, non solū cū utrunq; consulē fieri, sed cū altero defuncto collegā cooptari oporteret, sæpe indici haud dubium est. Ipsisque comitijs plebem interesse ac cēturias & tribus in campum aduocari frequēter inuenimus, quanuis sine plebe per patres clientesq; patrum plerunque habita legamus. In quibus etiam absentes non modo patritios, sed plebeios consules nominari licuit. Tametsi auo succedēte ex longo intervallo nobilitas adeo cōsulatum inuasit, ut soli patritij penes quos maxima diuitia fuere, eiecta plebe, ad consulatum assumerētur: adeoque plebs obnoxios summisit animos, ut nulli plebeio ad capefendos consulatus, & intermissum honorē uendicandum animus fuerit: à qua impotentia nobilitatis post aliquot annos, urgente belli discrimine, patritij desinere, tunc quum perculsa nobilitate, C. Marius nouus homo bello Iugurthino consul factus, plebi Romanæ intermissum diu consulatū restituit. Et tametsi nisi qui quaesturā, ædilitatem, & præturam per gradus antea gesserant, ad consulatum nulli admitterentur: plerunque tamen eos qui nullos antea curules gesserāt magi-

stratus, quibusque mandatus honor non fuisset, consules creatos inuenimus. C. Claudius Cento comitiorum causa dictator dictus, Publium Seruilium Quinti filium Galbam, qui nullum antea honorem gesserat, consulem creauit. Et Pompeius Magnus ex Senatusconsulto legibus solatus, priusquam alicui magistratui praefuisset, consul factus est. Quorum nomina, postquam comitijs relati erant consules, in fastis & annalibus (unde tempora & annos Romani designabant) in primis annotare soliti sunt: ex quibus turpissimorum consulum propter flagitia & dedecora saepe nomina inducebantur: id quod actis testabatur. Is uero qui consul dictus designatusque fuerat, antequam magistratum iniret, collegam sibi saepe nominabat: quod est re publica uidebatur, ut positis simultatibus, una mente, consilio ac uirtute, nec fædo certamine & per dissidium, quod praua ambitio solet, re publica ageretur, utque ex uoluptate sua consul quem maxime appeteret, collegam haberet: nonnunquam Senatus collegam dixit. Saepius uero ipsis comitijs duo fuere creati consules communi studio uotoque. Erant ergo Romæ bini consules potestate pari, sicut apud Iberos bini deliguntur reges: alter qui iura daret, alter qui populus praeficeret: et Carthaginensibus duo annui reges praefuere, qui Suffetes dicti. Aliquando iudicum ordo praefuit, qui rerum & personarum ius habebant. Et Lacedaemonijs bini praefecti, mox bini reges nomine magis quam imperio, ex Procli & Heristenis familia primo, postea ex Eurithionis & Agidis: demum ex Heraclidarum genere, pari iure et imperio non dissimili imperitarunt: tamen si Lycurgus reip. curam per ordines diuiserit: quod apud Achaeos simile



simile accepimus, ut binos prætores annuos sibi præficerent, qui publicas res simul & iudicia curarent: aliquando decem, quos *ἑκαπρυτῆς* uocabant. Athenienses uero post eiektos triginta tyrannos, qui plures q̄ mille quingentos ciues indemnatos necauerunt, neque sinebant cognatos funeribus adesse: decem qui præessent, per Thrasymbulum accipere: mox ipsis à Pausania eiektis, Prytanes numero quinquaginta præsuere: quæ pars decima Senatus erat, quorū numerus quingentorum fuit. In quo obseruatum est, ut nemo ex genere Athamantis natu maximus, prytanes fieret: qui etiā Rhodij summus erat magistratus. Apud Chaones aut annui magistratus ex primoribus ciuium deliguntur: Armeniorum Megistanes, Cretensium Cosmi dicti sunt: sicut Persarum, Magi & Caramæges, qui loco prætoris erant. Bæotijs undecim summæ rerum præerāt, qui pacis bellique temporibus ius dicebant. Qui quidem consules, etsi pari honore essent, non tamen simul insignia consulatus aut imperium habebāt. Nam postquā Iunius Brutus, eiektio Tarquinio & regibus exterminatis, cum Collatino consul creatus est, licet omnia iura & insignia quæ apud reges erant, populus consulibus concessa uoluerit: tamen ne duplicatus terror uideretur, si apud utrunq; consulem fasces uideret, cautum fuit ut apud alterum, eum uidelicet qui imperium haberet, fasces essent. Ideo alternis mensibus, modo ad unum, modo ad alterum consulem fasces transire uolueret. Idemque sequutis temporibus, dum imperiū & res publica stetit, seruatum est: Sed tamen quo mense fasces non habebat, accensus apparebat consuli, lictores uero sequebantur: quod intermissum diu, postea

Cæsar reuocauit denno. Et quauis consuli antiquiori fasces darentur prius, ueluti caniciem & annos uenerantes: postea lege Iulia cautum fuit, ut ei qui plures liberos quàm collega haberet: aut si numero pares essent, qui maritus foret præferretur: aut si omnia essent paria, antiquior fasces acciperet: eos tamen qui secundum gererent consulatum, alteri nouum ineunti, præferri haud dubium est. Erant ergo consulatus insignia duodecim fasces, liëtores totidem, purpurea prætexta, curulisque sella. Quin etiã eum qui antea consul fuisset, iterum & sapius consulem creari: & qui dictataram gessisset, in consulẽ assumi posse, nemo dubitauit. Quintus tamen Fabius Maximus legem tulit ad populum, ne intra annos decem eundem consulem reficliceret: quàm legem consensu tacito abrogatam, Sylla iterum promulgauit. Creatis ergo consulibus prouinciã nominabatur, ut eas uel ipsi inter se compararent, sortirenturque, quos ire ad bellum, quos præesse exercitiis, oporteret: uel si in deligendis prouincijs non conueniret, extra sortem Senatus decerneret. Quod lege curiata cauebatur, ut Senatus contra legem curiatam sine sorte prouincias designaret: aut si Senatus auersaretur, per populum agi poterat, ut extra ordinem consuli prouincia daretur: tamen si utrunque consulem in eandem prouinciã cum exercitu profectum quandoque legamus: optionem tamen diligendæ prouinciæ extra ordinẽ collegæ dari, aut suam sortem permutare cum collega absque decreto Senatus, antiquo more non licebat. Ad quas profecturi consules, si cassis hostijs & sacrificio perfecto, non facile litaret, sæpe diffuso tempore ire superseffum est.

Inter

Inter quas fuere minores prouincia, pauci momenti  
& ferè defamatissima, ut sylvarum colliumque, ne  
compingendis nauibus materia deesset, & frequens  
ad omne genus operum materia suppeteret. Consules  
uero nominatos, ab ipso inito magistratu legiones cum  
collega partiri, ac Iouis optim. maxi. templum adire,  
senatum habere, eumque de prouincijs, deque omni  
statu reipub. consulere, Latinas ferias indicere, Iuno-  
nique Sospitæ, & Ioui Latiali solenne sacrum in Al-  
bano facere: in quo carnem Latinis populis diuidere  
mos erat, sæpe perspectum est. Indeque auspiciato ad  
uota nuncupanda in Capitolium ire, uotisque nuncu-  
patis, paludatos uel trabeatos in ueste regia, prosequen-  
tibus primoribus patrum, in prouincias quisque suas  
proficisci: & prius quam ad hostes ducerent legiones,  
ad populum concionari de prouincijs, de administra-  
tione belli, & quam spem de se polliceri possint, refer-  
re solitos inuenimus. Ex omnibus quoque magistrati-  
bus solos consules, dictatores, prætoresque, consulari-  
bus auspicijs creatos, antequam adeant magistratus,  
Lauini Vestæ & Penatibus rem diuinam facere tra-  
dunt. Quibus in bellum profecturis, militaris suppel-  
lex consulari maiestate digna, scribæ, librarij, præco-  
nes, apparitores, muli & tabernacula publice daban-  
tur. Quæ quidem paludamenta mox sequuti Cæsares  
sibi desumpserunt. Diuus uero Augustus proconsulibus  
profecturis in prouincias, pro mulis & tabernaculis,  
certam pecuniam subtaxari iussit. Alexander uero  
Seuerus ituris præsidibus in prouincias, mulos, equos,  
uestes & coquos publice dabat: in quadruplum illa  
reddituris, deposita administratione, ubi male se gef-

fissent. Athenienses uero duces in bellum prodituri,  
 sertum ex olea sacra sumere, & uas aquae ferre iube-  
 bantur. Erat igitur consulis officium, domi forisque, ac  
 belli pacisque temporibus toti reip. consulere, inque  
 custodienda regēdaque republica totis incumbere ui-  
 ribus: omni denique studio, consilio, fide, grauitate, &  
 robore animi, pro commodis reip. pugnare. Itaque in  
 exercitu si quae obeunda essent expeditiones, legioni-  
 bus praerant, & summi imperatoris officio funge-  
 bantur. Et in urbe tam de prouincijs quam de magi-  
 stratibus, de fœdere, pactionibus, gerendisque bellis,  
 militibus scribendis, comparandisue: deque statu, di-  
 gnitate, commodisque reip. de communi salute ciuium,  
 & spe bonorum, deque legatorum postulatis, senatum  
 cōsulare debebat: deque omnibus his singulorum sen-  
 tentias rogare. Sed citra senatus aut populi autorita-  
 tem, soli decernere non licebat. Ipsorum tamen consi-  
 lio, magistratu amouere poterat, & de gradu deicere  
 etiam prætorem, censoremque: uel aqua & igni inter-  
 dicere, aut exulem esse iubere, bella suscipere, supre-  
 mum ius habere. Quod lege magistrali cauebatur in  
 „ hęc uerba: Consule regio praesunto imperio, hisque  
 „ praesunto, indicando, consulēdo: prætorem, iudices ap-  
 „ parento, militiae summum ius habento, nemini paren-  
 „ to, iussa his populi suprema lex esto, eundemque ma-  
 „ gistratum, ni interfuerint decem anni, ne quis capito,  
 „ ciuitatem annali lege seruanto, duella iusta iuste ge-  
 „ runto, focys parento, se & seruos continento, populi-  
 „ que sui gloriam augento, domum cum laude redeūto.  
 „ & infra. Nonnunquam sine consulto senatus, consul  
 magistratu amouisse compertum est: siquidem Flaccus

con-



consul Thermum prætorem, inconsulto senatu, honore priuauit & fascibus. Diem quoque dicere tribuno plebis & reliquis magistratibus pro imperio poterat. Eundemque ab omnibus magistratibus comitia tum & concionem habere, deque consilio senatuscōsultum facere, & ne fierent inhibere, atque si è rep. uidebatur, dictatorem dicere posse, nulla controuersia est. Cùmque honorum finis sit cōsulatus, totiusque imperij maiestatem gerat, legatis undecunque in curiam admissis, solus ex autoritate senatus responsa dabat, legemque ad populum ferebat. Is tamen quum de capite ciuis agebatur, pœnam, capitalémue noxam inferendi ius non habebat, lege edita qua caneatur, ut à cōsulibus (ne per omnia regiam potestatem sibi uendicarent) impunè prouocatio esset, neue in caput ciuis Romani, nisi populi iussu, animaduerrere possent. Tunc enim qui noxa capitis reus, sceleris coarguitur, ad populum produci debebat, & dicta causa, ex populi iudicio de capite ciuis cognitio dabatur. Nam soli dictatori & populo, ius de nece ciuium datū est. Tametsi legamus Oppimum consulem, contra instituta maiorum, primum dictatoriam sibi uim usurpasse, Caiumque Gracchum & Fuluium Flaccū aliosque ciues, absque populi iudicio necasse. Si tamen consuli senatus permitteret (quod in summis reipub. casibus, & magna mole periculorum fiebat) ut caueretur, ne quid resp. detrimenti caperet, tunc de nece ciuium decernēdi, illosque omnibus modis coercendi, belli gerendi, domi forisque summum imperium habendi ius dari censebatur: ipsi tamen consuli Romanum ciuem, etiam senatorem, in carcerem duci iubere, & mulctam irrogare, facultas erat.

Quod si quis parum iusto iudicio multam irrogatam aut indigno iniuriam factam querebatur, alterius consulis opem implorare, ad eumque provocare licebat: ipsique collegæ intercedendi, inhibendi que ne quid secus fieret, ius erat atque potestas. Quod si quæ causæ pratoriam excederent cognitionem, de his quoque apud consulem iudicium esse perspicuum est. Et quantis tanta potestas consuli foret, eoque excellentia et felicitatis creuerit, ut totius reip. et imperij summam gereret: si quid tamen impotenti animo contra rempublicam molitus fuisset, poterat ei ante tempus finiti honoris consulatus abrogari, et de gradu deijci, sicut multis exemplis perspicuum extat. Q. Cincinnatus dictator, L. Minutium consulatu abire iussit, et imperium illi abrogauit, quod eius ignavia castra hostes obsederant, et penè expugnarant. Fuitque literis memoria proditum, quod in provinciam profectus cōsul cum exercitu, inde decedere, aut præsidium dimittere, uel in aliam provinciam ducere iniussu senatus minimè poterat: idque lege Iulia sub graui documento uetabatur, ne consul sua sponte bella gerere, aut in regionem provinciamque sibi non decretam, sine autoritate patrum et iussu populi accedere liceret. Quod tamen apud spartanos reges secus fuisse constat. Illis enim in quancunque provinciam, regnumue, suo arbitratis bellum gerere, copiasque deducere permittitur, etiam sine cōsulto senatus. Hoc quoque memoria datum est, post binos cōsules, quos ab initio exactis regibus continua serie creatos nouimus, semel apud unum imperium consulare stetisse, tunc cum urgēte dissidio Pompeij et Caesaris, senatus ne quid respublicæ detrimenti

cape-

caperet, unicum consulem Cn. Pompeium dicere coactus fuit. Iterum Sylla temporibus, Cinna interempto, solus Carbo gessit consulatum. Quin etiam illud proditum est, consulem initio creatum, ne magistratum iniret, præterquam religione, etiam senatusconsulto uetari: & si inisset, ui atque imperio se cōsulatu abdicare, donec alter ritè suffectus esset, iubebatur: quòdque consul abiturus magistratu, peracto honoris tempore, concionatus ad populum, solenniſſimum iusiurandum se in magistratu contra leges nihil egiſſe, & quantum ratione prouideri potuit, ex ſui animi ſententia nihil deliquiſſe, conceptis uerbis, publicè præſtabat. Quod quidem ne quid præpoſterè dicatur, aliquo præeunte ſæpe exhibebatur, cōcioneque dimiſſa, cum ingenti comitatu & gratulatione ciuium ſtipatus, patrum frequentia domum deducebatur. Illud quoque non omittendum, quod licet imperium conſulare annuum eſſet, nullique niſi ex actò quadageſimo & tertio ætatis anno, cōſulatum capere antea liceret: pluribus tamen citra eam ætatem, ſi quod dignum operæ precium reip. præſtiſſent, conſulatum gerere permiſſum fuit. Nam & Valerium Coruinum in tertio & uigeſimo ætatis anno, ante legitimum tempus ad cōſulatum promotum legimus: & Mario Iuniori, Scipioni Aphricano, Pompeio Magno, & Octauio Auguſto, alijsque ducibus, ob ſingularem rei militaris diſciplinam, & ob candorem ingenij, ante tempus conſulatus, aliosque honores delatos comperimus. Neque enim ætatis magnam habebant rationem Romani, quo minus ſuffragatibus meritis, dictaturas & conſularus, aliosque honores meritis ciuibz deman-

darent. Quos enim amplissimis ornamentis dignos pietarunt, satis annorum & atatis habere duxerunt: tametsi L. Iulius tribunus plebis, Q. Fulvio Flacco & Manlio Acidino consulibus, rogationem ad populum tulerit, qua declarauit, qui & quibus annis nati, quæque magistratum peterent caperentque. Fuit praterea literis proditum, eos qui suo anno consulatum peteret, perraro sine repulsa ad præscriptos honores admissos: Qui uero serius quam per atatem liceret, sine repulsa plerumque ad consulatum promotos: Consulibusque in prouinciam profectis, & cum hostibus bella gerentibus, etiam ultra annum & donec debellatum cum hostibus, aut à senatu reuocati forent, imperium sæpe prorogari: quos tamen non esse consules, sed uelut perfectos magistratu, procōsules nominari. Ipsosque interim fasces & lictores habere, quoad sibi proconsulare duraret imperium, satis cōpertum & cognitū est.

Quæ sint sigillaria, uerbum sapius repetitum apud Scauolam iureconsultum, tertio de legatis. Caput IIII.

VERBA Scauolæ iureconsulti libros iuris ciuili-  
 " lis respōsorum tertio de legatis, hæc fuere: Pater fami-  
 " lias ita legauit, lances numero duas leues, quas de si-  
 " gillaribus emam, dari uolo. Is de sigillaribus leues  
 " quidem non emerat: lāces autem emptas habebat, &  
 " dictauerat testamentum ante triduum quam morere-  
 " tur. Quæsitum est, an hæ lāces quas emptas de sigilla-  
 " ribus habuit, legato cederent, quum nullas alias de  
 " sigillaribus emerit, nec legauerit: respondi secundum  
 " ea quæ proponerentur, deberi eas quas de sigillaribus  
 " emisset. Hactenus Scauola. Quæsiui ego a uiro docto  
 " multi nominis inter causidicos, quid esset dicere, lan-  
 ces



ces quas de sigillaribus emam, dari uolo: isque de sigillaribus leues quidem non emerat: ac sæpius repetitum nomen de sigillaribus quid designaret. Atque ille quum sigillaria, uasa esse diceret ad usum nescio quem preparata, informia & impolita, & quædam nugalia ex autoritate interpretis, demum post multa deblacterata uerba, quum se quoque in contextu uerborum, & eruendo sensu abstruso dubitare diceret, haud multo post nactus nescio quam occasionem, & causatus sibi negocium esse, nō aliter explicato dubio quod quærebam, discessit atque abiit. Cuius illecebra admoneor, ut pessime cum his actum magnopere cēseam, qui pratermissio latinæ linguæ nitore & cultu uerborum, se protinus ad legum interpretamenta precipites tradunt, magno errore nimis propera festinationis. Siquidem hoc primum docendi sunt, quonam modo uim ac sensa uerborum, & iurisperitorum mentem plane percipiant, ut siquid in controuersiam uenit, non praposteros sensus, sed proprios assequantur significatus. Sigillaria enim uicū esse Romæ celebrem, ubi uenum res uenales exponebantur, ibique uasa præcipua, signaque exquisita artis ex ære argentoque fabrefieri solebant, unde nomen factum loco, notum ferè & peruulgatum est. Suetonius in Claudio: Essendum argenteum, inquit, sumptuose fabrefactum, & uenale ad sigillaria redimi, concidique coram imperauit. Idem in Nerone: Sporum Romæ circa Sigillaria comitatus est. Aulus Gellius Noctium Atticarum: Apud sigillaria forte in libraria ego & L. Paulus confidebamus: & pleraque eò pertinentia exempla, ne exequar singula, quæ omnium sermonibus celebrata sunt.

Huc pertinet quoddies sigillariorum saturnalibus adiectos legimus, quibus imaguncula & simulachra uenalia in sigillaribus proponebantur: quæ pro suis capitibus in sacellum Ditis Romani deferabant. Fuit ergo scauola opinio, testatorem qui lances quas leues de sigillaribus se empturum promiserat, legasset, & morte præuentus, non emisset, sed emptas de sigillaribus antea habuisset, licet leues se empturum promississet: tamen ne testatoris uoluntas irrita fiat, illas quas de sigillaribus prius emisset, qualescunque forent, legato accedere uoluisse.

Quæ delictorum pœne maiorum criminum apud diuersas gentes, more & legibus fuerint constituta, & quæ minorum. Caput V.

PLATO in Gorgia & philosophi plerique non ignobiles, duplicem puniendis peccatis putant esse causam, unam commonitionis, alteram animaduersionis. Commonitio delinquentis causa fit, quum ei qui peccauit, uel pecunia, uel leui coercitione mulcta dicta est: quod eò fit, ut deinceps qui deliquit, ad bene honesteque uiuendum promptior & emendatior fiat. Ea pœna per leges inferri solet, quum leuiter delictum fuit: ut si iudici aliquid præcipienti contumacius paritum est, uel si prætoris dicto quis audiens non fuit: Animaduersio uero, non ipsius qui pœna afficitur, sed reliquorum qui supersunt, gratia adhibetur: ut metu pœnæ ne similis exemplo fiat, reliqui eadem noxa deterreantur. Nam delictum, quò impunitius, eò effrenatius fit: quia nisi fuerit uindicatum in noxios, proposita impunitatis spes mortalium animos criminibus inuitat. Ea animaduersio infertur in uiros facinorosos

Et magnis criminibus obnoxios, ut in reos sacrilegij,  
 maiestatis, parricidij, peculatus, aliosque nefarios et  
 consccleratos, qui propter aliquod inauditum facinus,  
 pœnas scelerum iure et lege persoluunt. Hinc est quod  
 pro excessu, pœna à legibus constituta sunt: alia bo-  
 norum, alia relegationis, nonnulla membrorum, ple-  
 raque capitales: ut pro criminis qualitate, legum iu-  
 diciorumque pœnis coerceantur: aliquando exquisitis  
 tormetorum supplicijs in aliquos publicè sæuitum est.  
 Etenim qui in deum aut principem, parentes aut pa-  
 triam delinquit, ut qui patrios Lares focosque, et deos  
 Penates, quique deorum delubra, sepulchra maiorum  
 prodere, fana peculiari, parentes occidere non ue-  
 rentur: non uulgari pœna, sed nouis exemplorum mo-  
 dis afficiendos, iura diuina et humana uoluere, po-  
 steris documento futuros, ut qui ita affectos uiderint,  
 ne ipsi pari crimine obnoxij fiant, deterreantur. Indi-  
 cant hoc Romanorum secures fascibus alligata: quip-  
 pe qui leuiter peccantes, flagris et fustibus: qui uero  
 grauius deliquere, capitali pœna plectere soleant. Hæc  
 enim Romanis peruulgata pœna fuit, ut leuiter de-  
 linquentes, nudatos uirgis caderent, aut in latomias  
 darent, qui locus erat custodiae destinatus, iuxta Tul-  
 lianum et forum Piscarium, à Tarquinio Superba  
 primum instituta: uel si grauioribus criminibus ob-  
 noxij, capitalia ausi fuissent, tergo et capite luerent,  
 uel de saxo et robore deicerent: erat enim rupes ua-  
 sta in Tarpeio foro superstans: aut si ita essent nefarij  
 et conscclerati, resoluti plumbo necarent, uel unco  
 tractos in scalas Gemonias darent præcipites, exemplo  
 Thessalorum, quibus locus supplicio destinatus erat,

cui nomen Corui, ex quo noxiū agebantur in præceptis, unde frequens illud apud Aristophanem, ἰς κόρακας. Persis uero carcer fuit nomine Lethes, & domicilium cineribus refertum, ad quod nisi moriturus accedat nemo: Syracusis quoque Latomia, opus ex solido saxo in mirandam altitudinem depressum, & omni aditu obsepto munitissimum. Apud Messenios carcer The-saurus nomine, locus sub terra quadrato saxo, in quo Philopæmenes necatus fertur, tam immanis fuit & sauius, ut neque uētum, neque auram acciperet. Romæ barathrum dixere noxiorum custodiam. Athenienses sauißimum carcerem, Domum nuncuparunt, sicut tributorum exactionē ciuitatis regimen, miti nomine indignitatem rei temperantes: quo exemplo Appius decēuir, carcerem quem constituit, domiciliū plebis nuncupauit: alij præptuariam cellam, nonnulli publicum hospitium dixerūt. Sparta Decas erat locus in carcere ad pœnam adificatus, ubi damnatos mortem oppetere cgebant: & spelunca quam Ceadas uocarunt, quasi pallorem & lachrymas, tæta caliginis & diri aspectus: sicut apud Romanos Tullianum. Carthagenensibus uero Ancō teterrimum fuit domicilium: & apud Cyprios Ceramon: sicut Aethiopibus Macrobijs Heliotrapeza noxiorū locus erat. Fuere autem scala Gemonia in Auentino, iuxta templum Iunonis Reginae, quod Veijs captis Camillus dedicauit. Vnde autem damnatos supplicijs afficiebant, Sextriciū uocarūt. præter quas Latomias, Alba quoque custodiri noxios tanquam loco munitissimo sæpe notatum est. Et quantus a principio originum seuerissimum de Metio Suffestio sumptum supplicium legamus, qui quadrigis distentus.



stentus, in diuersa discriptus fuit: tamen illud, uelut immitte præterque legum humanitatem, in exemplum deductum non est. Quin etiã multa pecuniaria certus fuit modus præfinitus, quem transcendere minime fas erat: quippe de multarum aestimatione, tam à consulibus quam tribunis plebis, sæpe senatusconsulto, sæpe populi rogatione cautum fuit: quibus maxima erat multa trium milium & uiginti assium; quia plus triginta bobus & duabus ouibus quempiam multari non decebat, aestimabaturque bos cētusibus, ouis uero decussibus: minima uero, oue taxabatur una. Sæpius uero Romani reges, homicidij conscios, arietis damno multabant, quam in sacrificijs deorum expendere cōsueuere. Siquidem prisca paupertas ex noxiorum bonis sacra dijs exhibuisse fertur: quare supplicia dicta, cautumq; fuit, ne quis multam indicendo, bouem prius quam ouem nominaret, ut innotesceret, Romanis mitiores semper placuisse pœnas. Apud Athenienses uero seruatum inuenimus, ut multas in aram Iouis Seruatoris dedicarent: quam semel illatam remittere non decebat, licet pœnas iure debitas, pecunia redimere fas foret, Platonis exemplo, qui singulis delictis denariam multam constituit: ut pro criminis excessu decuplum penè penderetur. Germanis quoque homicidium certo pecorum numero luebatur: leuiora uero crimina, pecoris uel equi damno. In metallum uel ad insulas in perpetuum, uel præfinito relegare, aut aqua & igni interdicerè, seu ad bestias dānare, frequēs etiam Romanis pœna fuit. Illis enim aqua & igni interdicebatur, quibus commercium societasque hominum, ne quis eos urbe, mensa, tecto, aut lare reciperet,

uetabatur. Ad bestias damnabantur nequissimi serui,  
aut hostes infestissimi, plerunque homines perniciosi  
& immanes, qui ob multiplicia crimina defectiones-  
que, indigni uenia fuere: quibus in theatro ut cum  
immaniſſimis beluis depugnarent, negocium datum  
est. qui bestiarii dicti. Nonnunquam ob crimen dam-  
natos, auro effodiendo aut lapidicinis ueteres desti-  
narunt, ut uincti opus facerent perpetuo, uel praefini-  
to. Illi uero qui flagitijs uel tam effemis moribus coo-  
perti fuere, quiſque eam capitalem noxam auſi, ut his  
legum uulgaris poena non satis foret, uel ad bestias  
damnabantur, uel exquisitis tormentorum supplicijs,  
& ultimis cruciatibus puniebatur. M. Maleolus, ma-  
tre interempta, Romanorum primus parricidij dam-  
natus, insutus culeo, in mare praecipitatus fuit. L. dein-  
de Hostius post secundum Punicum bellum, parricidij  
insimulatus, pari supplicio necatus & concruciatuſ,  
poenas dedit. Mansitque haec poena in parricidas ad  
haec tempora. culeo enim gallus gallinaceus, simia, &  
uipera cum homine insuitur, & in flumen uel mare  
detruditur: ut in rixa infensorum animalium & fa-  
da laceratione corporis, ob tanti sceleris immanitatem  
diro cruciatuſ uulnere interimatur: utque ab omni e-  
lemento repudiatum cadauer, irrequieto labore &  
perpetuis fluctibus agitetur. Aegyptij adeo parricidas  
inſectati sunt, ut eos per singula membra acutis cala-  
mis impeterent, mox minutissimis ictibus coſauciatis,  
super spinarum aceros comburerent. Si uero pater  
filium occidisset, ut continuo triduo circa defuncti cor-  
pus genitor assiduus filij spectator eſſet, sanciuerunt:  
nulla iustiore poena, quam facinoris conscientia ipsum  
puniri

puniri arbitrati. Lusitani parricidas finibus eiectionis  
saxis opprimunt. Persæ patris occisorem, nothum putant.  
Iulius uero Cæsar præter præscriptas legibus pœnas,  
parricidas bonorum omnium damno mulctauit. So-  
lon & Romulus nullam in parricidas statuere pœnam,  
quod neminem tam nefarium & consceleratum asti-  
marunt, qui tantum facinoris admitteret. Apud Græ-  
cos pœna in sacrilegos statuta fuit seuerissima, ut præ-  
cipitati, uel immersi, aut combusti, pœnas darent. Ma-  
cedones uero parricidas & maiestatis reos, qui in  
principem aliquid moliti essent, obruunt saxis: nec mo-  
do facinoris reos, sed omnium sunt deuota capita, qui  
illos quouis gradu contigissent. Quod si quis in re-  
mp. hostilia molitus esset, uetus erat mos, ut furca ceruici  
inserta, nudum per compita & uicos ducerent, uir-  
gisque ad necem caderent: mox de saxo præcipitem  
agerent, aut unco tractum in Gemonias deicerent. A-  
pud exteros autem in animaduertendis facinoribus  
disparis mores ritusque fuisse. Nam quos Arcopagita  
capitis agebant, tacentes ipsi & nulla truci oratione  
aut efferati odio sententijs afficiebant, ipsique litium  
controuersias noctu & obscura luce, nunquam die  
iudicabant, ut procul ab omni affectu, qui animos in  
diuersum agit, tantummodo facta cognoscerent, per-  
sonas non uiderent. Quare Thebani ut incorruptam  
iustitiam signarent, nec uariari gratia, iudicum ima-  
gines sine manibus: principis uero, sine oculis in foro  
proposuere: ut signis ostenderent, iudices affectibus  
capi non oportere: causaque definita, damnatos un-  
decim uiris pœnis afficiendos tradebant: quibus pu-  
blica pœna frequens, cicutæ erat aut uenenum. Is uero

Areopagus Athenis uicus cum templo Martis, in quo primum capitis iudicium latum fuisse dicitur. Apud quos fuit lege cautum, ut qui causam dicit, nec proemio utatur, nec ad miserationem, aut inuidiam adducat: quippe mouere affectus per praconem prohibebatur orator, ne cui plus in misericordia quam in causa spei esset. Bithynis è conspectu solis tribunal erat, quod illum tanquam sacrosanctum causae diiudicandae praesse diceret. Apud Babylonios ubi reges iura dabant, quatuor aues è tecti culmine pendere dicunt: quae fortunae uarietatem, & ne se supra hominem efferret, admonerent. Cambyses uero in sede ubi iudex per sordes iniuste iudicarat, ipsius detractum corium in lora coniecit, & tribunal ornavit. Fertur Darius Sandocem Aeolidis praefectum, quod pecunia corruptus iniuste iudicarat, cruce affecisse. Nero quoque edicto cauit, ne patroni causarum mercede aut muneribus patrocinijs adessent. Tantiq̃ue Areopagus fuit, ut heroas & semideos illuc in iudicium aduocatos dicerent, & Pisistratus in eo iudicium subire non dubitauit. Qui post aliquot atates quum propter continuas clades & belli mala ferè destitutus esset, Cimon Atheniensis in pristinum illum splendorem lucemq̃ue restituit. Lacedaemonij quoque, quos mortis supplicio dignos putarunt, noctu, non die plectere consueuerunt. Causas uero iudices oclusi, neminem uidentes, ex clamore cōcionis iudicabant, quod aequè apud Romanos ferè cōperimus, quibus ante horam decimam de absente iudicare ius non erat. neque intra trigesimum diem fortiri dicam, quod lege Rupilia uetabatur: tametsi noctu sumere supplicium de nocente non liceret, quia nota esse supplicia



plicia ad aliorum emendationem publice censuere. Macedonibus saxis opprimere delinquentem, antiqui moris erat. Apud Memphitas homicidij reus, ab oppidis & commercio hominum exterminabatur: donec à gymnosophistis expiatus, in patrium solum & lares proprios restitui merebatur. In Meroë uero si quid rex deliquit, nulla afficitur pœna, sed cunētis auersantibus, & quotidianum congressum negantibus, mœrore & tabe conficitur. Aegyptijs fuit in more, ut hi de quibus sumendum erat supplicium, ceruices fune innexas tenerent & frenata ora, ut eo insigni pœnas luituri notarentur: pridieque quàm darentur neci, munuscula & cœnam ex regis mensa acciperent. Quem uisum Cæsariū tēporibus inualuisse legimus, ut quos morte afficere uolebāt, illis exquisita obsonia & partem cœnæ mitterent: si uero indicta causa supplicium sumendum foret, tradito libello, supplicium cædemq; demandarent, ut hoc imperata necis prætextus & signum foret. Aethiopum traditur mos, ut delinquentes aureis catenis uinciāt: & quos morti destinassent, per lictorem signum mortis illis rex mitteret: ipsique accepto signo, protinus mortem sibi consciscerent eo genere leti, quod quisque delegerat. Quod apud Romanos quādoque inoleuit, ut in capitis iudicio, per *θ* seu *υ* in urnam cōiectas literas, signum mortis & capitis supplicio afficiendum notarent: per *τ* & *α*, absolutionis: per *λ* uero & *υ*, prolationis, & diem diffundi, quum parum sibi liquere de causa significarent, quæ ampliatiōis tabella dicta est. 2 quoque in sortibus inauspicata fuit & mali euentus. Nōnulli in nomenclatura militū per *τ* superstites, per *θ* defunctos in acie

tribunos annotare prodiderūt. Alij calculo creta, ab-  
 solutionis: carbone uero, condemnationis symbolum  
 indicarūt: tamen si iudices Roma per tabellas plerū-  
 que ferre iudicia inueniamus, qua semel definita re-  
 uocare non licebat. Apud Græcos autem, alba faba in  
 sortibus auspicata fuit & boni euentus: nigra uero,  
 mali. Lusitani destinatos neci lapidibus obruūt. Non-  
 nulle circa Caucasum gentes, etiam pro criminibus  
 maximis, nullum morte afficiunt, sed exilio multant,  
 urbeque & agro exterminant: quod in Seripho insu-  
 la fieri adnotatum est. Apud Indos qui maximi crimi-  
 nis reus agitur, hanc luit noxam, ut à rege tonderi iu-  
 beatur, qua pœna nulla insignior fuit: sicut Hebraei  
 uino abstinere, maxima cēsebatur mulcta. fuitque A-  
 theniensibus quandoque lege sancitum, ut qui maxi-  
 mi criminis reus agitur, si fateretur admissum, impu-  
 nitate donaretur. Atque Tralianis, ut qui minyam aut  
 lelegem occidisset, si leguminis modium defuncti co-  
 gnatis exoluisset, è cade expiatus foret. Alij pro leui  
 excessu mortis pœnam inferebant. Quare occidisse ci-  
 coniam in Thessalia, aut ibin, uel accipitrē in Aegy-  
 pto, capitale fuit. In Cyrenaica lex erat, ut desertoris  
 pœna teneretur, qui ingētem uim locustarum, aut ea-  
 rum factus non debellaret. Nam plerunque illarū tan-  
 ta exoritur uis, ut quicquid herbidum est, absument,  
 Vaccais quoque si quis uel minimum ex alterius agro  
 eripuisset, capite luebat: sicut Phrygibus rastrum aut  
 uomerē subtrahere. Et Indis qui uectigal furatus esset,  
 capite plectebatur. Derbices quoque Persarum gēs, in  
 rebus dijudicādis adeo seuerissimi fuere, ut p minimis  
 saepe causis iugularent: apud quos fœda supplicia &  
 inhu-

inhumana delinquentibus sunt dari solita, præsertim supplicij genus quod dysphendomena uocant, ut proceris curuatis arboribus, & criminoso in deflexis cuminumibus alligato, illis repente laxatis, lacerum corpus in diuersa distraherent: aliudque non minus calamitosum & ultimum humanorum, ut duabus scaphis fabrefactis, ibique homine ocluso, ita ut manus & caput extarent, tetro odore, & immunda tæbe, ac longo cruciatu hominem conficerent. Apud Græcos quoque in noxios sæpe fœdè sæuitum est. Nam ignis & rota, nouissima fuisse exempla, & frequēs supplicij noxiorum. Leges etiā Draconis tam seueræ disciplinæ fuisse, ut pro leuissimis causis, mortis pœnam inferrēt. Quare uerbum Demadis proditur, Draconem non atramento scripsisse leges Lacedæmonijs, sed sanguine: quæ seueritate tantū contraxit inuidiæ, ut in theatro apud Aeginam, populari tumultu omnium cōspiratione iniectū multæ uestis, præfocaretur. Athenienses quoque olim damnabant reos, non si totam simul legē, sed uel si unā syllabam transgressi fuissent. Neque prætereundum, quod quidam Aethiopum rex fecisse proditur, ut delinquentium crimina non mortis pœna, sed nasi mutilatione puniret, ut eam oris turpitudinē ueriti, circumspectius à criminibus abstinere. Inter cæteros proditus est Persarum rex quidā, qui quum civili tumultu, fœdo esset cōuicio iactatus, adeo exarsit, ut totius populi nares rescinderet. Apud Druidas uero & Cercetes Galliarū populos, sacrificio interdiceret, grauissima pœna notabatur: eos enim quibus ita interdictū erat, inter impios consceleratosque habebant. Ferturque in elephātina Aethiopia sacrilegos hac pœna mulctari,

ut ophiussam herbã bibere cogantur, qua pota, ita ter-  
 roribus & falsis imaginibus afficiebatur, ut mortem  
 sibi consciscerët: & in Perside ueneficos plecti, ut in am-  
 plo lapide caput impingerent, rursus que alio superin-  
 ducto illud effringerent. Apud quos fama est, delin-  
 quentes ante regiam expectare iudicium, ibiq; pro cri-  
 minis excessu suppliciũ pati. Neque prætermittendus  
 Sabatus Aethiops, qui criminis reos non morte, sed uin-  
 ctos compedibus operi delegando plectebat: aut Me-  
 xentius, qui uiuũ corpus putido cadaueri colligando,  
 immanissimo cruciatu necabat homines. Apud priscos  
 uero Romanorum, ubi quis noxium & exitiale cri-  
 men admisisset, nisi die ad populum dicta, & reo de  
 crimine accusato & conuicto, dieque constituta cau-  
 saë dictionis, causaq; populi iudicio probata legitime,  
 supplicium capitis de Romano ciue sumere nõ licebat.  
 Dicebatur enim dies ad populum à magistratibus aut  
 à tribunis pleb. quibus ius dicendi diem data facultas  
 fuit: nonnunquam à priuatis. Siquidem Lucullus quũ  
 nullum magistratũ gessisset antea, Seruilio auguri pe-  
 culatus diem dixit: & M. Cotta, uirili toga sumpta,  
 Cn. Carbonem reum postulauit: e oque producto ad  
 populum, accusatoribus testibusque adductis, si noxa  
 capitali & uero crimini locus erat, de reo supplicium  
 sumebatur iudicio populi. In qua re mos erat, ut tam  
 ipse reus qui capitis accersitur, quum ad populiũ pro-  
 ducitur ad iudiciũ diem, quàm amici & necessarij,  
 quique proximi aderant, prius quàm in suffragijs tri-  
 bus irent, squalida obsoletaque ueste, flentes & sor-  
 didati, barbam capillumq; summitat, & pœnam de-  
 precentur: ut eo squalore & habitu deformi, populum  
 ad mi-



ad miserationem pietatemque adduceret. Legimus in iudicio M. Manlij, quum causam ad populum diceret, ne coniunctos quidem sanguine, in capitis dimicatione et dubijs rebus uestem mutasse: et inter clara nomina eorum, Appium Claudium, quum à tribunis pleb. dicta illi dies esset, non modò facie reorum non fuisse, sed tanto spiritu et tam còtumaci uultu causam egisse, ut manente ferocia animi, tribunos perterrefaceret: contrà uero, quum in exilium Cicero ageretur, prater Senatum uniuersum, ultra uiginti milia hominum sordidas uestes et fœdum corporis habitum induisse, ut ob illius calamitatem se quoque funestos et in ignauo dolore esse ostenderet. Fertur tamen Scipio Aemilianus, quum esset sibi dies dicta ad populum à Cl. Asellio tribuno pleb. et reus causam diceret, in discrimine mortis prater reorum morem, barbã rasitauisse, et nitida ueste fuisse: et Cato Censorius amplissimum innocentia testimonium tulisse, quòd ab inimicis quinquagies criminis postulatus, in foro causam dixit, et iudicij uotis absolutus semper. Sicut Aristophòtes Athenis nonagies et quinquies causam dixit, et uictor fuit. Herodes uero quum apud Hircanum accusaretur, ad causam dicendam purpuratus, et armorum septus præsidio in forum uenit, et iudicium euasit. Primumq; populi Romani iudicium post exactos reges de Martio Coriolano fuisse traditur, et C. Galba: qui quum in collegio sacerdotum esset, iudicio populi condemnatus fuit: inde ut iudicio populi de capite Romani ciuis decerneretur, consuetudo mansit. Quinetiam non solum de ciuis Romani capite, sed nec de bonis, nisi ex decreto Senatus et populi placito,

aut eorum, qui ius dicunt, omnibus sententijs statutum fuisset, decerni lege nihil poterat. Ipsi tamen qui reus agebatur, ne imparatus et insciens accederet ad causam, cuncta quæ ab accusatore mouenda erant, per custode debent innotescere et significari, ut diluendi criminis et obiecta purgandi facultas foret. Accusatori uero subscriptores aderant, qui ea quæ accusationi conferrent, summissius suggerebant et præibant. Reo quoque laudatio iudicialis seruabatur, ut si crimen obiectum dilueret, aut merita præualerent, amici ad miserationem populum flecterent et circumagerent. Quod deinde Pompeius lege lata fieri uetuit, laudationesque solitas pro reis usurpari, prohibuit: qui quum Numantium Plancum in iudicio laudaturus postea accessisset, Cato qui iudex aderat, aures manibus obserasse fertur, dicens laudationem quam lege à se lata fieri prohibuerat, lege auersante audire nolle, quod legum ipse lator et euerfor esset. Lacedæmonijs quoque Lycurgi lege cauetur, ut nisi in conuictum et prætoris iudicio condemnatum, nulli pœna noxæ merita inferatur. Quam legem Agesilaus cum de reo omnium nequissimo sumendum supplicium foret, quod in patriam cõiurarat, abrogauit: ne diu negotium discutiendo, pœnam iure debitam frustraretur. Fuitque constitutum, ut æqualibus uotis super uindicando facinore in diuersa trahentibus, pro reo iudicium staret, quod uidebatur æquissimum, id quod sæpe ab Atheniensibus factitatum est. Nam quum de extinguendis Mitylenis suffragatores paribus uotis dissentirent, Diodoti sententia peruicit, quia lenior. Et quanuis ueteribus Romanorum mitissimas placuisse pœnas legamus, lapsis postea temporibus,

à prin

à principibus quos nulla satietas pœnarū cepit, multa  
 ira atque inuidiæ fœda exempla edita inueniuntur:  
 ultimisq̃ue cruciatibus & crudelibus supplicijs sæpe  
 in noxios uindicatum. Nam & tunica fomentis igneis  
 illita, ad palū deligati adurebantur, uel grandi stipite  
 à summo ad imum adigebantur, ut igne accenso, cru-  
 deli cruciatu excarnificati interirent: præterq̃; equu-  
 leos, fidiculas, ergastula & cruces, circumdatosq̃; cor-  
 poribus ignes, lacerationes membrorum & incurſus  
 bestiarum, aliosq̃; enectos ueneno & fame, & dictu  
 fœdiora exempla, quæ exequi longū esset: conspectius  
 sumptum fuisse supplicium de regibus autores memo-  
 rant: nanque Antigonum Iudaorum regem Antonius,  
 indicta causa, quod ante id tempus nulli regum conti-  
 git, securi percussit. & Agrippa Bogum Maurusiorum  
 regem, Antonij partes sequutū, supplicio affecit. Fuitq̃;  
 propterea magistratus apud Cumæos, quem Phylactū  
 uocant, cuius erat munus, in frequentem Senatum ue-  
 nire, regesq̃ue manu apprehensos, de quorum iudicio  
 agebatur, detinere: donec de illorū præmio aut pœna  
 patrū decreto statueretur. Quod si is qui reus agitur,  
 & capitis accersitur, prædicta die in iudiciū nō uenit,  
 uel domo abest, mos Romanus erat, ut ante fores ædiū  
 nomenclator tuba illum ad causam dicendā quatuor  
 diffinitis in locis citaret: neque ante fas erat in eum ca-  
 pitis iudicium dari, aut de noxio supplicium sumi, q̃  
 discussa causa, crimine probato, & reo cōuictō: ne in-  
 auditi & indefensi perirent. Iudices uero, qui pro ex-  
 cessu criminis litem daturi erāt, cōceptis uerbis se nihil  
 habere, nihil precibus dare, solenniſſimum iusiurandū  
 præstare cogeantur: quod mox deprauatis iudicijs,

fieri desitum est. Hoc quidem iusiurandum apud Aegyptios sanctius præstabatur, in hac uerba: Vt ne regis quidem minæ, aut iussa, à recto bonoque illos deducerent, aut transversos agerēt. Apud Athenienses iusiurandum iudices præstant, se secundum leges sententiâ duros, & causam diffinituros. Iudiciu uero de nocente sic fiebat, ut prætor tribunal in primis ascēderet; noxio post terga ligarentur manus, misso præconio silentium fieret, legitima deinde prætoris proferrentur uerba: classicum ad spectaculum postea canerent, suppliciumque de noxio sumerent. Quod plerunque non statim sumebatur: quippe senatusconsulto Tyberij tempore, & per alias constitutiones actum fuit, ut damnatorum pœna in decimū semper differretur diem.

Locus ex Ciceronis oratione pro Milone explanatur, & que regia, quæq; atria Roma fuerint. Caput. VI.

CVM Romæ in gymnasium literarium, quod plerique eruditorum cōuenerant, nos quoq; laxandi animi causa quandoq; uentitaremus: doctor ibi quisspiâ, Tullianæ lectionis, ut ipse aiebat, p̄fessor, ingenio alio qui ex cultro, sed suæ laudis plus quàm satis esset uenditator, multo auditore circūdatus, Ciceronis orationem quam pro Milone inscripsit, magno ingenio elaboratâ, publicè apud complusculos lectitabat: eiusque dispositionem & constitutionem, communesque locos, singulasque partes & colores, aliaque oratoriæ artis documenta, disciplinasque rhetorum, per numeros nouis & exquisitis modis, ex intimo artificio adnotabat. Cumque uerba ex ea lectione percenseret, quibus Cicero, quantum potest maxime Clodium in inuidiam crimenque adducit, eumq; infesta oratione infestatur, his uer-



his uerbis: Hæc sica longo interuallo conuersa rursus in me est: nuper me quidem, ut scitis, ad regiam penè confecit: Sic ipse explicabat, ut diceret, hæc regiā fuisse in colle Quirinali, ubi Numam Pompilium habitasse autores tradunt, quodque in eo sedem habuerat: ideo regiam & atrium Numæ ibi fuisse, & de hac Ciceronem intelligere asserebat. Atque hæc & pleraq; in hæc sententiā quæ ille dixisset, tenuit nos admiratio istius doctoris, tam inconsiderate & perperam loquentis, id quod errore manifesto procul à uero esse liquidò constat: siquidem non ubicunque Romani reges belli pacisq; temporibus habitauerunt, illic regias aut atria cōstruxerunt. Tul. Hostilius primo in Velia, mox in Exquilis ades habuit: & Tarquinius Priscus supra Nouam uiam: Seruius Tullius etiam Exquilias incoluit: & tamen nullas ipsæ in locis regias habuisse feruntur: sex enim aut ad summum septem Romæ fuisse regias, compertum habemus: unam ad ædem Veste iuxta forum, quam Numa incoluit, ibiq; atrium regium fuit: eamq; regiam lōgo tempore præcipuā fuisse quum religione, tum antiquitate, multi prodiderunt: quæ postea incendio Neronis unā cum æde Veste deflagauit: Alteram in Calio mōte, ubi Tul. Hostilius, quo frequētius incoletetur, regiā adificauit: Tertiam in Sacra uia, in qua Ancus Martius sedem habuisse fertur: de qua Ciceronem nunc intelligere Asconius sentit: quippe inter seruos Hipsei & Milonis pugnam inibi commissam, & Ciceronem opera Clodij uita periculum adisse tradūt: quāuis Acron perperā aliter sentire uisus sit: Aliamq; in Pompeij theatro, quod in campo fuit, fuisse memorant: iuxta theatra enim regias sitas p̄sepe inuenimus,

sicut Marcelli theatrum quod regiã habuit, ad quam quatuor colūnas magnitudinis miræ ex theatro Scauri translatas Plinius notavit: & Pauli regiã ad Curtium lacum, et aliam in Sacrario. Fuit enim theatrum Marcelli ab Augusto, sed alieno nomine conditū, quo tempore à M. Agrippa plura & egregia Romæ constructa fuere. Hic enim fuit ille Marcellus Augusti nepos, ex Octavia sorore & Marcello genitus: cui filiã Augustus paucis ante diebus q̃ morte sublatus esset, desponsavit. Neque assentior his, qui atrium in colle Quirinali unã cum regiã conditū fuisse dicunt: siquidem omnes ab Asinio Pollione atrium Libertatis in primis constructum volūt, quod in templo Libertatis, conspicuæ magnitudinis erat. Postea interiecto tempore, Gracchorū pater in Auentino ex mulctaticia pecunia illud amplius erexit: in quo bibliotheca græca latinaque uisebatur: quod intercurſu temporū penè collapsum Sex. Helius Pætus, et C. Cornelius censes restaurarunt. Ea quidẽ atria ædificij genus fuere, continens mediã aream, in quam ex omni tecto pluuiæ recipitur, columnis quadrifariam per singulos angulos dispositis, & epistylis. Fuit quoque atrium publicum in Capitolio, & atrium Scauri, in quo maxima colūna ex præruptissimis saxis collocata feruntur: & aliud Pompeij, quæ postea ipsius curia facta est. Legimus quoque atrium regium iuxta forum piscarium: & duo atria, Meuium & Titium: quæ Porcius Cato in Lato mijs fecit: & atrium Vestæ: & Satorium, in quo sacrorum tubæ agna lustrabantur. In colle uero Quirinali, quod regiã aut atrium fuerit, nec traditur quicquam, nec inuenitur. Neque omittendum, plures regias uelut  
regalis

regalis opulentia monumenta, apud plerasque gentes laudibus celebrari: nam Cirtha et Vtica, Massesyliorum regum regiae fuere: sicut Sybaris Colchorum, Libs Antai: Iol Iuba & Zama, Pergami Eumenis, Cynara Byblus, Gnosfos Minois, Deiotari Blutiū, Halicarnassus Cariae principum, Eleusa Archelai, Napatia Candacis, regiae fuere: Darij uero regia fertur Sadraca in Assyria: Parthorum Susa, ubi hyemem agunt: Ecbatana & Persopolis, ubi aestatem: quam Alexander iniectis facibus incendit: Indorum regum Taxila: In Aegypto Abydus: Tigranis Artaxata olim Medorum, nunc Parthorum: Mnemonis regia Susis, Attali Tralibus: & Sardis Cræsi regia uisebatur, quam Gerusia fecere. Cyri autem regia Babylon fuit, quam Susis anteferre statuerat. Tametsi Persarum mos foret, in montibus regias facere, in quibus thesauros & antiquissimas gazas congerebant: ut illas uelut amplissimū uirtutum monumentū posteris relinquerent. Mithridatis autem erat Gabijs, & Oenotriorum regum Pandosiae: Macedonum Demetrias, Ilion Priami, Scepsis Aeneas, Tolgus Pyrræi. Alexandria uero tres habuit regias, unā Lochian promontorium, alteram Timonium appellauit Antonius. Museum quoque pars regiarū erat, Etiam in Antiochia Assyriorum regum regia ferebatur: Sicut Sogdianae gentis in Maracanda: Sami, Polycratis. Alexander aut Macedo præcipue Arabia, quā sedē imperio delegerat, totius imperij regiā destinauit.

Quo apparatu, quibusq; ceremonijs apud ueteres defuncta corpora igni tradebantur, qualisq; pompa exequiarum foret. Caput VII.

QVO ritu, quibusq; ceremonijs defuncta corpora

efferri consueuissent, qualisq; funerum apparatus & exequiarū pompa fuerit, à multis saepe autoribus inter cetera perscriptū est. In primis obseruatū fuit, ut proximus sanguine, morientis corpus, dum trahit animam, amplexus, exhalantis spiritum osculo exciperet, flatumq; hauriret: mox decedentis oculos & ora clauderet, usque ab Homeri temporibus usitatū: nefas existimantes, à uiuentibus decedentium oculos spectari, tametsi lege Menia (ut Varro significat) ne filij parentibus oculos sigillarent, cantum fuerit. Nasamones uero praecipue curant, ut morituros, quum agere incipiunt animam, sedentes constituent, ne cubantes spiritum exhalent. Post quā defuncti corpus per interualla conclamatum, propiores affines calda ablueret, deinde unguentis ungere, candidoq; amictu induere, ac diebus septem seruare solebant, ara constituta, ubi odores incenderent, quā acerra dicta est. Graecis uero septendecim diebus corpora antequam cremarentur, totidemq; noctibus seruare mos erat. Qui quidem amictus nō ex lana, sed lino intexebatur, Aegyptiorum exemplo, apud quos lanea uestes, nec cum cadauere sepeliuntur, neque in aedes deorū importantur. Id quoque à Graecis usurpatum fuit, ut ueste alba cadauer coronisq; ornarent, & pæana canentes, sepulchro inferrent. Die uero octauo per præconem indicto funere, ne fraudarentur solenni honore supremi dies, ut homines ad honestandas exequias conuenirēt, his uerbis, QLLVS leto datus est, proclamabatur. Apud Spartanos erat constitutum, ut rege defuncto, equites obitum regis enunciātes cursitent, fœminaq; crinibus passis & libero conquestu, tinnitu ollas pulsent æneas, quibus



quibus nec nocte, nec die quies. Tunc auditor regis obitu, in omnem formam luctus concedi permissum erat: mulieresque proxima affinitate, in ueste candida & capite aperto, ritu Romano eiulantes, funus celebrare. Filij uero tecto capite, in ueste pulla parentes efferre consuevere. Apud Græcos fœminæ uirique in candida ueste cum coronis, amplissimi uiri exequias prosequuntur, & uelut in publico luctu complorant promiscue. Quod fuit in more Syracusanis, qui candido amictu uelati, & fronde coronati, Timoleonem extulere, cui perpetuos honores atque in foro sepulchrū decreuere: sicut Sicyoniū Aratum in ueste alba & coronis sepulchro intulere. Argiui quoque in luctu albas uestes aqua ablutas induūt, & in candido amictu funus comitantur. Aegyptij atque Assyrij funera obsiti squalore & sordibus, ac cæno obliti, capillum summittētes, & barba detonsa: Milesij uero, erasis capitibus, plangere consueverunt: qui mos apud barbaros inoleuit frequens, ut in funere & casibus aduersis, iuuenes tonderēt comam, barbā ipsi ponerēt, & uxorū capita deglabrarent. Persæ quoque detonsis cōiugibus & liberis, lacera ueste, lugubri ululatu, corpora efferebant: qui etiā in funere clarorum uirorū seipsos, equos, & iumenta tondebāt. Apud Græcos cōuenit, in luctu uiros comas alere, barbā capillumque summittere, mulieres uero tonsis crinibus esse: quem morem à Romanis usurpatū legimus, ut sorores, defunētis fratribus, & matres filiis orbatae, in acerbo funeris luctu, cum flebili uociferatione, detonsos crines corpori imponerent, qui mos antiquissimus usque ab Homero traditur: apud quē Patrocli cadauer opertū amicorū capillis superiectus fuit

Et Achilles flauam comā in defuncti Patrocli funere,  
 manibus secuit. Quippe ea lugenti aptissima putatur,  
 quæ indecora nec usitata sunt. Cuius rei causa, in Ly-  
 cia affines Et p̄p̄inqui in funere muliebres uestes in-  
 duunt, ut eam uestitus deformitatē pertasi, citius à la-  
 chrymis abstineant. Macedonibus assuetū erat, ut cri-  
 nes tonsi, defunctos lugeant. Nanque Archelaus Ma-  
 cedoniae rex, Euripidem tragicum intimū familiarem,  
 crinem tonsus luxit. In quo facetissimum illud Bionis  
 proditur, perinde lugētes capillum euellere, quasi cal-  
 uitio mœror leuaretur. Carthaginiēses in luctu comas  
 Et ora lacerant, Et hubera plangunt. Idem Græcis in  
 usu fuit, ut in luctu capillum manu discindant, Et co-  
 mam uellant, utque defuncti uxor in fletu oculos cor-  
 rumpat, quasi hoc munus moriētis foret. Aegyptiis quo-  
 que traditur mos, ut in obitu regis singuli capita luto  
 deturpent, Et nudatis mammillis mulieres, uirique pe-  
 ctora plangant: atque in deformi illuue septuaginta-  
 duos dies cibis animantium, uino Et omni paratu ab-  
 stineant: ac recensentes regis uirtutes, crebris eiulati-  
 bus luctum renouent: Si uero feles moriatur, in luctus  
 Et mœroris signum, sola supercilia eradāt. Apud La-  
 cedæmonios obitu regis enunciato, Spartiatæ serui Et  
 mulieres, ingenti coacta manu, laceratis crinibus, ab-  
 scissa ueste, cum uocibus Et ululatu frōtes manu plan-  
 gunt, Et capite conuerberato, interitiū miserantes, eum  
 fuisse optimū regum uoce significāt: quem morte sub-  
 latum, omni genere honorum uelut diuinum cumulari  
 Lycurgus lege sanxit. Ideo prauauit mos, regum Et  
 optimatū in funebri pompa, ubi dolore intestino pre-  
 muntur, ut decoris immemores, cinere caput aspergāt,  
 faciem

faciem deturpent, tunicam discindāt, humi iaceāt, comam uellant. Contra uerò Thraces: nam defunctos cum cantu & luxu, lasciuāq; gesticatione, patrium carmen canentes, efferre soliti sunt. Massilienses quoq; nullo dolori indulgentes, funera cum necessarijs adiecto cōuiuio celebrāt. Cimbri & Celtiberi, si qui in acie mortem oppetunt, gaudio exultant: si aut morbo affecti decedunt, in squalore & luctu sunt. Pellibus quoq; uestiri Romanos diebus luctus, & qui funus facerēt, cuiusq; cura & procuratio funeris erat, prætectā pullam induere, apud multos inuenio. Solitos etiam illorū corpora qui magistratus & honores gesserāt, in prætecta purpura, togaq; consulari uel senatoria, uirosq; triumphales in tunica Iouis, plebeiorum uero in toga plebeia aut pallio efferre, & cum eisdem illa cremare saepe compertū est. Lecto igitur constrato purpura aut linteis splendētibus, & in eo defuncti corpore locato: post ultimam conclamationem, tibicine praeedēte qui naniā funebrem, qua laudes defuncti & facta recensabat, tum pudorem, integritatem & fidem, non saltabundus, ut olim, sed stans Phrygio modulo caneret, funus procedebat. Is enim modus erat ad mœrorem accommodatior, quod ideo institutum ferunt, quasi in illas aeternas amœnitates, ac in sedes & cōcilia piorum post funera recepti uideantur: tametsi multi hoc funeris solenne, & omnem apparatus pratermitti iusserint. Quippe M. Aemilius Lepidus princeps Senatus decedēs, praecepit filijs, ut sine linteis, sine purpura & tibicine funus sibi facerēt. Et Atticus Pomponius, multique clari uiri sine pōpa funeris efferri uoluere: praeficasque quæ luctui praeessent, aduocare, uel precio con-

ducere solebāt, quæ cantu & funebri carmine lamententur, uitamque & præclara gesta, summæq; uirtutes non sine miseratione laudarent. Nonnunquā mihi mos qui personas effingerent, ac facta dictaque repræsentarent, adhibebāt. Quas quidem neniaſ Græcis in luctu sæpe decātari inuenimus, qui apio coronati, defuncti laudes recēſere carmine, quod Ialemon uocāt, & res memoratu dignas, claro præconio celebrare aſſuērāt. Senatoribus uero & patritijs, atq; summis ductibus, tuba: minoribus & plebeijs, exequiali tibia caneant ſiticipines. Quam tibiam nō in funeribus modo, ſed in ſacris, in ludis, & conuiuijs adhibebant. Imperatoribus etiam pluribus tubis mœſtum clangentibus, quod à Caribus & Phœnicibus deductum autumant, qui in funebri pōpa breuib; tibijs lugubre canentibus, uti conſueuere. Deferendi uero feretrū, propinquiore uirilis ſexus dabatur munus. Itaque filij parentes, & fratres ſorores elatas funere deferēbant: nonnunquam ſerui libertate donati, plerunque ſenatorij, prætorij & conſulares, quiq; ampliſſimis honoribus functi erant, imperatorum & conſulariū uirorū feretrum detulere. Quare Pauli Aemylj, qui de Macedonia triumphauit, legati Macedonū: & Syllæ dictatoris feretrum, Senatores & ſacræ uirgines extulerunt. Et Metello filij tres conſulares, duo triumphales, unus cenſorius, & alter prætor lectū ſubiere: dumq; effertur, inſignia honorum quos geſiſſet, ut faſces, ſecures, lictores, armaq; & dona militaria, coronasq; omnis generis quas in uita meruiſſet, uexilla, atq; urbiū dona & legionum, ſpoliaq; hoſtium, ac munera quæ quis daturus erat, expreſſosq; cera uultus, & decora

maiorum



maiorum totiusq; familiae lōgo ordine simulachra, & gentile stemma præserebant ab ultima origine, quātocum poterant apparatu. Quare C. Caesar in amita funere, Marij statuas pro decore familiae detulisse fertur. Et Tyberius in Drusi funere originem Iuliae gētis, Aeneam, omnesque Albanorum reges, Romulum & Appium Clausum, ceterasque Appiorū effigies longo ordine produxit. Ferunt quoq; Iuniā, quæ Cassio nupta fuit, uiginti clarissimarum familiarū imagines, uelut indicium splendōris & uetustatis familiae, in funere praecessisse: inter quos Manlios & Quintios, Cassiumque & Brutum. Nonnunquam, ut ampliore efferrentur funere, plures defuncto strauere lectos, qui instrati in pompa funeris anteibant: sicut de Sylla, cui sex milia, & Marcello, cui sexcentos praelatos legimus. Tum si qui ab eo serui manumissi & libertate donati fuerāt, illi praecipue, qui fide insignes à domino cogniti forent, herilem interitum miserantes, pleni lachrymarū, elatum corpus praecedebant pileati, aut alba lana capitibus uelatis: qui quātō plures erant, tātō plus nominis laudisq; dedere, quod familiā totā decedens dominus, tantis muneribus cumulasset, ac libertatis precio affecisset. Nonnunq̃ illos qui rasis capitibus triūphantis currum fuerāt prosequuti, eiusdem defuncti corpus pileatos in pōpa funeris praecessisse inuenimus. Q. Terentium Culleonem, quem Scipio Aphricanus seruitio exemerat, quiq; triumphantis currum capite raso fuerat prosequutus, eiusdem elatū corpus pileatū praesse memorant: pōst sequente proximorum affinium & amicorū turba, lugentis habitu, capillo demisso, in ueste pulla aut caerulea, ut Cato significat. Quum enim

adoleſcentis funus facerēt, cæruleū frequentes induc-  
bant. Apud exteros uero phæus color ſumebatur in lu-  
ctu. Nanque Antiochus, audito fratris obitu, purpura  
depoſita, phæum induit, qui inter album & nigrum  
ſuiſſe color traditur. Nonnunquam Senatu uniuerſo  
& magiſtratibus cum uexillis, interdum equitū tur-  
mus, ſi quando regū aut Imperatorum funus efferrent,  
comitantibus. Funeris enim hæc lex erat, ut, præcedere  
pompa funebri, uiui ſequantur, tanquam haud multo  
poſt morituri. Interim lectulo pleriq; flores & corol-  
las iacere, nonnulli unguenta & odores, alij dona cu-  
mulare: idque noctu & obſcura luce: ideo ardētes fa-  
ces adhibebant. Nam die funus efferre, uetūſto more  
non licuit: quod Demetrius rex cauuit edicto, ut ante  
lucem uel poſt crepuſculū efferantur corpora: die uero  
non liceret. Sæpe tamen Imperatoris aut ducis, qui oc-  
cubiſſet in acie, funus milites quantum poterant mi-  
litaribus ſtudijs celebrarūt. Ea pompa fuit, ut armatae  
inſtructæq; legiones in turmas & ceturias cum uexil-  
lis militaribus inuerſis, aut abiectis militiæ inſigni-  
bus, deſunctum comitentur: phalerasq; equis detra-  
hant, enſium mucrones & lancearum cuſpides humi  
deiectos ferant, & rogum luſtrēt. Id quod apud Græ-  
cos etiā ſeruari meminimus. Rogo igitur extructo, &  
pyra cupreſſo circundata, propter grauē cremati cor-  
poris nidorē, ne tetro odore abigerētur proximantes,  
ac deſuper deſuncto corpore locato, illius oculos ante-  
quam cremaretur patefacere, & cælo oſtendere mos  
erat: apud alios trientem in os deſuncti, tanquā nau-  
lum, imponere: quem apud inferos dari pro portorio  
opinio fuit & uana ſuperſtitione creditū: quod apud  
Hermio-

Hermionenses uetabatur, quia pronus inde ad inferos descensus erat, quasi nauulo non indigerent obituri: sicut circa exitum Syrtium fuit Leithes amnis, & in Epiro atque Heraclea pontica Acherusius specus, quem usque ad inferna patere dixerunt, & contra Laodiceam os Plutonium, in quo omne animatum moritur, & in Tanaro Laconiae inferni ostia, & spelunca per quam Cerberum eductum & furiarum templum esse ferebatur. Gallis uero mutuam inuicem pecuniam dare, quā apud inferos post obitum redderēt, in usu erat: Præfica assistente, & lamētabili carmine populū rogo circūdatū ad cōplorationes & lachrymas prouocāte, populo etiam largis fletibus, & pari cōploratione respondēte. In quo luctu quādā ad miserationē canebātur carmina, & uersus ad tibiā cum laudibus & lachrymis, pietatē, humanitatemque, & defuncti interitum miserātes. Eam uero pyram pro dignitate & honoribus, quibus in uita functus erat, & prout amplissimos magistratus & imperia gesserat, modo maiorem modo minorem extruxere. Fuitque lege duodecim tabularum cautum, ne de lignis politis extrueretur: donec per funerum ministros, qui pollinctores dicti sunt, corpus igne supposito cremabatur. In qua extruenda id seruatum est, ut præter arida ligna, papyrum quoque, quo facilius cumentur, nonnunquam crocum & uinum affatim apponant. Germanis struem rogi nec ueste, nec odoribus cumulare licet, sed sua cuique arma, & suus equus adiicitur rogo. Corpora uero clarissimorum uirorum, nisi ex lectissimis lignis certi generis, cōcremari sine ullo funeris solenni, nō permittitur. Dumque igne accenso corpus ardebat, pro dignitate,

proque opibus, quibus quisque potēs erat, ita amici & affines, quique cōiunctissimi aderāt, quæ chara habebant & præcipui cultus, cum gemitu & questu miserabili, in luctus & grauissimi doloris signum, ignibus iaciebant. Itaque multi uestes triūphales, ensesque & balteos, nōnulli arma militaria: mulieres uero, ne studio uincerentur, ornamenta sua, armillas, xonas, mundumque muliebrem, uittasque uirginalis coma: alij retortos cincinnos & torques, ac bullas prætextasque liberorum flamma indidere: thuraque, unguenta & odores omnium generū, quos lancibus ferebāt. Quare multos copia odorū ad pyram exanimatos, & præter infinita odoramenta, in funere Syllæ, statuā iustæ magnitudinis ex odoribus absumptā cōperimus. Quæque defuncto charissima, & cordi fuisse arbitrabantur in uita, quarumque rerum mirū & efficax studiū fuerat, ut scuta, gladios & arma, canes, dilectos equos, luscinnias, auesque ad eundē rogam trucidatas, ut unā cum defuncto cremaretur, igni tradebāt: plerique uero seipso. Vnde exēplis palam factū nouimus, multos accensis dominorū rogis, doloris impatiētes, uel uiolētas sibi manus intulisse, aut igni pariter absumptos esse. Quod etiam de canibus qui charitate dominorū in flāmas se iniecere, memoriæ proditū est. Nam Hieronis & Lysimachi canes, accēsis rogis dominorū, in flāmas se iniecisse, & uno incendio arsisse tradunt. Qui etiam erat Græcorū & Aethiopum præcipuus mos, ut comas ad rogam dissecant, corporique & igni imponent: boues & pecora, equosque & canes in ignem mittant, uinumque & oleum fundāt: utque rege morte sublato, familiares, & qui cum eo coniunctissime uixerant,

cha-



charitate principis uim uitæ sibi ad rogum asserant, unaque morte intereant. Indorum peruulgata historia est, ut uiro defuncto, quæ charissima cōiunx in uita fuerat, eodem igne absumatur, unaque concrementur. Thracibus & Getis erat iste mos, ut uiro defuncto, præcipue dilecta coniunx, maximo cultu ornata, ad tumulum duci, & à propinquiore maectari, eodemque tumulo humari debeat: Gallis uero, ut serui clientesque cum dominis patronisue unà crementur uiuentes eademque pyra intereant. Gerri Scythica gens, defuncto rege, in tumulo ubi cadauer odoribus delibutum erat, præcipuam concubinarum, pincernam, coquum, agasonem, ac ministrum, unà tumulare, equosque & L. ex ministris ad rogum præfocare assuerant. Græcis uero usurpatur, ut imperatore aut duce fato perfunctis, funus efferatur solenni pompa & apparatu regio: captiuique & milites circa rogum digladiantur, ouesque & boues maectentur: utque in omnem formam luctus concedatur, equi uiri que tondeantur, propugnacula è mœnibus diruantur, templa lapidentur, aræ subuertantur, Lares abijciantur, partus exponantur, cibo abstineant, ignis extinguatur, atque in pompa funeris, magistratus, sacerdotes, pueri atque iuuenes cum trophæis, coronis que, & armis militaribus funus prosequantur. Cœnas quoque ferales apparari & crateres lacte, uino & sanguine: necnon mella & crocum ad rogum inferri solita inuenimus, ut unà cum defuncto crementur. Fuitque mos Galatarum, ut defuncti familiares & affines, inscriptas epistolas ad rogum coniiciant, uelut apud inferos mortui illas mox lecturi forent. Funebremque laudationem,

optimates & grandes natu, aut proximi necessarij in honore positi, de laudibus defuncti habere, ac solenni laudatione illius facta dictaque, & totius uitae cursum, maiorumque laudes recensere assueant. Primus enim Valerius Publicola, mortuo Bruto, supremas ipsius laudes accurata oratione prosequutus fuit. Inde institutum, ut clarorum uirorum in funeribus solennis laudatio esset. Nam & Appij decemuii defuncti laudationem sequentis temporibus plebs aq̃uis auribus audiuit. Et Scipionem in funere supremo, ut hominem diuinum, Maximus comendauit. Fuitque in usu apud Aegyptios, rege defuncto, antequam iusta dentur, per sacerdotem qui proximam tenebat dignitatem, omnem uitae seriem, & ipsius dicta factaq̃, & an fuerit fortissime praeliatus, an uero segnis & deses, ex alto suggestu in maximo omnium conuentu perlegi & recenseri: & si uitia praeualebant, honore funeris priuari, atque insepultum cadauer abijci: si uero uirtutes praecellerent, omni honore cumulari, unguentis deliniri, & laudibus celebrari. Reliquos uero cuiusque sortis homines, ita laudari, ut sine ulla opum fortunarum mentione, solam religionem, iustitiam, pietatemque commendarent. Apud Indos uero multa secula uiguit mos, ut quum moritur quispiam, pro foribus domus, magistratus cui hoc munus impendebat, antea actam uitam moresque describat: ut uitia laudesque innotescant omnibus, & palam fiant. Ferturque Fabius Maximus praeceteris unus, qui in funere filij intestino dolore affectus, oratione non infraeta ad populum ipsius laudes magno spiritu disseruit. Quod a Graecis simile quoddam accepimus, ut defuncti laudes solenni

oratione, & longo petito proœmio, prosequatur. Pro-  
diturque primus Pericles fuisse, qui carmine & lau-  
dibus eos qui in bello Peloponensiaco pro patria occu-  
buerant, prosequutus fuit. Alij uero Solonem Græcis  
funebrem orationem primū inuenisse ferunt. Et quan-  
tis à principio uirorum tātum gesta, nec mulieres lau-  
dare consueissent: quia tamen Camilli tempore colla-  
tum aurum, ut se populus Romanus à Gallis redime-  
ret, dederunt, cautum fuit, ut in earum funeribus, sicut  
in uirorum, solennis laudatio esset. Nonno uero die re-  
liquias defuncti & cremati cineres, mater, soror &  
propinqui, affinesque nigra in ueste & effusis comis,  
aut pontifices & sacerdotes, nonnunquam primores  
patrum perfuncti honoribus, tunicati & discincti, lo-  
tis manibus & nudis pedibus, ossa à cinere separare  
& colligere, eaq; lacte & uino lauare, & deos ma-  
nes aduocare: Græci uino & unguento inspergere so-  
lebant, cumque odoribus effusi in lachrymas, in urna  
condere, & linteo uentilare. Fuitque seruatum apud  
Indos & Aegyptios, regum funebres tunicas, quod ci-  
neres cremati à reliqua fauilla distincti iaceant, ex  
licio, quod igni non absumitur, conficere, easque ad  
rogum defunctū corpus induere. Quippe in Carysto  
lapis nascebatur, qui uelut lana intextus, nullo igne  
adurebatur. Tunc postquā defuncto conclamato, &  
nomine deplorato, satis lachrymarū luctusque fuerat,  
ipsiq; ter aqua aspersi & lustrati erant: omni munere  
absoluto, supremum Salue & Vale, tanquam nun-  
quam eos uisuri ultra, conclamabant: & à præfica fe-  
ralibus officijs iustisque persolutis, post lamenta &  
conclamations, I L I C E T dicebatur, qua uoce mis-

sum populum faciebat. Quique funus prosequuti, qui-  
que comites fuerant, uelut supremo functi officio, ad  
proprijs lares reuersi, aqua aspersi, ignem supergra-  
diebantur, hoc se piaculo ex funere expiari arbitrati,  
quod expiationis genus suffitionem dixere: cuius rei  
causa ferias saepe indixerunt, quæ Denicales dictæ.  
Græci uero aqua lustrantur pura, eademque expur-  
gantur, in qua torrem ex altari extinxissent prius.  
Scythæ post funus amicos excipientes, epulum prabe-  
bant cadauer comitantibus: peracto igitur funere, ubi  
à luctu quieuit animus, uiscerationem & ludos fune-  
bres, plerumque gladiatorios, muneraque: Græcis gym-  
nica certamina & equestria in defuncti memoriam  
populo dari seruatum est: nonnunquam nauiam cur-  
sus & naumachiam. In qua uisceratione fuit institu-  
tum, ut omnia carius uenirent: quare ad pollinctum  
emere, sermo percrebruit. Ferturque Numa edictum, ne  
pisces qui squamosi non essent, ad pollinctum emere fas  
foret: scilicet ne nimis magno in funeralibus cœnis mer-  
carentur obsonia: quam cœnam pollincturam dixere:  
in qua, etsi nihil deesset, omniaque affatim suppetere-  
t, latari tamen minime decebat. Fuitque institutum, ut  
per uini cibi que lenimen, defuncti desiderium leua-  
retur. Præter quam erat cœna exequialis, quæ senibus  
& his qui multum ætate processerant, dabatur: in qua  
pransi, discedentes post supremum officium, alter alte-  
ri ualedicebat: quam Silicernium uocant. Athenis per  
funeri præfectos epulum apud defuncti maxime ne-  
cessarium dari consuevit. Argiuorum uero institutum  
fuit, ut defuncti affines, statim ab excessu Apollini sa-  
crificent, & trigesimo post die Mercurio: Apollinisque  
sacer-



sacerdoti hordeum dent, ignemque extinguant, & rursus accédant, carnesque uictimarum percoquant, quibus postea uestuntur. Eos quidem ludos apparatu magnifico, continuis IX. diebus, in hisque gladiatorum paria, qui uenalem sanguinem habebant, Romani exhibuere: ad quos intromitti matronas nefas habitum. Idque adeo usu & moribus interdictum fuit, ut P. Sempronius uxori, quod ludis funebribus interfuisset, repudium dederit. Domi quoque & in loco celebri, defuncti imagines in memoria posteritatis, plerunque cereas aut marmoreas, uel aneas: colūnas quoque cum trophæis & titulis, ac magnificentissimis decretis, publico cōcilio erigere & res gestas monumētis inscalpere, leuādi desiderij causa, antiquo more seruatum est: quas etiam iniuria casis ciuibus sempiterno auro duraturas, publico decreto erexerunt, ut gratiam benemeritis ferrent. Apud Lacedamonios, his qui in re militari facinora gesserāt fortia, statuas & columnas paritur cum elogijs post obitum dedere. Rege uero defuncto, ipsius simulachrum, ita ut uiuus appareret, in toro purpura & auro instrato effinxere. Tempus uero luctus, ut erat à Numa cōstitutū, posterī seruauere: qui puerum trimo minorem, nec lugeri, nec plāgi uoluit. Id quod in Thera una ex Cycladibus seruatum legimus: in qua pueri citra septēnium, aut homines ultra quinquagesimum annum indefleti fuere: quod illi rapti immaturo funere, uix primum uitæ limen attigissent: isti autem satis diu uixissent: neque ultra menses decem, filios parentum, aut uxores uirorum mortem deflere statuit: quod lugendi tempus, patri & filio, æquē fratri & sorori commune esse uoluit: ultra uero

non licuit, ne luctu indefesso & lachrymis nunquam desinentibus domus & familia funestarentur: itaque post annum parentes filiorum, & fratres sororum funera deflere uetuit: ab eo enim tempore lamentis parcere iussum est. Tametsi nullum lugendi tempus uiris legitimum fuisse nonnulli credant, annumque fœminis tantum præfinitum ad deplorandum: masculis non item: infra quem alteri nubere non licebat, & cōcepto necdum edito partu, uetabatur. M. tamen Antoninus philosophus, ne ultra quinque dies lugerent Romani filium sibi morte sublatum, summæ spei adolescentem, edicto in hibiuit. Q. uero Maximus filio consulari, & L. Paulus duobus paucis diebus amissis, & M. Cato, mortuo prætore designato filio, non luxerūt. M. quoque Bibulus cōsul, quum toto cōsulatu domi delituisse, quo die de obitu duorum filiorū certior fuit, in senatū uenit, & munus consulare obiuit. Quod de Anaxagora & Xenophonte traditur, & Asinio Pollione, qui quo die filium amisit, in conuiuio luxit. Contra Pericles, quum animo infracto semper fuisset, amisso Paralio filio magnitudine doloris uictus, lachrymas huberes dedit, & eiulatus nunquam desinens. Filios uero minores decennio, tot mensibus quot annis uixissent, à parentibus lugeri statuit. Sed nec uxores à uiris, nec sponsas lugeri fas putauit. Tempore uero luctus, matronæ purpuram aurumque deponunt, atrasque uestes induunt, & in pellibus degunt: nec illa resumere, donec eluxerunt, licet. Viri autem senatorij laticlauum & annulos aureos exuentes, pullas uestes sumunt: barbam capillumque summittunt. Piceas quoque & cupressos, ueluti ferale arbores & Diti sacras, in lū-  
gubri

gubri domo patritiorum, amissis fratribus, liberis & propinquis, apponere mos erat. Græcis uero funesti, & qui exequias duxissent, ut lapide lesbio extructas domos incolant, quod subtristi esset aspectu. Atheniensibus Solon flebiles lamentationes, & cætera dolorem testantia, uelut inania & nihil uitæ proficientia, sustulit. Lycurgus uero Lacedæmonijs XI. dierum spatium luctum terminauit. Quod à Thracibus & Massiliensibus usurpatum legimus: qui quotidianas lachrymas & funesta omnia, ac sordes lugubres in funere inhibere. Luctus autem & mæror patrius intra lugendi tempora ob plurimas minuitur causas: ut si liberi nascerentur, si pater aut filius, frater aut uir, ab hostibus capti reuertissent: aut cum propior affinis, quàm qui lugeretur, domi natus foret: uel si puella dabatur nuptui: publicus uero, si lustrum fieret, aut uota soluerentur, uel sacra Cereris instarent. His enim casibus, domum aut familiam in squalore & sordibus esse non decebat. Hoc quoque notare contentus sum, neque puerum minorem septennio, priusquam omnes genitantes forent: neque fulmine ictos, qui uita functi essent, rogis imponere, aut corpora cremare: neque hominem uita sublatum, ferijs publicis efferre licuisse. Quodque quoties plura cadauera & aceruata corpora urerent, aut incendi curarent, solitos esse funerum ministros, denis uirorum corporibus singula muliebria adijcere, ut unius adiumento cætera facilius deflagrarent.

Miraculum Tritonum & Nereidum, quæ uarijs in locis tempestate nostra comperta fuere. Caput VIII.

TRITONEM & Nereidas, hominesque mari

genitos, quos marinos appellât, praterquam quòd apud Plinium naturalis historia nono legeramus, nostra quoque tempestate cõspicuos fuisse, multa documenta sunt. In memoria mihi est, cum adolescentulus ego in porticu nostra Portanouesi Neapoli quãdoque diuertere rem, Draconettum Bonifaciũ Neopolitanum, patritiæ gētis & inclytæ familiæ uirum, ut in homine militari, facundia florentis, & multarũ rerum cognitione clarum: tunc senecta uenerabilem, & debilitate pedum inualidum, in conuentu maximo, præsente atque audiente me, referre solitauisse, se dum in Hispania militaret, marinũ hominem uultu & corpore prorsus humano, absoluta similitudine pube tenus: postremis uero in piscem desinentibus uidisse, in melle ex ultima Mauritania & Oceani finibus ad regulos, sub quibus stipèdia faciebat, & honestum ordinem duxerat, pro monstro allatum. Fuisse autem facie hominis uetusti, capillo & barba hispida atq; hirta, colore caruleo, statura procera & maiore humana: alisquoque tenui cartilagine, quibus marinos fluctus secabat, & membrana passim interlucente munitum. Et hanc rem non sibi tantum, sed plerisque summæ nobilitatis uiris, notam & conspicuam fuisse, dicere. Sed ne quis hoc uanum aut cõmentitium fortasse putet, Theodorus Gaza uir Græca facundia clarus, & philosophiæ præceptis imbutus egregie, apud Iouianum Pontanum, ad quem frequens uentitabat, compluresque nostrates, scitè admodum & luculenter ratiocinabatur, se dum in Pelopõneso ageret, & sæda maris tẽpestate oborta, durissimo tempore anni, nonnulla piscium monstra procella ad littus illisissent, inter cetera uidisse Nereidem



in littore, fluctibus expositam, uiuentem iam & spiran-  
tem, uultu haud absimili humano, facie quoque decora,  
neque inuenusta specie, corpore squamis hirto ad pu-  
bem usque, nisi quod cetera in locustæ caudam desine-  
bant: ad quam propere uisendam cum frequens con-  
cursus fieret, ipseque & nonnulli è propinquis oppidis  
uicini affinesque, eò se cõtulissent, illam frequēti turba  
circundatam, mœstam & animo consternatam, ut ex  
uultu cõiectari erat, in littore iacentem, crebroque su-  
spirio fatigatam conspexisse: mox cum à tam frequēti  
corona inspiceretur, seque in sicco destitutam uideret,  
præ dolore gemitus spirantes & lachrymas huberes  
dedisse: cuius misericordia motus ipse, ut erat mitis pla-  
cidusque, cum turbam decedere de uia iussisset, ipsam  
interim brachijs & cauda, quo maxime modo pote-  
rat, humi reptantem, paulatim ad aquas peruenisse.  
Cumque se præcipitem magno nixu in mare dedisset,  
ingenti impetu fluctus secare cœpisse, momentoque  
tēporis elapsam ex oculis, nusquam apparuisse. Geor-  
gius quoque Trapezuntius uir multi nominis & ma-  
gnæ eruditionis, aperta professione referebat amicis, se  
cum haud procul à littore in fonte quodā spatiaretur,  
puellam conspexisse eleganti forma undis extantem  
pube tenus, & quasi lasciuires, subinde emergentem  
summergentemque se, quoadusque se conspectam in-  
telligens, haud amplius apparuit. sed super omnia  
in nostro æuo haud absimile factum accepimus in  
Epiro, profecto exemplum inter pauca memorabile,  
quod nonnulli prodendum posteris putarunt & a-  
ctis quoque publicis testatum est: ad fontem iugis  
aquæ, ad quem mulieres ex oppidulo aquatum

uentitabant, Tritonem seu marinum hominem è spelunca, quam forte ibi nactus fuerat, obseruare solitum, si quando solam ad aquas accedentem, aut per littus obambulatem mulierem uideret, ipsum ex undis & spelunca leni gressu tacitisque uestigijs desilire, & à tergo accedere, ac ui compressam mulierem ex insidijs adoriri, & ad mare cõcubitus causa arripere, arreptamque sub undis deferre cõsueuisse. Quod cum apud loci incolas percrebruiisset, diligētius marinū mōstrum obseruasse, & cum diutule laqueos illi intēdisset, haud multo pōst dolo captum, & laqueis uinctum cepisse: cumq; cibo abstineret, extra aquas diutius uiuere nequuisse, squaloreque tandem & tadio ad extremam rabem uenisse. Tenet fama, uenereos eos & flagrantissime mulierum amasios esse: propterea oppidi incolae edicto inhibuisse, ne qua deinceps ad fontē mulier, nisi uirus comitata, accederet. Hæc nos & eiusmodi ab his qui diuersa maria penetrarant, & eadem monstra placidis aquis colludentia uidissent, & in occursum nautis, exertis capitibus ab undis occurrisse, & uoces audisse referebant, plerunque accepimus.

Qui xyfici, quine thymelici apud iurecōsultos dicti sint, quòd ue officium, & quid nomina designarint. Item qui intelligantur per aque aspersores in sacris certaminibus apud iurecōsultum, & quid pancratiastes & pancratium. Caput IX.

CVM Iohanne Platina uiro docto & antiquitatum studioso, pro familiari cōsuetudine sæpe deambulabamus, & omnes antiquitates, ueterumque monumenta atque ruinas urbis explorabamus. Dumque in ueteri sepulchro inter semirutata uestigia in Quirinali, literis miranda uetustatis, situ & senio oblitteratis epita-

epitaphium legeremus in scalptum his uerbis: L.  
 THENODORVS XYSTICVS, PARIDI  
 THYMELICO BENE MERENTI FE-  
 CIT: Querebat Platina, qui xystici essent, quiue thy-  
 melici, nunquid artis nomina uel cognomenta forent.  
 Cumque meminisse me apud autores, qui xystici dice-  
 retur legisse, quodque in xystis uelut in gymnasiis nu-  
 di exercebantur, athletas xysticos dici respondissem:  
 xystos autem longas fuisse porticus ampla latitudine,  
 & gymnasium ubi ambulationes essent, & arbores  
 plerunque digesta: in quibus athletæ hybernis sepe  
 temporibus luctabantur: quas Græci hypathras seu  
 paradromidas dicunt, instar illorum quæ in Attica fue-  
 re gymnasia: quæ tria uel maxime memorantur, Ly-  
 ceum, Gymnosarges, & Academia: qui autem thy-  
 melici essent, mihi non succurrere, neque in mentem  
 uenire asseuerarem: tum Platina quasi admirans, ait,  
 nūquid nostro ciuili iure aliquam de thymelicis men-  
 tionem fieri adnotassem. Nam de xysticis satis sibi li-  
 quere, pugiles fuisse, uel ex eo quod in xystis & longis  
 porticibus exercebantur: uel quod hastis decernerent,  
 à Græco uerbo fusi: quod est hasta: quare xysticos lu-  
 diones, quod hastis depugnarent uelut gladiatores,  
 & xystarchum qui Gymnasio præset, nuncuparunt:  
 thymelicos uero, eiusdem generis pugiones seu histrio-  
 nes fuisse se arbitrari. Siquidem Græci histrionicam,  
 thymelin nuncupant: θυμῖδι enim, scenam dixerunt:  
 θυμῖδις, scenicos & histriones; & nisi quid se fallat,  
 de his apud iureconsultos in edictis prætorum metio-  
 nem fieri aiebat. Fuere, inquit, athletarum & hi-  
 strionum species multifaria: nam & gladiatores, &

pugiles, & thymelici, & pancratiastes, xystici, pantomimi, palastrita, & arenarij, sicut Thraces mirmiliones, sequutores & retiarij: omnes athletarum, histrionum, & camædorum numero habētur: licet pantomimos à Domitiano sublato, mox à Nerua restitutos, demum à Traiano eiectos: histrionesque à Tiberio & deinde Nerone, ob plurima flagitia Italia pulso legamus: thymelicum uero choragium, apparatus esse scenarum & histrionum: quos omnes inter artifices adnumerari, neminem fugit. Et pleraque hoc genus memoriter & expeditè, ut suus mos erat, ueterum testimonijs exemplisque referebat. Cum uerò nos hac admonitione attentiores facti, in legum commentarijs uersaremur, deprehēdimus apud Vlpianum titulo de infamibus, thymelicorum, xysticorū & athletarum, quod tunc non commemoramus, mentionem haud dubiam fieri: thymelicosque & xysticos inter atletas, & eos qui in theatrum prodirent, ad edendas in scena operas, adnumerari: id quod Platina fuerat præclare arbitratus: censuisseque iureconsultos, quòd pugnandi causa in arenam prodiret, & ludicram facerent, non propterea infamiae crimen aut notam incurrere. Cuius uerbis admoneor, ut uerum esse censeam, quod apud Ciceronem refert Aemilianus, artem ludicram & scenas quādoque Romanos probro duxisse, genusque hoc hominum tanquam scurras improbißimos tribu amouere uoluisse. Quare sub Tiberio, in opera scenæ prodūsse, famosa nota censebatur. Quod etiam senatusconsulto fuit uetitum, cautumque seuerè, ne equites Romani ludo & arena polluerentur. Tametsi feratur Augustus athletis cōseruasse pri-  
uile-



ailegia & ampliassse, coercionemque in histriones  
 magistratibus inhibuisse, ita ut in eos animaduersio-  
 nem non haberent. Græcis uero produsse in scena, in-  
 ter athletas honori fuit, nec probro datum est: quippe  
 cum Plato summus fuisset athleta, post multiplices ui-  
 ctorias se philosophia dedit. Verba uero Vlpiani ex  
 responsis Sabini & Cassij hæc fuere: Athletas omnino  
 artem ludicram non facere: uirtutis enim gratia hoc  
 facere, & utile uidetur, ut neque thymelici, neq; xy-  
 stici, neque agitadores, neque qui aquam equis spar-  
 gunt, ceteraque eorum ministeria qui certaminibus  
 præsent sacris, aut deseruiunt, ignominiosi. Ex quibus  
 liquet, thymelicos & xysticos à iureconsulto inter  
 athletas adnumerari. Sed quia de pancratiaste &  
 his qui in sacris certaminibus aquam equis spargunt,  
 mentio fit, qui fuerint hi, & an inter ludiones recepti,  
 adhuc ambigi dubitarique potuit: cum præsertim  
 nullam de his qui aquam in certaminibus spargunt,  
 mentionē fieri apud ueteres, quod meminere, sciam:  
 nisi eos dicamus fuisse, qui in stadio dispositi, equis  
 sponte currentibus, quo uelocius metam contingeret,  
 aquam per uices spargere, itaque illos ad cursum im-  
 pellere solerent. Pancratiasten uero, eum dici uolunt,  
 qui luctator simul & pugil foret: quippe cum alij pu-  
 giles, alij luctatores forent, is qui utroque teneretur  
 studio, pugna scilicet & lucta, pancratiaasticus nun-  
 cupatur: & ubi exercentur, pancratium. Censuitque  
 Vlpianus ad legem Aquiliam, illum qui, dum exerce-  
 tur in colluctatione uel pancratio, aut pugilatu ali-  
 quem oppressit uel occidit, Aquilia teneri. Verba uero  
 Vlpiani ex ea lege, hæc sunt: Si quis in colluctatione,

- „ uel pancratio, aut pugilatu, dum exercentur, alius a-  
 „ lium occiderit, Aquilia tenetur.

Locus ex Iuvenale de trulla, quid designet, ex autoritate iu-  
 risconsultorum & aliorum testimonio explanatur.

Caput X.

TRULLAS pocula esse & uasa potoria cense-  
 ri, haud immerito plerique existimarunt. Idque quod  
 à Iuvenale dictum est de trulla, de quo apud eruditos  
 controuersia est: non id credi decere, quod uulgo puta-  
 runt: ut de uase in quo alui proluuias effunditur, in-  
 telligatur, cum id aliud sortitum nomen sit, & à do-  
 ctissimis scaphium & lasanum dicatur, ueroque au-  
 toris sensui non satis conueniat: sed de uase potui pa-  
 rato, intelligi oportere constat, illudque quam synce-  
 rissime à poeta dictum fuisse:

„ Laudare paratus,

„ Si bene ructauit, si rectum minxit amicus,

„ Si trulla inuerso crepitum dedit aurea fundo.

In quo illū significare haud dubie putamus, qui post-  
 quam calicem exhausit, in ipso fundo, ructu aut sibilo  
 crepitum facere more detestabili non fuit ueritus, ubi  
 idem crimen bis arguere satyricæ dignitatis fuit: uel  
 de eo, qui postquam uini calicem hausit, id quod re-  
 mansit, ita elisit in pauimento, ut resonaret. Quod in-  
 solentissimi animi, audacis & petulantis, nimiaque  
 securitatis fuisse liquet: quem abusum apud compoto-  
 res & helluones impuros, qui scortis uinoque ma-  
 didi & epulis distentierant, Græcis inualuisse multi  
 adnotarunt: ita ut ludus inde conuiualis foret, quem  
 cottabism appellarunt; cum residuum potum in æ-  
 neas phialas iactarent: qui si sonantior creperet, se

ab amica redamari, & mutuo affectu teneri putabant. Quod esse probabile, et ab auctoris sensu nō alienum, ex contextu uerborum liquere putamus. Id uero quod de trulla diximus, inter pocula censerī, scitē admodum à Scauola libro iij. de legatis definitum est in hac uerba: Seia dulcissimæ poculum aureū quod elegerit, fidei hæredum commissio ut darent: quæro cum in hereditate nō sint nisi trulla, scyphi, modiolī, phiala, an seia de his speciebus eligere possit: Respōdi, cum omnia potui parata, pocula dicantur, posse. Plin. septimo & trigésimo historia naturalis: Titus Petronius, inquit, uir consularis, inuidia Neronis, myrtinam trullam CCC. sestertijs emptam fregit, ut mensam eius exheredaret. Cice. in Verrem VI. actione: Erat, inquit, uas uinariū ex una gemma prægrandi, trulla excauata. Horat. quoque in satyris:

„ Qui Veientanum festis potare diebus

„ Campana solitus trulla, uappamq; profestis.

Ex quibus licet æstimare, trullā inter pocula & uasa potui destinata censerī: sicut scyphus, modiolus & phiala, & quā Varro dixit depestam. tametsi scyphū Herculis, cantharum Liberi poculū legamus: quo Marius post Cimbricam uictoriā, potasse assidue dicitur. Fuit quoque heracleum, Herculis poculum, sicut nestorīda, quo Nestor utebatur: & grammaticum Homeri carmine celebratum: quæ in Dianæ templo affixa Capuæ uisebantur. Notatumque fuit, inter scyphos, Bæotios palmam tulisse, qui Heracleotici dicti, & Alexandrinās cucurbitas, cum exaruerint, ad usum uasorum præcipuas fuisse. Fertur L. Crassus orator duos habuisse cyathos Mætoris manu, C. sestertijs emptos, quibus

ob pudorem nūquam usus fuit: & Cornelius Macrus in sacris propinare electrina patera, quæ in medio Alexandri uultum, in circuitu uero breuibus signis omnem historiam & bella continebat. Præter quæ uinaria uasa à Græcis celebrantur, crossus, bicus, gaster, gasterium, bicariū, cypellū, amphicypellum, cyphela, & quod hodie seruat nomen baucalium, diuersorum generum: & cybium nauius instar: propterea dactylotum, ex proiecturis digitorum nuncupatum, guala, dynos, cyborium, cotyle, encotyle, cadus, & cadiscus & theryclia non incelebres, quibus Dionysius libasse fertur. Id autem quod populari sermone de trulla secus dictum est, ab eruditis haud immerito perperam iudicari. Succurrit tamen in hac re notare, quod Pomponius iureconsultus de auro & argento legato memoriæ prodidit, legatis uasis etiam scutellas & promulsidaria contineri: in quo animaduertimus, promulsidaria, uasa quibus mulsum continetur, nūcupari. Et licet Græci οἰνομήδου & μολίνου mulsum uocent, Vlpianus tamē de uino et oleo legato, uini appellatione putat mulsum non contineri, οἰνομήδου uero contineri.

Exempla frugalitatis priscorum, & quàm parco uictu consenti fuerint, & quando luxus primum urbem inuasit. Caput XI.

PRISCAE frugalitatis & abstinentiæ, qua ueteres usi fuere, multa & magna nobis documenta sunt. Siquidem & uini usus adeo mulieribus interdictus fuit, ut uinū bibisse perinde esset, ac si in adulterio aut graui crimine deprehensa, capitali iudicio plectēda foret. Inoleuitque usus, ut cognati affinesq; mulieribus osculum ferrent: scilicet, an uinum bibissent, ut ore explorarent.



plorarent. Idem Massiliensibus & Milesijs, pluribusq; Græcorum & barbarorum gentibus, apud quos hydropota fuere mulieres: nec mulieres modò, sed et uiri abstemiũ. Apud Troglodytas licet reges mulsum bibāt priuilegio honoris, uulgus tamē abstemiũ est, & aquā potat cum paliuro. Quod & uiris a quē Romæ criminofum fuit, ad annum usque trigesimum: seruo uerò interdictum penitus, nisi sacrorũ causa solennibus festisque diebus. Quem osculandi quotidianũ usum, postea Tyberius Cæsar edicto inhibuit. Legimus Romulum urbis conditorem quòd in conuiuiũ uinum nō biberet, à cõuiuijs increpitum: & Quintum Coponium, quòd uini amphoram ei, cuius suffragio magistratũ petebat, dono dedisset, ambitus fuisse condemnatũ. Proditurque memoriæ Egnatius Metellus uxorem, quòd uinum biberat, fuste necasse: & Cn. Domitius mulierem, quæ uisa est plus uini bibisse, quàm ualetudinis causa deceret, dote multasse: & matrona magna natu, quòd clauēs cellæ uinariæ resignasset, inedia mori coacta. Lucius quoque Papyrius Imperator aduersus Samnites dimicaturus, uictori Ioui pocillum mulsi, pro re magna uotum fecisse dicitur. Bibebant enim murinum aut passum, sapam aut defrutum, aliaq; eius generis potu dulcia. Adeoque eos qui se uino ingurgitarent, ofos habebant, ut sequutis tēporibus censores tanquam indignos qui honores & publica munera gererent, Senatu amouerent, notaq; & ignominia perstringerēt. Indignum enim uidebatur, illos qui ingenio temulento & marcido forēt, quiq; libidinũ maculis notarētur, ad rempublicā accedere, aut de publicis cōsultare. Quod etiā Cretenses, Lacedæmonios, &

Carthaginienſes factiſſe nouimus, qui militibus, ne efferos militia animos inſolentia aſſuſcerent, in omni militia uini potiꝯ interdixere ex inſtituto Platonis, qui etiam magiſtratibus, donec in honore eſſent, uinũ inhi-  
buit. Id quod penes Athenieſes criminoſum erat, qui-  
bus ebrius princeps morte mulſtabatur. Et Pittacus  
temulentos, ſiquid deliquiſſent, duplici pœna puniri  
curauit, ut formidine ſuppliciꝯ, à uino promptius abſti-  
neret. Quin etiam Aegyptiorum lex erat, ut certa uini  
ſubtaxata menſura regi quotidianis ferculis daretur,  
ultra quam excedere non licebat, ne ſui impos, per oc-  
caſionem & licentiã turpitudini et ſordibus uacaret.  
Sicut proditur de Moſſynœcis ultra Carambim flumẽ,  
qui regem quem delegere, ſi quid prauè deliquiſſet, to-  
tius diei inedia mulſtabat. Apud Locrenſes Zeleucus  
uinum uſque adeo auerſatus fuit, ut etiam morbo af-  
fectis dari inhi-  
buerit: cavitque, ut qui uinum biberet,  
capite lueret. Indi adeo abſtemiꝯ fuere, ut niſi ſacrorũ  
cauſa, uinum bibere nulli fas foret, quibus erat conſti-  
tutum, ut ſi temulentum regem mulier occidiſſet, hoc  
donaretur munere, ut ſucceſſori nuberet. Perſarũ quo-  
que milites adeo abſtemiꝯ traduntur, ut pane & aqua  
ſapius uictitarint, panis condimentum & obſonium,  
famem eſſe dictitantes: quibus tamen ſemel annis ſin-  
gulis inebriari permiſſum erat. Proditumque eſt, Scy-  
thas, cum inebriari gaudeãt, & abſtemiꝯ ſint: ſi quan-  
do ebrietatis dulcedine capi uellent, ne contra conſti-  
tutum facerent, in ignẽ coniectis herbis, & fumo hau-  
ſto, haud aliter quàm uino epoto, madidos fieri. Quod  
de Thracibus traditur, qui epulantes, focos ambiunt,  
herbarum ſemine ignibus iniecto, cuius nidore capti,  
ebrios

ebrios imitantur, & tanquam uino affecti temulenti iacent, sicut nepenthes succo delibutis, tristitiam discuti putarunt. Babylonij quoque incenso arborum fructu, & fumo hausto, ita ebrij redduntur, ut tripudij & cantibus exultent. Indos ferunt ex fructu arundinum, quæ mel gignunt, aut uino ex dactylis, atq; Aegyptios potu è frugibus inebriari: quin etiam populū Romanum multa secula nō pane, sed pulte uictitasse: pistoresque, per annos fere sexcentos usque ad Persicū bellum, nullos Romæ fuisse satis constat. Fiebat enim puls ex aqua frumenti & fabarum aut hordei farina, quam in sacris & oblationibus deorum pro uictima adhibuere: qui quidem pistores tostū panem lautioribus coquere solebant, reliquæ multitudini far, ideo quod far pinsebant, pistores dicti. Quippe cum ueteribus molarum nullus usus foret, fruges igne tostas in pilas coniectas pinsebant: unde & Pisones dictos uolunt: id enim molarum instar erat. Fuitque uetus mos, ut ijdem essent coci & pistores. Lapsis mox temporibus haud longo interuallo, panes facere, opus fuit mulierum. Ante uero fruges cognitæ, gentibus plurimis glandes fuere frumenti loco: sicut pyra Argæis & Tirynthijs, ficus Atheniensibus, quibus Cares adeo abundant, ut illis enutrient pecora: milium Mæoticis & lotometra, ex cuius semine conficiunt panes: Medis amygdalæ, Ichthyophagis pisces, Aethiopibus locustæ & arundinum fructus, Getulis ferina caro & pabulū pro pulmētario cessere, Chelonophagis testudines, cardamum uero Persis, palmulæ autem Carmanis & Babylonijs. Aegyptij ex loto diu uictitarunt: Alani carnis, nō pane uescūtur. Nomades & Getarum pars,

lacte. Indis autem calistia semen cibarium fuit, quorū reges oleribus & palmulis plerunque uictum quasi-  
uerunt, ciborum affluentiam uelut inuitamenta igna-  
uia auersati. Epicurus quoque summus uoluptatis af-  
fector, uictu frugali & modesto contentus, aqua &  
polenta, aut pane hordeaceo uictū quæsiuit, contraq;  
paupertatem inuictū animū gessit: non quod uolupta-  
tes auersaretur, sed q; in tenui uictu se plus uoluptatis  
experiri aiebat: cuius rei argumentum est, quod ole-  
ribus & pomis ac uilibus cibis, quibus uiuendum cen-  
suit, libros refarsit. Inter quos proditur Philinus qui-  
dam tanta abstinentia, ut nullo cibo, nisi lacte uicti-  
tarit: et Moschus Antimolus sophista, solis caricis uesci  
solitus. Pueris quoque & iuuenibus, ut uerecundiores  
essent, in magistrorum & affinium cōspectu foris cœ-  
nitare: uiris autem, ut frugalitatis & parsimonia do-  
cumenta darent, propalam cibum capere, consuetudo  
fuit: torusque illis ex ulua palustri fiebat, aut stra-  
mento: hyemeque ad focum, æstate uero in propatulo,  
& sub dio neq; ultra nouem singulis lectus cœnitabāt:  
illosque lautioribus uesci cibis nō sinebant: nam car-  
nis arida, aut lardi pondo tria, & salsamentorum li-  
bram quotidianis ferculis apponere criminosum erat.  
Siquis ultra apponeret, lege plectebatur. C. Fannij con-  
sulis lege ante tertium Punicum bellum introductum  
est, ne quid uolucrum præter unam gallinam, quæ al-  
tilis non esset, apponeretur: utq; modus cœnarū luxu-  
ria non diffunderet, singulis diebus præterquam satur-  
nalibus, & Romanorū ludis, uel plebeijs, denos asses,  
qui domesticis cœnis impenderentur, præfiniuit. Tan-  
taque frugalitatis fucere, ut mensam quamuis parcam,

omnin.



omnino uacuum tolli non sinerent: sed ad cohibendum appetitum semper aliquid reliquiarum, quod postera die cœnam inuaret, superesse uoluerunt. Ouumq; & mel initio conuiuij ministrari, in secundis uero mensis poma simul & mel dari cōsueuere. Quam uictus parsimoniam Athenis quoque seruari tradiderunt. Nam Dioscuris in Prytaneo prandiū parabatur: in quo nisi oliuæ, caseus & porrum dabatur obsonium. Et à Platone in lautissimis cœnis, sal, oliuæ, caseus, porrum, atque olera tantū ex agris iubetur apponi. Ac festis diebus pueri modesti, cum uerecunda grauitate, maioriū laudes carmine decantare, grandioresq; natu summo obsequio uereri: illosq; à conuiuijs domū reducere solebant, militiæ & colendis agris adeo intenti, ut illustria inde cognomenta firrent: agrumq; male colere, aut minus arare quàm uertere, censoria nota putabatur. Cumq; octo dies cultura agrorum impenderet, nonum urbanis rebus & nundinis destinant: tætesq; priori æuo, frequentiores Romanis nundinas, & tertio quoque die mercatu frequenti, nonnulli conuenisse dicant. Q. Cincinnatus ab aratro ad dictaturam uocatus, postq̃ domitis hostibus, triūphans urbem inijt, licet nō ex imperij maiestate, aratrū tamē sumere, & agrū colere nō dubitauit. Curius Dentatus cum à Samnitū legatis adiretur, rapa sibi parare obsoniū inuētus est, cui duos calones in castris fuisse asserunt, cum summā imperij gereret. M. uero Antonio consulari VIII. seruos, Carboni VII. & M. Catoni cum in Hispaniā consul duceret, III. solum ministrasse. Fertur quoq; Aelius Cattus cōsul, cum in fictilibus cœnaret, legatos Aetolorū uasa aurea offerētes repulisse: atq; Epitus poëta,

qui primus Latinorū heroica attigit, adeo uictu fuisse tenui, ut in Auentino domuncula & unius ancillæ misterio contentus fuerit: nec tamen id sibi turpe quicquam aut dedecori putauit: siquidem paupertas tunc solida laus censebatur & uera uirtus. Quam rem aestimare licet, quod Aeliorum familiam & Tuberonum, quū decem & septem eiusdem cognominis forent, modicis adibus cum uxoribus & liberis eosdem lares incoluisse, eundemque agrum Veientanū arasse, exque eius fructu uictitasse legimus. Modumque agrorū ultra septem iugera excedere, aut denas argenti libras uiro triumphali in supellectili esse, perniciosum erat. Intra bina enim iugera possidere satis uisum, ita ut decem millia grauis aris, maximas putaret diuitias. Quinetiā adeo parcī fūere & tenues, ut non minus crimini darent, indomitas cupiditates non refrenasse, aut paternam non seruasse paupertatem, quā ingentes maiorum facultates largitionibus abligurisse: multiq; oleis leguminibusq; contenti, absque esu carniū sæpe uictitarint, documenta frugalitatis & abstinentiæ insignem memoriā posteritati exhibentes. Quam etiā Græcis solidæ laudis & ueræ commendationis fuisse multi adnotarunt. Legimus Thebanum Epaminundā tot uictorijs clarum imperatorem, adeo diuitiarū abstinentissimum, ut unica ueste contentus, si quando uetustate collapsam refarcire opus foret, domi clausum se teneret, quem Thebani publica impensa & ære collato ob inopiam extulerūt. Aristides se magis gloriari paupertate publice testabatur, quā reliqui diuitijs. Hippias quoque philosophus Elæus, ad id inopiæ deuenit, ut uestem, annulū, crepidas & soccos, quæq; cultui erant

erant necessaria, ne quid temporis deperiret, suis manibus elaboraret. De Lamacho fertur, quoties ab Atheniensibus dux creabatur, pro pallio & crepidis mutuatam ab amicis pecuniam sumere, quum unde compararet non esset. Crates, Diogenes & Antisthenes, aliique produntur philosophi, abiectis diuitiis, pera & baculo contentos uixisse. Phocion, Pelopidas, Socrates atque Ephialtes, pauperrimi & in cultu tenuissimo uixere, omnium tamen optimi atque iustissimi. Adeoque luxuriam & molliorem cultum detestati fuere, ut Thebis columna in templo statuta fuerit, in qua dira execrationes in regem Menin, qui molliorem uitae cultum inuenit, continebantur. Postea paulatim frugales mores defluxere, paupertasque probro haberi coepit: luxuriaque peregrinae inuictum malum ad effeminandos animos, ab exercitu Asiatico in urbem primum inuenta, mores infecerunt: sicut aurum Persicum, fugato Mardonio, Atheniensium animos labefactauit, & dirae tabe infecit. Inde illecebrae libidinum, & rerum secundarum luxus, in omnem licentiam grassati. Primi quae Iones, unguenti coronarumque & secundae mensae consuetudinem inuenere. Tum uestis stragula, mensaeque ac citharae eburneis pedibus insidentes, inestimabili censu comparatae: epulaeque lautiores, & praeter epulas psalteria, ludiones, & alia conuiuii oblectamenta inuenta sunt. Hinc peregrina obsonia, remotorumque littorum pisces, & magno censu comparatae dapes, ferculaque sestertium millies aestimata, et gula nouissima iritamenta, aliaque exquisitissima condimenta, & uentris prodigia inuenta sunt, ut nisi quis illa apponeret, sordidus & parum lautus haberetur. Adeoque luxus excreuit, &

eò processit luxuria, affluentibus diuitiarum copijs, at  
 obsonia lautiora maioresque epularum sumptus, &  
 magnas effusiones edicto coercere, & luxoriosos ap-  
 paratus pluribus legibus inhibere necesse fuerit. Hinc  
 Fannia, Orchia, Dididia, Oppia, Cornelia, Ancia &  
 Iulia, leges ad cohibendā luxuriam uictus uestitusque,  
 & cœnarum immodicos sumptus, latae sunt. Hinc cen-  
 sorum edictis, uulua, uertina, abdomina, & glires epu-  
 lis & conuiuijs inhibita. Quod & Lycurgū factitasse  
 nouimus, qui conuiuiorum apparatus & mensas lau-  
 tiores uelut cupiditatum inuitamēta sanctionibus in-  
 hibuit: sapiusque abrogatis legibus noua postea edita  
 fuere. Et quāuis Antiocho rege uicto, P. Licinius Craf-  
 sus & Iulius Caesar censores, ne quis unguēta exotica  
 uenderet, pœnis inhibuerint, exemplo Lacedæmonio-  
 rum qui unguentarios urbe exegere: & quāuis M.  
 Antonius, & L. Flaccus, quod legē de coercendis epu-  
 larū sumptibus antea latam, Duronius tribunus ple.  
 abrogasset, Senatu eum amouerint: tamen Q. Aelius  
 Tubero prætura deiectus fuit & despectui habitus,  
 quod in funere Aphricani populum Romanū publico  
 epulo hœdinis pellibus et testis samijs, ac lectis ligneis  
 excepisset, quod incultam parsimoniā in rebus publi-  
 cis nō exhorruisset. Sicut de Cleomene fertur, qui La-  
 cedæmonijs inuisus fuit et subiratus, quod hospites iu-  
 re nigro & pane igne durato, Laconico more ad epu-  
 las admisisset. Licet Cato senior, quod pellibus hœdi-  
 nis in publico epulo pro stragulis usus esset, nō medio-  
 crem laudem tulerit, quod frugales mores & cōtinen-  
 tissimos exemplo iuuaret. Fertur tamen Tyberius Cæ-  
 sar, quū de coercendo luxu legē ferre uellet, nec coër-  
 cere



terè immodicos sumptus uideret posse: satius duxisse omittere quod assequi nèquiret, quàm tentare turpiter quod postea non efficeret. Sisti deinde res non potuit, quo minus tacito consensu destitutis moribus, sumptuaria omnes leges abrogatæ fuerint, quum nullus esset sumptibus modus, luxusq; & ignauia nullis præscriptis finibus, in uoraginem & gurgitem uitiorū ad nefas omne usque adeo processerint, ut diuina & humana prophanarint, populoq; simul & plebi grauem perniciem attulerint.

Qua sint puræ & lectæ hostiæ in deorum sacrificijs, & quæ uictima quibus dijs dicata fuerint. Caput. XII.

IN sacrificijs deorum fuit pontificalis obseruatio, ut duobus hostiarum generibus dijs sacra fiant: uno, in quo cum litabatur, uoluntas dei per exta exquirebatur: altero, in quo sola anima deo consecrabatur, quæ hostia animalis dicta. Hæ frequētes fuere, ouis, sus, capra, bos, gallina & anser: quas cum immolabant, nisi puræ essent & lectæ, ad rem diuinā non perficere putabāt. Fuitque opinio, potius ex hædis & agnis, quia mites sunt, quàm ex gallinaceis, suibus & tauris, quoniam animo abundāt, deos cōsuli & futura prænosci. Ideo ouilli pecoris hostiam non ab amplitudine, sed quia animi est placidioris, pontifices maximam duxerunt. Lectæ autem dicuntur hostiæ, maiores & huiusmodi depastæ, quæ claudæ, morbosæ, aut uitiosæ non sunt, (quia pernosci, nisi ex sana uictima, futura non possunt) quæ uē fixam aurem, uel caudam aculeatam, aut linguā nigram non habent. Numa Pompilius deos fruge coli, & mola salsa supplicari instituit, quam molā ex farre, sale & aqua composuit, sine qua nullis

sacrificium ratum fieri censuit. Atq; id far, nisi tostum esset, ad rem diuinam nō esse purum statuit. Ideo Fornacalia & religiosos dies, ac ferias quibus far in fornacibus torrebant, seruari iussit. Græci uero nō far, sed hordei primitias, libumq; & placentas ex hordeo dīs offerri, hordeumq; sale inspersum, in primis aræ infundi satius duxere, sine quo, saluis ceremoniis, nullū sacrum fieri poterat, illiq; qui primitias eiusmodi colligebat, crithologo dixere nomen. In quibus Fornacalibus, qui non fuerant feriatī, quiq; in sua tribu, ut erat constitutum, sacrum non fecisset, in Quirinalibus sacrificio expiare cogebatur: idcirco Quirinalia stultorum ferias dixere. Atque omnibus ferē dīs suæ uictimæ, et sua sacra constituta sunt, quæ præterire & transgredi non erat fas. Nanque aliena hostia dī non placantur. Quippe Ioui tauro, uerre & ariete sacra facere nō licet: quia soli Neptuno, Apollini & Marti taurus immolatur. tametsi flaminis uxor omnibus nundinis Ioui arietem mactet, & triumphī die Ioui taurus hostia dicata sit. Et apud Homerum Vlysses immolauit Ioui arietem. Iuppiter uero Prodigialis mola salsa & thure placatur. Neptuno pleraq; gens de nigro tauro, Træxeni de fructuum primitiis sacrificant, Græci de cruribus taurorum: Vlysses ariete, apro & tauro litauit. Athenis autem licet octauo die mensis cuiusq; Neptuno sacrum fiat, nō tamen de tauro semper. Neque Apollini semper Græci de tauro, sed multiplicis generis uictima sacrificant. Nanque Homero teste, alius tauro, alter ariete, aliquis hirco sacrum fecit. Ex bobus uero, uitulis & pecudibus, laudatissimæ uitulæ ad deorum placamenta habentur. Ideo Ioui à flamine omnibus

Idibus

idibus bos candidus, et ex agro Falisco, uel Menania immolatur. Nanque illos ad uictimas sarciiūt, & deorum seruāt supplicio. Bos tamen iugo subactus, sacrificio non est purus: fœtus uero bouis trigesimo die, pecoris septimo, suis uerò nisi decimo à partu die, puri habentur: ideo sacres dicti. Creditumq; est, bouem quinquennalem, insignem Ioui uictimam: & pecudes cūm bimæ sunt, sacrificio maturas fieri. Lege autem Solonis de boue nulli deo sacrificari licet: quia cum animal sit innocuum & agrorum cultui deditum, in sacris maclari uetuit: quippe ueteribus tantæ uenerationis erat, ut æquè capitale esset bouem quàm ciuem necasse. Aegyptij boues rufas Typhoni maclant, Arabes pingues camelos in ara ignoti dei: sicut nupturæ uirginibus camelis sacrificant: heroibus uero, tauro, capro & ariete litant. Fertur tamē Pythagoras præter à se instituta et præscripta, quandoque bouem musis, Ioui autem gallum albus plumis immolasse. Solida utilia, nisi cæsis tribus hostijs, tauro, ariete & uerre, pura non habentur: sed tamen ut hi omnes, solidi firmique sint: nam uitulos ad aras humeris hominum allatos, & claudicantes, & cuius cauda ad articulū suffraginis non pertingit, non litare animaduersum est: idque apud Aegyptios seruari tantis ceremonijs, ut linguā boui exerendo, & cauda pilos explorādo, si uel unum pilum nigrum reppererint, hostiam tanquam impuram non admittant. Græcis autē tauri an puri sint, farina explorantur, caper ciceribus, capra frigida aqua. Ruminales quoq; hostias nisi bidentes fiant, non esse puras consentiunt omnes. Ambaruale uero sacrum, nisi de porca fœcunda & grauida, aut uitula, fieri non consueuit. Est autem

sacrum ambaruale, cum arua & segetes solēni uicti-  
 ma lustrantur: eam uictimam maturis frugibus ter  
 circum arua ducere conuenit, omnesque post eam cla-  
 mantes sequi: ex quibus unus querna ornatus fronde,  
 cum solenni saltatu, composito carmine Cereri decan-  
 tabat laudes: ac postquā lacte, uino & fauo libassent,  
 antequam fruges meterent, porcā Cereri immolabant,  
 quā præcidanea dicta est. Fuitque memoriæ proditiū,  
 a suilli pecoris genere immolandi initiū Romæ primū  
 factum: eo argumēto, quod sus fœderibus & sponsa-  
 libus adhibetur, et in Initijs Cereri mactatur. Et quan-  
 uis in sacris Cereris uinum adhibere nefas sit, in hoc  
 tamen sacro de uino libasse pontificales libri non ueta-  
 runt: quam quidem immolari ab eo qui mortuo iusta  
 fecisset, crimen admitti putabatur. Deorū quoque matri  
 nullum sacrū, nisi de porca, fieri permissum. Et lustrari  
 exercitiū nisi sue, oue & tauris qui puri essent, nō erat  
 fas: qui postquā ter circū instructas acies ducti erant,  
 precedente pompa & gressu composito, Marti immo-  
 labatur. In sacris deæ Phrygiæ, quæ Matuta & mater  
 deūm dicta est, cui Galli ex cœli mēbra secabant, cym-  
 bala pulsantes, porcam tanquam impuram hostiā Ro-  
 mani non admisere: apud cuius ædem supplicantes, se-  
 lijs bona exoptare uetantur matres, nepotibus nō uti-  
 que. Bellonæ sacerdotes non animali hostia, nec uicti-  
 ma, sed suo cruore sacrificant: gladios enim districtos  
 utraque manu tenentes, humeros sibi & lacertos tan-  
 quam phanatici dissecant: hoc sanguine litari & cri-  
 mina expiari putātes, ita ut pro uulneribus stipes re-  
 cipiant. Aegyptij Lunæ tantū & Libero suem, reliquis  
 dijs boues mares, uitulosque & anseres immolāt: caprā  
 tamen



tamen aut hircum, nullo modo. Contra uerò Britanni, quibus leporem, gallinam & anserem in cœnis apponere, aut dîs offerre lege uetabatur. In Mysia Abretani Iouis templū est, in quo suē comesse aut mactasse, scelus erat infandum & piaculare: idem apud Phœnices, quibus per omne tēpus suis abstinere præcipitur. Fertur uero in Thessalia Castniensis Veneris fœnum fuisse, & aliud in Sida Pamphyliæ, & in Aspendo Argiuorum, & Argis, in festo quod Hysteria dicitur: in quibus præter instituta, moresque aliorū, sues mactare licet, cum in cæteris nullo modo fas sit. Solum apud Tussas in Aegypto, ubi Venus cornuta colebatur, uacca Veneri immolabatur, & in Nitriotica præfectura, ouis. In Aesculapî sacris, nisi capra & gallinæ nō immolātur: hæcque ad rem diuinā luteo rostro & pedibus, puræ nō sunt: nigra uero & imparibus digitis, idoneæ. Astris & stellis uolucres dicatæ fuerunt, Isidi anser, gallus Nocti & Laribus, nonnunquā porcus: sicut equus Soli & Marti, Lunæ taurus, Iunoni agna, Veneri columba, et capra Pani & Mineruæ, Dianæ uero cœrua. Quāq̃ Libero uino, melle & lacte, interdū capro & hirco sacrum fieri nouimus: Mineruæ uero nihil caprini generis, sed uaccam, aut boues iniuges: & Iunoni apud Lacedæmonios caprā immolari. Græci uero Mineruæ iuuenecam sæpe indomitam auratis cornibus mactarunt: quare αἰροφάγ & dicta. Pyrrhus tamen dum splene laborantibus medetur, albo semper gallo sacrificauit. Soli uero in Apollonia oue, Pani et Syluano porco, nonnunquā lacte litabatur: Fauno agna uel hædo, Priapo asino. Obseruatumq̃; à Massagetis est, ut reliquis dîs posthabitis, Soli equum immolent: sicut à

saurumatis, ut equas dijs patrijs mactēt. C. tamen Caligula eo uestigia processit, ut sibi tanquam numini sacro, phasianos, phœnicopteros et pauones mactari iusserit. Athenienses tamen annua solennia Mineruæ, nō capra, nec boue, sed tauris et agnis exhibere solēt: Persicæ uero Dianæ boue lampadis charactere notata: Tempestati aut, pulla. Tradūt quoq; in parte Africæ Mineruæ sacrum fieri, ut sine uictima puellæ inuicem fustibus decernāt: Persæ quoq; equū Marti, Carmani asinum, Lusitani hircum, Latini picum, Lacedæmonij equum, frequentius canem, Sabelli taurū immolabāt, Romani equū dexteriores bigæ, Galli cisalpini uerrē, diuerso quisq; cōsilio rituq; ita ut à Phaselitis, quæ in Pamphylia gens est, piscibus salsis Marti et dijs immoletur, & à Bæotijs copaide coronata, ab alijs thynno. Ad Opertaneæ uero sacra, nigra gallinæ nō uidentur pura. Fuere aut sacra Opertaneæ, quæ seorsum ab hominum conspectu in aperto fiunt. Cereri, Apollini & Baccho capris sacrum fieri decere nonnulli putāt: sicut Veiovi, quem Apollinē dicunt, ritu Romano capra immolatur. Herculi & Cereri duodecimo Calen. Ianuarias, sue, panibus, & mulso sacrū fit: si tamen sus prægnans sit: aliter nō habetur pura. Et in Fordicidijs, nisi prægnante boue pontifices litare non solent: qui etiam dies in fastis Ordicalia dicuntur. Lares canū pellibus ideo ornātur, quia domus fidi custodes sunt, & alienis formidolosi, domesticis uero blandi, atq; ad nocturnos strepitus solliciti, sicut canes, qui floribus et sertis, thure & fruge coluntur: quorū ædes in cāpo Martio ab Aemylia Regilla prætoris dicata fuit. In quorū sacris id custoditur, ut libertini sacerdotes sint, q̄ Augustales dicti,

nihilque

nihilque de sacrificio extra ædes mittatur foras, sed intra domesticos Lares omnia absumant: sicut cum sacrum Vulcano fit, quod Proteruiam dixerunt, nisi uictima & quodcunque superest, igni detur, sacrificium pollui putabant. Domesticis uero Laribus rerum dabantur primitiæ, sæpe etiam porcus, tametsi hostilibus Laribus, quod ab his hostes arcerentur, sæpe immolauit antiquitas. Gynæciæ Romani pro his qui domi nascuntur, canem immolant: sicut Græci Proserpinæ, & Dianæ Sabæi. Est autem Gynæcia, quam Romani Bonam deam uocant, quæ ex corruptibilibus generationes facit: cui quum res diuina fit, optant nemini bonum euenire qui domi nascatur. In Lupercalibus canem immolari mense Februario, quia lupo canis infensus est, & in expiationibus cane litari legimus, atque ad placandum caniculæ sidus frugibus inimicum, etiam mactari canes: quas, si rufæ non sunt, puras non putarunt: quod sacrum, canarium augurium nuncupant. Pro frugibus quoque & pecoribus, ut rubigo auertatur, lactenti catulo sacrum fieri conuenit. Idque Rubigalibus per Quirinalem flaminem sacrum extra urbem fieri, in quo super exta canis thus & merum infundere mos erat, quos etiam catulos recens editos, tam in adycialibus quàm deorum cœnis sæpe adhibere. Apud Lacedæmonios Marti immolabatur canis. Et Bæotijs, cane in duas partes dissecto per mediū, iræ expiatio fuit: idem & Caribus, ut exta canū dīs offerre in usu haberēt. Viuas etiam canes cruci affigi, atque inter ædes Iuuentutis & Sumani, singulis annis ansere insidente, deferri uulgo proditum est: quæ crux nisi ex sambuco fieret, sacrum ritè fieri minime puta-

runt. Isidi anser propria uictima dicata est, Plutoni taurus, Proserpinæ iuuenca, & bos fuluus Auerno. Vlysses uero apud Homerum ariete & oue nigra Erebo sacrificauit. Sed nec sementem administrari, nec oues tōdere, nisi catulatio prius fieret, ullo modo licuit. Vinum in sacris Cereris adhibere nefas est. Primitias uero frugum Cereri, uinum uero nouum Baccho dare cōuenit: quibus uesci, priusquam sacerdotes illa libassent, minime fas erat. In sacris deæ Ruminæ inferre uinum, expiatione dignum fuit: quippe illi sacrum facientes, hostiæ lac, non uinum inspergebant. Et in sacris Floræ, quam Bonam deam nuncupāt, cum uinum libant, lac fuisse dicunt. Vestæ quoque non uino, sed de Numicio flumine libatur, quibus diebus mense Iunio mola frumentaria & asini sertis & pane coronatur: ad cuius templum iuxta forum nisi nudo pede accedere non cōuenit: sicut in ædem Dianæ apud Creten-ses, quam Britomartem nominant. Proditumque memoriæ est, Romulum nunquam uino in sacris, sed lacte libasse. Athenienses quoque Mnemosynæ, Aurora, Soli, Lunæ & Vrania, non uino, sed aqua melle diluta sacrificāt. Vbi uero in sacris uina libare dijs necessum erat, ex græca & imputata uite, seu fulmine tacta: aut quæ uulneratis pedibus calcata uel immunditie polluta fuerat, aut iuxta quam homo laqueo pependerit: quæque circūcisis uinaceis profluxerat, uina libare dijs infaustum erat. Thasis uero, nisi uino libaneo odore thuris dijs prolibabatur, & in Asopo in æde Eumenidum nisi mulso libare, & pro coronis floribus uti permissum. Victimæ maiores dum immolantur, auratis cornibus procedunt: minores, coronatæ  
offe-



offeruntur. Est quoque obseruatum, ut si cum uinum hostie fundendum foret, potius molam aut fruges in caput spargerent ordine præpostero: aut si cum hostia ad aras ducitur, uehementius fuisset reluctata, ostendissetque se inuitam altaribus admoueri, uel ab ara aufugisset, uel percussa mugitū dedisset, aut in aliam corporis partem quam oporteret, cecidisset, piacularare sacrum & triste auspicium faceret, quasi inuitis dīs offerri uideretur. In qua re animaduertere licet, apud Hermionenses boues præferoces facili ductu à ministra sacrorum peruetusta muliere, spōte ad sacrificium duci & immolari. Iones tamen contra instituta moresque sacrorum, tunc maxime hostiam litare, & dīs gratam fieri putabant, cum inter immolādum taurus mugitus daret. Eneestamque familiam, aut hominem funere pollutum, nec ædes deorum dedicare, nec publica sacra facere posse, liquet, nisi in Lemuralibus & Parentalibus: in quibus inferis dīs dare inferias usus obtinuit: quo tempore ædes deorum clausæ iacent. In Lemuralibus fabam noctu iacere usurpatum est, Lemures se ex domo eijcere clamantes: quam nigram esse conuenit: ipsamque lotis manibus, & pede nudo per ora uersare, & post terga reijcere, ærisque tinnitum facere, utque Lemures fabis redempti, domo abirent, nouies orare. Idque Maio mense tribus noctibus fieri, donec solutis religione animis, manes expiatos ducerent. In Parentalibus assumere fabas usus obtinuit, sicut in peruiigijs cicer. Ac ferale cœnas lætesque & offas ad sepulchra illorum ferre, quibus parentare ius erat: quæ etiam Feralia à ferendis epulis dicta sunt, quas in defunctorum sepulchris super nudam

filicem apponebant. Notatumque fuit in omnibus sa-  
 cris, fœminini generis uictimas esse potiores: itaque se-  
 per marem litari non poterat, fœmina succidanea da-  
 batur, non econtrâ. Nam si per fœminam hostiam mi-  
 nime perlitatum foret, succidaneam adhiberi non li-  
 cebat. Apud Aegyptios secus, quibus fœminâ hostiam  
 immolare est habitum nefas. barbaris quoque circa  
 montem Caucasum, & apud Derbices Persicam gen-  
 tem, fœmineum animal uictimâ dare, aut eius carni-  
 bus uesci, sub graui documento uetabatur. Si tamen  
 primis hostijs non litassent, aut si primum negligentia  
 uel casu non recte initum aut curatum sacrum foret,  
 illas denuo augeri & sæpius, ad expianda numina,  
 permittitur, donec rite perlitatum animaduernerent.  
 Illud quoque non omittendum, consueuisse Romanos  
 pro rebus quas cito expediri cuperent, etate grandio-  
 ribus hostijs: ubi uero rem augere uellent & produci,  
 iuniori uictima sacrificare: unamque hostiam nun-  
 quam duobus dijs aut incertis, sed certo numini im-  
 molare, superisque impares, inferis uero pares. Quo-  
 tiesque aliquid inuentu rarum aut difficile sacrificio  
 adhiberi oporteret, illud cera uel pane effictum ap-  
 ponere satis: simulachraque eiusmodi ficta & commen-  
 titia, ac si ipsa res repræsentaretur, eandem uim uigo-  
 remque habuisse, id quod à Græcis obseruatum com-  
 perimus. Cum enim Cyziceni nigram bouem Palladi  
 quotannis immolarent, & pressi obsidione, bouem  
 comparare nequirent, ex frumento illam effinxere, eo-  
 que pacto persoluto uoto, numen expiarunt. Athe-  
 nienses quoque in festis Iouis Militij, quæ Dialia uo-  
 cant, extra urbem sæpe non ueras uictimas, sed com-  
 mode

mode effectas obtulere: utque si pro infantibus immolandum foret, non grandis, sed minor hostia mactetur. Notatumque & illud est, in deorum manium sacris auersa & tristia auspicia, aut dira & nefanda, magis fausta & felicia esse: itaque in his sacris potius est non litare, quàm litare.

Qua origo censorum, quæue potestas, & ex quàm parvis iniurijs in quantum magnitudinis deuenit.

Caput

XIII.

CENSORVM origo licet à paruis initijs orta, eò tamen creuit, ad tantumque fastigium deuenit, ut morum disciplinæque Romanæ, decoris dedecorisque discrimen, uectigaliaque, & publicorum locorum priuatorumque arbitrium sub illius cura & potestate foret: totiusque reip. circa morum disciplinam, supremum ius haberet. Fuere enim M. Geganio Macerio iterum, & T. Quintio Capitolino quintum cōsulibus, primi censores suffragijs populi creati Papyrius Semproniusque: tamen si Seruium Tullium, à quo iura militiæ constituta sunt, primum censorem fuisse, nonnulli credant: quòd populum Romanum primus censuisset. Qui magistratus etsi à principio quinquennalis, postea à Mamercio Aemylio dictatore cautum fuit, ut annua & semestris censura foret. Cuius rei causa ipse Aemylius, quod ueterem censura statum citra præfinitum minuisset, à proximis censoribus tribu motus, & ararius factus est. Ad quam licet à principio admitterentur patritij solum, postea P. Philone dictatore alter censorum, deinde Q. Pompeio & Metello consulibus, uterque ex plebe censores creati. Demum eò dignationis uenit, ut nisi clari illustresque, post triumphos

Et consulatus illam expeterent. Hi ergo censendi populi et lustri faciendi causa, ab initio creati, eo processere, ut maximarum, minimarumque rerum praecepte circa morum disciplinam, cognitionem animaduersionemque haberent. Nam de iuramento cognoscere, et in periueros animaduvertere, epularum sumptus cohibere, senatores legere et cooptare, summotis indignissimis, et honestissimis allectis: principem senatus constituere, immeritosque propter turpitudinem sordesque uitae, senatu uel tribu amouere, notisque et ignominiae afficere, aut in ceritum tabulas referre, etiam aedilem quaestoremque: tum illos qui agrum male colerent, aut incuriose haberent, perditosque et profusos nepotes, parumque honestis moribus uiuentes, aut uerbis inciuilibus loquentes, aerarios facere, censoriae potestatis erat. In quo id fuit seruatum, ut motis ex senatu notas ascriberent, et demerita notarent, quod lege censoria cauebatur, cuius uerba ascripti:

- " Censores populi soboles familiasque censento, pecuniasque urbis, templa, uias, aerarium, uectigalia tueto:
- " populi que partes in tribus distribuunt, et pecunias
- " in ciuitatis ordines partiunt, equitum peditumque
- " prolem distribuunt, coelibes esse prohibento, mores
- " populi regunt, probrum in senatu ne relinquunt: bini sunt, magistratum quinquennium habento, reliqui
- " magistratus annui sunt, eaque potestas semper esto, et infra. Referebant enim censores in ceritum tabulas illos, quos ignominiae causa suffragiis priuabant: qui quidem censores ciues sic notabant, ut qui senator esset, ob crimen eiceretur senatu: qui eques, equum publicum uederet: qui uero plebeius, in ceritum tabulas referre-



ferretur. Obseruatumque, ut quem censores senatu amouerēt, nota quoque & ignominia perstringerēt: eaque quae ad publicam disciplinam pertinerēt, lege edita statuerēt. Denique eodē dignationis uenēre, ut omnium magistratuum principem locum tenerēt: ad eaque nisi uiri cōsulares, & maximis functi honoribus, admitterentur nulli. Quinetiā uitam singulorum, & mores inquirere, exceptisq; cōsulibus, praefecto urbis, rege sacrorum, & Vestalibus uirginibus, circa disciplinam morum in omnes magistratus cēdere & animaduertere poterāt. Quae cēsurā apud Siculos quoque magni nominis fuit: nā quum omnes Siculi ex cēsu tributa cōferāt, omnis potestas estimationis faciūda cēsori permittitur. Hāc etiā institutionem Carthaginensibus fuisse accepimus, ut illi praefectum morum & uitae magistrum habeāt: quē ferūt in Amilcarem animaduertisse: congressumq; cum Hasdrubale tūc in primo flore aetatis uetuisse, quia multi obloquebantur, quod parum integra fama esset. Apud Argos uero, si quis in re quārenda negligēs foret & remissus, aut si desidiosus & segnem uiderent, rationem unde uictum quāreret, apud magistrum qui loco censoris erat, reddere cogebatur. quod Areopagita Athenis saepe exequuti sunt, ut quid quisque Atheniensium ageret, & quo quaestu uiueret, magna cura inquirerent. A Nabathæis seruatum legimus, ut negligens & remissus, qui opes paternas minuisset, poena mulcetur: cui uero res esset auctior, daretur praemio. Id quod Draconis lege cauebatur, ut qui oculi damnatus esset, capite lucret. Amasis quoque Aegypti rex, inter cetera cōstituta, praecipua lege cauit, ut uitae rationem praetor à quocunque exquirat, ut si quis turpi quaestu

uiueret, uelut facinorosus noxam lueret. Quam legem  
 Solon imitatus fertur, præcipue cauendo, ut qui malis  
 artibus degeret, cuique ocio periret dies, pœna affice-  
 retur. Cuius rei causa Massilienses, uates sacrificulos,  
 qui quæstus causa sacra circumferebant, suis oppidis  
 exegere, ne religionis prætextu ocium sectarentur &  
 luxum. Quinetiam de paupertate, orbitate & cæli-  
 batu quarere, & contumaces pleectere, censorum mu-  
 nus erat. Furius Camillus quum censuram ageret, ut  
 exhausta ciuitati, propter assiduas bellorum clades,  
 ciues suppeterent, legem de maritandis ordinibus tu-  
 lit, qua inter cætera pœnis coercuit illos, qui uiduarum  
 nuptias, quarum uiri bello ceciderant, deuiterent. Eos  
 uero qui ad senectutem cælibes peruenerant, ara pœ-  
 næ nomine ad ararium ferre iussit. Quam legem Q. e-  
 tiam Metellus Numidicus iterum in censura promul-  
 gauit. Aedes quoque sacras, uias, aquæductus, & lo-  
 ca publica facienda locare, aut aquarum fluxus dare  
 & inhibere poterant. Siquidem Cato Censorius, a-  
 quam publicam, quæ in priuatas domos & hortos  
 deriuabatur, inhibuit, & porrecta in publicum ædi-  
 ficia demolitus fuit. Vectigalia quoque & portoria  
 noua statuere, & uetera exigenda mandare, illa que  
 publicanis & conductoribus locare non uetabantur.  
 Ea tamen proscribere, nisi Romæ & accito populo, e-  
 iusque placito & assensu, ac publico præcone consul-  
 to, & nisi calend. Martijs, quibus uectigalia locatur,  
 censori facultas non erat. In quo fuit animaduersum,  
 post Pauli Aemylij triumphum, quem de omni Mace-  
 donia habuit, Perse deuicto, usque ad Hirciū & Pan-  
 sam consules, populum Romanum uectigalium colla-  
 tione

tione & tributo uacasse. Is enim tantum auri & ar-  
 geri ex manubijs in ararium tulit, ut tributorum col-  
 lationem & onera leuarit. Etiam de ære alieno co-  
 gnoscere, censoria potestatis erat. Animaduersum ta-  
 men est, de nulla re censes, quàm de iureiurando se-  
 uerius iudicare cõsueſſe, quodque posteriores priorum  
 decretis plerunque non steterẽ, sæpiusque illa rescide-  
 runt & antiquarunt. Post aliquot uero atates Roma-  
 ni nimiam potestatem esse rati, mucronem censorium  
 multis remedijs retuderunt: & ne impune insoleſce-  
 rent, cẽsura extenuatis uiribus, grauibus edictis coer-  
 citi sunt. Quare P. Clodius in tribunatu, plebiscito san-  
 xit, ne quem censes notarent, nisi antea legitime ac-  
 cusatus, & utriusque censoris iudicio damnatus foret:  
 in tantum, ut Metello cẽsori, quod minus iuste pœnam  
 irrogasset, aqua & igni interdictum fuerit. Diuus  
 uero Claudius, dum censuram ageret, nullum nisi sua  
 uoce & sine patrociniõ uitæ rationem reddere passus  
 fuit. Clara quoque censura fertur Appij Claudij, &  
 Claudij Plancij, qui uiam Appiam è Roma Brundu-  
 sium strauit, & aquam, quæ Appia dicta est, inuehen-  
 dam curauit. Tametsi C. Gracchum in tribunatu uias  
 perpurgasse, & itinera imperuia munuisse, singulis-  
 que miliaribus lapideas columellas statuisse, & Scau-  
 rum Aemylum usque Sabatios, M. quæ Lepidum, &  
 C. Flaminium in consulatu Ariminũ usque, & deinde  
 in Aquileiam, Flaminiam strauisse legamus. Iulius  
 quoque Caesar commissæ sibi Appiæ cura, dum illius  
 refectioni uacat, magnas opes effudisse fertur: quam  
 postea collapsam Augustus sibi muniendam desumpsit,  
 reliquis triumphalibus uiris delegatis, quas præcipuis

operibus ornarūt. M. uero Aemylius cōsul pacatis Liguribus, uiam à Placētia ut Flāminia committeretur, Ariminum usque strauit: & Flaccus in censura uiam per Formianum montem perduxit. Fuit quoque inter celebres Latina & Valeria, altera usque Sinuelfam, altera ad Marfos. Nam Salaria & Nomētana haud multae longitudinis per Sabinos constratae sunt. Indis fuit in usu, ut per cōsiliarios purgētur uia, quibus per dena stadia singulos lapides locare, & diuerticula ac distātiās adnotare negociū erat. Athenis uero uiarum curatores, uniuersa ferē ciuitatis administrationē habebant. Magni quoque exēpli censura fuit Fabij Gurgitis, qui licet defamatisissimus, postea atate grauis, censuram seuerissimis moribus egit: sicut L. Lentuli, qui repetundarum accusatus, haud multo pōst censor sanctissimus euasit. Præ ceteris M. Catonis censura apud omnes ordines plus nimio tristis & uehemens habita est: quare præcipua flagrauit inuidia, quod inuietō animo esset & inflexibili. Illud quoque notatum est, solere censores nouos milites, & eos qui supra septimum & decimum annum equo merere debuissent, nec militassent, ararios facere. Quare M. Attilij Reguli, & P. Curij Philonis præclara censura numeratur, quod inuenenum Romanorum duo millia, qui Hannibale Italiam peruastante, quadriēnio militiam doctætaßent, inter ararios retulerunt, suffragioque & comitijs priuarunt. Eis quoque qui parum idoneè militarent, minus uē facerent, equum adimere, illiusque arma & equum uendere: alios atate & uiribus habiles ad militiam cogere, & sacramento adigere, aut equum publicum dare, officij censoris erat: quod à Sone



lone olim constitutū ferunt, qui eadem pœna afficiendū putauit eum qui militare nollēt, & qui aciem defereret, quīue in acie timidus & ignauus esset. Etiam equitatum recensere, alios qui legitima stipēdia fecissent, militia missos facere, aut numeratis stipendijs cum laude missionē dare, uel equum deferre illis qui militaria munera obiuissent: nōnunquam si crimen exposceret, reum capitis agere poterant: quippe M. Fabius cēsor seuērior & durior, Fabiū Buteonem filium furti insimulatū, capitis reum egit, & ultimo affectit supplicio. Et quanuis qui cōsulatus, dictaturas, & alios gesserant magistratus, ad censurā admitti solerēt, plerunque tamen ex adilitate, qui nec prātor, nec cōsul fuisset, gradum ad censuram fecisse comperimus, præcipue quum antē acta uita plena grauitatis foret. Crassus Licinius, qui nec praturam antea, nec consulatū gesserat, ad cēsura honorem ex adilitate euectus fuit, quam unā cum pōtificatu gessit. Ac licet ex duobus cōsulibus altero defuncto, collegæ subrogādo haberentur comitia, alterque cōsul in defuncti locū cooptaretur: tamen ex duobus cēsoribus altero defito, alium subrogari nō licebat. Quod C. Iulio censore mortuo, L. Papyrius Cursor, ne abiret magistratu, M. Cornelium Maluginensem collegā sibi subrogarat, religio inuasit, & piaculare fuit, quia eo lūstro à Gallis urbs capta est, ne in demortui locum censor subrogaretur. Itaque censore uita defuncto, collegam magistratu abire oportebat. Quanuis Appius Claudius Cæcus, contra mores institutaque maiorum, collegæ se magistratu abdicante, solus censuram gerere non dubitauit. Hoc quoque adnotasse non pigebit, quod licet omnibus magistratibus

circa morum disciplinam censura praemineat, tamen tribunatui plebis & adilitati illam quandoque cessisse constat. Ideo P. Furio, & M. Attilio censoribus, ab Appio Metello tribuno plebis, quod quaestorem eum proximo anno tribu amouerant, & aerarium fecerant, diem dictam, ipsosque in uincula duci iussisse compertum. Nec minus de P. Sempronio plebis tribuno, qui Appium Claudium cēforem, nisi collega intercessisset, in uincula duci iusserat, compertum est: quod profecto non fecisset, si id sibi iure sacrosanctae potestatis facere non liceret. Quauis postea consensu senatus res discussa fuerit, ne tribunitio furori censura obnoxia foret. Fertur tamen Domitius Nero, Neronis auus, dum adilitatem gereret, adeo procax & animi immodicus fuisse, ut L. Plancum censorem uia sibi cedere coegerit. Illud quoque non praeterierim, quod inter opera censoria in primis cibaria anserum, qui peruigilem curam gerunt in Capitolio, quod olim fuere urbis custodes & imperij, louemque miniandum, ex uectigalibus uero lacus Lucrinus eruendus boni ominis causa, locari consuevit: quibus cēforibus incumbere locationis leges dicere: sicut Athenis apodectae, qui collationibus & uectigalibus praerant, quorum iudicio quicquid cōtrouersiae erat in publicis collationibus, decernebatur: quodque cura horologij inter opera censoria non in postremis erat: atque in delectu, censioneue, primi Valerij, Silirini, & Statorij priuilegio honoris nominatur: quodque hi qui censoria nota antea notati fuere, licet censores possent creari, & quo minus crearentur, censoria nota minus officiat: tamen hi qui censuram gessissent, quauis laudabiliter,

ter, iterum censores creari, aut ad munus censorium admitti, nullo modo poterant. Idque exemplo C. Getæ, qui à L. Metello & Cn. Domitio censoribus, senatus motus & ignominia notatus, haud longo post intervallo, oblita memoria dedecoris, & permulsis civium animis, ad censuram euectus fuit. Illud quoque non ab re fuerit dixisse, Tiberij tempore magnis contentionibus actum in senatu, ut non modo censura, sed reliqui magistratus quinquennales forent, & nisi quinquennio singulo comitia magistratuum fierent, quæ res primum dilata, mox perpetuo silentio oblitterata fuit.

Quid sit apud iureconsultos cœnaculariam exercere, quid catadromus, quid cloaca, quid sphaeristerium, & quid hypocausta. Caput XIII.

IN CIRCULO iurisperitorum mutuò sermoninantium, prasente me, quæsitum est à notæ facundie viro, quid sit cœnaculariam exercere. Siquidem ab Vlpiano, titulo de his qui deiecerunt, dictum fuit: Si quis cœnaculariam exercens, modicum sibi hospitium retinuerit, residuum uero pluribus locauerit, si ex eo cœnaculo deiectum effusumue quid fuerit, omnes tene-  
 ri, quum ex mediano cœnaculo deiectum probaretur. Et tametsi nonnulli diuersa sentiret, ancipiti contentione distraeti, dixi ego quantum comminisci potui ex Varronis autoritate, cœnaculum superiora adium, ad quæ scalis ascenderetur, dici: quæ pars inquilinis, & his qui domos conduceret, locabatur. Fuitque moris prisce, ut plerique ex adibus modicum quid sibi reciperet, superiora uero domus inquilinis locaret. Fuisse enim Romæ adificia frequentia, pluribus cœnaculis

constructa, edita in altum, quæ postea ab Augusto cer-  
 ta subtaxata mensura cohibita sunt, multis testimonijs  
 probatur: cœnaculariamque exercere eum dici, qui  
 eiusmodi negotium ageret, locareque inquilinis domo-  
 rum cœnacula consueffet. Græcis uero contrā: nam su-  
 periora domus & alta penetralia sibi recipiebant, ad  
 inferiora autē uestibula, & sub porticu, Homero teste,  
 hospites diuertebāt. Cēsuit ergo Vlpianus, si cœnacu-  
 lariam exercens, hoc est, curam gerēs eiusmodi cœna-  
 cula locādi, modicum quid ex hospitio sibi retinuerit,  
 residuumque pluribus locauerit, si ex cuius cœnaculo  
 deiectū quid esset, in notitiā non uenit, omnes qui inco-  
 lerēt, una actione teneri, cōtraque singulos agere lice-  
 re: dicique cœnaculariam à cœnaculis, sicut sagariam  
 à sagis, de qua iurecōsultus sexto & decimo digestorū  
 libro mētionē fecit, quādo sci. saga & id genus uesti-  
 mēti mercatur quispiā, quo pluri distrahēdo lucrū fa-  
 ciat. Sic camelaria dixerē camelorū curationē, & ca-  
 melarios camelorū curatores, q̄ munus p̄sonale est: de  
 quibus apud iurecōsultos de muneribus fit mētio fre-  
 quēs: & q̄ uecturis uictū queritabāt, uelaturā facere  
 dixerūt. Rursus quærebatur quid signēt illa Labeonis  
 uerba de actionibus empti, dum inquit: Quod si peri-  
 culosam rem antea seruus facere consuērat, ut si per  
 catadromū curreret, uel in cloacā se demitteret, tuque  
 uendito à te seruo id imperasti, quod sine periculo ex-  
 equi nequibat, censuit Paulus teneri uenditorem ob  
 necem damnūne, si quam in perniciem seruus in-  
 currisset. Quid catadromus, & quid esset cloaca, quæ  
 rebatur. Respondi catadromum decursionem dici,  
 spatiumue in quo agitentur præcipiti cursu, ἀπόμος,



*Apōlus*: per quem seruus currendo, uel in cloacam se demittendo, nimirum uitæ periculum adibat. Quippe curru uel equi impetu, dum incautius subit, obteri, uel in cloacam mergi poterat. Fuisse enim cloacas Romæ in ingentem altitudinem depressas, receptaculum omnium purgamentorum urbis, à Prisco Tarquinio primum, mox à Superbo, & demum interiecto tempore, à M. Agrippa profusis sumptibus, & magna mole constructas, autores tradunt: per quas septem amnes quasi sub urbe pensili solida structura raperent omnia & auferrent, ad quas non sine uitæ periculo descendis erat. Neque dubium quin seruus uix sine noxa per catadromum currere, uel in cloacas descendere poterat. Tertia fuit quæstio, quid signent illa Vlpiani uerba, titulo mādari, quibus Aurelium hospiti suo medico mandasse dicit, ut in hortis suis sphæristerium & hypocausta, suæ uoletudinis causa, Rauenna construat. Quid esset sphæristerium, & quid hypocausta, ambigebatur. Cumque censerent ex interpretis autoritate, locum amœnum dici sphæristerium, hypocausta uero subterraneum, & alia imperitissime: tandem quum certaretur sententijs, ex Plinij & aliorum autoritatibus compertum est, sphæristerium locum fuisse circularem, qui plures capiebat circulos, & spatia uarijs lusibus distincta, à spherica figura dictum, demulcendi laxandique corporis, & animi remitendi causa, à summis uiris, & magnis honoribus functis intra ædes, nonnunquam in thermis extructum. Erant enim loca deambulationi, quieti & cursui, tum lucta, iaculationi & palæstræ accommoda. Sicut trigon locus triquetro similis, ubi pila

imminens exitium canem loquutū fuisse, serpentemq;  
latrasse: quo portento perniciem & exilium sibi mox  
futurum ostensum est. Craso Lydorum regi, quando id  
concidit regnum, natum filium semestrem articulatē  
loquutum, diro & prodigioso euentu, fatalem calami-  
tatem quæ postea sequuta est, præsignasse dicitur. Gal-  
lus etiam Senonibus ad urbem properantibus, in noua  
uia, ubi Alloquutionis postea templum fuit, uocem au-  
ditam quæ Gallos aduentare diceret, inter exēpla re-  
latū est. Sed ne infinitas species, & nimis uetera ab ul-  
tima origine percensere uidear, patrum nostrorū me-  
moria euidentissimis ostentis, antequam in Ponto By-  
zantium ab immanissimis Turcis terra marique oppu-  
gnaretur, quo excidio quanta calamitas, quantumque  
uulnus Christianæ reip. illata fuerint, nemo ignorauit.  
Compertum est, apud Comū citerioris Galliæ urbem,  
mergente ad occasum die, ingentem canum multitudi-  
nem per aera ferri: postque diuersorum pecorum ar-  
menta, species peditum primo leuis armatura, deinde  
hastatos scutatosq; subsequi, equitesq; in turmas diui-  
sos ingēti instructa acie psequutos, horis ferme tribus  
imaginē aduentātis exercitus præbuisse: demū corpo-  
re procero immanē & formidabilem hominem supra  
quā dici possit, ueluti exercitus ductorem, terribili  
equo insidentem, processisse, aliaque ludibria oculorū  
per inane apparuisse, ingentium malorum prænūcia:  
donec nocte appetere, uisio omnis illa dilapsa est. Quæ  
ostenta futurum excidium, cadem & calamitatem,  
quæ postea urgentibus fatis sequuta sunt, præsignasse  
nemo dubitauit. Sed quod nos recēti exemplo experti  
uidimus, profecto haud minus est. Quum florente for-

tuna Ferdinandi primi regis Aragoniæ, urbs Neapolitana & regnū, nullis adhuc belli calamitatibus premeretur, satis constat Cataldum sanctum uirum, qui abhinc annis mille pontifex urbi Tarentinæ præfuit, quemque patronū Tarentini ciues uenerantur & colunt, nocte intempesta ministro sacrorum cuiusdam tūc sacris initiato, & in casta religione educato, semel atque iterum in somnis apparuisse. ac monuisse, ut libellū a se conscriptum, quem in abdito loco uiues abdiderat, in quo diuina arcana scripta erant, effodere & protinus ad regem deferri curaret: qui quum parum fidei somnio dedisset, eadem sibi per quietem sæpius obuersata specie, quū primo diluculo solus moraretur in templo, ipsum Cataldum qualis erat olim dum in uita ageret, pōtificia ueste & insula amictum, eidem ministro plane uigilanti apparuisse, & prædixisse, ut postera luce quum primum posset, libellum à se conscriptum in abdito loco quem in somnis prædixerat, conditum effodere & regi deferre ne cunctaretur, pœnam nisi fieret, grauiter comminatus. Postera luce solenni pompa ministrum cum populi comitatu ad latebram, in qua longissimo auro libellus latuerat, processisse: eumque plumbeis tabellis obsignatum, & clauis obseratum inuenisse, satis constat. In eo certū est, futurū regni excidium, misérias, calamitates, & luctuosa tempora, atque instātia mala quæ postea sequuta sunt, regi prædixisse. Id quod experimento docti, magna mercede persolutum uidimus. Siquidem tanta uis diuinæ prædictionis fuit, ut haud multo post, ipsum Ferdinandum seu delum ira, seu fato insuperabili, quod uitari non potuit, in primo belli apparatu, è uita constet excessisse. Carolumque

lumque Gallorum regem, ingenti coacta manu, innu-  
meris copijs Neapolitanum omne regnū inuasisse: Al-  
fonsumque Ferdinandi primogenitū, post patris obitū  
uix regno assumptum, regno orbatum, turpi fuga ue-  
lut in exilio diem suum obisse. Mox ipsius filium Fer-  
dinandum iuniorem, summæ spei adolescentē, miri er-  
ga omnes studiū & fauoris, cui rursus regnum debeba-  
tur, misero & fatali bello implicitū, in ipso ætatis flore  
immatura morte præuentum, occubuisse: postea Gal-  
los & Hispanos communicato imperio, & æquato re-  
gni iure, fugato Frederico altero prioris Ferdinandi fi-  
lio, qui mox regno successerat: admotus hostiliter le-  
gionibus & ampliore exercitu, denuo regnum inua-  
sisse, sacra prophanaque occupasse, bonorum direprio-  
nes fecisse: urbes, uillas, uicosque omni belli clade per-  
uastatos, multa fœda & indigna passos: oppida quo-  
que & municipia cædibus & rapinis plena, prouin-  
ciasque hostilem in modum conquassatas, & in extre-  
mum discrimen adductas, incēdijs & stupris, ac si quid  
ultra malorum est, patuisse, eundemque regem nondū  
functum fatalibus malis, post euersam domum, & tot  
urbium clades, cum coniuge & liberis regno depulsum,  
domo & fortunis relictis, in inimicorū manus suppli-  
cem uenisse, ibique morbo & tæbe confectū, è uita tan-  
dem excessisse: donec ad hæc tempora, in quibus for-  
midare non desinimus, & an satis piamenti & pœna-  
rum adhuc pensum sit ignoramus, peruentum est.

Qui duumuiros, triumuiros, quatuoruiros, quinquēuiros, septem-  
uiros, decemuiros, quindecimuiros, & centumuiros  
fuerint. Caput XVI.

DVVMVIROS sacris faciundis, qui carminum



Sibyllæ & fatorum populi Romani, placandaque & auertenda deum ira, antistites erant: quique quoties prodigia nunciarentur, adiri solebant: à principio binos fuisse accepimus, à Tarquinio institutos: quorum alterum M. Attiliū, quod arcana Sibylla promulgare & palam facere ausus fuerat, uelut parricidam insutum culeo, proiecit in mare. Lapsis deinde temporibus, à sextio & Licinio tribunis plebis cautum fuit, ut produmuiis sacrorum, decemuii crearentur, quinque patrum, quinque plebis: mansitque hic numerus ad Corneliū ferè Syllam, quo tempore quindecimuii, qui sacris faciundis, supplicationibus & lectisterniis præsenserent, quique placamenta deum & expiationes edicerent, officiaque ceremoniarū exequeretur, librorumque & carminū Sibyllæ curam agerent, primū creati sunt. Qui quidē libri à Tarquinio Superbo ere magno cōempti, ad Cornelium usque Syllā mansere incolumes: tunc enim incenso Capitolio, quū omnia perflagraret, ipsi pariter absumpti fuere. Siti enim erant in Capitolini Iouis tēplo, in arca lapidea, loco subterraneo, magna cura studioque seruati. Tametsi ad Augusti tempora superfuisse, eosque sub palatini Apollinis basi conditos stetisse, Suetonius auctor sit, ubi unā cum Martiorum carminibus, & Bagoes nymphæ, quæ Thuscis artem scripserat fulguritatum, seruabatur. Eam uerò Sibyllā putant Erythræam, cui nomen Herophila. Alij post Herophilam Erythræā uixisse arbitrati sunt, quæ mulierum prima cecinit oracula: fuit enim Alexandri tempore. Nam Delphicam ante Troiana bella uaticinatam, & pleraque Homerum operi suo carmina accommodasse ferunt. Alij Cumanam, quæ Amalthea dicta

dicta est, dicunt fuisse. Præter quas fuere uaticinio insignes mulieres, una Athenais nomine: apud Hebræos Sabba, apud Chaones Phaënnis, Dodoneis Pelle, licet Sibyllarum nomen nō assequatur. Nam Sibyllarū, quatuor præcipue nomen uendicarunt, Erythræa, Samia, Aegyptia: quibus postea adiectæ, Iudæa, Cumeaque: quæ mente concita & numine afflata, euentorum consequentiam carminibus prædixere. Eratque mos uaticinandi, ut ex primis literis cuiusq; uersus uaticinium contexerent: quod Plautum & Ennium in quibusdā uersibus fecisse memorant. Quibus postea libris Gabinus, M. Octacilius, & L. Valerius legati ex consulto senatus Erythras profecti, mille uersus eiusdem Erythrææ summa cura cōquisitos, in eodem sacrario collocarunt: qui unā religiose culti concelebratique sunt. Mox Augustus, incenso Capitolio, bello sociali, dato sacerdotibus negotio, per omnem Samū, Ilium & Erythras, Aphricam, Siciliam & Italiam conquiri omnia Sibyllæ carmina, & quātum humana ope fieri posset, uera discerni & interpretari iussit. Et demum quū de libro Sibyllæ relatū ad patres fuisset, quem Caninius Gallus recipi inter ceteros eiusdem uatis iusserat, summa ope Tiberius restitit, & ne reciperetur effecit. Et quanuis decemuiris sacrorum alij supera additi sint, ita ut ad sexaginta excreuisse dicatur: semper tamē quindecimuirī dicti nominatiq; sunt. Creabat enim eos senatus, uel quomodo oportere uidebatur COSS. Quinetiam ex scito pleb. duūmuīros populum creasse, plerunque compertū est: qui nisi patritij essent, in numero eligi nequibant, & nisi post obitum, alium mutari aut cooptari nō decebat, ab omniq; urbano munere &

belli cura immunes erāt. Hi ergo & sacras aedes dedicabant, & obsecrationes expiationesq; ad placandas auertendasque deorum iras procurabant. Tum si tetra prodigia nunciarentur aut monstra in dubijs reip. causibus, iussu senatus ad libros tanquam aditū adibant, illorumq; iussu quæ decreta erāt aut præscripta, uelut ex oraculo monita fiebant. Etiam lectisternia curare, & ex præscripto librorū, ludis Apollinaribus aut secularibus præesse, tēpla dedicare, ludos celebrare, uota concipere, supplicationibus, sacrificijsq; solennibus præfici solebant. Præter quos fuere duūmuii, quibus hoc munus incumbebat, ut sacras aedes dicarēt, autore senatu, aut facerent, faciendæ sue locarent, aut reficerent. Hos quoque ex scito plebis, nonnunquā à consule, sæpe à prætore creatos comperimus: eoq; absoluto negotio, ab iniuncti muneris cura quiescebāt. Et duūmuii municipiorum, & alij nauales, quibus naualium populi Romani, quotiesque instrui classem uel refici oportebat, utq; naualibus socijs implerentur, cōmeatuque & armamentis instruerentur, negocium dabatur: necnon aquæ ductuū, deriuandarumque aquarū, coloniæque deducendæ qui curam agerent, quiq; id muneris exequerentur, sæpe duūmuiros fuisse comperimus: & alios capitales, qui perduellionis diem ad populum dicerent, & in facinorosos animaduernerent, à principio originū creatos. Diem uero perduellionis ad populum dicere, erat aliquem capitis accusare, uel mortis pœna reum agere. Hos quoq; leuiori pœna coercere, uel fustibus cadere posse: aut in carcerē duci iubere, nulla controuersia est. Præter hos fuere triumuii etiā capitales, postquam Curius Dentatus de Samnitibus

trium-

triumphauit, tunc primum Romæ creati, qui de criminibus pariter cognoscerent, & in facinorosos si quid scelere & perfidia deliquissent, animaduertent: qui uigilias per urbem disponere, & ne qui nocturni catus fierent, obseruare: neu qui molitores nouarum rerum hostilia auderent, prospicere debebant: quæ cura, lapsis temporibus, ad præfectum uigilum translata est. His quoque, ut carceribus latomiarum interior cura ageretur, carcerisq; custodiam haberent: utq; neci destinatis mensa lanionia, machæra, & supplicij instrumenta præsto foret, cura procuratioq; impendebat: ut quum in reos animaduerti oporteret, ipsorum interuentu fieret. Qui tametsi facinorosos capitis agere & punire possent, uirgines tamen aut immaturas puellas, licet maximorum criminum reas, & pænæ capitali obnoxias, triumuirali iudicio afficere non poterant: quorum cura consilioq; non modo incendia, sed coniurationes clandestinæ et intestina urbis mala sæpe depulsa sunt. Nec me præterit, post Cannensem cladem, propter ingruentem ararum & militum inopiam, triumuiros conquirendæ pecuniæ monetales seu mensarios creatos fuisse: æris, argenti, atque auri flatores: quorum munus erat, numismata probi auri & argenti, iustiq; ponderis examinare: & alios legendæ iuuentutis, qui militia idoneos per oppida conquisitos ascriberent: quod quidem ingruente bellorum tumultu, sæpe fieri animaduertimus. Quo enim tempore ad Cænas magna clade pugnatum est, consternata repub. triumuiris datum negotium fuit, ut non ingenuos modo, sed seruos are coemptos, et mancipia ad quatuor & uiginti millia sacramento adigerent. Etiam sacris requirendis & adibus reficiendis,



quandoq; triumuiros præfuisse accepimus, sicut reip. constituenda & legendi senatus: aliosque recognoscendi turmas equitum cum fide curaque, ab Augusto institutos, plerunq; assignando agro in colonijs & municipijs, quique uigilias circuirent & incendijs occurrerent, qui nocturni appellati, quod noctu per urbem excubias agerēt. triumuiros creari animaduersum est. In qua re proditum memoriae fuit, M. Militiū, Cn. Lollium, & L. Sextium triumuiros nocturnos, quod in saera uia ad extinguendum incendium præsto non fuissent, à tribunis pleb. increpitos, multam exoluisse, qui etiam supplendi senatorum numerum, immeritosque amouendi plerunq; ius habuere. Et si quando ius dicebant, nō in tribunali sella curuli, sicut consules prætoresue, sed in subsellijs uelut tribuni et quaestores, iura dabant. Quotiesq; per senatum populumq; ager dandus uel diiudicandus, aut colonie deducendæ forent, triumuiros qui agrarij dicti sunt, plerunque præfuisse compertum est: tametsi agrum Pontinum quinquemuiros diuississe, & per uigintiuiros ad decemuiros agrū Capuæ & Samnii diuisum, ac ueteranis præmia assignata legamus. Proditum tamē memoriae est, cum tribuni pleb. ferrent ad populum de decemuiris cum imperio creandis, ut quicquid agri publici per Italiā, Syriam, uel Asiam esset, plebi diuideretur, legemq; promulgare contenderent, Ciceronem summa ope restitisse, & uelut rem pestiferam rogationem antiquasse, eosque magnifica oratione sic fregisse, ut uicti obmutescerēt. Quatrumuiros uero creatos accepimus illos, quibus deducendarū coloniarum, aut si quid nouum nunciatum foret, ut curarent ne damno respub. afficeretur,

retur, obque uaria negocia munus mandatum erat. Præter quos fuere quinqueuiri agris diuidendis, muris, turribusque reficiendis: sapius ut plebem funebri pecunia eleuarent. utque æs alienum pro his qui soluendo non essent, de publico soluerent: qui mensarij nuncupati: quæ res quantû ad patrum plebisq; conciliandos animos profuerit, difficile dictu est. Quippe quum esset plebs obruta fœnore, pecunijs in foro positis, uim ingentẽ æris alieni dissoluerunt. Post quos usu exigẽte, quinqueuiri creati cis Tyberim & ultra Tyberim, qui possent uestertinis horis uices magistratuum gerere, quum magistratus ad id temporis in foro esse non deceret. Denique quoties aliquod munus factu difficile reip. impendebat, in quo præcipua aliquorû opera, si desque exquirebatur, ubique multum studij curaque opus erat, modo duumuiros, nunc triumuiros, aut quatuoruiros, quinqueuiros, sexuiros, aut decemuiros creare: quorum ope consilioque iniuncta munera sæpe exequuti sunt. Ipsique negotio absoluto, pro quo dicti creatiq; erant, ab iniuncto munere quiescebant. Fuitq; animaduersum, quod si decemuiros locandis uectigalibus (quod plerunque usu ueniebat) Romani præficerent, his ubiq; uectigalia distrahendi potestas erat, quum aliter nõ nisi Romæ à censoribus uectigalia locarentur. De septemuiris epulorum traditû accepimus, quod hi à principio tresuiri fuere, asciti inter sacerdotes, quibus toga prætexta ius datû ut pontificibus. Hi fuere C. Licinius Lucullus, T. Romulius, & P. Porcius Lecca, qui legem de creandis primum tulere, quos propter sacrorum multitudinem, ut ludorû epulare sacrificium conficerent, pōtifices sacris præesse noluerunt. Qui

tempore procedente, septem creati fuere. Et quia sacris epulis præerant, cænarumq; pontificum, quæ adijciales dictæ sunt, curam agerent, ipsique epulas Ioui principi deorum, caterisque dijs indicerent, epulones appellati: qui si qua iusta & solennia sacris deessent, ad pontifices referebant: deque illorum consilio sententiaq; sacra & omissas ceremonias decernebant. Horum filia, ne inuita Vesta sacerdotes fiant, sicut auguris & pontificis maximi, aut quindecimviri sacrorû, ueteri priuilegio immunes erant. Præter hos fuere decemviri, sub titulo æquandarum legum à principio sine prouocatione creati, mox alij litibus dijudicandis, qui loco prætorum in urbe ius dicebāt. Quippe quum belli munia prætoribus deferrentur, & ob id, urgente armorû tumultu, ab urbe auocaretur, ne iudicia Romæ deessent, illis in expeditionem profectis, decemuiros qui litibus dijudicandis, & noscendis singulorum postulatis præsto forent, præfecerunt prætorum loco: cui magistratui Adrianus ante imperiû præfuisse dicitur. Post quos fuit uigintiuiratus causis dijudicandis, quod munus magnæ indolis iuuenibus conferri solebat: illinc enim gradû ad reliquos honores auspicabantur uiri exculi ingenio et doctrina. Ad quod Tiberius Neronem Germanici filiû promoturus, quod quinquennio maturius peteret quàm per leges liceret, illum senatui commendauit, & ueniam petijt. Et centumviri amplissimû iudicium, qui iura populo aliquandiu dixere: à quibus nulla erat prouocatio: quorum iudicia centumuiralia dicta. Ex singulis enim tribubus terni iudices selecti, populo ius dicebant. Et quanuis ex quinque & triginta tribubus, supra centum superessent quinque: usus ob-

tinuit,

tinuit, ut ipsi centumuii, eorumque iudicia centumui-  
ralia dicta sint: qui omnes quum iura daturi erant, ha-  
sta posita in unum coibant, illorumque iudicia in duas  
hastas diuisa erant: ideo centumuiralis hasta sermoni-  
bus celebratur: qui de hereditatibus, testamētis, usu-  
capiōibus, tutelis, gentilitatibus, agnationibus, allu-  
uionibus, nexis, mancipijs, & stillicidijs quā max-  
ime ius dicebant. Qui quum propter turbulentam con-  
fusionem in longissimum lites traherent, perraroque  
causas deciderent, D. Vespasianus ex tot iudicijs  
selegit quosdam, qui breui curriculo, nec longo circui-  
tu causas definirent. Domitianus quoque centumui-  
ralia decreta & constituta uelut ambitiose edita, rescin-  
disse fertur. Tantique exempli fuere, ut Romani ado-  
lescentes primæ indolis experimenta à causis centum-  
uiralibus auspicaretur. Et quum antea ne nobilissimis  
quidem pateret aditus, nisi à consulari uiro magno fā-  
uore producerentur in foro uiri præclari, magnaque  
eruditionis: postea deprauato usu, obtentum est, ut ad  
declamandum transirent pueri extrema sortis, nullo  
discrimine aut delectu, in quibus nec facundia esset,  
nec eruditio. Praterque hastam centumuiralē, mos erat  
militaris, ut si qua ciuitas ui subacta, hostili incurſu di-  
ripienda foret, à duce exercitus edito in loco hasta po-  
neretur, qua significatione illam nō deditioe & pa-  
cto, sed tanquam ui captā diripi licere, & in bona & per-  
sonas grassari designabat, quæ hasta cruenta nuncupa-  
tur. Nā captas, nō deditas urbes diripi ueteres uolue-  
re. Tū si quādo bona proscriptionū, hostiūue manubiæ  
aut præda uenales foret, uectigaliāue locaretur, usus  
obtinuit, ut hasta posita ueniret, quæ publica dicta est:



sicut bello capti, quod coronati, et serui ære comparati, quod ex edro lapide enunciabatur uenales, sub corona & de lapide empti dicebantur, & qui turmatim ueneunt in catastra. Fuitq; moris uetusti, ut his qui trans mare aduecti uenales forent, quo à reliquis mancipijs dignoscerentur, alba creta pedes illinirent. Obseruatumque, ut de seruis sub pileo uenditis, emptori uenditor nihil præstaret, neq; euictionis iure teneretur, tanquam insignia forent mancipia & probatissima. Utq; præcones & qui bona proscribunt, bona regis Porse- na uenalia singulis auctionibus proclamant, ex eo deductum, quod discedens ab urbe Porse na, castra com- meatibus referta populo diripienda dedisset. Præter quas fuit hasta salutis, ubi in summa inopia ad leuan- dam famem, hasta posita, publice frumentum uenit. Græ- cis uero ubi uenalia producuntur mancipia, cyceli: ubi uero conscendunt, ut essent conspicua omnibus, trapeza dicta sunt. Ac licet à principio quaestura functi, cen- tumuiros aduocare, & ad iudicia cogere consueissent, Augustus tamen censuit, ut postpositis quaestoribus uiris, decemuiros designarentur, qui illos in unum cogerent, & ius dicere iuberet. Illud ego non præterierim, apud Carthaginienses centumuiros de numero senatorum fuisse ascitos, qui rerum gestarum & bellicæ administrationis rationem à ducibus exigent: et ab Aegyptiis triginta iudices ex præcipuis ciuitatibus eligi solere, ex qui- bus optimum eligebat, qui totius collegii caput & prin- ceptus foret: et in Algido in templo Dianæ quindecimui- ros, tam diuinis mysterijs & sacrificijs solennibus, q̃ respo- sis dandis præesse: & Athenis arnophagon reli- giosissimum & summum iudicium haberi: in quo se-  
natus

natus & populus unà coibant, quo tempore à triginta tyrannis penè in extremum discrimen adducta sunt. Deinde exactis tyrannis, decemviri remp. administrarunt, quorū cuiq; decaducho nomē erat. Post hos aſty-nomi præſuere numero decem, quinque in Pyrao, totidem in urbe: quibus cura pſaltriarum imminēbat & tibicinum. Mox nouemviorum magistratum præcipuum fecere, qui ſortitò creabātur annis ſingulis, quos archontes nuncupabant: inter quos primus archon, primarius archontium & longe princeps erat: à quo Athenienſes, ſicut Romani à conſulibus, & Lacedæmonij à tribunis, annos & tēpora dinumerabant. Eum honorē qui ſummus erat magiſtratus, Hadrianus Cæſar dum Athenis ageret, & mox Galenus geſſiſſe fertur. Secundus, à regia dignatione βασιλεως: tertius, à belli ductu πολέμαρχος: reliqui, à legū latione θηροποῖται dicti ſunt, atate & uſu docti, qui domi iura dabant, querelas accuſationeſque cognoscebant: deque controuerſijs æquo examine decernebāt. Aetolis uero plemarchus, claudendarum portarum & urbis curā gerebat, clauēſque noctu detinebat: interdū autem cuſtodijſ portarum aſſidebat.

Quoties contra ambitum illorū qui appetunt magiſtratus, pluribus legibus à Romanis obuiam itum ſit.

Caput. XVII.

POST urbem conditam longo tempore, nullam de ambitu legem fuiſſe latam, multorum literis proditum eſt: ſcilicet quia in dandis magiſtratibus & conferendis honoribus, priſci Romani nō largitione et ambitu, ſed uera uirtute nitebantur: propterq; res egregie geſtas domi militiæque, meritos ciues pratura, ædilitate

DD iij

Et consulatu, amplissimisq; honoribus honestabant.  
 Prima lex contra ambitus illorum qui magistratus ap-  
 peterent, per tribunos pleb. lata fuit, quo tempore post  
 decemuiros tribuni militum consulari potestate reip.  
 praeferre, qua ne cui album in uestimentum petitionis  
 causa quenkumq; adire liceret, cauebatur. C. deinde  
 Petilius tribunus pleb. legem tulit ad populū, qua lar-  
 gitiones illorū qui honores pecunia mercaretur, graui  
 damno Et poena multauit: fuitque seuerissima disci-  
 plina Et sub graui censura lex seruata, qua ambitioni  
 Et cupiditati obuiam saepe itum est: ita ut inter exem-  
 pla relatum sit, Q. Coponium, quod uini amphoram ei  
 cuius suffragio magistratū petebat, dono dederat, am-  
 bitus condemnatū poenas luisse. Cincius deinde legem  
 tulit muneralem, qua grauissimis poenis affecit eos, qui  
 a quouis candidato munus suffragij causa, donū uic  
 acciperet. Inde cautum, ut in petendis honoribus can-  
 didati sine toga ad comitia descenderent: ne pecunijs  
 in sinu reconditis, tribuum suffragia mercarentur. Sed  
 quum quotidie hoc malum serpere uideretur magis, et  
 ambitus petentium coerceri oporteret, Paulus Aemy-  
 lius consul legem tulit ad populū, qua, ne cui suffragij  
 causa munus dare liceret, multiplici poena interdixit.  
 Postea lege Calphurnia his qui mercede corrupti, aut  
 munere deliniti, candidatis obuiam issent, qui que pre-  
 cio illos sectarentur, aut si prandiū ad captandos ani-  
 mos, aut quid muneris exhibitum foret, praeter poenas  
 legibus constitutas, etiā pecuniaria multa dicta fuit.  
 Id quod Fabia lege cauebatur, qua praefinitur nume-  
 rus sectatorum, prosequentium in comitijs candidatos,  
 poena adiecta, si quis plures aduocaret: quam legem

Marius

Marius etiam in suo tribunatu contra illos qui tribuū suffragia ambirent, seuerissime tulit. Intantumque ambitus honorum inhibitus fuit, ut Licinia lex & Ebutia, non modo illi qui de nouo creando magistratu ad populum ferret, sed nec ipsius collega & affini curationem potestatemue demandari, graui documento sanciuerit. Demum Marius in cōsulatu denuo ita ambitum osū habuit, ut aduersus Cottam collegam, & Metellum tribunum pleb. legem promulgarit, ne quis largitione aut donis magistratum honorēsue assequeretur. Mox Pompeius Magnus quum unicus esset consul, aliam pertulit, qua peruicax illorum cupido, qui magistratus appeterent, graui censura mulctauit: mansitque diu Roma hac uita integritas & obseruantia disciplina, ut procul ambitione officium & uirtus pluris quàm census aestimaretur: adeo, ut post longa tempora, Catonem ambitus diem dixisse illis qui largitiones fecerant, pro miraculo fuerit: qui ut obuiam effrenatis cupiditatibus iret, se quibuscunque qui honores mercarentur, pecuniaque aut pollicitationibus ambirent, diem ad populum dicturū iureiurando firmauit. Postea usque adeo mores degenerarunt, itaque ambitio hominū mentes peruasit, ut sine discrimine nullo pudore aut modestia in assequendis honoribus propterea largitiones fierent: neque præturas, consulatus, aut potestates mercari turpe ducerent: palamque candidati quum ad comitia descenderent, diuisores haberet & magistrōs curiarū, proque assequendis honoribus, nummos in tribus pronūciare et pecunias deponere, ac per sequestrem spargere in turbas non formidarent. Et ne quid turpitudinis deesset, manus & operas clientum



Et comitum audacissimorum ad uim Et seditionem paratas haberent, ita ut seditiosissimo cuique, temeritati-  
 que Et audaciae præcipuus locus foret, quum populus mercede corruptus, atque alij potetia amicorum fulti,  
 per cades Et dimicationem, perque omnem licentiam Et audaciam, fasces, imperia, sacerdotia Et triumphos darent: Et non iusto suffragio, sed armis lapidibusque pro largitore certarent. Tantaque exarsit ambitio, ut ex hac turbulenta confusione, octo ferè mensibus urbem inter populares procellas patrum Et plebis certamina, dum seditionibus uacant, sine lege, sine imperio, sine honoribus diu caruisse magistratibus legamus: quæ quidem res non mediocri damno dedecorique fuit: qui morbus Athenas quoque peruasit: nam quum antea incorrupti mores fuissent, primus Anytus Anchemeonis filius, largitionibus immodicis pecunias erogasse et suffragia mercatus fuisse dicitur, pernicali exemplo magnæ turpitudinis et dedecoris inde subsequuti. Deinde Lycurgus ambitiosæ largitionis maius testimonium fecit: nam donato singulis magistratibus talento, rex spartæ creatus fuit, donec M. Tullius, Et mox D. Iulius, deinde Augustus, ne qua occasio fraudis pateret, inter cæteras quas tulerunt leges, seuera correctione ambitus illorum qui largitionibus suffragia captabant, inhibuere. Et deinde à Lurcone tribuno pl. ut qui nûmos in tribus pronúciasset et dedisset: quoad uiueret, annua sestertia pœnæ nomine singulis tribubus pendere cogeretur, salutari edicto cautum fuit. Sed quum effrenata cupiditati nondum obuiâ irêt, corruptionesque suffragiorum nihilominus immodicæ fierêt, senatus consulto pronisum est, ut candidati ante inita suffra

suffragia, nec conuiuentur, nec munera mittant, neque pecunias deponant. Quibus edictis, legibus & senatusconsultis, uix tandem ambitus illorum qui honores peterent, postquam diu peruagati sunt, compressere.

Idus cuiusque mensis, apud ueteres Romanorum maximè festas & feriatas fuisse, & quid apud exteros.

Caput

XVIII.

INTER festos, celebratosque dies, quos in honore deorum uetus religio sanxit, Idus præcipue solènes semper fuisse accepimus. nam præterquam quòd omnes Idus Ioui feriatas, & à flamine diali bouem immolari singulis Idibus perspectum sit: tamen præcipua quædam erant feriæ Idibus dicatæ, quas ueteres coli obseruarique iusserunt, ut illas prætermittere & insolennes relinquere, ducerent nefas. nanquè idibus Iauarijs tibicines festum diem agere multa licentia & lasciuiæ, muliebrique habitu per urbem uadere solebant. Causa uero traditur, quòd quum honoribus amplissimis essent honestati, his postea exuti, uno agmine Tybur concessere, quibus reuocandis libertus operam dedit, qui apparatus epulis, quasi rem diuinam factururus, illos muliebri ornatu, ita ut compti parati-que erant, uino & epulis madidos carpento Romam reportauit: mansitque ad posteros festa dies annua, ut eo habitu triduo uagantes per urbem, perque forum cum cantu & tibia incederent. Quæ dies, ob Augusti uictoriam, quodque Augusti cognomen Octauio delatum fuit, in templo Iouis opt. max. uernex à flamine immolabatur. Idibus Februarij in Tyberis insula, ubi Fauni ædes erat, Romani rem diuinam & sacrum annum fecerunt. Idus uero Martias ad Annam Peren-

nam, quo commodè annare & perannare liceret, festas genialesque obseruarunt, largioribus poculis indulgentes. Ea enim nymp̃ha soror Didonis credita, in Aricino seu Laurente sedem habuisse fertur, quam à perpetuitate Perennà nuncuparunt: quæ Idus infauistæ & ominosæ postea fuere: placuitque illas parricidium uocari, quod illis diuus Cæsar. coniuratorum manibus casus occubuit. Idibus Aprilis uictori Ioui Q. Fabius ædem, quam bello Sabino nouerat, cum quibus cruento Marte & intestinis sæpe cladibus dimicatum fuerat, dedicauit: eaque dies festa in posterum haberi cæpta. Hæc enim ædes in Palatio fuit magno sumptu & mole constructa. Maijs uero Idibus mercatorum festus agebatur dies, quod ea Mercurio, qui mercimonijs præest, natalis foret: quodque Appio Claudio, & P. Seruilio cōsulibus ædes illi dicata fuerat: qui mensis mercimonijs sacer in posterum semper habitus. Quippe eo mense mercatores Maia Mercurioque sacrum facere, & suam prægnantem immolare, seque & merces ex Mercurij fonte ad Capenam lustrare assuèrant, ita magnos & huberes quaestus facere opinati. Hanc ædem ad circum Maximum constructam dicunt fuisse, præcipuo opere & magno impendio: quo etiam die scirpeas effigies de pōte sublicio Vestales in Tyberim deicere produntur, cum prius homines cōsueissent. Idibus Iunijs alter tibicinum dies anniuersarius agebatur festus: qua die tibicines qui sacris præcunt, per urbem uadere feriatos, & ad ædem Minervæ conuenire solenne fuit: ipsasque minuscultas quinquatrus, quod diem quintum post Idus feriatum haberent, appellarunt: sicut triatrus, sextatrus, septem-

Septemmatrus, & decemmatrus: quo etiam tempore inuicti Iouis ædes dicata fuit. Idus autem Iulias equitum turma festa fronde & olea ornata, in capō Martio instructa, tāquam qui cōgredi acie parant, trabeati celebrant magnis cæremonijs, ut fuit à Fabio institutum. Nam prætoria cohortes instructa tanquā in hostes tenderent, & eques compositus per turmas, in armis stabant: in qua pompa Germanici imagine præcedente, equitum turma sequebantur instructa, cum militaribus donis, quibus in testimonium uirtutis obfortia facinora donati fuerant: eademq; dies, quod populus Romanus ducens contra Latinos, mira felicitate potitus fuerat, Castori & Polluci sacra fuit & celebris: ferturque origo antiquissima, quòd tunc Castoris ædem uotam Latino bello, L. Aemylio & Casone consulibus in foro, ubi uisi fuerāt, senatus dedicauit. Et ex illo traditum, ut solēni apparatu pōpa à templo matris deūm extra urbem, ad forum usque procederet: inde trabeati & olea coronati equites, ab æde Honoris ad Capitolium irent. Quem trāsuectionis morem diu intermissum Octauius reuocauit, cauitque ne quis in transuehendo (quod antea licuerat) ab accusatore detraheretur. Qui mensis Atheniensibus quoque festus erat: quippe Nonis Iulij oschophoria celebrant: in quibus oleæ rorum, pane fici, cotyla mellis, & fructuum primitijs onustum, per ingenuos pueros foribus appendit ciuitatis. Et mēsis Munychionis undeuigesimo die, equester ordo pariter Ioui solenni more prodibat cum pōpa. Idus uero Augusti, serui & mācipia atq; omnis famulatus, festas obseruarunt, quod Seruius Tullius ancilla genitus, in lucem tūc editus fuisset: quo tēpore.



uxoribus caput lauare felix faustumque putabatur, (sicut apud Indos quum rex capillos abluit, festum celebrant diem) donaque inuicem misitant, & diuitias ostentant. qua die serui & seruæ aquato iure, & nullo discrimine liber an seruus esset, cum dominis col ludere, & festos dies Romæ agere solebant: qui dies etiam pro natali magni Alexandri apud plerosque esse censebatur, propterea religiosus & sacer Diana habitus. Nam facibus accensis, in nemus Aricinum, ubi erat Diana templum, ab Vrbe discurrebant. Quo etiam mense res celebrata sermonibus proditur, ut matronæ virilis membri figuram diuinis percolerēt honoribus, quam extra portam Collinam ad eadem Veneris cum pompa sacrorum deferebāt, Aegyptiorum more: mox à castissima & spectata pudicitia matrona, præter matronale decus, in sinu Veneris locaretur. Idus quoque Octobres festas fuisse tradunt, quo tempore in Martio campo equum qui October diceretur, immolari seruatum est: cuius caput, ut ex eo sanguis manaret, protinus in regiam deferre, mox cauda defecta, illius cruore aram spargere, & in Reginorum locum deportare, illudque panibus redimere assuērunt: de quo inter Suburranos & Sacrauienses magnis contentionibus non sine discrimine certabatur. Ab Atheniensibus uero seruatum est, ut mense Octobri, magnorum mysteriorum decimo quarto calend. Nouembri solennis agatur dies, & Liber pater in Eleusinam ex Vrbe transmittatur. Nouembri uero parua, Iunia autem rursus magna celebrentur mysteria, quæ Cerei sacra erant, parua Proserpinæ: in quibus maxime cognitum est, ut quam quis induit uestē initiatus, eam

ne amplius exueret, donec lacera & pertrita foret. In alijs mysterijs traditur mos, ut uestem in qua quispiam initiatur, templis & numinibus dicarent. Quæ quidem mysteria quum alieno tēpore intueri nefas esset, Demetrius rex, ut illorum particeps fieret non suo tempore, Ianuarium & Iunium menses Nouembrem appellauit. Idus uero Decembres solēnes fuisse nonnulli tradunt, quod in cursu equorum, uictorem dexterioris bigæ sacrum Marti immolarent. Nonis Faunalia & Fauni festa peruigili anniuersario colebātur Romæ. Athenis uero decima & oētava ipsius mensis die, Aesculapj erant sacra & festa. Quod autem dictum est Idus Ioui, Calendas Iunoni sacras esse, scire licet certis autoribus traditum esse, Epicureos singulis mensibus statas dies habere feriatas, quas Icadās nominant, hoc est, uigesimam cuiusque mensis lunam, quod ea natus Epicurus foret, quem tam sanctē habuere, ut illius imaginem non modo annulis, sed poculis ferrēt insculpta: & ab Atheniensibus oētauam cuiusque mensis, Neptuno festam coli & feriari: à Græcis uero, singulis calendis deos uenerari: sequentem post calēdas diem, semideis & heroibus tribuere: qui etiam statas dies mensium certis numinibus consecrarunt: Siquidem neomenia quæ apud nos calēda sunt, & septima mensis Phæbo, quarta Mercurio, oētava Theseo dicte fuere. Apud Lacedæmonios autem singulis calendis totius anni, uini quartarius, & farina medimnus ac singula pecora regibus uelut ministris sacrorum, Apollini mox immolanda dabantur.

Defensio Vlpiani definientis instratum quid esset, & quid differet  
pulsare à uerberare, contra grammaticum, illum falso  
accusantem. Caput XIX.

HESTERNO die familiaris meus in dicendo  
promptus & audaculus, arguebat Vlpianum iure-  
consultum, ex autoritate doctoris grāmatici, cuius li-  
belli uulgo innotuere, quod male definisset instratum  
quid esset, quum omne uestimentum esse diceret quod  
inijcitur, quod Vlpianus ex autoritate Labeonis affir-  
mat. Non enim uestimentum esse instratū dixit ille, ne-  
que stragulam uestem pro hominis uestimento, sed pro  
lecti operimento tātum apud autores inueniri: & ple-  
raque in hāc sentētiā adduxerat. Cuius dicta quum  
percupide legeremus, mirum in modum autoris incu-  
riam admirati fuimus, qui licet abunde multa disse-  
ruiisset non ineptē, in nonnullis tamen perlicenter pro-  
fatus est: quippe quum stragulā non modo pro lecti o-  
perimento accipi, sed pro hominis uestimēto apud au-  
tores saepe legi inspiciamus, Vlpianumque signatē &  
uere loquutum, qui instratum, omne uestimentū quod  
inijcitur, definiuit. Tranquillus in Nerone: Funeratus  
est, inquit, Nero impensa CC. milium, stragulis albis  
auro intextis, quibus usus calendis Ianuarijs fuerat.  
Pompeius Festus grammaticorum lōge eruditissimus,  
qui uerborum proprietates uiresque admodum pen-  
sitauit, Vestis, inquit, generaliter dicitur, ut stragula, ut  
pallium, tunica, uel penula. T. Liuius tertio de Mace-  
donico bello: Et quum tibi uiro liceat purpura in ueste  
uti stragula. Paulus quoque iureconsultus ex pellibus  
uestes confici dicit, cum & tunicam, & stragulam  
pelliceam nonnulli habeant. Ex quibus, stragulam

uestem hominis designare, indubitata exempla sunt. Rursus eundem Vlpianum taxauit, quod ex auctoritate Offlij iureconsulti censuit, pulsare & uerberare eo differre, quia uerberat quis cum dolore, pulsat uero sine dolore: propterea Vlpiani definitionem inuidiose criminatur, tanquam possit aliquis cum dolore pulsari, & sine dolore uerberari: additque uerberare esse uerbere cadere, quod est instrumentum longum & exile, qualis est uirga, & pleraque eò pertinentia. Sed cum istius auctoris uenia dixerim, Vlpiani mens aliò spectat: quippe si mentem ipsius pensitamus, proculdubio intelligemus illum uerberari dici proprie, qui animale corpus uerbere affligit: ipsumque signatè & apposite loqui, qui hominem uel pecus uerberatum dixit, non pulsatum. Quum uero ad rem sensu carentem ictus inferuntur, tunc pulsare dicimur, non uerberare: ut pulso ostium, lanam aut uestem: uerbero hominem uel pecus. Neque illi assentior qui dixit, uerberare esse uerbere cadere, hoc est, fuste longo affligere: nam & pugnis & lapide uerberatum quempiam latine dicimus, sicut fuste uel baculo: idque Terentij testimonio uel maxime apparere: leno enim in Adelphis quum se uerberatum dixisset, mox designauit, quo uerbere esset afflictus, usque adeo, inquit, mihi pugnis os fregit. Aul. Cellius noctium Atticarum, pro delectameto, inquit, habuit manu sua uerberare. Tametsi uerberari rem anima & sensu carentem, apud autores plerumque usurpatum legamus. Plinius decimoquarto historia naturalis: Campania uina, inquit, exposita in cadis sub diuo uerberari sole, luna, imbre ac uentis, aptissimum. & alibi, Carthago in



Aphrica exercetur halitu maris, & uerberatur im-  
bri. Et pulsari rem animatam, & sensu participem  
quandoque comperimus. Suetonius in Galba: Ut inter  
conuentum matronarum correcta iurgio, inquit, &  
manu pulsata sit. Quod non proprie & signate, sed  
quasi per metaphoram accersitum crediderim. Si ta-  
men certis uerbis & uera finitione signatis eloqui uo-  
lumus, pulsatum illud uere dici, quod sensu carēs cre-  
bro ictu percutitur, siue ostium, aut pallium, siue quid  
aliud dixeris: uerberatum uero hominem aut animal;  
quod uerbere afficitur, dici conuenire, prout Vlpianus  
præclare censuit, apud autores probatissimos certum  
atque confessum est.

Quibus legibus Romano ciui data immunitas fuerit, ne uapn-  
laret: & quæ iura competant dominis in seruos, & patronis  
in liberos. Item in exilium mittendi ratio apud  
diuersos. Caput XX.

SERVILIUS consul traditur primus, qui le-  
gem tulit, ne quis ciuem Romanum uinctum clausum-  
que teneret, quo minus edendi nominis ei potestas fo-  
ret. Et quum primo in ciues Romanos uerberibus ani-  
maduerterent, sapius quæ innocētes ob factionem &  
gratiam propius inuidia forent, & pœnas luerēt im-  
meritas, Porcius Cato pro tergo ciuium, ne cui impune  
insultare liceret, legem tulisse fertur: qua si quis uer-  
berasset necassetue Romanum ciuem, graui iudicio  
mortis cruciatus, bonorumque & exiliū pœnis mulcta  
risanxit: quam legem Sempronius consul alijs latis,  
nouisquæ additis pœnis, confirmauit, quæ Porcia &  
Sempronia dictæ: quibus legibus de ciue Romano si  
quis capitis anquireretur, populi iudicium erat, quod  
fue-

fueraſt duodecim tabularũ lege ſancitum, ut de capite ciuis niſi centuriatis comitijs decerni nihil poſſet: ſed nec tolli de ciuitate, uel à ſolo patrio relegari, aut in exilium agi, niſi dicta cauſa, & centuriatis comitijs poterat: quod quidem triplicis generis erat, autore Martiano: aut enim omnium locorum interdicebatur acceſſus præter unum, uel in inſulam deportabatur: aut ſicut Claudius Cæſar quosdam mulctaffe dicitur, ut ultra tertium lapidem ab urbe egredi uetaret: qui etiam ſanxit, ut hi quibus prouincia interdictum eſſet, urbe quoque ſummouerentur. Cumque apud exteras gentes ſolum uertere, & in exilium agi, pro ſupplicio minime dari ſoleret, quia non pœna exilium erat, ſed ſupplicij diffugium, ne pœnas iure debitas luerent, ſolis Romanis pro maleſicio exilij pœna fuit: quas poſtea leges Cornelius Sylla oppreſſa republica, quam in dominationem uertit, abrogauit: quippe inter grauiora & acerba plurima, primus Romanorum ſine populi iudicio ciues morte mulctauit. Athenienſibus uero Clifthenes exilij legem tulit primus, qui haud multo poſt ſua lege damnatus, pœnas luit. Deinde exilio quindecennali, aut decennali nouarum rerum molitores mulctare, inualuit mos, quod genus oſtraciſmon dixerũt, ab oſtraco ſiue teſtula, per quam ſuffragia ferebant: qui mos talis erat, ut in teſtulis nomen audacis & pernicioſi ciuis, cuius potentiam formidabant, comitijs inſcriberent: & cuius plures erant teſte in urnam coniectæ, is de concilij ſententia ab aris focisque proiectus, ut à ciuium arceretur aſpectu, quindecim aut decem annorum exilio ſolum uertebat. Fuitque conſtitutum, ut ita damnati Argiuam exulatum irent,

ubi bos erat *aneus* magnitudine uisenda: quare qui illic exulabant, seruare bouem dicebatur. Quae comitia nisi supra sex millia ciuium cōcilio ad iudicij diem cōuenirent, nulla atque irrita erant. Ea quidem ostraca, non plebeiorum atque ignobilium causa, sed ad retundendam nobilissimorum potentiam cōmenti fuere, ut extorres lare & patria, quasi in exilio consenescerent. Quare Athenienses egregios ciues & benemeritos sapius ob uirtutem, ne quis amplius emereret, testula ablegarunt: siquidem prater Theseum, quem in Scyrum exegerūt, Solon lator legum, Aristides quo nemo iustior, & Themistocles, aliq̄ue ob illorum magnitudinem, in exilium acti sunt: Miltiadem uero mori cōegerunt. Id enim optimo cuique Athenis usu ueniebat, ut in exilium ob eminentiam uirtutis pelleretur. Syracusanis uero petalifinus exilij genus fuit, quo efferētis se ciuis audaciam uirtutemque comprimerent. Hi enim non testula, sed in oleæ frondibus suspecti ciuis nomen inscribebant: & cuius folia plura existerent, illius conspicuam magnitudinem quinquennali exilio mulctabant. Fuitque finis ostracismi in Hyperbole ignobili & minimæ sortis uiro, qui ultimus hoc exilij genere exterminatus fuit. Postea C. Gracchus incolumitati ciuium consulens, ne quid in eos grauius consuleretur, alia sacrata lege sanciuir, ut qui in magistratu & honore positus, ciuem absque populi iudicio necasset, in eum populi animaduersio foret. quam legem sequuti principes, sempiterna constitutione sanxerunt. Insuper statuerunt, ut citra senatus auctoritatem, de nece Romani ciuis decernendi nulli facultas foret. In eos uero qui Romani non sunt, ne impunè insultare

fultare liceret, pluribus legibus sanctionibusque ob-  
 uiam itum est: ut lege Iulia de ui, Cornelia de sicarijs;  
 & Aquilio plebiscito: pœnis multifariam constitutis;  
 quibus singulorum indemnitatibus salubriter consul-  
 tum fuit. Super seruis quoque, ne in eos grauius æquo  
 domini animaduernerent, pœna sunt constituta: siqui-  
 dem nequam & contumax seruus, ut plaustri lignum  
 cui affigitur temo, quæ furca dicta est, in collo ferat,  
 & eo quasi iugo subactus, manibus post terga reuin-  
 ctis, per ora omnium circumferatur; à singulisque fur-  
 cifer appelletur: uel ut uincti pedes & manus ince-  
 dant: nonnunquam pauscape, qua ori manus admo-  
 uere prohibentur, opus faciant: aut candenti lamina,  
 uel literis frontem & ora inurantur, & uultus inscri-  
 batur: utque neruo & cõpedibus coerceatur: hac de-  
 formi nota, uelut insigni animaduersione affici sole-  
 bant, ut ea ignominia affecti, maior illis uerecundia  
 esset ad facinus. pistrino quoque detrudi seruos &  
 damnari mǎcipia infida, uel notis barbaricis inuri,  
 ut ob improbitatem insignes forent: tum post uerbera  
 & cruciatus, uinculis, nuditate, fame, siti & compe-  
 dibus, numellisque catenis, neruis, pedicis, boijs, & si  
 crimen exposceret, cruce & lamina seruilem in mo-  
 dum affici, uetus peruulgata pœna fuit. Apud Persas  
 uero consuetum erat, ut si seruus ære coemptus ausu-  
 gisset à domino, uinctus compedibus opus faceret: si  
 autem sponte reuertisset, & fateretur admissum, fla-  
 gellis caderetur. Ipsis enim nimiam fuisse seruitutem,  
 autores produnt: quippe cum nulli mǎnumittantur a-  
 pud Parthos, nullaq; mǎcipia, dempto seruitutis iugo,  
 libera fiât. Cōtrà apud Indos & Taprobana incolæ,



quibus nulla fuit seruitus, omnesque una ingenuitate tenentur. Babylonys facinorosi serui & contumaces per crines trahebatur, ut facinoris admissi pœnas darent. Germanis uerbere seruum afficere, aut uinclis coercere habetur nefas: apud quos laxior seruitus erat & libertinis penè par: quippe sibi acquirunt serui, & peculium habet. Proditum tamen est, Helotas à spartanis bello subactos, cum rebellassent, ab Agide perpetua seruitute damnatos, ut dominis illos manumittere, aut extra Spartanos fines uenundare non liceret. Diogenes uero Cynicus Manen seruum, cum aufugisset, non modò uerbere non affecit, sed liberum ire iussit, ac dimisit: turpe existimans Manen sine Diogene uiuere posse, non autem Diogenem sine Mane. Contrà Lycurgus apud Spartanos seruorum petulantiã tam seuerè cohibuit, ut facinorosos seruos dominis interficendi ius daret. Deinde tam diuus Pius quàm sequuti principes super dominorum potestate in seruos, salubriter consuluerunt, ne dominis plus æquo sœuire liceret, neue iniusta imperia dominorũ noxa forent, neue domini seruos quotidianis uerberibus afficerent, sed loris caderent. Quibus constitutionibus cauebatur, ut in eum qui suum occidisset seruum, haud secus pœna addiceretur, quàm qui alienũ necasset. Diuus quoque Hadrianus seruos à dominis occidi uetuit, sed si quid deliquissent, prætoris iudicio pœna affici præcepit, ita ut Vmbriam matronam, quòd in ancillas supra modum sœuiret, in quinquennium relegasse ferant: quod magis è republica ducerent, permulcendo, tractandoque seruorum animos profieri, quàm uerbere. Et tam ab his qui mancipio addicti aut ære coempti sunt,

quam

quàm his qui manu emissi libertatem meruerunt, debita iura dominis patronisque assertoribus constituit: nam iura patronatus post libertatem impensam seruo, dominis incolumia esse uoluit, quæ ex certis causis patronus dominusque amittebat: siquidem si libertum seruumque optime meritum, dum famis periculum adiret, patronus non aluit, aut si inuitus libertatem dedit, lex Esficientia & diuus Pius, ius patronatus patrono, & dominium domino ademit. Quod & Claudius Cæsar sanxit, ut ægra & affecta mancipia si exponerentur, ab omni famulatu & seruitio immunia forent. Item si ad iusiurandum libertum patronus adegit, ne nubat, neue uxorem ducat, eum ad ius patronatus lex pariter non admisit. Tametsi lege Iulia de maritandis ordinibus, hæc iuramenta postea inducta & remissa fuerint. fertur propterea Cato senior male audisse, tanquam asperior & durior, quod ægra & affecta mancipia uelut bruta animalia, senio debilitata domo exigeret, & uictum negaret. Contrà uero aduersus male meritos, impuros & flagitiosos libertos, aut si delatorem summisissent, uel patroni nomen detulissent, seu manifesti criminis rei forent, patrono ius reuocandæ libertatis, & uniuersa promerita abrogandi, lege donabatur. Quod ab Atheniensibus decretis edictisque cautum erat, ut contumax ingratusque libertus, sub mancipio esse, & seruire cogeretur, quoniam liber esse nescisset, quod apostasium nuncuparunt. Seruos uero libertate donatos, Lacedæmonij aphetas, & adespotas, atque eritheras dixerunt. Massiliensibus libertus ter doli admissi reus aduersus patronum, uelut mancipium seruire cogeatur, per sin-

gulas uices libertate rescissa: si quam uero offensam quartò admisset, domino imputabatur, & inultus ibat, quòd toties deceptus patronus, quartò se ei credidisset. Claudius uero Caesar libertinos qui se pro ciuibus agerent, publicauit: illos uero qui ingrati notarentur, reuocauit in seruitutem: qui etiam libertum, quòd patrono delatorem summisserat, ut de statu faceret quæstionem, seruituti addixit. Quod Nerone quoque imperante seruatum est, & frequenti senatu obtentum, de manumissis propter ingratitudinem in seruitutem reuocandis. Nerva Caesar seruos à quibus dominos accusatos repperit, uelut ingratos iussit occidi. Quod in seruo Artetij proscripti, populus Romanus fecisse proditur, quem uelut ingratum in seruitutem reddidit denuo, quod proscripto domino, bona & liberos occupauit: sicut Sylla de Saxo deiecit seruum Sulpitij domini proditorem, ut sibi gratificaretur. Diuus autem Seuerus cauit edicto, ne serui delatores dominorum audiantur, sed pœna mulctètur seueriori. Si uero leuiter offendissent, aut contumeliam conuitiumque fecissent, uel dicto minus audientes forent, ultra uigesimum lapidem, in terram oramiæ Campaniæ relegandi, domini arbitrium erat: uel ut ferrum traderent: tum ut amplexus hominum uitarent, & à foribus domini arcerentur: fuitque aliquando in usu, ut de seruis in dominos nec quæstio haberi, nec iudicium dari posset. quod Tacitus Caesar cauit edicto, ut ne maiestatis quidem causa contra dominorum capita serui admitterentur, aut per eos inquireret magistratus. Nec solum serui in dominos, sed nec patroni in clientes testimonium ualuit, quod à Romulo primum edita

edita lege cautum. Propterea Tiberius, ut contra Libonem per seruorum quaestiones inquireret, fraudem legi fecisse dicitur, quod illos emancipari, & deinde per tormenta inquiri iussit, donec post temporum curricula, C. imperator seruis, si quid quererentur de dominis, passim accusandi, & contra eos lege agendi facultatem dedit. Est tamen obseruatum, ut si quem ex seruis dominus de ergastulo aut uinclis relaxaret, catenas à manibus pedibusque, quibus uinctus fuerat, quandoque incideret, ut uinclorum pars in corpore maneret: quo argumento signabant seruam minus iuste uinctum fuisse, neque iustam seruitutem seruasse, nullumque ius patroni domino competisse, illumque pristinae libertati, ac si nunquam uinctus fuisset, restitutum. Et tamen si seruos profugos leges suscipi uerent inuitis dominis, tamen qui capti bello ad imperatorum regumque statuas confugissent uelut ad asylum, nexu soluebantur & immunes erant: in eos enim manus iniectio non erat. Nanque Ephesi templum Dianae id iuris habuit, ut ad illud confugientes, mancipio soluerentur: quod Alexander ad stadium produxit: postea ab Augusto sublatum, ne proposita impunitatis spes, facinoribus causam daret. Primum enim Cadmus dum Thebas conderet, asylum aperuisse fertur, ad quod fugientes sine discrimine serui aut liberi, ab omni poena tuti erant. Nonnulli à prognatis Herculis asylum Athenis primo institutum ferunt, ad quod à patribus oppressis confugere fas erat. Post quod in Rhetæo litore fuit Aiæ asylum, & in Sigæo Achillis: quorum exemplo Romulus & alij asylum



aperuere, quò accedentes, impunitate donabantur. Apud Molossos, Samothraces, Crotoniatis & Messenios ac plerosque, ad deorum aras confugisse, pro asylo habitum est, uelut Ithacensibus Iouis seruatoris ara. delictis enim non uoluntarijs, refugium esse aras putauere. Atheniensibus Thesei sepulchrum id iuris habuit, ut serui ad illud confugientes, nexu soluerentur. Et Sparta Chalcia cum Minerua templum, ad quod Pausanias fugiens, obstructo aditu, morte multatus fuit: & aliud Calchicon, ad quod Agis confugit. Et in Tanaro Neptuni fanum, ad quod Cleombrotus, & in Calauria insula in Aegæo etiam Neptuni templum, ad quod Demosthenes cum aufugisset ab omni uiolenta incursione Archia mansit illæsus: atque in Thracia Diana templum inter Clitorium & Cynatham: & in Aspedo Pamphylia, Tyberij statua pro asylo fuere, sicut Diana Leucophriena oppressis perfugium inuiolabile fuit. Palladis quoque templum uelut asylum Lacedæmonij uenerantur, in quo nocentes etiam capitis dānati, incolumes fiunt. Et in Aphrodisio & Papho Veneris, apud Stratonicenses Iouis & Triuia templa, Siculis Palysci ara, in Pelopōneso Hermiona fanum sacrum Cereri & Proserpina: in Epheso Artemisium, Pergami ades Aesculapj: in Graecia Calydonia Palladis templum, tanta dignationis fuere, ut capitalem fraudem ausi, aut pecunia iudicati, qui ad illa confugissent, noxa pecuniaque exoluerentur. Apud Scythas qui ad Riphæos confugissent, tanquam sacrosanctos, sui iuris & arbitrij erant: sicut in Aegypto in Osiridis asylo iuxta Saym: & in Conopo Herculis templo, ad quod serui confugiētes, si

initiati

initiati forent, opprimi aut ui cogi non poterant. Traditumq; memoria est, in Libya oppidū fuisse, ad quod si quis seruus lapidem importasset, liber & sui potens erat: & Dulopolim in eadem id iuris habuisse, ut qui seruus ad eam aufugisset, omni nexu solueretur. Cinnā uero ciuili manente bello, cum per praconē edixisset, ut serui ad eum confugiētes uelut ad asylum, liberi forent, illosque ad pileum uocasset, magnas seruorū et perditissimorum manus coēgisse fertur. Sed cum propter asylorū impunitates, multa facinora admitterentur magna licētia, Tiberius Caesar, ne impunita essent crimina, immunitates asylorum abrogauit, & exoletum morem antiquauit: qui tamen Samiā Iunoni & Aesculapj delubro ius ueteris immunitatis ob religionem restituit. Neque omittendū, seruis apud Romanos Statij, Dionysij, necnon Stichi & Herae frequens nomē fuisse: sicut Athenis Dauus & Geta: cum enim Daci antea Dauī dicerentur, ad Istri fontes bello subacti, Atheniensibus seruiērūt, inde seruile nomen Dauī & Getae posteris reliquerunt: apud Syros Dama, in Paphlagonia Tybius, apud Phryges Manes & Mida seruile nomen fuit. Lacedaemoniorum serui peculiari nomine Helotae, Argiuorum Gymnetae, Cretensiu Epharmiotae, Clarotae & Mnotae dicuntur: Thessalorū Penestae, Syracusanorum Eustatoni, Mariandynorū serui Doriphori, Sicyoniorū Corynephori appellati sunt. Pelatae uero & Thetes, liberorum quidē nomina fuere illorū, qui coacti inopia, seruilia praestabant, sicut Callicyrū in Creta, & Syracusanis Arotae & Callyrū. Praeter ceteris autē Iones praecipui inter seruos habiti, & uelut insignia mancipia nobilitati sunt. Quare Callicra-

tidis Lacedæmonij uerbum fuit, qui interrogatus, cuiusmodi sibi uideretur Iones, facetissime respondit, frugiferuos, liberos utiq; malos. Quod Agesilaus de Asiaticis indicauit: & uulgo de Caligula proditum est, nec seruam meliorem, nec deteriorem dominum fuisse. Athenienses uero Harmodij & Aristogitonis, qui Hippiam interfecerunt, uelut deuota nomina libertati, tanti fecerunt, ut lege sanxerint, ne illa seruis indere liceret. Quo exemplo Domitianus Merium Pomposianum, quod nomina Magonis & Hannibalis seruis indidisset, supplicio affecit, tanquam clarissimorum uiutorum nomina seruili contagio polluisset: præter quæ constans obseruatio Romanis fuit nimium diu seruata, ne ciuis Romanus quouis crimine obnoxius, relegaretur, donec haud magno interuallo id seruare desieret. Primus enim L. Lamia Romanus ciuis, à Gabinio consule relegatus fertur, & post eum plures legum iudiciorumque pœnis affecti: fuitque animaduersum, ciuilibus bellis captos, uelut hostes in prædam uerti et uenum ire non licuisse, semperque leuius seruitiū apud Romanos deditis quàm captis fuisse, Græcosque per raro seruitutem seruasse: quare illorum nullus mercatoribus dabatur locus: sicut Persarum, qui nunquam Romæ seruiere, nisi sub Alexandro Seuero imperatore, licet mox, adhibito precio, ad suos redditi sint: Ponticosque & Lydios seruos, aut Pbrygios gregatim Roma uenire: Thracibusque peculiare esse, sale coempta mancipia habere, sicut Lemnijs uino mercari.

Qui ludi apud Romanos frequentes fuerint, qui apud externos, quæue sint nuces ocellata apud Tranquillum.

Caput XXI.

LYDVS

LVDVS calculorū ueteribus præcipuus fuisse traditur, qui & latrones dicti: hi enim in duas diuisi turmas erant, colore diuersi, quorū alij milites, alij hostes: horum lusus erat, ut turmis instructis uelut qui congregati acie parant, hinc inde sub hostium imagine procederent: ac præscripto fine, quoad quisque progredi debeat, ita cauere oportebat, ut dum hostem quisque inuadere nititur, alterius nō pateat incurſibus: qui etiā ex gemma fuere: uirus & mulieribus frequens, à melioribus & summis honoribus uel maxime cultus & celebratus, quem Palamedes inuenisse proditur, ad comprimendas ociosi exercitus seditiones. Post quos fuere tali eburnei sex angulorum æquali latitudine, tesserae uero quatuor: namq; erant figurae ex omni latere quadratae, quas Graeci νῦντος uocāt. Sed tamen in iactu, tesseris utebantur tribus, talis uero quatuor: in quibus figurae effictae uicē numeri habebant, sed quinarius numerus non erat in talis sicut in tesseris. Tali aut, astragali graecè dicti: & astragalizontes, talis ludētes. Geminum uero quadratum, hoc est, octo laterum, dixere asphalum. Taxillorū ludus ex octo punctis uel figuris cōstabat: inter quos unus Stesichorius nomine, hoc est, octonarius, præcipuus erat. Qui quidem turricula, seu quae dicebatur orca uel fritillus, super patenti tabella punctis distincta iactabantur, ne lusoris manus iactū falleret, & non casu, sed fraude consisterent. Talorum uero canis damnosus, senio medius & anceps: siquidem modo lucra, nonnunquam damnum afferebat: is uero quaternarium numerum facit, chius uero ternarium: uenus autem quae summum continet numerum, multum lucri affert, semperque felici exitu ludum



terminavit. Hæc enim cani opposita, colias dicebatur, tricenariumque absoluebat numerum, Euripides uero quadragenarium. In talis quoque legimus Vulturium & Herculem basilicum: quæ an signa fuerint uel numeri, dubitatur adhuc. In tesseris, Midas fortunatissimus erat. In taxillorum iactu, ter sex summam Græcis afferunt uictoriam: tria uero, summum damnum. Quæ quidem alea Porcius Cato lusisse fertur animi laxandi causa, & Augustus effuse, Domitianus, & Claudius, qui etiam lusorium conscripsit opus. Inter reliquos Theodoricus Gothorum rex, cum in alea uinceret, fertur indulgentissimus fuisse, eaque mometa domesticos promerendis gratijs captare solitos, sicut cum Vespasianus in balneum transiret. Quibus quidem tesseris aptissima fuisse ligustra Plinius notauit. Fuit quoque apud ueteres ludus pilæ & folliculi præcipuæ commendationis & magni studij, quo & Iulius Cæsar, & Octavius, & alij clari uiri illustresque, exercendi corporis & animi uegetandi causa, studiosissime lufere: quo etiã Scæuola iureconsultus, remisso à negocijs animo, lusisse proditur: nonnunquã tesseris aut calculis. Quod de Dionysio tyranno traditur, ut pila & folliculo assidue luderet. Reliqui uero clarissimi duces, aut sapientiæ professores non improbandi, animum diuersis studijs iocisque remifere: quippe Socrates dum animo uacaret, cum pueris minutis & facie liberali, iocari assuebat: & Scipio Africanus conchas mari legendo sæpe remisit curas: & Cato Censorius cum uerna & famulatu animum relaxauit, qui etiam quæ die tulit repulsam, in conuiuio lusit: quod de Archia Tarentino proditur, ut cum pueris & seruitijs lusus agitare. Heraclitus

trahitus quoque Ephesus cum à negocijs quiesceret, astragalis luisse fertur. Et Attalus Asia rex hortu pro delicijs coluit, nonnunquam fundendis statuis ocium occupauit. Memoratur Alexander Seuerus imperator per dies festos perdicum & catulorum pugna se oblectasse: et Amasis Aegypti rex post seria morione egisse, & magnus ille Agesilaus cum infante filio arundine ascendisse. Neq; praterendum quod de Demetrio proditum est Polyorchete, qui post negocia bellicas machinas: & de Europo Macedonia rege, qui in ocio lucernas fabricauit. Parthorum quoq; reges cum ocium superaret, cuspides acuisse feruntur. Et Dionysius iunior cura belli solutus, plaustrum, mensas & sedes mira arte compinxit. Attalus uero Philomator pro oblectamento habuit, elleborum, aconitum & cicutam, uenenosasq; herbas plātare, ut fructu inde legeret. Sed tamen pila iuuenum lusus erat, frequens in Martio campo fieri solitus, exq; his altera paganica, trigonalis altera, in qua sinistra usus praecipuus traditur. Namq; illius impulsu magis quam dextra ludus agebatur, cuius erat usus uel maxime in corporis motu et agilitate, ut sciret apte pilam iacere atq; excipere, modo incurrere, modo recurrere. Armis quoque & equis, tum hasta, claua & pila, lucta, uenatione & cursu exerceri Romanā iuuentutem, uetus cōsuetudo fuit, pariter sudem torquere, equum agitare, arma tractare, sicut iactu disci, cursu, saltu, iaculatione uel castu: quos ludos pentathlum dixere, & ludiones pentathlos seu quinquertiones. Eratque senatusconsulto cautum, ut nisi his ludis pecuniā ludere nō liceret. Graecis uero octo fuere ludi, quibus iuuentus exercebatur impune: stadium, diaulum,

dolichus, hoplites, pygme, pancratium, pale, & hal-  
ma, hoc est, saltus. Præter quos fuit harpastū, quod uo-  
lubili rotunditate in solo iactatur: qui ludus, Polluce  
autore, fiebat, ut iuvenes in geminas diuisi turmas, in-  
tra lineas seu metas consisterent: harpastoque posito in  
medio, quisque contenderet, ut intra gyrum alterius li-  
nea immitteretur: quod si contingeret, uictores erant:  
& discus. Fuit enim instar pilee, quæ brachiorū  
uiribus excepta, & in altum missa, exercebat corpora  
animosque, ita ut quantum quisque uiribus præsta-  
ret, maximè eniteret. Nanque is fortior & præcipuo  
robore habebatur, qui illum ultra signatum iecisset sco-  
pum: sicut halteres: erant enim circuli figura nō spha-  
rica, sed dimidia longiore, in quibus digiti inseri pos-  
sent, quos facilibus brachijs rotabant: & nunc ia-  
ctando, nunc rotando ludus committebatur. Fuit quo-  
que petauri ludus admirationis præcipua, cum per cir-  
culos quispiam ueloci cursu transuolat, corpore ita li-  
brato, ut circulum non offendar: unde petaurista lu-  
diones dicti. Follis autem ludus remissior & ignauior  
habitus: eo enim senes imbelli ætate ludere solebant.  
Horum autores Lydos fuisse ferunt, qui ut famem qua  
premebantur, facilius ferret, in miseris hoc solatiū in-  
uenire, ut ludo tempora transigerent. Apud Græcos fre-  
quens ludus erat sphaera, qua qui uicisset, rex diceba-  
tur & imperabat: uictus uero, asinus, & uictoris  
mandata exequiebatur: cui sphaeromachia nomē, quo  
in gymnasio inuentus exerceri consuērat. Spartanis  
palæstra, Atheniensibus præter palæstram, quam pri-  
mi inuenere, erat equester ludus, quem dixere apoba-  
ten, quo Phocionis filius sæpiissime ludit & uictor fuit.

Prodi-

Proditurque Germanorum mos peculiaris, ut cum omnia lussissent, nihilque pecuniarum superesset, in lusu extremo de libertate contenderent: uictusque in alea, seruitium pati, & addici uictori uelut mancipium partiebatur: apud quos frequens ludus erat, ut nudi iuvenes inter gladios & infestas frameas se inuicem iactarent, illasque saltu transiliant illasi. Gracis quoque iocus erat, cui nomen encotyle, quo uicti, uincientium genua manibus excipientes sublimes deferunt: & alius, cindalisimus apud plebem frequens, quem clauis exercebant. Nucibus uero, & par impar, uel coturnicū & gallinaceorū certamine, quo ludo Antonius & Octavius lussisse & melioribus omnibus uictor abuisse fertur: aut turbine, uel micantibus digitus, nonnunquam ocellatis nucibus Romæ ephebi pueri ludere solita uere. Nummis quoque in sublime iactatis, caput uel nauim petere, ut quod tunc forte eueniret, & petitis responderet, id uictoriam daret: aut dormientibus oculos & ora pingere, frequens erat puerorum lusus. Quæ quidem nuces loco aleæ fuerunt pueris nondum adultis, quibus in Saturnalibus ludere permissum, sicut iuuenibus alea reliquo anni tempore uetabatur. Parthorū uero pueris ludus erant aurei tali, quibus certo anni tempore indulgere licebat. Sed quod modò est de ocellatis nucibus dictum, memini doctos uiros super nucibus ocellatis eiusmodi quæ essent, ancipitem diu cogitationem duxisse, uariaque in opinione uersari, & alios nuces auellanas, alios amygdalas putare, neque satis certam ferre sententiam super Tranquilli uerbis, quibus Augustū laxandi animi causa cum pueris facie liberali ocellatis nucibus lussisse dicit: Quod uero nos



sentimus, & probabilius putamus, id est eiusmodi, ut nuces ocellatas, nucleos, quos in Persicis pomis sitos inspicimus, dicamus esse, quibus persape ludere nostrates pueros hodie uidemus: dictasque ocellatas, propter ocellos & foramina quibus muniuntur undique. Neque de amygdala & auellana uel oscilla, sicut error habet, sed de Persicorum ossibus, quibus tunc ludebatur, & nunc frequens puerorum lusus est, intelligi conuenire, credimus explorata & non ambigua sententiae fore.

Qua uota olim solennia fuisse apud Romanos, & qua apud exteros, quine uota concipere, & quomodo soliti sint.

Caput XXII.

QVI mos uetustus in uotis nuncupadis olim, quaque solennitas concipiendorum fuisset, multi uarie executi sunt. In primis obseruatum legimus, ut simul ac cōsuli aut imperatori, cui belli summa cōmissa erat, de euentu belli incerta spe fluctuanti, uotum uouere collibitum esset, si id inconsulto senatu, aut citra populi auctoritatem faceret, de manubijs uel hostium spolijs, aut si non sufficerent, sua impensa exoluere teneretur. Vouebantur enim saepius templa adēsue deorum: ludique dijs, aut statuæ, quibus numina placari, aut expiari crimina putabāt. Nonnunquam multis pocillum pro magno munere dijs uotum inuenimus. In quo fuit seruatiū, ut uelato capite, & ueste caput opertus imperator, prætor, aut consul uotum effundat, illudque conceptis uerbis suscipiat. Quos quidem ludos plerunque imperatores uouerunt ex anno imperij computatos, ut scilicet totidem dierū ludi fierent, quot illi annis imperio præfuissent. Ideo Galenus Cæsar deuictis Syris in Asia, decem-

decennalia uota celebrauit. Theodosius uicennalia & tricennalia, sicut denariæ ceremoniæ & tricennariæ: quarum sacra adituris, decem aut triginta diebus obseruantia præcipitur. Et centenariæ cœnæ à centenis sestetij: & uasa milliaria, aprosque milliarios à ponderibus dictos comperimus. Porticus quoque centenarias & milliarias dicimus, à passu longitudine dimensas. Vestes etiam coronasque ex auro & gemmis, plerunque numinibus uotas, & uoto persoluto dicatas inuenimus: quæ quidem uota pro imperij æternitate, nonnunquam pro salute ciuium uerbis solennibus concipi solebant. In quo id seruatum est, ut nō nisi tertio die post calend. Ianuarias, pro salute principis uotū concipiatur, utque solēne iusiurandum nuncupationibus uotorum præstetur. Etiam pro itu & reditu, proque incolumitate principis, iacere stipē ad lacum Curtij, aut ludorum celebritas, apud Romanos uotum fuisse compertum est. Quotiesque pro principis incolumitate concipiebatur uotum, Tiberio imperante id seruatum est, ut in uotorum nuncupatione, Neronem Drusumque dijs commendarent. Quæ uero dictator, consul, aut prætor uota suscipiebat, non aliter nisi uerbis conceptis, præeunte pōtifice maximo, ne quid præpostere dicatur, concipi poterant. Ex incerta quoque pecunia, & quæ non extaret, uotum cōcipi posse plerunque animaduersum est: si tamen semel uotum emissum foret, illud denuo irritū facere nō licebat. Quod si incerta pecunia fuisset, pro qua uotum conciperetur, eaque bello usui non esset, illā reponi, nec cum alia misceri oportebat: quod nisi factum esset, uotum nō rite emissum. nec religione nouentē exolui putarūt. Quod si uer sacrū in magnis

reipub. casibus uotum uouendum foret, illa infixa religio animis fuit, ut nisi ex autoritate collegij pontificij uotum fieret, nō uotum, sed inconsulta pollicitatio censeretur. Hoc enim antequam emitteretur, patribus renunciari, & populi iussu ac consulto senatus, arbitratuque pontificum fieri debebat: aliter rite factum conceptumue esse minus censuere: illudque à pratore uel consule, aut pontifice maximo emitti perperam. In hoc enim uoto, quicquid ex suis, ouibus & agnis inter calend. Martias & idus Maias, apud quenque natū editumue fuisset, uoto contineri dixerunt: pueros quoque et puellas, qui inter hæc tēpora editi fuissent, haud dubie uoto comprehendit: sed quia immolare eos turpe ducerent, hoc piaculari sacro expiarunt, ut adultos uelarent, uelatosque extra fines exigerēt, qui uerna dicti sunt, quo piaculo liberi religione putabātur. Cuius instar Metapontinos uotum uouisse ferunt: nam uoti compotes, auream æstatem Apollini deuouerunt, quod esse arbitramur, uberrimum et quæstuosissimum annum deo & numinibus consecrari. Fuit animaduersum, uer sacrum antea uotum, & post temporum interualla persolutum, religione uouentem, & populum exoluisse, riteque exolutum uideri. Præter quæ, hecatombas uouere Græcis & Romanis antiqui moris fuit olim, cum pestilenti contagio & graui morbo laborarent: quod à Laconibus primum inuentum fuisse dicunt. Cuius uoti obseruatio talis erat, ut centū ara uno in loco aggesto cespite, fierent: in eisque centum boues, centum oues, centumque sues uno tempore immolarent: si uerò imperatorum uotum esset, centum leones, centumque aquilæ unā mactarētur. Fuitque constitutum,

ut cum

ut tam hecatombæ uel publica uota soluebantur, populi luctus & mœror desineret. Nanque in luctu uouere, est mali auspicij & detestabilis. Est quoque memoria proditum, non dijs tantum, sed & uentis uelut sancto numini uota persoluta: quippe Augustus Circio, ne Galliam rapide infestaret, uotum exoluit, & sacrum fecit: cuius tanta plerunque uis erat, ut tecta auferret: Calabri Iapygi, Apuli uero Apulo, Athenæ Scironi, Pamphylj Gagneo, ne incolas tabe afficerent, neue arua depopularentur. Præcipue Thurij magno affecti beneficio, Boreæ uti deo uota persoluerunt, quod Dionysij classem, quam ad eorum excidiũ parauerat, uehementior coortus, funditus euertisset: sicut Xerxe in Græciam innumerabiles copias ducẽte, Delphicum respondisse Græcis oraculum ferunt, ut uentos precarentur sibi auxilio adesse: qui ara ueris extructa, illos propicios habuerunt, tota ferè hostium classe demersa. In agro quoque Sicyonio uentis extructam aram legimus: cui quotannis noctem unam uota effundunt, ut lenita uis uenti desineret: cum turbine uentorum, nullæ, arbusæ, fruges passim deuastarentur. Et apud Methonem Palladi Anemotidi templum dicatum est, ne uiolentiores perflantes loca deuastarent. Ponti uero & Persarum regũ nouendi modus erat, ut in excelsis iugis & summo uertice montium pyram construunt, alteramque desuper breuiorem: ipseque ad pyram ligna rex inferat primus, Iouiꝑ; Militari lac & mel inspergat: & postquam uinum, mel & odores infuderit, uelut propiciato deo, uota enunciet: pulmentoque preparato, quod astantibus datur, pyra ignem inferat: quo incendio æstuante aëre, uix illuc accedere



permittitur: Græcis uerò frequens usus erat, ut statuas longo æuo duraturas dijs uouerent: quippe Nicanore ægrotante, Aristoteles uota fecit pro incolumitate, statuas se, Ioui Seruatori unam, alterã Iunoni Sospitæ dicaturum: qui loti, & pura ueste amicti, in superiore domus thalamo plerunq; uota effundunt, & dijs supplicant: Athenienses uerò, cum in aureis & argenteis uasibus dijs propinassent, & pæana cecinissent, tunc demũ sanctissimis ceremonijs calum suspicientes, uota nuncupabant. Ea autem ex primigenijs agnis, nonnquam ex bobus qui iugum non subũssent, frequentia fuere. In quo fuit seruatum, ut ramus ex sacra olea alba lana coronatus, in emissionẽ uotorũ adhiberetur: sicut Parthorum reges & magi, qui nyctegretum quæ nyctilopa dicitur, herbam coloris hyssiginei ut spinæ folia, adhibebãt, magnis sæpe laudibus celebratam: quæ nõ adhibita, nullum uotum rite concipi arbitrati sunt: qui cum deos euocabant, marmaritimam herbam, quæ in desertis petris et saxis præruptissimis nascitur, admiscebãt. Apud Aegyptios uerò, pro pueris morbo affectis uota concipiebant, ut si deus uoto adesset, desertum capillũ dijs dedicarẽt. Mysis nisi immolato prius equo & litato, extisq; depastis, uota concipere non licuit. Inter solènia autem uota fuisse traditur, quoties exercitus duces de spolijs hostium Vulcano uotum fecissent: id enim soluebatur, ut fuis fugatisq; hostibus, scuta, gladios & arma, spoliaq;, nonnunquam bellorum machinas, currusq; & inutiles naues, uno in loco aggerant, pyraque extructa, circumstante populo et frequentissimo exercitu, uelut disposita acie, dux more patrio discinctus, Vulcano, Marti & Palladi incendat:

dat: ipseque dux indutus purpuram, primus ardentem facem sumere, ambasque manus in calum tendere, deinde in pyram summittere debeat, toto circum exercitu exultante, & percussis armis plaudente: pyraque & armis exustis, sacra & rem diuinam faciant, tametsi arma militaria non exuri, sed belli more cremari solita legamus. Apud Hermunduros, inter solēnia uota, belli duces sacrare diuersam aciem, illamque Marti & Mercurio deuouere consueuerunt: quo uoto, equi, uiri, spolia & machinae, & cuncta bello quæsita, occisioni dantur. Artaxerxes pro uxoris salute, Terra uotum faciens, se illam attacta humo solenni prece adoraturum promisit: & Berenice, ut deo uota solueret, nudo pede & abrafo capillo Hierosolymis ante tribunal supplicauit. Nonnunquam frequens apud ueteres uotum fuit, ut decima prædæ & spoliiorum, quicquid ex hostibus captum fuisset, Ioui & dijs deuouerent: quare Iupiter prædator nuncupatus: sicut Camillus, captis Veijs, uotū uouisse dicitur. Id enim soluebatnr, ut prædæ parte diuendita, donum dijs & numinibus dicarent. Qui mos Gallorum fuit, ut belli iure quæsita, plerunque uerò partem Marti deuouerent: in quo id erat constitutum, ut diuina ope implorata, is plus spei ferret, & propicios facilius haberet deos, qui maiore prædæ partem dijs deuouisset. Qua tempestate Crotoniata aduersus Locrenses, graues testatasque inimicitias habebant, bello dimicaturi, cum decimam prædæ Apollini uouissent, Locrenses ut uoto uinceret, nonam deuouere: & cum Galli Aristonico duce cōtra Romanos militarent, de quibus hostium præda aureum torquem Marti promississent, Flaminius, ut uoto uinceret, de tor-

quibus Gallorum Marti trophæū posuit. Aratus uerò Sicyonius cum DC. hominū capita, ne ab aduersarijs uoto uinceretur, se deo immolaturū uouisset, non compos, exoluere uotum Thessalico dolo recusauit. Fuitq; nouentium mos, ut qui compotes uoti fuissent, quo potiora sumerent, ueteribus persolutis, nouis se obligarēt uotis: utque pater qui solus autorandi potestatem habet, uotum filij nomine cōcipere, ipsumque numinibus obligare possit. Decimam quoq; fructuū Herculi passim uoueri, uotumque effundi solere Roma, in usu comperimus, quod auspiciatissimum duxerūt & fortunatissimum. Qua de causa Lucullū peritū Romani moris & iuris, quod decimā Herculi uouisset, uotumq; persoluisse, maximis auctum opibus fortunisque aestimarunt. Illud utique uerū est, consules designatos ipso die initi magistratus, in bellum profecturos, concionē ad populū habere, Capitolium adire, ibiq; sacrificio perfectō, uota effundere solere: tūc suscepto emissōq; uoto, cum se numinibus obligarent, rei uoti appellati: cū autem uoti cōpotes, promissa exoluissent, dānati uoti dicti sunt. Quoties graua & acerba ac misera & intoleranda quispiam pateretur indignē, uoti & imprecationis genus maximū erat, ut positis humi genibus, ambas palmas crebris ictibus solo incuteret, aut torrē ignitum ianua apponeret, illique obuianti delibatis facris, madente lachrymis sinu, deos superos atque inferos, calum noctemque contestans, necem, exilium, dirasque calamitates, furiali carmine imprecetur: & seu a quadam numina aduocās, illum cum omni stirpe & gente, caput, domum, fortunas deuouere, & prætereuntem execrari debeat: quæ imprecatio dici non potest.

potest quàm miri & efficacis studiū sit ad uim diuinitatis commouendam. Quibus diris Atteium tribunum plebis execratū M. Crassum ad bellum Parthicū prodeuntem, magno post exitio consequuto. Cretensibus uerò aterbissima censetur imprecatio, omnibus uotis expetere, ut hi quos deuonemus, mala consuetudine delectentur: qua imprecatione nulla est efficacior ad excidium properandum: tanquam qui in abusum semel lapsus fuisset, amplius emendare facinus & ad frugales mores reuerti nequiret. Ideo Carondas graues poenas sanxisse fertur, ac omni supplicio dignos putasse illos, qui cum malis assuescerēt. Apud Spartanos inter seuisimas execrationes fuit *καποτροφή*, quā caballationem recentiores uocant, id est equorum enutritio, eò quòd magno staret impèdio, & homines suauis captu ad perniciē duceret. Nā morbus alēdi equos, non pauperes, ut aiunt, sed arua frumētifera sectatur. Extatque in ueteribus monumētis, quòd qui Opi dea, quæ terra dicta est, uotum concipiunt, sedentes uotum effundere, inque concipiendo terram tangere debeāt: utque pro bouum incolumitate agricola Syluano uota persoluant, farris, adorei, lardi, ac pulpæ & uini: pro equis Hipponæ: Castori & Polluci nautæ, & qui naufragiū timent. Qui uerò laboribus anguntur, Tutano: fures Lauerna, iuuenes Hora: sicut pastores Pani deo pro pecoribus: & qui uia pfecturi sunt, Herculi supplicāt. Syluano quoq; in singula bouum capita, adoreo, lardo, & uini sextario, subtaxata mensura, uotum fit. Ferūt pastoritios Aphros inter uota, & primitiarū loco, aurē pecudis pracidere, illamq; cernice aduersa supra domū abycere: pro noctibus ueròserta, unguēta et



coronas Veneri aut Cupidini dona ferre. Cumque dŷs manibus & diti cōcipitur uotum, quæ deuotio potius dicta est, ouibus tribus atris Telluri Iouiŷ; sacri fit: in quorum precatione qui rem diuinam facit, cum tellurem inuocat, manibus terram tangit: cum uerò Iouem, sublatis in cælum manibus precationem peragit. Cum aut uotum effunditur, manus pectori ad mouere præcipitur: aliter uotum non rite concipi, sed pollui sacra in expiabili religione putarūt. Animaduersum tamen est, pontificum decreto caueri, ut si ab exercitus duce, dŷs manibus quispiam deuotus & consecratus foret, neque is in acie cecidisset, ut Diti satisfiat, signum septem pedes altum in terram defodi oportere: ubique signum effossum fuisset, illic hostias immolari non licere. Et tamen si res deo deuotas nemo sibi asciscere queat, hominem tamē deo deuotum, aut dŷs consecratum occidere permitti impune, eamŷ; eadem capitali noxæ non haberi, tanquā illius anima non ad nos, sed ad deos pertineat. Illud quoq; inter autores conuenit, fuisse apud Gallos inter consceleratas preces & nefaria uota, quæ nec more, nec iure concipiuntur, frequēti in usu, ut in magnis discriminibus et extremis casibus, homines se dŷs immolatuŷ; Romanis, ferro se digladiatuŷ; aut pro alterius salute se & caput suum deuotuŷ; nonnunquam in scenam se prodituŷ; & histrionicam saltatuŷ; apud Cræcos, decimum quenque Apollini Delphico datuŷ; Locrensibus, uirgines se prostituŷ; apud alios, defectum crinem dŷs oblatuŷ; et apud Persas, uiuos homines defossuŷ; uouerent. Quare Ametris Xerxis uxor, ut gratiam dŷs referret, quod in uita diu processerat, quatuordecim

illustrum

illustrum Persarum liberos, sub terram uiuos defodisse, & uotum persoluisse dicitur, tanquam his uotis & diris imprecationibus dū immortales & cœlestia numina placentur. Ipsis enim defodere uiuentes, uulgato in usu fuit. Idomenæus uerò Cretensium rex, cum naufragus ex uoto conscelerato filium sibi obuiam factum immolare dijs uellet, illumque perditum iret, à Cretensibus pulsus & patria eiectus fuit. Pausanias autem Lacedæmoniorum dux, ad Plataeas uictor contra Mardonium, cum de manubijs tripodem auream Delphis uotum soluisset, suumque nomen inscriberet, Lacedæmoniū pertasi insolentiam, epigramma induxerunt, & ciuitatum nomina inscripserunt. Neque præterierim responsum Hammonis Atheniensibus datum, Ioui magis cordi esse, uota Lacedæmoniorum tenuia, & modicas oblationes, pias & castas, quàm immodica & opulenta Atheniensium: atque opimis hostijs & uictimis illorum fœdari aras. Id quod Pythagoras censuit, thure & libis magis gaudere & placatiores esse deos, quàm hecatombis & multo sanguine assidue aras cumulari.

Consueuisse Romanos illorum bona, quos maximis criminibus damnarant, publicare: & quæ porticus Roma insignes fuerint. Caput XXIII.

ADVERTI sæpe animum, consueuisse Romanos, quos pro criminibus oppidò grauibz supplicio affecerant, illorum bona propter criminis detestandum facinus, publicare: illaque destinare publicis usibus, ita ut domini supplicium bonorum publicatio sequeretur. Sic Tarquinio rege eiecto, ager qui Tarquiniorum quondam fuerat, Marti dicatus, campus Martius

dictus est: sic C. Cassij domus, cui ob affectati regni crimen dies perduellionis dicta fuit, eversa & demolita, area ante Telluris ædem facta est. Domus præterea Marci Manlij Capitolini, quæ quondam in arce fuerat, qui suspitione regni pœnas dedit, de saxo deictus, ædes atque officina Moneta fuit: in qua æde lintei libri, in quibus erant fata Romanorum, seruabantur. nam Sibyllinos & Martianos, ad quos decemviri quoties dij consulendi sunt, adire solent, in Capitolini Iouis & Apollinis templo in Palatio seruari certum est. Inde senatus decreto iussuque populi, ne quis arcem incoheret, nèue Manlia gentis homo, Marci prænomen ferret, cautum fuit: ut æterna memoria dedecoris, generi & nomini suo iniusta foret. Et cum Macellus quidam nequam & criminosus, qui in ganeo & lustris uitam egerat, propter latrocinia sordesque uitæ, capitali supplicio pœnas dedisset, bonis publicatis, in ipsius domo ab Aemylia & Fulvio censoribus macellum, ubi obsonia uenderetur, locum extractum ferunt: tametsi forum olitorium Romæ antiquum macellum fuisse tradant. sp. quoque Melij domus, quod turpiter regnum appetere conatus esset, postquam capitis accersitus, pœnas dedit, patrimonio publicato, Aequimelium dicta est. Meminimus quoque Vitrubij Vacci, cuius in Palatio domus, ob illius facinoris pœnam, publicata & eversa, Vacci prata loco nomen dedit. Nec minus M. Flacci turbulenti ciuis, qui cum C. Graccho seditionem molitus fuit, cuius domus Quintus Catulus de manubijs Cimbricis porticum fecit, quæ Caruli appellatur: ut tantorum criminum facinora nomen denotaret, supplicijque insignis memoria foret.

foret sempiterna. Quibus exemplis Sylla dictator & mox C. Cæsar, de bonis proscriptorum publicandis perniciosas leges tulere, quæ Iulia & Cornelia dictæ: unde tot sectiones & omnis generis sectores emerferunt. In quam porticum, Ciceronis domus indigno facinore euersa, iussu Clodij mutata fertur. Sed meminisse oportet, præter hanc Quinti Catuli, plures Romæ porticus insigni nomine fuisse: nam Pompeij porticus ante ipsius curiam fuit: & altera Octaviæ iuxta ædem Iunonis, in qua signa militaria olim à Dalmatis Domitio adempta, mox ab Augusto restituta, diu mansere: & Philippi porticus, Herculis imagine, & Helena Zeuxidis manu celebrata: Porticum quoque duplicem ad circum Flaminium, ab opere Corinthiam, à Cn. Octavio, qui de Perseo naualem triumphum egit, magnifice instructam legimus atque munitam: & Metelli, iuxta ædem Statoris Iouis, per quas matronæ uectari & spatari solebāt. Fuit præterea porticus Quirini antiquo opere uisenda, & Lucij & Caij: atque alia Liuiæ & Octaviæ ab Augusto quondam, sed alienis nominibus constructa: in qua ampla prætoria fuisse memorant: quibus ab Augusto demolitis: porticus sub nomine Liuiæ non minoris cultus maiestatisque suffecta est: & porticus Claudia, ubi ambulationes subdiales miro ingenio elaboratæ fuerunt. Celebratur quoque porticus Augusti in Palatio cum bibliotheca Græca Latinaque, Numidico marmore per suam symmetriam extructa: in qua Belidum imagines quinquaginta, quæ maritos necauerūt, sitæ erant: & Vipsana, & septorum marmore, & imaginibus, cum lauretis & magnificis operibus



ex culta. Athenis uerò porticus Pæcile, & altera uaria, ubi Mercurius æneus erat, celebratissima picturæ uarietate, miris laudibus feruntur, ubi pugna Marathonia depicta & alia Pysianaëctia, & Pæcile in Elide, quam echum uocabāt. ferturque de Olympiæ porticu, quam heptaphonon uocitant, diuersa structuræ facie, mirum: ut uox conclamata per septem orbes ruptis spatij, eandem multiplicato sono referat: sicut in Cyrico turres septem, acceptas uoces numerofo percussu multiplicāt. Inter quas angiportu patritia non in postremis fuit, iuxta ædem Diana, ad quam ingredi uiros religio non sinit. Extra quoque portam Trigeminam, unam porticu, & alteram ad portam Fontinalem iuxta Martis aram, ab ædilibus curulibus ex mulctatitia pecunia constructas, & Seueri porticum postea additam fuisse, à multis prodita memoria est. Sed quia de Pæcile porticu loquor, sciendum est, in hac stoicos philosophari, sicut Peripateticos in Lycio. Quare Zeno, quod in porticu docebat, quæ Græce σοὰ dicitur, autor Stoicæ sectæ perhibetur. Epicurus uerò scholam & conuentus in hortis habuit, ubi philosophabatur.

Quàm multiplex annus apud diuersas gentes fuerit, & qui annus Romanis, quòdne principium annis sit.

Caput XXIII.

DE MVLTIPlici anno apud plerasque gentes animaduertimus dispares differētias, & multiformes species fuisse: aliosque alia obseruatione annum metiri, ita ut suo quenque ingenio, & prout cuique commodum fuit, annum dimensos inueniamus. Persis non obscura nec incelebri ratione, trecētis sexaginta

ginta quinque diebus annus præfinitur. Ex Græcis plerique, singulis quatuor mensibus annum statuere: nonnulli ad solis cursum terminarunt, quare lycabas dicebatur. Quidam ex barbaris, trium mensium effecerunt. Arcades interdum uno, nonnunquam tribus mensibus annum metiti sunt: ita ut quadripartitis temporibus, diuiso solis cursu, per singula tempora annum efficerent. Alij æstate unum, alterum hyeme commeti fuere: plures à tribus temporibus, æstate, hyeme & uere, quatuor mensium annum statuere. Aegyptij non una facie, sed multiplici sorte uariarunt, ut quandoque trium, sæpius quatuor mensium annum efficerent: plerunque mensis spatium ad cursum lunæ metiebantur. Fuere qui crederent, Cares & Acarnanes aliquando sex mensium, frequentius menstruum annum fecisse: Indos quoque diligenti dimensione plena annorum spatia seruasse: menses uerò in quinos denos dies, præter alios, definisse. Sed post omnes, uariatis temporibus Aegyptios uerum annum reperisse, atque obseruata ratione astrorum, ad solis cursum diuuisse satis cõstat, duodecim mensibus anno assignatis, quos CCC. dierum numero singulos terminarunt: quem propter motus conuertentes & uicissitudines ante inuentas literas, ita effinxere, ut draco curuus in se flexus, suam caudam morderet: quæ descriptio, quod uolubili orbe circumagitur, annum designauit. Dixereque annum lunarem dierum XXX. alij CCCLIII. effecere, annumque Ioui, menses uero Iunoni dicarunt. Fertur Solon ita metitus fuisse annum, ut ad lunæ cursum modò antecedentis solem, modò subsequents, dimensio anni fieret: quod Indos facere inuenimus, ut ad lunæ mea-

tus, cum se in cornua curuabat, tempora notarent. Solarem uero qui ex XII. mensibus constat, CCCLX. dierum effecere. Thebani uero sacerdotes ex solis cursu annum dimetientes, duodecim tricenorum dierum, quinos adiecere, qui uertentem annum efficeret. Sunt qui tradant Thaletem Milesium in CCCLXV. dies annum diuississe, primumque ueram dimensionem commentum fuisse. Omnibus autem sideribus in suum recurrentibus orbem, ita ut post omnium siderum contortionem, ad eundem locum, unde digressa fuerunt, regressio fieret: cum multa annorum intercesserint millia, magnum annum tradiderunt: quem quidem post duodecim millium & nongentorum LIIII. annorum spatia fieri, mathematici uolunt: idque Arabes in primis opinati sunt. Nonnulli nisi post XV. annorum millia conuersionem maioris anni fieri iudicarunt. Alij XXXVI. annorum millibus: plerique ex singulis tribus millibus: multi, mille CCCC. & LX. annorum circuitu terminari dixerunt, quum luna & sol aliaque sidera, post multa secula & etates, suis locis & originibus restituta forent: quem mundanum annum nuncupant. Galli autem post trigessimum annum seculum fieri putant. In Italia apud Lauinios tredecim mensium spatium, hoc est, CCCLXXIIII. diebus annus claudebatur. Romulus decem mensium curriculo definiuit annum, Martiumque principium fecit, quintumque ab eo Quintilem, & reliquos deinceps nuncupauit. Numa uero Pompilius aliquanto morosius uestigans, primus ad solis cursum, post Aegyptios in duodecim menses annum dimensus fuit, Ianuario & Februario adiectis: Ianuarioque initium dedit, tunc uere  
anni

anni principium esse arbitratus, quum post hybernum tropicum sol quò ulterius progrediatur non habens, perfecto cursu zodiaci, p singulas stationes celeri meatu ad nos reuerti incipit. Quem quia tricenis diebus per singulos mēses luna non perficit, ita dispēsauit intercalandos dies, ut uigesimo anno ad metam eandem solis, unde orsi essent, plenis annorum spatijs dies congruerent: quod erat apud Græcos aliter institutū: nam ita intercalabāt, ut tertio quoque anno mensem intercalarem adicerēt. Aegyptij uero tricenis diebus, quibus annus claudebatur, quinos dies singulis annis pro intercalari adiecere: sæpiusque in describendo intercalari uariatum fuit, donec diuus Augustus intercalario mense sublato, ita annum designauit, ut quarto quoque anno absoluto, non autem incipiēte, ut Cæsar iudicaret, unus intercalaretur dies, ut ad solis cursum dimensio anni congrueret. Hebræi ab æquinoctio uerno, Græci à solstitio, Aegyptij ab autumnino initium fecere anni: quibus Septēber erat principium, cui Hermen dixere nomen: ex quibus alij primum mēsem totius anni Their nuncupant: alij, ut Achæi & plerique circa ortum Vergiliarum, uelut anni principio, magistratus & honores incunt. Aetoli post autumnale æquinoctium comitia faciunt. Druides à sexta quaque luna augurātur anni intium. Eratque annus naturalis, qui duodecim spatio mensum claudebatur, & ciuilis uariarum gentium opinione definitus: nam & trieteris duorum spatio annorum constabat, tertio incipiente: olympias ex quatuor, quinto redeunto. Eudoxi annus, octo ex nostris continet. Is enim ad ueram anni cognitionem proxime accessit: deinde



Hipparchus, postea Ptolemaeus, demum Caesar. Chal-  
daicus, duodecim: Methonicus, unde viginti: Saturni  
triginta annorum fuit: Iouis, duodecim: Martis, duo-  
rum. Alij septimum quenque obseruarunt annum, pro-  
pterea quod ætatis hominis signum imprimeret. Non-  
nulli per ætates annos distinxere, ita ut singulis ætati-  
bus triginta annorum spatium darent: itaque pro  
gentium arbitrio, proque uoluntate, nonnunquam iu-  
dicio imperitæ multitudinis, ciuilis annus terminaba-  
tur, quem magnum plerique dicunt. Sed quauis anni  
principium Ianuarius fecerit, tamen sequentis tempo-  
ribus, quo ad comitia & ineundos magistratus, di-  
uersa Romanis anni principia fuere. Nam P. Ebutio  
& Q. Seruilio consulibus, calendis Sextilibus prin-  
cipium anni agebatur: in eisdemque consules, præ-  
tores & reliqui magistratus honores inibant. Quo  
autem tempore decemuiui reip. præfuere, non Sextiles  
calendæ, sed idus Maiæ solennes ineundis magistrati-  
bus fuere: donec tribunis militum consulari potestate  
creatis, cum Veientes diutino & graui bello preme-  
rentur, ad idus Decembres anni principium haberi  
cæptum fuit, in quibus magistratus inibant & hono-  
res dabant. Mansit hæc descriptio anni ad secundum  
Punicum bellum, quo Romani exitiali bello conflictati  
sunt, ex quo tempore idus Martias anni principium  
fecere. Sapiusque super anni principio Romani ua-  
riarunt, ut modò calendis Quintilibus, modò Octobri-  
bus calendis, prout res tempusque postulabant, anni  
principium facerent: donec ad Augusti tempora uen-  
tum est, in quibus rursus calendis Ianuarijs, susci-  
piendis honoribus anni principium fecere. Fuit tamen  
memo-

memoria proditum Nerone imperante, censuisse senatum, ut Decembri mense quo in lucem editus erat, anni principium fieret: sicut Augusto regnante, officiosa in eum urbes, quo die ad se primum uenisset, anni initium fecerunt. Est quoque illa observatio solennis nimium diu seruata, quæ quanuis principio anni mensibus uariato, tamen sicut initio seruari cæpta, ita ad postremum mansit, ut in aris Vestalibus nouum ignem calendis Marti accenderent, laureas uirides tam in consularibus fascibus, quàm adibus regis sacrorum, flaminum, Vestalium, atque curiæ, ueteribus mutarent, mercedem magistris soluerent, uestigalia locarent, matronæ seruis cœnas apponerent, & festum diem agerent (quare matronalia dicta) muneraque uiri mulieribus mitterent, ut in Saturnalibus uiris mulieres: comitia auspicarentur. Sed quod de Marti loquimur, à primo urbis ortu anni principium fecisse: animaduertendum, prioribus seculis apud uarias gentes miræ obseruationis fuisse: siquidem Numa primus, mox Albani, Aricini & Tusculani, Martium totius anni tertium fecerunt, Sabini & Peligni quartum, Laurentes & Phalisci quintum, Hernici sextum, Equiculi decimum locum in anni constitutione Martium habere uoluerunt. Atheniensibus uero Martius Anasterion dicitur, ab alijs Munichio: Aprilis, Chronius & Antesteriõ, ab Aegyptijs Pamenothus: Maius Metagetnion, qui apud Syracusanos Carnius, ab Oscis Mefius nuncupatur: Iunius Boëdromium, Panemius Iulius, Augustus Thiatis, Gorpias September, qui ab Aegyptijs Tot, ab eisdem Choe & Thybis: December Possideo & Mechiris, Ianuarius qui apud

Iones Lenæos dicitur, quod Bacchi tunc festa fierent: Tragelinus autem Februarius. Eratque uetus constitutum apud pontifices, ut sua numina mensibus præficerent, mensesq; singulis numinibus dicarent. Quippe Ianuarius Iunoni erat sacer, Neptuno Februarius, Martius Mineræ, Aprilis Veneri, Maius Apollini, Iunius Mercurio, Ioui Iulius, Augustus Cereri, Vulcano September, Marti October, November Dianæ, & Vesta Decēber. Ab Atheniensibus uero, ut Ianuarius qui erat anni principium, utque prima & ultima dies cuiusque mensis, Demetrii nomine appellaretur, aliquando lege cautum fuit, quum Demetrio plus nimio indulgerent, & famularentur. Cuius exemplo nonnulli ex Caesaribus, perpetua felicitate insolentes, mensibus sua nomina indiderunt, fauore imperitæ multitudinis ducti: nam September & Iunius Germanici nomine appellati sunt, October Domitianus, Aprilis Neroneus, Maius Claudius: sicut Augusti & Iulij nomina uelut sanctiora diuo Casari & Octauio, uulgi opinio & consensus consecrauit. Tiberius uero Caesar, ne Septēber suo nomine, nèue October Liuius uocaretur, apud populū intercessit & peruenit. Commodum autem Antonino pro Augusto Commodum, pro Septembri Herculem, pro Octobri inuictum, pro Nouembri exuperatorium, pro Decembri Amazonnium, assentatores nomina indiderunt: à Tacito uero Casare, September Tacitus dictus est.

Quitopiarj apud iureconsultos dicti sint, & legato fundo instructo, an ueniant topiarj, & quæ seruorum species apud eosdem.

Caput XXV.

Cum

CVM astate anni in Vaticano ego & Francis-  
 tus Helius. & nōnulli studijs & honestis artibus de-  
 diti, sole iam occiduo deambulāremus, & de opere  
 topiario mentio fieret: quidam doctrina & fama ce-  
 lebri, & tunc in numero patronorum allectus, homo  
 maledicus & conuiciator, quæsiuit à me, credo ex-  
 plorandi causa, qui essent topiarj, quodue topiarium  
 opus foret. Cumque ego à iureconsultis quos profite-  
 batur, de opere topiario & topiarjs multimodam  
 mentionem non ambiguo significatu fieri respōdissem:  
 potuisse uel ab illis didicisse: ipse uero id pernegabat,  
 & paulo commotior, haud usquam de topiarjs apud  
 iureconsultos mentionem fieri petulanti dicto asse-  
 bat. sed quum libri tunc copia non esset, ne uiderer  
 tumultuosius agere, & contentionibus magis quàm  
 iure contendere, in aliud tempus dilatis sermonibus,  
 quæ tunc mihi in mentem uenerunt, dixi topiarios in-  
 ter prædiorum rusticorum operarios cēseri: dictosque  
 à Græcis, qui arbusculas uirgultaque ductilia facili  
 flexu in uarias formas figurasque modò humi, modò  
 per ruris spatia uario & solerti ingenio effingerēt &  
 concinnarent: fuisseque moris prisce, buxo, myrto, aut  
 alio uirgulto uarias hominum effigies nauiumque  
 formas, aut turrium, ædium, uel cubiculorum species,  
 in hortis per huiusmodi operis magistros qui topiarj  
 dicti sunt, effingi & cōcinnari, ἀπὸ τῶν τόπων, hoc est,  
 à locis, quæ uirgultis eiusmodi effinguntur. quæ qui-  
 dem ars in hortis colendis frequens fuit, nec fastidien-  
 da sedulitas: quo opere hortos nostrates myrto, rosis,  
 hedera, alijsque uirgultis per istiusmodi operarios  
 excultos uidemus. Quibus ille quum uix acquienisset,



haud multo post digressus est. Ego quoque quum me domum recepissem, leui defunctus opera, non modo ab Vlpiano, sed alijs quoque iureconsultis de topiarijs & opere topiario, quod ille pernegabat, mentionem multumodam abunde fieri animaduerti, atque respondisse Vlpianum, inter ceteros fundo instructo legato, non modo instrumenta fundi, sed si uiridaria sint, etiam topiarios accedere legato. Verba ex Vlpiani responsis  
 „ de instructo fundo hæc sunt: Quibusdam regionibus  
 „ accedunt, si uilla cultior est, ueluti atrienses scoparij: si  
 „ etiam uiridaria, topiarij: si fundus saltus, pastionesq;  
 „ habeat, greges pecorum pastoresque saltuarij. Sed  
 quum de scoparijs mentio fiat, non omittendum seruorum species à iureconsultis ab opera & ministerio multiplices censeri: inter quos fuere atriarij, focarij, qui & mediastrini dicti sunt, arcarij & herciti, qui uersantur in agris: capsarios enim Paulus notauit, qui uestimenta in balneis seruanda suscipiunt: Vlpianus uero qui libros deferunt, capsarios appellauit: saccularios autem, qui uetitas exercent artes, quiq; in sacculos ablata reponunt: & apolidas, qui nullo iure ciuitatis funguntur, in opusque publicum deportati, seu ad insulas relegati sunt, qui & insularij appellati. orcinos dici liberos arbitrantur quidam, quos testator post obitum liberos iussit, ita ut hæres patronatus ius haberet, non dominus: præter quos numerantur originarij & adscriptitij, qui adscripti fundo quem colunt, ita sunt, ut nisi cum fundo alienari nequeant: originarij uero, qui ex adscriptitijs in ipso solo quod incolunt, nati educatiq; sunt. Vicarium seruum Vlpianus censuit, qui ordinario subest, & illi paret: & for-

*macarium*, qui fornaci calcariæ seu ferrariæ seruit & inuigilat: post quos fuere amanuenses & dispensatores: alteri, quorum opera uelut scribarum dominus utitur: alteri, qui æra dispensant, impendiaque & expensa rationibus notant, & inferunt. Receptitius uero dicitur, qui ob uitium redhibetur.

Trium summorum uirorum somnia pares exitus habuisse: quæue somnia qualia uiderant, uera fuisse experti sunt.

Caput XXVI.

QVOD olim diuo Cafari, antequam in ceteriorem Galliam mouisset, & infesta in urbem ferret arma, in somnis oblatum est, quum sibi per quietem uisum fuit, matri stuprū intulisse: quo somnio ad spem amplissimam coniectores illum excitarunt, dominium orbis sibi dari interpretati: idem somnium Hippia Pisistrati filio, qui tyrāni successor, patriam crudelius occupauit, dum priuatus adhuc regium affectat fastigium, haud dispari euentu, oblatum fuisse memorant. Siquidem nocturna species matris, cum qua coire uidebatur, sibi per quietem oblata fertur: qua de re imperium latè sibi portendi, coniectores responderunt. Ipseque somnio monitus, & spei plenus, Athenarum dominio haud multo post potitus fuit. Hic est enim ille Hippias, qui tyrannidem non sine immani scelere aggressus, patre impotentior effrenatiorque, quum exul solum uertisset, impia cōtra patriā arma molitus fuit: denique cum Dario conspirans, in pugna Marathonica casus, pœnas patriæ & penatibus dedit. Alter uero eiusdem Pisistrati filius Hipparchus, qui multorum tyrānorum scuitiam antecessit, quum patriam & ciues impotenti dominatu opprimeret, cōiuratione in caput

tyranni facta, ab Harmodio & Aristogitone fortissimis iuuenibus non sine omnium salute casus fuit: quorum nomina deuota libertati, nequando seruis indere liceret, Athenienses publica detestatione sanxerunt. Rursus quod Astyagi Assyriorum regi in somnis oblata species tulit, qui ex naturalibus filia uitem enata, cuius palmitē omnis Asia obumbraretur, uidisse uisus erat. Quare consulti arioli, nepotem futurum, qui toti Asia imperitaret, & regni sibi responderunt portendi euerfionem. Hoc nimirum Cyro Assyriorum regi relatum insomnium fuit. Nam maximum filiorum Hystaspis qui Darius erat, duabus alis, altera Asiam, altera Europam obumbrate, per quietem sibi intimum familiarem uidisse insomniū ferūt: cuius rei imagine nulla fuit controuersia, quin post eum Darius regno potiretur: id quod uerissimo euentu consequutum est: quippe Cyro uita functo, Darius ex coniuratis unus, interfectis Magis qui regiam occuparant, solus Assyriorum regno potitus fertur: cui miro ingenio praefuit, tantumque uirtute effecit, ut illud maius auctiusque relinqueret. Cui insomnio compar est Xerxis uisio, qui quum in Graciam duceret, olea cuius ramis omnis terra obumbraretur, coronari uisus erat, mox illa cum somnio euanescente. Huic simile accepimus, quod mater Octauij uterum ferens, sua intestina per omnem terrā ambitum explicari imaginata fuit, uerissimo praesagio, quo latē ipsius imperium protendi euentus docuit: rursus quod idem diuo Iulio uisio per quietem oblata portendit, quum supra nubem uolitare, & cælum uertice contingere uidebatur, parem exitum habuit cum somnio Cambysis, quo Smerdis fratris regio

folio

folio sedentis, & cælum uertice contingentis, ostendere species uisa est. Quod tamen utique exitum tulisse, necemque & cladem portendisse constat: siquidem alter à Bruto et Cassio cædis autoribus oppressus fuit: alter uero quum in suspicionem affectati regni uenisset, occisus, non cogitati forsan facinoris pœnas dedit. Quod cõpar fuit cum insomnio Iulij Cæsaris, qui pridie quàm periret, se iuxta solium Iouis consistere, & è cælo præcipitatum somnians. Sed animaduertendum, inter insomnia quæ aliquando uisa dormienti apparent, qualia in somnijs animo præuiderant, talia in luce expertos fuisse nōnullos memorari: inter quos, ne nimium multa complectar, Petitijs nauis gubernator memoriæ proditus est, exempli memorabilis inter paucos: qui quum in portu ad Larissam staret, Pompeium ad se squalidum mœrentemque ueste obsoleta & sordida uenire uisus erat: quod insomnium quum sequenti luce socijs enarraret, haud multo post, ipsum pugna Pharsalica terribili strage profligatum, qualem in somnijs præsa-gisset, ad se citato gradu properantem conspexit, ex maximo fastigio ad extrema deiectum. Spectator quoque ludorum, qui stans in subsellio, à mirmillone, qualem adesse uidebat, se confici in somnis contemplatus erat, haud minori memoria dignus est: nam sicut confessoribus somnium uidisse enarrauit, ita ab illo fuscina occisus, euentu miserabili uerum insomnium periculo docuit. Illud utique non est ab re dixisse, antiqui moris fuisse, oracula & futurorum præscientiam, quibusdam exhibitis sacris, per insomnia dari, qui mos talis erat, ut uictimas caderent mox sacrificio perfecto, sub pellibus



caſarum ouiam incubantes, ſomnia captarent, eaquē lymphatica inſomnia veriſſimos exitus ſortiri. Poſſentque pleraque felicitatis, miſeriarumque exempla referri, illorum qui quales ſpecies in ſomnis uiderant, tales poſtea exitus experti didicere: quæ exequi non opportunum reor. Hoc utique inter cōiectores ſomniorum receptum eſt, ut quæ poſt uina & cibos, quæne repetito ſomno eueniunt inſomnia, quæne fiunt quum folia ex arboribus decidunt, ea plerunque uana aſtimari: quotiesque alicui mente confuſa ſtupenti que abrupto ſomnus auſugit, uelut dirum, in magnam ſomniantis perniciem recaſurum. Illud quoque haud abnuerim, apud cōiectores obſeruatum fuiſſe, ſomnia & nocturnas uiſiones contrarios euentus ſortiri: flereque, uapulare & iugulari, obſeruatum in ſomnis, proſperos euentus facere: contra uero, ridere, dulcibus ueſti & re uenerea frui, damna & languores. Timere autem à ſomno, mali & futurae agitudinis ſignum eſt.

Qui rex ſacriſculus olim apud Romanos foret, quodue illi nomen, & quæ ſacra obiret. Caput XXVII.

CVM à principio urbis multa & magna ſacra reges obirēt, ad quos de religione, deque ſacriſcijs & cæremonijs deorum, ſacerdotes ſæpe conſultum ibant: qui etiam rem diuinam facientibus aderant, ne bonis auſpicijs captum cōfirmatumque regium nomen, poſt exterminatos reges aboleretur penitus, nèue derelictis ſacris, regium nomen expeterent, longe antiquiſſimum rati, ſacra quæ penes reges erant, alicui demandare: regem ſacriſculum crearunt, qui ſacrorum rex dictus, ſine regio imperio, ſolo nomine rex, ſacra quæ penes reges erant, obiret, ac cæremonijs præ-

præisset: quem creatum aut in locum decedentis suffectum, sicut reliquos sacerdotes, inaugurari oportebat. Eratque non annuum, sed perpetuum sacerdotium, immune ab omni belli tumultu. Neque enim rex sacrorum militare, stipendiaue facere, aut castris & legionibus præesse poterat, propter suspectum inuisumque regium nomen, neque magistratum gerere, aut concionem habere, uel cum populo agere: namque eius potestas sola religione & templis tenebatur. Primus enim Manius Papyrius ex patritijs, Bruto consule, rex creatus fuit: cui ius sacrificandi, & de sacris decernendi reliquerunt, eumque pontifici maximo subiecerunt: ideo in sacris epulis, post maximum pontificem, supra flaminem Dialem, Martialem, et Quirinalem, accumbebat. Atque licet à principio à populo crearetur ex patritijs et multis honoribus functus, post aliquot ætates à minore parte populi, selectis calatisque comitijs (quibus fiunt sacerdotes) ex plebe creari cæpit, tunc quum Maximus Curio plebeius homo, rex sacrorum fuit: cuius uxor regina sacrorum hoc habet proprium, ut quoties sacra facit, ex malo punico uirgulam, quam in arculum dicunt, pro insula deferat: quæ omnibus calend. Iunoni sacrum facere, ei que porcum uel agnum mactare debet in regia. Ad quem Vestales uirgines die cõstituta, annis singulis uentitare, & ne sacra negligerentur, quæ suæ fidei tutelaque credita erant, pramonere solebāt. Erat ergo regis sacrorum munus, quinto idus Ianuarias Iano arietem immolare, diesque fastos prædicere & nefastos, sacra procurare, & quæ sacrificio usui essent ministrare. Ideo sacra facturi, lanā, farra & fruges lauros & uerbenas, quæque sacrificio opportuna

sunt, regem petunt: ad eumque tam intra quàm extra pomærium, populi ciuesque, quique in agris agunt, imperiti morum ciuiliũ, atque unà agricola, de sacris festisque diebus consultum uadunt & sacra postulant. Ipseque feriariũ causas, & quid quoque mense faciendum, à quibusq; cauendum esset, prædicebat, præmonebatque: cui hoc proprium dicunt fuisse, ut sacrificium in comitio peragat: quo perfectò, nulla cunctatione uel mora se ex foro proripiat: quando uerò diuinis rebus perfectis, in comitium uenit, in Fastis notabatur: utque calendis Martijs fores regis sacrorum, flaminis & pontificis maximi, noua exornentur lauro, sicut palatina ædes & Augusta, quercus uirides, nunquam lauros habuere: cuius filia ad sacerdotium uel inuita eligi nequeunt: nam priuilegio honoris ab hoc onere immunes erant: uolentes uerò, nõ uetantur. Quæ autem eiusmodi sacra fuerint solis regibus credita, quòue piaculari sacro expiarètur, licet priscis monumentis perscriptum fuerit, apud nostros tamè, quia nimis antiqua & obsoleta sunt, memoria obscurata, nec traditur certum, nec nobis interpretari facile est.

Thusi unde duxerint originem, quæue duodecim urbes fuerint, quauis consilio bella gerebantur. Cop. XXVIII.

THVSCORVM gens olim celebris fuisse traditur, præpotens armis uirisque: siquidem plurimum illi terra, multum mari ualuerunt, totamque Italiae longitudinem, ab Alpibus ad fretum Siculum fama nominis sui impleuerunt: tantum in re militari processere, ut Thuscorum armis & multitudine hominum, & quia finitimi urbi erant, nulla apud Italos terribiora fuerint, Illorũ origo à Lydis fluxisse dicitur: nam quæ

Maonia

Maonia quondam agrorū sterilitate premeretur, neque alimentis sufficeret, eaque uictus caritas foret, ut patrias sedes relinquere cogerentur: Lydorum rex, superante multitudine, dimidiā populi partem sedibus excitam ad nouas sedes quærēdas Tyrrheno filio tradere coactus fuit: cui prodigium factum est, ut ab ineunte pueritia incanuisse tradatur: qui nauibus mare ingressi, pulsīs Vmbris, armata iuuentute loca tenuere, ubi nunc Tyrrhena dicta est. Eos etiam Thuscōs, à Thusco rege, qui ex prognatis Herculis fuit, seu à cultu deorū, & ritu sacrifico, cuius cultores Thyoscōs Græci uocant, dictos plerique autumāt. Hi ergo profecti domo, & maria emensi, ad ea loca nauibus delati, et bonitate agrorum, & disciplina militari magna sobole aucti, mirum est quā facile coaluerint: quippe citra Apenninū duodecim magnis urbibus p̄sidentes, mare inferum Tyrrhenum uocitarunt: quantumque à Tyberi ad Macram tractus est, fines propagarunt: trans Apenninum uerò totidem colonijs deductis, ab Adria ipsorum colonia Adriaticum mare dixerunt: atque in principatus diuisi duodecim, Lucumones uocabulo gentis dictos, id est, magistratus, qui duodecim potentissimis urbibus imperitarent, præfecere: indeq; communi rege creato, singulas urbes singulos lictores mittere seruatum est: sicut in conuentu Amphictyonum, à singulis urbibus Pylagoras mittebatur, autūni et ueris tēpore. Vnde Romani fasces, lictores, trabeā, prætextā, curulemq; sellam, togam pictam & palmatā tunicā, tubas & sacrorum ritus, atq; alia imperij ornamenta sumpserunt. Cuius exemplo in Pamphylia & Lycia, Lyciacus conuentus erat, ex tribus & uiginti urbibus



maximi nominis, quarum suffragiis Lyciæ præfectus magistratusque creabantur: quarum maxima, tria fert suffragia: media duo, reliquæ singula: idque erat ratum, quod plurius assensu niteretur: Et alter Achaius ex decem: hæc fuerunt, Patra, Dyma, Phara, Tritæa, Lenotia, Aegira, Pellena, Ceraunia, & Carinia: quarum suffragiis quæstor unus, & dux unus eligebatur. Cui similem accepimus conuentum Tetrapolim apud Rhodios, Cabira, Bubonis, Balbura, & Oenoandri, quarum singula singulis suffragiis ualent, Cabira uero duobus. Sed quæ istæ duodecim urbes Thuscorum, quæ alijs præcellebant, quæque nomina fuerint, haud facile compertum tradiderim: quantum uero coniectari, & ex autorum monumentis assequi licuit, fuere in primis, Mantua, quæ principatû Hetruriæ & præfecturas habuit: deinde Tarquinij, à Tarconte præfecto urbis: & Vetulonia, quæ consularia ornamenta urbi dedit: Perusia, ubi Iuno Hetruscorum numen colebatur eximie, oppidû armis uirisque potens, & nulli inferius claritate: Corytus & Aretium, quæ ferme Hetruriæ fuerunt capita: item Cære, quondam Agilina: Veij urbs natura situque in primis nobilis: Fidenæ & Vulsinium Hetruscorum opulentissimum: quas ualidissimas olim Hetruriæ urbes, & inclytæ fertilitatis fuisse, celebris fama est. Clusium, cui Carma soli dixere nomen: Item Volaterra inter Hetruriæ urbes longe maximæ. Hi ergo communiter rege creato, hostili imminente tumultu, si qua arma suscipienda aut detrectanda forent, unanimi conspiratione & concordii consilio conferebant, quod concilium ad Voltunæ fanam Hetrusca dea in totius Hetruriæ medio, habebatur:

cur: fuit enim fanum Voltunæ propè Vulsinium, ut  
 vulgo iactitant, haud procul à Ciminis iugis: quippe  
 in agro Vulsinienti, quo facilior esset aditus, conven-  
 tus toti Hetruria, si quid consulto opus foret, indice-  
 batur: quod quidem nono quoque die indici solebat,  
 & ob id crebra concilia, & nonas multiplices apud  
 Hetruscos inueniri tradūt. Lydi autem sunt, qui quon-  
 dam Mæones dicti, inter Phrygiam & Cariam seu  
 Lyciam iuxta Mæandrum. Hermus & Pactolus ui-  
 fendi fontes, qui arenas emittunt aureas, ex Tmoli  
 rupe & monte Iro defluentes, uberrima loca inun-  
 dant, frumenti & pecoris, atque agrorum ubertate  
 florentia, quibus in tota ferè Asia nec fortior nec ma-  
 gis strenua gens ulla habita est: in qua urbes insignes,  
 Lepra, Ephesus, Colophon, Clazomena, Phoca &  
 Sardis Lydorum caput: habitantque uicis pluribus.  
 Is uero Hermus Mysiæ initium facit, & (ut ferunt) ex  
 monte Dindymeno lapsus, campos uberes perlabi-  
 tur. In quibus Dianæ templum Colæne, ubi diebus so-  
 lennibus simiæ saltare dicuntur: inde cum Pactolo in  
 Phocaicum labitur mare. Flumina autem auriferis  
 arenis celebria traduntur, Padus Italia, Pactolus Ly-  
 dia, Tagus in Iberia, Ganges in India, atque Hebrus  
 in Thracia. Gemmas uerò mittunt, Aosis, Mater, &  
 Ganges.

LIBRI III. GENIALIVM  
 DIERYM FINIS.

ALEXANDRI AB ALEXANDRO IV  
RISPERITI NEAPOLITANI, GÈ-  
NIALIVM DIERVM LIBER  
QVARTVS.

Locus ex Martiale cum Ioanne Veneto discussus, dum cal-  
lori incommoda sub umbra fraxini propulsarent.

Caput I.

I N suburbanum suum, prædiolo meo  
proximum in agro Vaticano, Ioannes  
Venetus, uir etate nostra multi nomi-  
nis, & græcarum literarum facundia  
clarus, nos & complusculos honestissi-  
mos uiros, æstate anni, quum omnes æstiuatum conce-  
derent, ad se aduocabat: in quo quidem rure præter  
mitissimum calū, quo præcipue nitebat, & amœna di-  
uerticula, uisu iucūda, frondosum nemus manu confi-  
tum, & umbrosa conuallis, per quā aquila per uarias  
herbulas leni murmure uagabatur, nō nihil amœnita-  
tis decorisque addebat: parabatque nobis interdū ipse  
cœnulam ex olusculis, & à se lectis herbis, facetoq; nos  
sæpe conuiuio excipiebat: nonnunquam ficus biferas,  
& poma persica cum acidis malis et immaturis, asper-  
rimi gustus, quibus mirifice oblectabatur, bellaria  
exhibebat. Interim dū cœna apparabatur, sub fraxi-  
no patulis ramis, unde prospectus ad urbem erat, in læ-  
tissimo gramine confidebamus: inibi que remittentes  
animū, festiuissimis quæstiunculis, luculentoq; & ua-  
rio sermone, nonnunquā lectione autoris nō inuenisti,  
caloris incommoda & flagrantē æstū propulsabamus:  
uelut fuit una die, quū nos unā cum nōnullis earundē  
disci-

disciplinarum sectatoribus honestis adoleſcētibus ad umbrā, ut sit, in salubri aura uniuersi assideremus: iuuenis quispiam Martialis epigrammata, quæ forte secū detulerat, admodū uenuste lectitabat: cumq; ipsius auctoris satis festina carmina pleraque non sine multo lepōre pcurrisset, tale inter cætera epigrāma legebatur:

» Quod nubis Proculina concubino,

» Et mæchum modò, nunc facis maritum,

» Ne lex Iulia te notare possit:

» Non nubis Proculina, sed fateris.

Quo perlecto, conuersus Ioannes ad Corelium uirum doctum & sapientē, qui unā aderat, & Neapoli Romanam recens aduenerat: Quid tu, inquit, Coreli censes hunc autorem sentire uoluisse, quum hanc mulierem, quæ ueteris consuetudinis pertasa, concubinum legitimum uirum duxit, non nubere, sed fateri adulterium dixit? Neque enim satis perspicere queo, in quo se adulteram fateatur, quum legibus inhibitam consuetudinem reliquerit, & legitimo potius coniugio copulari uoluerit: quinimo ubi prius mæchando deliquisset, nunc uenia digna foret, quæ explosa pessima uita consuetudine, ad legitimum matrimonium conuolauit. Cumque ille se reputare dixisset, quod ea mulier quæ in crimen suspicionemque uenit cum aliquo mæchari, neque id exploratum satis aut palam factum est: si eiusmodi suspitione flagrans, concubinum uirum duxit, suspitione procul sublata, rem palam aperta professione efficere, & reatum suum confiteri, quippe quæ ortam adulterij suspitionem nuptijs confirmarit: & hoc poetam intelligere se arbitrari respondisset: Quid si, inquit, Ioannes, mulier hæc non in



suspicionem uenit, neque concubinatum diffitetur. Si-  
 quidem non dissimulanter, sed perduto pudore, palam  
 mœchata est: & nunc pertæsa ueteris consuetudinis,  
 quum concubino coniugali nexu legitime copulatur:  
 quibus de causis ipsam profiteri reatum dicere possi-  
 mus, non equidem uideo: propterea, inquit, aut autor  
 hic loquitur perperā, aut inuenustē, qui hos uersus ad  
 unicum duntaxat modum perstrinxerit. Neque ego  
 poetam hunc tam inconsideratē loquentum arbitror, ut  
 lepidum hoc epigramma unica tantum specie, abstruso  
 & recondito significatu concluderet, ut de ea solum lo-  
 qui censeatur, quæ adulterij suspicionē flagrauit, non  
 quæ palam adulterata fuit: quum præsertim autor hic  
 habeat hoc proprium, ut nulla circumlocutione usus  
 simplicissimis uerbis iocos suos admodum nenustē pro-  
 sequatur. Et ad me cōuersus, petijt, ut si quid aliter cen-  
 serem, in medium afferrem. Tum ego, memini, inquam,  
 nisi fallor, lege Iulia de adulterijs cautum fuisse, ut si  
 qua mulier cum aliquo mœcharetur, eumque postea  
 coniugali copula uirum duxisset, siue ueteris consuetu-  
 dinis inhonestæ, siue criminis pertæsa: non propterea  
 adulterij crimē, aut si quid esset offensum, dilui uel ex-  
 tingui, siue palam, siue clam mœchata fuisset: imò tan-  
 quam in confessam, adulterij pœna lege exercetur, &  
 hoc iureconsulti censuerūt, legem Iuliam interpretati:  
 nam commissum antea adulterium, cum quo se mulier  
 postea matrimonio deuinxit, uel amēto matrimonij nō  
 extingui dixerunt: id quæ poetam nunc sentire me ar-  
 bitrari respondi: ut si mulier hac seueritatem legis Iu-  
 lia uerita, ne pœna notaretur, concubinū uirū duxis-  
 set, hoc modo adulterij crimen eludere posse arbitrata,

non

non dilui pœnā poeta inquit, sed plus negocij habere: quippe quum crimen illam confiteri certum sit: siquidē lex Iulia perinde ream afficit, & supplicio dignā cen set, ac si reatum suum, & se adulteram fateretur: quod uel hoc ipso cōfiteri uisa est, quum fraudem admittere, & pœnam legis eludere conata sit. Etenim multa fuisse capita legis Iuliæ, apertè liquet: neque enim temeratores solū nuptiarum, capitis lex Iulia accersuit, sed & eos, qui neq; modo, neque iure legibus tradito, ab uxore diuertunt, graui pœna prosequitur. Quinetiam qui dotale prædiū inuita uxore alienat, aut qui turpibus libidinibus, uel impudico uitio se immiscet, pœnam legis Iuliæ non euadit. Fuere enim multiplices leges Iuliæ, non unis latæ temporibus, ut de maritandis ordinibus: lex Iulia muneralis, qua modus impensarum conuiuijs præsinitur: Iulia peculatus: Iulia ambitus, repetundarumque pecuniarum, quas à provincialibus quispiam nequiter extorsit: quam L. Piso Frugi de pecunijs repetundis primus tulit in eos, qui ærarium uel prouinciarum pecunias, aut dona depeculati sunt: de annonæ, de residuis, de ui publica, de ueneficijs: ut si quis noxio poculo, aut impuris medicaminibus aliquem fuerit infectatus: & maiestatis, quæ quidem lex in eos, qui contra principem, aut remp. hostile quippiam moliti fuerint, grauiter animaduertit. Lege quoque Iulia, quid in prouinciā eunti magistratui, aut præsidi à focjs tribui darique oporteat, præsinitur: nam præter fœnum, tectum & ligna, aliud gratis nihil deberi putauit. Eademque lege, cui ex consularibus prius fasces sumendi potestas sit, haud perplexo definitur: præterque ista hominum uitæ proficiētia,

eadem lege, multa acri & perpenſo iudicio animadu-  
 uerſa fuere. Sed inter reliqua legis Iuliæ cōſtituta, nul-  
 la (ut uerū eloquamur) ſeueriori animaduerſione coer-  
 cita ſunt, quàm adulteriꝝ crimina & maiestatis. His  
 enim criminibus obnoxios ita lex punit & proſequi-  
 tur, ut leui ſuſpicionē aſtriſtos, tanquam reos deputer  
 & conuincat. Quam quidem poſt Argium Hiectum,  
 qui primus in adulteros legē ſanxit, diuus Iulius, mox  
 Auguſtus, aliquanto enixius pertulere, grauique coer-  
 citione & multiplici pœna adulteria coeruere: &  
 Tiberius pœnam grauiorem adulteris ſanxit, quòd  
 amicitiaæ fœdus ab his corrumpi putaret, adeò ut etiã  
 propinquis adulteræ ultra ducẽteſimum lapidem exi-  
 lium indixerit. Domitianus quoq; & poſt illum multi  
 Cæſares, Iuliam legem, nouis editionibus innouarunt;  
 ita ut D. Seuerus non ſolùm pœna teneri illum, qui in  
 nuptam adulterium amiſit, ediſto cauere, ſed qui in  
 ſponſam: quia nec qualemcunque ſpeciem matrimoniꝝ  
 uiolare fas eſt. Sicut inceſtum admittere lex putauit  
 illum, qui ſupra uirginum matronarumque attentaf-  
 ſet, etiã ſine ſtupro. Apud Indos uerò, Aethiopes, Maſ-  
 ſagetæ, barbarasq; nationes, impunita adulteria fue-  
 re. Lacedæmoniꝝ adulteria non nouerunt: ideo Lycur-  
 gi lege in adulteros nulla pœna fuit. Solon uerò, ut ab  
 adulterijs cohiberetur iuuentus, coemptas meretricu-  
 las Athenis proſtituit primus, obuiasque in uenerem  
 eſſe uoluit, ne matronarum contagio polluerẽtur. Tro-  
 glodytarum lex erat, ut qui tyranni uxorem corrup-  
 peret, oue mulctaretur. Nomades communes habent  
 uxores & filios: apud ſcythas, præter enſem & cya-  
 thum, uxores & liberi in communi ſunt. Thracibus in  
 uſu

usu est, non asseruare uirgines, sed cum quibus libitum est, commisceri licet: in nuptas uerò si quid esset offensum, grauissimæ animaduersionis pœna constituta. In Tenedo lege erat sancitum, ut adulteri mas & femina capite mulctarētur. Apud Athenas mugile plectebantur, aut sedes expilabatur, cui supplicio paratilmos nomen: in Iudæa lapidibus obruuntur. In Attide qui alterius uitiaisset uxorem, raphanis per obscœna afficitur, ut ea ignominia notatus, à contagio alienæ uxoris abstineret. Cumei in adulterio deprehensam, omnibus exhibent subigendā. Apud Germanos adulteram excisis crinibus, maritus expellit domo, & per omnem pagum nudam uerbere afficit. Sicut Lepræi qui deprensos mæchari, per triduum uinctos ducūt per compita. Gortynis deprensus adulter, lana coronatur, in reliquum uite ignominiosus: apud Pisidas insidens asino, circumducitur: apud Aegyptios naso plectitur. Illi uerò qui liberam uiolasset, uirilia execantur. Quod à Romanis quoque usurpatum legimus: nam Bibienus Carbonem deprensus, fœdum in modum castrasse dicitur. Et apud Græcos Didymos tibicen testiculis suspensus, ex nomine mulctam tulit. Zelenus Locrensis utroque oculo mulctauit adulterum. Et Sempronius Musca C. Gallum flagellis cecidit, & uerbere affecit. Parthi nullum delictum adulterio grauius uindicant: lege autem Solonis deprensus mæchum interimere licebat, quod Platonis lege cauebatur. Inter cæteros Opilus Macrinus adulteros tam pernicali odio prosequutus fuit, ut deprensos ignibus cremaret. Apud Arabes aliasque nationes adulteris semper capitis pœna fuit: quod plerique philosophi prodidere, qui adulterium



periurio grauius crimen censuerunt, & ideo seueriori  
 pœna uindicandū. Neque enim satis constans aut pro-  
 babilis illorum mihi opinio uisa est, qui in constituen-  
 do optimo reip. statu, communes statuere uxores, quæ  
 Platonis, Zenonis, Chrysippi & Diogenis opinio fuit,  
 quum inde intestina odia offensionesque gignantur.  
 Tradūt uerò magos nulla lege, sed nouo cōmento adul-  
 teria uindicare, ut surculus per ranæ uiscera, ad os  
 transfixus, in menstruis uxoris defigatur à marito: tūc  
 enim uxorem fastidire adulteria, & illorū radio af-  
 fici, pro certo opinati sunt. Cui haud absimile est quod  
 Aristoteles prodit, in Phasi flumine arbusculum nasci,  
 cuius ramus excerptus à uiro, & in uxoris thalamum  
 immissus, efficit, ne uxor alium uirū appetat. Mirū-  
 que, prodi, apud Hebræos, ut aqua epota, in qua sacra  
 uerba diluta erant, adulterij conscia hydropisi corri-  
 piatur. Veteri tamē scito apud Romanos cauebatur, ut  
 maritus uxorem in adulterio deprensam, impunē ne-  
 caret: illa tamen si uir adulteraret, iudicio agere non  
 posset. Hac ergo de causa, quantum mihi datur cerne-  
 re, inquam, existimo poetam hāc ream criminis depu-  
 tare uoluisse, quæ ut pœnam legis euaderet, illum cum  
 quo mæchabatur, in uirum duxit: eamque ueluti ream  
 adulterij, sicut lege Iulia diffinitur, coerceri decere;  
 neque uelamento matrimonij crimen dilui uel extin-  
 gui. His nos quæstiunculis & alijs festiuis sermonibus  
 dum cœnulam nobis daret, cum Ioāne Veneto caloris  
 incommoda & æstus iniuriam propulsabamus.

Quæ apud Romanos fuerint militaria signa, quæ apud ex-  
 teros, quæque pacto educi consueuerint, & quid tessera,  
 quid nexillum sit. Caput 11.

SIGNA

**SIGNA** militaria quæ exercitum præire consueverant, quæ acies educendæ, & manus cum hostibus conferendæ forent, à principio sæni manipulos fuisse accepimus, quos hastis alligatos signiferi deferre, & illis præeuntibus decernere solebant: unde & manipulares dicti. Aucto mox imperio, propagatisque finibus, quinque signa ex ærario depromi, & militum acies ac legiones præire assueverant. Hæc fuerunt, aquilæ, lupi, minotauri, equi & apri simulachra: quibus præeuntibus, legiones educere, & ferro decernere mos erat: inter quæ apri effigiem quintum tenuisse locum accepimus. Sed tamen cum dimicandum foret, sola aquila quæ ordines præiret, è castris educebatur, & sub eo vexillo pugnabatur: Reliqua uerò in castris ante prætorium fixa locabatur. Hoc enim insigni Iouem aduersus Titanas usum ferunt, inde ad Cretenses, à Cretensibus ad Troianos, demum in Latium ab Aenea translatum defluxisse: quo postea Romani uelut præcipuo vexillo in bellis usi sunt. Propius uerò est, quod Ioue dimicante contra Saturnum, aquilæ augurio tanquam felici & fortunato, regni uictor euasit: quo exemplo Romani aquilam uelut auspiciatissimum signum habuere: quam unam habuisse non satis fuit: ideo plures educere institutum erat, ita ut singulas legiones aquilæ anteirent. Observatumque, ut Romanæ legiones nisi ubi aquilarum iugum foret in castris, nunquam ferè hyberarent. Seuerissimaque disciplina cohortes, quarum desidia signa amissa forent, plectebantur. C. deinde Marius bello Cimbrico, reliquis depositis militaribus signis, solam aquilam tenuisse fertur: eamque argenteam magis quam auream habuisse, quod fulgentior ex ar-

gento atque conspectior foret: quam tanta religione coluere, ut festis illam diebus, unguentis haberent delibutam: mira quæ observationis erat, ut Romana signa, quæ in castris ante prætorium figebantur, non ante euellerentur, quum acie dimicandum foret, quam captatis auspicijs, legiones in prælium prodirent: prælia enim maiores nostri nunquam gerebant nisi auspicato. Quæ si, quum foras educi deberent, facili ductu euellerentur, & leuia translato forent, prosperrimi augurij & indubitata erat uictoriæ signum: contra uero, si in eximendo, magno impulsu opus foret, tunc cladem & excidium futurum haud dubie præmonstrabant. Cumque in confictu bellorum manus conserebant, ipsa militaria signa in media locabantur acie, ut pro signis ante-signani, post signa alia pugnaret acies: nonnunquam in prima fronte multiplici subsidio firmata, præibant ordines. Persis quoque aurea aquila supra oblongam hastam patentibus alis militare signum fuit: nonnullamquam solis simulachrum, sacerque & æternus ignis. Atheniensibus noctua, Thebanis sphingis effigies, Aëæ insula marina turtur, Cimbris æneus taurus, Eumeni Ceres & Alexander, Cratæro et Neoptolemo Minerva, militiæ signum in bello notabatur. Cyrus aureum gallum affixum lanceæ, militi in acie pro uexillo dedit. Fertur Osiris canem gestasse pro insigni armorum. Et Porus Indorum rex Herculis simulachrum quod deferuisse, militare flagitium habebatur. Indis autem regibus sæpius nulla imago aut effigies, sed tintinnabula & tympanum præcedunt. Aegyptij quoque animalia quæ colunt, effictis tabellis, pro bellico insigni habuere. Germani effigies lucis detractas præire iubent.

bent. Insuabres, si quando præcipua bella sumpturi erant, aurea signa quæ immobilia uocant, è templo Minervæ efferentes, præferunt phalangi. Consueuisse etiã singulas turmas, manipulos, & cohortes ac legiones, proprium uexillum & militare signum habere, uulgo proditum est: ut cuius esset legionis quisq; miles, & sub quo duce militaret, facile dignosceret, ne sine signis, sine imperio inordinati & incompoti duceretur, sed conspicua omnibus signa forent. In quibus nomen imperatoris, aut consulis, nonnunquam draconis effecti imago, quare draconarij dicti milites, quod uexillum purpureum erat, aliaq; insignia perscripta erant. Nanq; D. Iulius uexillo quintæ legionis, quod contra Iubam elephantorum uictrix fuerat, elephantum inscripsit. Alioq; insigni legionarij milites, alio prætoriani, dissimilique auxiliares utebantur. Postea, ut imperatorum imagines per imaginiferos deferrentur in acie, pro signis uulgo seruatum est. Nonnunquam labans quadratum hastæ appensum, quod Labarum dixere, pro uexillo fuit. Signa uerò educendi exercitus, & certaminis conferendi, in Romanis legionibus, concentus tubarum & cornuum: & si quando silentio educendæ forent, tesseram fuisse accepimus. Eam uerò tubam Tyrrhenus Piseus inuenit primus æneam, quum antea ex cornu bubulo fieret. Tamen buccina in prætorij castris semel, in consularibus uerò bis dabatur signum: qua tuba pedites, equites uerò lituo ad pugnam aduocari sæpe notatum est. Eratq; mos militaris, ut quoties mouenda erant signa castræ, & ad reliqua bellimunia, soli cornicines signum darent: excubias uerò, somniq; & uigiliarum tempora, buccina designarent:



si autē legiones ducenda in hostes, & acie decernendum foret, aut receptui canendū, & cornua & tubæ eodem concentu canerent. Si conciones aduocarent, aut silentium indiceret, per tibicinē indicebatur. Persis uerò proficiscēdi hora significatur cornu, Aegyptijs sistro. Alexander Macedo, quum tubæ sonitus, tumultuante exercitu, non exaudiretur: iussit perticam ex qua signum eminebat, quæ omnibus conspicua foret, supra tabernaculum figi: quo uiso, quisque miles paratus in hostem iret. Quæ quidem tubæ non in singulis modo legionibus, sed cohortibus & turmis, prælii signum dare, necnon diei noctisque horas uigiliasque diuidere solebant. Lacedæmonij & Phryges non cornuum tubarumque signis, sed tibiaram miti sono & modulo leni temperari cōsueuere. Lycurgus enim militibus tibiam pro classico dedit. Ea enim tibia quæ Phrygia dicitur, à dextra unum, à sinistra duo foramina habuit, cuius modulos non unos accepimus: quippe pro modulo sonorum, ita animos mulcere aut accendere solebant. Siquidem Aeolius modus simplex fuit, Asijs uarijs, Lydijs querulus, Phrygijs religiosus, Dorijs bellicosus, Gysius autem hilaris & letus, Ionicus floridus. Græci autem in rebus serijs sæpe Dorium adhibuerunt. Apud quos fuit in bello modulus ad tibiam Hormius & Orthius, in commessationibus Parænius. Lacedæmonijs Enyatærius, Atheniensibus Cyclius. Hunc Orthium tam rapidè audientium animos accendere ferunt, ut quum illum Alexandro Timotheus concineret, uelut furens & efferatus in rabiem, protinus ad arma exiluerit. Præter quod, castorium melos Laconicum, ad excitandos militū animos multum

multum ualuisse fertur. Quinetiam in prosequendis hostibus effuse fugientibus, aut si receptui canendum esset, diuersi traditur moduli, ad militum excitandos animos, aut sedandos. Qui quidem Lacedæmonij prælium inituri, pluribus concinentibus tibijs, acies incunt, ut his modulis capti, maturè incederèt, ferociamque & immodicos animos cohiberent: nèue, id quod in concursu magnorum præliorum usu uenit, hostem cupidè insequuti, sæuè & atrociter contra uictos insultarent, ita ut longius effusi, acies confunderent & perturbarèt. Romana uero tibia primo quaternis foraminibus, postea tot pertusis excultra fuere, ut haud multum abessent à tuba: quarum diuersa traduntur genera. Nam præcentoria erant & uastæ, quibus in sacris præcinebant: & puellatoria sono clariore, ac gingrina & miluina, quæ in acutos exeunt sonos, sicut à locis, Lydia, Corinthia & Aegyptia, sonis diuersis & nominibus uarijs. Cretenses autem cithara, fidibus & tibijs utuntur in prælijs, quibus instructas acies accendunt. Parthis cornua, sæpius ingens tympanum cum ferreis tintinnabulis, pugnae acuebant animos: quod quidem lance cōcaua, corio undique protento, & clauis æneis affixum erat, quod simul ac diuerberabāt, ignoto & horribili sonitu tonitrus instar intonabat. Lydi autem cum fistula & fidicine: Indi cum cymbalorum & tympanorū pulsū in hostes ducunt. Id enim erat tubarum loco. Non enim tibiae habebant Indi, nisi in regia, quum rex dormitum uadit: sicut reges Siculi ad cithara & auium cantus dormiebāt. Galatis uero barbara tuba horribili sono bellicum occinnuit: contra apud Busriras & Lycopolitas

in Aegypto, quibus tubis canere uetabatur, quòd sonum asinum redderèt: ipsi enim asinos exitiali odio prosequuntur, propter Typhonem asini colorem præferentem. Cimbri protentas uehiculorum pelles tantis pulsabant ictibus, ut ingentem fragorem redderent. Apud Pœnos, & in castris Hannibalis rubram uestem tabernaculo ducis protensam, plerūque tubæ sonitum: Illyrijs, linteum protentum, aut rubicundam tunicam sarissæ appositam: alijs protetam purpuram, indicium certaminis fuisse proditum est: quo uiso, quisque miles præuideret præcaueretque, & se ad pugnam accingeret: quod in Romanis castris obseruatum legimus, ut rubra ueste tabernaculo ducis portenta, diem prælii præsignarent. Darío super tabernaculum imago solis crystallo inclusa, signi loco fulgebat in castris. Apud Spartanos in usu erat, ut quoties fortiter & magnis utrinque uiribus decernendum foret, milites capita comerent, capillum barbamque depecterent: quo argumento periculum se animæ adire, & hostiles spiritus gerere signabant. Erant enim Spartani milites comati omnes, sicut Milesi, Thuri, & Tarentini, ac cæteri quibus Laconica instituta placuerunt. Ideo quum Persarum duces, milites Leonidæ comatos, & multo pectine comptos uidissent, ferunt illos despectui habuisse, uelut desides & ignauos: quum uero animi uigorem & fortitudinem fuissent in acie experti, animorum præstantiam admiratos obstupuisse. In nauali autem prælio uexillo ex prætoria naui in sublimi celato, pugnæ signum militi dabatur. Nonnunquam concussu ueli aut chlamydis, aduentus demonstrabatur: excussu uerò, discessus: sicut in nocte lumen, & in die

dissumus insidias aduentusque hostium, & occulta consilia plerunque indicarunt. Apud Athenienses puniceo paludamento è naui prætoria, contra Lacedæmoniorum classem, pugnae signum sæpe datum est. Lyfander æreo clypeo è naui elato, irruptionis signum dedit. Bruti uero naui prætoria, quo ab alijs dignosceretur, O signum habuisse fertur: tametsi singulae naues deorum imagines ferrent, sub quorum essent tutela. Nanque aliæ Neptunum, nonnullæ pistricis, centauri, equi, uel draconis insignia habuere. Gracis uero nauibus ex insularum nominibus plerunque nomina fuere: quippe Gnidurgis, ex Gnido naui dicta: Samena, quod ex Samo, rotunda figura: Parona, quod ex Paro: & Corcyrion, ex Corcyra. Cercuriam autem quasi caudatam appellarunt, sicut Afractam Rhodiorum, contra tempestates imbellem: Dyerotam Mityleneorum. Legimus quoque in Libya fuisse nauigia, quæ hirci & capri tulere nomina. Barbarumq; nauigium frequens habuisse artis lateribus, quod cameram dixere, lata aluo in modum tecti occlusa, pari utrinque prora, quod sine noxa mutari, & uolui ex omni latere posset. Supparum uero, Alexandrinæ naui proprium insigne fuit. nam solis Alexandrinis supparanclorum licebat intendere, sicut corbes onerarijs nauibus pro signo suspendebantur. M. uero Antonius successu rerum insolens, purpureum uelum prætoriae naui apud Actium pro insigni dedit. quo abiecto, uictus, fugientem uxorem fuit prosequutus. Id quod Alcibiades fecisse dicitur, ut prætoriam nauim cum uelo purpureo haberet. Alexander quoque quum



Indam nauigaret, uersicolori uelo totius classis insignia uariauit. Fuitque obseruatum, lumen in pratoria naui quod cetera classis prosequitur, spectatissimum insigne noctu fuisse: quare Scipio in Aphricam transfmissurus, uelus in altum datus, singula rostrata naui, bina oneraria, pratoria trina luminaria dedit: & in nauali pugna deponere signum aut uelum, ad alterius præscriptum se imperata facere, & mandatis obsequi significari. Abiectis uero armis plausum facere, aut nauim uelatam infulis occurrere, supplicandi genus esse, probatum est. sed quod modo de tessera dictum fuit, animaduertimus tesseram symbolum fuisse bellicum, & signū quo socij milites dignoscebātur ab hostibus, ut pro quibus, & contra quos arma sumerent, facile dignoscerent: eam fuisse in castris diui Caesaris, Venerem genitricem: in Pompeij Magni, Herculem inuictum: in Pompeij iuuenis, Pietatem. In Antonij exercitu Lardus fuit, in Syllæ autem Apollo. Neronem uero optimam matrem militibus tesseram dedisse tradunt. Ipseque diuus Caesar quandoque Felicitatem, nonnunquam Victoriā militibus tesseram proposuit: Brutus in Philippis Apollinem. Cyri autem tessera fuit, Iupiter belli socius & dux. Diuus uero Antoninus, Aequanimitatis. C. Caligula Priapum & Venerem Cassio, tanquā molli & effæminato, signum dedit: adeo seuerus Septimius, Laboremus: Pertinax uero, Militemus. Claudius Caesar græcanico uersu definiuit tesseram, in hæc uerba: Virū ulcisci decet, quando quispiam prior iniuriatur, siue molestus est. Demetrius Iouem & Victoriā militibus edixit tesseram. Fertur Antiochus cognomento Soter, aduersus Gala-

tas ducturus, signum proposuisse, Bene ualere: & Me-  
cenas quoties in castris ducis fungebatur officio, di-  
scincti tesseram dedisse. Quam quidem, siue quem in-  
columem reuerti, siue castra metari, aut corpora cura-  
re, & prandere milites: seu qua uigilia educi legiones  
conueniret, uel quid aliud silentio agi oporteret, pro  
militari signo dare soliti sunt. Qua data, satis consta-  
bat, non errore, sed consilio & imperio ducis, ea qua  
iubebantur, fieri. Fuitque probatum experimentis,  
tessera accepta, milites ordines seruare frequentes: ea  
uero sublata, aciem dissipari. Alij tesseram mensuram  
fuisse, qua frumentum militibus metiebantur, non in-  
eptè arbitrati sunt. Erat praterea uexillū cerulei rus-  
sique coloris: quo educto, inque arce proposito, satis  
constabat milites, si quid subitum ingrueret, in re præ-  
cipiti non iusto delectu, sed tumultuaria manu arma  
expedire, & Iustitio indicto, nomina dare, etiam sine  
uacationis priuilegio: saga sumi & inter se coniura-  
re, legiones conscribi, delectum festinanter haberi, ar-  
ma apparari oportere: qua quidem tumultuaria ma-  
nus, & subitaria legiones dicebantur: quum ad subi-  
tos hostium incursus, in præcipiti celeritate, non satis  
laxamenti iusto delectui ducibus dabatur. Iusti au-  
tem fuere dies triginta, intra quos expeditioni milites  
apparari necesse erat. Illud autem satis cōstat, concussū  
& crepitu armorum uictoriam significari, exhorta-  
tiones fieri, apud Græcos ἡ νίκη. Apud Aphros, Injce,  
seditionis signum fuit: Pileumque in hasta propositum,  
ad libertatem proclamari. Manus expedire, atque  
alte illas efferre, consensio militaris erat. Manus uero  
imperatorī protentare milites, initium armorum: &

flagrante seditione, tumultum suscitari: ad arma con-  
clamari, hostes adesse significari. Defectionis, Athe-  
nionem uocare. Is enim Athenio Siculus fuit, qui Dre-  
panetis deficientibus, quum capita factionis assume-  
ret, interempto domino, & ex ergastulis coacta ser-  
uorum manu, & comitibus uolūtarijs, regnum sibi a-  
sciuit. Fuisse enim factiones partium in Sicilia, quem-  
admodum in Græcia satis constat. In omni fere Græ-  
cia fuerunt partes, Dorica & Ionica: inter Dores e-  
rant Lacedæmonij, inter Iones Athenienses. Athenas  
quoq; in factiones tres diuisas legimus, in Diachreos,  
Pedios, & Paralios. aliquando in duas, Thucydidis  
unam, Periclis alteram: aut in plebeiortū, cui Polypor-  
con: & optimatum, cui Cassander præerat. Nonnun-  
quam in plures, scilicet Ephialtis, Myronidis, Thomi-  
dæ, Cimonis, & Leocratis. Thessaliam uero in Egesa-  
retos & Petreios. Et in Argo, Aristippi & Aristæi. Et  
apud Milesios, una Plutis, altera Cheromacha factio  
fuit: sicut apud Carthaginienses Barchina & Hanno-  
nis. Alibi simultas plebeiorum & paucorum: quippe  
Pericles plebem, Cimon optimates fouebat. Gallia ue-  
ro quum in factiones duas diuisa foret, alterius He-  
dui, alterius Sequani capita fuere. Lycurgus Spartam  
in duas factiones diuisit, quas phylas & obas nuncu-  
pauit. Etiam Peloponnesus uarijs nitebatur factioni-  
bus: nanque Argiui, Elij, Mantinenses, alijsque finitimi  
Lacedæmonijs, diuersarum factionum fuere. In Chio  
autem fuere factiones duæ: & quum alterius prin-  
ceps Onomadeus, uictoria contra alteram potitus es-  
set, alterius factionis uiros ab urbe minime exigendos  
curauit, ne inimicorum metu uacuus (quod usu pla-  
run-

ranque uenit) dissidium cum amicis sereret. Consue-  
uisse quoque Romanos milites, itaque militari disci-  
plina traditum ferunt, ut stipendiū pecuniam, aut a-  
liunde paratam, quæ unicuique superesset pugna tem-  
pore, apud signa in sarcinulis deponerent, eamque im-  
peratores iuxta signa seruari mandarent. Quod ideo  
constitutum ferunt, ut non modo patriæ & Larium,  
sed fortunarum suarum, milites defensores paratio-  
res, proptereaque fortiores foret. Et licet dimidia pars  
stipendiū apud signa sequestrari prius soleret, tamen  
Domitianus, ne ultra mille nummos deponerentur à  
singulis, edicto prohibuit. Quod ab Asiaticis Roma-  
nos sumpsisse crediderim: quibus fuit in more, ut mili-  
tiam sequuti, quæ preciosa haberet, & magni census,  
secum in expeditionem ferrent: ut tuendi necessitate,  
quæ illis erant charissima, plurima & maxima præ-  
lia obirent, promptiusque dimicarent. Persæ uero non  
pecuniam & gazas, sed pellices uelut charissima pi-  
gnora, quæ stimulis agerent, apud signa deponebant,  
ut pro his quæ erant exoptatissimæ, & quas maxime  
diligent, uelut coniugum & patriæ memores, forti  
& præsentī animo mortem oppetere non dubitarent.  
Illud quoque proditum memoriæ est, quoties duo si-  
mul consules iisdem creati auspicijs, cōtra eosdem ho-  
stes ducerent legiones, tam itineris quàm ineundi cer-  
taminis signum ab antiquiore, & consulari, aut plu-  
ribus honoribus functo dari cōsueſſe: quodq; si quan-  
do patritios & senatum aduocare consules uellent,  
per præconem singulis nominatis, aut buccina: plebe-  
ios uero tribunus plebis per ministros, nō singulos ex-  
pressis nominibus, sed uniuersos cornu aduocabat.



*Quæ fuerint Romanis comitia centuriata, quæ curiata, quæ tributa, & quæ calata. Caput III.*

**Q**UOD centuriatis comitibus consules, tribuni militares, praetores & reliqui magistratus, qui maiora auspicia habebant, crearentur, nemini dubium fuit. Quum enim quatuor essent comitiorum genera, edilitia, praetoria, tribunitia & consularia, quibus postea addita censoria & quaestoria: centuriata fuere, quæ nisi auspiciato fieri non poterat, uocatis ceteris, partibus distributis ceteriatim aut tributim, descriptis ordinibus, classibus, etatibus, auditis autoribus, & re promulgata & cognita. Vocabantur enim centuria in Martium campum, quo conuenire facilius possent, ubi libera erat suffragandi potestas, ibique comitiorum die ex cæsu & etate illorum, qui ex qualibet tribu in centurias selectierant & in classes: (nam populus in ceterum turmas diuidebatur) non autem mixtim ex colluione omnium, per pontem suffragia ferebat. Quæ tamen comitia, si quando populus coire noller, per patres clientesque patrum fieri poterat: positoque uexillo in arce, exercitus praesidij causa imperabatur. Idque propterea cautum, quod intra urbem comitia habere, aut legere militem non decebat: quippe armatis legionibus urbem ingredi fas non erat, ne grassatoribus obnoxia foret. Candidatorum uero mos fuit, quum comitia fiunt, & in suffragium ciues uadunt, in candida ueste sine toga in campum descendere, cum clientibus gentilibusque, singulasque tribus prehensare & circuire: hominesque etiam tenuissimos & ignotos, quorum suffragiis nituntur, rogare atque illos per se & communes amicos appellare, obsecrare & obte-

obtestari: quorum nomina memoriter referenda erant: quod si qui facere nequirent, adhibito nomenclatore, faciebant: tametsi cautum postea fuerit, ne candidatis nomenclatores adessent: suaque merita & facinora domi forisque commemorare, demissisque & humilibus uerbis supplicare, nihil denique fraudis aut lenocinii omittere, prehendere amicos, ambire patronos, domos stationesque circuire, admonere beneficij, pellicere donis iuuenes, & ingentia polliceri, nihil reliqui facere, ut sibi in consequendis honoribus socij & adiutores sint, atque in petitione suffragentur. In qua re elaborandum erat, ut adolescentes nobiles & summo loco natos, studiosos haberent, qui omni studio & comitate rogandi persuadendi que erant, ut se amicos, suffragatores, duces atque assertores exhiberent, competitoribus que inuidiam, sibi que studia hominum, fauoremque conciliarent. Nam multos potentia & multitudine amicorum fultos, potestates & imperia peruicisse inuenimus. Quum enim populus tam Romuli quam Tulli legibus comitiorum princeps foret, ita ut quos creare magistratus uellet, illi potestas esset: his artibus deliniri mentes, singulorumque animos captare oportebat. Quod licet esset in usu frequens, nonnulli tamen hoc supplicandi genus uelut sordidum & parum libero homine dignum, deuitarunt: siquidem L. Crassus nunquam adduci potuit, ut praesente Q. Scauola, more candidatorum populo supplicaret. Phocioni quoque cum nunquam supplicare populo sustinisset, & ideo comitis interesse nolleret, absenti & inuito honores delati sunt. Qui etiam candidati, ut plus auctoritatis ferrent, utque iusta suffragatione digni ha-

berentur, cognomēta saepe clarissimarum familiarum desumpserunt: eaque propria & peculiaris licentia candidatorum fuit, ut bonum nomen ferrent, & ex optimatibus iudicarentur. Nec minore studio his quos rogabant, agere gratias: nam mirum & efficax studium in agendis gratiis habebatur. Singulos denique prehēfare, obuiasque manus dare, salutare & omnibus arridere debebant. Qui ut conspicui essent, utque à populo spectarentur, nundinarum tempore & mercatu frequēti, quo opifices & agrestes ad urbem commeabant (quum nona quaque die fora constituerentur) in edito colle spectandos se praebebant, ut popularem gratiam fauoremque aucuparentur. Idque post aliquot secula, lapsis iam & defluxis moribus, fieri seruatum est. Antea enim sine ambitu suffragiorum, aut his lenocinijs praesente senatu, summo silentio ipsi per se cādidati in comitijs uitam suam belli domique, decora atque officia in rempublicam, & quid singulis uniuerisquē praestitissent, tum maiorum fortiter facta, longa & accurata oratione explicabant: qua cura, qua diligentia, qua animi magnitudine honores gessissent, testesque & laudatores dabant, qui omnes exquisitis animis audiebant. Quae rerum gestarum commemoratio non ficta, longè plus poterat, quam preces & ambita suffragia, quae postea urbem inuasere. Quibus quidem comitijs plerūque dictator, consul aut praetor, maioresque magistratus praerant. Ante cuius curulem sellam candidati suffragia excipiebant. Scita uero suffragiorum nongenti, qui ex ordine iudicum erant selecti, custodiebant. & ne quid fraudis doline admitti posset, neque quis tesserulas in loculum

con-

conſuſceret, ſolicite curabant: quippe ſingulis tribubus comitorum die non ſolum cuſtodes, ſed rogatores & diſtributores præerant. Deſcribebantur nomina tribuum uel centuriarum, quæ intra cancellos, quibus Oſilia nomen erat, ut quæque uocata fuerat, ex urna ut ſors ferebat introducta, ſuffragabatur. Demum tribuum ſortitione facta, in ciſtellam poſita, quam ſitulā dixere, renūciabant præconis uoce, quem quæque tribus candidatum elegiſſet. Fuitque priſci moris, ut Veturia cuius erat prærogatiua ſuffragiorum, pro ſuo candidato prius in ſuffragium iret. nanque ex centurijs militariſus facto iterum delectu tam ex iunioribus quàm ueteranis, præſtantioreſ in proprias ſeligerant centurias: quarum erat prærogatiua ſuffragiorum per uices, quibus Veturia nomen datum. Nonnunquam alia ſeruata eſt ſuffragiorum ratio: ſiquidem Lucius Caſſius Longinus tribunus plebis, Caio Mario & Flacco conſulibus, ut populus per tabellas punctis diſtinctis ſuffragia ferret, legem tulit tabellariam, quæ diu ſancta & incorrupta manſit. Ea enim lege, ne qua inuidia oriretur, & quo magis animo libero uota impartirent, cautum fuit, ut non uoce, ſed punctis ſuffragarentur. Puncto enim in tabula appoſito, per ſingulas tribus, pro quo candidato ſuffragia conferrent, dignoſci poterat. Quibus tabellis nihil aliquando melius uifum, quum illis ambitus & conſonum licentia palam adempta fuerit. poſtea animaduertentes, quia autoritas optimatum & illorum qui honoribus præſtant, plus uoce quàm puncto haud dubie poterat, poſtpoſitis tabellis, ad aperta ſuffragia & primum ordinem comitorum rediere.



Nonnunquam discoloribus ceris signa suffragiorum  
 & sententiarum notabantur, quod in iudijs quoque  
 fieri animaduertimus. Persæpe uero uniuersus popu-  
 lus effuso studio, & fauore accensus, aliquem insignem  
 candidatum ob excellētem uirtutem militarem, cuius  
 summa dignitas, maximaque res gesta fuere, cunctis  
 suffragijs consulem aut prætorem, ædilem aut censo-  
 rem declarauit, & comitijs renunciavit. Quibus in  
 suffragium missis, consul qui præsidebat, eum qui ad  
 honores promotus fuerat, primus uoce renunciabat,  
 mox præconis uoce populo palam fiebat: in quo pro-  
 ditum memoriæ est, Domitianum morte affecisse Fla-  
 uium Sabinum, quod consularium comitiorum die,  
 præco illum non consulem, sed per errorem ad popu-  
 lum imperatorem declarauit. Qui uero cādidatus re-  
 nūciatus, designatusque fuerat, antequam iniret ma-  
 gistratum, solenne carmen precationis præfatus, sicut  
 mos est, celebri oratione populo uniuerso agere gratias  
 eumque honorificentissimis uerbis alloqui, & de se  
 bonam spem polliceri debebat: quod Paulus Aemilius  
 cum aduersus Persen totis comitijs consul foret renun-  
 ciatus, facere recusauit. nam palam professus est, nul-  
 las se gratias populo debiturum: quin si meliorem na-  
 tūti essent, liberam se eligendi potestatem populo da-  
 turum dixit. Inde è campo qui designatus declaratus-  
 que fuerat, in Capitolium, mox ab uniuerso populo in  
 domum suam deducebatur. Quod si primus suffragijs  
 minus ualere poterant, parumque uirium in promo-  
 uendo candidato fuisset: quippe cū bina domo de  
 eisdem candidatis sæpe comitia fierent, quo facilius in  
 comitijs concordia populi firmaretur: plerunque pro-  
 latia

latis comitijs, fracto animo, squalore & lachrymis demissi & supplices candidati, singulos etiam de plebe homines, atque humilimum quenque prehensare, populoque uniuerso supplicare solebat: ita ut quod prius assequi non poterant, pietate motus populus traderet. Id enim in comitijs plerunque eueniebat, ut dies intermissus, rumoresque temerè dissipati, aut fabula ficta, uel minima offensiuncula, paruaque rerum momenta, totam saepe rationem comitiorum perturbaret, & magnos motus excirent. Fiebat enim saepenumero miseratione, tum splendore uitæ, nonnunquam gratia aut meritis antea exhibitis, ut magni casus intercederent, fieretque repentina mutatio: ut qui modò erant repudiati, honestissima suffragatione haberentur digni, presertim à populo, qui uelut mare sempiterna agitatione mouetur. Nonnunquam in conferendis honoribus populum bis censuisse, & suffragia dedisse compertum est: centuriatusque & decuriatis comitijs diuersa suffragia contulisse: quod ideo fit, ut cuique libera facultas foret postremis comitijs mutare suffragium, si quem primæ suffragationis pæniteret. Fertur tamen Caius Cæsar comitia ita cum populo partitus, ut pro parte dimidia cādidatorum, quos populus uellet, exceptis consulatus petitoribus: pro altera dimidia, quos ipse dedisset, pronunciaret. Per se uero in comitijs consularibus, quia imperatores deligebantur, præter populum uniuersum, etiam militaris ordo & equites frequentissimo concilio aduocati intererant: quippe suffragatione militari summi plerunque duces delecti sunt. Scipioni enim Aphricano iussus populus inire suffragium, omnis militaris ordo, omnes-

que centuria & tribus ad unum, imperium in Hispaniam detulere. Quoties dissimilia suffragia diuersis comitijs darentur, illa praualeere certum est, quæ iustis comitijs fierent. prærogatiua enim suffragiorum, semper iustorum comitiolorum fuit. Quod autem dempta toga, candidatos in campum prodire obseruatum est, propterea cõstitutum ferunt, ne per occultos sinus pecunijs absconsis, largitione & ambitu suffragia mercarentur: aut saltem, ut cicatrices & uulnera, quæ pro patria, proque ciuibus pugnando passi sunt, conspicua forent. Proditumque memoriæ est, Aphricani superioris filium, cum præturæ candidatus in campum descenderet, candidam quam induerat togam, turpitudinis maculis obsolefactam ostendisse, magnoque dedecore, totius populi suffragio repulsam tulisse. Quæ quidem centuriata comitia per cornicinem indici: curiata uero per lictorem calari solebant. Fuere autem curiata comitia, in quibus non de magistratibus conferendis: sed de exercitu, de legibus, de legatis, deque ducibus deligendis, & legionibus inter consules partiendis, de prouincijs, de genere belli, deque his quæ ad rem pertinent militarem, & an contra hostes arma sumere expediret, decernebatur: ut si rogationem probaret populus, bellum fieret: si uero antiquaret, cessaretur ab armis: in quibus suffragia non ex censu & ætate, sicut in cõturiatis, sed ex generibus omnium ætatum & ordinum promiscua multitudine ferri assuerant. Cum enim uiritim tribules dabant suffragia & ubi aecedebat singulorum totiusque uulgi opinio & consensus, ea comitia curiata: cum uero per singulas centurias unus ferebatur calculus, centuriata dicta

Et sunt. Ideo in curiatis omnis potestas suffragiorum  
& comitiorum euentus, penes populum stetit. Nam  
singulis popularibus, etiam despectissimo cuique ui-  
ritim suffragandi, proque suo candidato decertandi  
potestas erat: in centuriatis uero cum non singuli cen-  
serent, sed per centurias suffragia ferrent, in quibus  
copiæ aliquorum plus poterant, pro eoque ex omni  
tribu præcipui opibus & dignitate, in centurias se-  
lecti, suffragabantur, diuitum suffragationem præ-  
ualuisse certum est. Interdum uero curiatis comitijs,  
tribunos plebis tribunosque militares, & alios ma-  
gistratus extra ordinem creatos inuenimus: tunc ma-  
ximè, cum hi magistratus primum inuenti constituti-  
que sunt. Erat enim consentaneum, in nouis magistra-  
tibus creandis, non aliquorū, sed totius populi suffra-  
gia postulari. Quod nisi comitijs curiatis fieri nō posse,  
nemo dubitauit. Fuit quoque animaduersum leges,  
quæ ad populum pertinerent, quandoque centuriatis  
comitijs latas: siquidem L. Valerius Publicola comitijs  
cēturiatis legem tulit, ne quis magistratus ciuem pro-  
uocātem uerberaret, necaretue. Præter quæ fuere ca-  
lata comitia, quæ curiata & centuriata continent.  
Hæc enim sunt pontificis maximi & sacerdotum: in  
quibus non omnes, sed descripti selectique conuenire  
& suffragia ferre poterant. Nam cum uniuersum po-  
pulum sacerdotia mādare, uel quenquam sacris præ-  
ficere propter religionem nō deceret, Cn. Domitio tri-  
buno plebis legem ferente, cautū est, ut minor pars, po-  
puli selectiq; uocarentur: & ab ea parte qui dignus  
collegio foret, in sacerdotium assumptus, cooptaretur:



ideo non plures quàm decem & septem tribus, in pontificis aut sacerdotum comitijs unquam interfuisse compertum est. Quæ non comitia, sed populi concilium dicebatur: quippe qui non populum uniuersum, sed tantum partem concilio aduocarent. Cumque sacerdotium maximæ esset autoritatis, propter religionem decuit sacerdotes comitia habere propria, in quibus ad sacerdotium assumerentur. His quoque comitijs calatis, quæ arbitris pontificibus sunt: arrogationes illorum, qui cum sui iuris sint, in alterius transeunt potestatem, fieri compertum est. Hæc enim comitia illa sunt calata, quæ pro collegio pontificum, aut regis sacerdotum, augurisue aut flaminis, inauguradorum causa fiunt: siquidem ut hi crearètur, & in collegium admitterentur, sacrisue præficerentur & inaugurarentur, calatis comitijs decernebatur. Calatis quoque comitijs, & sacrorum detestationem, & testamenta fieri animaduersum est. Tria enim ueteribus fuisse testamentorum genera: unum, quod calatis comitijs fiebat: alterum, quod per æs & libram, libripende adhibito, & emptore familiæ: tertium, quod procinctum uocabatur, cum milites ituri in prælium, nulla legum solennitate, tribus aut quatuor adhibitis, raptim apud commilitones testabantur: qui mos talis erat, ut milites, cum decernere paderent, antequam togam circumcingerent, aut clypeos arriperent, tribus aut quatuor audientibus heredem sibi nuncuparent, si quid in acie secus eueniret. Postremò fuisse comitia tributa, quæ tunc fieri cognitum est, quum non ex generibus hominum, neque ex censu & ætate, sed per regiones urbis tributim uicatimque suffragabantur: in  
qui-

quibus interesse tribus & suffragari per regiones & compita assuerant. Post aliquot uerò secula, Publius Scipio Aphricanus & L. Mummius censores suffragia mutasse feruntur, ut regionatim suffragaretur, pro generibus hominum causisque & quæstibus, tribus describendo. Quibus comitijs, ut tribuni plebis minoresq; magistratus fierent, à Volerone primum, deinde à Lætorio tribuno plebis rogatione promulgata, cauebatur, ne patritij quos uellent, tribunos per clientum suffragia crearent, nō populus. Quibus etiam tributis comitijs tribuni militares sæpe creati fuere, qui comitiati dicti: in quibus si deessent senatorij ordinis candidati, Augustus Octavius illos ex equestri ordine suffecit, ita ut finito honore, in utro uellet ordine permaneret. Et licet centuriata comitia nisi decreto senatus et auspiciatō, ac sacrificio pfecto & litato, fieri minime solerent: tamen tributa comitia, quia minimorum magistratum sunt, nec senatusconsulto, nec auguratō, nullisque præcedentibus sacrificijs facta, & eadē die absoluta, rata erāt: tametsi lege Elia & Susia, ne quis per eos dies quibus cum populo agitur, nisi de celo prius seruasset, agere liceret, cautum fuerit. Eratque mos auspiciandorum comitiorum, ut cum præfatione deorum dearumque bonis faustisque nominibus, ac dijs bene iuuantibus, concilia inirent. Apud Argiuos uerò indictis comitijs, cum prætor in præfationis carmine, Iouē, Apollinem, atque Herculem præfari soleret, ut successus darent prosperos: postea Philippi nomen adiecerunt præfationi, assentationis genus. Illud tamen non præterierim, neque comitialibus diebus, more maiorum, senatum haberi: neque nundinarum tempore co-

mitia fieri licere, ne à legibus accipiendis, quæ trinundino dabantur, plebè auocari contingeret, nèue interpellarentur nundinatores, utque rusticis qui in urbem ueniunt, componendi lites. Et transigendi facultas foret: quodque die imbris aut turbine procelloso, aut si fœda tēpestas cum grandine, uel si tonitrua aut uenti fierent, uel si in frequenti multitudine quispiā morbo concideret comitiorum die, Et nisi seruatum de celo esset prius, quoad centuriata comitia, cum populo agi non licebat: habitaque in his Et promota, tanquam fœda tempestate facta, dirimi oportebat augurum responso, qui quid uitij intercessisset, renunciabant, idque lege Elia Et Susia: in quo id fuit memoriæ proditum, cum Appius Pulcher ad populū causam diceret, quod nauali praelio uictus, per contemptum religionis classem amisisset, omnesque tribus in eius noxam suffragia ferrent, beneficio tempestatis adiutum, pœnam effugisse: nam subito imbri Et turbine coorto, sublati comitijs iudicium euasit. Ante uerò comitia habita, quid uitij intercessisset, renunciare auguri non licebat, quia diuinare uidebatur: quodque cum fœminis comitiorum nulla fuit communio: ideo mulieres nec comitijs interesse, nec suffragia ferre, neque foro aut concionibus immisceri, Et propterea nec arrogari poterant: quod erat apud Athenienses constitutum, ut nulla fœminarum concilijs publicis aduocetur, uel ferre suffragium, aut concionibus uirorum interesse ualeat: fuitque moris apud eos, quo frequentius comitijs assuescerent, ut singuli suffragatores, nummos acciperet: quod à Calistrate primum inuentum ferunt. Nam cum propter assiduas bellorū expeditiones, Athenienses à rebus

bus urbanis distracti, uix foro assuescerent, & per infrequentiam comitia cogi nequirent: quippe cum ex omni populo in quouis arduo negotio, ultra quinq; milia non conuenirent, ut posthabitis negocijs ad remp. accederent, & de publicis consultarent, aliquo inuitamento cohortandi fuere. Neque ab his quorum imminutum imperium fuit, apud Romanos comitia haberi, tanquam infausti prodigij & infandi ominis foret: neque illorum qui rei ageretur, nomina ad petendos honores admitti, nisi crimine inducto & absoluto: neque absentium rationem habendam, licet nonnulli legibus soluti, contra comitiorum morem, absentes suffragia pertulerint. Quod à Locris Amphissæis, qui haud procul Delphis incolunt, factum meminimus: apud quos nullius absentis habetur ratio, sed cum concio aduocatur, non solum pylagora & sacratores, sed omnis multitudo illorum qui sacra faciunt, conueniunt, & suffragia ferunt. Quotiesque non iustus comitiorum rogator fuisset, comitia inde habita, minus legitima censeri: & licet eum qui comitia haberet, aut illis præesset, ad honores assumi non deceret, plerunque tamen qui comitijs præfuere, licet pessimo exemplo, aliorum ministerio & opera illos assequi meruere. Estque memoriæ datum, sexagenarijs maiores & homines grandæuæ ætatis, quod ciuilibus uacaret muneribus, ad comitia suffragij causa descendere cogi nequire: quare deiecti de ponte, & depontani senes dicti sunt. Nanque iuuenes olim senes de ponte deturbasse dicuntur, quum illis non idem maneret uigor, & animi sensus esset obtusus: Quodque comitia magistratuum non solum per dictatorem, consulem & prætorem,



sed per interregem, ædilem, quæstorem, tribunū plebī, præfectum urbis, tribunumque celerum aut pōtificem maximum, de senatus sententia plebisque scito, nonnunquam per populum indici compertum est: ipse tamen prætor consularibus comitijs autor esse nō potest, quod maius uersaretur imperium in consulibus creandis, quàm ut per prætorem explicaretur. Cumque Cæsarum temporibus, arbitrio principis, nonnunquā tribuum suffragio comitia fierent, Tiberius Cæsar inter cætera cōstituta, è campo ad patres illa transferri uoluit: quorum concilio & suffragio etiam sine populo candidati ad honores et imperia prouecti: ex duobus tamen consulibus, ei qui minor natus foret, comitiorum habendorum munus dari consuevit. Sine autem consulis, prætoris uel tribuni, aut alterius magistratus decreto, populo & plebi conuenire, aut clandestinos cœtus, coitiones uel cōciliabula habere (ne quis malo exemplo populum seuocaret, uel secretas consultationes faceret) non licebat.

Quando primum ædilitas cœperit, & quot fuerint ædiles,  
& qui curules, & qui plebei. Caput II. III.

QV O tempore exactis regibus, & cōsulibus creatis, plebs contentione maxima cum patribus certauit, & tandem ut alter ex consulibus plebeius foret, obtinuit: patres pro communicato plebi consulatu, ædilitatem simul & praturam uendicarunt. Igitur curulæ ædilitate creata, illam Cn. Quintio Capitolino, & P. Cornelio Scipioni ex patribus dederunt: postea alternis annis, modò ex plebe, nūc ex patribus ædiles creati cœpti, munus quæ promiscuū fuit: donec curulis ædilitas ad libertini generis homines delata est: tunc quā

Cn.

Cn. Flavius Appij scriba, libertino patre natus, cum Quinto Anitio Prænestino, haud multò antè hoste populi Romani, ædilis curulis ius ciuile in penetralibus pontificum diuulgauit, diesque fastos in albo proposuit, ac ad Concordiæ cum non mediocri inuidia nobilium dedicauit. Demum dissidete plebe à patribus, ut duo essent plebis ædiles, sicut duo patritij antea fuerant, plebi est à patribus concessum. Lapsis inde temporibus, cum Iulius Cæsar rerum potiretur, tunc primum sex ædiles creati, duo patritij qui cereales dicti, qui curam gererent annonæ forensis, copiarumq; cibariorum: reliqui ex plebe: quorum præcipuum munus erat, urbis, ædium sacrarum priuatarumq; curam agere: ad eosque absentibus uel impeditis cõsulis summa rerum & maiestas cõsularis imperij sæpe delata est. Hi præcipue curabant, ut ædificia publica priuataq; fierent, utq; templa, theatra, stadia, fora, porticus, curiæ, & basilicæ, atque mœnia, magnificis operibus reficerentur & ornarentur: quod lege ueteri sancitum erat, in hæc uerba: Suntoque ædiles curatores urbis, annonæ, ludorumque solennium, ollisq; ad honoris amplioris gradum prius accessus esto, et infra. Quibus sacrarum rerum procuratio & totius urbis tutela sæpe commissæ est. Ad quos etiam senatuscõsulta & scita plebis, ut in æde sacra conderentur, deferrebantur: præparando conuehendoque frumento & oleo, ne urbs penuriâ annonæ, nèue caritate laboraret, utq; cõmeatus, quæq; bello usui forent, in castra deferrentur, ædilium munus erat. Ideo Manius Martius et Trebius ædiles plebis, quod in summa caritate frumentum populo in modios assibus dedere, commeatusq; inuexere, statuas in Ca-

pitolio et palatio cum titulis honorum, meruere. Et M. Seruilius T. filius adilis curulis, quòd olei denas libras singulis assibus præstitit, celebri memoria dignus fuit. Etiam in eos qui plus quàm lege definitum erat, agri possiderent, diem dicere, matronas probri accusare, facinerosos coercere, popinas & ganeata obsonia inhibere, in facta dictaque inciuilia atque improba, animaduvertere, atque in exilium agere, ædilitia potestatis erat. Nero tamen dum munere ædilitio fungitur, ne quid cocti in popinis ueniret, præter legumina & olera, interdixisse fertur. Quinetiam nimiam ædilium potestatem cohibuit: statuitque quantum curules, quantum plebei pignoris caperent, quantumque pœnæ irrogarent. Circa religionem, ne qui nisi Romani dū patrio more colerentur, nèue à uetustis cæremonijs decederent, ædilibus præcipua cura fuit: quorū edictis cautum est, ut Iudæorum Aegyptiorumque sacra, ritus et cæremonia ex urbe pellerentur & exigerentur. Senatusconsulta excipere, super emendis uendendisque seruis aut iumentis, si ex fide bona uenirent, deque illorū uitio & morbo cognitionem animaduersionemque habere, thermarum curam agere, illasque, ne essent imunda, nèue nimis æstuant, curare, ædilitia cognitionis erat: de mensuris quoque & uerrendis uijs, deque alea cognoscere, de superque edicta proponere, quæ ædilitia dicta sunt, mulctamque non parenti irrogare, aut nota turpitudinis afficere poterant. Horum exemplo Ephori Lacedæmonijs fuisse, & in Thessalia ædiles, quibus uirgas Lixæ præferebant, quorum munus erat annonam & forum cupedinis curare. Apud Græcos & Aetolos agoranomi, quorum edictis uen-

dentium

dentium & ementiū rabies coercebatur: qui hoc etiā sibi arrogarunt, de uenditarum emptarumque rerum usu & cōmercio, deque conuentionibus & pactis cognoscere: in tantumque honoris culmen adilitas prouecta fuit, ut urbe peste laborante, maiestatem consularis imperij ad aediles decidisse, Titus Liuius autor sit: ac iam bonis temporibus ab optimis quibusque splendor adilitatis, quæsitus fuerit. Nam & duo Crassus, & Quintus Mutius, & Publius Lentulus, et Scaurus summis honoribus functi, adilitatem magnificentiissime gessere, illamque magni muneris loco exequuti fuere. Paulus quoque Aemilius, quum duodecim magnis competitoribus in petitione adilitatis prælatus fuerit: pro summo honore duxit. Sunt tamen exempla illorum, qui repulsam in petitione adilitatis perpesi, mox consulatus, præturas, & summos honores meruere, inter quos C. Marius, qui in duabus adilitatis petitionibus, curulis scilicet & plebeis, una die bis repulsam tulit, septies deinde consul fieri meruit. Scipio uero Aemilianus, cum candidatus adilitatis in campum descenderet, ab uniuerso populo fructum uberrimum cepit: nam pro ædili, omnium suffragatione consul factus est. L. Lucullus cum ante adultam fratris ætatem, magistratus petere nolle, tantum gratia & fauore ualuit, ut absens una cum fratre ædilis relatus fuerit. Vespasianus uero candidatus adilitatis, quinquies repulsam passus, deum ad imperium fuit euectus. Et quanuis adilitas per se proprium munus foret, sæpe tamen magistrorum equitum & tribunos plebis simul cum magisterio & tribunatu adilitatē gessisse comperimus. Cn. Flauium



Appū Caci scribam, cum tribunatu pleb. ædilitatem, et T. Sempronium, magisterium equitum unā cum ædilitate habuisse constat: tametsi duos magistratus, præsertim curules, simul gerere, antea interdictum fuerit. Munera etiam magnificētissima et ludos apparatusi mos, ad cōciliandum populi fauorem, per ædiles pleb. aut curules, nunc Romanos, nūc plebeios, nonnunquā scenicos, publica uel priuata impensa, aut ex mulctatiua pecunia curari et instaurari plerunque adnotauimus: in quibus uenationes beluarum, quæque miraspectaculis exhibuere: quæ munera cum magnificētissime per ædiles edita fuissent, gradus ad amplissimos honores magistratusq; fecere. Illud memorie datum est, eos qui scriptum facerent, ad ædilitatem admitti nequisse: propterea Flauius scriba, quia scriptū fecerat, nisi iurasset se scriptum non facturum, ad ædilitatem admissus non fuisset: quodque ædiles, sicut tribuni pleb. sacrosancti aliquando habiti sunt, quod licet ueteri constet exemplo, lexque à Valerio consule post decemuiros lata, tam tribunos quàm ædiles, iudices atque decemuiros inuiolatos sanxisset: tamē quia ædiles curules neque prehensionem, nec uocationē habere, nec licetore uti, eosque à priuato ad maius tribunal, prehendi duci que à magistratibus nouimus, propterea ædilem non esse sacrosanctū opinati sunt: quod Domitianus Cæsar factō declarauit, qui tribuno pleb. autor fuit, ædilem repetundarum accusandi, iudicesq; in eum à senatu petendi. Qui quidem ædiles nō Romæ tantum, sed in oppidis et uicis ignobilibus sæpe fuere magistratus, qui de mensuris et rebus minimis iura dabant. Hoc quoq; notatum est, posse ædiles, exhausto  
atque

atque inopi arario nouum uectigal constituere, quo reipub. oneribus consulatur: atque sicut tribunos pleb. ad tribunatum, ita ædiles siue curules seu plebeios, qui patrem haberent superstitem, ad ædilitatem minime admitti posse, exemplis maxime probatum est.

Iudicium ignauū iudicis, super controuerso iure perperam  
iudicantis, haustum aquæ per fundum alienum non  
deberi. Caput V.

SVPER controuerso iure in foro Romano, me præ-  
sente, apud ignauū iudicem qui præsidebat, dum quo-  
tidiana patrocinia præstare, aspera & uehemēs qua-  
estio agitari cœpta est. Petebatur enim à testatoris filio,  
cui haustus aquæ in fundo quem alteri legauerat te-  
stamento, exceptus fuerat, usque fons immodicis calo-  
ribus postea exaruerat, deinde tribus post annis de-  
nuo emerferat, ex testatoris uoluntate se ad illius hau-  
stum per fundum legatum admitti. Cui contra stabat,  
fundi dominus, & desita aqua, seruitutem se nullam  
debere aiebat: quippe cum aqua, cuius haustus testa-  
mento exceptus fuerat, fonte arefacto, esse defierit, ces-  
sare etiā seruitutem, quæ propterea debebatur, dicen-  
dum erat: & ubi haustus aquæ ex nouo fonte illi for-  
san deberetur, ius tamē eundi per fundum suum, se in-  
uito, illi non esse: pluraque in hanc sententiā adduxe-  
rat, quibus non dissimulāter quæstioni responderi ui-  
debatur. Contra uerò testatoris filius, relicta à patre  
seruitute, & haustu aquæ sibi legato, etiam aditū ad  
aquam, qui nullibi nisi per fundum patere poterat, re-  
lictum dicebat: cū nullus aquæ usus foret, nisi hau-  
rire liceret: neq; posse hauriri, nisi per fundum aditus

esset: quod si fieret secus, profectò cùm sibi aliud de haurire non daretur, ipse legato prater testatoris uoluntatem, frustratus foret: quod est pudendum dicere. Rursus tamen si aqua desita fuisset, seu aestu uehementi, seu quouis modo arefacta, ea postea renata, ius pristinum sibi deberi asserebat: nam quandiu è fonte manaret, ius hauriendi sibi integrum esse, dicendum erat. Cuique immodicis iurgijs desuper obstreperent, & turpibus uocibus inuicem conflictarentur, iudex qui assidebat seuerus & uehemens, amborum audito postulatu, pauca interfatus, quæsiuit an aqua ex fonte arefacto penitus fluere desisset: & quum triennio aquam ex fonte manare desisset, (quippe cùm tenuis, non perennis foret) illamque denuò scaturisse, tabulis & testibus planum fecissent, de quæ hoc nulla controuersia foret: hoc asseuerato, parumper subdubitare uisus, paulò post eò inclinauit sententia, ut eundi per fundum alienum, & aquam desitam rursus hauriendi, testatoris filio ius non esse, sibi liquere iniquissimo decreto pronüciaret. Quæ iniuria decreti cùm uehementer ille offensus reclamasset, & propterea me adiunxisset, peteretque: ut sibi in causa adessem, utque suas partes propugnationemque mea cura patrociniòque susceperem: quæsiui ego à iudice, ut bona cum uenia diceret mihi, quo iure, qua lege aut exemplo, isti cui seruitus testamento relicta fuerat, ius non esse hauriendi ex fonte renato declarasset: siquidem si haustus aquæ testamento legatus erat, iter quoque ad haustum ex æquo & bono relictum uideri debet, cùm nisi haurire liceret, nihil præstaret cõmodi legatum, nihil opis: idque tam Paulum & Marcellum, quàm Neratium & Vlpianum de seruitutibus sentire asseuerari.

raui. Quinetiam de sumptibus funerū id idem Vlpianus censuit: Si in fundo à me uendito sepulchrū mihi excepero, iter quoq; ad sepulchrum exceptum uideri, cum subsequēs antecedēs supponat. Neque repugnat, quòd arescente fonte, desita seruitus uidebatur, quia satis habet rationis explicata, quòd mox fonte renato ius idem mihi deberi quiniis potest intelligere: idq; Iabolenum & Paulum de seruitutibus etiam censuisse. Quinetiā Aetilicinus consultissimus uir, super hac controuersia Casarem Statilio Seuero in hanc sententiam rescripsisse dicit: idq; cum lege & iure affirmare cōtenderem, peteremque ut more institutoque maiorum, si quid iudicādo deliquisset, caueret ne magno saltem afficeretur incommodo, is qui in meam fidem clientelamque uenerat: Iudex ad me conuersus, grauiter credo ferens se frequenti auditorio interpellatum, stomachabundus & uultu ferè minaci, semel, inquit, desita aqua, postquam fons exaruit, ius illam hauriendi pariter desitum uideri: quippe quum aqua nulla sit quæ debeatur, seruitutem extinctam amplius nō reuocari respondit. Cumq; ego contradicerem, horum autoritatibus nixus, pluraq; in meam sententiam adducerem, præsertim cum nemo tam indoctus ignarusq; rerū foret, uel qui primis (ut aiunt) labris iura degustarit, qui restituta re in statum priorē, idem ius quod antea fuerat, re integra, incolume esse negaret: ipse autē egregius nebulo cum in eandem sententiam iret, illamque nullo argumēto, nec iudiciali disceptatione, ut modesti iudices solēt, dilueret aut firmaret, si quid probandum aut refellendum esset, sed propè ad extremam insaniam necors excandesceret: ego qui probè noram spiritum



eius, ne infectatione & cōuicijs agerem, dicendi pau-  
sam feci, satiusque duxi clienti salutarī consilio pro-  
desse, quā rationibus non proficientibus cum homi-  
ne illiberali & clamoso nequicquā disceptare: clien-  
ti que ut ad maius tribunal prouocaret, persuasi: pro-  
fuitque prouocasse. Nanque haud multò post, discusso  
negocio lege & iure, inducto iudicis decreto, proba-  
bili et recto iudicio pro testatoris filio lis data est. Ver-  
ba uerò Caesaris ad Statilium Seuerū ex eius epistola  
" hęc fuere: succurrendum his putauī: itaque quod ius  
" habuerunt tunc, cū primū ea aqua peruenire ad eos  
" non potuit, id eis restitui placet.

Quanta seueritate à Romanis contra licentiam magistra-  
tuum, & quoties occursum sit. Caput VI.

QVANTA disciplina cauerint Romani, ne, qui  
magistratus gererent, nimia licentia abuterentur, illud  
documentū est, quod pluribus legibus, plebiscitis & se-  
natuscōsultis præscripti fines magistratuum & pote-  
stas coarctata fuit, præcipue cauendo, ne imperiosa il-  
lorum licentia, extra gyrum rationis excederet. P. Va-  
lerius, is qui cum L. Bruto post reges exactos consul fa-  
ctus est, ad terrorem incrementis audacie legem pro-  
mulgauit, qua cauebatur, ut à quocunque magistratu  
ad populum prouocandi cuius potestas foret: scilicet  
existimans maioris imperij aduocatione, nimiam ma-  
gistratuum licentiam coarctari: tamen si regū tempo-  
ribus, prouocationem à regibus fuisse ad populum, idque  
pontificalibus libris caueri, multi contendunt: quam  
legem à Muræna consule, quo tempore Sora & Alba  
coloniæ deductæ sunt, iterum latam comperio: postea  
exacto decemuirorum imperio, populus Romanus ut  
licentiæ

licentia temeritatique obuiam iret, præter auxiliū tribunitium, nouam sanciendo legem, cōstituit, nequis ullum magistratum, sublata intercessionē, crearet: qui creasset, eum ius fasque esset occidi. Quod mox Duilius consul alia constitutione innouauit, ut qui magistratum, sublata prouocatione, creasset, tergo & capite lueret. Lapsis inde temporibus cū opes plurimorum præualerent, humilioresque à ditioribus assidue premerentur, hisque superbè auareque imperitarent, iterum Valeria lex, tanquam unicum præsidium libertatis, ante primum Punicum bellum lata fuit: qua inter cætera eum qui prouocasset à quouis magistratu, uirgis cedi & securi percuti uetuit: pœnā tamen si secus fecisset, nō adiecit, nisi improbè factum uideri. Cumque adhuc non satis innocentia consultum foret, & plebis libertas opprimeretur magis, sæpiusque hoc malū increbresceret, inita tandem ratio est, qua salubriter tenuioribus consultum foret. Siquidem M. Valerius consul legem de prouocatione ad populum, ab eadem familia sæpius latam, tanquam patronam & uindicem libertatis, tertio promulgauit, grauissimisque pœnis affecit eum, qui spreto more patrio, ad maius tribunal prouocare inhiberet, intantū, ut etiam de ui & maiestate damnatis, ius prouocandi ad populum dederit: tametsi post decursa secula, Caligula, ne longo circuitu ducerentur lites, nimias prouocationes inhiouerit. Sed quantis tot legibus aduocatio maioris potestatis, quæ ab iniuria tenuiores uindicaret, permissa foret: nondum tamen satis petulantia & effrenata licetia prouisum erat, nisi caueretur, ne sæpius eadem imperia gerendo, nimis aliquorum potentia insolesceret. Ideo Q. Martius

censor legem tulit ad populum, ne quis eundem hono-  
 rem bis ambiret. Et deinde Fabius Maximus aliã re-  
 citari iussit, quod etiam plebiscito cauebatur, ne intra  
 annos decem eandem potestatem gerere liceret. L. de-  
 inde Sylla, aliquem prius prætorem quàm quæstorem  
 fieri, aut consulem quàm prætorem, edita lege uetuit:  
 eundemque nisi decursu decennij spatio, bis uni magi-  
 stratui præesse, graui pœna interdixit: arbitratus fre-  
 quentes honorum uicissitudines, nimie potestatis esse,  
 & potentia non ferenda. Quod haud multò post no-  
 ua constitutione innouatum fuit: cautumque, ne cui  
 intra uigesimalium annum, muneris publici administra-  
 tio daretur. Et cum licentia præsidum in edendis spe-  
 ctaculis, multo prouincialibus damno & incommodo  
 foret, quotidieque nouis collationibus exhaurirentur,  
 Nero uetuit, ne gladiatorum munus, aut ferarum spe-  
 ctaculũ præsides in prouincijs ederent. Quo etiam tem-  
 pore statutum est, ut qui perperã ad principem uel se-  
 natum prouocasset, pecuniam pœna nomine in arariũ  
 ferre, & mulctam exoluere cogeretur. Pluraq; extat  
 plebiscita, quibus ne duos magistratus, præsertim cu-  
 rules, uno anno habere, neue plebeium magistratũ pa-  
 tritio gerere liceret, cauebatur. Quinetiam pro magi-  
 stratu aliquid gerere inhibitum erat, nisi prius sacra-  
 mento adactus fuisset: quod ideo cautum ferunt, ne spe  
 & cupiditate improba, imperia & honores assume-  
 rent: iurabant enim apud consulem uel senatum so-  
 lenne iusiurandum per deos: postea ut in acta princi-  
 pum iurarent, Caesarum temporibus seruatum est: ne-  
 que enim plus quinque dies, nisi qui iurasset in legem,  
 imperium gerere licebat. Siqui tamen in magistratu  
 auarẽ,

auarè, superbè & insolenter se gessissent: ipsos ante tempus finiti honoris imperio desistere, & de gradu deijci iubebant. Primusque cui abrogatum imperium fuerit, Tarquinius Superbus proditus est, qui propter insolentiam regno pulsus fuit. Postea exactis regibus, Sergium & Virginium tribunos consulares, quod male ad Veios pugnassent: Cn. Manlium, & Seruilium Cepionem proconsules, quod ipsorum temeritate clades ingens accepta fuisset, & à Cimbris cæsi, & castris exuti essent: aliosque ignauia insimulatos, abrogato imperio, ante tempus finiti honoris, senatus magistratu abire, & insignia imperij dimittere coegit. Quod & C. Gracchus alio plebiscito confirmauit, cauens, ut si cui ante tempus propter indignitatem, imperium esset abrogatum, is alterius ad eundem honoris facultatem non haberet: nèue maxima imperia diuturna essent, quod unum officere libertati cognitum est. Magistratus & honores geri ultra annum annaria lege prohibetur. Iulius uerò Cæsar lege sanxit, ne pratoriae prouinciæ ultra annum, nèue consulares plus biennio obtinerentur. Tiberius collatos semel honores non facile ademit, cum saturos & opulentos præsidēs minus noxios prouincialibus duceret. Nèue finito magistratu, is qui prouinciæ præfuisset, impune insultasse gauderet, triginta diebus lege Cornelia successorem expectare, & ex prouincia reuersus, rationem administrati muneris lege Iulia reddere cobeatur. Ideo plures consules pratoresque functos honoribus, quòd mente improba, auarè & crudeliter in prouincia se gessissent, damnatos & ærarios factos inuenimus.



Apud Græcos uerò lege cauebatur, ut qui gesti muneris rationē non redderet, alogū teneretur. Apud Athenienses quisquis ad remp. accessisset, rationibus ita obnoxius erat, ut etiam sacerdotes obnoxios lex iuberet, apud quos computator publicè eligi consuevit, qui redditus ciuitatis per singulos magistratus populo resignaret: neminemque coronari licebat, qui rationibus reddendis obnoxius foret. Carthaginiensibus, ne insolescerent magistratus, toto imperij tempore uinum interdicebatur, ita abstemios moderatiores fore arbitrati. Thebanis lex data est, ut ad munera publica nemo accederet, nisi qui annis decem à mercimonijs destitisset: Bithynis, ut minor annis triginta, ad honores admitti nequiret: quod tamen Augustus ita præfiniuit, ut ab annis duobus & uiginti admoneri iuuenes ad munera iuberet. Quod si fortè finito magistratu, quisquam prouinciam successori tradere negaret, uel ultra iustum tempus fasces retineret, is uelut maiestatis reus in principem & rempublicam, agebatur. Cui simile apud Thebanos accepimus: nam qui ultra præscriptum honores gesserat, conspirationis reus, capite luebat. Fertur tamen Epaminundas Thebanus, dum patriæ consultum uult, prætura quam gerebat, ultra præfinitum tempus præfuisse, nec successori exercitum tradidisse, quo tempore Lacedæmonios graui bello & intestinis cladibus affecit, ne si honore decederet, Thebani tanto progressu rerum frustrarentur: cuius rei causa capitis anquisitus, omnium uotis absolutus fuit. Carthaginiensibus quoque tam seuera uiguit disciplina, ut si quis imperator aut dux prauo consilio, licet felici euentu pugnasset, fardo  
suppli-

supplicio in crucem elatus, morte pœnas dabat. Romani uero duces, qui temeritate uel inscitia exercitus amississent, aut fuga & pauoris insimulati essent, pecunia & exilio saepe mulctati sunt. Lege quoque à Valerio Publicola primum lata cautum fuit, ut qui imperium magistratûm uel à populo non accepisset, capite plecteretur: quod ab Atheniensibus seruatum est, quibus nulli erant magistratus, nisi sortitione publica & suffragiis populi creati. Tanta uidelicet cura tantaque sollicitudine maiores nostri contra insolentiam magistratuum, præsidia legum inuenere.

Qui ordo in disponendis aciebus, & quæ norma militiæ apud Romanos olim seruari solita fuerit, & quæ apud externos.

Caput VII.

MILITVM ordines in Romanis castris plures fuisse, ex quæ diuersis formis instrui acies consueſſe, & firmari subsidijs, saepe notatum est. Species uero militum à principio ita distinctæ fuere, ut aut inter hastatos & leuis armaturæ milites, aut in principibus, uel inter triarios essent. Et licet de instruendis disponendisque aciebus certa lex tradi nequiret, quia ex monte, flumine uel locorum situ facili uel impedito, aut ex subiecta planicie, & natura regionis perlustrata oculis, providens diligensque dux, exploratò & præuisò acies dirigere, & copias adiuuere debet: & nunc directæ, nunc cuneatæ, uel trigonæ, aut hemicyclæ, modo late fusæ, & protentæ acie, nunc quadrato agmine, quod frequens apud Persas & Siculos fuit, in hostes uadere, aut hostium uim excipere: nunc frontem uel cuneum, nunc subsidia, orbem, globum, forſices, serras, turres, atque alas facere: ita ut terrarum situi sese ac-

cōmodet, & qualitati insinuet: tamen ubi locus tem-  
 pusque patitur, hæc acierum forma & turmarum de-  
 scriptio magnas sæpe acies fudit. Nam primi erant ha-  
 stati, qui hasta tātum gasaque, & pilani, qui pilo pri-  
 mos congressus excipiebant. Fuit autem pilum ligneo  
 hastili, & ferro quadrato, oblongo & præacuto. Hi  
 ergo quindecim manipuli erant expediti & delecti  
 pedites. Inter quos iaculatores & levis armatura mi-  
 lites, qui in prima frōte siti, dato signo in hostes incur-  
 rere, ac pilis missilibusque hostem ferire, deinde gla-  
 dijs cominus congredi solebant: in quibus tyrones qui  
 nuper militia asciti erant, militabant: ab hisque primi  
 erant congressus, & hostes laceßiri assuerant. Mos er-  
 go Romanus erat, instructo paratoque exercitu, quum  
 congredi acie parant, deos primum consulere, mox  
 auspiciò & litatò, ne incertis auspicijs & turbatis  
 religionibus acies committerent, Solem uenerari, &  
 in hostes ducere: sicut in Syria mos erat: quumq; classi-  
 co signo dato pugnam incunt, primo occurso ad ardo-  
 rem excitandum, ardentissimo clamore concurrere,  
 & signa inferre: qui si consona uoce editus, neque  
 impar, uarius uel dissonus foret, haud dubie satis ani-  
 morum ad certamen esse, & futuram uictoriam spon-  
 debat: nanque is erat index uoluntatis & animi cu-  
 iusque: si uero excitatior crebriorque ab hoste subla-  
 tus esset, quò euentus prælij casurus foret indicium  
 haud dubium præbebant: in qua quidem re ad ardo-  
 rem animi excitandum non solum acies, sed ipsa quo-  
 que signa militaria inferebat. Neque enim parui mo-  
 menti fuit illa prima uis & congregio militaris, cum  
 alacres & fiducia pleni, ardenti clamore simul in ho-  
 stes

stēs ibant & signa inferebant, intolerabili clamore, animorum uno impetu consentiente ac uirtute, quæ res magnarum uictoriarum plerunque causam dedit. Quare à Iulio Cesare Pompeius haud immerito imperitiæ arguitur, quod in pugna Pharsalica milites certaminis auidos, impetum excipere, non inferre iussit. Quod quidem Cyri consilium fuit, ut si hostes tumultuosius irruerent, taciti milites impetum exciperent: si autem taciturni essent, clamore & strepitu acies inuaderent. Galli & Germani, quibus inconsulta ira & furor est, si quando cum hoste congredi parant, dissono & truci cantu, quem barritum uocant, cum ululatu & tripudijs scuta quatientes, praelia inibant, ex quo futura pugnae fortunam augurabantur: aut patrio more, nudis corporibus horreoque uocis sono: nonnunquam ut auspiciū pugnae sumeret, captiuum cum suo milite committebant, unde belli omen augurati, in hostes ibāt. Quibus Germanis hoc etiam in usu erat, non antè acies committere, quam per matres familias, quas plurimas educebant in castris (sicut Dionysius, qui armatas thyrsis mulieres habuit) an decernendum esset, sortibus & uaticinio prædictum foret. Ambrones non cursu furioso, sed incessu tardo arma pulsantes, rhythmis cum gressu & pulsu armorū consonantibus, suum nomen exprimētes, in hostes ducūt. Vbū & Treuiri, uirorum cantu & faminarum ululatu, terrorem faciunt, & uoce obtundunt. Aethiopes, cum cecinit bellicum, clamoribus dissonis tumultuantur, & sui moris tripudijs exultant. Syri autem in primo congressu solem uenerati, immodicus uocibus exultantes, cursu quàm citatissimo acies subeunt, &



in hostes irruunt, ita nullo metu deturbari, & ludificari hostem opinati. Athenienses & Lacedæmonij pæana canentes & hymnos Ioui, cōgredi solent: quod frequēs apud Græcos fuisse notatum est: fuitque Spartanorum mos, ut ante hostium congressum, Amori sacra faciant, utque reges Laconici antequam signa inferant, musis immolent, Clementiæque & Amicitia, non Marti: satius ducentes, pacatione hostium animos & pace incruenta cōciliare, quàm prælii subire aleam, & multa hostium cæde uictoria potiri. Cyrus autem, ne hostium efferis clamoribus milites perculsi trepidarent, hymnum Polluci & Castori canere iussit, quo concentu effecit, ne improuisa formidine caperentur. Post hastatos sequebantur principes, qui uiribus & ætate fortiores, in quindecim pariter distincti manipulos, scuto & insignibus armis, sub ipsis signis militabant: qui non continenter iuncti erant, sed modicis spatijs discreti, quasi in subsidijs positi: Vt si hastati commisso prælio, ab hostibus deturbati retro cederet, ad principes & grauioris militiæ uiros receptus tutus foret. Hi que cum ad hostium subitos conatus præsto essent, obnixi argentesque integris uiribus fessos adorirentur, & impressionem facerent. Post principes uero triarij pluribus uexillis ordines ducebant. Erant enim ueterani milites, magnæ & expertæ uirtutis, qui stabili genere pugna assueti, scuta & hastas tenentes humi fixas, genu dextro innixi, prælii euentum, & imperatoris nutum expectabant ad inuadendum: qui modico etiam interuallo seiuncti à principibus, considebant: iisque ordinibus, cum procinctæ acies starèt, si à principibus haud feliciter pugnatum esset, nec ad arcen-

arcendam uimsatis roboris aut uirium foret, ut uicti, percussi, & consternati cederet, perditis propè rebus, & desperata salute, se ad triarios per interualla ordinum sensim referebant. At tunc exurgentes triarii, in quibus omnis belli moles, quodque uirium erat, esse putabatur, (nanque his uincere aut mori decretum erat) conferti pluribus ordinibus, firmata acie, tanquam uallo muniti, strictis mucronibus, ita ut uir uiro, armis arma coniuncta forent, uias claudebant, ita magno presidio firmati, in hostes ibant, ut dirumpi ea acies non posset. Neque enim longum certamen, & increseens uis diutius durare posset, nisi secunda acies prima, & integri fessis succederent. Cyrus quoque haud absimili exèplo, ita aciem instruxit, ut qui primi in praelio, quique primarum centuriarum milites essent, in secundis pugnarent ultimi: deinde ultimi succederent ad primos, ita acie instructa, ut seruato ordine progredi ad pugnam, & cum opus foret, pedem retro ferre possent. Germani uero per familias & propinquitates cuneis acies instruebant: Sarmatae per turmas, quibus insuperabiles erant: pedestri uero pugna nihil ignauius. Scythae, Thraces & Macedones cuneo, qui mediam urgeret aciem, frequenter usi sunt. Persae & Siculi, quadrato agmine. Celtiberi tantum cuneo ualebant, ut quacunque parte decurrerent, irruptionem facerent. Galli bifronti acie pugnabant, cuius usus talis erat, ut nullam militibus terga dandi spem ostenderet, Lacedaemonij cum in cornu incedunt, turma in postremis sequitur, quae se ad frontem & in latus flectere queat, & cum opus foret, uerterent se singuli ordines, & depugnarent. Agesilaus quoquo

quadrato agmine exercitum saepe duxit, ita ut dimidium ante, dimidium uero post exercitum haberet. Thessali rhombi figuram primi inuenere, quod facile circumagitur, cuius ope adiuti, hostibus praeualuere. Ferunt Triballos populos omnem aciem in quatuor phalanges, & quicquid est copiarum diuidere: Primam ex imbellibus, secundam ex optimis, qui robore praestabant & uiribus: tertiam ex equitibus, quartam ex mulieribus, quae in fugam conuersos conuicijs inaccesserent. Latini uero populi cum antea phalanges similes Macedonicis faceret, postea disciplina Romana edocti, manipulatim acies instruebant. Apud Spartanos in expeditionibus obeundis reges erant primi cum cohortibus suis, in recessu uero postremi. Atheniensibus lege cautum erat, ut polemarchus cum acie decernitur dextrum semper latus teneat, indeque in hostes irruat. Thebani cum ad Leuctram sinistro cornu Lacedaemonios fugassent, & uictoria potiti essent, omnibus praelijs obseruarunt, ut sinistro cornu principatum darent. Eratque inter Lacedaemonios & Athenienses conuentum, ut si arma contra eosdem hostes ferret, Athenienses sinistram, Lacedaemonij dextrum in acie tenerent locum: tametsi in pugna aduersus Mardonium, Athenienses dextrum cornu contra Persas, Lacedaemonij sinistram contra Boeotios & Thessalos tenuere. Cumque aduersus Mardonij & Medos Athenienses & Tegeates super instruendis aciebus dissideret, dextrum cornu usurpantibus Atheniensibus, Aristidis autoritate effectum est, ne intempestiue contenderent, quamcunque partem in acie dedissent, se uiriliter operam nauatum professus. Cui non ab simile est, quod cum Themistocles

Isiodorus cum Euribiade Lacedæmoniorum duce contra Xerxem classem ducerent, & de ducatu orta cōtentio esset, facile cessit, asserens intempestiuam cōtentionem ē suā republica non esse, sed eum uideri principem, qui meliorem operam nauasset. Apud Lacedæmonios uero milites ex Scyro insula, cum sinistrū sibi locum delegissent in acie, semper obseruarunt, ut deinceps sinistrum cornu tenerent. Ferturque Psametychus Aegypti rex, cum pugnaturus contra Assyrios, ignominia loco Aegyptios in sinistra, mercenarios uero & externos in dextraphalāgis locauisset, exercitus alienationem & disidium passus fuisse. More tamen Romano, antiquiori duci dextrum cornu dari consuevit: sinistrum uero, quia minus curæ & sollicitudinis habet, iuniori & minus assueto: quanuis sinistro nonnunquam summos duces attributos inueniamus. Tullus enim Hostilius aduersus Eidenates pugnaturus, sinistrum sibi desumpsit cornu, dextrū uero Metio dedit. Darius quoque ad Arbēlam cum sibi sinistrum tuendum sumeret, Mæteo dextrum assignauit. Si tamē inter duces de loco non conueniret, plerunque de ordine agminis quem tenerent, inuicem sortiebatur. Cumque signa militaria in media locarentur acie, ita ut pro signis antesignani, post signa alia pugnaret acies, quoties hostium impetu antesignani uicti cederent, ne nudarentur pugnatoribus signa, collato statim gradu, ex secunda prima fiebat acies: ita ut à suo quisque manipulo uel cohorte pugnans non recederet: qui omnes ita docti instructique erant, ut ad nutum monentis intenti, ad illius imperium se in turmas colligere, rursus, diuidere possent: obsistere, circuire, mutare



pugnam, modo à fronte, nunc à cornibus occurrere, sequi signa, ordines seruare, consistere, & locum non deferere, tam facile scirent, ut signo dato, expediti & dicto uelocius, mandatis parerent. Erant enim ita instructa acies, ut faciles partienti, faciles iungenti forent: talisque disciplina, ut etiam in conflictu belli, & dum praeliatur, miles in sua legione, cohorte uel manipulo maneret, ab eaque pugnas non recederet. Hoc quoque proditum est, quod quoties grauis armatura hostem fugasset, ne turma equitum cursu & fuga insequendo dissiparentur, signaque & ordines relinqueret, leuem armaturam, funditores sagittariosque, qui hostes longius agerent, & trepidantes opprimerent, emittebant. Quod longe secus apud Lacedaemonios fuisse tradunt: quippe in pugna acerrimi existunt, diuque & fortiter praeliantur, dum hostem in fugam uertant, quibus fugatis, effusos insequi nesciunt. Cum enim hostem dare terga coegissent, continuo redibant in ordines: neque enim uidebatur decorum satis, in fugientem hostem & agmen consternatum inferre signa, & in terga dantes, ius uictoris exercere. Quotiesque ad ultimum laboris & periculi uentum erat, ut solutis ordinibus uagè dissipati milites, forent in summa desperatione & diffidètia, rem in asperis praelijs saepe tentatam, felici euentu multi magno studio exequuti sunt, ut dissipati milites ad suos mox ordines redirent: deinde coacto agmine, omnes uno impetu impressionem facerent, & ultro in hostes irruerent, magnoque ardore animorum pugnam repararent: id quod apud Germanos frequens fuit, ut cedere loco, & rursus instare pro consilio haberent: uel ut equites,

dimissis

dimissis equis, ad proximos euaderent, immiscentes se peditibus, dum fluctuatur acies, hosti obuiam irent: ideo ut spe fugæ erepta, æquato omnium periculo, pedestri pralio acrius insisterent, uel ut in hostes acrius incurrerent, detractis frenis, cum effusum cursum temperare nequirent: equos cōcitatos agerent, & impressione facta, ui uiam facerēt, sparsosque & incompósitos adorirentur: nonnunquam ut uexillo signiferis adempto, & in hostium agmen, aut intra uallum iniecto, quo acrius subirent, instando atque urgendo, ne illo potiretur hostis, maiori impressione dimicantes, ita irruerent, ut lapsam plerunque aciem repararent. Apud Cimbros in more fuit, ne fuga signa & ordines dissiparent, turmas & robora legionum longis catenis inuicem connectere, & per balteos milites colligare, ut ita nexi firmitus propugnaret. In quo traditur operæ precium, quod cum Lacedæmonij contra Tegeates dimicaret, & de uictoria confisi, uincula secum ferrent, quibus illos uinctos ducerent: postea uicti & fugati à Tegeatibus, eisdem uinculis nexi & captiui ducti sunt. Romanis frequens usus erat, cuneum facere & phalāgem, ut inuicem scutis annexis & supra capita elatis, densa latitudine succederent, unaque conspiratione & consensu in orbem se colligerent, & impressionem facerent. Illud quoque salutare creditum est, transfugas detractis armis, ne quid insidiarum simulata transitione moliri possint, in postremam aciem inducere: nanque illis credere non facile licet. Profuit quoque salubre consilium, quod in magna consternatione, abscisis rebus & desperata salute, à Romanis sæpe factitatum nouimus, ut dispositis equitum tur-

mis ante munimenta, fugientes temere ex praelio ad castra, milites pauidos & consternatos pro hoste haberent: illosque strictis gladijs inuaderent, ut non minus à tergo quam à fronte infestas acies uideret. Hac enim ultima desperatio nonnunquam militum animos ita incescit, ut inclinatas & turpi fuga profligatas acies plerunque repararint: tantoque ardore pugnam legamus restitutam, ut milites ancipiti coacti metu, uictoriam ex hostium manibus saepe eripuerint. Fuit hoc quoque notatum, dum acies praeliantur, & armis decernunt, petere ut defuncta corpora liceat sepelire: uel post praelium abire, concessum de uictoria uideri. Eos enim qui uicerunt, precario aliquid ab hoste petere non decebat: sicut confessio cedetis & detrectantis certamen, ubi hostes ad pugnam elici nequeunt, pro uictoria fuit. Apud Gallos & Hispanos brachia & manus inermes tendere: apud Romanos capita scutis subdere, & arma tradere, de ditionis signum erat. Quare Pompeiani in pugna Pharsalica passis palmis salutem petiere. Armis quoque dimissis, salutationem more militari facere, magno saepe praesidio extitit militibus. Iunctis uelatisque manibus supplicare, aut cum infulis & uelamentis prodire, apud Gracos manus inermes dare, Indis cum pateris occurrere, & uina libare, aut ex Solis ara accensis facibus obuiam prodire, in fidem uenire & potestatem, signum fuit. Neque enim decebat illos qui passis palmis in ditionem uenissent, morte afficere, aut in eos uelut hostes insultare. Dextris autem exertis, & sublatis manibus incedere, apud Gracos & Persas pacis signum erat: sicut Assyrijs & Massiliensibus cum infulis, Gra-

et cum oleæ ramis aut lauro accedere: et barbaris flores capite corollas gestare. Aegyptiorum mos traditur, ut suppliance ueste sumpta, et prælatis omnibus sacris, pacem deprecetur: Gallorum, occurrere magistratus cum pueris et feminis. Apud Persas, terram et aquam offerre, deditionis signum erat. Quare Darii legati cum ab Atheniensibus magnificis uerbis terram et aquam peterent, ab eisdem alij in barathrum, nonnulli in puteos præcipites acti sunt. Apud Lacedæmonios scutis positis, manus excutere: in singulari pugna, uox, Herbam do, se uictum fateri significat: sicut olim bello capti, cum salutem peterent, in discrimine extremo salutem dicere cœperunt. Athletarum mos erat, ut quum in certamine uicti, digitum aut manum exerendo, pacem peti ostenderent. Fuitque sententia Brasidæ Peloponensium ducis, cum acies decernere parat, instructo exercitu, lancearum frequentem motum et galearum, à qua parte futura sit fuga, demonstrare. Esse quoque Romanæ militiæ cōperimus, ut equites in prælio duplici utantur equo, ut uni fatigato, alter recēs expeditusque succedat: quodque sicut miles pedestris militiæ arma et nullum, et quoties opus foret, plus dimidiati mensis cibaria: ita equites præter arma et gladium, folliculis frumētum deferebāt. In nauali autem prælio constitutum est, ut milites non militari solum fungantur munere, sed uelut classiarij remigēt, et per tabulata nautarum ministeria exequatur, hostiumque tela excipiant, et scutis auertant. Hanc disciplinam militarem Lycurgus non omnibus significandam censuit. Ideo lege cauit, ne contra eosdem sæpius mouerent arma, ne iterum repugnando, diutino bello assuescere,



Et longa militia hostes disciplinis erudiri contingeret: ideoque bellicosiores et effrenatiores forent. Accusaturque Agesilaus, quod continuis bellis quibus Bæotiam infestavit, Thebanos ociosos et bellorum rudes, ita erudiuit disciplina et usu armorum, ut sæpe ipse ab eisdem in extremum uitæ discrimen, cum toto exercitu lapsus fuerit.

An sapienti uxor ducenda sit, et quæ ad propagandam sobolem indulta commoda à Romanis fuerint. Caput VIII.

VETVS quæstio fuit, et à prudentibus in utranque partem agitata, et adhuc in quæstione est, an sapienti uxorem ducere expediat. Compater amicus meus, homo perfacetus multæque uenustatis, et multis salis, cui in omni sermone mira fuit urbanitas, semperque uenuste dicta, semperque opportunos iocos habebat: si quem in nostra Parthenope uxorem ducere audisset, cum grauibus conuicijs, perinde ac si in aliquod crimen prolapsus foret, incessere solebat, quod homo liber et sui potens, in seruitutem mancipari, et sub imperio uxorio seruilem in modum excruciaci non curasset: habens semper illud in ore Thaletis Milesii, qui iuuenis, cur uxorem non duceret interrogatus, quia intempestiuum erat, respondit: iterum senex cum ad coniugium urgeretur, rursus intempestiuum dixit: hac ambage uerborum, sapienti nunquam uxorem ducendam fore demonstrans. Verum qui hæc perpensio iudicio explorare uult, profecto in coniugijs multa inueniet commoda usui uitæ necessaria, sine quibus uix homini sapienti calibem uitam ducere expediet. Siquidem non parua adiumenta ex hac societate homini uel inquieto et fatigato, ad requiem forensium exer-

exercitationum, uel in secūda fortuna ad ampliorem  
 fructum lætitiæ, quum habeat cum qua congaudeat,  
 paratur: præsertim si quis moratam, & non quotidiana  
 ni damni, ac fœdis & pudēdis uitis nequissimam fœ-  
 minam nactus fuerit. Nec minus quum studio & la-  
 bore foris bona quæsiuerit, superesse domi qui ea dili-  
 gentissime tueatur, haud mediocre præsidium uitæ pu-  
 tauerūt. Illud quoque non parui refert, habere in mi-  
 serijs solatium, in periculis adiumentum, sociamque  
 uitæ etiam in calamitate, quæ te perinde ac se foueat  
 & amplectatur. Adde mutua pignora tori genialis  
 sobolisque, quam sibi quisque postfuturam, & bono-  
 rum participem cernit: ingenitamque charitatem in  
 filios, animosque consociatos: quæ ad ciuitatis & rei-  
 publicæ præsidium, nec minus ad propagationem no-  
 minis ualent sempiternam. Quibus delinimentis ad-  
 ductus Socrates, nec Xantippe quāuis morosa & iur-  
 giosa: nec Pythagoras, Crates & Aristoteles, aliique  
 sapientissimi uiri, coniugio carere uoluerūt. Quod le-  
 gibus Lycurgus mādasse fertur: nam si qui in orbitate  
 & solitudine calibes uixissent, ea afficiebātur ignomi-  
 nia, ut à ludis arcerētur, per hyemem uero forum nu-  
 di circuire cogerentur. Sparta enim tam cælibi quàm  
 fero & malo marito legibus indicta pœna fuit: quæ  
 iudicia cacogamia & opsigamia dicta. Creteneses uè-  
 ro felici instituto usurparunt, ut è grege iuuenum de-  
 ligerent forma conspicuos, quos ad uxores ducendas,  
 propagandamque sobolem ui & lege compellerent.  
 Thuriorum lex erat: ut iuuenes primo ætatis flore, ad  
 ducendas uxores muneribus honoribusque inuitarent.  
 qui uero ea defuncta, alteram superduxisset, is inuisus

& execrabilis dijs hominibusque, ab omni honoris  
 aditu & magistratu arcebatur. Platonis uero legibus  
 cauetur, ut qui ad quintum & trigessimum annum  
 māsisset calebs, nullo dignus honore & omnium po-  
 stremus haberetur: cuius rei causa, Romanos magi-  
 stratus ad coniugium & prolem excitandam, non so-  
 lum pænis coercere repugnantes, sed & præmijs inui-  
 tare iuuetutem sæpenumero uidemus. Furius Camil-  
 lus & Posthumius quum censuram agerent, his qui ad  
 senectutem calibes peruenissent: aut uiduarum nu-  
 ptias, quarum uiri bello ceciderant, detrectarent, mul-  
 ctam pænæ nomine in ararium ferre iusserunt. Q.  
 Metellus Numidicus censor, & postea diuus Iu-  
 lius, deinde Augustus, liberorum gignēdorum & so-  
 bolis causa, legem de maritandis ordinibus tulere, eos  
 ad progeniem propagandam præmijs & immunita-  
 tibus inuitantes: siquidem cui tres erant liberi, uaca-  
 tio muneris: cui plures, libertas donabatur. Quod à  
 Lacedæmonijs constitutum ferunt, ut trium liberorum  
 parens, à custodia & excubijs: quatuor uero, ab omni  
 onere immunis foret. Quinetiam praturas, quæsturas  
 & consulatus, honoresque & magistratus, Romani  
 ueteres, non nisi parentibus plurium liberorū, comitijs  
 dedere. Quare exemplis palam factum nouimus, plu-  
 res candidatos quum ad comitia & campum descen-  
 derent, fictis adoptionibus, liberos sibi pessimo more  
 ementitos fuisse. Quod postea senatusconsulto subla-  
 tum fuit, ne simulata filiorum adoptio, ueris parenti-  
 bus fraudi esset: semperque mariti & plurium libero-  
 rum parentes, in omni negotio, pauciores liberos ha-  
 bentibus, aut sine uxore degentibus, antelati fuere.

Per-

Perfarum more, qui ingentia munera his qui plures  
genuerant filios, proponere soliti sunt: quorum reges si  
quando Persidem adirēt, singulis mulieribus ad sobo-  
lis inuitamenta singulos aureos dare consueuēre, præ-  
gnantibus uero duplices. Quod rex Ochus, quum esset  
sordidæ auaritiæ, ne quid elargiretur, adire recusa-  
uit. Mulieribusque quæ trium liberorum matres fo-  
rent, etiam uiuo patre testari, & sine curatore de bo-  
nis disponere, negociaque alia gerere permissum erat.  
Viroque decedente sine liberis, omnium bonorum hæ-  
res lege Romuli uxor erat: si uero cum liberis, æqua-  
lem bonorum partem cum liberis ferebat. Utque non  
seuera & tristis, sed lata atque hilaris illorum pudici-  
tia foret, uxoribus nec molere, nec coquere, aut alio  
seruili munere fungi permisere: nuptasque pecunia-  
rum & fortunarum uiri sacrorumque socias esse, ius-  
sere. Illosque qui in uxorem aut liberos uiolentas ma-  
nus intulissent, uelut sanctissima deorum templa uio-  
lassent, impios consceleratosque duxerunt. Veteres  
enim, mulieres propter infirmitatem consilij, sub pa-  
rentum tutela cognatorumque esse uoluere: donec  
uiro desponsata, coniugali copula iungerentur: tunc  
enim à tutela libera, in uirorum manu, non in serui-  
tio erant. Ideo & mariti mores pro lege habere, at-  
que his se accommodare conuenit. Contrà decet ui-  
rum curare, ad cultum uictumque ei ne quid desit:  
nanque uxori malæ tractationis contra uirum actio  
datur. Cauendumque, ne uxoris imperio maritus a-  
gatur: nam illum famosum despectumque paulo mo-  
mento præcipitem ageret. Quare uerbum Catonis ta-  
lia exprobrantis in Romanos sæpe emanauit: Illos



omnibus gētibus armis imperitare, ipsis uero uxores. Fuitque ideo proditum in Assyria, Luna templum apud Caras fuisse, in quo qui Luna supplicaret, uxoris imperio subigi: qui uero Luno deo sacrum faceret, uxori dominari ferebatur. Quibus etiam mos à Semiramide traditus per diu mansit, ut uiris uxores dominentur. Sauromatas etiam ferunt hoc habere præcipuum, ut uiri sub imperio uxorio & famulatu sint. Apud Aegyptios, ut uiro mulier præficiatur, lege cauebatur, testantibus uxoribus inter solennia sponsaliorum, in primis uirum suo arbitrio parere oportere. Spartanae mulieres minimè muliebris animi uiris imperant, domesticisque negocijs sola præsumt, curaque omnis & procuratio ad ipsas pertinet. In quo fertur lepide dictum Gorgonis uxoris Leonidæ, quæ quum ab hospite argueretur, quod sola Spartanae uiris imperitaret, Haud immerito, inquit: nam sola uiros parturiunt. Semper tamen bonum maritum agere, quàm in republica magnum uirum esse, pluris ueteres censuerunt. Ipsisque ad coniugij & sobolis inuitamenta, inter muliebria iura, abundanti auro, mundoque muliebri, aureisque segmentis & purpura, omnibusque delinimentis uti permisere. Quare in maximis bellis sæpe matronas auro collato, inops ærarium subleuasse & magna reipublicæ adiumenta dedisse, perspectum est. Legimus secundo Punico bello, quum respublica infestis hostibus affligeretur, scirentque matronæ ærarium populi Romani bello exhauriri, ipsas coëctibus factis, sponte aurum & ornamenta sua in ærarium contulisse, cuius rei causa, ut festis profestisque diebus, dum ad sacra & ludos irent, carpento ueherentur, à  
 senatu

senatu datum est. Camilli quoque tempore, quū à Gal-  
lis populum Romanum redimere oporteret, in angu-  
stia ararij, quicquid auri & ornamentorum erat, ma-  
tronas publice contulisse, eoque se populum redemisse  
accepimus: propterea ut earum sicut uirorum, in fu-  
nere solēnis laudatio esset, senatusconsulto cautū fuit:  
primaque Popilia à Crasso filio laudata fertur in fu-  
nere. Postea Iulius Cæsar defunctā primus laudauit  
uxorem: & Nero Poppea formam, & alia fortuna  
munera pro rostris magnificè extulit. Alijque deinceps  
defunctorum laudes ad populum solēni oratione pro-  
sequuti sunt. Utq; perpetuum hoc coniugale fœdus &  
sine dissidio foret, uxori uirum relinquere, & cum alio  
copulari nequaquam licebat: uiro autem nisi uxor in  
adulterio aut ueneficio, seu clauium adulteratione de-  
prehensa foret, aut si uinum biberet, leges à Romulo  
latæ diuertere nulli sinebant: qui aliter dissidium fe-  
cisset, bona uiri ad uxorem deuolui uoluere. Quare L.  
Antonius à censoribus notatus, & senatu motus fer-  
tur, quòd nullo consilio aut modo, quam in matrimo-  
nium duxerat, repudiasset: & Tiberius Cæsar qua-  
storem gradu deiecit, quòd quam coniugem duxerat,  
tertia post die dimisit. Tametsi ex leuibus causis repu-  
dium intercesse plerunque inueniamus: siquidē Q.  
Antistius uxorem, quòd cum libertina fabulari uide-  
rat, repudiavit: & C. Sulpitius, quòd inuelato capite  
foras prodisset: quippe ueste à capite deducta matro-  
nas incedere, minime fas erat. P. quoque Sempronius,  
quòd ludos se inscio spectasset, uxori repudium remi-  
sit. Taxaturque Mecænas inconstantia, quòd cum ab  
uxore semel diuertisset, illamque, reconciliata gratia,

paulò post reduxisset,, iterum ac tertio cum ea similitate exorta, repudium fecit, & mox in gratiam uenit. Quare millies eum duxisse uxorem ferebatur quum unam haberet. Paulus uerò Aemylius quum argueretur, quòd post longum tempus uxorem Papyriam fecundam & formosam dimisisset, dixisse ferunt, neminem scire, in qua parte calceus, licet speciosus foret, suos premeret digitos. Domitianus tamen Augustus equidem Romanum ob reductam uxorem, cum qua Martius ob adulterij crimen dissidium fecerat, iudiciũ albo erasit, & nota affecit: & M. Lepidus, quòd Apuleie uxoris desiderium post diuortium ferre nequiret, morbo extabuit: sicut Antistia repudiata à Pompeio, ipsius mater indignitatem ferre non ualens, necem sibi manu consciiuit. Solon uerò lege constituit, ut qui uxorem exturbasset, dotem illi restitueret, alioqui interusurium sesquidrachmale ob moram soluere cogeretur. Primus enim P. Caruilius Ruga post annũ quingentesimum tricesimum tertium, uel undeuigesimũ ab urbe condita, quum uxorem duxisset, ex qua uitio corporis liberos suscipere nequisset, sterilitatis causa diuortium fecit, quod apud diuersas gentes fiebat conditionibus uarijs: nam Thurijs hac lege permittitur, ut neutri cum iuniore sponsa, aut uiro coniugium postea inire liceret, ne libidine aut illecebra uoluptatum magis, quàm causa diuertisse uideantur. Apud alios his uerbis concipitur diuortium, ut pari uoto uir & uxor inuicem dicerent, Tuas res tibi habeto. In sponsalibus uerò dirimendis, hæc fuisse uerba: Conditione tua nõ usar. Atheniensibus libello repudiij porrecto à uiro uel uxore, an concedi debeat, magistratus decernit. Apud

Germa-

Germanos semel cum nupta transigitur, cum qua senescendum erat, neque à viro diuertere, neq; post obitum alteri nubere permittitur. Id tamē memoriæ proditum est, uxori, concepto, necdum edito partu, post diuortium, alteri nubere non licere. Damnaturque Augustus Octavius, quòd Liuiam Drusillam ex altero viro abduxit gravidam, quam probauit unicè. Neque in ius uocanti matronā, eius corpus tangere, aut à magistratibus summoueri permittitur, ut à tactu alienæ manus inuiolata maneat. Sed matronæ in semitis uiros de uia decedere iussum est: quod & senatusconsulto cauebatur: neque dotale prædium, quòd ue dotis causa exhibitum esset, viro, inuita uxore, alienare, (quod lege Iulia uetatur) ne uxor indotata maneat. Expedit enim reipub. dotatas esse uxores, licet priscis seculis dos apud Romanos as graue fuerit: mox decem millia æris, dotes non excessere: postea corruptis moribus, ad quadraginta millia supergressæ sunt, in tantū, ut Megulia, quòd quingenta æriū millia dotem dederat, Dotatæ nomen tulerit. Fuit tamen lege cautum, ut si mulier viro in manum cōueniret, omnia quæ mulieris fuissent, viro accederent dotis nomine. Proditumq; est, populum Romanum C. Fabricij, & Cn. Scipionis, ac Manij Curij filias, quòd ob tenuem rem familiarem pro natalibus nubere non possent, de publico dotasse: sicut Athenienses Aristidis filias ob modicas facultates, ære collato, connubio locarunt. Solon uerò & Lycurgus salubriter consulentes, ne sponsa magno coniugia inirent, uiris dotes dare legibus uetueret. Germanorum fuit uetus constitutum, ut uiri uxoribus dotes dare cogantur: qua non exhibita,



nihil confociatum aut fœderatum sponsalia haberent: idem Cantabris, ut nisi à uiro sponsa dos fuisset soluta, nullum esset matrimonij fœdus. Apud Indos pariborum sponsas mercari permittitur, qui quum in plures diuidantur ordines, unius tribus uiro, alterius sumere non licet. Massiliensibus ultra aureos centum, dotem nulli dari permittitur. Cretensisibus dimidia pars bonorum, quæ fratri contingit, sorori dotis nomine accedit. Apud Gallos quantam pecuniam uir ab uxore accipit dotis nomine, tantam de suo conferre tenetur, ut quod inde redundaret, cum fructibus superstiti accederet. Aegyptij uerò adeò dotes auersati sunt, ut qui uiri dotes acciperet, uelut mancipia, uxori addicerentur. Charthaginienses non dotibus, sed nuptiarum impensis, quas immodicas faciunt, modum statuere. Fuitque constitutū apud spartanos, ut qui rei quærendæ causa locupletum affinitates quærerent, pœna mulcerentur. Quare Lacedæmonij qui Lysandro superstiti, illius filias se ducturos uxores pmisserant, & eo morte sublato, ducere recusarant, optimo iure, ephoris iudicibus, pœnas dedere: quòd spe præmiorum, locupletum affinitatem affectassent. Si quid uerò ab uxore delictum esset, aut si quæ similitates offensionesue forent, si quidem leuia & per ignorantiam admissa, clementi animaduersione & mollissimis pœnis emendabant: si quid uerò grauius, de eo uir non in iudicio & foro, sed remisso iudiciorum munere, ne litibus obstreperent, cum ppinquis tanquā domesticis iudicibus, cognoscebant quicquid dissidij foret, in sacello dea Viriplace, illarumque cōtumaciam pœnis seuerioribus, aut mollioribus cohibebant. Quod etiam Tiberius Cæsar statu-

tuit,

taut, ut propinqui & necessarij matronas prostrata pudicitia, quibus accusator deesset, cōmuni sentētia coercerent. Nonnunquā uxoris offensa, mariti iudicio permissa fuit: nam Pomponia Gracina capitis & fame postulata, iudicio mariti insons renunciata est. Athenis uerò erat magistratus, qui dissidentes cum uiris uxores, quæ nō syncera fide in gratiā rediissent, sine iurgio & sine offensa conciliarent: in quo Crates Diogenis sectator fuit, qui litium omnium & iurgiorum moderator & arbiter inter p̄pinquos præcipuè habitus est. Sicut apud Spartanos harmosyni erant magistratus, qui mulierum petulantiam immodestiamque cohibebant. Apud alios fuere cōciliatrices, quæ uiris uxores, & uxoribus uiros conciliarent. A deoque more maiorum muliebri pudori, salubri temperamento consultū fuit, ut ne priuatā quidem rem agere fœminas, nisi auctore parente, fratre, uiroque permiserint. Illud certe nō est ab re dixisse, quòd quæ uno uiro contentæ erant, quæq; matronale decus seruassēt incolume, haud aliter quàm pudicæ corona donabantur: quæ uerò post uiri obitum coniugium inisset, nisi post decimum mensem nupsisset, leuis & impudica, atque infamiae inusta putabatur: ideo prægnantem bouem Numæ legibus immolare, & ita facinus expiare togebatur. Neque omittendum, quondam uxores uiris, & matres filijs, tunicas togasque facere, easq; acu & licio ac telis intextere consueisse: summosque imperatores & duces à necessarijs sape uestes contextas induisse. Quare Alexander Macedo & Augustus Octanius, domesticis tunicis ab uxore, matre & sorore, aut nepte confectis, usi sunt, quas ueteri more in atrio domus cum clientibus

bus Romani intexebāt: Graci uerò in αco & proαco:  
 Quippe apud matronas quondam lanificium magnæ  
 laudi fuit: lanamque fecisse mulierem, pudicitia &  
 probitatis signum erat: quod à Phrygibus institutum,  
 ad Romanos fluxisse putarim, quibus Attalus rex, pri-  
 mus aurum uestibus intexere instituit. Vnde phrygio-  
 nes dicti, qui pictas uestes intexebant. Quo enim tem-  
 pore inter Romanos & Sabinos fædus iētum est, cum  
 Romulo & Tatatio conuenit, ut Sabina ab omni opere,  
 præterquā lanificio, immunes forēt: scribitque Varro,  
 lanam cum colo & fuso Tanaquilus & sandalia in  
 templo Anci Martij, ad sua tempora durasse incolumē,  
 factamque ab ea togam regiam uirgulatam, qua Ser-  
 uius Tullius usus fuit. Erat tamen pagana lege sanc-  
 tum, ne mulieres in uia torquerēt fusos, aut illos dete-  
 ctos ferrent: quoniam frugum prouentibus aduersari  
 putabatur. Utque lanificiū ueteribus cordi fuisse ad-  
 notarent, sponsam nuptiarum die colum comptam, &  
 fustum cum stamine, ad uirū deferre iussere: quem mo-  
 rem apud multos etiam nunc coli obseruarique uide-  
 mus, præcipue Iberos, quibus quicquid texunt mulie-  
 res, in commune conferunt, & uirorū iudicio quæ plu-  
 rimum texuit, honoribus cumulatur & precio. Phæ-  
 acenses quoque, Homero teste, sicut rei naualis uiri, ita  
 mulieres pensa trahendi & acu uestes intexendi pe-  
 rita sunt. Non sic Aegyptijs: nam uiris domi pensa cu-  
 rare, fæminis uerò in foro uacare usus erat. Apud Per-  
 sas autem matronas lanæ ad mouere manus, aut cala-  
 thū & pensa tractare, probro et turpitudini dabatur.

Ingens miraculum rerum quæ in Germania & Britannia,  
 tam ex uitis quàm succu maris proueniūt. Cap. IX

PRO-

PROFECTO rem mirificam & ostento similem  
& qua dici credique uix possit, amicus meus summus  
nuper enarrauit mihi, quam ego his commētatiunculis  
meis adycere dubitassem (ita uidetur esse rara dictu,  
& super omnem impudentiam, prorsusque ridicula  
uanitatis) nisi hoc pro comperto & explorato, multo-  
rum testimonio comprobasset, qui se non audisse uel le-  
gisse, sed oculis uidisse, & manibus attrectasse asse-  
rāt, in citeriori Germania intra Danubium loca esse,  
in quibus, nisi contra frigora & gelu, ac feram seuam-  
que hyemē, uites maxima parte anni, sub niuibus hu-  
mo coniecta iaceant, quum nulla his contra immodica  
frigora tempestatesque firmitas sit, utpote in tractu ge-  
lidissimo, prorsus algore intereant. Eas demum liqua-  
tis niuibus, aestate anni ingruente, & calore cali, mi-  
rificè germinare, & frondes geniculatas emittere, sed  
uini parum effundere. Interque eas nonnullas, nescio  
qua calī teperie, seu occulta et ceca origine, uites exi-  
stere peculiari miraculo & admirationis præcipua:  
quæ clauiculos & plerunq; candicantia folia ex pu-  
ro auro germinent, & simul coalescant, illosq; uidisse  
& manibus attrectasse, regibusque & summis duci-  
bus unā cum palmitē uitis rimoso cortice, dono datos;  
ingenti miraculo fuisse: neque id ubique & passim, sed  
alijs atque alijs in locis, & modò hic, modò alibi for-  
tuito euentu, & prout natura libitū fuit, euenire: idq;  
apud incolas pro ostēto minime haberi: sed quia in lo-  
cis pluribus id accidere soleat, quasi inter quotidiana  
& frequētia reputari. Cuius rei causam quærentibus  
nobis, et plerosq; eruditos consulētibus physica nō ig-  
natos, qui naturalium rerū momēta & causas didicere,



nemo eorum quisquam satis exploratam ferre sententiam, aut quaestioni satisfacere uisus fuit: adeo difficiles causas explicatus quae habebat, nisi quod ex contagio terrae & glebae, ubi haec prouexere, quum ibi aurifodinas esse certum sit, subtus in radicibus coalescere aurum, & unum ingenitum & condensatum occulta uel origine, dum germina emittunt, mirabili natura constituto aut decreto stellarum, aurum simul erumpere, et ita germina concipere, frondesque aureas emittere crediderunt: sicut in Scythia autores tradunt, in montibus ubi minium effoditur, ex terrae contagione & calimoderamine extare rubras niues. Iunius Dentatus Parthenopeus, ingenio ornatissimo, uir apprimè nobilis et eruditus, quo cum mihi à primo aetatis gradu uetus & magna amicitia fuit, referre solebat, pleraque prodigiosa & admirabilia, inter quae miraculum ingens, In penitissimis oris Britanniae & sinu intimo, ubi aestus effusi Oceani, secundum & reciproci ad Luna augmenta & damna, ac frequentes fluxus maris & refluxus haud secus quam tempestas statis uicibus littora infestant, ab autoribus memorati existunt, saepe malos & nauium carinas uetustate tabescentes, ad littora expositos, & diutina aqua madefactos, quosdam ueluti fungos breui pediculo, iuxta aquas gignere, paulatimque adlescere inter fluctus, lapsisque diebus etiam moueri, sed tamen à trunco minime diuelli. Interiecto deinde tempore, uelut ad iustam magnitudinem peruenerint, mirum dictu tradit, quod omnem superat fidem, fungos eiusmodi ita genitos, à trunco sponte euelli, mox alis emissis, & penniculis gnatis euolare, et marinas aues existere, uescique pisciculis littoralibus, perque

perque maria passim enatare: pariterque apud incol-  
 las mirū nō haberi: sed quia passim id euenire soleat,  
 quotidiano usu miraculum esse desinere. Hac inquam  
 mirifica uiderentur, nisi monstrifica esse ubiq; solertis  
 prouidentisq; naturæ opera experimento uideremus.  
 Ita enim parēs natura comparauit, & opus fabricata  
 est, ut sub orbe diuersissimo, pleraq; dictu admirabilia,  
 ex cedenia fidem, inexplicabili difficultate gignātur.  
 Nam quis crederet quod Aristoteles, Cicero & Plinius  
 tradunt, in Ponto Euxino apud Hypanim fluiuium te-  
 nues membranas acinorum modo innasci arboribus,  
 ex quibus mox uolucris quadrupes, quæ ultra diē ui-  
 talis non sit, erūpere conspiciatur? Aut quod idem scri-  
 bit Aristoteles περὶ θαυμασιῶν ἀνυσμάτων, in Cypro ge-  
 nus quoddam gigni æris, auro non absimilis, quod in  
 frustra minutissima concisum agricola serant, mox ad  
 pluuiam exoriri & coalescere, & postquā adoleuerit  
 ad iustam maturitatem, colligi & recondi? Vel quod  
 idem compertum in Iberia dicit, pastores quandoque  
 syluam incendiisse, mox tellure conscissa, multum ar-  
 genti deliquati effudisse, iudicatumq; esse, glebam re-  
 fertam uenulis, orichalcū argentumq; educere? aliaq;  
 quæ arduæ sunt explicationis & difficultatis immen-  
 sæ? Atque, ut reliqua omittantur, nōne usu quotidia-  
 no assiduoq; experimento didicimus, ex minimis par-  
 uisq; seminibus leui calore fotis, animari uermiculos  
 mirabili cōstituto, qui fronde cōtecti & educati, pauld  
 post quum adoleuerint, Sericum, unde nobis preciosar-  
 um uestium usus est, ex se emittant, & demum quū  
 adulti fuerint, gignant ex se cucullos & follicula, in  
 quibus reconditi immoriātur, indeq; enascātur papi-

liones candiduli, qui inuicem nexi, pariunt semina, ex quibus denuo nasci queant? Ista quidē frequenti apud nos spectaculo quasi quotidiana uiluerit: quæ si alijs referatur, quibus hæc incomperta sunt, prorsus incredibilia, & fide caritura, ac fictis sermonibus similia haud dubiè uideretur. In qua quidē re mirari succurrit, quod Procopius Græcus autor literis & monumentis recentium historiarū prodidit, Iustiniani tēporibus commentū hoc Serici, solerti ingenio quæsitū, primū in Italiam allatum fuisse, quum antea incompertū foret & incognitum. Cuius dicto licet coniectari, Sericeas uestes ex uermiculis, quales hodie uisuntur, apud prius seculū et ueteres Romanorū nō fuisse, licet byssus et purpura ac uestes Sericæ, dissimili uidelicet licio contextæ, omniū sermonibus celebratæ sint, quod ex frondium canicie depectūt Seres: byssumq; apud Indos frequentē gigni tradūt, ex arbore populo haud dissimili, folijs uero salici: quē in Græcia etiam nasci Pausanias p̄dit: apud eosq; lanigeras arbores florē emittere cum nucleo, quo detractō, reliquū ut lana carminetur: atq; in Persicis insulis arbores instar cotonei mali, cucurbitas emittere, quæ mox ruptæ, lanuginis pilos ostendāt, ex quibus conficiuntur uestes: & in Atlate arbores nasci, quarū coma lanugine uestiuntur, quæ Sericis uelleribus non cedant. Quod nobis quoq; satis probabile, nec à fide deuīū uideretur: nisi apud Indos & Aegyptios bombycem Coam intexere uermes, qui arancarū more fila deducant, multiplici lectiōe uideremus.

Locus ex Iuuenale declaratur, & quotuplex apud ueteres libertatis genus fuerit, qualiterq; ciuitas amittebatur uel dabatur. Caput. X.

IN

IN Iuuenalis satyra quinta, qua in eos inuehitur, qui potentiorum sectatores fiunt, hos uersus postremos meminimus legisse:

Omnia ferre

- » Si potes & debes, pulsandum uertice raso
- » Præbebis quandoque caput, nec dura timebis
- » Flagra pati, his epulis & tali dignus amico.

Quos plerique parum docti grammatici, uerborum inuolucro interpretati, ita studiosos demorantur, ut non sit facile aestimare, quæ tandem auctoris mens, & qui uerborum sensus existat: qui tamen si explorato iudicio exponantur, profecto manifesti aperti que fient. Et licet aliud alij autument eruditiores, huic ego opinioni accederem, quæ magis ex contextu uerborum redundat: Quod quum antea multis criminationibus illos qui mensas potentiorum sectantur, & aliena quadra student uiuere, poeta fuerit insectatus: post multa quæ sub alieno imperio digna atque indigna pati necesse est, ut tandem se in libertatem uindicerent, & iugum quod imperiosi domini ferendo seruitium, sponte subierant, demum è collo discutiant, suadendo concludat: quodque pulsandum caput uertice raso, probè arbitratur: scilicet modum, quo liber quispiam à pratore fit, designauit. Fuit enim antiqui moris, ut qui ex seruitute in libertatem uocabatur, raso capite ad pratorē itaret, apud quem bis terque caput percussus, uel per licitorē percuti iussus, uirgula quæ uindicta dicta est, aut festuca in eum iacta, quum eum uertisset dominus, pratoris iussu seruitute eximeretur: quique libertatem eo modo nactus fuerat, manumissus uindicta dicebatur: quo genere manumissionis, libertatem unam & ciuitatem Romanam assequabatur;



scilicet à vindicio Vitelliorum seu Aquiliorum seruo, cuius indicio detecta cōiuratione de opprimēdis consulis, autore T. Liuiio, primus libertate & ciuitate donatus est. Cautumque fuit, ut qui ita libertatem assequuti essent, uindicta manumissi dicerentur. Raso enim capite, tam illi qui liberi fiebant, quasi tempestatē effugissent, quàm qui bello capti, seruitute exēpti fuerant, incedere & triumphantis currum prosequi consuevere. Obseruatumque fuit, ut in templo Feroniæ libertorum deæ, tam serui quàm addicti ex cōpedibus & ergastulo, libertorum munia acciperent. Non ergo inscite, debere eos qui potentioribus tam seruiliter famulantur, caput raso uertice prætori pulsandum præbere, seque in libertatem uindicare, nec dura Vironis flagra patienda esse, poeta censuit: scilicet alludens ad eos, qui ex seruitute à prætoribus manumissi, & libertate donati sunt. Apud Lacedæmonios uerò, qui serui mancipio eximuntur, fronde coronati incedunt, & templa circumeunt: apud quos hi qui à tyrannis liberati erāt, adscripti uocabantur. Sed notandum, apud Romanos libertatum triplices fuisse species: nam plerique manumissi, liberi simul & ciues Romani erāt, quæ maior libertas, & ex uindicta appellatur: alij testamento, uel in æde sacra, aut ante consulem, ut inquit Caius: nonnulli censu fiebant liberi, quo genere manumissionis, etiam ciuitatem Romanam assequebātur. Quum enim soli ciues censerentur, si quis seruus, iubente domino, in censum relatus esset, & liber & ciuis erat: qui tamen census nō ius ciuitatis confirmabat, sed indicabat cum qui census fuisset, pro ciue se gessisse. Quam quidem ciuitatem & libertatem, nisi aut proscriptione solum uerten-

uertendo, aut si aqua & igni interdictū foret, ex decreto senatus, iussuq; populi, nemo inuitus amittebat. Neque enim ciuem Romanum sine autoritate senatus, ciuem esse desinere fas erat, nisi capti ab hostibus fuissent: tunc enim quoad captiui erant, ius ciuium & ciuitatem amittebant: qui si in urbem postea redirent, iura ciuitatis & libertatis postliminio recipiunt: itaq; liberi & ciues Romani fiunt. Fuitque memoria proditum, ut quem pater aut populus uendidisset, uel pater patratus hostibus dedisset, si ab hostibus receptus susceptusque fuisset, cum eo nullum postliminium foret. Quod si is quem pater patratus deuouerat, receptus non sit, cum eo postliminium esse, consentiunt omnes: quum nec deditio, nec donatio sine acceptione intelligi possit. Ciuitatem Romanam amitti, si Romanus ciuis urbis alterius iura adsciuerit, multi censuere, quum duarum ciuitatum iure ciuili nemo censeatur ciuis. Animaduersumque est, cum qui ab imperatore ciuitate donatus esset, nunquam ob crimen, populi iudicio fuisse condemnatum: si qui tamen rei capitis agerentur, & ob id solum uerterent, non prius ciuitatem amisisse censebantur, quam essent recepti in eam, quod uertendi soli causa uenerant: idque non ademptione ciuitatis, sed aqua & ignis interdictione fieri. Hanc uero ciuitatem à principio parcissimè populus Romanus dabat: quippe Crasso & Scauola consulibus, ne ius ciuitatis in colluione & quasi promiscuum foret, cautum fuit, ne hi qui ciues Romani non essent, pro ciuib; fierent. Quare Punico ardente bello, Murrina Syracusanus, ob plurima in remp. merita, & quòd in Sicilia cū equitatu transierat ad nostros, ex autoritate

senatus & rogatione populi, ciuitate donatus fuit, loco magni muneris. Mox lege Gellia et Cornelia, ut nisi quibus Cn. Pōpeius ciuitatē dedisset, nemo ciuis fieret, decretū est: quo tempore Theophanem Mityleneum ciuitate donauit pro concione. Antea uerò lege Apuleia, quam Saturninus, cōsule C. Mario, tulisse dicitur, ut in singulas Latinas colonias ternos ciues facere liceret, cautum erat. Deinde lege Pompeia, quā Pompeius Strabo tulit, ueteribus incolis transpadanis idem iuris quod Latinis colonijs, tributū est, quos postea ciuitate donauit. C. quoque Gracchus Italos & Romanos eodem iure cēsuit, quo tempore Italicis populis pluribus ciuitas tributa fuit. Primusq; Fuluius Flaccus consul, Italos ut in ciuitatem assumerentur, excitasse dicitur: deinde Tyrrheni, Lucani et Samnites iure ciuitatis donati fuere. Demum Sylla illorum seruos, qui ciuili bello ceciderant partium suarum, in libertatem uindicauit, & ciues esse uoluit: qui tametsi ius ciuitatis haberent, non tamen cum ueteribus tribubus suffragia ferebant: sed ex illis uelut nouis incolis, alias effecit tribus, in quibus ultimi suffragabantur. ita fiebat, ut ad illos perraro suffragij ius ueniret. Quæ omnia post ciuile bellum, quum rerum Sylla potiretur, & summam imperij teneret, sublata & inducta, in melius emendauit. Nam magnæ sibi curæ fuit, non in colluione omnium, neque apud exteros nomen Romanum passim uulgari: ideo populi iussu comitjs centuriatis, singulis municipijs ius ciuitatis, quod antea acceperant, ademit. Quod et Licinia lege et Mutia cauebatur: quippe quū Italiae populi magna pars se pro ciuibus gereret, Licinius Crassus orator, & Mutius scauola pontifex maximus,

*maximus, ut in suum quisque ius rediret, legem de re-*  
*gendis ciuitatibus tulerunt, quum summa cupiditate*  
*ciuitatis Romanæ Italici populi tenerentur: qua lege*  
*ita alienati animi sunt, ut principium belli Italici fue-*  
*rit. Itaq; ius ciuitatis, quod cum infimis antea promi-*  
*scuum erat, apud paucos redundans, optabilius fuit.*  
*D. postea Cæsar medicinam professos, & liberalium*  
*artiū doctores, præcipui muneris loco, ciuitate dona-*  
*uit: qui quum Nonocomensibus ius ciuitatis dedisset,*  
*Marcellus consul id irritū fecit, arreptumq; decurionē*  
*Nonocomensem uirgis in foro pulsauit, præfatus ea de*  
*disse uerba, ne se Romanum ciuem aliquando cense-*  
*ret. Marius quoq; legē tulit, ut nisi ex decreto populi,*  
*nemini in regione esse liceret. Mox Syllæ exēplo, mille*  
*homines Camertes, propter nauatam insigniter operā*  
*in bello, ciuitate donauit. Eratq; constitutum, ut qui in*  
*numero ciuium Romanorum adsciti, quiq; ciuita-*  
*tem Romanam populi iussu assequuti fuerāt, (ne quid*  
*discriminis cum ueris ciuibus foret) pudēdas artes &*  
*homine Romano indignas, non pertractarent, ac mu-*  
*tatis explosisq; ueteribus nominibus, P. Cornelij, Me-*  
*tellorumq; & Claudiorum, aliorumq; nobiliū Ro-*  
*manorum prisca nomina, tanquam ueri ciues & cul-*  
*tu Romano educati, usurparent. Demū Augustus Cæ-*  
*sar uindex maiestatis Romanæ, ne unquam tortus aut*  
*uinctus ullo libertatis genere, ciuitatem nanciscere-*  
*tur, edita lege statuit: ipsamq; parcissimè & uelut*  
*magnum operæ precium largitus fuit. Quod & Clau-*  
*dij Cæsar prohibuit: nam peregrinæ conditionis ho-*  
*mines, gentilia Romanorum nomina assumere uetuit,*  
*ciuitatemq; Romanam usurpantes, securi percussit.*



sed animaduertendū, nō omnes qui in ciuitatem adsciti erant, protinus suffragij ius in tribus habuisse, uel ad magistratus & honores admissos esse: quia nisi ius suffragij à populo his impartiretur, atq; in tribus admissi descriptique fuissent, ad dandos honores promouendosque magistratus, ius suffragij non habebant: siquidem multis dabatur ciuitas sine suffragio, plerisque ius Quiritum, nonnullis libertas, aliquibus ius municipij & fœderis, pluribus ius Latij: alij tanquam coloni, alij stipendiarij & uectigales habiti, nonnulli sponcione in amicitiam recepti fuere. Quam quidem suffragij lationem, sine consulto senatus, solus populus ut beneficium tradebat. Ius uerò Quiritium, primū Archagatho medico cum taberna, in compito Acilio datum fuisse legimus: municipij uerò illis, qui ex alienis ciuitatibus adsciti, munerum Romanæ ciuitatis participes erant, nisi quod ad suffragia ferēda, & magistratus admitti non poterant: sicut Fundanis, Formianis, Cumanis, Acerranis, Lauinijs & Thusculanis, qui haud multò post, in ciuitatem admissi fuere. His nanq; & Căpanis equitibus ciuitas sine suffragio data fuit: quibus postea & Arpinatibus ius suffragij, quod antea negabatur, concessum ferunt. Anagninis quoque ciuitas sine suffragij latione collata est, conciliaque & connubia adempta, magistratibusq; interdictū, præterquam in curandis sacris. Et quum Puteoli, Salernū & Buxentū, pro eo quod adscripti coloni nomina dedissent, se pro ciuibus gererent, senatus iudicauit non esse cines. Nonnunquam qui ex municipijs suo iure & legibus utentes, muneris tantum cum populo Romano participes erant, nullis necessitatibus aut alia lege

lege uel fœdere adstricti, *municipes dicti sunt*: sicut M. Cato senex, T. Coruncanus, C. Marius, M. Tullius & alij. Tertio, qui ad ciuitatem Romanam ita uenerunt, uti *municipia* essent suæ cuiusque ciuitatis & coloniae, ut Tiburtes, Prænestini, Pisani, Vrbinales, Nolani, Bobutineses, Placentini, Napesini, Sutrii, Lucenses. Fuitque obseruatum, ut ita recepti, peregrinorum loco non haberentur, sed *ciuium*. Et tamen sius coloniae, quam *municipij* semper maius & auctius fuerit, quod coloni iura institutaque populi Romani, nihil sui arbitrij habent: *municipes* uero suis utuntur moribus & institutis, sine imperio populi Romani: tamen in coloniam semel auspiciatò deductam, illa incolumi, noua colonia deduci nequit, licet illa existente, noui coloni deduci ualeant. Differt tamen colonia à *municipio*, quia ex ciuitate colonia aliò traducitur, *municipes* uero aliunde in ciuitatem ueniunt. In quo animaduertendum, plura fuisse coloniarum genera: nanque aliae Latinae, aliae *ciuium Romanorum* dictae sunt, aliae ex utrisque, nonnullae ex peditibus uel equitibus, quum in agrum bello captum stirpis augendae causa mittebantur: siquidem Bononia, colonia Latina fuit: Mutina & Parma, *ciuium Romanorum*: Placentia equites solos habuit Latinos, licet Cicero Placentiam *municipium*, non coloniam dicat esse. Eratque constitutum, ut singulae coloniae annuam pensionem populo Romano penderent, tametsi Liuius Drusus tri. pl. duodecim colonias sine onere pensionis deduxisse legatur. Fertur tamen populus Romanus Iliensibus ob generis uetustatem, & quia autores Romanae stirpis fuerant, plenissimam immunitatem de-

disse, ut tutela curaque excusationem haberent: Ty-  
 rius uero libertatem, sicut Atheniensibus, & Thessa-  
 lonicis, quibus etiam diuus Seuerus ob egregiam fi-  
 dem Italicum ius dedit. Cyzicenis uero, quum Mithri-  
 datico bello ob insignem operam libertatem meruis-  
 sent, postea Tiberius Caesar, quod insolenter in ciues  
 Romanos se gessissent, libertatem ademit, & stipen-  
 diarios fecit. Nero quoque uniuersa Achaia liberta-  
 tem dedit, Graciamque liberam dimisit, & nationes  
 Alpium maritimas in ius Latij transtulit. Ex insulis  
 uero, Cephalenia, Zacynthus, Aegina, liberae fuere: in  
 Aphrica, Carthago, Leptis, Adruma, Rhusspinum, Ta-  
 psus: quae etiam a diuo Seuero & Antonino iuris Ita-  
 lici factae sunt. Otho Lingonibus uniuersis ciuitatem  
 dedit. Ex finitimis, Ostia, Antium, Minturna, Tarracina,  
 & aliae plures, militiae aliorumque munerum  
 uacatione fungebantur. In Sicilia, quia prima omnium  
 prouincia facta est, Mamertina ciuitas & Tauromi-  
 nitana, foederatae: liberae uero & immunes, Centuri-  
 pinum, Alexina, Segestana, Aletiensis, & Panormi-  
 tana. Inter quas, Centuripini & Segestani Latinita-  
 tis iura obtinebant. Eratque uetus mos, ut qui ius La-  
 tij haberent, alios sumere magistratus aut praesides  
 non teneretur, nisi Romanos ciues. Nemausenses enim  
 quum ius Latij obtinerent, ad adilitatem & quaestura-  
 ram aliosque honores, nullos nisi Romanos ciues ad-  
 misere. Postea liberalitate populi Romani, ex omni  
 genere, omniq; natione terrarum, benemeritos de no-  
 mine Romano, quorum uirtus enituit, in ciuitatem  
 adsciscere, & fide ac societate iungere, usus inualuit.  
 Estque inter exempla, non stipendarios modo, sed ho-  
 stes

stes populi Romani, qui ad nostros imperatores profugissent, aut magno usui reip. fuissent, quin etiam seruos bene de rep. meritos, ciuitate donatos esse. Itaque Thusculanos, Aequos, Volscos, Hernicos bello uictos, post uictoriam ciuium numero Ro. adsciuerunt, suæque tutelæ duxere, & ueluti patroni clientes, in fidem ac cepere, cognationeque & hospitio iunxere. Sic Iulios Alba, Coruncanos Camerino, Porcios Tusculo oriundos, in senatum acciuerunt. Lapsis deinde temporibus, latius hoc ius propagatum fuit, ita ut in Hispania oppida Latio antiquitus donata, undetriginta numerentur: libertate, sex: fœdere, tres: stipendiaria, centum niginti. In citeriori uerò, oppida ciuium Romanorum, tredecim: Latinorum ueterum, octodecim fuerunt, fœderatum unum, stipendiaria ceterum tringintaquinque: inter quas, Pacenses & Emeracenses in Lusitania iuris Italici fuere. in Aphrica ciuium Romanorum, quindecim. Denique rep. uarijs casibus agitata, Vespasianus uniuersæ Hispaniæ ius Latij tribuit. Otho Lingonibus uniuersis ciuitatem dedit. Claudius uero Cæsar, omnes Græcos, Gallos, Hispanos, Britannos, Sauromatas, ciuitate donare, & togatos uidere statuit. Quinetiam non modo in iura ciuium, sed in imperium saepe externos Romani adsciuerunt. Primus enim Traianus externus, & deinceps alij ad imperium promoti feruntur. Solon uero Atheniensibus, præter eos qui sacra & genus aut stirpem antiquissimam haberent, ius ciuitatis nulli peregrino dari mandauit, nisi ei qui aut perpetuo exilio patria pulsus esset, aut alicuius artis causa cum penatibus & domo Athenas commigrasset. Postea Pericles legem tulit, ut hi soli Athenienses



fierent, qui utroque parente Atheniensi ciue nati forent: in tantum, ut Euagoras uix propter multiplicia beneficia, ciuitate donari meruerit. Qui etiam autor fuit, ut ex non legitimo matrimonio editi, ciuium non censerentur numero: licet contra legem à se editam, illegitimum filium sibi superstitem, ciuis loco haberi uoluerit. Deinde inquilini, & aduentitiū passim in ciuitatem adsciti fuere, coacti, tributum nomine drachmas duodecim quotannis pendere: fœminæ uero, sex. Lacedæmonij uero Lycurgi legibus, & Thebani nouos incolas & peregrinam stirpem non admisere: sed ius ciuitatis et urbis usum peregrinis interdixere, uictosque armis pro alienis arcuere. Finitimos tamen, quos Helotas nuncupant, pari iure uixisse, & à Procli & Euristhenis Heracidibus descendentes, in ciuitatem adscitos fuisse comperimus. Quinetiam peregrinis spartam adire, omni tempore non licuit, quod illorum commercia uitarent: quare Darinoxeni, quasi fallentes hospitem, dicti sunt. Nec solum spartæ peregrinos & conuenas non admiserunt: sed si quis ciuis spartæ discedens, apud externos moraretur, capite luebat: quibus nec peregrinari licitum erat, ne uersutias & dolos à peregrinis haurirent. Neque aliud Lacedæmoniis & Atheniensibus fuisse fertur exitio, (quāquam multum armis ualerent) nisi quod uictos bello, osos haberent, nulloque commercij iure dignos ducerent. Qua de re Phocion Atheniēsis subiratus fuit, quod filium spartam ad peregrina noscēda instituta dimisissent. Tirteum tamen poetam Lacedæmonij ciuitate donarunt, cōtra instituta maiorum: quod ideo factum Pausanias ait, nequando illis obijci posset, quod peregrino

grino duce usi fuissent. Atheniensibus quandoque lege cautum fuit, ne quis Atheniensem Megaram pedem inferret, multa capitis indicta, quod odio eos prosequerentur perniciali: pœnis, si quis ui tempestatis, aut hostium impetu ad eorum littora applicuisset, intra quintum diem abire cogebatur. Carthaginenses quoque adeo peregrinos osos habebant, ut qui in Sardiniam aut Herculis columnas adnauigabant, mari demergerent, quod de Scythiis quoque proditum est, qui adeo peregrinos insectati fuerunt, ut eos omni uitæ commercio prohiberēt: Anacharsim, quod sacra Græco more faceret, occiderint. Idem de Scythotauris, qui pro hostijs aduenas immolabant, proditum est. Inter ceteros feruntur Camphasantes in intimis Libya oris, adeo hominum commercia fugere, ut nulli se peregrino misceri sinant: & Seres, qui cætus & congressus fugiunt hominum, ita ut rerum precia oculis æstimantes, sua tradant, aliena non emant: scilicet arbitrati, iura ciuium cum peregrinis communicari non oportere. Apud Indos quoque, nisi triduo, hospitem diuertere non licebat, ne ciues lōgo usu dissimiles mores imbuerent, & in alienas leges ritusque transfirent. In Aegypto quoque apud Busirim & Cynopolim, hospites non diuertebant, neque admittebantur alieni. qui omnibus ferè barbaris mos exoletus erat, ut hospites finibus pellerent. Claudius quoque Cæsar, peregrinos ferre gētilia Romanorum nomina uetuit edicto. Proditumque est de Epidaurijs mirum, quod quum Illyricos mores osos haberent, nec illorum commercia uitare possent, ut se à contagione accolarum seruarent immunes, ita canisse, ut unum seligerent ætate grauem,

qui solus ad illos penetraret, cum quo commercium haberent, quem poletem dixerunt. Contra uero Germanis ius hospitij sanctissimum erat, hospitijque ita enixe indulgebant, ut quenquam hospitium cum quo mensa fuisset communis & sacrificia, arcere tecto, aut auersari, nefas ducerent. Idem apud Lucanos, quibus lege cauebatur, ut si quis Sole occaso, diuertentes hospites notos ignotosque domo exigeret, ~~negotios~~ teneretur, multamque eo nomine pendere cogeretur. Calabri quoque hospites comi hospitio benignè inuitant, pira illis affatim apponendo. Traditum tamen memoria est, quum inter Megarenses & Corinthios de imperio certaretur, captiuos in bello tam leniter habuisse, ut illos uelut hospites inuicem tractarent, & sine precio dimissos, dorixenos appellarent. Illis enim Iupiter ~~ἐν~~ in præcipuo cultu erat, id est hospitalis. Quare milites cum hostibus extra aciem familiaria iura seruabant, in acie uero pugnabant uehementissime. Græcis quoque dissimiles & longè dispares libertatis species fuere: siquidem non pari libertate fruuntur, aut uectigali & tributo premuntur omnes: quippe Tenedij & Hæmij uectigales erant: Chij tributorum immunes & liberi, nauibus tantummodo præstandis obnoxij: Cythera Laconia insula, hoc tantum premebatur onere, ut è sparta præfectum quotannis acciperet, ad reddendum iura. Lacones præter amicorum ministeria, aliud nihil tributi nomine pendebant. Vici quoque circa Babyloniam ad præbenda cibaria canibus regum cogeantur, reliquis exempti oneribus. Aethiopes uero tertio quoque anno, binas semodios auri rudis Dariò regi pendere dicuntur, du-  
cenos

centos fasces ebeni, quinos pueros, & elephantorum dentes uicenos: sicut Colchi centenos pueros, & totidem uirgines, reliquorum tributorum immunes. Indi autem equali omnes premuntur onere: nam quartam fructuum partem regibus annis singulis pendere coguntur. Syri (ut inquit Vlpianus) à quartodecimo mensculi, à duodecimo fœminæ ad quintum & sexagesimum annum, tributa conferunt. Leptis in Aphrica tantum uestigialibus ualuit, ut singula indies talenta Carthaginensibus uestigial penderet. Sicut ex effusione aeris in Macedonia, singula talenta in singulos dies Alexandro pendebantur. Et Babylon regi Persarum, singulis diebus singulas argento plenas artabas soluebat. Apud Romanos uero qui populi liberi erant, tributum nihil conferebant: stipendiarii autem, ad militum opus, stipendia pendere cogebantur: licet ex Caesaribus plerique uestigialia noua & inaudita proposuerint, ut pro edulys quæ tota urbe uenirent, pro litibus atque iudijs quadragesimam summæ: sicut Caligula exegit ex gerulis octauam, ex prostitutis quantum uenæque uno concubitu mereret. Vespasianus quoque uestigialia reuocauit noua, & graua provinciis auxit. Alexander Seuerus brachariorum, linteonum, citrariorum, pellionum, plaustrariorum, argentariorum, aurificum, & aliarum artium uestigial instituit: ex quo thermas quas fundauerat, pluribus usibus ornauit. Antiquis etiam Romanorum, ex agris & noualibus decima seminum dabatur, uestigialis nomine: nanque aratores decimam frumenti populo Romano pendere cogebantur. Tiberius Caesar centesimam rerum uenalium, in ducetesimam relaxasse dicitur;



Et Nero in initio sui principatus, quo gratiam popula-  
rem aucuparetur, quintam & uigesimam uenaliū  
mancipiorum remisisse, & Traianus uetigal uigesi-  
marum sustulisse: Proditumque memoriæ est, quum in  
dubium ueniret, qui liberi essent populi, quū stipen-  
diarū, à M. Antonio publicos tabellarios institutos, ut  
si in prouincia quisspiam causam liberalem diceret, per  
eos testationes libertatis, & alia immunitatis docu-  
menta Romam ferrent. Minorem uero libertatem, seu  
mediam, ū assequi dicebantur, qui manu à pratore e-  
missi, non Romani ciues, sed Latini nominis tantum ex  
lege Iunia Norbana fiebant: uel suprema uoluntate  
domini testamento, si eum hoc expresso manumisisset:  
aut si inter amicos dextra apprehensum, ad se conuer-  
tens, liberum esse iussisset. Hi enim his immunitatibus,  
quæ Latinis populis societate & fœdere iunctis in-  
dulta erant, fungebantur. Nam & in urbe ut Latini  
censebantur, & in castris ut milites ex Latinis colo-  
nijs, non ut externi aut leuium armorum auxiliarij,  
stipendia merebant. Fuitque obseruatum, ut qui ius  
ciuitatis haberet, si Latinas colonias incoletet, non i-  
deo solum uertisse, aut ius ciuitatis amisisse putaretur.  
Et quanuis in Romanis castris, qui militabant, si quid  
deliquissent, si externi, flagellis & uirgis: si uero Ro-  
mani ciues forent, uitibus caderentur: tamen Liuius  
Drusus & C. Gracchus tribuni. pl. ne liceret quem-  
piam Latini nominis uirgis afficere, sed uitibus, plebi-  
scito sanxerunt, in hac re Latinos populos Romanis  
coequantes. Tertiam denique libertatem, quam mi-  
nimam dixere, assequuntur hi, qui manumissi, nec ci-  
uitatem, nec ius Latij habentes, dedititiorum numero

consentur: qui nullis privilegijs fulti, uiuentes liberi erant, & uelut ingenui, munia publica priuataque obire, magistratusque & cetera dignitatis ornamenta, quae libero debentur, assequi poterant: morientes autem, uitam unà & libertatem amittebant: ideo decedentes, neque testari poterant, neque post obitum de bonis disponere, prater patroni uoluntatem, adeo ut eorum bonis, quasi serui peculio, manumissores potirentur. Quod etiam cum Latina libertatis hominibus multi commune dixerunt. Fuere autem dedititij, qui uicti armis, & in fidem recepti, tantum ne seruirent, neue sub mancipio essent, immunes facti sunt: cuius etiam generis feruntur serui, qui post admissa crimina, supplicijs subditi, aut publice pro criminibus cæsi, uel in quorum facie notæ seruitutis impressæ fuerant. Diuque hæc discrimina libertatum & dissimiles species fuere: donec sequuti principes, pertasi multiplices uariasque libertates dari, ueteribus legibus abrogatis, nouis que adscitis & cooptatis, ex æquato omnium iure, statuerunt, ut manumissi apud prætorem plenam assequantur ciuitatem & libertatem: unde abusus inualuit postea, deprauatis moribus, ut multi serui per rapinas & furta quæsitis pecunijs libertatem à dominis emerent, statimque liberi & ciues Romani fierent.

Qui fuerit modus consulendi senatus, & ubi haberi, & quo pacto suffragia ferri solerent, & quid apud externos,

Capitulum XI.

SENATORES à Romulo centum creatos fuisse, qui ob honorem patres, eorumque progenies patritij dicti sunt: quorum consilio respublica niteretur domi forisque, multi prodidere. Deinde communicata urbe

cum Sabinis & Tatio, idem Romulus alios centum legit in patres, explens numerum ducentorum. Postea Tarquinius Priscus, in orbitate senatus legisse centum alios fertur, minorum gentium appellatos, tametsi à Bruto familias minorum gentium inuentas nonnulli credāt. Primus enim Valerius Publicola, post exactos reges, patrum numerū à Superbo cædibus imminutum expleuit, & amplissimum ordinem auxit, quatuor & sexaginta supra centum ex equestri ordine in concilium cooptatis, ita ut trecentorum numerum faceret, qui adlecti dicti sunt. Quos enim post exterminatos reges, ætate graues, spectataque probitatis uidebant, senatui tanquam grauissimo sanctissimoque concilio adscribebant. Quibus quum alij in locum decedentium suffecti, & in senatum literis adscripti essent, conscriptos uocarunt, modo plures, modo pauciores, ita ut frequēs senatus, & quicquid erat patrum, ex ferè trecentis senatoribus constaret. Et quum Iulius Cæsar supra mille senatores, belli casibus imminuto ordini adsciuiisset, Augustus Octavius selectos & perpurgatos duabus lectionibus, remotis indignissimis, in pristinum decorem reuocauit. Hi que ueluti præfides & reip. custodes, tantæ autoritatis fuere, ut si populus regem aut magistratum quempiam iussisset, id sic ratum foret, si senatus autor fieret. Leges quoque à populo latæ, haud aliter ratæ fuerunt, quàm si patrum consensu approbarètur. In reliquis uero ita præscripta senatus potestas erat, ut iudicium populi autoritate senatus rescindi nō posset. Athenis uero senatus fuit quingentorum, qui unā cum tribanis & quæstoribus, senesque cum iunioribus, de rebus singulis docernebant.

Postea

Postea areopagita sanctior senatus à Solone delectus est: quorum consilio librata moderatione, ciuitatis iura seruabantur, bella indicebantur, lites explicabantur. Nonnunquam Eumolpida & praecones publico concilio praefuere. Maximū uero, à mille & quadringētis gerebatur, cui Arnophorō dixere nomen: in quo una & senatus & populus aderat. Lacedaemoniorum senatus ex duodeviginti senibus constabat, qui nisi sexagesimum implessent annum, in senatum adscribi non poterant. Apud Epidaurios centum octoginta remp. administrabant, ex quibus nobilissimos popularium deligebāt senatores, quos Artinos uocabat, & Conipodes. Carthaginiesibus pro senatu praefuere seniores, nonnunquam iudicum ordo, qui perpetuus erat magistratus, & nunquam nisi cum uita desinebat. Caro apud Vticam trecentorum cōcilium legit: Massilienses sexcētos, quos Thymuchos appellant: ex quibus quindecim principes, tres praesides erant, autoritate & opibus lōgè primi: nemoque Thymuchos fieri poterat, nisi qui iustos filios haberet. In Gnido sexaginta praefuere ex optimatibus, Amnemonēs appellati, ad quos de rebus maximis referebant: qui uero sententiam rogabat, Aphester dictus est. Achae commune concilium, Arnarion uocarunt: qui de rebus publicis consulturi, in Iouis luco Aenarion coibant, cui decem praesidebant, quos Demiurgos uocatos ferunt. Sicut Bithyni & Galata concilium trecentorum, in locum Dryminetum aduocabant. Apud Argiuos octoginta uiri. Idem apud Mantienses. In Elide autem, sexaginta senatus uice fungebantur. Cretenses decem habuere praefectos,



qui de rebus maximis decernebant. Apud Bithynos minorem annis triginta, in senatum adsciscere non licet. Aetolorum conciliū multiplex fuit, quod Apocletum nuncupāt. Maximum uero Crotoniatarum concilium erat, nec facile explicatu, & turbulenta confusio- nis, in quo si quid consultò statuendum erat, mille delectos consulebāt uiros, ubi prae tumultu minus decerni quicquam lege poterat. Sicut apud Seres, maximus ordo ex quinque millibus consiliarijs fiebat, qui in apparatu belli elephantem singuli praestare tenebantur. Q. Hortensius tribunus pl. deinde Philo dictator legem tulere, ut plebiscita omnes Quirites teneret, utque leges à populo latae, ritè promulgatae non essent, nisi post initum populi suffragium, patres aures fieret. A primo uerò urbis ortu, post exactos reges, de nulla re populus diiudicasse, aut suffragia tulisse traditur, nisi ex consulto senatus. Prius enim iubebat populus, deinde confirmabat senatus, quod aeo subsequente fieri desitum est: nam de his quae plebs sciuit, non senatus, ut prius, diiudicabat, sed deprauato usu, de his quae senatus cognouerat, populus iudex erat; quod à Lacedaemonijs seruari meminimus, ut sententiam, quam senatores regesque censuerant, populo decernendi corrigendi que facultas foret, iubente Lycurgo, qui cooptandi senatus, & legendi quos uellet magistratus, ius populo dedit. Cōtra Athenienses, iubente Alcibiade: nam omne regimen & summam imperij à populo ad senatum transtulere. Sylla quoque dum rerum potiretur, trecentos legit senatores, sanxitque ut nisi ex consulto senatus, nihil ad populum ferretur. Erat igitur senatoris officium, tam de promouendis ma-  
gistra-

gistratibus, prouincijsque administrandis, quàm de bellis, triumphis, supplicationibusque decernendis, deque praesidibus in prouincias, & auxilijs summittendis, de lege, de fœdere & pactiõibus, ac tota gerenda rep. liberè sentire, ac fortem constàtemque sententiam dicere. Neque enim in administranda rep. gerendoque imperio, quicquam bello uel pace decerni poterat, nisi patrum autoritate & decreto senatus. Quippe senatui de rebus omnibus decernendi libera facultas erat, nisi in magistratibus creandis, & legibus sancieendis, aut si in hostes arma mouenda, uel à bello recedendum, pacesque & fœdera inenda forent: tunc enim sine populi iussu, senatum nihil sentire uel decernere posse liquet. Prouinciarum tamen decernendarum, imperatorisque deligendi iudicium, atque ararij dispensandi munus, ad senatum sine populo semper spectasse, nemo dubitauit: tametsi populum Romanum contra senatus decreta, prouincias nonnunquam demandasse legamus. pacta quoque sponsionesque iniussu populi facta, etsi per senatum postulata aut consules, populum non tenere, nulliusque roboris esse haud dubium est. Senatores quoque, uel à dictatore, legendi senatus causa, uel à censoribus, seu triumuiris, qui ius legendi senatus habebat, & eos ex gente patritia, Romanos primum ciues, summa dignitate & amplis honoribus functos, legi & cooptari solitos inuenimus: deinde, ex ordine equestri: postremo, plebeios & ultimæ sortis, per gratiam & libidinem, census habita ratione, non morum: nonnunquam libertinorum filios. Appius enim Claudius Cæcus, dum censuram ageret, filijs libertinorum in senatum adscitis, ordinem inquinasse dicitur pri-

mus. Nec longo post interuallo, extera gētes & transalpina nationes, senatorum iura in urbe adipisci, & in senatum admitti meruere. Primiūque Hedui, qui iura fraternitatis cum Romanis habebant: deinde alij illorum exemplo admissi in senatum, & ius suffragij habuisse feruntur. Nero uero, quanuis princeps & furibundus, libertinorum filios diu in curiam non adsciuit, admissosque gradu deiecit. Augustus Octauius tanti senatores fecit, ut singulos nominatim sedentes in curia salutarer: & discedens, nullo se mouente, uale diceret. Vespasianus quoque non oportere maledici senatori, remaledici autem ius esse respondit. Alexander Seuerus imperator nullum in senatum admisit, neque laticlauum ademit, aut pœna affici passus fuit, nisi de consilio senatus. Quod diuus Nerua & Hadrianus iurauerat, se nunquam senatorem, nisi ex consulto senatus, puniturum: qui cum libertum suum inter duos senatores medium ambulantem uidisset, misit qui illum colapho caderet, indignum arbitratus, præripere illis honorem, quorum poterat esse seruus. Tantaque dignationis habiti sunt, ut Tiberius Cæsar illis quandoque assurgeret, & de uia decederet. Claudius quoque tanti senatores fecit, ut de maiore negocio acturus in senatu, medius inter consulum sellas tribunitio subsellio federet. Contrà, Heliogabalus uniuersum senatum adeo flocci fecit, ut senatores omnes urbe expulerit, illosque seruos togatos esse dixerit. Qui tamen non statim, ut in senatum lecti erant, ius suffragij habebant: siquidem qui in postremis scripti fuerant, neque suffragari, neque per se censere aliquid poterant: sed in sententiam quam princeps

ceps in senatu dixisset, ire oportebat. Si qui tamen præturam censuramque, aut alios magistratus non senatores gessissent, ius propterea suffragandi, aut in curiam eundi non habebant. Non enim quia prætore aut quæstor fuerat, ideo in senatum admitti, aut publici concilij particeps fieri poterat: neque is senator, cui abrogatum imperium fuisset. Siquidem L. Cassius tribunus plebis, C. Mario & L. Flacco consulibus, legem tulit, ut quem populus damnasset, is de gradu deiectus, ius in senatum ueniendi, aut suffragandi non haberet. Senatores quoque qui honoribus functi essent, quique curules gesserant magistratus, curulisella in senatum & curiam uehi, & cum sceptris, si duces aut uiri consulares fuissent: qui uerò non gessissent, pedibus ire in curiam, & quod uidebatur e re publica, censere: & ideo pedarios nuncupari perspectum est: qui tametsi in senatu deesse non solerent, cum de triumphis aut supplicationibus agitur, tamen si cum senatus cogendus foret, ad consulis editum non conuenirent, aut contumacius parerent, pignoribus & multa plectebantur. Si qui tamen senatores quintum & sexagesimum annum ætatis excessissent, eos cogi inuitos, aut contumaces pignore uel pecunia plecti non decebat. Senatori enim sexagenario ad eam ætatem in senatum non uenisse, nulli fraudi fuit: semper tamen in senatum frequentem uenisse, & fortem sententiam dixisse, boni senatoris est habitum. Fertur uerò Cato iunior, tametsi annis grauior esset, cum in eo uigeret uis ingenij consilijque, nulla re, nulloque negotio adduci potuisse, ut in frequentem senatum uenire moraretur. sicut de Nicia ferebatur.



qui assiduus semper in Atheniensium senatu erat. Tametsi senatores plerunque in senaculo stationem habere, & inde citato gradu, non expectato edicto, in curiam ire solitos legamus. Sed animaduertendum, non cuicumque conuocandi senatus uel consultum faciendi ius potestatemque fuisse: quia solis magistratibus, qui uocationem prehensionemque habebant, ut dictatori, consuli & pratori, aut tribuno plebis, tribunoque militari, uel urbis prefecto aut interregi, conuocandi senatus ius potestasque fuit. priuatis enim hominibus aduocandi senatus facultas non dabatur. Neque in loco prophano senatores conuenire ad consultandum, sed in loco augusto & sacro, & ubi deorum templa essent: neque ante lucem uel post occasum diei factum senatusconsultum, ualere aut ratum esse liquet: debereque prius auspiciari, & ab ingressu hostias immolari apud aram illius dei, in cuius templo conuenerent: quorum exta tribunis aerarijs uenire mos erat: uel sicut Augustus cœsui, thure & mero supplicare, ut rite senatusconsultum fiat, exemplo Atheniensium, qui omnibus publicis concilijs Mantes sacerdotes, qui sacra facerent, adhibebant: & Lacedæmoniorum, qui senatui semper augurem adesse uoluere. Senatusque consultum uel per singulorum sententias exquisitas, & per calculos coniectos in urnas, quum de quoquo negotio quid quisque sentit consulitur, & suo loco rogatus sententiam dicit, aut quum uerbo assentitur, fieri adnotatum est: & in perrogandis sententijs, post relationem consulis, debere à consulari gradu incipi, & principem in senatu aut consulem designatum, prius, deinde ordine reliquos rogari. Nonnunquam obser-

obseruatum est, ut ex consularibus auo maximi rogarentur primi, deinde inferiores: iuuenes uerò uix rogari, quasi pudor esset, iuuenem sene sapientiore m uideri. Et si certaretur sententijs, nec satis liqueret, tunc uel differri consultationem, uel si dua senatum distinerent sententiæ, cum aliud aliq censeat, id quod senatus maxima pars decerneret, id ratu fieri: aut si non probaretur, sententiam diuidi: hoc erat, ut si plures causæ in disquisitionem uenirent, ut de singulis referatur, postulare: et quod in parte placeret, id sequi: uel per discessionem, tunc cum unius exquisito uoto, ceteri qui in suffragium ituri erant, in illius sententiâ pedibus irerent: uel si manum porrigerent, aut cum descripto sententiâ diceret. In quo id fuit traditu, ut de diuinis rebus prius, et de repub. infinite, aut singulis rebus finite, ad senatum referatur, si quid publici priuatiq negotij foret statuendu. Nonnunquam licuit senatori, priusquam ordine sententiæ rogarentur, postulare, ut extra ordinem de repub. dicere liceret. Apud Athenienses uerò in frequenti senatu pro cuiusque ætate sententiæ rogabantur. Regibus autem Lacedæmoniorum binos calculos ponendi, cum sententiam dicunt in senatu, facultas erat: tertiu uerò, si quid pro se decerni uellent. Græcis & plerisque gentibus fabis suffragia dabantur. Syracusanis nemo sententiam dicit rogatus, sed ut quisq; ætate & honore anteit, ita sua sponte quid sui consilij sit, in medium affert, non rogatus: aut si tacent omnes, sorte dicere coguntur: quibus in usu erat, ut in concionem prodituri, per literarum elementa sorte educerentur. Quare Dionysius proditurus, cum M sortitus fuisset, futuram sibi monarchiam cauillatus est. Lycurgus

nerò, cùm essent adolescentes loquaciores, & in concilijs obstreperent, cauit edicto, ut nemo in foro, nec in publico confesso diceret, nisi rogatus. Apud Heduos fuit constitutum, ut qui in senatu sententiam dicit, ex eadem familia rogare neminem possit, quid esset sententia & opinionis suæ: proditumque memoria est, Germanos cõcilio coacto, si quid quod minus placeret propositũ esset, murmure & fremitu dissentire, & sententiam aspernari: si quid uerò complacitum fuisset, frameas & tela concutere, sonoque armorum & tripudijs approbare. Macedonum quoque fuit mos, ut in publica consultatione si quid improbarent, hastis scuta quatientes obstreperent, & auersarentur. Lacedæmonij summis clamoribus agunt, nec calculis sententiã dicunt, nec admurmuratione suffragia ferũt: aut si cuius partis clamor contentior esset, ut non facile dignoscerent, in duas partes suffragatores transire iubent, ut quæ pars maior esset, animaduerneret. Apud quos usu receptum erat, ut singuli in concionibus baculum ferrent. Belgæ uerò contra: nam si quid publico concilio statuendum erat, miro silentio decernunt: si quis autẽ fremeret aliquo concionante, parte uestis mulctabatur. Gallis & Germanis, ut in publicis consultationibus armati conueniant, & quid facto opus sit decernant, in more fuit: & si tumultuarentur, silentium sacerdotēs indicebant. Apud Tyrios secus: apud quos si quis cum telo concioni interesset, capite luebat. Id tamen Atheniensibus fato datum erat, ut abusi ingenio, si quid publico cõcilio decernendum foret, in deteriorem partem plerunque statuunt, semperq; quod in discrimen adducit, consilium sequantur. Quare uerbum

Anachar-

Anacharsis fuit, sapientes in concionibus sententiam dicere apud Græcos, stultos uerò diiudicare. Persarum uerò mos fertur, inter epulas, postquam uino incaluerant, haud secus quàm reliqui in concionibus, conciliū habere, & de rebus maximis decernere. Sed tamē nō idem semper ordo rogandi senatus fuit: siquidē modò primus rogabatur, qui princeps lectus erat in senatu à censoribus: (is autē legi debebat princeps senatus, qui ex censorijs uiris, qui censuram antea gessissent, antiquior superuiveret) nonnunquā cōsules designati, aut uiri cōsulares æuo maximi, summis honoribus functi: sæpe aliqui extra ordinem à consulibus studio & necessitudine ductis, rogabantur primi. Observatumque fuit, ne quem citra consularem locum extra ordinē primum consul rogaret. Quem tamen ordinē rogandi sentētiās, calend. Ianuarijs seruare cœperat, is toto anno perpetim seruabatur. D. tamen Augustum sentētiās de maiore negocio, non ordine nec more, sed prout libuisset, rogasse ferunt. Germani uerò pro ætate & nobilitate in concionibus audiūtur primi, si qua consultatio foret. Rogabāt ergo sententiam consules, quiq; senatui præerant, patres qui cōcilio aderant: ipsosq; dum de re quapiam consultāt, dumq; differendo altercandoque sententiā dicunt, quicquid ē fide sua ducerent, stantes esse oportere: post uerò sententiā, assidere. In quo fuit prohibitum, ne poplites alternis genibus imposerent: quod eos esse ociosos, & nō preparatis animis designaret: quod Athenis quoq; seruātū meminimus, ut præcone pronunciante in theatro uel curia, stantes singuli decernant, quid suæ opinionis foret. Ius tamen senatori erat, ut rogatus sententiam, perpetua oratione &



quàm uoluit diu, dicendo diē absumeret: adeo, ut non-  
 nullos horis septem, plerosque dies totos concionem in  
 senatu habuisse tradant. In foro autem lege cauebant,  
 ut sex horæ accusatori, reo uerò darentur nouē, ne pau-  
 cioribus clepsydri tempore præscripto præcipitarent  
 causas. Ex quibus nonnulli, ne orationes præmeditatas  
 memoriæ mandarent, nimiumque in eo tempus absu-  
 merent, descriptas conciones è libello lectitarunt. Postea  
 Cn. Pōpeius, quasi frenos eloquentiæ dedit, ex quo tem-  
 pore intra paucissimas, neque ultra tres horas, perorare  
 cogebantur. Nam duæ horæ accusatori, tres reo da-  
 bantur, unaque die ab accusatore, & reo perorari ius-  
 sum: quia multi data opera, in serum rem trahebant,  
 tempusque diffundebant, rebus non diffinitis. Si tamē  
 aliquorum opinioni assentiri uellent, poterāt etiam se-  
 dentes, illi opinioni cui uisum erat, studio & uoluntate  
 accedere. Ius tamen fuit senatori, à sentētia quam se-  
 mel dixerat, si probabile quid contrā afferretur, de-  
 duci: aut si ambigua foret, nec facilis explicatu, illam  
 interpretari. Id tamen notatum est, parum fuisse in se-  
 natu, breuiter censere et recte sentire, nisi facundē sen-  
 tentiam tueretur, & argumentis firmaret. Post omnes  
 uerò rogari, & nouissimum dicere sententiam, ignomi-  
 niæ loco est habitū. In qua re succurrit annotare, quod  
 literis proditum est, Marcum Perpennam & Lucium  
 Volusium Saturninū, omnibus quos in senatu senten-  
 tiam rogauerant, superstites fuisse. Cumque antea se-  
 natu consulta pro uoluntate consulū supprimerentur,  
 uel enunciarentur: postea à Lucio Valerio & Marco  
 Horatio cōsulibus statutum fuit, ut amplissimi ordinis  
 decreta ad ædem Cereris ab ædilibus deferretur: de-  
 mum,

nam, ut in ararium deponerentur. Quod etiam Augustus cauit, ne senatus acta publicarentur, neque magistratus, deposito honore, statim in prouincias mitterentur. Ex his tamen quædam fuere tacita senatusconsulta, quæ palam enunciare non licebat, quæ in sanctiore senatu et concilio arcano, tanquam in recessu semoto seruabantur: quibus decernendis neque scriba, neque serui publici intererant, ne communicatio consilij foret: cauebaturque, ne quis enunciaret. Apud Carthaginienses uero triginta senatorum principes, sanctiori concilio et arcanis negocijs prepositi erant, quæ tanquam celeste arcanum, dici non potest, quam alto silentio obtegerentur. Qui etiam sanctior senatus Athenis fuisse proditur, sine cuius consilio aliquid grauius decerni, aut ferri ad populum, Solonis lege uetabatur. Syracusani autem sanctiorem senatum non habebant: sed si quid arduum et perdifficile imminebat, solius Thimoleonis summi ducis uelut sancto arcanoque concilio, iudicio decernebant. Aetolis Apocleti, sanctissimum et arcanarum rerum fuere concilium: quorum consultatione, si quod instaret periculum, decerni oportebat. Caesarum uero temporibus, decreta senatus, quæ ad principem pertineret, non arcano senatui, sed libris elephantinis mandabantur: qui summa cura in Vlpia bibliotheca, ut essent perpetuo monumeto, seruabatur. Quæ quidem arcana patrum consilia, quanto silentio obtegerentur, illud argumento est, quod Q. Fabius Maximus, cum de tertio Punico bello, quod in arcano concilio decretum erat, Crasso in itinere obnunciasset, à senatu grauius increpitus et conuicijs affectus fuit. Alia uero consulta, quæ tacita non erant, postquam ma-

turè statuta fuerant, de concilij sententia in concione, qua pro uestibulo curia obuersabatur, recitari et publice edi poterat. Erant igitur senatoris insignia, tunica & purpura & laticlauius, ius spectandi in orchestra & epulandi publice, tam in epulo Iouis in Capitolio, quam ludorū causa. Qui quidē laticlauius propria uestis senatoris erat, qua senatus dignitas & amplissimus ordo notabatur. Nonnunquam senatoribus uti penulis, quanquam tenuissimo cultu forent, indultum fuit: quippe Alexander Seuerus imperator, ut senatores ingrauescenti atate, frigoris causa penulis uti possent, priuilegio indulgit: sapiusque alijs insignijs uti licere, datum est. Nam Caio Duillio, qui nauali praelio Carthaginiensium classem fudit, prator curulem sellā, ut quoties à cœna rediret, funale praeferretur, & tibiicen præcineret, concessum fuit. Et Marco Valerio Volesi filio, q̄ Sabinos fudit fugauitque, & castris exiit, locum in circo ad spectandum cum sella curuli sibi potestisque permissum nouimus. Lucio quoque Metello, qui oculis orbam senectutem egit, ut quoties in senatū iret, curru ueheretur, fuit pro munere datū. Nonnunquā antiquior sententia dicenda locus, toga prætecta, sella curulis, ius imaginis, in memoriam posteritatis, et in ueste purpurea spectandi, pro magnis officijs in rempub. senatoribus munera data sunt. Tantæque dignationis fuere sequutus temporibus, ut in oppidis per loca & conuentus umbraculis uteretur, indultum sit. Mox sequenti Cæsares, cum ordinem amplissimis honoribus honestarunt, præcipuè Alexander Seuerus, ut dignitas conspectior fieret, argentatis rhedis carrucisque senatori uti permisit: utque sanctior reuerentiorque ordo

ordo putaretur, ex senatoribus illos, qui principali dignitate insignes forent, in ordinem patritius, quæ maior ampliorque dignitas habetur, multos adsciuit & prouexit: sed hoc post multas ætates nouissimo inuento. Fuitque lege sancitum, ne mulieres cuiusuis negocij causa senatum aut curiam adirent, nisi quod Helioabalus senaculum mulierum in colle Quirinali constituit primus: qui præter mores institutaque maiorum, ut in ordine senatorio mater admitteretur à senatu, peruicit: sicut de Mesa Varia eiusdem Helio- gabali auia, proditum est: cui tributum ferunt, ut fœmina in senatu sederet, patres consuleret, & sententiam diceret, ceteraque senatoris munia obiret. Quod de Xerxe autores tradunt, qui in arcano concilio, cum delectos Persarum procures consuleret, Artemisiam sæpe ad consultandum accersuit, cuius sententiam sequutus fuit. Antea uerò, Claudij & Neronis tempore, cum non pro dignitate uideretur Agrippinam patrum consultationibus admitti, decreuere patres, ut à tergo abditis foribus staret, uelo discreta, quod uisum arceret, aditum admitteret. Lacedæmonijs uerò mulieres adhibere publicis concilijs, illasque frequenti curia in exequendis negocijs socias assumere, usus erat: apud quos fœminarum arbitrio decernuntur multa. Idem apud Germanos, ut ubi plurimum negocij sit, fœminarum consilijs regantur: quarum plerasque ut deas colunt. Neque omittendum quod de Troglodytis traditur, quibus tanti exempli fuere mulieres, ut in conflictu bellorum, matronarum intercursum infestas acies dirimant, adeo ut ipsis intercedentibus, præliari ducerent nefas. Quod etiam apud Germa-



nos frequens fuit, ut illorum fœmina, quas plurimas in castris habebant, labentem sæpe aciem restituant, aut infestissimos animos concilient. Celta uerò & Galli, non solum mulieres concilijs admittunt, sed quicquid est contentionis, fœminarum iudicio decernunt: ita ut intestina sæpe odia illarum interuentu sedasse ferantur. Proditumque memoria est, in fœdere cum Hannibale & Gallis iſto caueri, ut societas staret eo iure: quod si Carthaginienſis aliquod admiſſum pateretur à Gallo, eius rei iudiciũ penes Gallicas mulieres foret: si uerò Gallus à Carthaginienſi, penes magistratum Carthaginienſem cognitio eſſet: utque pueri prætextati cum parentibus ſenatoribus, boni exempli cauſas in ſenatum uentitarent: quod poſt Papyrium Prætextatum, ne quis in ſenatu geſta enunciaret, longo exinde tempore fieri deſitum eſt. Neque illud prætereundum, memoria datum fuiſſe, legatis exterisque gentibus in ſenatũ admiſſis, Romanos conſules nõ niſi Latinè reſponſa dare conſueſſe. Quibus admiſſis, more tradito à patribus, poteſtatem ſi quid uellent, ſenatus faciebat. Græci uerò concilio indiſto, per præcones, ſiquis quid peteret, enũciabant: ſicut Atrebates & Belouaci, tubarum cantu concilium aduocabant. Si quid uerò proprio ſermone loqui uellent, his in ſenatum admiſſis, interpretes dabantur: per quos quæ opus erant proponebant, per eoſdemque conſulta ſenatus & reſponſa accipiebant. Et tametſi Molorhetor in ſenatu Græcè declamaſſe dicatur primus, Tiberius tamen adeò Græcũ ſermone oſum habuit, ut in ſenatu neſcio quid Græcè prolaturus, ueniam petierit. Et Claudius Caſar, Græcia prouincia principem, quod Latinè neſciret,

sciret, albo iudicum erasit, & peregrinatum misit. In-  
ualuitque mos, ut mense Februario usque ad calend.  
Martias per consules designatos, senatus legatorū au-  
diendis postulatis, & sociorum querimonijs quotidie  
detur: ne tadio aut longa expectatione & mora fru-  
strarentur: quæ quidem decreta senatus, in prouincias  
quisque suas, cum singulis actis referebant. Illud quoq;  
satis constat, censum senatorium ad nummos octingen-  
torum millium olim fuisse: quem Cæsar Augustus &  
sequenti principes ad duodecies centies sestertiū auxe-  
runt: & ne quis eorum inops aut egens foret, illos lar-  
go uiatico & magnis muneribus prosequuti sunt. Ti-  
berius uerò, præterquam quòd censum senatorium in-  
uit, & honestam paupertatem innocentium subleua-  
uit: prodigos tamen & egētissimos, uel senatu mouit,  
aut loco cedere coegit. Fertur tamē Claudius laudasse  
illos, qui ob rei familiaris angustiam senatorio ordini  
spōte cessissent: et Nero senatoribus qui tenui re fami-  
liari essent, annua salaria statuisset: & Marcus Anto-  
ninus philosophus, ut senatores peregrini quartam bo-  
norum & fortunarū saltem in Italia possiderent, legē  
sanxisset: Quotiesque ambo consules adessent, senatum  
unius iussu conuocari non licuisse: quodque comitia-  
libus diebus ex lege Pupia, aut tetrīs & nefastis, seu  
tū tonuisset, aut uentorū procellæ tempestatē sue fu-  
issent, senatum haberi nō decebat. His tamen comitia-  
libus qui Quirinalia sequuntur, senatum nō impediri  
nonnulli putant: id quod, Athenis quoque & Syracu-  
sis præcipue obseruatum fuit. Nam terra motu factō,  
aut tempestate ingruente, cōcilium differri oportebat.  
Fuitque adnotatum, post horam decimā, nouā cogni-

tionem causæ in senatu haberi non licere: neque patrum decreta in ærariū ante lucem deferri posse, quod senatusconsulto, Tiberio postulante, uetabatur, quo tempore comitia è campo ad patres translata fuere, quum ad eam diem, etsi arbitrio principis niterentur, plura tamen suffragiis tribuum fierent. Augustus tamen Octavius, ut bis in mense legitimus senatus haberetur, Calend. scilicet & Idibus, edicto cauit. Ac nisi exacto quarto & uigesimo ætatis anno, in senatum quempiam admitti non licere, præter admodum paucos, quibus ob egregiam uirtutis indolem, hoc à senatu indultum fuit. Tametsi Augustus, quo celerius liberi senatorum senatui assuescerent, iuuenibus post uirilem togam, protinus laticlauum dedisse, & curiæ admisisse feratur. Fuitque uetus constitutum, ut adollescens senatorum filij, primo flore ætatis, parentes & necessarios in uestibulo curiæ operiantur, illosque senatu egressos, domum reducant & comitentur: senatoribusque ad plebem transire, & iura patrum amittere, & plebeia subire licuisse: quod præter M. Manlium, qui primus à patribus ad plebem defecit, alijs pluribus datum & permissum fuit.

Quæ origo fuerit sacrorum Lupercalium, & quomodo celebrari, quandoque colifolerent, & quàm uariæ deorum effigies fuerint. Caput XII.

DE origine Lupercaliū, diuersa ab autoribus prodita sunt: quippe à Romulo & Remo, postquam Numitore auo occiso, Amulio regnum restitutum est, ipsique condendæ urbis locum in regionibus, in quibus geniti educatiq; erant, nacti sunt, sacra eiusmodi instituta ferunt, quum capti epulis & uino, incincti pellibus hostiarum,

stiarum, per luxum & lasciuia current: quæ Inuum  
 uocauere. Multi ab Arcadibus, qui cum Euandro in  
 hæc loca uenerant, hoc solenne ludicrum in honorem  
 Eycæi Panos allatum fuisse autumant. Sunt qui putet  
 Romulum & Remum, quum Fauno sacra faceret, cla-  
 more pastorum excitos, quorum oues abactæ erant, in  
 latrones præda onustos incurrisse nudos, prædamque  
 detraxisse: qua postquam potiti sunt, sacra instituisse,  
 ut nudi iuuenes, incincti pellibus, per ludum & lasci-  
 uiam current: ex quibus alij Fauiani, nonnulli Quin-  
 tiliiani dicti. Quod sacrum expiationis causa inuentum,  
 ad inferos pertinere, argumeto est, quod mense Februa-  
 rio, hoc est, XV. calend. Martias, quo populus purga-  
 tur, & inferorum placantur manes, hoc sacrum cele-  
 brari tradant: quodque Iunoni Februata tunc sacra  
 fiant, cuius feria Lupercalia sunt: in quo licet antea  
 adolescentes passim curreret, postea Augustus Octa-  
 uius, dum pudori consultum uoluit, ne imberbes cursu-  
 tarent, decreto sancit. In eo quoque capra immolan-  
 tur candida, quæ solennis uictima in Lupercalibus ha-  
 betur: quibus immolatis, uiri honesto loco nati, quos  
 Lupercos dicunt, duo ibi sisterent, quorum frontes &  
 ora cultro sanguine hostiarum infuso, inuicem intin-  
 gerent: mox lana lacte madida sanguinem deterge-  
 rent, quibus de more in risum effusis, dum cachinnat,  
 tergora in lora inciderent, nudiq; & uncti, amicti ca-  
 prina pelle, in orbem discurrerent, uultu hilari usque  
 ad ineptias, obuiamq; turbæ eisdem loris impeterent:  
 quare Crepi dicti. Obseruatumq; ut à ficu Ruminati,  
 ubi Romulus & Remus expositi fuerant, cursum in-  
 ceptarent, concitoque gradu per urbem uaderent:



quibus mulieres occurrere, & palmas feriendas præbere assuebant, fecunditatem & partus facilitatem propterea sibi dari arbitrata. Quod sacrum in Palatino monte, ubi Panos templum fuit, colebatur: cuius simulachrum caprina facie, rubro colore, hirtis cornibus, pectore sive pedibus radiante, infima sui parte hispida, & caprino pede fuit: altera manu fistulam tenens, altera pedum incuruum. In cuius etiam sacris canem immolari tradunt: quippe Pan magnum & sanctissimum habebatur numen. Aegyptiis enim ex octo diis habetur maximus: qui & Iouis simulachrum arietis facie effinxere. Mendesium Pana summis percolunt honoribus, adeo ut hircum pro deo colant, mulieresque cum hircis coire dicantur: caprarumque maximo in honore sint. Apud Thebanos arietes tanti fuere, ut non mactarentur, sed essent sacrosancti. Arcades Pani et Ioui Lycao statâ die, humana uictima sacrificant: in cuius templo umbras non cadere, opinio fuit. Athenienses annuis hostijs & ardenti candelabro litant. In Parthenio monte Panos delubrum erat, ubi locus nomine Aula, omnibus animalibus uelut asyllum, quem leones et lupi, dum feras insectantur, adire non audent, sed protinus subsistunt, & feras relinquunt. Sicut in Diana Aetoliae luco in Venetis, fabulantur, canes dum feras insequuntur, ubi ad lucum confugerint, ab insectatione quiescere. Idem in montibus, quos Graeci Manalos uocant, Aristoteles prodit: ad quos ubi fera à canibus impetitur, tanquam in tutissimam arcem se recipiunt: ipsique ultra praescriptum progredi non audent. Quod de Bæotijs perdicibus memoria proditum est, ut praescriptum finem & quasi metas habeant in aëra, ultra quas meare

non possunt. Mirumq; euenire in Pedasia regione Caria, ut quum Ioui Lycao stata die sacrificetur, capram è Pedaso sua sponte ad sacrificij locum uenire, & se immolandam præbere dicant. Romanis uerò præter alios deos fuit Veionis simulachrum, quem dixere Apollinem, cuius caput ornatur cornibus, sagittasque manu tenet, iuxta quem aries iacet: sicut imago Apollinis Smynthei, premens murem effingitur. Atque in Aegypto in templo Vulcani, eius simulachrum cum mure apprehenso conspicitur: propterea quod Arabes quum regionem inuasissent, Vulcanus magnam uim muri effudisse, arcusque & habenas corrodi fecisse, atque ita hostes fugasse dicitur. Fauno quoque capram immolari nouimus, quanuis semideo: cuius aedes una ad forum olitorium, altera ad Tiberis ripam Iouis & Fauni. Veionis templum inter duos lucos erat, Capitulum & Palatium: præter quæ fuit Sospita Iuno Lauini, cuius simulachrum caprina pelle uelatur annis singulis. Sed quia de imaginibus sermo est, non omittendum, id quod à Tyrijs obseruatum legimus, ut deorum simulachris uincula annectant, ne euocarentur & abirent, quum eos hostili carmine euocatos, abituros timeret. Romani quoque Saturni effigiem toto anno uinctam laneo uinculo habuere, festis solum diebus Saturnaliorum, uinculis exoluentes. Aegyptij quum Osirim, quem Solem & maximum deorum nuncupant, effingere contendunt, sceptrum, in cuius summo oculi species inerat, effinxerunt: Serapidi uerò, modium apponunt supra caput. Persæ figurant Solem leonis rictu, cum tiara utraq; manu cornua premente. Indi gryphos iungunt Solis quadrigæ. Phanicibus Solis simulachrum lapis est ni-

ger, qui ab imo rotundus tenuatur in cuneum. Apud  
 Paones discus brevis, longo ligno appositus, pro Sole  
 colebatur. In Attica Apollo uerticosus exurgit in py-  
 ramidem. Isis uerò apud Sueuos in modum liburnæ. Et  
 Iupiter Labradæus cum securi, sicut Terræ simulachrum  
 cum clauis. Paphia quoque Venus fuit non humana ef-  
 figie, sed informi, latiore initio, metæ in modum fasti-  
 giata. Elei Venerem hirco insidentem, altero pede testu-  
 dinem premente, effinxere: & Pygalienses Cererem  
 habitu mulieris in petra iacentis, capite & iuba equi-  
 na, tunica uerò demissa. Apud Celtas Hercules fuit co-  
 gnomento ὄρνις, imagine decrepiti senis, capite in-  
 compto, pelle rugosa, dextra clauam tenens, sinistra pro-  
 tentum arcum, multos mortales catenis uinctos ducens:  
 quibus altissima quercus, erat Iouis signum, sicut Pal-  
 ladis Atticæ, & Cereris Farre informe signum. In Cy-  
 pro Venus barbata uirili specie & habitu muliebri:  
 apud Tussas in Aegypto, cum cornibus bubulis effin-  
 gebatur. Fuitque apud Ascalon Syriæ Derceta dea fa-  
 cie hominis, cuius postrema desinebant in piscem. Mer-  
 curij imago Græcis fertur quadrato statu, capite solum  
 efficta, tali specie pluribus figuratis, quos pro immor-  
 tali gloria magnis sæpe ducibus dicabatur. Eratque opi-  
 nio Pythagoræ, non ex omni ligno exculpi Mercurios  
 decere. Hammonis uerò effigies umbilico similis habe-  
 tur. Et apud Arabes lapis tetragonus pro deo. Olympij  
 autem Iouis in Attica os, ex ebore auroque constat,  
 reliquum corpus ex luto & gypso, supra cuius caput  
 Hora & Parca uisuntur. Sic Mineræ Trenalæ os e-  
 rat ligneum, manus & pedes, marmorea. Matris de-  
 um simulachrum, nec qua sit materia aut specie, nec à  
 quo.

quo artifice, noscebatur. Boni euentus, species erat pauperis habitu, dextra pateram, sinistra spicam tenens. Diuitiarum uerò deus spartæ, & caci & iacentis facie colebatur. Iustitia apud Aegyptios fuit sine capite, Osiris uerò caninò. Dionysy forma una barbati, altera cornuti, tertia adolescentis uisebatur. Mirumque prodi de Memnonis statua, ut quum matutino solis radio illustratur, æris tinnitum & speciem loquentis præbeat: sicut de Serapidis simulachro in Aegypto, templo ita extructo, ut exoriens sol, os & labra illustraret. Nec prætereundum quod Aethiopibus in usum uenit, ut deorum simulachra minio illinerent, illa pro maiestate numinum sanctiora & augustiora arbitrati: & apud Aegyptios & Phœnices, ut singulis dijs singulas alas adderent: Saturno uerò quatuor, duas protentas, duas uerò remissas: & oculos quatuor, ut signarent ipsum dormientem uigilare, & uigilantem dormire consueffe. Quodque Athenienses, siquem athletarum uictorem designabant, statuam illi obnixo genu cum scuto, porrecta hasta impetum excipere effinxerunt: pro eo quod Chabrias milites Agesilai hoc statu impetum excipere docuit, & uictor fuit. Fertur Licinius in Alabandeos facetissimè cauillatus, quod statuæ quæ erant in balneis, essent habitu iura dantium & causas agentium: quæ uerò in foro, omnes discos tenerent. Illud quoque non in postremis fuerit, Rhodi supra septingenta tria milia signorum, nec pauciora Athenis, Delphis, atque Olympiæ fuisse: Romæ uerò tantum statuarum, ut alter populus lapideus uideretur.



Quæ uitia ex loci natura aut caliclimata quibusdam genti-  
bus ita innata sint, ut illa habeant propria &  
perpetua. Caput XIII.

LVCIVS Parthenopæus, deliciæ, amor & decus  
nostrum, ingenio fuit homo eleganti, sermoneque per-  
quàm docto & ex cultu, uultu hilari & festiuo, prædi-  
tus omni urbanitate & omni sale: sed cultu corporis  
inuenusto, uesteque humili & inhonesta, adeoque o-  
mnium rerum hominumque contemptor, ut summæ no-  
bilitatis uiros ne congressu quidem suo dignaretur: et  
nisi literatos, quos toto pectore fovebat, reliquos flocci  
penderet & nihili duceret: denique nulli obnoxius,  
liber & suo arbitratu uiuebat. Is, dū Neapoli essemus,  
doctis iuuenibus comitatus, ad nos uentitabat: con-  
gressuque hominis eloquentissimi & mihi amicissimi  
fruebamur totos ferè dies. Dumque, ut fit, diuersarū gen-  
tium mores apud nos scitè subtiliterque pensitaret, me-  
mini ipsum dicere solere, quod sicut quædam regiones  
sunt, quæ acuta ingenia & solertia gignunt, ut quibus  
est ær purus & tenuis, uelut Athenis: alia, quæ retusa  
& hebetiora, ut quibus crassus & pinguis, sicut The-  
bis: ita ex calî rigore uel clementia, nonnunquam ex sîde-  
rum statu uel influxu, uirtutes uitiaque gētibz innasci,  
quæ ingenita adeò loci incolas afficiunt, itaque corpori-  
bus animisque insidēt, ut illa habeant propria & perpe-  
tua. Siquidem Campani superbi natura & bonitate  
agrorum ex mitissimo celo & affluētî copia uolupta-  
tum terrestrium maritimarumque rerum, semper habiti  
sunt. Domicilium enim superbie (ut Cic. inquit) penes  
Campanos fuit. Argiui & Brutij ex more insito genti,  
latrones. Illorū nanque ingenia latrocinijz lata sunt, &  
rapinis

rapinis gaudent. Rhagini pauidi & formidolosi. Itali nobilitate præstant, & regali quadam magnificentia lauti & magni sunt. Galli super insitam genti uanitatem, mobiles & stolidi, contentionis auidi, consilijsque capiendis non ratione, sed impetu feruntur: tamen religioni deditos esse, haud dubium est. Hispani iactabundi, duri & parci, abactoresque acerrimi, ad inediã laboresque, atque ad mortem parati. Græci licet ingenio & facundia præstent, eos tamen nationis uitio (unde Græca fides in prouerbum uenit) assentatores, leues atque infideles esse manifestum est. Cappadoces, Cilices & Cretenses, suoque ingenio fraudulentissimi & mendaces: quippe promissi fidem fallunt, & periurio se adstringunt: in quorum notam Græcum illud est, τῶν λόγων ἀπιστία. Aphri subdoli & mendaces. quum enim multum classe rebusque maritimis ualeant, usu & commercio multarum gentium, ad fallendum prouisi & solertes sunt. Apud eos enim frequenter mercatores uentitant, & studio quaestus, quæ usui sunt merces important. Numidæ uero leuissimæ fidei ingenia. Chy petulantissimi: nam cum tribunales phororum fœdassent, ob petulantiam qua naturæ uitio laborant, ab ephoris impune tulere. Galatæ minaces. Syri cupidi & auari, præter modum rerum appetentes, gens inquieta, auidaque in nouas res. Alexandrini derisores & dicaces. Indi & Persæ ociosi: neque enim ab re proditum est, ocium fratrem esse libertatis. quod de Aetolis quoque traditur, qui nullius imperio paruerunt. Hi enim cum perpetuo liberi sint, in ocio degunt. Contrà uero Lydos & Phryges, quum regibus seruiant, negocijs intentos esse & laboriosos. Em-

poritani imbelles & barbari, Aetoli & Locrenses  
 fœdisfragi. Druidæ religiosi & malefici, suprà quam  
 dici potest: nam dedita superstitionibus gens, in sacris  
 hominem immolant, & cruore captiuorum adolent  
 aras: uiscumque & alia dictu nefanda pro numini-  
 bus colunt. fuere enim Druidæ gens Gallica in Belgis,  
 apud Gallos præ omnibus sacri. sicut enim apud Per-  
 sas magi, in Græcia philosophi, in Babylonia Chaldaei,  
 apud Indos Brachmanes, in Aethiopia gymnosophi-  
 stæ, apud Scythas Agrippei, Abii & Calui, in Aegy-  
 pto Heliopolitani, apud Hyperboreos Arymphæi, at-  
 que in Hispania Turdetani, sacri habentur: sic apud  
 Gallos Druidæ magno in precio sunt, & diuinis pro-  
 pè laudibus celebrati. Emporitani autem in ora mino-  
 ris Syrtis, iuxta Aphros Numidasque degunt, agri hu-  
 beris & fertilis soli. Germani uero & Cimbri, duri  
 & laboriosi: latrocinij tamen & rapinis, quarum  
 nullam infamiam putant, à pueritia dediti: quare Cim-  
 bros Germani prædones uocant, quorum uires ad im-  
 petum ualidæ sunt, sed momẽto temporis dilabuntur.  
 Corsi diri & immanes, horridis ingenij: quippe qui  
 ipsas belluas crudelitate uincant, truci ore ingenitam  
 immanitatem præferentes. Scythæ quoque rapidi &  
 feroces, & dira feritate grassantes, suis tamen rebus  
 contenti, nihil alienum appetentes, apud quos nihil est  
 furto grauius. Asiani, Iones, Abydeni, Medi, Arabes,  
 Tarentini & Galatæ, molles & effæminati, enerua-  
 tis animis, ad inertiam nequitiamque parati, omnibus  
 imbuti delinimentis, in gymnasus & turpibus amo-  
 ribus exerciti. Illecebræ enim luxuriæ ad extinguen-  
 dum uigorem animi apud eos sunt. Addebat etiam

Sicu-

Siculos uastro & monstrifico ingenio: & Astos supra Byzantium, dolosos maximè: contra uero Cumanos in Aeolia, hebetes & insulos: quippe qui pluuia tempore, nisi admoneantur uoce praconis, porticus non subeant: sicut Bæotios & Thebanos, qui plus habere uirum quam ingenij feruntur. Et Syracusanos uariae multiplicisque naturæ: aut enim excellentissimos esse & omni uirtutum genere præditos, aut improbissimos & omnibus uitij deprauatos: quod de Atheniensibus quoque proditur. Atque Hæduos iracundos & temerarios, turbulenti & concitati animi. Et Ligures duros, agrestes & fallaces suapte natura, & ex sterili agro & aspero quem incolunt, nihil ferendo nisi magno labore partum. Sed cum Ligurum quidam Firmates, nonnulli Apuani, plerique Montani, alij Hiluaces, alij Frusinates dicantur, hoc non conuenire nisi transmontanis Liguribus asserebat. His enim cum longe ab hominum commercio & cultu distent, & in arido solo luctentur, facile euenire, ut agrestes, duri & immanes fiant. Hoc modo Lucius noster apud nos sermocinatus, peracri iudicio locorum mores examinabat, uitiaque & uirtutes rimabatur. Sed quia mentio locorum & morum distinctio facta est, hoc dicere ausim longa obseruatione probatum, eas regiones quæ cæli clementia & affluenti copia gaudet, sensu hebetes & obtusa mente plerunque homines gignere: quæ uero difficiles & agrestes sunt, singulari ingenio uiros educere. Ita enim parens natura, siue ille effector mundi deus comparauit, ut ubi rerum hubertas & copia sit, ibi bonarum artium studia sæpe & ingenia desint. Sensit tamen Aristoteles, eos qui



Scythiam uersus loca deserta incolunt, animo quidem abundare, ingenij non satis habere: qui uero mitiorem plagam, ingenio & arte præstare. Neque omiserint quod Maximus Tyrius Græcus autor cum primis prodidit, Crotoniatis palastra & gymnico certamine ualere, Lacedæmonios pedestri, Athenienses nauali, uenatu Cretenfes, Sybarites luxu, Thebanos uero tibijs, Iones autem choro & cantu. Qui etiam adnotauit uulgari adagio ferri, Medicam mollitiem, Sardapali luxum, delicias Ionicas, Siculas mensas, saltationes Sybariticas, Corinthias meretrices. Artium quoque disciplinas Menander dixit, natia consuetudine distingui nationibus uarijs: Nanque Mitylenæi cithara delectantur, Thebani tibia, Alexandrini geometria ualent, Athenienses statuaria & pictura, Crotoniata medicina, Aeginetæ athletarum pugna. Quod proxime accedit ad id quod Eustathius memoriæ prodidit, forsan mutuatus ab illis, Bæotios circa palastram, reliquasque artes gymnicas ualde probari, Athenienses in naualibus, Thessalos in equestri, (quippe cum ex equo primum pugnare docuerint) Lacedæmonios legibus ualere, Cyrenæos in ephæctica scientia. Quod autem de Thessalo equitatu dictum est, qui conserto prælio insuperabiles erant, non prætereundum, Philippum Macedonem, qui totius Græciæ communis hostis & prædo habitus est, ut Thessalos equites uelut firmissimum robur & longe optimos bello, suæ phalangi adiungeret, Thessaliam propterea inuasisse, illamque incendijs & ruinis deformasse.

Ansi idem deprecari quod recusare, contra quorundam grammaticorum opinionem.

Caput XIII.

Quid

QVID in mentem uenerit nonnullis grammaticis, qui non temperantes maledictis, multa nec penso iudicio, nec examinato modo digesta, præcipere non uerentur, non satis coniugio. Nuper cum in commentariolos observationum grammatici cuiuspiam, quos de latina dicendi norma uiuens ediderat, forte incidissem, in quibus graui censura antiquissimum quenque autorem taxat, ita ipsum loquutum offendimus, ut diceret A. Gellium malè sensisse, quod deprecari, abominari uel detestari esse dixit: censuitque deprecari nihil esse aliud quam dicto uel facto recusare, quasi multum discriminis foret inter abominari & recusare: idque Ouidij autoritate probare nixus fuit, de Ponto:

Sæpe precor mortem, mortem quoque deprecor idem,

Ne mea Sarmaticum contegat essa solum.

In quibus uersibus deprecari pro recusare intelligit, quod uerbis pluribus affirmare contendit, quæ consultò præterimus. sed libet interrogare, num proprio significatu Latinè dixerim, Scipio fœdus cum Hannibale inire deprecatur, quia pacisci cum Hannibale recusat: aut, Romani cum Pyrrho pacem deprecantur, quia pacem abnegarunt. Contraque hanc uerbi significationem, secus ab autoribus dictum, & uerbum deprecari in alio sensu accipi uidemus: Titus Liuius sexto ab urbe cōdita: Non præripiam, inquit, gratiam publici officij deprecandi: Cicero prima actione in Verrem: Si liberè quæ sentio de republica dixerò, primum deprecor ne irascatur: Suetonius in Cæsare: Senatum literis deprecatus est: & ueterū autoritatibus pluribus, in quibus si deprecari recusare dixeris, pro-

fecto absurde & barbarè loquèris : hic enim deprecari, idem est quod ualde precari. De enim præpositio, adiecta uerbo, plerunque auget, ut demirari, defraudare, deierare. Rursus quod ille autoritate Ouidij motus, uoluit deprecari idem esse quod recusare, idem. Liuius exploratius ostèdit tertio de Macedonico bello: At hercule non ius, sed iniuriam deprecantur. Suetonius in Tiberio: Claudium, inquit, adèd uiolentum & contumacem, ut ne capitis quidem reus deprecari sustinuerit. Cicero in legem Agrariã: Si quid deliquerò, nullæ sunt imagines, quæ me à uobis deprecantur. Quibus in locis non signatè nec propriè loquetur, qui deprecari recusare dixerit. Sed uetus probabilisque sensus est, tam in Ouidij, quàm proximis autoribus, id esse deprecari, quod suppliciter petere, & precibus exposcere, ne quid fiat, quod tu uitare cupis, & contendis ne eueniat. Mortem ergo Ouidius deprecatur, non simpliciter recusans mortem, sed suppliciter exposcens, ne mors contingat inter tot truces immanèsq; homines. Et ille iniuriam uel supplicium deprecatur, uidelicet rogat ne inferatur iniuria, nène conuicium fiat. Multum longèq; distat deprecari à recusare: quippe deprecari est precibus rogare, & summis obtestari ne quid fiat: recusare uero, iure & manu contendere, & quadam mentis uerborum minaciter magis quàm precibus exposcere. Caesar commentario quinto: Hedui nec deprecandi, nec recusandi causa, legatos ad Casarem mittere uolebāt. Cicero Tusculanarum quæstionum secundo: De Anaxarcho, inquit, Democritoq; cogitetur, qui cum in manus Cyri Nicochreontis incidisset, nullum genus supplicij do-

pre-

precatus est, neque recusauit. Pluribusq; patet exemplis, sicut illa persequi libeat: ex quibus sine contro- uersia liquet, deprecari id esse quod precari, sed du- pliciter: uno modo, uehementi studio & enixè pre- cari ut quid fiat, & tunc de prapositio auget, ut pri- mis autoritatibus, quas supra memorauimus, ostensum est: altero, precibus eniti & rogare, ne quid fiat seu eueniat tale, quod tu nolles euenire, & futurum de- testaris, sicut est proxime dictum: & tunc de praposi- tio, non augendi, sed uim potius minuendi habet. De enim adiecta uerbo, duplicem significatum, licet di- uersum, capit, ut plerunque solet: plurimumque inte- resse, in utro accipias significatu. Quonam modo & utro magis conueniat sensu, ex ipsa lectione & con- textu uerborum, prout obuia sunt, cuius uel medio- criter erudito, facile est dignoscere.

Triplex quaesitum super nonnullis uerbis iurisconsultorum sub-  
obscuris, quis sit illorum significatus, quauē pecunia  
olim fuerint. Caput XV.

CVM Romæ Palatini fori iudicia operiremur, quidam non ex plebe homo, pollēs eruditione & do- ctrina, ad me adiit, & percontatus est, quid sibi uel- let Vlpianus de officio procōsulis, æstimantis eum qui prouinciæ præesset, dissimulare non debere, si quos causarum concinnatores, aut litium redemptores de- prehendisset. Quis esset litium concinnator, & quis redemptor, quærebatur. Et quia facilis explicatu quaestio erat, leui functus opera, respondi, concin- natorem litium eum dici, qui nouas lites simulatis captionibus & cauillis improbis, in longum du-



cere molitur, cum sibi iure agere non liceret. Concinnare enim esse, rem effectis mendacijs, omnibus lenocinijs perpolire, sicut is qui unguentis delibutus, mamenti coma & capillo composito conspicitur, quos M. Cato uilitigatores nuncupat. Gracæ autem *ὑπαγῆγος* dixerunt, quasi *sektor litium*. Redemptoremque *causarum* eum dici, qui lites quotidianas pecunia mercari, illasque *pactionibus muneribusque pellicere* conaretur, haud secus quam qui domos ædificiumque faciendum utendumue precio conducit: qui etiam *quadruplator* & *interceptor alienæ litis* dictus est, quos homines tanquam *inciuiles* & *malarum artium artifices*, iureconsulti iure incescere. Iterum quæsiuit ex me, quid esset quod *Alphenus legem Aquiliam interpretatus*, inquit: Quod si *tabernarius à prætereunte*, flagello in quo dolor esset, fuisset casus, si illi repugnando oculum eruisset gladio, propter id admissum, *Aquila non teneri*: quod diceretur flagellum in quo dolor esset, quærebatur. Cumque nonnulli falsa opinione persuasi, flagellum quod dolorem afferat, ideo dolorem in eo esse assererent, dixi ego *medum* in hac dictione fuisse, ingenuè me arbitrari, neque iureconsultum tam inscitè loquentum, ut in flagello dolorem esse dicat, pro eo quod *flagris inflictus dolorem affert*: cum iureconsulti non per metaphoras, nec circuitu longo, sed munde admodum & *circuncise* loquantur: sed pro eo quod dolor esset, scriptum fuit, *dolon* esset, dicendum fuisse: neque aliter à iureconsulto scriptum, ueris patere argumentis. *Dolonem* enim *lignum* uel *fustem* signare, in quo *ferrum acuta cuspide lateret*, quod haud secus quam *gladius uulnera ingerat*, ut *Varronis testimonio*

pro-

probat. In eo enim latens pugio ita situs erat, ut foris minus appareret: idque coarguitur facili argumento, quod non erat cōsentaneum, ut si a praterente leui flagello tabernarius ictus foret, illi repugnando ferro decernere, & oculum eruere liceret, prout in quæstione est. Quippe inculcata tutela nō esset, quum non pari, sed maiore impetu armorum iniuriam propulsaret, quod est lege uetitum. Dicendum ergo fuit, aliquid occulti teli in flagello latuisse, quo percussus tabernarius, impune praterentem gladio repercutere, & illi oculum eruere ualuit. Hoc dolone Tiberium Gracchum, ne opportunus iniuriæ foret, accinctum processisse in forum, autores tradūt, quo honestius & dissimulato telo, in curiam iret. Et Claudium Casarem à duobus equestri ordinis, cum dolone & uenatorio cultro præstolantibus, penè oppressum Suetonius refert. Tertiò consuluit me, quod esset iudicium Eremodicum, de quo apud Iustinianum fit mentio frequens, cōtra quod restitutionem dari leges uoluere. Cumque aliquorum discreparet sentētia, peruici tandem, Eremodicum dici iudicium, quum quid reo absente in disquisitionem uenit, superque iure controuerso mota lite, solus actor nullo se opponente exercuit, contraque reum, indicta causa, lis data fuit: ἀπὸ τῆς ἰσχυρίας, hoc est, solitudine, cō quod solus actor, nullibi reo comparente, nec signis collatis (ut aiunt) obtinuit: contra quod rescissionem plerunque dari leges uoluere. Demum cum sermo incidisset, quid emptio, quid permutatio esset, quæsitum fuit, quo in loco Homerus meminit Achiuos non pecunia, nec ære signato, sed rudi massa æris uel ferri uinum mercari, & cum mancipijs per-

mutare consueſſe. cuius autoritate Vlpianus de contrahēda emptione, etiam ſine pecunia fieri emptionem aſſeuerat. Dixi id de quo cōſulebamur, mihi in promptu non ſuccurrere: ſed tamen meminiffe me, tam apud exteros quam Romanos, aris ſignati argentiſque ꝓ pecuniarum longo tempore nullum uſum fuiſſe, mercesſque non pecuniæ interuentu, nec ſignato are, ſed rebus commutare conſueſſe. Siquidem Armeni, Scythæ, Seres ꝓ Sarmatæ, non interceſſu pecuniæ res emere, ſed rerum commercio permutare aſſuērant. Deſerta enim ꝓ uacua cultoribus loca hominibusſque infrequentia, magis quam urbes incolebāt. Indi quoque illi penitiſſimi, ꝓ Eſſeni idem factitarunt: nam fuſo are utebantur, aut aurichalco, (quippe cum ueteres aurichalcum precioſius auro ducerent) percuiſſo uerò minimè. Luſitani graui ſarcina aris, uel fruſto argēti ſæpius nummi loco uſi fuere. Lacedæmoniꝝ Lycurgi legibus omnem auri argentiſque uſum amouentes, ferrum ꝓ rudem maſſam uaſti ponderis ꓑ pecunia habuere. Sicut Byzantiꝝ ferri maſſam ꓑ nummo appendebant. Maſſyli uero in Aphrica populi, pecora ꝓ mapalia pecuniæ loco habuiſſe feruntur, cum quibus merces ſæpe mercatores commutabant. In Britannia gens inhospita, iuxta Scylliram inſulam, permutando dare neceſſaria ꝓ accipere conſuērant: reliqui are aut annulis ferreis ad certum pondus delibratis. Quod apud Baleares fuit in more, ut omnem auri aut argenti materiam execrati, nullius generis nummos ad ſe aſſerri ſinerent. Idem de Carmanis ꝓ Bambycatys, qui in Tigri ſunt, memoriæ proditum eſt, ut omnia metalli genera coēmentes, illa in profunda terra-

terrarū, & abditas solitudines suffodiant, ne pecunia  
cōmercio eneruaretur animi indoles, ingenūq;. Quod  
de Indis & Aethiopibus traditū accepimus, qui auri  
materiam tam uili aestimarunt, ut catenas noxiorum  
tantum ex illo conflarent. Omnes denique gentes na-  
tionesq; apud prius seculum mercibus res inuicem  
commutare, uel corijs boum nummorum loco, aut bo-  
bus pecudibusq;, ac ferreis uirgis usos comperimus.  
Homeri testimonio, qui res censu & aestimatione di-  
gnas, non pecunia, sed boum & pecudum numero ta-  
xauit, cum nihil tūc impēso precio ueniret. Primi igi-  
tur Lydi aureum & argēteum nūmum, cum tūc nul-  
lus foret, inuenisse traditur: tametsi Aeginæ argentū  
primo signatum nōnulli credāt. Alij apud Eleos pon-  
dera & ex argento nūmos à Phædone inuētos putāt.  
Apud Persas uero Darius ex auro monetam percussit  
primus. In Latio Saturnus æreū nūmum repperisse tra-  
ditur. Romanis quoq; auri argētīq; signati lōgo tēpo-  
re nullus usus fuit. Pecudibus enim & iumētis bobūs-  
que res pmutare, fontesq; plectere solebāt, aestimatūr-  
que bos centussibus, ouis uero decussibus. Corijs uero  
boum nummos percussos à primis originibus indicare  
licet, q; Numa Pompilius scorteos asses, cōgiarium po-  
pulo dedisse fertur. Post quos Dionysius ex stāno con-  
flauit nummos. Interiecto deinde tempore, ære graui  
Romanos usos comperimus, quo appenso, non nume-  
rato, debita exoluebant. quo tempore Seruius Tul-  
lius rex, primus nota pecudum æs signasse proditur,  
unde & pecunia dicta. Cuius rei causa, in uetu-  
stissimis nummis, bouis, pecudis, aut suis signum in-  
cussum apparet. Sed quauis à Sernio Tullio pecunia



percussa, nō propterea à graui ære precij nomine, quod inter licentem ementemque conuenit, exoluendo desitum est: quippe post decemuiros, etiam ære graui Romanos usos fuisse, debitaque exoluisse, autores tradūt: quod æs graue, massa æris fuit, non percussa aut signata: appendi, non numerari solita. Sequutis mox temporibus, Ser. Cepione & Cn. Sempronio consulibus, post Attilium Regulum, argenteo nummo primum figurato, Romæ altera parte Ianus bifrons, altera nauis prora incussa fuit. tametsi quinque annis ante primum Punicum bellum argenteum nummum Romæ signatum, nonnulli credant: demum post annos duos & sexaginta, aurei apud Romanos eadem nota incusi fuerunt. Deinde bigæ, & quadrigæ, ac Victoria: quare uictoriati, bigati, & quadrigati dicti. Fertur tamen Linus Drusus in tribunatu tertiam æris partem argento miscuisse, & signo Victoriae pariter nummum percussisse, cui uictoriato nomen. In triente autem & quadrante Romani rates incussere. Persæ stateres Daracos numismata habere dicuntur: Græci & Athenienses Tetracinam, & Cistophoros, ac Philippeos nummos, qui bouis imaginem longo tempore habuere incussam, tunc primum à Theseo inuentos, ut ab armis ad agrorum cultum ciues auocaret: cuius formæ Eleis numisma fuit, in quo bouis imago designabatur. Præter quos fuere Oscenses & stateres Daraci, Philippii & Alexandrei, qui ex auro cudebantur, in quibus mula cum curru uidebantur efficta. Postea noctua cum Mineræ facie Athenis incudi cæpta: unde illud proditum est, Gilippi seruum ephoris detulisse, multas sub tectis cubare noctuas, quod Lysandri pecuniam, quam

quam Gilippus fuerat depeculatus, sub tecto condiderat. Træzeni cum Neptunum præcipuum colant, iridetem nummo effictum habuere. Persicus uero nummus sagittarium incussum habuit, qui Darecus etiam dictus: Germani Serram, qui Serrati. Dardani duos insculpsere gallos: Rhegini leporem & currum: Cephalenes equum, Thasi Persen. Argiui murem, Mitilænæi Sapphus imaginem, Tarentini nummi Taran Neptuni filium, qui Delphino uectabatur, Aspendij palæstras, Locri autem & Ozola Hesperum stellam effinxere. Apud Chios anea moneta fuit, cui nomen Homerus. Peloponnesiorum numisma testudinis figuram habuit, cui Cheloni dixere nomen: Cyziceni altera parte Cybelen, altera leonem: Tenedij securim, & facies duas eadem ceruice prominentes: Corinthiaci, qui Poli dicebantur, Pegasus: Gergithij autem qui in Phrygia minore sunt, Sibylla imaginem, quod inde esset oriunda, hoc sempiternæ laudi fore arbitrati. Postea uerò nouitio inuento, ut imagines Cæsarum cum inscriptione & titulis, nummis adscriberentur, obseruatum est. Quare Nero Cæsar in habitu citharædi se nummo insculpsit: & Seuerus imperator habitu Alexandri nummos figurauit. Galenus post occisos satrapas Persarum, monetam, qua Persas captos ducebat, percuti iussit. Augustus Octauius nota sideris Capricorni, sub quo in lucem editus erat, argenteum nummum percussisse dicitur. Denique, quum apud prius seculum nullus nummorum usus foret, iudicare licet, Homeri temporibus non pecunia, nec ære signato, sed mercibus inuicem Achinos uinum, æs & ferrum, armis & mancipijs emere consueſſe. Cum uerò hac ad-

monitione attentior factus ἐν τῇ κ. τῆς ἰλιάδης ὁ μῦθος ἔα-  
 τω δὲ αὖτε uersarer, eos uersus haud multo negotio com-  
 perit: qui tales sunt,

Ἐνθεν ἄρ' οἰνίζοντο καὶ κρημώοντες ἄχαιοί,  
 Ἄλλοι μὲν χαλκῷ, ἄλλοι δ' αἰῶνι σιδήρεϊ,  
 Ἄλλοι δὲ ῥίνοϊς, ἄλλοι δ' ὠτοῖσι βόεσσιν,  
 Ἄλλοι δ' ἀνδρῶν πόδεσσιν· τίθεντο δὲ δαῖτα δαί-  
 λειαν. id est,

Vnde reportabant criniti uina Pelasgi,  
 Aeris quidam, alij fulgentis munere ferri,  
 At scutis alij, pars bobus mancipijsue  
 Mutabant passim, & conuiuia lata parabant.

Quae porta urbis Romanae praecipua fuerint, & unde nomina  
 sumpsert, & ex quibus causis cognomenta.

Caput XVI.

VRBIS Romae sicut saepissimè pomerium pro-  
 latum fuit, ita multiplices portas pro murorum ambi-  
 tu extructas fuisse, facile est coniectari. Nam quum à  
 prima origine fundamenta urbis, in Palatino monte  
 fuerint, cuius radicibus antiquissimum pomerium  
 terminabatur, tribus portis tunc urbs contenta erat:  
 hae fuerunt, Carmentalis quae Scelerata, Pandana quae  
 Libera dicta est, & Mugonia quam Trigoniam à tri-  
 bus angulis uocatam ferunt. Id autem pomerium quod  
 Romulus posuit, à foro Boario procedens ad magnam  
 Hercules aram: inde per ima montis Palatini ad aram  
 Consutij, mox ad curias ueteres, & demum ad sacel-  
 lum Larium, protendebatur. Et cum esset tunc Roma  
 quadrata, ad forum Romanum procedebat. Varro  
 autem à sylua quae erat in area Apollinis in Palatio,  
 usque

nsque ad supercilium Sclarum Caci in Auentino, occidentem uersus, & ad tuguriū Faustuli, ubi casa Romuli fuit, prima urbis fundamenta protēdi assenerat. Adiecto deinde Capitolino colle à Tito Tatio, quem Arcades Saturniū uocarunt, satis constat portam illic excitati castelli, Saturniam nūcupasse, quæ Pandana, eò quod semper pateret, dicta est. Cumque infima Capitolini mōtis, Carmētæ habitaculū fuerint, inde Carmentali portæ nomen datū, quæ & Scelerata, eò quod CCC. & sex Fabij inde prodeuntes, infauſto prælio ad Cremerā omnes à Veietibus oppressi, & miserāda nece caſi fuere. Iuxta quam ædes Matris, Matutæ & Bellonæ, & columna ex qua dabatur belli signum, si quando contra hostes præuolentes sumebantur arma. Ad hanc portam, matronas Carmentæ nymphæ (quæ mater Euandri fuit) annuas hostias immolare & sacrificiū facere produnt. Sed cum Tarquinius Priscus, quadrato saxo primus, & deinde Seruius Tullius pomærium protulissent, duosque urbi colles adiecissent, ita ut septem collium urbs fieret, qui ultimus urbis ambitum auxisse fertur, ac reliqui reges urbem parū mœnibus ualidā, aggere & fossis muniuissent, portarum quoque numerum augeri consentaneum fuit: eoque magnitudinis urbs proceſſit, sepius auēto dilatoq; pomærio, ut IIII & XXX. portæ per omnem ambitum Romæ fuisse legamus: ipsumque pomærium Aurelianum Cæsarem tandem definisse, ut ad millia passuum XXX. mœnia protēderet. tametsi Nero Hostiam tenus mœnia promouere, atque inde fossa mare ueteri urbi statuiſſet inducere. Exquilinā ergo, Viminalē, Quirinalē portas, & Cælimontanā, à collibus urbis, ubi



sita erant, uetusto nomine denominarūt: quanuis quod  
 Quirini sacello foret proxima, Quirinalem dictam  
 nonnulli ferant, iuxta quam Veneris Erycinæ tem-  
 plum. Quæ quidem Viminalis, aliquando Numenta-  
 na dicta est: sicut Exquilinam Taurinā à capite Tau-  
 ri insculpto, uocatam ferunt. Capenam uero, constat  
 affluentium aquarum multiplices habuisse decur-  
 sus. Illinc enim ad Martis ædem semita fuit, quadrato  
 saxo, ubi & Manalis lapis qui in urbem delatus, plu-  
 uias excitare dicebatur: sicut aqua in Lycei Iouis  
 fonte, si quando siccitate laboraretur, sacerdotis ma-  
 nu querno ramo agitata, cogebat nubes, largosque  
 effundebat imbres. Et Athenis Terræ fuisse simula-  
 chrum Pausanias prodit, suppliciter à Ioue aquā ex-  
 petentis uero euentu: cuius ara in monte Hymetto ui-  
 sebatur, quem ὄμβριον, quasi pluuium Iouem dixere. Et  
 apud Indos in arce quam Magi incolunt, dolium ui-  
 disse Apollonius tradit: quo aperto, in defectu aqua-  
 rum nebulae emittuntur, quæ totam Indiam imbris  
 humectant. Quod etiam documentum Democriti  
 fuit, ut ad imbres excitandos, caput & collum cha-  
 maleontis, ligno roboris uri praeceperit. Ad eandem-  
 que Capenam, aqua Mercurij erat magnis studiis ce-  
 lebrata: qua mercatores Idibus Maijs se insperge-  
 bant & sua, huberes quæstus propterea facere ar-  
 bitrati. Et Alcmon aquæ riuulus, cuius aqua sacer-  
 dotes furore uesano inter se digladiantes, Cybeles si-  
 mulachrum ex Pessinunte aduectum, quotannis ab-  
 luebant. iuxta quam M. Marcellus secundo Puni-  
 co bello, ædem Virtutis antea uotam dedicauit. Mu-  
 tionis uero, à Mutione qui illi aliquando præfuit: &

Minu-

Minutia, quia Minutij sacello erat proxima, quem pro deo uetustas coluit: & Salutaris ab ade Salutis: & Rhautumena, ab auriga Rhautumeno, qui Veijs cursu uicerat, quo è curru effuso, equi citatissimi cum palma in Capitolium contenderunt, portæ dictæ denominatæq; sunt. Catulariam uerò dixere, quòd iuxta eam ad placandum Caniculæ sidus frugibus inimicum, immolarentur rufa canes. Et Piacularem, propter ostenta & piacula quæ illic fiebant assidue, dici Pompeius memorat. Collina quoque, quæ Agonensis dicta est, propter anfractus multiplices, quòd partim edita, partim decliua essent loca, nomen sortita dicitur: extra quam Veneris Erycinæ, & Quietis tēpla fuere, & iuxta campum cui Scelerati nomen fuit: in quo incesti dānatas, uiuas defodere Vestales assueuere. Romanulam uerò, & Collatinam: alteram quòd ex Sabinis Romam patens uia foret: alteram, quòd illinc Collatiam expeditum iter esset, denominarunt: sicut Ferentinam, quòd Ferentinum ferret: & Gabiusam, quòd Gabios. Hanc uerò Collatinam, aliquando Pincianam dictam nonnulli uolunt, quòd nomen adhuc manet, à proximo Palatio deductū: unde demolita marmora Theodoricus rex Rauennam deportauit. Fuit quoq; Romula porta quam Sabini Romanulam uocauerunt, quòd per eam proximus Romam aditus esset, quæ gradus ad Noua-lia & Volupie sacellū habuit: & Querculana, quòd quercum proximam haberet: & Randaſculana, quòd are munita foret: siquidem à ueteribus æs randus dicebatur: in qua caput aenei longo tempore stetisse memorant, postquā Genutius Typus prætor oraculo monitus ne regno potiretur, illinc ingredi noluit, acces-

sumque denegavit. Sicut Ianualis à Iani signo ibidem affixo, nomē uendicavit: quæ sub colle Viminali fuisse traditur, per quam uim aquarū ingentem magnis procellis contra Sabinos fluxisse, illosq; uiolentissimis tempestatibus oppressisse memorant. Quam Romulam, Ianualem, & Mutionis non in pomærio, sed intra urbis ambitum sitas, nonnulli uolunt. Nam de Trigemina et Lauernali satis constat, alteram propter trigeminorū pugnam, quum regnāte Tullo, inter Romanos & Albanos à trigeminis pugna commissæ fuit: alterā, quod ad lacū Lauernæ facilis inde uia foret, nomina tulisse. Fuit enim Lauerna furum dea, in cuius luco, ut impunita essent furta, prædam fures sortiri, & rapacissimū quenque immolare tradiderunt. Est tamen literis proditum, Latinos populos annis singulis ad Triginā, Euandro ueluti deo sacrū facere: sicut matronæ apud Carmentalem, Carmētæ. Sanqualis proxima adibus Anci regis, porta fuit non incelebris. Et altera Libitinensis, per quam fato defuncti efferebantur: & Mugonia, à boum mugitu, qui illic frequentes erant, denominata: iuxta quā Tarquinius Priscus habitasse fertur, quæ & Trigillia dicta est: præter quas fuere Neuiæ, Lauicana, Metia, & Flumentana, iuxta quā fluxisse Tyberim uolūt. Ex hac enim ad Petellinum lacū modica uia erat: & Triumphalis, per quam triumphidie, aurati currus, captiua præda, & pompa triumphiprocedebat, Aurel'æ, Vaticana, & Portuësis, quæ Septimiana nouitia denominatione: ac Fontanilis trans Tyberim, quod haud procul inde fontium sacra, fontibus & puteis coronatis, fierent, dictæ nominatæque sunt. Sed præ cæteris, unā legimus fuisse, cui Fenestræ dedere

dedere nomen, uel quòd humilis & angusta foret: siu<sup>e</sup> quòd Tarquinio Prisco regnante, quum à pastoribus oppressus fuisset ex insidijs, Tanaquil inde populū alloquuta, ipsius interitum tam diu dissimulauit, donec Seruium Tullium regni successorem fecit. Est quoque illud animaduertere, quòd quum mœnia ciuitatū sancta sint, proptereaque illa transgredi sine piaculo fas non sit, certisque præfinitis spatijs, pomœrio inaugurato, fuerint consecrata: ita ut quicquid circa ea soli esset, neque habitari, neque arari liceret: portas tamen sanctas haberi minime decebat, quippe quum ingredi & exire, & defuncta corpora illinc efferre, aliaque prophana facere cuius permissum fuerit. Apud exteros uerò portæ præcipua denominatione ista feruntur: Scæa apud Troiam, in cuius superliminio Laomedontis cadauer sepulchro conditum erat: sicut murus & amnis eiusdem nominis fuere: Alexandria Canopica, Athenis Pyraica, & Sacra, & Charonia, per quam damnati ferebantur ad supplicium: & Dipylus omnibus patentior, atque alia Nymphades nomine. Megaris fuit Triasfa, quæ Diplon dicta: Corinthi Teneatica. Thebarū portæ Homoloidæ nuncupatæ sunt: apud Sicyonios quoque Sacra fuit, ubi Epopei uisebatur monumentum. In Argo Diampares: apud Leontinos Iracea, in Zichico Thracia, apud Tibur Rarana: Capuæ Ionis, ubi platea Selapsia, in qua unguentarij negociantur: Cremonæ Brixiana, Tarenti Temenitida, Syracusis Menidita, Trogillorum, & Agradiana: extra quas frequentia sepulchra uisebantur. Babylo-niæ uerò licet plures celebrentur, tamen præcipuè Semiramidis, Ninorum, Chaldaeorum, Belides, & Cissia.



Quo ritu, quibusq; ceremonijs hostia apud priscos dñs immo-  
labatur, & quo modo fiebant sacra, & quid apud  
exteros. Caput XVII.

QVI mos sacrorum fuerit, quoque ritu, aut quibus  
exemplis hostia caderetur, & res diuina fieret, uete-  
ribus monumētis intercise per scriptum est. Et tamen se  
singulis ferè dñs sua sacra instituta forent, quæ trans-  
gredi aut præterire ducerent nefas: neque deos omnes  
eisdē sacris semper, sed alios alijs ritibus ceremonijsq;  
placari deceret: tamen in omni sacrificio, statas ceremo-  
nias & solita solennia cōuenit obseruari: quas si præ-  
tereant, haud dubiè piaculum fieri, & sacra pollui pu-  
tabant. Siquidem in omnibus sacris, sacerdos quū dñs  
immolat, & rem diuinam facit, prius corporis ablu-  
tione purgatur, & à Venere abstinet, ut lautus purus-  
que accedat: quippe ieiunij & castimonia sacra adi-  
turis miram obseruationem fuisse, autores tradunt. Le-  
gimus Numam Pompiliū, quū pro frugibus faceret,  
esū carniū & Venere abstinuisset: & Iulianum Cæ-  
sarem oleribus leguminibusque contentum sape cōni-  
tasse, ob religionem: atq; eos qui Isidis sacris initiandi  
erant, dies decem parcere carnibus & uino: & Aæ-  
gyptios festis quibusdā diebus ieiunia seruare. Aquæ  
uerò aspersione corporis labem tolli, & castimoniam  
præstari putabāt: præterq; Mysos & Essenos, aliosq;  
qui ob religionem animantibus abstinent, cælibemq;  
uitā agunt, qui Abij & Anymphe dicti sunt: constat,  
sacerdotes matris deū samia testa sibi uirilia ampu-  
tare: atque illos qui maxima sacra obibant, ut in casta  
religione manerent, & procul à mulierū contagio ui-  
tam agerent, herbis quibusdam emasculari, & uirili-  
tatem

ratem amittere: utque nulla nisi sacrorum maneret cu-  
 ra, nudique & uacui religioni intenderet, cunctarum  
 rerum dominio se abdicare. Quod iure pontificio ca-  
 uebatur, cuius uerba sunt: Ad diuos adeūto castē, pie-  
 tatem adhibento, opes amouento: qui secus faxit, deus  
 ipse uindex erit. Quam castimoniā apud exteros quo-  
 que seruari meminimus: quippe in Thesmophoris ma-  
 trona Athenienses, ut Veneris iētus cohiberent, folijs  
 uitilium cubilia substernebant: nonnulli garo ex pi-  
 scibus, qui squāmam non habent, quod incendia libi-  
 dinum reprimeret, & irritos conatus faceret, in sacris  
 usi sunt: quod Agesilaus putabat, deos non minus re-  
 ligiosis operibus, quā sacrificijs castis delectari. Le-  
 gimus quoque Hierophantas Atheniensium, postquam  
 in pontificatum euecti erāt, ut castissimē sanctissimēq;  
 sacrum facerent, cicutā sorbitione castrari: & Aegy-  
 ptios sacerdotes, negocijs omīsis, mulieribus nunquam  
 indulgere, carnibusq; & uino abstinere: atque Gym-  
 nosophistas adeo abstinētiā studiosos, ut pomis solū,  
 orizā & farina alantur: in Creta quoque Euripides  
 testatur, quos uocant Iouis prophetas, non modo car-  
 nibus, sed ne coctis quidem uesci: & Indorum Magos,  
 qui ad solis sacerdotium euecti erant, carnibus absti-  
 nere, & nunquā sub tecto esse, sed lineis uelari, & sub  
 dio uitam agere. Quinetiam obseruatum inuenimus,  
 ut qui rem diuinam facturus erat, ad suam leuandam  
 culpam, se in primis reum dicere debeat, & noxa pœ-  
 nitere, ac fateri admissum, uultumque summittere, &  
 ad omnem modestiam fingere: deinde ipse, aut publi-  
 cus praco præcedens sacra, Hoc age, clamatet, uoceque  
 excitet populū, ac uirga turbā summoueat, quæ Com-

mentaculum dicta est: silentiumque indicat, ne mala nox obstrepat, neue quid triste auribus accipiat, & sacris fauere, & intentos esse iubeat: nanque in deorum sacrificijs taciturnitate in primis, & intentis animis opus erat: quia si opus faciētem sacerdos inter sacra uidisset, temerari & pollui putabantur religione inexpiabili. Ideo custos dabatur, qui sacra inspiceret, & alter qui linguis fauere iuberet. Gracis autem, ad sacrificiū accessurus, hoc præsatur primum, τίς τῷ Δε, hoc est, Quis hic? Qui uerò intersunt sacris, referūt: πολλοί, καὶ ἄλλοί, quod est dicere, Multi, & boni. Nam polluti homicidio, aut sanguine infecti humano, hominesque turpissimarum sordium, sacris arcebantur: neue aras contingerent, aut sacrificio interessent, lege uetabantur. Et quia à quibusdam sacris mulieres innuptas, aut seruitio pressos, uel are coemptos, abesse oportebat: ideo in sacrorum apparatu, licitor præsabatur, Hostis uictus, mulier uirgo exesto. In Charonea uerò sacerdos eorum tenens, pro adibus Matutæ clamat, non seruum ingredi, non seruam, non Aetolum, nō Aetolam: quū his sacrificio adesse non liceret. Apud Magos, qui lentigines habent, tanquam inuisi dijs immortalibus, ab aris procul fiunt: & hi qui elati reuixerunt, quibusque uiuentibus exequiā facta sunt, uelut prophani, à sacris arcebantur: sicut à sacerdotio bis nupti. Apud Germanos, qui scutum amisissent in acie, sacris interesse non poterant. Et apud Aegyptios subulcis uniuersis templa interdicta fuere: & Hebraei menstruatīs, & his qui impetiginem habent. Scythīs quoque qui nullum hostem interfecisset in acie, in solennibus libare non poterat: reliqui initiati, adesse non uetan

vetantur. Romanis uerò si quæ sacrificio mulieres inter-  
sunt, capita uelant. Cumque adorat qui rem diui-  
nam facit, uelato capite, ne auersus animus à sacris  
fiat, dexteram ad osculū ferre, & se in orbem circum-  
agere, prout Numa instituit, necessum habet. Quodq;  
tibicines & citharædi, qui lyras septichordes tende-  
rent, in deorū sacrificijs cum cātu & longis tibijs præ-  
cinant, & ne quid aliud agatur exaudiatūque, mo-  
neant: illudque ius in ade uescendi habeant, prisca est  
religione seruatum: quæ quidem tibiæ sacrorum, ex  
buxo: quæ uerò ludis præcinebant, ex osse asinino aut  
argento fiebant: quod illæ miti sono ad rem diuinam,  
istæ stridenti & acuto ad prælium accenderēt. Fuere  
enim tibiæ species plurimæ, ad usus uarios: nam  
Libyes plagialon uocant, quæ ex loto fit: elymos ex  
buxo & lauro. Celta ex calamis utuntur fistula, Aeg-  
yptij ex stipula hordeacea, Scythæ & Arimaspi ex  
aquilarum & uulturum ossibus: ex quibus aliqua  
erant ferraneæ, quæ æquales habēt cauernas: aut Phry-  
giæ, quæ impares & inæquales. Post aliquot uerò tem-  
pora, ne tibiæ præcinerēt in sacris, fuit lege cautū. Aeg-  
yptijs in usu erat, nō tibiæ, sed cantus adhibere in sa-  
cris, quibus septē uocales deos modulata uoce collau-  
dare, tibiæ & citharæ loco fuit. Iudæi in sacris nō  
modo tibiæ, sed tympanis concinunt. Utque suæ hostiæ  
dijs dicata sint, & superis albæ, inferis uerò nigra im-  
molētur, neq; duobus dijs unam hostiā mactari, quia  
utri deo res diuina fieret, facile non dignoscerēt, in ōni  
sacrificio uulgo seruatum est. Namq; aliena hostia, uel  
debili et mæca, quæq; reluctatur, et se ad moueri altari  
bus non sinit, dū non placantur: fugientemque hostiā,



quæque altaria detrectaret, ubicunque nanciscerentur, mactari oportebat, ne piaculum fieret. Et sicut suæ hostiæ numinibus dicata sunt, ita & aræ fuerunt. Superis enim, à terra ex altatis aris: terrestribus, in terra: inferis uerò, sub effossa terra, sacra facere conuenit: quod apud Indos fuit diu seruatum, ut terrestribus dijs in cauernis, Soli uerò in sublimi sacrum faciant. Nonnunquam sine ara, in nudo solo & pauimento sacra peregrisse Græcos, compertum est. Eumæus apud Homerum super escharam, uictimam fecit. Arabes arulam super aram constituunt, in illaque soli immolare, & thus adolere solet. Hæ enim ad normam quadrata fuerunt: superque eis sacra facturi, cespitem ex gramine, seu uerbenas apponunt. Istæ enim faustæ in omnibus sacris habitæ, quas ex sacro loco decerpere conuenit: ipsasque aras suorum numinum fronde ornare, ut Ioui esculo, Apollini lauro, Mineruæ olea, Veneri myrto, Herculi populo, Baccho hedera, Pani uerò pino, Diti autem cupresso. Quanquam ad aram maximam Herculi sacra facturi, sola lauro, neque alia coronentur fronde. Thracæ & Iudæi pro lege habent, in omnibus sacris hedera coronari: Cappadoces ambrosia. Apud Aegyptios hedera uitibus præfertur. Druidæ nullum sacrum sine roboris fronde conficiunt. Ptolemæus heliochryso coronauit deos. Thracæ uerò non solum coronati, sed scuta & gladios hedera ornati, in solennibus libant. Isiaci, absinthij marini ramum uirgultis cæteris præferunt. Aegyptij in Iouis pompa, & Magi myrica, Hermionenses hyacintho coronantur in sacris. Parthi ex diuerso gramine coronata agna, odores incendunt. Ferunt Aegyptios agrosti herba manibus decerpta, adorasse, & papyri

papyri flore coronasse deos. Vespasianus uerò coronas ex cinnamomo interrasili auro sæpe templis dicauit. Apud alios autem fagi cortex religiosus fuit. Non sic Thebis & Athenis : nanque in Palladis templo haud facile quisquam hederam inuenit. Ea uerò hedera quæ fert racemos labruscæ modo, quam simulacæ nominant, & arbores quæ nec seruntur, nec fructû serunt, infau- stæ omnibus habentur sacris, & damnatæ religionis: apud Persas non modo qui sacrificat, sed hostia & qui sacris intersunt, festa ornantur fronde. Indis contrà: nanque ex his coronatus sacrificat nemo. Persæ tamen nec deorû imagines habent, nec templa erigunt (erant enim ædium sacrarum & simulachrorum euerfores) sed in loco mundo & excelso, cum precatione dijs ui- ctimas immolant: quod à plerisque usurpatum inue- nimus: nam Carmeli deus colebatur, cui nec templû erat, nec simulachrum, sed ara tantum & diuinus cul- tus. Iudæi mente sola unum numen colunt: ideo nulla apud eos simulachra, non modò templis, sed nec urbi- bus insunt. Germani quoque nullam humani oris spe- ciem dijs, præ eorum magnitudine, dederunt: nec tem- pla dicarunt, sed lucos & nemora deorum nominibus appellant, illa uelut sacra tēpla uenerati. Sacerdos au- tem, & qui uictimam facit, pura in ueste & candida, (nam color albus deo gratus in primis) in textili tela, nec maioris operæ quàm menstruæ, nonnunquā in pur- pura & auro: triumphales uiri, & qui amplios hono- res gesserant, in triumpho ornati, aut in prætexta, lotis manibus & fronde coronati, sacri & uenerabiles, nu- dis pedibus & tonsa coma, ad rem diuinam accede- bant: idque à Pythagora traditum Lacedæmonij obi-

seruarunt, qui nudis pedibus adorandum sacrificandumque censuerunt. Pura autem & religiosa dicebatur uestis, qua rem diuinam facturi festa utuntur die: ea quidem erat soluta omni uinculo, nullis maculis, nec squalore obsita, nec funesta aut fulgurata. Quod si quis nece aliqua pollutus fuisset, bisseptem uicibus inundationibusque uestes abluibat aqua, his piamentis ab immunditia emaculari arbitratus. Aegyptij uero laneas uestes non inferunt in deorum templa, nec cum his cadauera sepeliunt. Hostia si maior erat, auratis cornibus: si minor, coronata illius dei fronde, cui sacra fiunt, incedebat: infulaque lanea & candida uitta circumdata, ante aras nullo uinculo ligata sistebatur: neque enim in sacris uinctum quid esse poterat. Contra uero apud Senones: nam lucum sacrum ueneratur, quem nisi uinculo ligatus, ingredi nemo poterat: qui si forte lapsus corruisset, attollere minimè licebat, sed per humum reptare necessum erat. In Scythia quoque Marti sacrum fit, in quo uictima primis pedibus ligata, ad aram sistitur, cui laqueum in collo iniiciunt, ac baculo circumducto strangulant, sine precatione et uotis. Quam quidem aquam de fonte Iuturnæ, qui circa Numicium labitur, quaque in omnibus sacris adhibetur, in primis inspergebant: eam uero aquam super terram posuisse, piaculum & triste omem erat. Ideo uas lato ore, & fundo angusto, in quo hauriretur, ne stare posset, in sacris adhibebant: cui cadum, alij scyphum dixere nomen: illudque manibus tenere oportebat. Quod quidem Flaminica uirgines sacrorum ministrae, aut Vestalium famulae, nonnunquam pueri flaminum ministri, quos Camillos appellant, patrimi & matrimi omnes

coronati tenebant manibus. Ex hac aqua aegros curari, & bonæ ualitudini restitui putabant. Apud Athenienses uerò aqua erat ex Calliroë fonte, magnæ religionis, in maximis sacris & sponsalitijs caeremonijs: in quibus aliâ adhibere nefas habebatur. Fertur in Delij Apollinis templo præcipua aqua fuisse, sacrificantium usui accommoda, quam ad alios usus hausisse, magni criminis instar erat. Græci in sacrificijs & expiationibus, Eleutheri aquam frequentes adhibent: Træxeni ex Hippocrene: Persici reges ex Choaspide, quam peregre profecturi secum ferunt. Arabum reges ex Euleo, qui ortus à Medis, præcipuo nitore fluit: præ cæteris uerò Aegyptij, tanti Nili aquam fecere, ut quum hydria ad templum humeris ferebatur, omnes procumberent, & sublatis manibus dijs gratias agerent. Feruntque Babylonios reges ex Nilo & Istro aquas inter gaxas condere assueuisse, uelut hoc argumentum suæ magnitudinis ostenderent, quum per tot spatia terrarum, totque inuias regiones aduecta fuerint. Ipse uerò sacerdos lanea infula uelatus, & fronde coronatus, aram manibus tenens, ad Orientem uersus, (puipe matutinum tempus sacrificijs idoneum æstimarunt, quum deos tunc assidere templis, & matutinis salutationibus adesse opinio foret: Magorum & Persarum exemplo, quibus in more fuit, primo semper diluculo canere dijs, hymnosque & laudes dare, orientemque Solem uenerari) meditato & solenni precationis carmine, uerbis priscis ex annalium uetustate erutis, numina et deos precatus, uota effundebat: quam precationē plerunque ter geminabat. Indi uerò & gymnosophista in meridie, & ubi multum diei processerat, immolare



dij usurparunt. Quod Mercurius in Asclepio existimavit, ut adorantes medio die conuertatur in austrum, occiduo in occasum: si uero primum oriatur sol, in ortum. Fuitq; Apollonij Tyanei opinio, summo diluculo cum dijs uersari: procedete mox die, de dijs loqui oportere. Moses autem & Hebraei occidentem spectari censuerunt. Ea uero insula ex lana alba & cocco fuit, instar fasciae, plerunque lata, nonnunquam tortilis & rotunda, ex qua uitta hincinde defluebant. Principiumque precationis à Iano & Vesta, quae in omnibus sacris praecipua numina sunt, quaeque in uotis nuncupandis praefationem perpetuam meruere, fieri oportebat: ut per eos ad reliquos deos aditus pateat, quibus thurs & merum offerebat in primis. In qua precatione obseruatur, ut Iupiter pater optimus maximus, Vulcanus, Apollo, Mercurius, omnes deniq; dij sacro carmine patres aduocentur. Quod in omni sacro constitutum fuit, ut cui deo sacrificetur, necesse foret, post ipsum reliquos aduocari, ut hi uolentes & propicij, uotis & precationibus adsint. Antoninus uero imperator deum Heliogabalum, quem magni numinis loco habuit, in praefatione sacrorum reliquis dijs praeponi uoluit: & Domitianus Palladem uelut genitricem: & se Palladis filium per sacrificulos in primis iussit aduocari. In Peloponneso autem Melissa nymphea, quae usum mellis gentibus dedit, in omni praefatione sacrorum, principium precationis fecit. Quam quidem precationem plerunque ter repetebant, sicut libationem. Dijs deinde & uotis rite nuncupatis, eundem Ianum in fine precationis denuo aduocare necessum erat, ut is deus precationis caput & finem faceret. Sine precatione autem uictimas

cædere, aut deos ritè consuli, fas non putarunt. Itaque sua carmina suæque preces singulis dijs institutæ sunt, quas plerunque, ne quid praposterè dicatur, aliquis ex scripto præire, & ad uerbum referre solebat. Fertur tamen Pyrrhus Epirota ubi immolabat, nullas effundere preces solitus, nisi quòd sanitatem & bene ualere precabatur à dijs. Apud Indos hi qui Pedalij uocantur, inter uota precèsque solam iustitiã petere in usu habèt, quasi hoc munere deum amplissimũ esset mortalibus datũ. Socrates in Phadro, ut pulcher intus fiat, utque bona animi & corporis bene haberent, & ut dentur optima, precari docuit. Apollonius Tyaneus à dijs poscebat, ut bonos cognosceret, malos uitaret. Interdum pauca habere, & nullius indigere, precatio fuit: quam quidem precationem nunc sacra præcedere, nunc subsequi, plerunque finem claudere, nonnulli uolunt. Manibusque præcantem aram tenere oportebat: quia nisi teneretur ara, solas preces non litare perspectum est. Pellex tamen, Numæ legibus, arã tangere uetabatur, quam si tetigisset, agnũ solutis criminibus cædere cogebatur. Precibusque peractis, & ritè deprecato numine, qui rem diuinã facit, se ad dexteram uoluere, & circumuertere, manumque priore digito in erectum pollicem residente, ori admouere, deinde sedere, uetusto more debet, uelut dijs ratas preces habentibus. Galli uerò se ad læuã uertere religiosius putarunt. Græci post effusas preces, manus osculantur. id quod Romani factitarunt, qui pratercuntes facnum aliquod, manum labris admouent, tanquam deos uenerarentur & timerent, ratasque preces signifi-

carent. Frugesque in caput uictimæ, aut molā ex farre molito & sale, deinde nouum uinum aut costum, et mascula thura inter cornua fundebat, mactam esse hostiam uoce significans: quod quidem ad uictimarum probationem proficere credebant, ut si non obstupuis-  
sent, sacrificio probarentur idoneæ. Græci autem non fruges, sed hordeum sale conspersum aris inspergebant. Ad Terei sepulchrum Megaris, dum sacrum sit, calculis pro hordeo utuntur: Diana uerò Propyleæ mulieres Eleusina, nullam nisi ex hordeo ibi nato, molā conficere possunt: proditumque memoriæ est, Iliacis temporibus, ueteres non thure, nec costo, sed cedri & citri fumo deos adoluisse: atque Sabæos quum omnia odorum genera dijs accumularent, de myrrha tamē nihil impariri, quasi numinibus subiratos, quod solam myrrhā ex omnibus odoribus apud se gigni non fuissent. Sine mola enim salsa, nullum dijs sacrificiū ratum fieri putabant, in ea efficaciorē uim placandis numinibus & commouendæ diuinitatis esse opinati. Vinum uerò antequam funderet sacerdos, propinabat prius scipulo aut simpuiuo ligneo, uel fictili admodum paruo, quod in sacrificali apparatu erat cyathus haud dissimile: illudque secundum libationem astantibus circumferebat, ut pariter libarent. Tum setas inter cornua uictimæ manu excerptas, tanquam prima libamina in ignem mittere, obliquumque cultrum à fronte ad caudam uictimæ ducere, & se ad orientem uertere debebat, quod in sacrificio habebatur primum: si quidem prima sacrificij pars erat, libare dijs: secunda immolare: tertia, reddere: quarta, litare: facibusque adhi-

adhibitis ex tecta ligno, ut in quocunq; sacro fieri mos erat, quas nisi mares ferre alius nemo poterat: & igne accenso super aras (neque enim sine igne ullum sacrificium facere licebat, quū etiā sabbatis lucernas accendere dīs prisco more seruatiū sit) accinctos ministros, qui sacrificanti præsto aderant, uictimam immolare iubebat, qui uictimarij seu cultrarij, à nonnullis popæ & agones dicti sunt: qui illam supra uerticem, plerunque infra iugulum feriebant. Indi uerò uictimam non iugulare, sed præcluso spiritu necare assuērant, ne quid deperiret, nèue quid mancū deo offerretur. Græcis autem moris erat, si celestibus dīs uictimam facerent, sic hostiæ caput statuere, ut calū spectaret: si uerò inferis, ut terram despiceret. Quibus quidem ministris, nisi iussi essent, mactare non licebat. Ideo succincti nutum imperiumque expectantes, Agon' dicebant. Interim cæsa uictima, alijs uasa ut cruorem exciperet, cadenti hostiæ supponebant, alijs decoriabant. Mox aruspex, flamen, aut sacerdos cultro ferreo uiscera & iecinora rimabatur, in illisque deos consulebat, & an perlitatū foret, explorabat attentè. Apud Galatas uerò non aruspex, sed philosophus aderat, sine quo sacrū dīs nullum exhiberi poterat. Is autem culter ferreus erat & oblongus, manubrio eburno, clauis æneis, ære Cyprio, et capulo argenteo ornatus: nanq; manu uiscera tangere non decebat, ne qua offensa, pollutis sacris, contraheretur. Apud Delphos fuit usurpatū, ut cultro quo dīs immolabāt, de nocentibus suppliciū sumerēt. Persæ & Cappadoces nō gladio, sed stipite mactabāt hostidas: Romani etiam malleo: apud Homerum querno



trunco. Quibus inspectis, ex omni uiscere, & membro  
 primitias, partesque defectas farina farris inuoluere,  
 & in calathis sacrificiū offerre debebat, tunc hostia  
 perfecta dicebatur: quas sacerdos aris imponēs, foculo  
 accenso comburebat. Hoc enim in omni sacrificio ser-  
 uatū est, ut de singulis oblatiis, aut deo immolatis, par-  
 ticulas tanquam libamina, ut holocaustū fiat, in ignē  
 mitterent. Aegyptij sacerdotes, immolata uictima, ca-  
 put abscindunt: illudque diris carminibus execrati, in  
 flumen deiciunt, cum precatione solēni, ut si quid ad-  
 uersi casurum foret, in caput illud redundaret. Apud  
 Græcos ex casa uictima, nonnunquam capite & uen-  
 tre excepto, cetera dabantur dīs: linguæ uerò præco-  
 nibus. Hunc uerò ignem ex olea, lauro, uel quercu cras-  
 sioris corticis, aut cuius caudex cauius fungosusque fo-  
 ret, accendere, uel numinibus adolere nefas erat. Hæc  
 enim ligna tanquā dira maliq; ominis, detestati sunt:  
 quem ignem subdita face accendebāt, eumque partim  
 ex fumo, quas uertigines faceret, quantumque se attol-  
 leret, partim ex flamma, si lucidior aut obrustior, et qua  
 specie foret, multi obseruarūt, qui Capnomantes dicti:  
 Si autem mortuo carbone sacrificetur, signum negle-  
 ctæ religionis fore & perniciosum, nemo dubitauit.  
 Persis ligna arida, dempto cortice, sacrificio apponere,  
 desuperque oleum fundere, & aruinam pinguem,  
 ignemque appositum, non flatu, sed uentulo excitare,  
 in usu fuit: Solique, uelut deorum maximo, quum  
 uirgultorum fascēs apponunt, & incendium susci-  
 tant, his uerbis proloqui, Ede ignis Domine. Apud  
 Siculos in colle Vulcanio, iuxta Petrensium stagnum,  
 dum

dum sacrum fit, sarmentorum fascēs super aras sua sponte ignem concipere, & nullo flante halitu, incendium fieri fabulantur: sicut de Seleuco traditur, qui cum Ioui in Pella uictimam faceret, ligna aris imposita ultro arserunt: & de Egnatia nymp̃ha in Apulis, in cuius ara lignis extractis, ignem sua sponte excitari opinio erat. Tradunt magos apud Persas, dum sacrum fit, carnes super myrto & lauro appositae subtilibus uirgis adurere: atque Eretrienſes mulieres in Cerealibus obseruare, ut caſa uictima, carnibus non igne coctis, sed sole torridis uescatur: & apud Scythas sacrum fieri Marti, ubi uictimarum carnes ipsarum ossibus aduruntur. Lusitani uero ignitis lapidibus, sacrificales carnes coquunt. Iosides, licet ex omni ligno incendiant aras, spinas tamen asparagi aut stramina in sacrificijs cremare, nefas habent. Mox farrā uisceribus spargens, probata libataque exta lancibus imposita, arae superponebat: uisceraque, detractis extis, flammis & foculo, mittebat desuper thus & costum. Ea quidem uiscera licet nunquam abluta, elixa per se fiebant: uinumque aris postea fundebat, & tunc porrici hostia dicebatur. Persae uero ex immolata uictima nihil dijs adolent, sola anima deos contentos esse rati. Lusitani quoque ex hostia immolata nihil concidunt, sed exta perspiciunt, & diuinant. Thisetæ in Asia & Argini, ossa uictimae tantum in ignem mittunt, & deflagrant: ipsi autem uescuntur carnibus. Apud Aegyptios inualuit mos, ut immolata uictima, dum sacrificium ardet, omnes se diuerberent, & flagris afficiant. Quare uerbum Xenophanis physici proditur non inuenustum: qui cum Aegyptios sese conuerberantes, & lugentes

in sacris uidisset, admonuit, ut si deos esse crederent, quibus sacra ministrabant, ne lugerēt: si uero homines, ne sacrificarent. Quod fere à Lacedæmonijs usurpatum fuit, ut in adolescentes ephebos circa aras flagris desauiant. Ex reliquis uero hostiæ membris, cœnam apparabāt, quibus qui sacris interfuere, uesci licebat. Græci uero satis habent femora hostiæ in duo frusta concisa, igni subicere, ut ex his holocaustum fieret, uisceribusque super prunas assus, pro iētaculo, mox carnibus ueru decoctis, discumbentes uesci. Quibus ex legis præscripto portiunculam ad domesticos asferre, & amicis partes uictimarum impartire licebat: extraneos autem ad sacra adhibere, fas non erat. Apud Lacedæmonios autem in publica uisceratione primi reges erāt, quibus duplum quàm ceteris dabatur, priuilegiūque honoris, præter libamina, immolatorum quoque animalium coria debebantur. hordeaceasque pulres, libasque & farra, ac fructuum primitias non auro uel argento, sed fictili urna & catino, aut simpulo, uel ligneo scypho, qui ne carie absumeretur, pice oblitus erat, aut gutto fagino, sicut Marius Curius, dñs prolibare soliti sunt, uetustissimā religionem, qua in deorum sacrificijs fictilibus utebantur, designātes, qui pietate, religione & iustis precibus, non cœsu, deos placari putabant. Quippe tunc maxime dñ propitiū esse crediti sunt, cum fictiles erant. Hostiaque immolata & mysterijs peractis, qui sacris intererant, uisco & farre apposito, cum rotundis paniceis, quas in honore deorum adhibebant, stantes uescebantur. Siquidem in adibus deorum, & epulari simul, & sacrum fieri seruatum est: nam mensæ in sacris adibus, ararum ui-

cem præbebant. Quibus quidem extis & carnibus  
sacrificialibus, nisi rite sacrificio perfecto, uesci non li-  
cebat. Delphis uero assuetum est, ut immolantes uicti-  
mam, exclusis cæteris, uescantur: ad quam extraneos  
admittere nefas erat. Contrà in sacris Hecates: in qui-  
bus qui sacrû fecit, de sacrificio uesci non permittitur.  
Quæ quidem exta uerû assa apponebantur semper,  
cum heroicis temporibus non uescerentur elixis: arie-  
tis tamen non uerû coctâ, sed elixa in olla apponunt:  
aliter ritu præpostero sacrum fieret. Interquæ uescen-  
dum laudes dÿs canere assuerant his, quibus sacrum  
fieret: pedibusquæ circum aras psallere ad numerum,  
carminaquæ & hymnos canere, ac cymbala pulsan-  
tes, choros agitare. Fuitquæ obseruatum, ut sacrifi-  
cantes aras circumcurrerent, cursum auspicati à læua  
dextrorsum, quod religiosius putarunt, mox à dextra  
læuorsum. Cumquæ hymnorum plures species forent,  
quibus psallebant dÿs, hi tamen fuere in usu frequen-  
tes: Hypingos Diana, Appollini pæan & Proscædia,  
Dionysio dithyrambus, Cereri iulus, Veneri eroti-  
cus, id est, amatorius: præter quos fuere, proscædion,  
hyporchema, & stasimon. Quod ideo inuentum est,  
ne qua pars corporis religione uacaret, quasi peni-  
tus sacro numine afflati, quodam furore capti fo-  
rent. Memphitæ uero in Osiridis templo dum sacri-  
fificant, præter aliorum motum, nec canere tibias,  
nec psallere soliti sunt. Et Græcorum plerique cum  
nulla numinis afflatione sacrificia perficiunt, sed a-  
nimo remisso absque tibia uel cantu. Contrà apud  
Indos, quibus nulla fuit numinis consalutatio, uel sa-  
crificium, nisi adhibita saltatio foret. In Delo quoque



absque saltatione uel musica, sacrum nullum fiebat. Fertur Antoninus Caesar quum deo Heliogabalo sacrum faceret, mulieres Phœnissas, quæ in orbem cursitarent, cymbalaque & organa musica circum aras psalleret, adhibuisse: & Cybeles sacerdos cum tinnitu cymbalorum & sonitu tympanorum sacrum facere. Apud Curetas quoque nullum fit sacrum sine strepitu & fragore, tympanis unâ tubisque pulsantibus. Re igitur diuina & cæremonijs concelebratis, sacerdos tunc, ILICET, succlamabat. qua uoce illos qui interfuert, missos faciebat. Apud Græcos uerò functus mysterio sacerdos, sic renunciat, λαοῖς ἄφροῖς, quasi populum missum faceret. Si qua tamen mysteria in sacris instauranda forent, initiati manebant: prophanos autem foras exigebant. nanque hoc erat usu frequens, ut omnia mysteria secreta sint, summaque in his silentij fides habeatur: sicut in Samothracijs & Eleusinijs. Illud utique in sacrificijs seruatum nequaquam præterierim, ut mola salsa & farre non modò frons uictima, sed foci cultri que aspergantur unâ: quodque immolata uictima, si non litassent, hostias denuo augeri iterum ac sæpius, & maioribus hostijs sacrum instaurari debebant: donec inuenta pace deum, & propiciato numine, ritè perhitatum æstimarent.

Quæ militibus operam in bello nauantibus militaria dona ab imperatoribus olim dari solita fuerint.

Caput XVIII.

PRISCIS temporibus militaria dona, quæ militibus fortem operam nauantibus in bello à ducibus dabantur, hemine uel quartarij farris fuere, (unde adorea, laus bellica dicta) binaque iugera, aut tan-

tum

tum agri quantum uno die circumarassent, amplissima dona putauere. Precia enim militiae hac habita sunt maxima, ut post exhaustos labores, milites emeritis stipendijs, sanguine & sudore partis agris donaretur. hos enim letissimos fructus, uelut opimam praedam, laborum periculorumque, accipiebant: quippe perniciosum ciuem putabant, cui bina aut septem iugera non essent satis. Præter quæ, ut ad decora militiae magis incenderent animos, quoque honoratior testatiorque eorum uirtus foret, mercede proposita, obsidionalem, ciuicam, muralem, naualem, castrensem & aureas coronas, amplissimaque alia honoris genera inuenere, quibus donabantur, qui urbes, castra, aut exercitus obsidione liberaissent, ciuem uel seruassent, uel primi obsessæ urbis muros subissent. Primus enim Aul. Posthumius dictator ad lacum Regillum castris expugnatis, magni muneris loco auream coronam dedisse fertur. Mox sequuti duces militibus, ut essent re & fortuna auctiores, alias largiti fuere, quas quidem frequenti pratorio egregijs laudibus cumulatis, cum præfatione uirtutum militibus tradebant. Apud Græcos, duces in unum coeuntes, in concilio agitant, & sententijs decernunt, quem primum, quem secundum, qui depulsas hostium copias longius egerit, & quo premio aut honore dignus sit, diiudicant: idque apud deorum aras in Isthmo, inclyto Neptuni templo, sumpto ab ara suffragio, & ut erant sententia, sic agro & uacatione donare, ac pro merito præmia largiri solebāt. Apud Indos uerò nullo militari dono aut hostili præda donabatur miles, nisi qui hostis caput retulisset in castra. Sed præ cæteris corona ciuica maximi fuit or-

natus, cui cedunt aurea, murales, castrenses, atque rostrata: eratque proprium ius ciuica, ut illa donatus perpetuo eam gestare liceret, & ludos incunti à populo & senatu uniuerso assurgeretur, ius spectandi inter senatores, munerum uacatio sibi, patrique & a uo paterno. Præcipua uerò obsidionalis, tanquam uirtutis præferens spectatissimum insigne, æstimatione immensa, longè præcellere credita est: hac enim ex illo fiebat gramine, ubi ciues obsidione essent liberati: qua nulla nobilior publica militari lege diffinitur: quippe ceteras, imperatores aut duces singulis militibus tradunt: graminea uerò, uelut multo maximum decus præferens, nisi ab uniuerso exercitu, seruatori suo concedi minime poterat. Ciuica ex querna fronde fit: muralis in pinnarum similitudinem, naualis instar nauium rostri: quæ uerò castrensis, uelut effictio uallo figurabatur. Hac obsidionali Q. Cincinnatus à Minutio & toto exercitu, quod illius opera obsidione liberati fuerant, primus donatus fertur. Et deinde M. Valerius consul contra Samnites, P. Decium tribunum militum, quod eius consilio & ministerio exercitus ex saltu angusto et arctissimis faucibus euaserat, præter gramineam, qua ab uniuerso exercitu & suo præsidio donatus fuit, etiam aurea corona & centum bobus, eximioque uno albo opimo auratis cornibus, donauit. Eademque obsidionalis Fabio Maximo imperatori, quod cunctando remp. & ciues seruasset, à toto exercitu, senatuque & populo, communi conspiratione & cōsensu tributa est. Et bello Cimbrico, Cn. Teio Atinati, quod cunctantem primipilum interfecerat, ipseque arrepto uexillo, per castra hostium  
erupe-

eruperat, exercitumque incolumem eduxerat, præter  
gramineam, ut prætextatus ad tibicinem immolaret  
foculo accenso, concessum fuit. Contigitque idem ho-  
nos semel L. Sicinio Dentato, & M. Calphurnio tri-  
buno, quod M. Attilium Regulum, primo Punico bello  
in Sicilia cum exercitu, hostium excidio liberasset:  
deinde Scipio Aemilianus bello Aphricano, mox  
Sylla bello Marfico, demum Iulius Cæsar in expugna-  
tione Mitylenarum, & Augustus, obsidionali & ci-  
uica donati fuere. Ea enim ciuica, singularis salutis si-  
gnum erat: obsidionalis uero, uniuersorum. Rostra-  
tam uero accepit primus M. Varro bello Piratico, do-  
nante Cn. Pompeio: & deinde Agrippa, bello Siculo  
ab Augusto: quod in conflictu naualis pugnae, in naues  
hostium insilissent primi. Corniculasque, & aureas  
coronas, phalerasque argenteas, & aureos torques,  
tum armillas, adde uexilla carulea, honoris causa ob  
nauatam insigniter in bello operam, & ob multa rei  
militaris facinora, militibus quam sæpius ab im-  
peratoribus dari adnotatum est. Sed auxiliares &  
externi, aureis: Romani argenteis torquibus donaban-  
tur. Cōtrā uero armillas non externis, sed ciuibus tra-  
debant. Augustus tamen Octauius facilius phaleras  
& torques, & quicquid auro constaret, quam mura-  
les, castræses, aut ciuicas coronas munera dedit. C. au-  
tem Caligula noui generis coronas, Solis & Lunæ ac  
siderum specie commentus fuit. Scipio uero Aemilia-  
nus regum & sociorum munera oblata pro tribunali  
recipiēs, in publicas tabulas per quæstore referri iussa,  
postmodum fortibus uiris, pro meritis tradebat. Præ-  
terque aureos torques, etiam duplicem annonam,



interdum militia uacationem, & immunitatem ob uirtutis premium, nonnunquam duplex stipendium imperatores largiti sunt: æraque multiplicia sagaque & tunica singulis militibus, qui rebus fortiter gestis interfuere: plerūque ius ciuitatis ex lege Calphurnia: uel senatoria fungi dignitate inter patres, aut diebus solennibus coronatum incedere, uelut præmia uictoria haud quaquam spernenda munera fuere. Neque dubium, illos quorum opera insignis in bello sterisset, perditaque & afflictæ res restituta essent, pluries donis muneribusque honestari. C. Sicinius Dêtatus, clarus uir ingenio factisque, ob egregia facinora militaria, præter octo aureas coronas, obsidionali una, muralibus tribus, ciuicis quatuor, torquibus tribus & octoginta, hastis puris duodeviginti, armillis plus centum sexaginta donatus fuit. Habeturque inter exempla, hunc Sicinium militaribus donis, omnium honores & uirtutum præmia anteisse. Hæ quidem hæstæ, quod nullo ferro munitæ forent, puræ dictæ sunt, quibus donabantur plerunque milites, qui tunc primum militare facinus in bello admisissent. Cui proximus fuit Manlius Capitolinus, qui uix decimo & septimo ætatis anno, bina ex hostibus spolia tulit, primusque murali corona donatus, ciuicas sex, militaria dona sex & uiginti meruit ob uirtutem. Probus quoque, qui postea in imperio assumptus fuit, quum bello Sarmatico iam tribunus multa fortiter fecisset, hastis puris quatuor, coronis uallaribus duabus, corona ciuica una, uexillis puris quatuor, armillis aureis duabus, torque uno, & patera sacrificali aurea quinque libris, una pro cōcione donatus fuisse memoratur. Quinetiam  
illud

illud perspectum est, in annonæ caritate & rebus angustissimis, militem ob rei militaris singularem scientiam, collato frumēto & pecore donari: Manipulūque hastatorum ob insignem operam corniculis armillisque argenteis: Sp. que Nautium à Papyrio consule bello contra Samnites, etiam coronis aureis donatum. Præterque aureas pateras, sellasque curules eburneas, & scipionem eburneū, hastæ quoque, tunica palmata & picta, atque in bello nauali uexilla cærulea, nonnunquam altioris dignitatis gradus aut militaris ordinis prærogatiua, militibus qui strenuam operam nauarunt, munera tributa fuere. Summis uero ducibus triumphalis statua, aut consularia ornamenta. In quo animaduersum est, populum Atheniensem perraro uirtutis præmium aliquibus statuas dedisse, in quibus illorum nomina inscriberent, ut populi hoc uideretur beneficium, non illorum qui id meruissent. Nemoque qui præclarum aliquod gesserat facinus, prout cuiusque meritum uirtusque fuit, militaribus donis indonatus abiisse fertur: adeo ut Quintius prætor, deuictis Hispanis, equites nouo genere honoris, catellis & fistulis donarit. Proditum tamen est, Fuluius Nobiliori à Catone obiectum, quod leuissimis de causis, utpote quod puteum strenue effoderant, aut uallum curarant, coronis milites donasset. Casari quoque Augusto multiplicia hæc munera largienti, obiectum à militibus fuit, puerilia hæc deliramēta esse. Nāque exercitui pecunia & agris, non his honoribus opus erat. Legibus uero Solonis apud Athenienses cauebatur, ut præter ea dona quæ militibus duces impartiti fuerant, illorum filij qui bello occubuiissent, publicè ale-

rentur, & bonis disciplinis instruerentur. Quod Pisistratus cauisse dicitur, ut filij parentum, quorum uirtus insignis in bello fuerat, dona acciperent. Frequens tamen illis munus erat, corona ex auro, nonnunquam tanjys & uittis caput ornare, aut publica sepultura in Ceramico: naque intra mœnia sepelire non licebat, nisi qui ob singularem excellentiam, præcipuum hoc donum meruissent. Legimus Syracusanum Dionem, parta uictoria, militibus aurea, & Themistoclem, quod Græciam liberaisset, à Lacedæmonijs corona oleagina, & curru eximio donatos, laudatosque magnificè: ac Miltiadem ob pugnam Marathoniam, in qua ultra centum millia Persarum una acie uicit, ab Atheniensibus consequutum, ut in Pæcile porticu, sua imago in prætorum numero exculperetur inter primores. Agamemnon uero, Homeri testimonio, Aiadem, quod cum Hectore pugnasset, bouis immolati tergoe & cornibus: Achillem uero, præter septem tripodes & uiginti lebetes, decemque auri talenta, e quorum duodecim & septem Lesbicum fœminarum munere donauit. Plataensibus ob nauatam insigniter operam in bello Persico, munus octoginta talenta largitum fuit. Scythus uero mos erat, his qui hostem superassent, semel annis singulis cratere regio uinum bibere, quod uictoribus circūferebatur: qui uero pluribus casis uictor fuisset, duobus calicibus potare. Romanis uero traditur usus, ut quorum parentes reipub. causa occubuissent, liberi præmia ferrent, qua illis deberentur. Si tamen regibus fœderatis, aut socijs mittenda dona forent, scipio eburneus, toga picta, & palmata tunica cum sella curuli, frequentia fuere.

Erat

Erat autem Ceramicus extra Athenas locus, in quo deorum hominumque excellentium simulachra & statuas, publico decreto erigere, atque eos qui pro patria occubuissent sepelire, illisque erectis tumulis, inscriptiones & elogia, decretaque ac titulos apponere assuerant: inter quas Chrysippi imago porrecta manu uisebatur, aliorumque philosophorum, diuerso gestu & modo. Singulis enim sepulchris singula columnæ affigebantur, cum inscriptionibus & titulis, quos ob egregia quisque facinora meruisset: ibique uelut monumentis & trophæis, celebrata illorum memoria fuit. Alter uero Ceramicus intra urbem locus erat Athenis, diuersorium scortorum, cui nomen Casaluio: sicut Græcis Celosta, & Romæ Summenium, ubi prostabant meretriculæ, quæ pluribus notata nominibus fuere: nam & Sphinctæ, Casaluades, Licastræ, Casorides, & Casoritæ dictæ: apud Latinos lupæ. Postea sequenti Casares, centuriones legatosque legionum pro magnis officiis in rempub. consularibus ornamentis, aut equo publico, nonnunquam triumphali statua donauere. Quod à Macedonibus antea fuit usurpatum: nanque Alexander Macedo centum uiginti equites, qui in campis Adrastæis ceciderant, propter multa belli decora, equestribus statuis donauit: illorumque filios patrum stipendia ferre iussit. Illud tamen haud indignum est quod annotetur, quod uiri triumphales, qui triumphalia ornamenta meruissent, præcipuo honoris priuilegio, eadem ipsi dona alijs fortiter dimicantibus lege militari impartiri poterant: quodque uigente hoste, & nisi debellato, dona



militaria duces largiri non solebant. Et licet milites in castris perexiguo ad uescendum argento uterentur, militarique disciplina horridus miles, non calatus auro & argēto, sed ferro & animis deberet esse munitus: tamen eiusmodi dona, quibus uirtutis gratia miles donabatur, ueluti inuitamenta uirtutum, permulcendis militum animis tanti fuere: itaque animos ad res magnas acuebant, ut his honoribus aucti & cōfirmati, quisque suum decus faceret, destinarentque animis uincere aut mori, mortemque potius quam ignominiosam seruitutem præoptarent: uitam denique & quæcunque pericula nihili penderent.

Delusiones dæmonum malorum à multis expertas fuisse, qui diuersis imaginibus homines deluserē.

Caput XIX.

NON EST profecto fabulosum, quod apud sanctos uiros autores memorant, ut cum tetrīs spiritibus, quos dæmones uocāt, congressum habuerint, illosque diuersis imaginibus, ac multiplici specie prope deluserint: siquidem nostra quoque memoria id euenisse compertum est. Nuper amicus meus summus, ingenio & fide singulari, rem dictu admirabilem, hac proidentibus nobis, sibi euenisse enarrauit: quod quum credi uix posset, illam multorum testimonio comprobauit: se quum apud coniunctissimum & sibi familiarem Neapoli diuerteret, & noctis silentio claman- tis de uia, & opem implorantis uocem hominis audisset, quum accenso lumine accurrisset, ut quid rei esset inquireret, ibi dæmonem & dirum quoddam numen, tetra & horribili specie conspexisse, qui inuenē quempiam clamantem, & reluctantem, in uia infestis manibus

nibus inuadere quarebat. quo conspecto, quum miser ille ad ipsum quem propè uidebat accurrisset, & ne apprehenderetur, quanto poterat nixu ipsius uestem & manum apprehendisset, se, diuino sapius aduocato numine, quum multum diuque frustra fuisset reluctatus, uix tandem dæmonem abegisse: quo demum abactō, quum iuuenem animo consternatum in domum recepisset, nunquam ut se dimitteret, aut pallium relaxaret, efficere quisse: tantaque eum torpedō inuasit, ut mente euicta, sui cōpos non esset, quum sibi prorsus representari & ante oculos obuersari illa species uideretur. Tandem ad se redditus, rem quo pacto se habuerat, enarrauit. Constabat enim, prauis illum moribus & inciuilibus cum dei contemptu diu uixisse, in parentesque tunc iurgatum, contumelias & intoleranda probra dixisse, deuotionibus execrationibusque diris ab his agitatum abūsse. sed ne cui hæc uana uel ficta sermonibus uideātur, autor est Thomas monachus, homo minimè malus, cuius ego fidem probitatemque pluribus in rebus expertus didici, qui serio mihi retulit, quod quum in monasterio & sacris adibus, quæ in Lucanis montibus sunt, cum pluribus iurgatus foret, & post immodica conuicia & rixas, animo perturbato inde se proriperet: quum per nemora iter solus intenderet, speciem hominis uultu tetro, nigra barba, promissis tunicis, uultu aspectuq; deformi & sæuo, obuiam habuisse: quem quum compellaret, quid ille solus per deuia errabundus incederet, dixit equum quo uectabatur amisisse, atque in proximos campos illum euasisse credere: cumque per sinus inuios equum unà quæsitum pergerent, ad profluentem,

in cuius alueo gurgites magni & formidabiles re-  
 dundabant, deuenisse. Et quum monachus, ut aquam  
 traiceret, calceos sibi eximere appararet, illum ma-  
 gnopere coëgisse, & tandem peruicisse, ut super spa-  
 thulas suas ascēderet, potius quē à se qui corpore maior  
 erat, uectaretur: qui acquiescēs, quum super illius spa-  
 thulas, ut succollaretur monachus, ascenderet, ille quē  
 iam aquam ingredi appararet, dum uada exquirir,  
 illius pedes non humana, sed tetra & deformi specie  
 cōspexit. quo animaduerso, horribili terrore percitus,  
 denum ut sibi praesto adesset, acclamauit. Mox demo-  
 nem et diram illam speciem, diuino audito uerbo, stri-  
 dore querulo & ui maxima quanta dici potest, ita ē  
 conspectu abūsse dicit, ut imminentem quercum in-  
 genti impetu colliserit, ac perfractis ramis, funditus e-  
 uerterit, ipse quē consternatus atque exanimis diu ia-  
 cuerit. Credebat enim, quod à uero non abhorret, nisi  
 prauidisset, illum in rapidissimos uortices & uoragi-  
 nes fluminis praēaltas se fuisse necaturum. Sed pra o-  
 mnibus quae audiuerim aut uiderim, res est admira-  
 tione digna, quam recenti memoria euenisse comperi-  
 mus Romae. Quippe nota res est, quum apud Gabios  
 quidam infimae sortis & obscuris natalibus adole-  
 scens uesanus & furiosus, cuius prauī mores & uita  
 facinorosa fuerat, in parentem grauibz iurgis con-  
 uiciatus foret, post iurgia immodica, quū furis agita-  
 tus, aduocato demone, cui se deuouerat homo ille im-  
 probus & impurus, furore cecus & amens discessis-  
 set, & Romam petere cōpisset eo consilio, ut aliquod  
 dirum facinus in patrem moliretur, dum iter faceret,  
 demonem facie hominis truculēta, sordida barba &  
 capil-

capillo, uesteque obsoleta & squalida obuiam habuisse. quò quum simul pergerent, illum interrogasse iuuenem, quem animo anxio & sollicito uidebat, quid tam tristis incederet. atque ille, quum quid sibi iurgij cum patre fuisset, quodque aliquid scelesti facinoris patrare cuperet, respondisset: dæmonem illum se quoque simili casu percitum fuisse dicere: proinde pergerent, & suas iniurias ultum irent. Cumque nocte appetente, ad urbem applicuissent, in proximo hospitio diuertisse, atque in cubiculū quod à caupone utrique exhibitum fuit, haud multo post cubitum inisse: Cumque unā cubarent, pestem illam immanem, cum illum somno oppressum uideret, infestis manibus iugulum hominis apprehēdisse, ut elisis faucibus necaret: quem iam oppressisset, ni expergesfactus ille, dei opem & auxilium aduocasset: quo audito, furiam illam teter-  
rimam stridore & tumultu maximo, tantoque impetu cubiculum, unde euasit, dicitur collisisse, ut tigna & tectum euerterit, tegulasque penitus perfrēgerit: quo strepitu cum magister hospitij excitatus surgeret, & quid ruina & strepitus esset inclamaret, allato mox lumine, rem sicuti erat, adolescēs ille quem solum & seminecem inuenerat, enarrauit: tectumque collisum & perfractum, unde dæmon è conspectu abiit, demonstrauit: quo malo perterritus, cum sua turpitudinis, & antea acta uita non solum pigeret, sed pueret, diuino afflatus spiritu, perosus scelera, boni exempli & procul à populari tumultu, uitam egit. Multas quoque malorum dæmonum illusiones persæpe apud sanctos uiros fuisse legimus, quas nostra non semel uidit ætas. Quibus salutaribus exemplis admo-



nemur, ut præmuniti aduersus illorum insidias simus, qui nobis inimici infestique sunt, & tanquam in specula in insidijs stant: nèue desides & ignaui concepta opinione populari, illorum qui ista minimè credunt, in aliquod discrimen dilabamur.

Quando diestam apud Romanos quàm exterarum gentes incipiat: & qui dies atrius, quiue fausti sint. Caput XX.

PER VVLGATVM ferè est, Aegyptios & Athenienses diem à solis occasu facere, & ad alterum occidentem terminare: ita ut quod spatij inter duplicem occasum fuit, integrum diem putarent. Persæ & Babylonij contrà: nam diem ab ortu solis incipere, & ad alterum terminari dixerunt: Vmbri & Hetrusci, à sexta hora ad alterius sextam: Romani, à media nocte ad mediam sequentem, ita ut quod inter duas dimidiatas noctes temporis fuit, integrum diem facerent. Vulgus omne, ab oriente luce ad tenebras. Galli & Germani ita sunt metiti diem, ut temporum spatia, non dierum numero, sed per noctium vicissitudines computarent, noctesque diebus anteferrent. Ipsi enim noctes ante diem fuisse arbitrati sunt. Fertur Solon Atheniensibus suasisse, ut non ad solis, sed lunæ meatum dies & tempora dinumerarent. Thebæi uero contrà: nam dies non ad lunæ, sed solis cursum metiti sunt. Fuitque tam Græcorum quam Sicularum mos, in primis curare, ut sui dies mensesque cum solis & lunæ ratione congruerent: & si quid discreparet, tunc unum diem aut biduum ex singulo mense adyccere, uel adimere. Dierum uerò quidam fausti & agendis rebus felices, quidam atrii & tristi omine infames habiti: quibus aliquid mōliri, aut nouæ rei inceptare,

euen

eventus exitialis erat. In his exercitum conscribere, legiones educere, manus cum hoste conferere, sponsalia inire, peregre proficisci, aut quicquam publicæ uel priuata rei moliri, inceptu fœdum & exitiale aestimauit. Obseruatumq; fuit, ut qui hostes bello tētare, uel acies eo tempore committere curarent, rem in non mediocre periculum discrimenq; adducerēt, magno postea exitio consequuto. Fuisse, aut atros duxere dies, post Idus Quintiles ad quintumdecimū calend. Sextiles duplici clade insignes, quo ad Cremeram Fabij cæsi, & quo ad Alliam fœdè Romani à Gallis fusi fugatiq; fuere: quibus grauitè afflicta, & in extremum discrimē adducta Romana res fuit. Quare Vitellio pōtificatum maximū adeptō, quōd diem ad quintumdecimū calend. Sextiles ceremonijs publicis sacram concilio edixisset, dirum omen fuit: qua calamitate doctus populus Romanus, illum diem nullius publicæ uel priuata rei insignem & notabilem fecit. Cuius exemplo etiam postridie calend. Nonas & Idus mensis cuiusq;, religiosos & ominales ac infaustos putauere: ppter ea quōd maximis cladibus & infandis contumelijs populum Romanum tunc affectum fuisse liquet. Dies quoq; Manibus sacros, quum mundus patere dicitur, quibus occulta deorum Manium sacra apparēt, plerique omnes ueluti atros & ominosos obseruarunt: illosque uelut fœdi exitus et ancipitis fortunæ detestati sunt. Hi fuere dies postridie Vulcanalia, & antè tertio nonas Octobris, & antè sexto Idus Nouembris: etiam mense Maio, dies quibus Remuria celebrantur, ut occisi Remi umbra placaretur. & Nonis Iulij, quæ Caprotinæ dictæ sunt, qua die Romulus apparere desijt. Et dum

Feralia seu Parentalia dijs Manibus fiunt, ac impuris diebus, quibus ancilia nondū condita in templo Martis erant, tam nuptijs quàm itineri ominosos, exitiales & euitabiles duxerunt. Et qua antè quarto No. Sex-tilis populus Romanus ardente Punico bello, ad Cannas insignem cladem passus fuit: etiā antè quarto No. calend. & Idus cuiusque mensis, ueluti tristi euentu infelices, pari superstitione deuictarunt. Ferijs quoque Latinis statis, uel cōmunibus, aut Saturnalibus, ac diebus festis & sacris, ludisque publicis, licet fausti felicesque forent, tamen praelium committi, uel rei militaris delectum haberi, aut quoquam peregre proficisci, tanquam piaculari die, ominosum erat, diuum atq; pestiferum. Præter hos fuere dies profesti, fasti, intercisi, & præliares: quia ferijs publicis quibusdam, hostem laceßere uetabatur. Quippe diuisa tempora uoluptatis & laborum, remissionum & curarū, Romani ueteres habuere. Profestis enim diebus, quasi procul à religione, rempub. & priuatam gerere licet, quia comitiales, comperendinos, & præliares continent. Comitiales fuere, quibus cum populo agi licebat, concilio coactō, nisi si quæ feriæ conceptæ essent, quibus non liceret: Comperendini, quibus uadimonium dicere, & uadare permissum: fuitque animaduersum, in profestis etiā fastos contineri, quibus fari ius erat. Festi uerò dies, dijs dicati fuere, in quibus forensibus negocijs omissis, sacrificia, ferias, ludos, epulasque solennes celebrare, ac inter uota & sacra, fausta que omnia uersari, uerbisque profanis abstinere conuenit. Intercisi autem dicti, in quibus deorum simul atque hominum res agere licet: nam mane & uespere fari inhihetur, medio

dio tempore inter casam hostiam & porrectam fari  
 permittitur. Fasti etiā dies, in quibus ius fatur, id est,  
 dicitur: nefasti, in quibus nō redditur ius, nec fari li-  
 cet. Profestos etiam dies, qui erant ante fastos, nōnulli  
 dictos volunt. Idus quoque Martias, quōd illis C. Cæ-  
 sar coniuratorū manibus casus occubuit, placuit par-  
 ricidium uocari: ideo inter atros & ominosos receptæ.  
 Quotiesque incurrente anno dies cæpit, qui adiectus  
 nundinis foret, totum annum luctuosus casibus, & di-  
 ro euentu infelicem incurrere opinati sunt. Proditū ta-  
 men memoriæ est, statas dies anni, infelices aut fortu-  
 natas, apud uarias gentes pro multiplici euctu, nō una  
 ratione obseruari: siquidem Chalcedoniū cuiusq; men-  
 sis uigesimam primam diem, funestam & portentosam  
 habuere, quōd illa Darij præfectus ipsorum pueros ca-  
 strauit, & in Persidem misit. Parthi diem qua Arsaces  
 Seleucum uicit, tanquam initium libertatis, faustū fe-  
 licemque obseruarunt. Cyrus diē qua Scythas & Sa-  
 cas clade afflixit, adeo fœlicem habuit, ut eam Sacam  
 appellarit: sicut Assuni festam diem Mutiam nuncu-  
 parunt, quōd Q. Mutius Asiam singulariter rexerat:  
 Athenienses quartā Hecatombæonis, qui mensis erat  
 Soli sacer, duplici uictoria insignem, uelut fortuna-  
 tam, obseruandam præceperunt, qua ad Leuctram &  
 Geræstum feliciter pugnatum est. Eidem quartam de-  
 cimam Boëdromionis, aut secundum Bæotios, sextam  
 & uigesimam Panemi mensis, quōd Artabazum &  
 Persas è Græcia fugarunt, felices habuere: qua die li-  
 beratori Ioui uictimas cadunt, & sacrum faciunt.  
 Persæ uerō, tertiam & sextam mensis Boëdromionis,  
 tanquam lugubres & defamatiſſimas deuitarunt:



quibus diebus in pugna Marathonica, & ad Plataeas, & ad Mycalen, à Græcis conflictati, & magnas clades perpeſſi ſunt. Qui etiã diem qua Magi qui regnũ occuparant, interempti ſunt, tam ſolemne habuerũt, ut illam Magophoniam, hoc eſt, Magorum occiſionem, appellarent, qua die nulli Magorum extra limen prodire fas eſt. Menſis quoque Thargelion plerique ma- niſteſtum infortunium fecit: in quo Alexander Macedo apud Granicum duces regis Thargelionis & Daraum clade afflixit: & Carthaginienſes à Timoleonte in Sicilia uicti, fuſi, fugatiq; fuere. Contra uerò ſextus Thargelionis dies, multis auſpicatiſſimus erat. In eo enim Socratis natalis dies proditur fuiſſe, et Alexandri Macedonis, qui qua die in lucem editus, eadẽ uita functus fertur: ſicut de Magno Põpeio, qui altera poſt natalem ſuũ die, et Attalo, qui ipſo natali die morte ſublatus fuere, proditum eſt. Quam diem Philippus Macedo, ut latam & fortunatam mirificè obſeruauit, quod triplici gaudio delibutus fuit: nam quadrigas ſuas ea die Olympia uiciſſe accepit, & Parmenionem ducem hoſtes fudiſſe, natumq; ſibi Alexandrũ filium fuiſſe. Qua nocte deflagraſſe templum Dianæ Ephæſiæ auctores memorant, ab Heroſtrato incenſum, ut famã nominis ſcelere propagaret. Qua etiam die iterum Perſæ ad Plataeas ingenti clade ſuperati tradũtur: atq; ideo ex uoto Miltiadis capras trecentas Athenienſes quotannis immolare. Ipſi quoq; Carthaginienſes nonum diẽ mēſis Metagitnionis pluribus calamitatibus inuiſum & deteſtabilem habuere, qua magnis infelicitatibus & infortunijs oppreſſi ſunt. Cõtrà uerò Syracuſani, quartam ſupra uigeſimam menſis Maij, quem  
illi

illi Carnium uocant, quod Athenienses cum toto exercitu ad Asinaram flumen, memorabili clade profligant, præcipue felicem habuerunt. In qua re proditum memoria est, Timoleonem Syracusanorū ducem præcipuas uictorias semper Syracusanis natali suo dedisse, adeo ut ipsius natalis diem omnes Siculi uelut multiplicis uictoriæ autorem, festum agerent: sicut de Iulio Casare proditur, qui Idus Iulij natalem suum fortunatas semper habuit & felices. Xerxes uerò diē qua rex dictus fuit, tanquam imperij natalem, singulis annis insignem celebrauit, qua diademate ornatus, gaudio delibutus, cœnam proceribus dabat, cui Titan dixere nomen: fuitque adnotatum, diem qua Alcibiades Athenas ab exilio remeauit, certissimum illi præsignasse exitiū, quod funesta tunc colerentur sacra, qua templi ornamenta deponere, pauimenta tegere, & institutio indicto à negocijs quiescere, mos erat. Sicut quinta decima Iulij mæstissima fuit, qua mulieres Athenis ieiunium seruant, & cum sacra Adonia celebrant: & apud Romanos sexto calend. Aprilis, quo die cultores matris deū plangere & lamentari incipiunt. Augustus uerò mirū in modum obseruauit, ne postridie nundinarum quoquam proficisceretur, aut Nonis quicquā rei seriæ inchoaret, quod illas infortunatas multis fuerat expertus exemplis. Apud Cretēses obseruatum est, ut albis lapillis latus dies, lugubres nigris calculis adnotarent. Idem apud Thraces. Romani quoque, quid quaque die lucri damniue fecissent, literis designabāt, quæ Ephemerides dictæ: nā uetusti moris erat, unumquemque domesticā rationem totius uitæ suæ, per dies singulos adnotare. Caesar autem in consulatu diurna

acta senatus & populi, publicari mandauit, testantia  
sue latum quid, siue triste cecidisset: Fuitq; ex digni-  
tate populi Romani, res illustres semper annalibus,  
quotidiana uerò diurnis actis mandare literis. Sed  
tametsi à rebus arduis ominosa dies deterreat, nonnulli  
tamen omnem hanc religionem ludificati sunt: prospe-  
roque euentu contra uulgi opinionem minime obser-  
uandam censuerunt. Claudius Cæsar cùm admone-  
retur, ne ante brumam copias in Aphricam trans-  
mitteret, nulla religionis cura feliciter transmisit. Le-  
tiam Lucullus cùm contra Tigranem duceret legiones,  
nulla fati religione motus, quin pridie Nonas Octo-  
bris (quæ dies atra forte inciderat) contra innumerabi-  
les Parthorum copias prælio decerneret, asserens se ex  
atro & lugubri felicissimū illum diem facturum: nec  
euentus defuit: nam prælium ingressus, parua manu  
ingentes hostium copias incredibili felicitate supera-  
uit: militesque imperium auspiciūque sequuti suum,  
memorabili uictoria Tigranis regia & regno pariter  
potiti sunt. Dion quoque Syracusanus, contra Diony-  
sium moturus, cùm luna eclipsim pateretur, et tota de-  
litesceret, nullo prodigio aut ostēto moratus fuit, quin  
eiecto tyranno, crudeli dominatu Syracusas liberaret.  
Quod de Pelopida dum cōtra Alexandrum Pheræum  
ducit, & alijs memoriæ proditum est. Romulo quoq;  
licet felici augurio nato, in ortu tamen & obitu solem  
defecisse dicunt. Alexander uerò Macedo, ducturus  
cōtra Dariū, cùm luna eclipsim pateretur, & ob id  
milites trepidarent, Aegyptios adsciuit uates, causas-  
que defectionis expromere iussit: qui dum contra Per-  
sas dimicaturus, Iunio mense exercitum duceret, quod  
apud

apud Macedones luctuosum erat, contempta religione feliciter dimicauit, asserens mensem Iunium, secundum Maium appellari iussisse. Sunt tamen exempla Romanis, eandem diem luctuosam, & mox felicem intercedentibus annis euenisse. Nam qua die Crassus magno dedecore profligatus à Parthis, cæsus fuit, eadem, licet aliquot decursis annis, Ventidius Pacorum & Parthos singulari uictoria magnis cladibus interfecit: & die qua à Cimbris profligato exercitu, Romani cæsi fuere ingenti clade, eadem postea Lucullus contra Tigranem & Armenios, quos magna cæde debellauit, et castris exiit, gloriam tulit insignem. Augusto quoque Octauio, idem dies suscepti imperij primus, & uita suæ premus fuisse traditur. Quinto uero Fulvio contigit, ut qua die priore anno ex prætura triumpharat, eadē postea de Liguribus bello uictis triumphans urbem intraret. Græci quoque qua die ad Plateas contra Mardonium feliciter dimicarunt, eadem, licet intercedentibus annis, ad Mycalen uicerunt. Sed sciendum, populum Romanum quoties hostium uim propulsarent, aut illatam iniuriam laceßiti depellerent, quo minus arma sumerent, & hostibus obuiam irent, nulla religione teneri, atrosque & euitabiles dies nullos censere: illosque tantum obseruare, cum inferenda in hostes arma, non propulsanda forent. Feriatis enim diebus, uim cuiquam inferre piaculare est, propulsare non utique. Illud etiam succurrit, ad octauum calendæ Aprilis, Romanos lætitiæ diē colere, quem Hilaria nuncupant: quo tempore sol zodiaci peragrato spatio, per omnes signorum stationes ad nos reuertens, longiores noctibus efficit dies: quibus festa solennia.



& ludos publicos, ac dies hilares concelebrant: quo  
 mense mulieres Veneri sacrum facere, & myrto coro-  
 natas lauare tradunt. Athenis, Luna Hebdomadibus  
 festos agere dies, & iuuenes conuiuari solenne fuit.  
 Apud Indos erat patrius mos, ut quum dies primū au-  
 geri incipiunt, rex cum regio comitatu ad flumen laua-  
 turus accedat, equosque & nigros tauros dijs immo-  
 let, ueluti felices & fortunatos. Ipsi enim nigrum albo  
 pratulerunt, & sanctius duxerunt: quodque Sexti-  
 libus calend. ex ueteribus domibus migrare, & nouas  
 incolere Romani consueuerant: illasque ueluti boni euen-  
 tus & fortunatas obseruarunt. Neque praterierim, die-  
 bus atris & infausis, pontificū iussu, non modò à bel-  
 lis gerendis & reipub. cura, sed à rebus diuinis & sa-  
 crificijs deorum supersederi iussum: quippe diebus in-  
 auspiciatis & ominosis nullum sacrificiū rite fieri pon-  
 tifices putarunt, nisi hordæ, hoc est, pręgnantes immo-  
 larentur boues, quæ Hordales dies nuncupati: Roma-  
 nosque à primis originibus ad primum Punicum bel-  
 lum, ortus tantum & occasus dierum: postea meri-  
 diem, Accenso pronunciante, notare consueuisse: quo  
 postea subsequente, diem in horas, noctemque in uigi-  
 lias diuississe, ita ut maximam diem in duodecim, mini-  
 mam uerò in decem horas partirentur. Noctē uerò ita  
 metiti sunt, ut modò in horas duodecim, nunc in qua-  
 tuor uigilias etiam longissimas noctes facili diuisione  
 distinguerent: uesper, conticinium, aliàs intempesta-  
 tem, galliciniū, & luciferum: sicut in ternas horas sin-  
 gulas uigilias pensitarent: diem uerò in luciferū, ma-  
 ne, ortum, meridiem, & occasum: tametsi diem simul  
 & noctem, nonnunquam in horas uigintiquatuor di-  
 men-

*mensas, ueteres obseruasse legamus: horamque balnei, hyeme nonam, æstate uerò octauam fuisse: ipsamque umbris postea & clepsydri notare cōsueisse, ita ut tribus clepsydri aut paulo plus, hora finiretur. Horarū quoque duo genera fuisse: nanque ex his quædam æquinoctiales, isomerinæ dictæ, quæ pro qualitate temporum, licet uniformes essent, diem à nocte dissimili numero uariarunt: aliæ temporales seu uulgares, quæ à Græcis cæricæ, quibus singuli dies æstu pariter atque hyeme, duodenis horis continentur. Solaria enim antiqui eo libramēto habuere distincta, ut sexta dici hora, meridies: noctis quoque sexta hora, media nox designaretur. Quū enim lege naturæ radij solares, alij hyberni, alij æstiuī sint, ita umbræ aliæ æquinoctiales, aliæ æstiuæ, aliæ hybernæ fuisse. Erāt enim horologia figurata, et ea finitione descripta, uti æquinoctialis, brumalis, et solstitialis dies, in partes duodecim æquidie diuisus foret, horasque pro qualitate temporum & dierum, modo maiores, nunc minores, nonnunquam crescentes, aliquando breuiores ostenderent: quod commentū Anaximenes Milesius excogitasse dicitur primus: quas quidem enūciare Romanis puerorū munus erat. Sed quia de balneis mentio facta est, nō omittendum, balnea apud maiores nocte, aut ante aurorā nulli patuisse, utque sine metu cuique lauare liceret, à primis tenebris ad auroram sequentem clausa fuisse: siquidē noctu lauare ueteribus interdictū erat. Hadrianus uerò Cæsar ante octauā, nisi uale tudine laboraret, publicis balneis neminem admisit. Tempusque lauandi à meridie ad uesperā destinauit, (quo tempore prostare meretricibus permissum,) lauacraque pro sexibus separauit.*

Alexander postea Seuerus, ne quid populo incommo-  
daretur, nocturna cōcessit balnea, oleo pro luminibus  
præbito. Quæ cū antea p̄miscua essent uiris æq; et mu-  
lieribus, ipse post Antoninū philosophū, lauacra mista  
summonuit, sæpeq; cum populo in thermis unā lauit:  
quod de T. Vespasiano legitur, ut plerunq; in thermis,  
admissa plebe, lauaret. Et licet à primis originibus, cū  
pauca essent balnea, et nullius cultus, Romani raro la-  
uarēt, brachiaq; & crura labore fatigati tantū ablue-  
rent, & toti nisi in nūdinis nō lauaret: tamen post ali-  
quot ætates, balnea & thermæ publicis usibus multi-  
modæ fuerunt, magna mole & sumptu constructæ A-  
lexadrino & Numidico marmore, latis specularibus:  
mira calatura & arte. Nam præter Agrippinas, Nero-  
nianas, Vespasiani & Titi, celebrātur Domitiana, A-  
lexandrina, Gordiana, Seueriana, Aureliana et Con-  
stantiniana, solidissima structura & sumptu profuso:  
Constatq; Marcum Agrippā, ut populo placeret, centū  
septuaginta balnea, seu lacus in prouinciariū formam;  
Romæ gratuita præbuisse: in quibus etsi calda prius  
abluerent, postea ut à balneis corpora multa frigida  
stringerēt, constitutum ferunt: nec prius ungi, nisi la-  
uissent: cumq; pro singulis olim daretur quadrans, D.  
Antoninus ob popularem gratiam balneum sine mer-  
cede exhibuit. Commodus uerò imperator, tāto studio  
balnea prosequutus fuit, ut septies atq; octies diebus  
singulis lauaret. Quod de Gordiano et Galeno prodi-  
tum est, qui æstate quinquies, hyeme uerò bis in die la-  
uère. Illud certè satis constat, Carthaginensibus distin-  
cta fuisse balnea, patritiorū & plebeiiorum: moremq;  
præualuisse, ut in quibus patritij lauabāt, ad illa ple-  
beij

*beij non accederent. Græcis uerò cōtrà: nulla enim di-*  
*stinctio ordinis fuit aut personarum: diuites nanque*  
*cum pauperibus lauare et patritios cum plebeijs nullo*  
*discrimine licebat. In quibus tāta plerunq; hominum*  
*cuiusque ordinis concurrebat turba, ut balneatores, si*  
*nulgi maior uis ingrueret, pertæsi frequentia, aræ gra-*  
*num quod uertigines facit, carbonibus inijcerent, ut*  
*tædio odoris diffugerent. Germani uerò nō in balneis,*  
*sed fluminibus lauabant. Ideo nandi periti, & summi*  
*urinatores habiti. Si quando tamen lauarent balneis,*  
*caldā abluebantur, lautiq; uescebantur. Dardanis &*  
*Illyrijs ter solum lauare permittitur, primò scilicet na-*  
*tali die, secundò in nuptijs, tertio in obitu cuiusq;. Lu-*  
*sitanis frigida tantū lauare licet, sicut Spartanis, qui-*  
*bus caldā corpus abluere uetitū est: quos cūm Apol-*  
*lonius Tyaneus molles & unguento delibutos uide-*  
*ret, aduocatis ephoris, balnea interdixit, senectam ho-*  
*minum calidā approbans balnea. Cumq; Ephesij bal-*  
*neis præpositum lapidibus appeterent, quod illa non*  
*calefecisset, summopere restitit, cūm frigida lauare sa-*  
*tius duceret. Aethiopes Macrobij fonte abluuntur, in*  
*quo loti, perinde ac oleo uncti, membris agiles sūt &*  
*uiolam olent. Scythæ nullo fonte lauant, sed uxoribus*  
*aquā fundentibus, corpora scabro lapide conterunt,*  
*cupresso, cedro, & thuris ligno confricātes. Assyrijs li-*  
*cet lauare diebus singulis peculiare sit, tamen à coitu*  
*& in morte præcipuum. Apud Celtiberos uerò obser-*  
*uatum est, ut in balneis non aqua, sed lotio diu seruato*  
*lauent, dentesq; & gingiuas pumicet: quod & Can-*  
*tabri factitarunt, hanc optimā curationem, & ex-*  
*haustis uiribus mirè proficere arbitrati.*



Locus Martialis in distichis elucidatur, in quo pleriq; interpretes grammatici lapsi sunt. Caput XXI.

NICOLAUS Perottus Sypontinus præsul, homo fuit accurato ingenio, et lectione multa exercitus: eum Domitius Calderinus uir, ut in ea tempestate, doctus, & emulatione doctrinæ, & morum dissimilitudine osum habebat: iurgijsq; & conuicijs apud suos sectatores plerunque incessebat, sæpiusq; apud studiosos in inuidiam illum crimenq; uocabat: & ut sunt ferè ingenia, in explicandis autoribus siquid in controuersia ueniret, uterq; potius, quo pacto diuersus ab altero dissentiret, q̃ quid ueræ lectionis esset, rimabatur. Cum autè in scholis Romæ eodem tempore Martialis apophoreta publicè lectitarent, cuius hoc distichon fuit:

„ In precio scopas testatur palma fuisse,

„ Ocia sed scopis nunc analecta dabunt:

Ita istos uersus uterque interpretatus est, ut post multa deblatterata uerba, uix aliquem sensum illorū distichis elicere queas, cum modò mendum in uersu postremo fuisse alter asseueret, & pro ocia, precii poni oportere, modò asarota, non ab a primitiua, sed intentiua dicta esse affirmet: alter ita pleraque nugalia iurgijs & maledictis plena effundat, ut equidè singula enarrare et referre pigeat. Qui uersus si pēsitati rectè fuerint, absque multo uerborum uolumine, plani expeditique fient. Cum enim analecta reliquias esse ciborum, qui è mensa cadunt in pauimentū, nemo dubitet, ipsaque purgamenta cœnæ, quæque euerri solent, in pauimentis, ueluti ibi relictæ essent, è paruulis minutisq; testulis per calculos colore distinctos, opere lithostrato ita effingi, ut uera uideantur, Plinius autor sit: atque  
ideo

ideo asarota quasi inuerribilia dicta: quippe cum eorum  
 græcè scopæ dicatur: non ab re, ipsa nunc analecta seu  
 purgamenta, oia scopis dare autor affirmat: cum ea  
 in paumeto è paruis testulis efficta, talia forent, ut sco-  
 pis euerri nullo modo ualeant, & ideo oia scopis dare  
 necesse sit, cum his euerrendis nullus scoparum usus fo-  
 ret. Ipsi uerò pertinaci odio dissidentes, non quæ effin-  
 gi solebant purgamenta cænæ, cogitarunt: sed de ue-  
 ris analectis & reliquijs cænarum disceptantes, quæ  
 cadunt è mensa, in assequendo autoris sensu multipli-  
 citer laborarunt. Depicta ergo purgameta cænæ, ita so-  
 lo hæere dixit, ut oia scopis dare necesse foret: quem  
 sensum ita expositum, aperte liquere, neminem fallit.

Exempla legis Iulia & Papia, quibus quæ lege Iulia in-  
 dulta erant, lege Papia fuere prohibita.

Caput XXII.

QVOD lege Iulia de maritandis ordinibus apud  
 ueteres cautum fuit, ut hi quibus uigor iuuenilis foret,  
 primo flore ætatis ad uxores ducendas, liberosque edu-  
 candos propagandamque sobolem non solum præmijs  
 inuitati, sed pœna deterriti cogerentur: id lege Papia  
 & Pompeia certo ætatis gradu interdictum erat: quip-  
 pe sexagenarijs, & supra eam ætatem ducere uxores,  
 fuit hac lege uetitum. Turpe enim uisum est, & fœdissi-  
 ma res senectuti, ut quibus ad eam ætatē sors liberos  
 non dedisset, aut calibes uixissent, his quasi emeritis,  
 ætate affecta, aliunde liberos querere libido foret.  
 Hanc postea legem Cl. Cæsar abrogauit: nam sexage-  
 narios & ultra, liberos gignere, et prolis causa ad con-  
 iugiū admitti, decere arbitratus est. Rursus quod ea-  
 dē lex Iulia cauit, quod si liberta quæ patrono nupsit,

eo inuito, ab eo diuertisset, non modo post diuortiū ali  
 nubere, inuito patrono, prohibetur: sed patroni coniu-  
 gium ita lex tutata est, & ratum habuit, ut eo etiā no-  
 lente, alterius coniugij facultatem eripuerit. Id etiam  
 lege Papia inhibuit: siquidem senatorem eiusq;  
 liberos libertinas ducere uxores, perpetua constitu-  
 tione prohibuit, ita ut inter uirum senatoriū & liber-  
 tam, aut libertini status mulierem, nullū matrimoniū  
 censuerit esse, senatorium uidelicet sanguinem liberti-  
 no admistū, quasi contagio pollui arbitrata. Eademq;  
 lege Papia, certa delatoribus præmia constituta sunt:  
 nam quum facinorosi & perditī homines clandestina  
 facinora admitterent, quæ ad aliorum perniciem &  
 commune tendebant exitium, utileq; uideretur, plures  
 delatores esse, qui offensas specularēt in principem,  
 ne quid impune perditissimi homines moliri possent,  
 delatoribus certa præmia constituit: eaque quum di-  
 midij illata mulctæ antea fuissent, Nero princeps de-  
 latorum licentiam uolens comprimere, eadem præmia  
 ad quartas reuocauit: quare quadruplatores dicti,  
 quod quartā partem de proscriptorum bonis, quos de-  
 tulerant, consequerentur. Tiberius uerò Cæsar, causa  
 præcipui quæstus, tantū delatoribus tribuit, ut nemi-  
 ni fidem abrogaret, siue quid ueri, siue uani referrent.  
 Nam ebriorum sermo excipiebatur, simplicitas iocan-  
 sium, & quodcunque dictum capite & fortunis lue-  
 batur, adeo ut capitale esset, circa Augusti simulachrū  
 feruum cecidisse, uestem mutasse, effigiemque impres-  
 sam nūmo uel annulo, latrinæ aut lupanari intulisse,  
 dictum factumque eius aliqua æstimatione læsisse: ita  
 ut primores senatus, & magna hominum uis infimas  
 dela-

delationes exercerēt. Cumq; senatus de præmijs accusatorum abrogandis aliquando agendū putaret, Tiberius dictitans iura subuerti, si custodes legum amouerentur, tantum licentiæ delatoribus dedit, ut plerique criminis postulati, ante iudicium supplicium præuenerint. Vitellius quoq; delatos mathematicos, inauditos capite puniuit. Domitianus dum rapinis intendit animum, ita aures delatoribus patefecit, ut nihil cuiquam tutum esset, delatorq; delatorem timeret, & causidici causarū actionibus posthabitis, ad delationes se conferret. Quod de Constantino traditur, ut delatores omni tempore admitteret, eosq; ingēti studio foueret. Non sic Vespasianus & Titus, qui adeo illos infectati fuerūt & odio psequuti, uelut publico exitio destinatos, ut flagellis caesos per amphitheatri arenam spectandos traducerent, ut pænis coerciti, à noxijs deferendis abstinerent. Pius uero Antoninus delatores, si non probarent, capitali pœna affecit: si probarent, oblato præmio, dimisit infames. Idem factum memoratur de Opilio Macrino imperatore, ut delatores minime admitteret, sed undiq; conquisitos, pænis & dāno mulctaret. Fuitque ueteri sanctione constitutū, ut neq; mulieri, neque damnato criminis, neque militi, aut ueteranis, neque uiris clarissimis ob dignitatem, criminis deferre licitum esset. Fertur Dionysius tyrānus cum in ciues nullo placatiore animo esset, sagogidas dispositos habuisse, qui singulorū dicta factaq; referrent. Circa patroni quoque ad bona liberti admissiōnem, & patronatus iura eadem lex satis cōmodè prouidit: nam si libertus, cui centum millium sestertiorū census fuisset, duos, unūue liberos post obitum



reliquisset, ad uirilem bonorum partem patronū ad-  
mittebat: si uerò tres aut ultra haberet filios supersti-  
tes, nihil ex bonis liberti hac lege patrono debebatur.  
Fuere quoq; & alia legis Papiæ salubriter constituta,  
inter quæ ut uiginti Vestales uirgines, quæ sacri &  
æterni ignis perennē curam agerent, pontificis maximi  
scitu ad sacerdotium eligerentur, & cooptarētur: utq;  
nemo ad honores magistratūsue admitteretur, nisi ci-  
uis effici aut ciuitate donari antea meruisset. Propter-  
ea Marco Perpennæ probrum obiectum fuit, falsoque  
consul fuisse creditus est, quòd contra legem Papiam,  
priusquā admitteretur ad ciuitatē, consul factus fuit.  
Procedente mox tempore, cū ius ciuitatis passim &  
sine delectu etiā infimæ sortis hominibus daretur, idq;  
fœdum, neq; ex imperij maiestate uisum foret, lege Pa-  
pia cautū est, ut peregrini urbe Romana uti prohibe-  
rentur, ad eamque alienigeni non admitterentur. Sed  
quauis lex Iulia libertinarum cōiugia priori consti-  
tutione admiserit, lapsis postea temporibus eadē lex,  
libertinas & ludicram aut scenā exercentes, senatorio  
uiro admisceri graui pœna interdixit, uidelicet, ne se-  
natorius ordo cōtagio libertinarū pollueretur. Verba  
ex ea lege hæc sunt: Qui senator est, quæue filius, ne-  
pôsue ex filia, pronepôsue ex filia natus, cuius eorum  
est, eritue, ne quis eorum sponsam uxore nesciens dolo  
malo habeto libertinā, aut eam quæ ipsa cuiusue pa-  
ter matèrue, artem ludicram facit, feceritue, spōsa nu-  
ptiæ sciens dolo malo esto. Néue quis eorū dolo malo  
sciēs, sponsam uxoremue habeto. Hactenus lex Iulia.  
Post aliquot uerò ætates, Aurel. Caesar constitutiones  
legis Papiæ uelut uanissimas induxit, & abrogauit.

Cl. uerò

Claudius uero Cæsar adeò liberarum mulierum, quæ seruis nubunt, coniugiū odio prosequutus fuit, ut præter legem ingenuitatis, præterque instituta maiorum, filios inde editos, non ingenuæ conditionis, sed libertinos esse, iuraque libertorum nancisci & ingenuitatis amittere, lege sanciuerit: ipsaque si maritus ignorasset, serua esset: si uero conscius fuisset, liberta. Diuus uero Vespasianus statuit edicto, ut libera quæ se alieno seruo iunxisset, ancilla haberetur: contra uero alia cōstitutione cavit, ut si serua mulier hac lege ueniret, ne prostitueretur: si contra legem uēditionis prostituta foret, ut esset libera: prostituensque, ius patronatus non haberet. Aegyptiis autem nullus ex serua genitus habetur seruus aut illegitimus: quia solum patrem ingenuitatem & genus præstare, matrem uero natalibus nihil conferre putabant. Pericles autem Athenis autor fuit, ut qui ex serua, aut non legitimo coniugio nati essent, uel turpi nota affecti forent, ciuium non haberentur numero, sed externorum.

Quod ius, quauē potestas dictatoris Romæ & externi fuerit,  
& à quibus dici & quanto tempore debuerit.

Caput XXIII.

QVI DE creando dictatore exploratum ius habuere. hoc quoque adnotarunt, dictatorem dici qui apud ueteres magister populi uocabatur: idque libris auguralibus extare, magno argumento, quòd ab eo magister equitum dicitur. In eo enim ius maiestatis, & totius imperij fuit, cuius ductu & auspicio sæpe respublica & imperium stetit, quem magistratum ex Albanis deductum autumant: plerique à Græcis, quos illi ἀγογῆται, aut à Lacedæmoniis quos ἀγῶναι, Thef-

sali Archos dixere, qui parem regiæ dignitati potestatem habent. Hedui Vergobretum, summum magistratum, qui uita necisque imperium tenet: Iberi, Ibem uocant: Pæni Sufetem, Aegyptij Diæcetem, qui post regem totius regiæ curationem habet: sicut apud Persas Magistanes & Chiliarchus. Hi uero Aesymneta ueluti tyrani quâdoque imperitarunt, qualem Mitylenæi Pittacum elegere: & Hipparchi apud eosdem, & Trallianis Asiarchæ: apud Magnetes Magnetarches: ab Achæis Dorigius & Demiurgus, à Thebanis Archinus, ab Oscis Medix summi magistratus appellati: apud Carthaginienses Dionysiarchus, Capua Mediatuticus, Neapoli Demarchus, Tarëti Democrates, in Cappadocia Satrapes, in Paphlagonia Dynastes, apud Longobardos Exarchus, Cretensibus Cosmi fuere, qui uice regum impetarunt: quibus in usu erat, ut nunquam caput rasissent, sed barbam capillumque submitterent: sicut Plataensem princeps, ferrum tangere, aut aliam uestem quàm candidam induere, perpetua lege uetabatur. Persis unus rex summæ potestatis, perpetuo præerat, & nunquam nisi morte mutabatur. Argis licet unus foret, tamen annis singulis amoueri seruatum. Athenienses quum regali antea regerentur imperio, postea regio dominatu abrogato, libertatem tuentes, popularem statum delegere. Apud Lacedæmonios uero, qui summum gerebat imperium, aliquândo rex fuit, qui ex Heraclidarum genere eligebatur, ex quo nouissimi Sparta regnarunt imperio illibato: aut ex Eurycionitidis & Agidis familia: sæpius duo ex stirpe Procli & Euristhenis prognatis Herculis, ex quarum alteri in alteram transire non licebat: qui ta-

men

men non ut reges summum ius habebant, quia iuris  
 omnis publici potestas penes senatum erat. Sic in Pa-  
 pho ex Cinirasorum gente, & Athenis ex Erichthei  
 stirpe magistratus ad sacra Cereris fiebant. In Ionia  
 quoque nisi ex Codri progenie fieri rex nemo poterat:  
 & apud Milesios nisi ex Scamandri Hectoris filij, &  
 Ascanij Aeneæ. Idem apud Marcomannos & Qua-  
 dos, ex Marobudui & Tudri genere, exemplo Rhe-  
 ginorum, quibus princeps ex Messeniorum stirpe fit.  
 Persici quoque reges ex Achemenidarum familia soli  
 fiunt. Et apud Siculos ex Teline prognati, inferorum  
 deorum longo tempore sacrificuli erant, qui a duobus  
 quæstoribus regi solebant summæ potestatis, uno Li-  
 tybatano, altero Syracusano. Etiam Corinthi Bac-  
 chiadum familia annis ducentis imperitavit, quos  
 Cypselus tyrannus postea exegit, cuius factionis De-  
 maratus & Tarquinius domo eiekti, regnum Ro-  
 mæ tenuerunt. Nonnunquam seniores & nobilissi-  
 mi popularium, Lacedæmonijs amplissimum gesse-  
 re magistratum. Parthi quandoque ex duobus col-  
 legijs, cognatorum scilicet & magorum, binos re-  
 ges crearunt. In Meroë nemo summum gerebat im-  
 perium, nisi qui præualido corpore ceteris antesta-  
 ret. Gordij regem, quamobesum & prapinguem  
 esse uoluere, quod ex corporis mole animi indolem  
 dijudicarent. Apud Medos, nisi qui uiribus excel-  
 leret, præcipuoque robore ceteris emereret, iure  
 gentis nemo rex eligitur, & in Libya solum qui  
 citissimo cursu ualeret, pro rege imperitavit: sicut  
 apud Catheos Indicam gentem, qui insigni cor-  
 poris forma ceteris anteiret: in quo traditur



mirum, ex tot millibus armatorum, quos Xerxes in Graciam duxit, neminem sibi corporis magnitudine aut specie præstitisse. Aethiopes quoque, si quando regia stirpis uir deesset, maximarum uirum, quique opibus & robore præcelleret, regem eligebant. Sidoni contra: nam nisi regia stirpe ortus foret, neminem dominari sinunt. Sabæis post constitutum regem, primus ex nobilioribus iure gentis, ad successionem aspirat regni: cui hoc proprium est, ut extra septa prodire non audeat, quo uenerationis plus inesset: quod si extra regiam conspicitur, lapidibus impetitur. Euitque obseruatum in Taprobane, ut qui liberos haberet, in regem assumi non posset, ne regnum hereditario iure sibi uendicaret: & apud Germanos, ut ex generis nobilitate rex fieret, dux uero ex uirtute: apud Persas uero, ut rex fiat nemo, nisi qui magorum disciplinis imbutus esset, quibus nefas erat, illegitimum tenere regnum, si legitimus superuiueret: utque in regem assumptus, in principio dominatus, quodcunque optaret à populo donum ferat. Proditumque memoria est, Sitonum gentibus iuxta Sueuos & Germanos, uetusto more, non uirum, sed fæminam dominari: Regiumque nomen, tam Græcis quàm Romanis longo tempore inuisum fuisse, à nullisque in Gracia usurpatum, nisi à Philippi & Alexandri posteris: atque ex Alexandri ducibus Eumene uiuente, neminem regium nomen sibi uendicasse: sed præfectos appellari solitos, donec Eumene defuncto, Athenienses Antigono & Demetrio immodice obsequentes, inter plurimos honores regium illis nomē, uelut altius fastigium, detulere: licet Sicyonys primum Aegialeum regnum in Gracia tenuisse, multi

multi assuerent. Romani quoque socium atque amicum, nisi benemeritos & magnis officijs deuinctos, nullos appellarunt. Et tamen si democratiam, hoc est, popularem potentiam, aliqui precipue commedarint: & alij aristocratiam, id est optimatum regimen: tamen unius imperium pietate & religione inclytum, sub quo non grauis dominatus, sed iustum & legitimum imperium esset, omnium consensu praeferebatur cæteris. Eum ergo dictatorem primo, uel ab uno ex consulibus autoritate patrum, etiam sine populo, uel ex senatusconsulto, aut ex scitu plebis à populo, uel à consulibus iussu populi, & si inter consules non conuenit, sortiri eum qui dicat, uel à tribunis militum consulari potestate, nonnunquam à prætore dici licebat. Quotiesque alteri ex consulibus dicendi dictatorem potestas fuit, semper illi qui fasces haberet: & non nisi uirum consularem, & in foro Romano, oriente nocte, & silentio dicere licuit. Tametsi consularem siue collegam dixisse, & prætores ante consulatum saepe dictos fuisse compertum sit. Poteratque secundo, tertio, & deinceps idem dictator dici. Inde quia dictus esset, non creatus, nec comitijs electus, ut reliqui magistratus, dictatorem dici uolunt: qui non apud Romanos tantum, sed Carthaginienses, Eidenates, Lauinieneses, Albanos, Tusculanos, Samnites & omne fere Latium, multæ erat potestatis & summi imperij. Is autem dictator simul atque dictus erat, magistrum equitum uelut imperij socium nominabat, cui summa rei bellicæ dabatur. Tametsi à senatu uel populo unà plerunque dictos inueniamus. Titum Largium bello Latino quum in ancipiti terrore esset senatus, dicta-

torem & unà spurium Cassium magistrum equitum dixit, qui uelut magister consiliorum dictatori aderat, atque ad ipsius præscriptum parere oportebat, ita ut si quando abesse contingeret, eius uices gerere & munia obire posset. Et licet ante Quintum Fabium Maximum, neminem nisi à senatu uel consule dictum inueniamus: tamen secundo Punico bello quum acerrimo praelio & maximo respublica affligeretur, nouo exemplo populus sine patribus (quod nunquam factum antea) eundem Fabium dictatorem et Quintum Minutium magistrum equitum dixit. Cumque à principio patritij tantum & consulares dicerentur, haud longis post temporibus, plebeios dictos comperrimus. Cum enim omne nomen Hetruscum Tarquiniensibus & Faliscis ducibus, infesto exercitu in Romanos copias admouerent, aduersus tantam belli molem, primus de plebe dictator dictus Caius Martius Rutilius fuit, qui magistrum equitum Caium Plautium de plebe hominem sibi cooptauit: & exinde ius arbitriumque dictatoris creandi, senatui populoque tributum est, donec procedente tempore, Cornelius Sylla, qui uictam armis rempublicam in dominationem uertit, contra mores institutaque maiorum, dictatorem seipsum dixit, illiusque imperium in annos centum sibi prorogauit. Quo exemplo Caius Cæsar perpetuæ dictaturæ munus sibi uendicauit. Erat igitur summum dictatoris imperium: nam & capite mulctare, & consulatu deicere, honoresque alijs abrogare, alijs conferre poterat. Qui tantæ potestatis erat, ut liceret ei sine senatus aut populi concilio, Romanos ciues in uincla conicere, atque indemnatos mor-

morte afficere: nam salus ciuium uniuersorum, ius de tergo uitaque, leges, iudicis libertas, aræ, foci & dii penates: insuper bona coniugis, & liberorum pudor, pudicitia, eius tutelæ, potestati, fideique credebantur: cognationeisque quoque, capita rerum habere, in exilium agere, bonis interdicerere, capite mulctare, bellum, pacem, fœdera societatesque, etiam iniussu populi facere & dirimere, sui arbitrij & iuris erat. Nam si quid collibuisse, siue delectum habere, siue ad hostes ducere, aut aliquos auxilio iuuare, ipsius dicto parere oportebat, cuius erat arbitrium pro numine: nullique prouocare licebat. Neque enim ut in consulibus, qui pari sunt potestate, & iisdem auspicijs creati, alterius auxilium sperare licebat. Denique dictatore creato, omnium iurisdictio cessat & conuiet: consules, prætores, adilesque & magistratus sub illius imperio conticescunt, præter tribunos plebis. Illique non duodecim fascies, ut consuli, sed quatuor & uiginti lictores cum securibus fascibusque apparebant. qui etiam tantæ maiestatis erat, ut si quando in consulis prouinciam iret, ut supremus ordo notaretur, sine lictoribus, aut aliquo insigni honorum, consul ueritus maiestatem uiri, solus procedebat, priuatusque ubi dictator erat, & sine magistratu cesebatur. Et quia maximum dictatoris imperium potestasque imperiosa erat, pactiones uel fœdera iniussu suo inita, nullarum uirium fuisse liquet: illaque suo iussu abrogari poterant & induci. sed quamuis eò excellentiæ creuerit dictator, ut summum teneret imperiū, præcipuaque maiestate polleret, ipsi tamen equo uehi minime ius erat. Id enim ueteri lege exceptum fuerat: scilicet, ut inhibita



nimiâ potestate, tantus honor aliquo fine præscriptus populi suffragio indigeret. Ideo si quando in expeditionem eques ire uellet, ut equum sibi ascendere liceret, ad populum ferebat: ex quæ permissu populi equo uehi poterat. Quod tamen Cato iunior, licet in summo esset magistratu, minimè curauit: nam maxima itinera & longas uias pedibus semper, nonnunquam cætherio sarcinis adoperto, obuiuit expeditus: sicut de Agessilaio proditur. Cumque ad sex menses dictaturæ munus antea præfinitum foret, multos debellatis & domitis hostibus, & munere absoluto, citra mensem dictaturæ excessisse comperimus: nonnullis etiam ultra annum, per denos uicenosque dies, prorogatam fuisse: alios oblatum dictaturæ munus renunciaisse, sicut de Terentio Varrone, qui ad Cannas insigni strage profligatus fuit, proditum est: alios cum dictaturâ simul consulatum gessisse, quod de Sylla & Casare legimus. Quotiesque se abdicare & munere absolui uolebat, prius magistrum equitum abire magistratu necessum erat, ne dictatore desito, equitum magister, qui proximum gerebat imperium, in summo solus honore aliquid moliretur. Neque ante dictaturâ abdicare illum sinebant, quàm iussu patrum prius consulibus creatis, qui reipublicæ præessent, imperium dimitteret: quo dimisso, postquam honore abiit, pauca & modice loquutus, à populo & primoribus patrum frequenti amicorum officio stipatus, cum gratulatione & gaudio domum deducebatur: quod ferè omnibus magistratibus commune fuit: nisi quod Cicero discessurus consulatu, de rebus à se gestis, à Q. Marcello prohibitus est cõcionari. Proditum tamen memoriæ est, quosdam

dam deposita dictatura, se consules dixisse (quanuis pessimo exemplo) & cum collega consulatum gessisse. Quod malum ne serperet latius, tam consulto senatus, quam tacito consensu sublatum fuit. Illud certe conuenit inter omnes, dictatorem sine magistro equitum creari non licere. Sicut enim à prima antiquitate tribunus celerum regi aderat, cuius opere rex nitebatur, & legatus consuli, ac prætorei quæstor auxilio & adiumento erant: sic dictatori magister equitum, & imperatori præfectus prætorio: quibus absentibus, hi quasi suffecti, honori præsidioque erant: ut si quando abesse, aut grauiori morbo laborare contingeret, ipsorum uicem gererent, & munia obirent, ac quædam inter eos societas & coniunctio imperij, uirtutis & ignauitæ cuiusque testes forent. Apud Lacedæmonios à Lycurgo institutum ferunt, ut octo & uiginti seniores regi adessent, ac duo propinquiore, & contubernales, quos ipse elegerat, qui Phytij appellantur: ut si quid casurum foret, animaduernerent, ipsiusque munia & officium obirent. Nonnunquam ephori in expeditionem profecto regi custodem & imperij socium dedere, tametsi augur perpetuus regum assessor foret. In Meroë rex quadraginta rectores accipit. Gætæ Coægonum qui regi adesset fecere, qui tantæ dignationis erat, ut diuina mente præditus haberetur. Apud Abateos, qui intimus regi præsto aderat, frater dicebatur, qui prudentia anteibat cæteris. Sed quod est de præfecto prætorio dictum, animaduertendum, temporis cursu procedente, ex longo interuallo à Cæsari- bus fuisse institutum, ut qui senator esset, ad præfecturam prætory euehi non posset: qui quum per sena-

tum antea eligeretur, Augustus Caesar habitu suffragiorum suspecto, statuit ut præfectus prætorio, de numero prætorum sorte eligeretur. cui, dum assumitur, princeps gladium præcingit pro imperio & potestate. In quo fertur egregium Traiani uerbum, dum præfecto prætorio ensẽm cingeret, ut si iuste imperaret, pro se: sin iniuste, contra se illũ sumeret, admonentis. Cumque antea unus foret, Commodus imperator, uelut nimie potentie, duos esse uoluit, eam potestatem uelut in partes diuisam, tutiorem arbitratus: quo etiam tempore tres præfecti prætorio fuere, donec Seuerus Alexander imperator, ne non senator de senatore iudicaret, præfectos prætorio senatores iussit esse: ad eos enim senatorum cognitio, & iudicium, iusque & animaduersio spectauit. Heliogabalus uero adeo præfecturam inquinauit, ut saltatorem & histrionicam professum, præfectum prætorij faceret.

Quid mina, quid drachma, quid as, denarius, sestertium & talentum apud gentes diuersas ualuerit.

Caput XXIIII.

IN Heautontimorumenos Terenti comici, Chremes Menedemo consilium dans, ut amati filio, quamminimo dispendio consulat, ipsum his uerbis affatur:  
Et tibi perdere

Talentum hoc pacto satius est, quàm illo minam.

Putabant nonnulli studiosi, minam modicæ summæ monetam fuisse, ita ut uix denarij pondus equaret, quod ferè ex sensu uerborum constare uidebatur: sed cum in pleraque non ignobilium autorum lectione uersaremur, inuenimus minarũ diuersa genera qualitatesq; multiplices, ita ut nummorum inexplicabiles spe-

species perscrutati, in magnis uersaremur angustiis, cum summa esset dissensio, nihilq; explorati animaduerti diffiniriq; posset. Nam minarum quasdam ex drachmis septuaginta quinque costare legimus, quasdam Atticas, quarum sexaginta paruum talentum efficiunt: aliquam ponderis maioris, quæ ex centum fere et uiginti denarijs fit: aliam apud Athenienses septuaginta trium drachmarum numero taxari: nonnullas Euboicas, quarum septuaginta Babylonicum efficiunt talentum. Ex quo iudicare licet, non tam modici ualoris minam apud priscos fuisse. Ea enim *μῶν* dicitur Græce, quæ tum nummi, tum libræ nomen habet: apud quos siclus sexaginta communi aestimatione appendebat, qui obolos mille ducentos pariunt. Nam uiginti obolos siclum efficere haud dubium est. Drachmarum quoq; multiplicia fuere genera: ex quibus aliqua denos efficiunt asses, aliquarum duæ et dimidiata integrum sestertium: constititque drachmam Atticam et argenteum denarium Romanum, paræ aestimationis fuisse: nummumque, drachmam et denarium idem ualuisse: quanuis alij cõtrà, qui duas drachmas et dimidiam, decem nummos nostrates efficere cõtendunt. Dion uero drachmas pro assibus accipit: centumque drachmas, centum denarijs argenteis æquari censuit, qui libram efficiunt, quod Plutarchus et alij testati sunt. Cõmuni tamen aestimatione, drachma sex obolis, aut æreis signatis appendebat, qui singuli quaternis quadratibus ualebant: obolus uero sex siliquas. Siliquamq; et scrupulũ idẽ esse opinati sunt, drachmãque in pöderibus partem uncie octauam fecisse: cõtinnere enim scrupulos tres, siliquas uero octodecim: nam



singulos scrupulos, sex siliquas habere cōstitit. Drachma tamen Aeginensium maior Attica, decem obolis permutabatur. Denariorum quoque diuersa fuere genera: nam & denos asses singulos pondo denarios efficere legimus, quod *as* graue dicebatur, unde ex decem *areis* denarius: duosque *cistophoros*, denarij pondus pendere. Nonnulli denarium ex siliquis uiginti-quatuor confecere: alij ex octodecim: drachmamque & denarium idem esse, sexque millia denariorum integrum solidum efficere, & hoc esse talentum Achaicum, arbitrati sunt. Primo tamen Punico bello, populus Romanus cum *ararium* laboraret, asses unciales fecit, placuitque *areum* denarium sedecim assibus permutari, *quinarium* octonis, *sestertium* uero quaternis assibus ualere: ita ut *sestertius* nummus drachmas quaternas faceret. Notaque denariorum, *bigæ* & *quadrigæ* fuere: quare *bigati* & *quadrigati* dicti. Postea uero lege à Papyrio lata, asses *femiunciales* facti. In militari uero stipendio, denarius pro assibus decem militibus dabatur. Antea uero *libralis assis*, & *dipondius* aequè appendebat. Quo autem tempore decemuirum legum ferendarum causa imperitarunt, Romani librarijs assibus usi fuere: tametsi Q. Fabius Maximus asses triunciales fecisse dicatur. Cumque secundo Punico bello, librarij asses fierent, ut populus *are* alieno non magno incommodo leuaretur, debitaque exoluerentur, ex singulis assibus librarijs, senos percussere, ita ut ex librarijs sextarij fierent, qui demptis tribus uncjs, tantundem ualerent. Plerunque tamen compertum est, denos asses pondo singulas libras efficere. Sed tamen *assem* minorem esse monetam, & haud  
multo

multo aestimari, argumēto est, quòd in mūlcta à præ-  
tore irrogāda, bos centussibus aestimabatur, ouis uero  
decussibus. Hos tamen asses Græci obolos, alij stipes  
dixere, quos exigui ualoris fuisse haud dubie constat:  
nam singuli quaternis assibus ualebant, & octo chal-  
cis: tametsi Plinius decem chalcis obolum aestimari di-  
xerit. Treis enim obolus frequens continet siliquas,  
nonnunquam sex: ea enim quadragesimam supra cen-  
tesimam partem unciae facit. Eratque semiobolus, dio-  
bolus, triobolus: qui etiam quadrantes, dichalca &  
trichalca dicti. Oboli que nomen tulit, quòd uetus A-  
theniensium nummus obeliscum incussum habuit. Se-  
stertiorum uero quidam maiores, alij minores fuere:  
qui ex quaternis assibus constabāt. Erat enim is sestertius  
quarta denarij pars, quo tempore decussis uale-  
bat: ex quibus apparet, ex sedecim quoque assibus  
denarium constare: duasque drachmas & dimidiam,  
sestertium conflare. Alij ex duobus assibus & tertio  
semisse sestertium efficiunt, quem minimum appellant,  
quia non duos asses tantum, sed semissem quoque ter-  
tij assis continebat. Fuit enim illius multiplex uariā-  
que natura. Eiusmodi sestertios fuisse opinamur, quos  
Iulius Cæsar nouissimo testamento suo uiritim tre-  
centos populo legauit, cum amplioris summa neque  
erogari potuissent, & ad exhibendum singulis tan-  
tam pecuniam uix ullius sufficerent facultates. Maior  
uero ex centum drachmis Achaicis seu denarijs con-  
stabat. Romani uero ex argenti libra aut paulo infra,  
tria efficiunt sestertia, ita ut centum sestertia libris tri-  
ginta argenti appēderent. Alij sestertium ex dipondio  
& semisse conficiūt, qui duas libras & dimidiā facit.

Quare uigintiquatuor sestertia talentum Atticum efficeretur relatum est, quod (teste Varrone) sexaginta argenti libris taxabatur: quod fit, ut eiusmodi sestertius nummus duas libras & dimidiam cōtineat. Sunt qui putent ex auri libra quadraginta millia ærium signari, quod & Plinius arbitratus est. Mille quoque sestertijs unum aureum cōputari, nouissimis Cæsarium temporibus, à iureconsultis legem Papiam interpretantibus relatum accepimus: is autem aureus, chrysus dicebatur: quorum septuagintaquinque in singulas expēdebant libras. Præter quos fuere stateres aurei, qui mina permutabantur: alij argentei, quorum decem chrysus efficiunt. Talentum quoque ueteribus multiplex fuisse inuenimus, nec unius generis, sed aliud Atticum, sex millium denariorum: aliud Alexandrinum, duodecim: Neapolitanū sex, Syracusanum trium summā non excessit, Euboicum uero quatuor millium Romanæ moneta, Achaicum etiam sex millium fuisse asserunt: præter quod fuit Ptolemaicum, Syrium, & Antiochenum, & Babylonium, quod duabus minis Atticis taxabatur. Erantque talentorum species multimodæ, ita ut sicut libra & pōdo non æqua omnibus, ita dissimilia talenta fuerint. Est tamen proditum memoria, ex mille sestertijs talenta Attica paulo minus quadraginta effici, ex qua adnumeratione fit, ex uiginti quinque sestertijs talentum Atticum constari: communi tamen æstimatione, talentum decuplo maius mina taxabatur. Autor item est Priscianus, talentum paruum minarum sexaginta: magnum uero, octoginta trium, & unciarum quatuor: Atticum uero magnum talentum, octoginta libris Romanis ponderibus

pen-

pēdere: paruum uero, sexaginta minis Atticis taxari. Procedente mox tempore, talentum Atticum uiginti-quatuor sestertijs Romanis æstimatum fuit. ea summa est uigintiquatuor nummorum millium: siquidem mille nummi, Romanorū quoq; sestertium efficiūt. Quin-etiam Atticū talentum quandoq; sedecim sestertijs ta-xari Varro significat: Aegyptiumq; octoginta pōderi-bus pendere. In tributorū uero taxatione adhibitum Romanis talentū, haud minus pōdo octoginta Roma-nis ponderibus pēdebat. Cuius generis talēta, cum le-ges pacis Antiocho datae sunt, Romanis æquis pēsioni-bus exhibita fuere. Idemq; in uectigalibus & porto-rijs seruari cōperimus. In qua quidē re fuit memoriae proditū Romanos uictis gētibus nationibusq; tributi nomine argentū, non aurū, indixisse. Sūt tamen exem-pla, cētum talēta nōnunquā duodecim pōdo Romanis pōderibus effecisse. Pōdo autē idem esse q; libra, omnes cōsentiūt. Quod quidem talētum plerunq; non ex pe-cunia percussa, sed ex massa argēti aurīue, aut eboris, ferri quoque & aluminis, aut ebeni, q; tributi loco ab Aethiopibus & Persarum regibus appēdebatur, con-sistere uolunt. Legimus singula millia talentū thuris annua Arabes regibus Persarum pensitasse: ipsosque Aethiopes uicenos dentes elephantorum eisdem pen-dere consueisse: Romanosque à Corsis centum millia pōdo ceræ, tributi nomine exegisse: Cappadoces, Per-sis quingentos equos, & mulorum duo millia annua dedisse. Plerunque ex pecunia percussa: quod frequens fuit: nam ex tribus aureis etiam talentum constare, Pollux autor est, quod aureis tribus Atticis ualebat. Aureus autem duabus drachmis Atticis taxabatur.



Argenteū uero minis Atticis sexaginta: Babylonicum uero, saepe duo millia & septingētas minas Atticas effecisse uolūt. Ipsum tamen Romanum talentum quam sapissimè septuaginta librarum fuit: apud alios uero minimæ summæ, & parui aestimabatur: Homero teste, qui in ludis funebribus Patrocli, cum primus uictor bouem accepiisset donū, ultimus duo talenta premium tulit. Hoc quoque ex autoribus constat, quod à cōdita urbe ad Pyrrhum regem populus Romanus argento signato minime usus fuit: rudi enim ære appensō, non numerato, utebantur. postq̃ue percussam monetam, placuit denarium pro decem libris æreis, quinarium pro quinque, sestertium pro dipondio & semisse computari: fuisseque in ueteri nummo æreo altera parte Ianum Bisfrontem, altera proram nauis exculptam, & in antiqua moneta bouis ouisque imagines: qua res, Romanos gregibus olim & pecudibus ualuisse, argumento fuit: quare pecunia dicta est. Iani autem Bisfrontis nota, & nauis prora ideo insculpta feruntur, ut priscos Latinos tūc efferum genus, cum pastoritiam uitam agerent, è fera agrestique uita, legibus & omni rerum affluētia, quæ illuc terra mariq; importabantur, à Iano, qui cultioris uitæ modum inuenit, excultos denotaret. Neque omittēdum quod Plinius naturalis historiae libro retulit, Seruiliorum familiam trientem sacrum coluisse, illique statis diebus noua religione sacrum fecisse: qui quum uaria specie & forma dissimili uideretur, modo accessionem & fortunæ incrementa, nonnunquam damna familia præsignabat. Illud quoq; admonitu non inutile dixerim, Lugduni Romanos imperatores argentum aurumq̃ue, &

monetæ

moneta omne genus signare cōsueſſe: ſiue quod prom-  
pta ibi ad cudendum metalli copia foret, ſeu quod mu-  
nitiffimus locus, & accēſſu difficilis ad confluentes,  
quod ibi Rhodano Arar commiſcetur, eſſe cenſebatur.

Quæ theatra Romæ fuerint, & qui circi, quorumq; exten-  
tueſtigia, & quæ penitus conciderint. Cap. XXV.

IN conuētū eruditorum, præſente me, ſermo haberi  
captus eſt de theatris, quæ multa in urbe fuere, cur  
paucorum ueſtigia exten-  
tueſtigia, cum plurima legamus fuiſ-  
ſe: Romanosq; bellis conſectis, adeo ſpectaculis dedi-  
tos, ut illa apparatiſſime exhibentes, quouis magiſtratu  
aut honore dignos ducerent. Cumq; ex his quidam,  
populum Romanum pedibus ſtante ſine ſcena diu ſpe-  
ctāſſe aſſererēt, mox ſub tabernaculis ligneis, aut arun-  
dine fultis, quod ſenatuſconſulto intra urbem, propi-  
tueſtigia mille paſſus theatra habere, aut ludos niſi ſtātem  
ſpectare non liceret: ideo rara fuiſſe, illorumq; ſub-  
ſtrūctiōes & diruta ueſtigia nunc extare: plures ta-  
men fuere, qui plurimorum, quæ ſequutis temporibus  
extructa ſunt, nō ſpecies modo, ſed ne ruinas quidē ap-  
parere dicant. Licet enim poſt ſecundum Punicū bel-  
lum, P. Cornelius Naſica, cum à cenſoribus locatū ſpe-  
ctandis ludis theatrum extrueretur, uelut publicis mo-  
ribus nociturum demoliri fecerit, populusq; ſtans ali-  
quandiu ſpectauerit: & Auguſti tempore tria theatra  
ſolū, & amphitheatrum Romæ fuerint: tamen ſub-  
ſequentē æuo, quin theatra, circi & porticus ingentis  
operis, plura & celebria Romæ fuerint, nemo dubita-  
uit: tunc maxime cum urbs Roma eod excellentiæ &  
felicitatis creuit, ut ædiſciorum magnitudine ad ſum-  
mum maięſtatis faſtigium deueniret. Conſtat enim

ueterum monumentis, Marcelli theatrum operis sumptuosissimi, ad infimum Argileti, iuxta templum Pietatis conditū fuisse, quod Augustus Marcelli nomine inscripsit. Octauia uerò mater, Augusti soror, eius memoria bibliothecam addidit precipui sumptus. Hic est enim ille Marcellus, cui cum filiam Augustus desponsasset, haud multo post egregius adolescens acerbo funere sublatus fuit. Et theatrum Scauri, quod in adilitate fecerat, triplici scena, trecetarum sexaginta columnarum, signisque aeneis tribus millibus conspicuum, cuius cauea (ut autor Plin. est) supra hominum octoginta millium capax erat. Aut Curionis, qui post homines natos theatrum uersatile & temporaneū mirabili commento construxit, operum longe maximū & conspiciendū. Primus enim Lucius Mummius, exacto Achaico triumpho, theatrum temporaneum, & scenam lignea compage posuisse fertur. Cumque apud Eidenas theatrum memorabili casu cum magna hominū perniciē & ingenti strage corruisset, senatus consulto cautū fuit, ne quis in posterum theatra, nisi solidae firmitatis extrueret. Antea enim Pomp. Magnus perpetuo mansurum solida materia ædificauit primus, in cuius dedicatione ludos dedit in circo, & elephatorum pugnam, quod illi fuit uitio & crimini datū, cum antea ligneis gradibus scena fieret: quod à Pompeio magna ex parte cæptum, Caligulam perfecisse, Neronemque in aduentu Tyridatis Armeniorum regis inaurasse legimus. Iuxta quod Iouis statua uisenda magnitudine, cui arcus marmoreus à Cl. Cesare Tiberio dicatus, proximus erat: cuius exemplo Iulius Caesar molem amphitheatri ingentem, in campo Martio substructionibus  
maxi-

maximis erexit: quam postea Augustus mausoleum ædificaturus (teste Tranquillo) demolitus fuit. Et Cornelij Balbi theatrum, cui quatuor columna ex ophite lapide pro miraculo fuere, quorum nulla prorsus uestigia cernimus. Et Pompeij amphitheatrum ampla magnitudine & mole: quippe tam profusi sumptus fuit, ut hominum XL. millia commode sedibus acciperet. Necnon amphitheatrum Tauri summa impensa extructum: nec minus castrense, quod in Exquilij fuit: & Neronis, cuius ne imago quidem extat. Cæsaris uerò theatrum iuxta Capitolium, cuius tantum semirutæ uestigia uidemus, tanti splendoris fuit, ut urbem atque imperium honestaret. Quantæ autem admirationis fuisse amphitheatrum urbe media credimus, mirificum opus à Vespasiano fundatum, cum ipsius ferè demoliti nunc ruinas solidissima structura demiremurs. In quo extruendo omnes imperatores regesq; magnificentia antecessit, quibus monumētis illud decus maiestatis & imperij, quo urbs Romana floruit, facile est coniectari. Quid de theatro lapideo, iuxta quod ædem equestris Fortunæ fuisse memorant, cuius ne uestigium quidem relictum est? Circum uerò maximum celebratissimum trium stadiorum longitudine, à Tarquinio Prisco locum spectaculis designatum, ubi Iunonis & Dianæ templa erexit, & mox à Cæsare Dictatore mirifico opere instauratum uidemus, illiusque adhuc uestigia extare: ubi Veneris ædes quam Fabius ex mulctatitia pecunia faciendam curauit, Libertique & Liberæ, Iuuentutis & Cereris: quas Aul. Posthumius dictator nouerat, atque Herculis fanum, Solisque & Mercurij, Bellonæ & Floræ ædes fuere: ibique



Lupercal, & circum Flaminium uidimus aliquando, quorum uix semiruta uestigia licet inspicere. Atq; hic circus Flaminius est, quondam prata Flaminia, iuxta quem Apollinis aedes inter ipsum & olitorium forum, in qua senatus haberi consuebat, ac Iouis Statoris templum, licet alterum in porticu Metelli, & tertium in radice Palatii fuisse legamus, quod à Romulo in pugna cum Tatio & Sabinis uotum esse dicunt. Fuit quoque Neronis circus in Vaticano, & circus Floræ iuxta ipsius templum: & Intimus, quem iuxta urbis murum fuisse Varro significat, cuius licet inter mortua memoria sit, tamen figulos ibi proximos, & myrtetum, à quo sacellum Veneris Myrtæ, quæ Murtia dicta est, & illius aram sub Auentino antiquissimam legimus. Hoc quoq; non in postremis fuerit, prioribus seculis nō modò spectaculus & ludis publicis ueteres theatra habuisse frequentia, sed quum conciones, aut populi concilium haberi, uel toti plebi aliquid exhiberi uellent, id in theatro, ubi concionantem exaudire, & quo conuenire frequentius possent, ex alto suggestu sedentibus et silentibus cunctis, facere consueisse: idque Græcis præcipuo in more fuisse, licet Athenis theatrum locus legitime concionis non esset: quo malo uetus illa Græcia concidit, in quorum theatris cōcilio populi indicto, ubi rudes & ignaui promiscuè confederant, confusa populari & militari turba, uarijs et dissonis clamoribus insana concionis, bella suscipiebant, ciues proscribent, prætores eligebant, præmiaque bene meritis ciuibus, interdum pœnas, circumductis urnulis, inferebant.

Qui fuerit mediæ unguis & infamis digitus, quibusq; digitis quæ fuerint qualitates & nomina. Cap. XXVI.

PER-

PERSVASVM habent pleriq; in uersu Iuena-  
 lis decima, dum inquit: Quum Fortunæ ipse minaci  
 Mandaret laqueum, mediumque ostenderet unguē:  
 per hæc uerba id notari, quod uulgo omnes contume-  
 lijs conciti faciunt, ubi interiecto pollice inter medios  
 proximos digitos, obscænum in modum, probrum ob-  
 iiciunt: quo argumento illum fastidire, & despicere  
 ostendunt: quod tamen longè secus in ueteri usu fuisse  
 apparet: quippe infamis digiti obiectu, qui medius est,  
 ipsum in quem obicitur, infamē notari duxerunt. Fuit  
 enim prisca moris, ut si quos floccipenderent, aut insigni  
 contumelia uel deformi conuicio afficerent, id obiectu  
 medijs digiti protenti, nō autem compressi, denotarent:  
 quod est à Græcis usurpatum, ut contractis reliquis di-  
 gitis, mediū ignominia causa protenderent, quod su-  
 mmi dixerunt. *συνεκλίσαν* enim, prætentare est digito an-  
 gallinæ oua conceperint: sicut *ἀδελφίσαν*, ubi quempiam  
 floccifacere ostendunt. Quare ab Atheniensibus me-  
 dius catapygos, quasi cinædus & scortum, adnomina-  
 tur, quod infamiam incuteret, & conuicium faceret.  
 Apud Græcos sycophanta, aut hodie docos, quasi obse-  
 sor uiarum & latro, uel propudium, conuicium cense-  
 batur maximum: sicut Persis, muliere uirum ignauio-  
 rem appellare, nulla insignior contumelia fuit. Apud  
 Aegyptios, asini nomen obiectare, magnum estingere  
 probrū, quod Typhonis hostis Osiridis colorem fer-  
 ret. Quare quum Persarum regem Ochum summi de-  
 decoris loco Aegyptij asinū appellarent, intantū exar-  
 sit, ut diceret: Faciam ut hic asinus uestrū bouem de-  
 pascatur: qui haud multo post, ingenti coacta manu,  
 occupata Aegypto, Apim immolauit. In quo annotare

succurrit, quod tradit Herodotus, quòd quum Scytharum equitatus, quo præcipuè ualent, in Aegyptios irrueret, rugitu asinorum & mulorum insolito (quippe quum apud Scythas nulli sint, Aegyptiis uerò frequentes) adè equos Scytharum fuisse consternatos, ut protinus fugam fecerint, Aegyptiisq; in signem uictoriæ dederint. Id quoq; à Martiale non in scite ostensum est:

„Rideto multum, qui te Sextile cinædum

„Dixerit, & digitum porrigito medium:

Velut eo argumento uirum improbißimæ nequitie designaret. Ex quinque enim digitis, quos sacros Minerva religio sanxit, cuique suum nomen inditum fuit & qualitas, neq; ab re nominati sunt. Pollex enim primus, quia alijs maior & longè princeps est, quodq; reliquis antestat, et propè dominatur, dictus: quippe cuius adiumento reliqui reguntur: itaque nō immerito is apud Græcos ἀντίχρῳ, quasi altera dicebatur manus, quum in unaquaque re socius & adiutor sit. Hunc premere antiqui iubent, quum alicui bene precantur & propicij sunt, bonum omen & efficaces preces futuras interpretati: utrunque uerò pollicem iungere, uehementius laudare est: uertere autè pollicem, malè precari. Cūque pollex monocondylus sit, reliqui fuere dicondyli, id est, duplicis commissuræ: ubi uerò in digito non erat flexus, phalanx dicebatur. In pedibus autem, pollicis scandēti proximum, à saliendo halluci dixere nomen. Reliqui in pedibus digiti, monocampi, hoc est, unius flexus fuere. In qua quidem re, memoriæ proditum est, Pyrrhi pollicem dextri pedis diuinam uim habuisse, ut splene laboratibus præsentissimo remedio succurreret, qui etiā in pyra cum reliquo corpore absumi nequiuit:

sicut

sicut de Lamisco proditur, qui apud Lucanos regnavit, cui tertius digitus pedis lupinus erat: & de Artaxerxe, qui manu altera longior, Macrochir nomen tulit. Proximus uero à pollice, indicis nomē habet, qui etiam salutaris uocabatur: quo ori admoto, silentiū indicimus: scilicet nil sanctius ad salutē, oris silentio estimantes. Ideo sacellum Angerona, quæ dea præsul silentij, obsignato ore effingitur: ac inter antiquissimas religiones Romæ colebatur. Hoc digito salutari Martium Septimium, qui ex fabro ferrario imperium tenuit, tantum ualuisse dicunt, ut currus ex aduerso nitentes repulerit, & fortissimum quenque colliserit. Tiberius quoque articulis ita firmis fuisse fertur, ut recens malū salutari digito terebraret. Quod de Cl. secundo Casare traditur, qui digitis ita ualidis fuit, ut ictu digitorū aut pugno, sæpe equi dentes excussisset. Contrā uero Augustus illo persæpe laborauit, ita ut uix cornei circuli supplemento, scripturæ admoneret. Hoc etiam indicamus: quare indicis nomen tulit: exprobramus & minas inferimus. Tertius, qui medius & reliquis maior est, famosus habetur, petulans & libidinosus, cuius obiectu (ut modo significavi) probrum obiectamus, alteriusque famam lædimus, & detestamur: & quia deses & ignauus in medio situs, nulli rei adiumentum est, idcirco despectissimus habitus: qui etiam uerpus dicebatur: nanque Iudæis usque eō eniluit, ut interranea exhulcerata & putrescētia uiscera, illo reconderet & fouerent. Fuitq; adnotatū apud ueteres Græcorum, ut qui medio digito tanquam per indicem aliquem ostenderent, arguerentur insanīæ. Quare uerbum Diogenis proditur, multos per digitum insanire, quod medio



digito se philosophātes peregrinis demōstrarent. Cū-  
 que reliquos auro gemmisque insignirent, hunc prisci  
 Romani nudū & honore destitutum relinq̄re, ueluti  
 infami contumelia notaretur. Galli uerō & Britanni  
 medio tantum annulos adiūciunt, illū prācipuo honore  
 excolentes. Proditumque est, annulum ē sinistra in lon-  
 gissimū dextrā transferri, saepe singultus & grauedi-  
 nes leuare. Grācis uerō medius nō famosi nomē habet,  
 sed medici. Digitis enim apud illos hāc indita nomi-  
 na fuere, Ἀντίχρῳ, Δακτύλῳ, ἰατρὸς, Δακτυλιώτης, ὀπίτης,  
 ac si dicas, pollex, index, medicus, annularis, auricula-  
 ris. Apud Pollucem hāc fuere nomina: Micros, hoc est,  
 paruus, deinde paramesos qui sequitur, postea mesos,  
 deinde lichanos, demum antichir aut megas. Romani  
 uerō proximum minimo, annularem seu medicum nun-  
 cupant. Illo enim, quum ueniam poscimus à dijs, locum  
 Nemeseos (quā dea ultrix malorum fuit, faultrix uerō  
 bonorum) post aurem dextram obsignamus. Ipsa enim  
 Rhamnusia dicta, ibi locum uenerationis habet. Rha-  
 mnēs enim à Marathone haud plus sexaginta stadys  
 abest, ubi Nemesis fanum memoratur prācipuum, ab  
 Adrasco aedificatum: cuius simulachrum altera manu  
 fraxineum ramum, altera phialam gestat: quem locum  
 qui eam uenerantur attingunt, quum in ipsa aure me-  
 moriae locus foret. Eundemque minimo proximum in  
 sponsalibus annulo exornamus, quia tenuissimam ue-  
 nam inde ad cordis ima penetrare arbitrantur. Hunc  
 Aegyptū tanquam sacrum multis odoribus delibutum  
 habere assuerant: habuisseque hoc proprium ferūt, ut  
 complicatus, senarium, qui perfectissimus est, numerū  
 designaret. Minimū uerō, quia omnibus minor minus  
 officij

officij habet, quodque eius ope minus indigemus, propterea dici autumant: cui etiam auriculari nomen est, quod illius ope aurium sordes, quaeque in his incommoda sunt, adimimus & leuamus, tarditatiue aurium, aut si quid in eis putidi fuerit uel purulenti, succurrimus. Fuitque literis proditum, crebro scabere aurem dextram minimo, furoris signum esse: eiusque tintum crebriorem, morbum corpori adactum prae monstrare. Si quem tamen dimicationi uel pugna ueteres laceſcebant, minimo prouocante, inuitabant. Est quoque animaduertere, quod qui minimo gestatur annulus, achates dicitur: quo uero index ornatur, corianos. Latini autem leuis materiae annulum, qui minimo gestatur, aestium nuncupant. In auctionibus & locationibus attollere digitum, se emptorem & conductorem: in certamine & pugna, deditionem: manum uero protendere, pacem peti, significabant: quibus in usu erat, ritu prisco, ut qui forensia stipendia auspicabatur, brachium extra togam exerere non auderet.

LIBRI IIII. GENIALIVM  
DIERVM FINIS.

ALEXANDRI AB ALEXANDRO IV  
RISPERITI NEAPOLITANI, GE-  
NIALIVM DIERVM LIBER  
QVINTVS.

Locus ex Martiale, apud Gabrielem Altiliū in conuiuio fa-  
miliari inuicem discussus. Caput 1.

A D Gabrielem Altiliū, uirum modestis-  
simum, doctissimumque, cum quo mihi  
à prima adolescentia intima familia-  
ritas fuit, quòd is tunc ad pontificatum  
euectus fuerat, nos & aliquot bonarū  
artiū studiosi iuuenes summo loco nati, Neapoli cōgrat-  
ulatum ueneramus: ad quem ut uenimus, excepti ab  
eo comiter & benignè fuimus. Cumque complexi ho-  
minem in primis adibus, post mutuam salutationem,  
letis precationibus ei gratularemur, eumque honorem  
sibi à dijs fortunari, & quod nobis diu in optatis fue-  
rat, id nunc magnæ uoluptati esse, ac bene locatum in  
homine morum honestate, & omni doctrina cōspicuo:  
sperareque illud sibi, & urbi nostræ ornamento cessu-  
rum, profiteremur: post mutuos inter nos mira suau-  
tate editos sermones ad multam diem, quum iam ad-  
uesperasceret, & cœnæ tempus appeteret, indeque nos  
digredi uolētes uniuersi assurgeremus, impense roga-  
uit, inuitauitque nos diu recusantes: atque excepit ipse  
admodum placidus & mitis, non grandi conuiuio, sed  
cænula non iniucunda, minimeque sumptuosa & pe-  
tulanti, uerū admodum eleganti & frugi: olerū sci-  
licet ferculo, thyrsis uiridibus minusculis cauliculis te-  
neris

neris tunc in florem erumpētibus, leuiter igni admotis, & pisciculis multo pipere & nuce conditis, cum præcoci uua, & primis pomis ex Lucano suo, quæ ad se delata, secundas nobis mensas ipse præpararat. Cumque miti castoque inter nos procedente sermone, uariato lusu, ad finem cœnulae uentum foret, quempiam, qui ibi assistebat, raræ indolis puerum, forma & specie liberali, literulis satis aspersum, ad se aduocauit, ac unumquemque nostrum per uices dicere iussit, quod quisque uellet sibi ab illo cani epigramma. Cumque nonnullis enunciatis uersibus, quos miris modulis & concentu admodum suauis, perquam festiuiter ad lyram ille decantarat, à quodam nostrate in eo cœtu seruata eius uice, hoc epigramma prolatum fuit:

- „ Quòd non argentum, quòd nō tibi misimus aurum,
- „ Hoc facimus causa Stella diserte tua:
- „ Quisquis magna dedit, uoluit sibi magna remitti:
- „ Fictilibus nostris exoneratus eris.

Quos uersus quum admodum concinniter suauiterque ille fuisset modulatus: Quid est, Altilius inquit, quod hic autor dicit, quòd qui multas opes liberaliter largitus est, expetat ipse tantundem sibi reddi ab eo, quem munere affecit, equidem ignoro: quum satis constet, quod is qui ingenue liberalis est, nō id appetit, ut beneficium pro beneficio fœneretur. Siquidem munificentia & liberalitas, quæ magni animi est, auaritiæ & appetentiæ, quæ semper pusilli fuit, dispar longè et diuersa existit. Qui ergo munificus & liberalis est, & sponte largitur, is profecto ita liberalis est, ut quod dedit beneficium non mercetur: & quanto quisque magno & erecto animo est, ut ingentia largiatur, ita magni



uerè ingenui uim exprimere uoluisse. Et ad me cōuersus, quid censerē in hac re potissime interrogauit. Tum ego me arbitrari dixi, quòd is qui munificus & liberalis est, licet ingenue largiatur, & libenter officium faciat, tamen natura ita esse comparatum, ut qui beneficium accipit, eo consilio & animo sit, ut illi à quo accipit, ad tantundem spōte obligatus maneat, eumq; pari obsequio deuinciat, ut similem, si occasio detur, gratiā referat, qui de se benemeritus fuit: idque fit, non animi appetentia aut lucri spe suadente, sed quòd ita homini natura præscripsit, ut ampla precia beneficijs demus. Siquidem ad promerendum nulla efficacior uis, quàm officium manet. Atque ita hoc perspicuū est, fixum homini ingenitumque fuisse, ut sicut se à ui & iniuria tutari, & illatam contumeliam ulcisci, ac talionem reddere, iubente natura impellimur, ita collatum nobis officium alio officio pensare, & conferre cogamur. Nec tantum eadem mensura, sed multo maiore, si potest, beneficium remunerari, & bene cumulatam gratiam referre decet, nec uocare ad calculos expensorum & acceptorum. Ideo non immerito Gratias, unam auersam, duasque non aspicientes ueteres effinxere, quia geminata gratia, & cumulatior ad nos redire debet: quarum nomina Pasithea, Aglaia & Euphrosyne. Apud Lacedamonios traduntur duæ, ab Homero una uxor Vulcani: illarumque ades in foro medio ueteres posuere, ut gratia meriti cuius in promptu foret, atq; ad promerendum quisq; esset facilis & expeditus. Quod quidem ius naturæ est, nullo iure ciuili aut plebiscito. Itaque si quis eum, qui de se benemeritus fuit, illiberali animo, alio officio nō demeretur, neque illud gratè ac-

ceptum fert: quippe qui nihil adiumēti, nihil opis confert, is profecto tanquam uiolator humani iuris, ita de officio decedit, ut omni humana ope indignus, ingrati, criminosi, & mali hominis suspicionem non euadat, simulque famæ iacturam facere certum sit. Quod apud Athenienses & Macedones lege cauebatur, ut haud secus aduersus male meritos ingrati actio detur, ius iudiciumque dicatur, ac si are alieno, aut graui crimine nexi forent: nam beneficij memoriam (autore Demosthene) qui recipit habere debet: qui uerò dedit, statim obliuisci. Persæ quoque illum qui accepto beneficio, gratiam, quum possit, nō refert, graui pœna prosequuntur, in eumque lege agere licet, tanquā magno esset scelere pollutus. Germani contrā: nam collati beneficij merito nihil sibi debere putant, neque acceptis obligātur. Quū ergo autor hic dicat, eum qui magna dedit, magna sibi uelle remitti, non cupidi animum pensare uoluisse putandum est, sed liberalis potius & ingenui, quodq; natura iubente cogimur, ut eum qui beneficia in nos contulit, alio officio deuinciamus, certa stabiliq; sentētia multa maiora & quammaxima largiri: quæ obligatio, ad ἀντίδοξα dicta est: beneficium enim cui collatū est, ad promerendum natura lex obligat & deuincit. Est, inquit Altilius, ita ut dicis, possetq; ueritas carminis & mens auctoris ex tuo sensu facile iudicari, promptaque & expedita defensio foret, nisi aliud ex contextu uerborum liqueret. Sed in hoc ego anceps adhuc & dubius sum, quod poëta istud non natura tribuit, sicut tu asseueras, ut ea cogēte, qui beneficium accepit, alio officio obstrictus maneat: sed hoc tribuit uoluntati dantis, illo scilicet qui sponte largitur, quiq; be-

nefi-

beneficium cōtulit, id postulante. Nanq; his utitur uerbis:

„ Si quis magna dedit, uoluit sibi magna remitti.

Quod uerbum cupidi & expetentis est, & propterea auari. Conuincimur ergo autorem potius benemerentis uoluntatem, quàm uim naturæ pensitare uoluisse. Et quum is qui largitur, eo animo sit, ut ob gratiā meriti tantundem repetat: profecto appetentem & turpem animum, nō autem ingenuum & liberalem, præferre uidetur. Ergo auari potius, non autem promptè liberalis animum poëta expendere uoluit. Tum ego: Est inquam, quod dubitetur: sed tamen si uera & salubri ratione rem pensare uolumus, qui mihi naturæ imperio ad dandum faciendūue deuinctus manet, eundem mihi uelle obnoxium manere, qui à me officiū accipit, profecto non negauerim: ut dare facereque teneatur quod natura imperat, quodque iura diuina & humana uolunt, ne subeat ingrati culpam, licet ego libenter dem & ingenuè liberalis sim. Neque propterea animum uideor deturpare, quod in quem beneficium contuli, eundem obnoxium mihi esse uolo. Igitur quū lege naturæ, qui beneficium accipit, debitor maneat, proculdubio me uelle, quod mihi naturæ imperio debetur, non negauerim: neque propterea liberalis officiū imminuo, aut deturpo. Nam gratia debitiō ita homini ingenita est, ut diuelli nullo modo queat: quam dantem appetere uelut promeritum, non est contra officiū, nisi sit fortasse quod tu secus arbitrèrè. Tum Altilius miti, ut erat, ingenio: aut hoc, inquit, uerum est, quod modo dixti, aut profecto sua tempora, in quibus qui multa dabant, multa repetere uolebant, festiuiter (ut solet) poëta hic criminatur.

lege ab Hortensio lata cautum fuit, ut omnes tenerentur. Hinc quæ à tribuno plebis edita sunt, plebiscita dicuntur. Fuitque præcipuo quodam iure excelsa & insolens tribunitia potestas: adeo, ut M. Veetium in capitis dimicationem uenisse, & ultimo affectum supplicio fuisse, quod transeunti tribuno non decederet de uia, scriptum inueniamus: donec Sylla rerum potens, quum reip. imperitaret, tribunitiam potestatem ita fregit & comminuit, ut legem ferret, ne cui qui tribunatum gessisset, ad alios honores pateret aditus, uelut indignus honore publico semper futurus. Intercessionem tamen liberam tribuno nihilominus reliquit: quam postea Tiberius Gracchus in tribunatu collegis abrogauit. Quæ quidem intercessio etiam prætoribus compete-  
bat: quippe intercedere etiam prætor prætori poterat. Qui licet tantæ potestatis foret, ut etiam consulem in carcerem ducere, dictatori-que comminari, & mulctam irrogare posset: si quid tamen scelesto consilio contra commoda plebis gessisset, aut exorta offensione, apud collegas minus iuste intercessisset: poterat ei à reliquis tribunis dies ad populum dici, iussu-que populi aut tribunorum in carcerem duci, ei-que tribunatus abrogari, & in exilium agi, & senatu amoueri. Cn. enim Tremelio tribuno pl. in crimen adducto, quod M. Aemylio Lepido pōtifci maximo conuicium fecisset, contumelia-que & probris affecisset, à populo mulcta dicta fuit. Et L. Cottam tribunū plebis, quum æs alienum abnegaret, eo quod in ius uocari, & magistratus imperio cogi non posset, collegæ illum coegere, comminati-que sunt, nisi æs solueret alienum, se creditoribus illum dedituros, si postulassent: ali-que tri-



set, nèue quid intra domum pro potestate agerèt, nèue illatam multam à tribunis quaestores ararū infra menses quatuor in publicas tabulas referrèt. Sed præter hos plebis tribunos, fuere alij consulari potestate, anno trecentesimo decimotertio ab Vrbe condita, iſſdem auspicijs quibus consules creati, tam ex plebe quam patribus. Nam quum Canuleius legem ad populum ferre contenderet, ut ex plebe consules facere liceret, patresque ne cōsulatus cum plebe promiscuus foret, uehemēter obsisterent, eò res ducta est, ut tribuni militum consulari potestate fierent, tam ex plebe quam patribus: idemque iuris quod consules, haberent. Nam & sella curuli & consulari prætexta, liſtoribus & fascibus consularibus insignes erant: ac primo tres patritij creati: mox quum defectiones populorum & tot simul oriētia bella tres obire non ualerent, illorum numerus auctus fertur, ut modo quatuor, modo quinque, interdum sex, nonnunquam octo crearentur, tunc quum à Romanis Veij diutino & graui bello premebantur. Ad tantam enim belli molem tribunorum auxerunt numerum, quot nunquam antea facti, per quod tempus tribus annis sine consilibus Romana res fuit, sicut decemuiris legum ferendarum causa creatis, biennio defuere: donec desito tribunorum militum magistratu, & per ingentia certamina uicto senatu, ut consules etiam de plebe fierèt, agrè nobilitas passa est. In qua re admirari succurrit, quod Pomponius iureconsultus de origine iuris literis prodidit, tribunos militares consulari potestate ad uigesimum numerum auctos Romæ fuisse: quod nunquam fando auditum, & apud autores

compar fuit cum eo quod Athenis statutum comperimus, ut à mille quadringentis, furti aut ambitus & iniuriarum quandoque iudicatum sit. post quos C. Caligula quintam adiecit decuriam: Galba sextam adijcere recusauit: quæ quidem diuersis erant discrete nominibus: nanque alij tribuni æris, alij selecti, nonnulli iudices, plerique Nongenti nuncupati: quorum sortitio fiebat, quoties iura dicturi erant, ne quid doli astutus admitteretur, nèue iudicantis suspicio iudicij fidem eleuaret. Illorum enim nomina insculpta tabellis, & in urnam coniecta, sorte educebantur. Mansitque constitutum, ne quis ex nouis ciuibus collegio adnumeratus, inter decurias iudicaret: utque in Porcia basilica, quam Cato erexit, non è tribunali ius dicerent, sicut prætores, sed è subsellij: quod non summi honoris, sed minores essent magistratus, quibus etiam hoc curæ fuit, ut publicam pecuniam signarent, illiusque curam agerent, fontiumque uincula seruarent. Verba legis fuere: Tribuni sunt: Domi pecuniam publicam custodiunt: Vincula fontium seruanto: Aes, argentum, aurum publicè signanto. Hoc quoque meminisse non pigebit, quod tametsi aduersus reliquos magistratus iure sacrosanctæ potestatis, tribunis plebis intercedere liceat, ita ut uno intercedente, nihil reliqui decernere ualeant: tamen aduersus dictatoriam uim, aut Vestales uirgines, quæ uelut sacrosanctæ ab hominis tactu illasæ manent, nulli tribunorum intercedere, uetare aut prohibere, facultas est.

Quonam modo per feciales inirentur fœdera, aut bella indicerentur, & quid ab exteris seruatum est.

Caput III.

FECIALES, quos fœderibus sanciendo, & rebus repetendis, ac bellis indicendis Romanos habuisse constat, à Tullo Hostilio, seu Anco Martio, ut uerò aliq, à Numa Pompilio creatos fuisse liquet, qui ab antiqua gente Equiculis iura & uerba solennia, quibus res repetuntur, & bella indicuntur, acceperunt. Horum collegium à principio uiginti fuisse, quibus & patri patrato, ut nunquam lineo amictu uteretur, proprium fuit: qui tametsi fœderibus sanciendo & bellis indicendis, aut rebus repetendis, quæ præter ius præterque fas ademptæ sunt, adhiberentur: tamen si qui legati po. Romani, qui iure gentium sancti sunt, à quouis populo aut natione uiolati forent, ut hi dederentur qui iura gentium temere uiolassent, per feciales cauebatur. Erat enim ueteribus ius legatorum sanctum & inuiolabile, cum hominum præsidio munitum, tum diuino iure defensum. quod etiã inter bella & hostium tela incolume seruabatur. Fuit ergo proprium collegij fecialium, tam de bellis iustisque fœderibus, pactio-  
 busque & conditionibus populorum, regum, terrarum & nationum, quàm de illatis iniurijs, socijs, fœderatisque gentibus cognoscere, raptaque & hostili modo deuastata, belli iure repetere: tum si hostes æqua postulent, aut si præter legem fœderis, se aliquid perpeffos querantur, si sua sponte, aut laesi & laceßiti arma sumpserint, si infida pax seruanda, si induciæ aut bella iuste indicta & pacta sint, si petita ex fœdere danda, si autores defectionis deposcendi, si contra fidem conuentionis & ius gentium uenire liceat, animaduertere: belli pacisque iura exequi, & perpenso iudicio æstimare. Quæ uerba iuris fecialis sic habent:

Belli

Belli, pacis, fœderum, induciarum, oratorum, feciales iudices sunt, & infra. Sed tamen ea fœdera pactio- nesque quæ cum socijs inire decet, feciales sancire, aut pacta concipere, haud aliter poterant, quam si consulis aut pratoris autoritate intercedente, senatusconsulto iussuque populi permissum foret: iniussu enim populi, aut citra senatus autoritatẽ, nihil sanciri posse quod populum teneat, haud dubium est. Fiebat enim senatusconsultum in hæc uerba, ut priuas uerbenas priuosque lapides prætorem poscerent: qui uerbenam ex arce & sagmina (herba enim genus est) ac lapidem silicem ex templo Iouis Feretrii daret, fecialesque ea secum ferrent, ac porca adhibita, uetere præfatione prisca carminibus, ad præstitutam diem, in foro, seu ubi conuenerat, enunciatis, fecialis sceptrum manu tenens, pro Iouis simulachro, tanquam is fœderi adhiberetur, filo lana capite uelatus, & uerbena coronatus, Iouem, Martem, ceterosque obtestari deos, & dira obsecratione precari debebat, ut si quis eorum fœdera uiolasset, aut illa sciens falleret, ita illum Iupiter feriret, quemadmodum ipse porcam percuteret. Quibus obtestationibus quam sanctissimè prolatis, secundum rem diuinam precationemque, lapide silice porcam percutiebat: mox aqua & igne in sacris adhibitis, illam immolabant: qua cæsa, iura pacis & fœdera conuenta, icta esse ritè putauere, hanc fidem socialem & sanctissimum fœdus esse arbitrati, quo nihil sanctius firmitusque fuit: idque ante meridiem, & primo diluculo: nam post meridiem eas preces facere, aut fœdus percutere non licebat. A principio tamen condita Urbis, in fœderibus pacis



ultima ductos necessitate, post innumerās cædes uiribus extenuatis pacem petere. Carthaginienses & Siculi fœdera & inducias non per feciales, sed per tubicinem saepe iniuerunt. Apud Græcos uero exterasque nationes fœderum percutiendorum multimodæ species erant: nam porco, ariete & tauro immolatis, pacis fœdus inire, & res repetere solebant, qui belli tempore caduceatores dicti, in pace uerò legati. Ex quibus feriebant plerique fœdera, uel pane præciso, & inuicem gustato, aut uini poculo epoto. Nonnulli agnum marem candidi uelleris, agnam uerò pullam adhibebant: atque ex utriusque uertice pilis dissectis, & uicissim distributis, manibusque aqua infusa, & uino pateris, mox Soli & Telluri illis immolatis, leges pacis & fœdera inibant: quibus qui contrā iret, turpissimo facinore & inexpiabili scelere tenebatur. Fertur Aristides, ut ictum fœdus cum omni Græcia firmaret, post diras execrationes, accensos ferreos orbes, in mare deiecisse, adiurans ut ita extinguerentur cum omni stirpe & gente, qui contra fœdus irent, uelut ignitum illud ferrum aqua. Vel brachia circa humeros gladio feriendo, & per uices elicitedum cruorem lingendo, quod Medis Lydisque sanctissimum fœderis uinculum, & iniurandum esse putabatur, quasi mutuo cruore sacratum. Id quod Carmani frequentes factitarunt, ut in epulis percussa faciei uena, profluentem cruorem uino miscerent, inuicemque propinarēt, summum fœdus amicitiae, mutuum sanguinem gustasse rati. Nasamonibus fidei dandæ hæc lex erat, ut porrectum uini poculum de manu alterius alter sumat, inuicemque hauriat: aut si poculum deesset, terra cinerem linge-

rent. Indis societas erat maxima de Tantali aqua potare, de qua si qui unà bibissent, ea obtestatione tenebantur, ut eiusdem fati & fortunæ fœdus inisse censerentur. Apud Arabes assuetum erat, ut acuta silice digitos manus expungerent: uestisq̃ue utriusque laneos floccos sanguine, qui inde fluxerat, delibutos, septem lapidibus delinirēt, diroq̃ue carmine in execrationem capitis illius, qui contra iret edito, paribus uotis fœdera percuterent. Scythis grandem calicem mero plenum, mutui sanguinis fuso cruore miscere, & postquam gladium & sagittas eo perfuderant, illud inuicem epotare, maximum erat concordiae uinculum: quo epoto, diuini humaniq̃ue iuris fœdus æquis legibus iētum erat. Galli cum quibus fide & iureiurando iunguntur, omnes collatis militaribus signis, adesse iubent. Britanni indictis cœtibus & sacrificijs, conspirationem fidemq̃ue sanciebant: atque ita communi consilio & una mente, pia & æterna pax inita censebatur. Neque omiserim Persas, apud quos inter uinum & epulas frequenti conuiuio, in quo uxores & filios ceterosq̃ue quos charos habent, tanquam fidei pignora adhibebant, ibiq̃ue inter sacra mensæ, uelut apud hospitales deos fœdera & pacta inibant, eam fidem socialem rati & mansuræ pacis pignus inuiolabile. Qui etiam mos Germanorum fuit, ut de pace & bello, deq̃ue fœderibus, societatibus, amicitijs, sponsalijs & pactis, in conuiujs inter pocula decernant. Macroni, quæ gens Persica est, quum hastam more ipsorum barbaricam tradunt, aliamq̃ue more gētis cum qua fœdere iunguntur, accipiunt, se maxima & firmissima pactione teneri, & pari uinculo astringi putabant

tabant. Ferunt nōnulli Clearchum Lacedæmoniorum  
 ducem, cum barbaris quibusdam fœdus sanxisse, ut  
 cæso Ioui tauro, lupo, apro & ariete, Græci gladios,  
 barbari lanceas in sanguine uictimarum intingerent.  
 Thraces quoque & Aegyptiæ cornibus bouum uina  
 libare alterna uice, conciliati amoris & mansuræ fi-  
 dei certissima pignora censuere: quippe ueteribus cor-  
 nua bouum poculorum præstabat uicem. Apud Arme-  
 nios & Iberos præualuit mos, ut pollices manus in-  
 uicem cōiurantes necerent, mox arctissimo nodo per-  
 strictus, collectum sanguinem leui ictu percuterēt, ma-  
 nantemque inde cruorem lamberent. In qua quidem  
 re, proditur Rhadamistus regis Iberiæ filius, dum si-  
 mulat cum Mithridate Armeniæ rege fœdus inire, &  
 ob id colligandi pollices forent, lorum ad terram calli-  
 do astu decidere simulasse, quo Mithridatis pedes uin-  
 culo inuasit, ipsumque cum uxore & liberis captiuos  
 duxit, & nece affecit. Aetoli, quia feroces & imma-  
 nes: Parthi, qui libertatem tuentes, nemini seruire pa-  
 tiebantur, aut uinculo fidei astringi, nullam fœderis  
 legem pacisci assuerant. Si quid tamen uellent confœ-  
 deratum, licet ægrè & difficulter, apud altaria com-  
 plexi dexteras, tanquam dñs testibus & arbitris, post-  
 quam sacra libassent, pacta polliceri solebant, ita se æ-  
 quissimo iure cōsociatos & arcanum fœdus inire pu-  
 tantes. Idem ab Hyrcanis Medisque factitatum, ut de-  
 xtras dextra iungentes, cōuentiones & pacta sancir-  
 rent. Fuitq; literis proditum, ut si qui scelesti facinoris  
 conscy, magni criminis admittendi coniurationem ini-  
 rēt, quo magis consociato facinori nexi foret, post diras  
 imprecationes execrationesq; q̄ qui clādestino scelere

obstringebantur, poculum humani sanguinis admixto mero circumferrent, omnesque ad facinus adiurati, de poculo libarent, aut iugulato homine, post exhaustum sanguinem, diris imprecationibus & furiali carmine exta tangerent. Quod quidem maximum uinculum communi scelere pollutis, & dira execratio habebatur. Manetque constitutum apud Scythas, ut qui opis egeret, insigni calamitate pressus, immolato boue & carnibus decoctis, supra tergus uictimæ stratus humi expectet, donec quispiam opem laturus adueniat, carne delibata, dextro pede tergori appposito: quo prodeunte, eo adstringebatur fœdere, quo nihil sanctius dici aut æstimari poterat. Quod si cui bellum indicendum foret, aut pia & iusta arma mouenda, mos Romanus erat, prius res repeti, mox bellum denunciari: quippe quum nullum putarent iustum bellum, nisi quod rebus petitis geratur, aut antea denunciatum foret, & solenni more indictum. Fecialibus enim prohibentibus, aut non probantibus, neque consuli, neque senatui aut populo arma in hostes sumere licebat. Sed tamen quum res repetuntur, obseruatum est, ut populi iussu ad fines illorum quatuor feciales, quos oratores nuncupant, uerbena coronati, res petitum irent, ac deos fœderum ultores testes facerent. Ex quibus uerbenarius gramen cum terra euulsum ferebat ex arce, legatusque filo lanæ capite uelato, res sibi dari clara uoce posceret, quæ clarigatio dicta, his uerbis: Iouem ego testem facio, si ego impiè iniusteque illas res dedier populo Ro. mihi que exposco, tum patria compotem nunquam sinas esse. Quæ si præstituta die non darentur, post dies tres & triginta (tot enim solennes



lennes fuere) pater patratus, qui fecialium princeps erat, pariter coronatus bellum indiceret: nō enim cui-  
 cunque ex fecialibus, sed soli patri patrato indicendi  
 belli facultas erat: quem fecialis uerbena caput &  
 frontem cingens, indicendi belli aut percutiendi fa-  
 deris principem faciebat. Ibat enim pater patratus ad  
 hostium fines, & uerba solennia præfatus, bellum à  
 populo Romano contra præscriptos hostes, ob legiti-  
 mas quas censuerat causas, clara uoce indicebat: post  
 quam clarigationem mos erat, ut de senatus consilio  
 & populi iussu, fecialis hastam ferratam, aut sangui-  
 neam præustam, ad fines illorum iaceret: & non mi-  
 nus tribus puberibus præsentibus bellum indiceret:  
 & ita denunciari & indici iustum piumque bellum  
 putauere. Post quæ quasi classico personato, sublatis  
 commercijs, militi arma capere, & copias cogere lice-  
 bat, ad hostes ducere, excursions facere, prædas age-  
 re, fines populari, eosque ferro ignique uastare, frumen-  
 ta succidere, ædificia incedere, atque omnia hostiliter  
 agere. Apud Carthaginienses hastam mittere uel ca-  
 duceum, belli pacisque signum fuit. Gallorum mos ha-  
 buit, ut Druidis iubentibus, quum bellum indicendum  
 foret, armatum concilium indicerent, penes quos ar-  
 bitrium bellorum & pacis erat: & qui nouissimus ac-  
 cederet, nouis exemplorum modis afficeretur: tunc e-  
 nim principium bellorum esse, & arma legitimè in-  
 dicta putarunt. Græcis uero in usu fuit, ut fecialis, post  
 res repetitas, si ad constitutam diem non darentur, a-  
 rictem hostium agris statim immitteret, eo modo bel-  
 lum indictum, & armis uti licere arbitrati. Corinthijs  
 & plerisque gentibus, per caduceatorem bellum in-

dicebatur, qui in pacis argumentum, caduceum circundata effigie anguium inuicem connexorum, deferbat: quem tamen non admisisse, aut finibus excedere iussisse, nulli fraudi fuit. Indis uero anchora erat pro caduceo: Carthaginensibus tessera: apud Syros signum dextræ, quod apud Lingones erat hospitij symbolum. Persæ lactacæ herbam, uelut caduceum & pacis symbolum ferebant. Athenienses Eresionem cum indumento pro caduceo habebant. à Lacedæmonijs per præcones sæpe bellum indictum est, apud quos mittere legatos cum lana, comminatio censebatur, nisi paritum fuisset, se mandata exequuturos. Præualuitque Græcorum mos, ut quoties procinctæ acies congregi parant, ante prima signa staret uates laureos ferens ramos & corollas, cui Pyrophoro dixere nomen, quoniam lampada præferret: quem uiolare, summum habebatur nefas, quod legati munere fungeretur: utque in fœdere percutiendo hiceteria, hoc est, olæ rami cum uitta lanea legati ferant: quo prætenso, ab omni sauitia hostili & uiolenta incursione tuti erant. De sagminibus uero etiam apud Martianum iureconsultum de diuisione rerum, testatum inuenimus, cuius uerba sunt: Sagmina sunt herbæ, quas legati populi Romani ferre solent, ne quis eos uiolaret, sicut legati Græcorum ferunt quæ uocantur hiceteria: tametsi cerycium dici oportere nonnulli putent: κηρύκειον enim legatorum ornatus erat: κηρύκειον supplicare dicitur. In qua quidem re scitu dignum est, olim Dario contra Scythas pugnaturus, ab illis caduceatorem missum cum aue, mure & rana, ac sagittis quinque, tacitis ambagibus nullas opes contra Scythas præualere significantes.

cantes. Illud quoque in iure fecialium quaesitum est, utrum regibus contra quos sumuntur arma, an uerò in regni finibus, aut aliquo eius praesidio, bellum indici oporteret: Et an, si contra socios foederatosque arma sumenda essent, amicitiae prius renunciari necesse foret. Et placuit, siue coram, siue in praesidio, siue sodalitati et foederibus renunciatum fuisset, siue non, quodcunque eorum factum esset, ritè id factum uideri. Est tamen obseruatum, ut si qua contentio inter amicos intercederet, sodalitati prius et hospitio renunciari: nam et Germanicus Pisoni prius amicitiam, et Crispinus Badio hospitium remisit. Amasis quoque animo praesumens Polycratis ruinam ex successu continuæ felicitatis, ut minus doleret, misit qui sodalitati et amicitiae renunciaret. Eratque moris prisca, quoties dirimerent amicitias aut sodalitates, etiam domo interdiceret, isque finis gratia foret. Neque omiserim Tybarenos adeò iustos, ut non prius cum hoste congrediantur, quàm diem, locum, et decertandi horam, ex fide per feciales hosti renunciant. Quodque nonnulli prodiderunt, id quod mihi non probatur, et pro certo affirmare non ausim, legatum populi Romani, si mandata minus uera attulisset, aut parum integra fide foedus percussisset, uelut si populus mandata dedisset, perinde teneri et foedere coerceri.

Pleraque ueterum praenomina unde deducta fuerint, et denominata, et de Nonis Caprotinis quae tradantur.

Caput IIII.

QV AERI à pluribus audio, unde ueterum illa praenomina, Spurius, Sextus, Caius, Cneus, Titus,

XX iiij

et pleraque à ueteribus usurpata, deducta fuerint: quæque uis prænominum foret. Et dum priscos ritus, ueterumque exempla cura cogitationeque admitto, dumque antiquitatis monumenta colligo, inuenimus Romanos antiquissima prænomena uelut notissima non integris dictionibus, sed succis et simplicibus literis notare, ut T. pro Tito, L. pro Lucio, Q. pro Quinto: modo duplici, ut Cn. Sp. pro Cneo, Spurio: nonnunquam triplici, ut Sex. pro Sexto: et Cneos quidem à generando, Titos à tuendo denominari: alteros, tanquam sobolis procreandæ auspiciis sortiti: alteros, quasi tuendæ patriæ omen assequuti forent. Vnde et Titulos, quod patriam tuerentur, uel quod insignia capitis ea ornamenta ferrent, quibus Titulos dixere nomen, dictos autumant: sicut spurios, sine patre genitos denominari. Fuit enim prisci moris, ut quum sine patre certo aliquem notarent, illum non exarata dictione, sed per simplices diuisasque literas, scilicet per S et P, sine patre significarent. Lucios quoque et Manios ferunt: alteros, quasi oriente luce: alteros, quasi mane editos: et Posthumos, quod post patris obitum editi essent, nuncupari. Sexti uerò, Quinti et Decimi, tum Nonij, Septimij et Octacilij, à numero genituræ indita nomina fuere. Plerique à Tullo Hostilio Quintios, sicut Seruilios, Tullios, Geganos, Curiatios et Clælios, ex Albanis Romam aduocatos ferunt. Eratque proprium Quintiorum familiæ, ut uiri æquè ac fœmina, nullo tempore utantur auro. Mamercos (quod nomen Oscum est) à Marte genitos dicunt: sicut Martios: quod Aemyliorum prænomen fuit proprium. Caius uerò et Caia, æquè uiris ac fœminis prænomena frequen-

quen-



quentia fuere, maximè in solennibus nuptiarum usur-  
 pata, uidelicet Caia Cæcilia, quæ Tanaquil dicta est,  
 felix faustumque coniugium fortunasque augurati.  
 Quod etiā frequens prænomen Tarentinis ferunt, quo  
 brutum, terrenum & colonum hominem designabāt:  
 siquidem ꝑ terra est, unde ꝑti & ꝑdi, deductos  
 uolunt. Et tametsi in ueteribus monumentis C litera  
 Caium denotaret, ea tamen inuersa hac figura C, Caiā  
 designauit. Illud tamen admonitu non inutile duxe-  
 rim, neminem Romanorum sine prænordine appellari,  
 idque ex eo institutum, quod quum inter Romulum &  
 Tatium societas & communicatio imperij inita esset,  
 ut una consensio, unus populus, una mens atque idem  
 corpus, sublato discrimine notaretur, ut Romani Sabinorū,  
 Sabini Romanorū nomina suis nominibus præ-  
 poneret, a quo regni iure & consociato imperio, cau-  
 tum fuit. Quare prænordina ueterum fuisse ex Sabinis  
 nominibus deducta, multorū opinio fuit. Quinetiam  
 excellentes uiros & principali dignitate insignes, solis  
 prænordinibus nominasse, magnificentius honestiusque  
 duxere, tanquam ob illorum amplitudinem uulgo noti  
 & conspicui forent. Cumque mancipijs & seruis nul-  
 lum cognomentum aut prænomen ueteres impartirēt,  
 soloque appellarent nomine: si quando tamen manu  
 emissi, libertatem meruissent, ut inter seruilem personā  
 & liberam, discrimen nominis foret, cum illis ordo, ho-  
 nos & locus accesserit, prænordina patronorum, ac si  
 disciplina & cultu Romano essent educati, sapissime  
 sibi arrogarunt: quare Marcipores, Lucipores, Publi-  
 pores, à Marco, Lucio, & Publio, multi seruitute exem-  
 pti, nuncupati sunt. Nec modò libertorū hoc fuit pro-

prium, sed adoptiui filij & arrogati, adoptantium sæpe nomina & prænomena, atque cognomena desumpserunt. Inter quos erant addicti, qui tametsi nomen, prænomen ac tribum in presenti habeant: illos tamen seruasse, & sub alterius mancipio fuisse liquet. Euerunt autem addicti, qui quum non essent soluendo, creditoribus addicebantur: mox precio persoluto, seu quavis causa, etiam citra domini uoluntatem seruitute exempti, & libertate donati sunt. Præter hos erant abscissi & lenones, æqua fere conditione ac serui, nullo cognomento aut ordine, infames: nanque senatus consulto prohibitum erat, ne abscissi, quibusque uirilia execta foret, utpote semiuiri, aut lenones, quærendi iuris aut postulandi causa, tribunalia adirent: ideo Vectilius leno in causa testamentaria à Q. Metello deiectus fuit, & à subfello prohibitus, quia leno erat, quem pro libero propterea habendum non censuere. Est tamen literis proditum, ut nisi inter ingenuos, aut ex ingenuis oriundos, nullum gentilitatis cognomen foret: nam seruorum libertorumque nulla cognatio, aut gentilitas erat. Apud Athenienses uerò constitutum est, ut nemo ex fœmina genitus, maternum sibi nomen adscisceret: nam fœminis indere familiæ cognomēta lege uetabatur: id quod æquē à Romanis fœtitatum comperimus: tum, ne quis illas Athenias uocaret, edicto cautum fuit. Ediuerso apud Lycios: nam ex matribus, non patribus gentilitia fuere nomina, filiasque non filios suos habuere hæredes: plusque honoris fœminis quàm uiris tributum est. Neque omittendū, Nonis Iulij, quibus è uita concessit Romulus, quas Caprotinas & uulgi fugam appellant, Romanos urbe excedentes, ad Capreæ paludem sacra facere:

cere: dumque ad rem diuinam uadunt, ueterum prænomena, ut Caium, Lucium, Martium, aliaque; prisca nomina inclamare: (sicut in Oschophorijs Athenieses ob Aegæi mortem, dolentium uoces imitantur:) ancillasque cultu decoras, in matronali habitu cum occurrentibus prælij imaginem effingere, quod olim cum Latinis Romani gessere: unde celebritatis causa & origo est: tetrasque umbra caprifici, epulas & alia lætitiæ inuitamenta celebrare. In quibus sacris hoc seruari meminimus, ut inter solennia de caprifici lacte apponatur. Illud præterea notatum est, Romanas mulieres sine cognomento, solis prænominibus, abiecto nomine, denominari. Quodque Marci prænomen, uelut perniciosum & infame, plerique magnopere deuitarunt, postquam M. Manlio crimine affectati regni turpi iudicio conuicti, ne cui gentili nomen M. Manlio foret, senatusconsulto cautum fuit: quod generi & nomini suo iniustam dedecoris notam attulisset: sicut Claudia gens, propter gentilium flagitia, cum Luciorum alter cædis, alter latrocinij damnatus foret, ad diluendam memoriam dedecoris, Lucij prænomen deuitauit. Quodque Domitia gens, cæteris prætermisiss, Cn. & Lucij prænomen, peculiare sibi desumpsit. Siquidem ex Aenobarbis (autore Tranquillo) cõtinnua serie tres, Lucij: reliqui uerò, Cnei prænomena eadem serie uendicarunt.

Quid sit apud iureconsultos heliocaminus, quid Zeta, & unde deductum nomen, & denominatum. Caput V.

IN circo Flaminio, dum post immodicos calores sole occiduo deambularem, adijt ad nos contubernalis meus quispiam proficiens in iure ciuili, sed nimis ineptè gloriosus: & percõtatus est, quid esset quod Vlpianus

„ de seruitutibus urbanorum dixit: Quod si arbor à te  
 „ compacta, heliocamino meo solem adimeret, eo quod  
 „ umbram facit in loco heliocamini, id contra seruitutem  
 „ tibi facere non licere. Quid esset heliocaminus, percon-  
 tabatur. Cumq; de uerbi significatu ambigeretur, dixi  
 heliocaminum uaporarium quoddam solare, & apri-  
 cum locum dici, ad quem sol hybernus accedens, ipsum  
 euaporat & calefacit, deductum nomen ἀπὸ τοῦ ἡλίου  
 καὶ ἀπὸ τοῦ ὕδατος, id est, solis uaporario seu aestuario. Fuisseque  
 moris prisca, ut iuxta zeta[m] heliocaminus cōstruatur:  
 zeta enim locus erat unius cubiculi capax, solē hyber-  
 num prospectans, ita constructa, ut per heliocaminum  
 uaporem acciperet. Erat enim cubiculū hybernū fri-  
 gori accommodatum, quod nunc sole, nūc igne aestua-  
 ret. Quare Heliogabalum Indicos odores ad uapora-  
 das zetas accendere consueuisse, autores tradunt. Fuit  
 ergo opinio Vlpiani, quod si heliocamino meo & ua-  
 porario eiusmodi, ad quem sol admitti debet, arbor per  
 te cōpacta officiat, ita quod ad eum admitti nequeat,  
 id uelut contra seruitutem factū, non ritē factū uideri.

Quando primum interregnum ceptum fuerit, & quibus de  
 causis interreges Romae creari consueuerint. Cap. VI.

QVO tempore Romulus ad Capreae paludem hu-  
 manitatem exuisse fertur, satis constat patres conscri-  
 ptos de regni successore sollicitos, decem decurijs factis,  
 singulisq; in singulas decurias creatis, ut decē imperi-  
 tarent, unusque cum insignijs imperij & lictoribus ef-  
 set, interreges creauisse: quod imperium per orbem ire,  
 & quinque dierum spatio terminari iusserūt. Alij per  
 ternos quaternosque dies, interregni spatium per sin-  
 gulos iuisse, atque anno uno senatores, qui centum nu-  
 mero



mero erant, imperium tenuisse ferunt. Plerique asserunt, cum ducenti senatores essent, à patribus fuisse constitutum, ut per quinos dies singuli, qui fascēs & imperij insignia habebant, imperitarent: functusque imperio primus, secundo, & reliquis deinceps regni curam munusque traderet. Nonnulli putant, quod cum centū & quinquaginta patres essent, singuli cum fascibus prodeuntes, sex noctis horas & sex diei, Quirino imperitarunt, & sacrum fecerūt, tantundem Tatio, qui regni consors erat: annuumque interuallū fuisse: donec Numma Pompilio rege creato, Romulo regni successor datus est. Mansitque mos post exactos reges, ut si qua fortuna aut casu consules creari nequirēt, uel uitio creati forent, aut si qua turbulēta confusio & necessitas premeret, donec de consulatu decerneretur, aut dictator reipub. daretur, interreges præessent, qui populo uice consulum iura darent. Quinetiam si contentio inter patres & plebē foret de magistratibus creandis, aut absentibus consulibus comitia haberi nō possent, uel uitio creatis magistratibus auspicia renouari oporteret: uel consulibus morte sublatis, de comitijs & creandis consulibus contentio esset, interreges creari compertū est, ut essent qui comitia haberent, magistratuumque munia obirent. Qui quidem interreges sine populi suffragio, ad concilium plebe nō admissa, à patribus tantum auspicatō creabātur. Quotiesque per interregem comitia fiebant, in patrum potestate euentum comitorum fuisse liquet: quippe nemo interrex qui autor comitorum foret, nisi ex patribus erat. Dicebat uerò consulem plerunq; interrex ex patrum decreto, quem ipsi uoluissent: quod officij prodendi interregem oratoris

fuisse autumant: poteratque non modo prætor, sed consul aut dictator interrex fieri. Et si quãdo proditus interrex, munus pro quo dicebatur, exequi nequiret, ex-acto dierum quinque spatio, alius succedebat qui uices susciperet, donec per singulos in orbem irêt, ut modo tertius, nunc quintus, aut quartus, nonnunquam quartusdecimus, plerunque uigesimus proditus interrex, consules magistratúsue faceret, aut comitia haberet. Quos quidẽ interreges, dum honori præerant, consulum uicem gerere, idemq; iuris & potestatis habere, haud dubium est: donec absoluto reipub. munere, interregum potestas finiretur. In quo id plerunque euenisse comperimus, ut proditus interrex, comitijs quæ ipse habuisset, consul crearetur: sicut de L. Posthumio Metello traditur, qui his comitijs quibus interrex præerat, cum Iunio Bubulco consul factus est. Qui etiam tantæ potestatis erant, ut legem ferre possent, senatum consulere, & consulis munia obire. Hoc quoque dicere haud piget, sine causa interregem dicere haud licere: sed quum turbulentiæ confusiones, aut tumultus comitia impedirent: & nisi ad quartum calend. Februarias creari non licuisse: & si quando comitiorum causa interrex proditus esset, quod plerunque usu ueniebat, nunquam ab eo qui primus proderetur, sed qui secundo aut tertio, ac deinceps in orbẽ issent, uel comitia haberi, uel dictatorem dici, aut consulem uel tribunum creari. Fertur uerò Sylla, cum summæ esset potetia, consulibus morbo sublati, per senatum interregem creari mandasse: scilicet qui non consulum comitia exemplo ueteri indiceret, sed ut se dictatorem ad imaginem antiquitatis indictis comitijs crearet. Neque negauerim  
Cæsa-

Cæsarum temporibus nullū interregnum fuisse, quum unius imperio occupata repub. senatus esset negligens & remissus, et uix ulla foret libertatis imago, nisi post Aurelianum, quū de principe deligendo senatus opinionem uaga duceretur, & cum militibus tumultuantibus non consentiret, per sex menses deligendo principi interregnum fuisse: donec Tacitus in imperio assumptus fuit, qui summi principis spem ostendit. Tamen si morte sublatis Cæsaribus, quoties de principe deligendo ambigebatur, ad senatum Romanā rem pertinuisse, multiplici exemplo probatum sit: quod Traianus facere destinarat, ut si quid ei euenisset humanitus, principem reipub. senatus daret.

Sacrificium Latinarum quomodo in Albano fiebat, & quæ erant ferie, quæue populi ad sacrum conuenirent. Caput VII.

ROMANOS cōsules comitijs creatos, sortitis prouincijs, aut extra sortem datis, Latinas ferias indicere consueuisse, plane perspicuum est: Ioui quæ Latiali in monte Albano sacrum facere, quod Latiar dixere, ubi carnem Latinis populis dare mos erat, quæ uisceratio dicta. Est enim mons Albanus inter Albam & urbem Romam tractu ferè pari disiectus, ubi templū à Tarquinio Superbo Ioui Latiali constructum ferunt, sacrumque institutū, ad quod Latini populi numero septem & sexaginta, stato tempore, nonnunquam noctu ad lumina frequentes conuenirent, ibique nundinas haberent: utque alij agnos, alij caseos, nonnulli lac, plerique molam ad commune epulum afferreret, & unā taurum immolarent, concordii suffragio statutum erat: tauroque immolato, & cæsa uictima, riteque sacrificio perfecta,

ut quisque populus qui ad sacrum accesserat, & quæque civitas carnem posceret, de tauroque partem acciperet, prisca moris erat. Principatus uero sacri et publici concilij caput, haud dubie penes Romanos fuit: quas quidem ferias conceptiuas, non statiuas esse, multi putarunt. Cum enim feriarum quatuor essent genera, statiuæ, cœceptiuæ, imperatiuæ, aut nundinæ: Statiuæ fuerunt, quæ statis diebus ac mensibus seruatur, ut Saturnalia, Lupercalia, Agonalia: Conceptiuæ, quæ in diem certam à pontifice uel magistratu concipiuntur, ut Latina, Sementina, Pagonalia, uel Compitalia: Imperatiuæ, quas consul prætorue, aut pontifex maximus pro arbitrio indixit: Nundinæ uero, semper paganorum habitæ sunt feriae, quas Hortensius nefastas esse sanxit, ut rusticis qui nundinandi causa in urbem uenerant, lites componere & leges accipere facultas foret. Quod quidem sacrum uelut anniuersariū sine piaculo nec prætermitti, nec suppressi poterat. Ideo si dilatum aut omissum foret, piaculum admitti putabatur: nanque illud iterari, aut intermitteri, uel non suo tempore celebrari, prodigium erat. Propterea C. Flaminio, quod secundo Punico bello consul Latinas non indixisset, neque sacrum in Albano fecisset, sed lixæ modo sine more, sine auspicijs ad exercitum profectus esset, dirum fuit: & haud multo post, publica clade expiatum: siquidē ad Trasimenum quū inconsulta audacia in hostes irruisset, depulsis & dissipatis copijs, totoque exercitu profligato, & nefanda cæde afflictō, prætermissi sacri pœnas dedit. Quod si in eo sacro nō omnes Latini carnem accepissent, sed aliqui dilati præteritiue fuissent, aut neglectæ ceremoniæ, intermissumue solenne esset, tanquam



quam nō rite exhibitum foret, denuo instaurari oportebat. Ea uerò quæ nō anniuersaria, sed calendaria dicuntur sacra, si quo casu aut fortuna dilata, uel suo tempore omissa foret, & deferri, & nouari, et repeti posse sine piaculo ueteres credidere. Has ergo Latinas Tarquinius à principio in unam diem indixit: post reges uerò exactos, altera populi iussu adiūci cōpta fuit. Demum restituta plebe, quæ ad sacrum mōtem secesserat, in tres aut quatuor dies indictas à consule uel præfecto Latinarū fuisse: interiecto deinde tempore, in decem dilatas seruatasque inuenimus: ultra quos, duo etiam post Latinas religiosi dies habiti, quo tempore solenne ludicrum in Capitolio fieri, quadrigæque concito cursu decertare, uictorq; certaminis in palmam uictoria, absinthiū bibere solebat: quibus diebus, si cum Latinis & populo Romano bellum inter eos aut dimicatio foret, induciæ dabantur: nanque indictis feriis Latinos populos inuicem arma sumere aut acie decernere, uel agros hostili modo uastare, sine graui prodigio non licebat: tunc enim odia offensionesque quiescebant. Cumq; post pugnam cum Veientibus ad Vesuniū, fœdus iētum fuerit cum Laurētibus, deinceps singulis annis post decimum Latinarum denuo innovari seruatum est. Sed sicut hoc sacrum in Albano, sic Veneris templum Lauini celebre Latinis populis erat: ad quod conuenire, & annua sacra stato facere assue- rant, quorū Ardeates (qui antistites templi erant) præcipuam gessere curam. Mansitq; in posterū, ut si quod nomini Latino impenderet bellū, uitandæ iniuriæ causa, in Albano, aut ad lucum Ferētina, quid factū opus foret, communi concilio decernerent. Anagnini autem

concilium Hernicis populis in circo quem maritimū uocant, indicebant. Græcis uerò conuentum Amphictyonum ab Amphictyone Heleni filio inuentū, quod fuit sanctissimum Græciæ concilium, huius instar sacri tenuisse dicunt: ad quem duodecim florentes Græciæ urbes initio ueris & autumnī conuenire, & Cereri sacrum facere, de quæ maximis rebus communi decreto decernere solebant: quod ad Thermopylas indicebatur, & Pylaicum uocant: fuere autem populi qui excitī sedibus illuc confluebant, Iones, Dorij, Perrhæbij, Bæotij, Magnetes, Achæi, Phthij, Melienses, Dolopes, Aenianes, Delphi & Phocenses. Præter quos, Homocetos populos huius sacri imaginē prætulisse tradunt. Dissecto enim in minimas partes boue immolato, fædus iungunt, & sacrum faciunt. Nec desunt qui Dianæ templum, quod est in Laconia finibus, huius figurā obtinere dicant. Illic enim Lacones & Messenij statuto sacrificio, quod in diem certam quotannis faciūt, crebra concilia indicunt, & aduersus maximos conatus de summa rerum consultant. Lugduni quoq; ubi Arar Rhodano commiscetur, communis ara finitimos concituit populos numero sexaginta: ad quod sacrum singuli euocati, ingenti coacta manu, aduentabant, de quæ rebus magnus indicto concilio decernebant. Concilium quoque Aetolorum, quod Panætolum uocant, magni nominis fuit, in quo nisi in Panætolico & Pyrrhiaco concilio de bello uel pace decerni nihil poterat. In Palladis Ionia templo Pambæotia sacra, cōcurrente Bæotia tota, & concilia populorum magno cōcursu ad omnes hostium motus frequentia fiunt. Et Panegyres Athenis quinto quoque anno, atq; in Neptuni templo Heli-

Heliconij ab uniuersis Ionibus conuentus & sacrum fit, quod uocant Panionia. Fuitque alter conuentus Amphictyonum in Troezena templo Neptuni inclyto, quod ex septem ciuitatibus populi ad commune sacrum pari usu & commercio coibant. Hæ fuere: Athenæ, Præfium, Epidaurus, Aegina, Nauplia, Orchomenus, & Mynius. Apud Cares autem Chrysaorei Iouis templum omnibus Caribus communis concilij locus erat. Et Sybaritis Omary Iouis delubrum, in quo Sybaritæ, Caulonitæ & Crodematæ conueniunt. Et Dorij in Epitro pio Apolline, ad quem conuenientes cum uxoribus & liberis sacrificant, ibique ex omnibus oppidis & uicis, si qua consultatio fieret, ciues & incolæ concilio adesse assuerant. Præ cæteris uerò Senonum conuentus fertur immanissimus, quo omnes eiusdem sanguinis, statuto tempore in syluam religione sacram conueniunt: cæsoque publice homine, barbara feritate uictimam faciunt, & de bellis consultant. Præter quos fuit conuentus in Olympia Dianæ Alpheonia iuxta Alpheum: sicut Elaphiæ & Daphniæ ac Laureæ, qui annis singulis statò die celebrantur. Vni soli feruntur Britanni, qui quum uarijs factionibus laborent, ad propulsandum commune periculum, nullos aut paucissimos conuentus habent: ita fit, ut cum uires consociatas non teneant, dum singuli oppugnantur, uniuersi succumbant. In Albano autem, qui populi conuenirent & carnem posceret, hi ferme traduntur: Albenfes, Albani, Esolani, Accienses, Abolani, Nubetani, Bolatij, Coreij, Ortenses, Latinienses, Longani, Manates, Macrales, Munienfes, Olliculani, Ostulani, Pedani, Pelletaurini, Querculani, Sicani, Sisolenses, Tolerenses, Corniculani, Ficulei,

Vetuscamerij, Amerioli, Tutientes, Venatulani, Vicellenses. Præter hos fuere Ardeates, Violanenses, Bubeniani, Corni, Varietani, Gabini, Lauinenses, Lauiniata, Lauicani, Nomentani, Bouillani, Prænestini, Atriciani, Scaptemij: adde etiam Laurenenses, cum quibus & Romanis post decimum Latinarum, singulis annis fœdus renouatur, ut percensuimus.

Qui ludis Olympici, qui Pythij, qui Isthmij, & qui Nemei, olim apud Græcos, & qui Circenses Roma fuerint.

Caput VIII.

QUAE uictoribus præmia in ludis Olympicis fuerint, quibusue coronis donarentur, à nonnullis quæsitum est. Olympicos enim ludos propter Olympij Iouis delubrum, quod in Achaia fuit celebratissimum, dictos accepimus: qui iuxta Pisam & Elidem, in campo, cui Olympia nomen, magno conuentu totius Græciæ, certamine gymnico & equestri celebrari consueverat: quod delubrum in agro Pisano ab Elide trecentis ferè stadiis aberat. Pise autem pars erat Olympia. Quos ab Hercule institutos in Pelopis honorem, anno mundi quadri cêtesimo supra quatuor millia, fama distulit. In quibus primus Coræbus, qui Olympia uinceret, fuisse traditur. Ipsumq; Herculem stadiū illic metatum, quod maius quàm reliqua fuisse memorant. Qui quidem Hercules nō is fuit, qui ex Ioue & Alcmena natus fertur: sed qui in Creta genitus, inter Idæos Dactylos adnominatus est, certantibus ibidē Hercule, Peneo, Epimede, Iasio & Ida fratribus Idæis. Nonnulli ab Iphito eius filio, & Lyncurgo Olympicos inuētos primum autumāt. Plerique Oenomaum ludos & equorum cursus apud Elidem edidisse uolunt, quorum præfecturam Elei lon-



go tempore habuere: in quibus Agrigētini equi atque  
 Aetnæi semper præceleres habiti, & ex Epiro primas  
 in Olympiacis meruere. atque ex Venetia, in sacris cer  
 taminibus sæpe nobilitati sunt: præcipui uerò Nysæi,  
 quibus Persarum reges utebantur, & apud Eleos edu  
 cati, quibus non segnis equorum cura fuit: quippe qui  
 equas finibus eductas iniri faciant, quod esset experi  
 mento cognitum, miræ felicitatus prolem inde proueni  
 re: sicut apud Argiuos ad lucum Agenoris hircos pe  
 cudibus admittunt, ut fœcundissimos habeant fœtus,  
 huberes & quæstuosos: laudaturque Atheas rex Scy  
 tharum, quod tanto equorum studio flagrarit, ut equū  
 ipse pecteret, & manibus suis ornaret: qui quum à le  
 gatis Philippi conspiceretur, an ipse idē faceret inter  
 rogauit. Fertur tamen Alcibiades septē quadrigas mi  
 ræ pernicitatis ad Olympia deduxisse, et uictor fuisse:  
 & Hecratides Thessalus equa pregnāte Olympia ui  
 cisse: atque Archidami Spartanorum regis filia, inter  
 fœminas uictricem palmam tulisse. Ab Homero autem  
 celebratur Clytoneus Phæacum uelocissimus, in pala  
 stra Euryalus, in saltu Anchialus, in pugilatu Laoda  
 mas, in disceo Elatreus. Præ cæteris proditur Theogenes  
 cursu, lucta & pugilatu ita celebris famæ, ut mille &  
 ducētas coronas tulerit: & Glaucus Demyli filius: qui  
 cū ipsum arantem pugno excussum uomerem, aratro  
 indidisse cōspiceret, pater admirans illum, produxit in  
 Olympia: & quum arte aduersarij eluderetur, pater  
 clamauit, τὸν ἀπὸ τῶν, id est, uulnus ab aratro, ut  
 tam fortiter percuteret, sicut olim pugno uomere ara  
 tro indiderat: quod ille audiens & tunc uicit, & sæpe  
 aliās. Hosque ludos qui uarij & multiplices erant,

(nam palæstra, pugnis, cursu & lucta certabatur) quinto quoque anno celebrari: quod tempus Olympiadem dixerunt, unde Græci annorum curricula & tempora dinumerant: atque in his decem præfectos sorte ductos diiudicare, celebris fama est, victoresque quorum uirtus præcipua fuit, oleastro coronari uel galistephano, (oleæ enim genus erat) uelut grande uirtutis præmium ferrent: & præter coronam, uictori statuam Olympiæ dicari: tametsi Olympiæ uictorem, coronis aureis aut æneis uulgo donari quandoque proditum. Antea enim in sacris certaminibus arboris ramus pro corona fuit: sic Athenis Panathenæa, quibus peplum Mineruæ ferebatur, singulis lustris sunt fieri solita: in quibus solenni carmine per tubicinem & præconem ludicrum indicebatur, nudosque ad certandum ingredi athletas, neque congressurum quempiam cum quo certaretur eligere, sed cum primo prodeunte eongredendum esse. Neque ad spectandum mulieres admitti, præter unam Pherenicem, quæ mater, filia & soror Olympionicarum fuit, & Cereris sacerdotes mulieres: neque barbaris pugnare licere lege cauebatur. Sicut Miltiadi certamen equestre & gymnicum Chersonitæ fecerunt, in quo nulli Lampsaceno pugnare permittitur: proditumque memoriæ fuit, à prima Olympiade usque uigesimam sextam, Eleos Olympiaco semper certamini præfuisse: in quo licet prius athletæ subligacula ferrent, postea Lacedæmonij decertantium corpora nudari, mox oleo perfundi edocuere. Primus enim qui nudare corpora in Olympijs aggressus fuerit, Hæcæntus Lacedæmonius fuisse traditur. Antea enim pudori ducebant, nudatis corporibus apparere in ludis. In his quoque

quoque institutum, ut qui largitione corruptis aduersarijs, pugnarent, quiq̃ue athletæ ad præscriptum tempus non uenirent, multa plecterentur: utq̃ue nefario scelere conuicti, aut crimine damnati, nec in certamen uenirent, neque ante commissionem spectaculi, ad immolandum accederent: quippe athletarum parentes, & omnem stirpem citra labem esse uoluerunt. Sorte quoque duci ad pugnandum paria athletarum, & de loco inter sepugiles decernere, exemplis sæpe probatū est. Quæ sortitio fiebat, ut calculis in urnam coniectis, binæ compares literæ inscriberentur: quiq̃ue eductis sortibus pares sortiti erant, inuicem cōmitterentur. Horum imaginem ludorum Cato Romam transtulisse dicitur, cū in theatro spectacula edidisset, uictoribusq̃; non ex auro, sicut olim, sed ex oleastro, sicut in Olympicis, coronas proposuisset: cuius exemplo Augustus post pugnam Actiacam, Olympicorum imaginem & ludos illis æmulos apud Actium in sinu Ambracio Apollini consecrauit, illorumq̃ue curam multis propositis coronis Lacedæmonijs demandauit. Præter quos in agro Leontino, Olympicos ludos Herculi palæstræ institutos Diodorus memorat, qui si intermitterentur, sacerdotes muti fierent: & si sacra repeterent, liberarentur morbo. Ferturq̃ue Sylla Olympiade quinta & septuagesima supra centesimam, athletas & reliqua ex Olympijs certamina Romam traduxisse, & solum stadij cursum illis reliquisse. Nero uerò contrā: nāque agona musicū Olympijs addidit, & primus præter assuetum celebrauit: in quibus aurigauit, & coronam meruit. Fuitq̃ue literis proditum (si libet credere) ab immolato tauro deo, quem Myiodem uocant,

dum Olympiorū celebritas manet, muscas ad unum ca-  
 teruatim Pisas concedere: rursus quæ ludis absolutis,  
 eodem reuerti: sicut in Leucade apud Aëtiū Apolli-  
 nis, ubi Panegyri celebritas futura erat, muscas, boue  
 immolato, illius distentas cruore protinus euolare. Al-  
 teri ludi, à Pythone interempto Pythij dicti, in Apolli-  
 nis honorem celebres fuere, à Diomede primum insti-  
 tuti, magna religione sacri, in quibus uictores lauro co-  
 ronati triumpharunt: qui apud Delphos in Phocide,  
 ubi templum Apollinis erat, magnopere culti cōcelebra-  
 tiq; sunt, in quibus comædia & tragædia, & alia fa-  
 bularum argumenta spectatoribus exhiberi, atque ad  
 spectandum tibia & cantu inuitari solebant. Tertij  
 Isthmij in Isthmo Achaia iuxta Corinthum in Mega-  
 rensium sinu delubro Neptuni inclyto, inter Ioniū &  
 Aegæum, à cōuentu totius Achaia profusis sumptibus  
 fiebant: qui in honorem Melicerta seu Palæmonis, aut  
 Portumni marini dei, mansere: quos quidem noctu à  
 principio, mox die celebrari institutum est. Hos enim à  
 Theseo æmulatiōe Herculis, qui Olympia instituit, pri-  
 mum inuentos memorant, qui & quinquennales e-  
 rant, tanta religione sacri, ut cū eos Cypselus tyran-  
 nus Corinthius intermisso more, reliquisset, illorumq;  
 prope intermortua memoria esset, ne tanta celebritas  
 prætermitteretur, Corinthij aliquando enixius ex o-  
 mni seculorū memoria solennes celebrarunt: quos tan-  
 to deinceps studio coluere, ut ne deleta quidem Acha-  
 ia à Lucio Mummiō, & tota Corintho maximo bello  
 conuulsa, ab eorum spectaculis desuerint. Cumque  
 deserta Corintho, celebrandis ludis ciues superesse ne-  
 quirent, Sicyonijs proximis incolis, ne celebritas in-  
 termit-



termitteretur, cultum curamque demandarunt. In quibus præcipuus honor spectaculi Atheniensibus datus: siquidem tantum spatij, quantum uelum nauis occuparet, ut cæteris præferrentur, subselliaque præcipua haberent, cum Corinthijs conuenisse dicuntur. Et quanuis in Isthmo uictores, apud coronam præmium ferrent: postea pinea coronari, demum à Solone, ut qui Isthmia uicisset, centum drachmas: qui uero Olympia, quingentas ferret, cautum fuit. Præter quæ munera, hoc etiam uictori tributum est, ut uictor statua donetur, illique publicè decernantur alimenta: si autem ter Olympia uicisset, statua, quas iconas uocant, similitudine membrorum expressa dicarentur: nonnunquam, ut cum quadrigis triumphatium more uectentur in patriam, aut pro ampliori munere, coronis, uitis que exornentur: reuersuri que, disiecta parte muri, urbes incant: statua que in foro, & perpetua immunitate fruantur: aded, ut Græcis Olympionicè esse, maius censeretur munus, quam Roma de hostibus triumphus. Quod Romanus etiam in usu fuit, ut athletas, qui sacris certaminibus coronam meruissent, uacatione munerum, curæ tutela que, & perpetua immunitate donarent. Quartos autem Nemeos à Nemea sylua in Arthemori honorem institutos ferunt: hic enim Lycurgi filius, Opheltes dictus: cui à serpente interempto, in patris solatium ludi mansere, quos dicunt Nemeos, quorum non minor apparatus & celebritas erat. Tametsi à Molorcho, qui Herculem suscepit hospitio, cuius filius à leone interemptus fuerat, eo enecato, primum institutos dicant: in quibus maiorum imagines, sicut in funebri pompa, longo ordine representari, at-

que equorum cursu, simul disco, castu & palestra dimicari, uictoresque apio coronari solebant: ideo quod super hanc herbam reptantem puerum, à dracone interemptum ferant. Inde fuit Græcis apū corona fune-  
 talis: maiorumque sepulchris ex apio coronas apponi, illoque ornari & tegi seruatum est, quæ sepulchrales dictæ. In quibus Nemeis memoratur Ariō equus per-  
 nicitatis eximia, excusso rectore Polynice, palmam tulisse. Præter quos fuit Delphis citharædorum certamen, quod & Pythia dixere, ad quod citharædi, tibi-  
 cines & fidicines concurrebant. & in Delo certamen à Theseo institutum, in quo nouo exemplo palmæ ui-  
 ctoribus dabantur. Roma uero P. Cornelio Aruina, & C. Mario Rutilio consulibus, palma primum ui-  
 ctoribus dari cæpta. Alexander uero Macedo è Persa arbore coronas proposuit primus. Pergami autem &  
 Athenis fuit pugna gallinaceorum & coturnicum, tanti decoris, ut ad illud tanquam gladiatorium mu-  
 nus effusissimo studio omnes conuenirent. Et certamen picturæ Corinthi & Delphis. Et Aegina sacra certa-  
 mina ab Aeaco inuēta: & Thebis Heraclea & Iola-  
 cea: Megaris uero Dioclea. Et ob taurum à Theseo in-  
 terfectum, Marathonea, in quibus phialam argenteam uictor accipiebat: in Deliacis autem bouem, sicut in  
 certamine Dithyramborum poetis dabatur bos, uel  
 tripus cum inscripto epigrammate: & Sparta in cer-  
 tamine poetarum, præmium ex farina & melle, quod  
 syrmeam dixere. In Panathanaeis uero, olei ceramum  
 uelut amplum præcium uictor accipiebat. Ea quidem  
 duplicia fuere: nam & magna quinto quoque anno,  
 & minora singulis fiebant. Apud Pellenen erat Apol-  
 linis

linis agon, ubi ex argento proposita præmia certantibus fuere, quæ theoxenion uocabant. Et apud Plataeos certamen gymnicum, in quo coronæ dabatur ex auro. Et ludi Eleutherij, quod illic Græcorum copiæ Mardonium cum trecentis millibus Persarum deleuissent: & apud Rhodios ludi, qui uocantur Halia: atque certamen hirundinum & cornicum. Erantque festa Iouis dialia & pandia: sicut Iunonis heræa, Musarum musea, Cereris demetria, Mercurij hermea. In quibus chlænæ uestes pellicæ dabatur, quæ sæpe in agonibus fuere præmia. Gymnica quoque in honorem Androgei Minos statuisse fertur, in quibus præmium uictori pueros proposuit. apud Nemeam uero obscura quadam ambage hipposelinum dabatur donum, quibus munerebus cum præfatione uirtutum uictores donabantur. Præter quæ fuerunt Promethea, ut currentes in palaestra, redam ardentem gestarent, eamque defatigatus proximo, isque postea defessus alteri, & deinceps alius aliter traderet, donec metam pertingerent: ea quidem ara Promethei in Academia fuit, à qua ad urbem cum accensis eiusmodi facibus cursus erat. Estque animaduersum, Olympicum stadium in Heræis ludis, sexta parte dempta, mulieribus patere: currebant enim collecta tunica, solutis comis, dextro exerto humero. in quibus uictrici, oleæ corona erat præmium, & bouis portio Iunoni immolata. Ex his ergo ludis cum Olympiaci & Isthmij quinquennales forent, & Nemei singula trieteride fierent, solennes reliqui annui mæsere, quorum frequens lusus erat, iaculatio, iactus disci, stadij cursus, palaestra & saltus, quem pentathlum Græci uocant, Latini quinquertium: ipsosque athletas,

quinquertiones. Cumque uictoribus dabatur corona, uetus erat mos, ut non illos qui uincerent, sed illorum patriam per praconem coronari magna uoce pronuntiarent: mox ipsi praconi alter praco ante ludorum missionem coronam daret. Athenis uero lex iubebat, ut si quis coronaretur à senatu, in senatu praconium fieret: si à populo, in concione. Proditum quoque memoria est, apud Nasamones à uirginibus edi certamen quotannis ad Tritonidis paludem: quæ non cursu, sed pugnis & fustibus certabant: ex quibus si qua ictu concidisset, falsa censebatur uirgo: uictrix uero, armata uectabatur curru. Sed quod graecis Olympici fuere, hoc nimirum Romæ (quantum opinione auctor) Circæses fuisse crediderim: quippe agonici Circæses apud Elidem in honorem Iouis Olympici pariter inuenti instituti que sunt. Inde Romam aduocatos putarim: in Elide enim iuxta fluminis ripam angusto tramite, altero latere urgente flumine, altero positus gladiis, ut utrinque praesens exitium esset, bigarum cursu certabatur, dimicatione perniciofa adeò, ut intra praescriptum illas coercere necesse foret: unde Circæses dicti. Plerumque unius equi curru, qui celes: aliquando simplici biga, quæ sinoris dicta est, pugna committebatur. Quibus postea accessere calpæ & apenæ: calpæ currus trahebatur equa, apenæ mulas iugabat. Nero uero in Olympijs non bigis, sed decemingi curru aurigasse, & uictor fuisse proditur. Miltiades uero quadrigario curriculo olympicam palmam reportauit. Traditumque memoria est, Romæ quadrigas ex asinis immêso cõstitisse, adeò ut una quadriga quadringentis millibus uanirent. Ibi quoque formæ certamen habebat.



haberi, victorūque armis donari, & ad templa uirtutis deduci, myrtoque coronari solebat: sicut in Cereris Eleusina festo prope Alpheum, speciei certamen erat: in quo animaduersum, Tenedias mulieres omnium quot sunt in Asia, uenustatis palmam tulisse, tametsi Hypæpas tanquam uenustatis præcipuæ, alij celebrarint, & Homerus formosissimas in Hellade asseneret. Romam deinde Circenses translati, positis metis, non autem gladijs, eximie culti celebratique sunt, in quibus septem fuere curricula solennia (nam septeno circuitu currebant aurigæ) & uiginti quinque missus, quæ Domitianus ad quina spatia corripuit: missus uero, ad centenos propagauit, uterque singulos quinos missus. sæpe Romani principes uenationem dedere, aut Troiæ decursionem: ultimus uero, quod ex collatione populi fiebat, ærarius dictus. Equis enim mira uelocitate currentibus insidentes, leuissimos currus ingenui pueri cursu quamcitatissimo agitabant, qui præcipua arte satis gnari doctique erant examussum seruare normam, ne ipsi aut quadrigæ agitata, aliquo temporis puncto metas contingerent, utque per singulos missus, idem currus per quina spatia sine offensione circuiret. Quæ quidē metæ cum antea lignæ fuissent, Claudius auratas instituit. Fuitque moris, ut ante commissionem Circensium, ministri cum equis desultorijs missus exituros nunciarent. In his quoque quatuor factiones pro anni temporibus, uidelicet Veneta quæ cerulea, Præssina quæ uiridis dicta est, alba & rosea, miro fauentium studio coli, celebrarique solitæ sunt. Viridis enim color, ueri dicatus erat, æstati roseus, hyemi uenetus, albus autumnus. Nonnulli uero

per elementa colores diuisere: quippe hyacinthus aëri dabatur, coccus atheri, byssus terræ, purpura mari. Pannoque uersicolore per singulas factiones certabatur, in quibus spectantium fauor & aura popularis, gratiaque & studium, ad uictoriam multum loci dedit: nam tanto fauentium studio hincinde certabatur, quum suos quisque clamore & plausu foueret, ut magis studio & colore panni, ac fauore quo affecti erant, quam uera uirtute niterentur: isque popularis fauor & gratia non dubiam plerunque uictoriam dedit: adeo, ut non populus modo, sed & principes ingenti studio & gratia factionum contenderent: siquidem Vitellius Venetæ factioni ita addictus erat, ut eos per æqua & iniqua amplo fauore prosequeretur, adeo ut quosdam qui clare maledixerant, occidi iuberet. Sicut Præsinæ deditus erat Caligula & Nero Caesar. Caligula enim sestertium uicies agitatori Cythico cōtulit. Nero uero quum quereretur tractum Præsinum agitatore, & ob id iurgaretur à magistro, de Hectore se loqui mentitus est. Fertur autem Verus Antoninus à Venetæ factionis hominibus, quam odio execrabili prosequeretur, intoleranda probra & contumelias tulisse, quod contra eos Præsinæ studeret, illosque studio & cōmodis prosequeretur. Caracalla uero quum in aurigam, cui studebat, populus cauillatus esset, exercitum immisit, & pœnas exegit. Ad has quatuor factiones, alias aurati purpureique panni Domitianum addidisse Suetonius memorat. Erantque Circensium duo genera: Patritij, qui per patres: plebeij, qui per plebem agebatur stato die, mense Nouembri, quos Claudius imperator sæpe commisit & celebrauit. In  
qui-

quibus præter spectacula etiam deorum simulachra, nonnunquam imperatorum & ducum imagines habitu triumphali, ob studium fauoremque popularem erga principes, equestres aut pedestres, aliquando uictorias cum palmis, ferculaque & tensa, currusque elephantorum produci, & prælata pompa efferrisolebant. Quare Germanici equestrem statuam ex ebo-  
re, Circensi pompa prælatam comperimus. Et Antoninus defunctæ Faustinae imaginem cunctis Circensibus præferri uoluit: quæ quidem imagines nonnunquam aureæ, uel argenteæ, plerunque erant gy-  
psæ, aut ex ebore. In quo illud adnotatum fuit, ut loca per quæ pompa & deorum simulachra uectabantur, ne recondita sacra è cœnaculis despicerentur, oraculo moniti, uelis cooperirent. Præualuitque mos, ut prætor aliûsue magistratus, qui ludis præerat, map-  
pam aurigis mitteret, & cursus signum daret, quod erat futurorum Circensium initium: id quod à Nerone certo euentu cœptum, (ut Cassiodorus ait) fluxit  
ad posteros. Post quos adnumerantur Circenses, Cereales & seculares, atque alij nauales, ubi in circo Maximo immisso Euripo, naues metis appositis, ne il-  
las contingerent, cursu præcipiti concurrebant. Illud utique non in postremis fuerit, quod tam in Circensibus quàm sacris certaminibus, magna cura seruatum est, ut qui intempestiue surgunt, aut qui ante alios  
exeunt, colaphis cadantur: quodque qui coronam meruisset, tanquam ad supremum fastigium uentum foret, nihil ultra de uirium aut artis incremento speraret: utque non minus bonos fortesque uiros, qui  
ad certamen prouocarent, neque cum quo certaretur

inuenirent, quum nemo luctari aut congregari audet, quàm eos qui fortiter pugnaſſent & uiciſſent, merita palma, aut poſito conſtitutoque præmio donarent: neque enim minus coronari pugiles, qui abſque ſudore in certaminibus, quàm qui pugnando palmam aſſequuti ſunt, cauebatur: licet adnotatum quandoque exemplis legamus, ut ſi athleta eò fortitudinis proceſſerit, ut non inueniret parem, plures uni obijcerentur, cum quibus periculum faceret & decertaret: nam ut uictor quis declaretur, & uictoria inſigne ferat, amulo opus eſſe dixerunt. Neque prætereundum, gymnica certamina Eleis præcipua fuiſſe, thymelica Corinthijs, ſcenica Athenienſibus.

Mira exempla qua in montibus & lapidibus hodie uiſuntur, unde originem & cauſas duxerint.

Caput

IX.

INGENS cupido animos ſtimulauit illorum, qui rerum natura originem & cauſas diligenti æſtimatione ſcrutati ſunt, quod orbis huius quem incolimus immenſi & inexplicabilis, totiusque natura rerum, cuius æternam uertiginem & irrequietum ambitum uidemus, principium & origo ſit: quod equidem immenſæ quaſtionis fuit. Thales ille Mileſius inter ſeptem præcipue celebratus, cum quo ſacerdotes Aegyptij & uates Pindarus, ex humore omnia conſtare dixerunt: Anaximenes ex aëre, Heraclitus Epheſius, Stoici, & Parmenides ignem, Anaximander Mileſius infinitatem, Pythagoras numeros, Empedocles Agrigentinus quatuor elementa, Plato Deum & hylen, unde elementa deriuantur, Xenophanes aquam ſimul & terram, rerum originem principiumque duxerunt.



xerunt. Epicurius autem, Leucippus, & Democritus Abderites, ex atomis, siue ex paruis minutisque corporibus temerè concurrentibus, in unum confusis & condensatis, omnium elementorum uim atque substantiam, rerumque formas & figuras oriri dicunt. Indi & Brachmanes præter quatuor elementa, quintam naturam, ex qua cælum & sidera constarent, effinxerant: hancque rerum machinam, & hunc terræ globum, quem incolimus, quādoque indigestum & confusum, nullo rerum discrimine aut ordine, olim unum chaos extitisse: postea diuino consilio & delectu, siue ex paruis huiusmodi corporibus & sempiterna illa incurfione atomorum, siue quia grauiora in profundum, leuia uero cælesti labefactata motu, & anticipiti contentione distracta, natura uolente, in altum euoluere, hanc rerum faciem, & hunc quem haurimus aërem, istamque quam incolimus terram, mutuo licet contrario fultam nexu, ex illa illuione & turbulenta confusione emerfisse: & prout plus minúsue illius densatæ materiæ, uel humoris fuere participes, ita montes & edita, nunc conuallēs & depressa, modo maria & flumina, fontesque & lacus, camposque ac diuersas rerum facies, & tanta natura miracula, summum illum artificem & rectorem Deum, omnium conditorem, tantæque molis fabricatorem, diuino magisterio examinato modo effecisse: humoremque in undas, leuiaque in aëra & ignes, quodque minus defacatum erat, in terras diuina sorte distincta recefisse: donec ad certam istam solidamque peruenit speciem, aëremque quo fruimur, quemque incolimus & haurimus. In hisque forte euenisse, ut pleraque al-

terius speciei & forma, in tanta machina molitione cum terra simul coaluerint: huiusque rei argumentum esse, quòd terram mobilem & solubilem, paulatim confusam, longissimo aëo in lapides durescere, diuersarumque rerum species intra lapidum viscera unum corpus effici: illaque simul in omni aeternitate cōdensari, ac diuersas facies quotidie artificem naturam moliri uidemus. Quare diuersi coloris marmora, in quibus misturas inexplicabiles in uno nunc corpore concretas inspicimus, quandoque disiuncta & separata, multiplicium corporum fuisse facile crediderim: quæ quidem res, illius primæ originis & coaceruationis indubia argumenta præbet. siue quòd nonnulli tradunt, diuersis cardinibus inductis aquis, uel mari sedibus suis excito, seu nimbis effusis, diluuiò quondam inundasset mundus: postea cum fluctibus & mari omnia miscerentur, desitis tempestatibus & terræ situ defacato, post tot aquarum moles & agitationes fluctuum, solidas apparuisse terras: propterea in montibus, quauis longe à mari, ea quæ in littoralibus uadis cernuntur, nunc inueniri: & quanuis mediterranea, specie tamen littorali apparere. In memoria mihi est, lapidem duri marmoris non unius coloris uidisse in montibus Calabris, longo à mari recessu, in quo multiplices conchas maris congestas, & simul concretas cum ipso marmore, in unum corpus coaluisse uideres: quas quidè offeas & nō lapideas esse, et quales in littoralibus uadis inspicimus, facile erat cernere. Quòd si marmor in frusta dissectum refecasses, etiam multiplices conchas singulis frustis quasi natiuas considerare, & cum lapide unà discindi uideres. Quod profecto mul-

multū præstat argumēti, dissimilia corpora disiuncta prius, postea colluione rerum mista & lōgo æuo coaceruata coaluisse. Quod genus marmoris in quo conchylia uideantur plurima, in Thessalia & Hæmonia præcipuè apparere auctores memorāt: atq; in Aegypto falsuginē esudare Herodotus tradit, ita ut in collibus editionibus, ea quæ mari incito expuuntur, facile cōspiciantur. Apud Megarēses quoq; & omnem Macedoniam, ex rupiū præruptissimis saxis lapides excavari nōnulli testati sunt: in quibus pleraq; specie appareāt littorali, multaq; ædificia et magnas moles ex illis construi. Iouianus Pontanus ad hoc æui uir haud dubiè clarus ingenio factisq; cum plerisq; nobilibus, præsentem me, sermocinabatur, se in promontorio Pausilypi iuxta Neapolim, ui tempestatis ingenti lapsu prorupto monte, uidisse in medio abscissi collis trabem ligneam, undique latere mōtis duro lapide cinctam, cum mōtis dorso cōcreuisse, & in unum corpus coaluisse: & hæc rem mirificam, quæ non minori miraculo fuit, quàm cōchylia in mōtibus, non uni tātum spectaculo fuisse. Sed ne quis hoc fictum cōmentū arbitretur, peruulgata res est, paucis ante nos seculis, dū Neapoli marmora ædificiū causa discinderentur, adamantem mirè splendidum, non natia uena, aut rudi & informi, sed absoluta artificis manu cōfectum & perpolitū, mira cælatura & arte, in medio marmoris concretum fabros inuenisse: eumq; pro miraculo regi dono datum, inter cubiculi arcana conspicuum fuisse, hodieq; inter illustria adnumerari. Præter quæ, mira profecto sunt, quæ à plerisque digna memoratu produntur. Palamedes amicus meus, calcariæ fornacis præcipuus artifex

ingenio gnauo & industrio: autor alioqui grauis, sæpe mihi retulit, se dum marmora discinderet, in medio silicis, quæ nisi ui malleorum dirumpi haud facile poterat, oleum quasi in uase conclusum inuenisse, odoris immensi & aspectu iucundo, cui medica uis fuisse dicebatur: quo effuso, manus sibi diu miro odore fragrant. Quod ego quo pacto, stante semper solida illa materia, illic coagulari aut occludi potuerit, non equidem scio. Nos etiam apud autores legimus, si uera tradunt, in Chiorum lapidicinis diffisso saxo, caput effictum Panisci apparuisse: & ad Batim Hispania, lapides nasci, quibus scissis, ex puro auro frusta & lapillos conspiciant: & ab Europo usque Elim quicquid ora maritimæ mari abluitur, in saxa mutari: aut quod de puluere Puteolano traditur, qui marinis aquis tactis, durefcit in saxum: & in mari rubro syluas uiuere, oleamque & laurum, in quibus fungi enascantur, qui mox sole tacti conuertantur in pumicem. Atque in Lucania, Cappadocia & Hierapoli Mysia, nonnullas esse aquas, quibus uirgulta & ligna iniecta, breui post lapidescunt. Quod si aquas hoc datum est, siue lege fatorum, siue consilio dei, qui reliqua mundi opera æterna constitutione molitur, ut arenas & glaream, aliasque hoc genus species consolidet & indurefcet: quanto probabilius est, parentem rerum naturam, longissimo æuo ea quæ disuncta fuerant, physica ui & ratione consolidare potuisse: cum præsertim montes lapidesque adolescere indies, exhaustaque effosionibus loca, sua ui rursus repleri, aliaque attenuari & imminui: ac maria quæ sempiterna agitatione mouentur, alia recedere, pleraque

inun-



*inudare, ac locorū facies mutari quotidie spectemus.*

*Quam uarium & multiplex iusiurandum apud diuersas gentes fuerit, & per quos deos iurare consueuerint.*

Caput X.

**Q**UAM uarium & multiplex iusiurandum apud gentes fuerit, à nonnullis proditum memoria est. Per terram, per amnes, per fontes, per undas fluentes, immanissimum sanctissimumque iusiurandum fuisse, Græcorum ueteres credidere: apud eosdemque qui sanctam & inuiolabilem præstant fidem, in Thesmophoræ, hoc est, Legiferæ Cereris templum descendere, & quibusdam exhibitis sacris, dea purpuram induere, incensisque facibus, uelut præsentibus numinibus, per quicquid est deorum deierare solebant: aut per regium sceptrum, in quo iura dabāt, teste Homero: quod præpotens iusiurandum regibus uisum, ita ut maxima obstricti fide tenerentur. Nonnunquam uerre apprehenso, & stricto in iugulum gladio, cælum, terras, solem, & ultrices furias aduocare & testes facere: mox uerre immolato, & in mare deiecto, iusiurandum præbere: quo præstito, nihil præterea quarendum homini erat. Atheniensibus ex solis Græcis per Isidem iurare licuit. Nonnunquam deorum aras tangere, sanctissimum iusiurandum putabatur. Apud Thebæos per Osiridem, Scythis per solium regis, aut per uentum & acylacem, solenne iuramentum fuit: apud Epidaurios per Semelen, apud Thraces per Mercurium, Massagetis per Tanaim & Maotidem paludem: Cappadocibus per montem, quem pro deo colunt. Persarum mos erat, per mitram, hoc est, Solem iurare. Aegyptij allium, porrum & cepas, uelut sanctissima numina

venerati sunt: quæ fallere aut illorum periurio ad-  
 stringi, sine graui piaculo non licebat. Fertur Zeno per  
 capparim, Iones per crambem, Lampon per anserem,  
 Socrates per canem & platanum, ne per deos iura-  
 ret, aliquando per quercum & hircum: Sophocles  
 per Lapersas, hoc est, Castorem & Pollucem, deiera-  
 re consueuisse. Aethiopes per defunctos, quos cole-  
 bant in uita, quorum corpora uitro seruabant, deie-  
 rarunt: Lacones per Spartanos & Argiuos deos. Ar-  
 menij iusiurandum de rebus magnis in templo Anai-  
 tidis deæ, quam maximi numinis instar habebant, ab  
 ipsisque religiose colebatur, præstare consueuerant. A-  
 pud nonnullos per obscænos & fatidos cibos: ab a-  
 lijs per caput alterius, aut per mensam & fruges:  
 nonnunquam super defectis carnibus, aut militari-  
 bus armis. Apud Syracusanos, tactis cereis ignitis, iu-  
 rabatur. Græcorum plerique per Rhadamantum: Py-  
 thagorei per quaternionem: siquidem hunc numerum  
 ad animæ integritatem spectare dicunt: in his fuere,  
 mens, scientia, opinio & sensus. Aphri per uiros in-  
 signes, qui uirtutibus enituere: Pæni per patrios deos,  
 fidem iureiurando sacrarunt. Orpheus autem si  
 quis diuinam iustitiam attestari uellet, per numina  
 octo iurare permisit, Ignem, Aquam, Terram, Cælum,  
 Lunam, Solem, Phanem & Noctem. Philosophi per  
 Socratem, tanquam numen sanctissimum: Indi per  
 aquam Sandaracinam, quæ apud Magos è fonte ma-  
 nabat, maximum iusiurandum æstimarunt, ita ut  
 deierantes graui nexu & certissimo exitio teneren-  
 tur. Neque omiserim Prienenesium spectatissimum iu-  
 ramentum: qui cum ad internecionem ad locum qui  
 dici-

dicitur *Quercus*, cum *Milesius* gravi bello decertasset, in eoque liberos & chara pignora amisissent, si quid sanctiore fœdere firmare uellet, per tenebras quæ apud *Quercum*, deierabant. Sicut *Augilus* qui circa *Cyrenen* sunt, & *Nasamonibus*, non nisi per manes defunctorum, quos ueluti deos colebant, iurare fas erat, illorum sepulchra contingentes: quod *Aegyptiis* quoque in more fuit, ut per defunctos quos in fœtilibus circa templa condiderant, maximum putarent iusiurandum, contra cuius religionem uenire non licebat. Pœnorum mos traditur, ut aram & sacra tangerentes, uel agnum laeva, dextra silicem tenentes, deos hominesque contestentur, ut si illos sciens falleret, ita se *Iupiter* feriret, quemadmodum ipse agnum percuteret. Quin etiam uetus *Romanis* inoleuit mos, ut iuraturi per *Iouem*, modò ad deorum aras sacrificio perfecto, ignem, aram atque exta tangerent: modò super cæsis hostiis iurarent: nonnunquam lapidem silicem tenentes, hæc ad uerbum proferrent: Si sciens fallo, me *Iupiter*, salua urbe arceque, bonis eijciat, uti ego lapidem hunc eijcio. Quibus enunciatis, lapidem manu emittebat: ideo per *Ionem* lapidem, solenniſſimum sanctiſſimumque iusiurandum ueteribus fuisse proditum est: illudque intentioni cura seruari oportebat. Quod quidem in fœderibus publicis solennius præstabatur, ut fecialis, sumpto manibus lapide, pactis conuentis stare promitteret, in hæc uerba: Si recte ac sine dolo malo hoc fœdus, atque hoc iusiurandum facio, dùm mihi cuncta felicia præstent: sin aliter aut facio, aut cogito, cæteris omnibus saluis, solus ego peream, uti lapis hic è manibus meis decidet. Postquam precationem,

manu lapidem eijciebat, cui iuramento nullis opibus, nulloque negotio contraire fas erat. Præter quæ frequēs Romanis fuit iusiurandum, per deos & deorum numina, perq; terram, mare & sidera: sicut per deum Fidium, qui Sabinorum deus est, cuius ades in Quirinali fuit. per parentes uero præstari iusiurandum, illosque iuramenti aduocare, illiberalis sermo est habitus. Præ cæteris autem ex omni memoria sanctissimum iusiurandum apud Romanos uisum est, ut iurans, terram tenens, cælum deosque contestans, conceptis uerbis se & caput suum, ac stirpem & familiam, bona & fortunas, quibusdam additis precationibus deuoueret. Post aliquot uero tempestates, per salutem & genium principis deierare, longe præstantissimum iusiurandum haberi captum, cui nulla ui, nulloque imperio contraire fas erat. Quod Tiberius Cæsar de se præstari uetuit: nam ne in acta sua iurarent, nèue nomen suum testarentur, aut genium, obstinatissimè restitit. Quod etiam de Nerone proditur, ut cum antea in acta principum iurarent magistratus, collegæ suum Antistium in sua acta iurare inhibuerit. Caius Caligula maximū iuramentū, nec pro concione, nec ad milites, nisi per nomen Drusillæ præstitit, cui plus nimio addictus erat: Claudius uero per Augustum. Est quoq; omnium sermone celebratum, & magnis euentis periculisque expiatū, quod in ara Palicorum, lacu seu cratere religioso, breui & profundo, semperque lurido, apud Siculos iuramētum præstabatur: ad quem multiplici scaturigine ebullientem, iurantes spōsione facta, religiose accedebāt: & qui caste & sine labe criminis iurasset, illæsus et ualidus abibat: qui

uero



uerò contra religionem, iurisiurandi fidem abiurasset, reus criminis, in lacu demersus, læsa consciētia & perierati numinis, morte pœnas dabat: in quorum templo fama fert, crateres quosdam incerta & cæca origine igneos globos perpetim enomere, & feruētē aquam tetri odoris inde æstuare. Quod Aristoteles de fonte Acadino memoria prodidit, qui iuxta Palicos in Sicilia manat, in quo tabellas inscripto iuramento, si recte iuratum foret, supernatare, neque liquore perfundi asseuerat: si perperam, protinus in profundum rapi, neque apparere ultra. Idem in Sardinia quasdam aquarum scaturigines facere: nam ubi periurium erat, quicumque in eis immersus, cecitate admissum facinus luebat: qui uerò integer ad iusiurandum accedebat, incolumi fama clarius cernebat. Iuxta Tyanam quoque fons Ioui sacer, frigidus ebullire traditur, qui quum cæteris foret innoxius, periuris solum pustulas liuentes, & uomicas facit calamitosas. Atque in Bithynia iuxta Brieti templum fons ceremonijs sacer, manare feruentis naturæ, ubi periuri uelut urente flamma necabantur, ita ut magno malo periurium lueretur. Tenet opinio in Arcadia apud aquam Stygem (quæ è petra manabat præsentissimi ueneni) ad Nonacrim, idem iusiurandum præstari, sub insigni documēto spectæ religionis: nanque in fraude & perfidia deierantium, extremi discriminis erat. Sicut subterraneus specus ad Corinthum, qui Palæmonis dicitur, à nemine adiri fertur sine periurij pœna memorabili. Fuitq; in usu apud Athenienses, ut iusiurandum quod publice in fœderibus præstabatur, postquam per senatum exhibitum erat, quo sanctius foret, quæstores, apud Argos uerò, præ-

tores confirment, apud Mantineam, uates & belli duces, in Elide autem, opifices & legū periti, nequid repentino motu imperitæ multitudinis mutari, aut secus fieri dicique posset. Præ cæteris uerò maximum uinculum iuramenti apud Samnites uetusta religione fuisse traditum est, ut ara in medio constituta, ac casis uictimis, omni aditu præsepto, iurans introducatur, & funerali carmine inter stragem uictimarū dira execratione adstringatur. Qui etiam Arcadibus mos erat, inter cades uictimarum solennem fidem & iusiurandū dare. Græcis uerò, libātes dīs in adibus sacris iurare, magnū uinculum iuramenti existimatum est. Illud utiq; profuerit admonuisse, diu seruatum apud Romanos, ut neque uiri per Castorem, neque mulieres per Herculem, iusiurandum darēt, per Pollucem uerò, utrique iurare non uetantur. Sapius tamen masculi per deos, mulieres per deas iurare usurparunt: licet Socrates apud Platonem per Iunonem iurasse legatur. Quodque qui Herculem aut Dionysium, uel deum Phidium iuraturi sunt, sub diuo iurare cogantur: sub tecto autem non decebat, quia cū obuiam cundo periculis, laboribus maximis fuerint exerciti, in umbra & sub tecto, tanquā sub ignauo ocio illos appellare turpe erat. Fuit quoq; literis proditū, pontifici maximo per deos iurare licuisse, per libertos uerò, non licuisse. Solus tamen flamen dialis iuramentū præstare perpetua lege uetabatur: ideo si quando in magistratu assumptus, per leges iurare tenebatur, aliū qui uicē illius ageret, sufficere, & ita in leges iurare cogeatur. Subit tamen reputatio, idem apud Phryges seruari, qui nō modò nullo iuramento adigūtur, sed nec alios ad deierandū cogunt.

Ferunt

Ferunt uerò Gallos & Pœnos nulla religione iurisiurandi moueri, quin ubi uisum fuerit, deseniāt, nullo rapinis modo aut seuitiæ præfinito. Sicut Aphrodisiū iuramentū pro uano haberi ueteres uoluerūt: nanq; ueteri adagio amantibus uerū ludificare, permissum est. Fertur uerò Dionysij tyranni uerbū, sicut pueros talis, ita iuramentis homines frustrari oportere. Illud quoq; notatū est, Euripidem et Aristophanē taxasse Spartanos uelut infidos dānososq;, quibus nec ara, nec fides, nec iusiurandū foret. Idq; uero testimonio probari, q; corrupto muneribus rege Aristocrate, bello cōtra Mensesios, laesa fide iurisiurandi, primi Martiam uirtutem uenale fecere. Quod de Thessalis quoq; poëta tradūt, quibus ex fortuna pendet fides, cum bello Peloponnesiaco fœdera & deos obliti, in ipsa acie ab Atheniēsisibus ad Lacedæmonios, mutatis ordinibus transfugerint. Quare Thessala fides, uelut uana et fluxa, in prouerbiū uenit. Parthis quoq; fides nulla, nisi quantū expedit, quibus utilitas semper est fide sanctior: idem Aphris Syrisq;. Soli tamē Arabes Persæq; fidē seruare didicere: tanti enim fidem fecēre, ut humanā societatem cum fide tolli crederent, contraque utilitatem fides illis semper antiquior fuit. Vno tamen exēplo proditur Amasis Persarum rex labefactasse fidē, qui cū Barcais super occultam fossam fœdus feriret, id ratum fore iurauit, quoad humus illa firma solidaq; maneret: mox reiecta fouea, fœdus soluit, & iusiurandum rupit. Præceteris traditur Zenocrati tanta fides habita, ut quum nullius iniurati testimonium admitteretur, soli Athenienses sine iuramēti religiōe assensere, eumq; iniuratum, q; inueteratæ fidei esset, in fidē atq; officiū admiscere,

Quid sit exedra, quid Menianum, de quibus apud iurecon-  
sultos mentio frequens, & quid embanma.

Caput XI.

EVIT in perpetua quæstione apud iurisperitos, qui  
inter patronos causarum longe præstantissimi habiti  
sunt, quid exedra, & quid Menianum esse: de quibus  
ab Vlpiano de his qui deiecerunt, mentio fit. Et quum  
homo quispiam insigniter impudens, assereret fenestræ  
genus fuisse exedram, qualem in nostris ædibus hodie  
conspicimus, idque improbißimè contenderet: alij ali-  
ter censentes, sedem esse putarunt, quia uiri maturo in-  
genio, studio & bonis artibus dediti, uti solita uere: id-  
que Ciceronis autoritate significari, de natura deorum  
primo, ubi se in exedra sedentem, differere asseuerat:  
cumque hic uerbi significatus longe ab Vlpiani mente  
dissideret, animaduerti tandem, non sedem ab Vlpiano,  
sed cubiculum designari columnis fultum, & epistylis  
pluribus, excisis spatijs, quibus prospectus in uia erat:  
aliquando sub dio, nonnunquam sub tecto: Menianum  
uerò dici, proiectum protentumque spatium ultra ædes  
tignis porrectis, nullo munimento fultum ab imo, ambu-  
landi pspiciendive causa, à C. Menio Crassi Collega,  
unde nomē mutuauit, inuētum. Cū enim C. Menius,  
Catone & Flacco consulibus domum uenderet, ut ibi  
basilica extrueretur, ius unius columnæ supra quam  
tectum projiceret, & tigna immitteret, sibi excepit, quo  
superiora latius paterent, & posteri prospectarent: cu-  
ius generis ædificia, inde Meniana dicta, hodieque id  
nomen obtinuit: idque à Labeone de priuatis ædificijs  
„ aptissimè notari, cuius uerba fuere: Proiecta sunt ea,  
„ quæ ita prouehuntur, ut nunquam conquiescant: eiusmodi  
sunt



sunt Meniana & subgrundia. Iterū quærebatur, quid esset embamma, de quo ab Vlpiano de uino & oleo legato, an aceto deceat annumerari, elegāter quæritur. Cumque in uerbi significatu solliciti essent, neque id assequi uiderentur posse, nos embamma censuimus contritos sapes dici, acido uino infusos, asperrimi gustus, ad acuendum excitandūue stomachum, à uerbo ἐμβάμω, quod est, intingo: seu (ut putant alij) acetum coagulatum, quod uino dilutum aut aqua, aceti sapore facit. Est igitur Vlpiani opinio; aceto legato, embamma perinde legato accedere, sicut acetum: quoniam eiusdē saporis & naturæ sunt. Verba uerò Vlpiani de uino legato, hæc fuere: Si acetum quis legauerit, non continebitur legato acetum, quod uini numero fuit: embamma uerò continebitur, quia aceti numero fuit.

Quot uirgines Vestales, quæue illarum disciplina & institutio fuerit, quæue afficiatur pœna incesti damnata.

## Caput XII.

QVI de Vestalibus uirginibus memoriam reliquere, illas à Numa Pompilio primum lectas fuisse autumant, quod sacerdotium cum Albæ oriundū esset, idem Numa inde translato sacro, Romam aduocauit: utque Vestæ antistites assiduæ forent, præcipua uirginitate & alijs ceremonijs sanctas fecit. Cuius instar sacri, in Poliadis Mineruæ tēplo multa religione inchyto, in Attica fuisse legimus, in quo uirgines assiduè degere, & lychnū inextincti luminis, ac Palladiū existere, multorum opinio fuit. Lychnum quoque in arce Athenis Mineruæ consecratum ferunt, quem semel oleo repletum, assiduè lumini alimenta sufficere ad insequentis anni eundem diem, prodiderunt. Ignem quoque pernigilem

apud Delphos custodiri à mulieribus, quæ matrimo-  
 nio soluta erât, inuenimus: ubi si quando extingueba-  
 tur, ex solis flamma peregrinum elici oportebat. Persæ  
 quoque ignem habēt peruigilem, sicut Chaldaei, Medi  
 & Assyrii, ut deorum maximū: illique uelut sacro nu-  
 mini hostias mactare, et sacra facere, atq; ex illo euen-  
 ta rerum interpretari assuerât: apud quos Diana Ec-  
 batana templum fuit, quam Anatim uocant, cuius sa-  
 cerdotes procul à uirili contagio in perpetua uirgini-  
 tate degunt. In Britannia quoq; Minerua numen colit-  
 tur, in cuius templo perpetui ignes nunquam canesce-  
 re in fauillas, sed in saxeos globos uerti ferebātur. Hæ  
 autem uirgines in templo Vestæ, quod forma circulari  
 fuit, inter Capitolium & Palatium morabantur assi-  
 duè, ad quod ingredi interdum uetabatur nemo: sub na-  
 ctæ uerò adire, præ pudore, masculino non licebat: fœ-  
 minæ uerò fas erat: in quo nulla Vestæ effigies aut si-  
 mulachrum deæ cui immolarent uisebatur, quia Vestā  
 nihil aliud quàm animum & diuinum putarunt ignē,  
 quæ diuina mens animo concipitur, oculis nō uidetur.  
 Sicut Corinthiæ ades Parcarum, Cereris et Proserpinæ,  
 nulla habere simulachra dicuntur. Tametsi Vestā, uir-  
 ginis ore tympanum gestantis, quod uentos contineat,  
 nonnulli effinxere: cuius aditum ex fonte Camænariū  
 Vestæ consecrato, ex Numæ legibus, Vestales spargere  
 assuerât. Quod quidem minimè inauguratum fuit, ne  
 quando in eo senatus cogeretur, ideo nō esse templum  
 aliqui existimarunt: licet in atrio Vestæ, quod à tem-  
 plo seiunctum erat, quandoq; haberi senatum uidea-  
 mus. Quibus uirginibus, ne sacra intermitterent, sti-  
 pendium de publico statuit. Eas enim quatuor à prin-  
 cipio

capio fuisse tradunt, quarum nomina Gegamia & Beremia, deinde Camilia & Tarpeia, primum à Numa initiata, & post Numā à regibus ad sacerdotium addicta. Lapsis inde temporibus, quū populus in sex partes diuisus foret, ut pro eo sua quisque parte ministrum haberet sacrorum, duas additas fuisse ferunt, donec aucto & propagato imperio, collegium Vestalium ad uirgenarium numerum constitutū fuit: quibus quæ præsidebat, dicebatur Maxima. Has ergo arbitrio decretoque pōtificis max. ingenuas & libero patre genitas, etiam nolentes & ab inuitis ad sacerdotium cogi compertum est, eas præcipuè, quibus summa integritas, pudor & uirtus foret, nisi flaminis, pontificis, auguris, aut quindecimuirī sacris faciundis, tubicinisue sacrorum, uel septemuirī epulonum, aut Salū filia foret: horum enim filias, inuitas & detrectantes ad sacerdotium cogi non posse, neque cuius pater tres aut supra filios nō haberet: neque illam, cuius soror Vestalis fuisset capta, pontificum decreto cauebatur: neque illas, quarum mater cum uiro dissidium fecisset, neque in eodem coniugio maneret. Quarum si qua mortem oppeteret, in demortuæ locū aliam capi oportebat: sed nec minor sex, neque decem annis maior capi poterat, quæ uē patrima & matrima non esset, neque ea quæ aliquo oris aut sensus uitio laboraret. Quæ dum capitur à pontifice max. non suo nomine, sed Amata appellatur, omen ueteris denominationis sequenti: siquidē quæ prima Vestalis capta fuit, hoc nomine fertur nūcupata. Quibus quidem ad sacerdotium admissis, assidua insidens cura inerat ignis sacri & æterni, qui in penetralibus Vestæ in fictilibus uasculis seruabatur, quasi celestis

arcani custodiam & curam fidelem per uices agere,  
 ignemque seruare: Quibus propter sanctitatē & con-  
 tinuam uirginitatem, tantus est honos habitus, ut ue-  
 lut sacrosanctæ, ab omni uirorum contagio intactæ fo-  
 rent, aduersusque eas, aut decreta iussusque earū, nul-  
 li magistratui intercedendi facultas erat. Quibus hoc  
 etiam tributum est, ut licet essent sub patris iure, post-  
 quam ad sacerdotium adscitæ sunt, sui iuris effectis, te-  
 standi manumittendi que etiam sine curatore libera fa-  
 cultas foret. Ipsæ tamen intestati hæreditatem adire,  
 aut bonis succedere, uel ipsis intestatis hæredes aliqui  
 esse nequibant, quod ueteri scito apud Labeonem ca-  
 uebatur. Cumque soli Theratiæ Vestali, priuilegio ho-  
 noris, ius testimoniū dicendi à populo datum esset, hinc  
 effici cogique potest, reliquas testimoniū ferendi ius nō  
 habere: eas tamen quum testimonium dicebant, iudi-  
 cio & foro adesse oportebat. Tum si qua dissidia et si-  
 multates, uel aliqua exorta offensiones fuissent, aut se-  
 ditio intestina coorta inter ciues, ut Vestalibus inter-  
 cedentibus & deprecatricibus, & quasi internuncijs,  
 pacis fœdera iniretur, illarum curæ mandabatur: hisq;  
 medijs & procurantibus, offensarum culparumq; ue-  
 nia impetrabatur. Testamenta quoque & quæ secre-  
 toris consilij erant, quæue quis celari, & in abdito es-  
 se, & suo tempore in lucem promi uolebat, apud illas  
 deponerentur, ut in fideli custodia essent. Quibus, post-  
 quam in sacerdotium adscitæ fuerunt, triginta anno-  
 rum castitas præscripta fuit: primo enim decennio quæ  
 ad cultum & arcanas ceremonias, ritusque sacrorum  
 spectarent, quæue uetustissimis carminibus & monu-  
 menti prodita erant, ediscebant: secundò uerò, quæ  
 didi-



didicere, opere complere & efficere: tertio autem decennio, sacra & instituta, ritusq; & ceremonias quas didicissent, alias edocere oportebat. Tunc demum exacto circulo annorum triginta uelut emeritis stipendys, liberum erat uel sacerdotio solui, & aliam uitam nancisci, uel si uolet, ali nubere, et filios educere, aut sacrorum curam gerere, & eodem cultu ornatuque esse non uetabantur. Tantaque dignationis fuere, ut si extra atrium Vestæ prodire ueller, nisi præcedentibus fascibus, ob honorem sacerdotij, foras exire non liceret. Tum si ui morbi aut necessitate, templo excedebant, quo uenerationis plus inesset, matronas & grandes natu matres, insignes morum uerecundia & probitate, quæ eas comitarentur & custodirent, adhibebant: cui ad omnem occursum, etiam consules prætoresq; de uia decedebat. Quod si dum foras uadunt, ad capitale quiscumque supplicium traheretur, si obuiam fieret, ipsum tunc mortem oppetere, aut nouissimo exemplo affici non decebat. Tantoque cultu & honore ob sanctitatem sacerdotij habitæ sunt, ut seruitia fugitiua nondum urbem egressa, in loco præcationis retineret, & seruitute eximerent. Ad se quoque fugientes ab iniuria prohibere, atque à cuiusque magistratus imperio intercedere poterant: ab eisque quum sacrosanctæ forent, aut decreto iussuque earum, nulli magistratui, nec tribuno plebis, qui pariter sacrosanctus est, præuocare permissum: tantumque illarum iussui uirium & roboris fuit, ut Claudia Vestalis patrem iniussu populi triumphantem, necui tribuno intercedere liceret, ascenso simul curru, in Capitolium sequuta fuerit. Quod si quando Vestæ ignis (cuius præcipuam ducebant curam) extinctus foret, id

inter nō minima prodigia habitū, magna semper mercede expiatum fuit: quippe ex eo formido, & non mediocris terror religioque senatui populoque incussa erat: illisque non procuratis, aut dūs nō propiciatis, à rebus agendis grauib⁹ que negocijs haud secus abstinebāt, quàm si dira & tetra prodigia, aut portēta calamitosa prædicta foret. Ea uerò Vestalis, cuius custodia fuerat, ob secordiā, sicut ob alia crimina, à pōtifice maximo, qui eas fidei custodia seruabat, flagro plectebatur. In abdito enim conclauī & penitus abstruso loco, eam obtēto linteo flagris plectebat. Ignem uerò extinctum ita suscitabat, ut uas æneum pellucidū trium angularum, ad Solis iubar obijceret, ita ut undiq; accensus in orbem coiret: illudque usque adeo diuerberaret, donec conceptum ignem arida materia clibano in adē ferret. Quem quidem nouū accēdere calend. Martijs, quibus principiū anni agebatur, quotānis solita sunt. Fuitq; is ignis perpetuus, in penetralibus sacris, & penū Vestæ, uelut sanctiore recessu, cōditus: in quo Palladiū & dū penates Troia aduecti, fatale pignus imperij colebantur, ad quod nulli hominum, nisi Vestalibus & pōtificibus adire fas erat. Qui quidem dū fuere duo iuuenes ueteris artis & operæ paruis imaginibus sedentes, & militari more pila tenentes: tametsi Palladium ab Aenea aduectum, nonnulli Apollinē & Neptunum ferant: alijs Troianam Palladem Romæ & Lauini, Luceriæ & Siritidæ, demonstrari tradunt: qui ab Aenea in Italiam allati, Lauini mansere primum: mox ab Iulo in Albam à se conditā translatos, pristinā Lauini sedē sua sponte repetisse dicunt. Quod si quando Vestales sacra dūs libarēt, aut Vestæ rem diuinam face-

facerent, eo cultu ornatuque erant, ut licet uittata incederent, album tunc uestimentum, quod suffibulum uocant, oblongum prætextum quadrangulū in capite sumerent, illudque fibula subnecterent: castaque mola & sale tuso, ac in ollam fictilem misso, & mox in aquam iniecto, sacra facerent, calicibusque fictilibus, qui cululli dicti sunt, uestæ & dijs libarent: sirpeasque effigies triginta numero, quas argeos uocāt, ex uirgulto statis diebus in Tyberim deijcerent: arasque deorum numinibus accenso foculo, dicarent: quibus hoc proprium ferūt, ut defectum capillum tanquam sacrosanctum, uulgo atteri non sinerēt: sed in loco arbore conspicua magnitudinis, quæ in Lucina ara colebatur, apponerent, cui ob id capillata nomen. Tum si quando sacramento adigebatur, nō nisi per suam Vestā iurare licebat. Eratque Vestalium opus, annis singulis stata die regem sacrorum adire, utque uigilaret, neue diuina intermitteret, præmonere præcauereque. Tantaque dignationis & pudoris habitæ sunt, ut his presentibus tanquam arbitris numinibus, non factis modo, sed & uerbis obscænis & prætextatis abstinere: easque uelut augustæ & sanctæ templa, atque unicum castitatis exemplar, religiose obseruarent. Et tamen si tanti exempli & disciplinæ forent, illas tamen athletarum spectaculis & theatro interfuisse quandoque legimus, scilicet remisso officij munere, de cōcilij sentētia. Si quæ uerò detestabili scelere polluta, omnium sententijs pontificum incesti conuicta & damnata foret, in eam manus aut uim inferre nulli licuit: sed postquam familiam in potestate habere, & sacris abstinere iussa fuerat, stata die sub effossa humo ad portam Collinam,

in loco cui Scelerato nomen, uiuam defodiebant: uirginis uerò stupratorem, in comitio cadebāt ad necem. In ea enim subterranea erat fouea, ad quā gradibus descensus, & in imo lectulus, lucerna ardens, panis simul & lac, item aqua & in gutto oleum: uirginem uerò damnatam, demptis uittis è uertice, feretro impositam cultu miserabili, maximo omnium horrore, eò deducebant: quò ubi deducta fuerat, uinclus solutam, pontifex maximus solenne prafatus carmen, capite uelato ad ostium foueae constituebat. & postquā introgressa fuerat, illo auerso, & scalis sublatis, desuperq; aggesta humo, defodiebant uiuam, ita ut, ab omni hominis tactu illaesa extingueretur. Qua die tanquam lugubri & ominosa consternata urbe, uelut si repentinum incommodum accidisset, institio indicto, nihil publicae magnaeque rei agere licebat. Tanta uidelicet cura, tantaeque sollicitudine prisca cauebant, ne qua in sacerdotes & deo dicatas uirgines uis fieret. Fuere autē Vestales incesti damnatae inter alias, Popilia, Aemylia, Oppia, Fabia, Minutia, Sextilia, Opimia, & Fleronia, inter quas Caparonia suspēdio supplicium prauenit. Fabia uerò incesti causam dixit, cum ei Catilina obiceretur, & quia soror Terentiae Cic. erat, inducto crimine, absoluta fuit. Cornelia Maximilla absens & inaudita, à Domitiano incesti rea, quum esset absoluta, nō admissi forsan criminis, prauo iudicio poenas dedit. Cumq; Urbina falsi criminis dānata, uirgis caesa & uiua defossa fuisset, religio urbē peruasit, immeritam poenā luisse, quod pestilēti contagio matrona mortuos edebāt partus, ipsaeq; unā interibāt, ob id admissum plecti et merita noxa puniri. Posthumia uerò ob mundio rem cultum,



tum, criminis insimulata, causam dixit: mox sine noxa & innocens comperta, de collegij sententia, omnium uotis absoluta fuit.

Ex quibus ueteres captare auspicia solerent, & auspiciorum quæ prospera, quæ uēpiacularia sint. Caput XIII.

PRISCOS Romanorum adeò auspicijs deditos fuisse constat, ut post urbem conditam, falsa illa superstitione & praua religione ducti, nihil bello uel pace, domi militiæque agerent, nisi auspiciatō. Sed inter auspicia de quibus antiquitas fabulata est, quæ prospera, quæ uēpiacularia sint, sæpe quæsitum est. In primis receptum est, auspiciorum quinque genera obseruari ab augurandi peritis: primum ex cælo, secundum ex aui-  
bus, tertium ex tripudijs, quartū ex quadrupedibus, ultimum ex diris. Ex his quædā oblatiua sunt, quæ nō poscuntur: quædam impetratiua, quæ optata ueniunt. Oblatiua, non semper auspiciū facere: siquidem in potestate uidentis sunt, an illa ad se pertinere uelit. in augurum enim disciplina hoc traditur primum, nulla auspicia, siue boni, siue mali prænūcia, ad eum qui illa obseruare negauit, pertinere: nam temere iacta, & si-  
ne ratione uaga, diuinationem non recipiunt. Ex impe-  
tratiuis aut auspicia uera sumi, sæpe notatum est. Quo-  
riesque augures ex arce augurium petunt, lituum te-  
nent sine nodo aduncū, quo cæli regiones & certa spa-  
tia, quibus uidenda ad se pertinere uolebant, quæ tem-  
pla dicta sunt: sedebat enim augur uelato capite, et li-  
tuo cæli regiones notabat. Ex cælo fit auguriū, ut si læ-  
uum intonauisset, id prosperi euentus putarent esse: idem, si fulgur à sinistra in dextrā emicauisset, Hetrusca  
disciplina: quia quæ nobis læua sunt, à dijs dextra ex

parte demitti putāt. Ideo fulmen in rebus omnibus latum auspiciū facit, bonique euentus est, si sinistra ex parte uenit. In auspicijs enim quæ sinistra sunt, bene euentura putantur: tametsi Græci dextra ex parte ueniens augurium, auspicius putent. Ex his tamen dira habentur fulmina, quæ per septentrionē in occasum uergunt: quæ uerò ex ortu ducunt originē, & in eandem partem cali circumactū redeūt, summam portendunt felicitatem. quale ostentum Syllæ dictatori oblatum memorant: aut quum fulmen è cælo decidit, rursumq; in sublimi crebris ignibus micat, quod fortunatū fuisse nemo dubitauit. Ipsum tamen fulmen, quacumq; ex parte uenit, comitia impedit. Ioue enim tonante, nihil cum populo agi posse liquet. Si tamen tonet in comitijs, uitium oblatum creandis magistratibus, atque ideo obnunciari oportere: si uerò grandinet simul & fulminet, calamitatem præsignari uolunt. Propterea cum omnes dī manubias albas nigrasque habeant, solius Iouis rubras esse uolunt. Et quanuis Hetrusci uates nouem dīs fulminū iactus potestatesque tribuant, quorum undecim fuere genera: Romani tamen diurna Ioui, nocturna Sumano (quē Plutonem dicunt) tradiderunt. Fuitque memoriæ proditum, ea fulmina quæ solus Iupiter excutit, lata esse: quæ uerò concilio deorum aduocato, auersa reputari. Ideo fulgetras adorare, & popysmatibus obstrepere, consensum esse gentiū Plinius notauit. Est autem popysma, sibilus tenuis ore emissus. Græci uerò, ut uim tonitrus & speciem fulminantis cali auerterent, pateris uina effundebāt. Thracæ dum fulminat aut tonat, in cælū sagittas intendūt, rati tonantem hostem esse dei, quem ipsi colerēt. Paulo  
tamen

tamen Aemylio apud Amphipolim sacrificante, fulmen  
è caelo emissum quū sacra combussisset, regni mutatio-  
nem portendit, quod mox consequutum est. Fuitq; opi-  
nio haruspicum, fulmina magnopere fieri in pollutis lu-  
cis: ideo reliquias fulminis cum sacrificio sepelire, di-  
spersosque ignes in unum cogere, & quadam tacita  
prece, terra condere solebant, quem locum bidētal di-  
xerūt. Nonnulli impares tonitrus boni ominis esse, &  
felicia portendere uolunt: pares autem, diros euentus  
& calamitates: alij matutinos, uentum: imbrem ue-  
rò, meridianos prædicere. Serena tamen tempestate to-  
nuisse, hominesque aut ades sacras de caelo tactas esse,  
tristis euentus fuisse & auspicij mali, sæpe notatū est.  
Contra uerò Homerus, Iouē sereno intonuisse post ef-  
fusas preces, felix omen & ratum auspiciū fecit. M.  
Crasso castra quæ trans Euphratem metatus fuerat, bis  
fulmine icta, triste prodigiū & infandas cades at-  
tulere. Alij ex fulguribus quædam publica adnotariūt,  
alia priuata: publica, non ultra trigesimum porten-  
dere annum, nisi in deditione oppidi: priuata, non ul-  
tra decimum augurium facere, nisi in sponsalibus &  
natali die auspicata: ex quibus quædam postularia, a-  
lia pestifera, pleraque consiliaria dicta sunt: aut moni-  
toria uel auxiliaria, hospitalia uel regalia, nonnulla  
peremptoria, quæ superuenientium fulgurum signifi-  
cationem perimunt. Ea enim tantā uim habet, ut quic-  
quid alia portenderet, illorū interuētū tollatur. Quod  
uerò interuentu fulminis portentum est, alterius signi-  
ficatione tolli nequit: pestifera mortem, postularia  
sacrificiorum emendationem admonent. Pars multo  
maxima, tria fulminum genera fecit: consiliarium,

quod post cogitatum negotium superuenit: autorita-  
tis, quum post rem perfectam, bonum aut malum quod  
futurum sit, prædicit: status, ubi nec opinantibus nobis  
fulmen interuenit. Quæ uerò fortuita sunt & in casu  
posita, nulla ratione subnixa, diuinationem non reci-  
piunt. Ex auibus uerò, augures quasdam oscines, quas-  
dam præpetes notarunt: oscines cantu, præpetes uo-  
latu augurium facere & futura prædicere. Semper e-  
nim cantus oscinis quum sinister est, secundissimus fuit.  
Ex præpetibus autem, aquila, uulture & buteone, san-  
quali & immusylo, latantur, easque felices euentus esse,  
quum ingentibus alis patula & porrecta uolant: quas-  
dam dixere funebres, quæ omine auerso aliquid fieri  
uetant: nonnullas superuaganeas, quæ ex summo acu-  
mine emittunt uocem: alia caduca auspicia, quum in tem-  
plo per augures metato aliquid excidit: pleraque cli-  
uia, quæ difficulter eueniunt. Aquila si dextra ex par-  
te uenit, felix omen facit, & magnarum rerum auspi-  
cia: quas quidem uolatu augurium facere, præcipue si  
stridentibus alis euolare uideant, omen futuri maximi  
boni, ac lata & magna portendere dixerunt. Vultures  
quoque Romulo in condenda urbe præsens auspiciū  
fecere: Sed tamen uultures aquilarum fatus implumes  
occidisse, nidosque euertisse, ipsosque à pastu pedibus  
& rostro abegisse, Tarquinio Superbo exilium & re-  
gni amissionem, quæ mox sequuta sunt, portenderunt.  
Aquilam Tarquinio Prisco pileum detraxisse in subli-  
mi, deinde capiti reposuisse, regnum ominatam ferunt:  
sicut Aristander aquila augurio, uictorem Alexan-  
dram prædiuinauit. Rursus correptum iaculum è ma-  
nu satellitum abstulisse, & in profundum deiecisse,  
uelut



uelut prodigiosum ostentum, Dionysio exilium, & regnum sibi abrogari, funestasq; calamitates pramonstrauit. Fuitque diu quæstionis, an sanqualis & immusylus inter aquilas censendi forent: quorum uolatus licet auo priore incognitus, secundissimos habere euentus censebatur. Cumque ex auibus omina multi obseruarint, præcipui fuere Cares, quibus rex Caras ex auibus auspicium dedit primus. Postea Arabes, Phryges, Cilices, Piscides, Pamphylj & Galli, auium cantus & uolatus religiosè obseruarunt: ex quibus uera auspicia ominati sunt: quibus obseruatis, haud secus quam ex oraculis euenta rerum & negociorum præsumpsere. Sape tamen uulturem in ædem Iouis, aut deorum uolasse, prodigij loco receptum est: ideo uelut portentum malique auspicij, procuratum fuit. Si tamen uultures, corui & aquila in unum coirent, cædem haud dubiam: & si grues uolantes à recto flecterent cursu, & retrocederèt, infandam nautis tempestatem, & mare procellosum, mox turbines & fluctus prænunciarunt. Ciconiam non ut grues prodigium facere dicunt: sed in augurijs non dubiam ferre concordie significationem. Proxima est accipitrum natura: præcipuum uero genus, quod circum appellat, altero pede claudum, quod fortunatum nuptijs & pecuaria rei opinati sunt. Contrà miluus diri malique ominis, semperque infortunia præmonstrare creditus. Triorchon uerò, cui principatum dedere augures, & falconem, felicitis euentus, futuriq; maximi boni spem habere, augurio expertissimo cõpertum est. Est autem triorchon quem buteonem antiquitas dixit, qui quòd treis testes habeat, triorchon dictus. Falconis uerò au-

gurium tam auspiciatissimum Thuscis fuit, ut uiso augurio, Capuam in solo felicissimo condiderint. Dario accipitrum uiso duo uulturum paria uellicantium, omen fuit, quod è coniuratis sumpto supplicio, haud multo post Persarum regno potiretur. Picus uero Martius & luscinia efficaci auspicio habentur, prosperaque semper & felicia decreuerunt. inter quæ ardeolas, quas leucos uocant, quum ad austrum uolant uel septentrionem, magna semper portendere uoluerunt: solui enim pericula & metus exinaniri eorum aspectu, multorum opinio fuit. Luscinia quæ in ore Stesichori infantis cecinit, talem illum futurum designauit, quantus postea fuit. Contrà hirundines infausti ominis esse, & ancipitem asferre fortunam, multi prodiderunt: nam Cyro regi, dum contra Scythas bellum parat, hirudinum uisio infaustam fecit expeditionem. Eadem quoque Pyrrhi tabernaculo, & in navi Antonij insidentes, suscepti belli infelicitatem & funestas clades portenderunt. Picus quoque Martius in capite pratoris iura reddentis deprensus, & occisus, futurum excidium auguratus fuit: in uexillis uerò Sabinorum insidens, felix augurium fecit. Columba si comitata est, prosperos successus auguratur: ceteris autem nullius auspicij credita est: sicut cynus nautis, & his qui freto agi uolunt, prosperos cursus denunciat: reliquis uero inauspicatus. Circum tamen de genere aquilarum, columbam discerpentem unguibus, felix nuncium attulisse Homerus uoluit. Præposteros aut uespertinos gallorum cantus, optimi euentus multi notauere. Themistocli pridie quàm in Xerxem duceret, auditus gallorum cantus, uictoriæ mox futuræ præ-

prænunciū fecit: idque ideo, quod uictus nequaquam canit: uictor uero obstrepit & murmurat. Cōtrā uero gallinarum: nam diri aliquid imminere, aut futurum incommodum illarum cantus designauit. Inter reliquas uero inauspicatissima fertur incēdiaria & piacularis, propter quam urbs sæpe lustrata fuit. quæ autem hæc fuerit, maximæ quæstionis est. Coruus quoque inter aues inauspicata est garrulitatis: pessimam uero coruorum significationem, maximè quum glutinū uocem uelut strangulati, Plinius notauit: si uerò ab ortu clara uoce occinuerint, præsentem felicitatem: contrā uerò, ab occasu exitium apportāt. Coruos tamen pullos deuorasse, reliquiasque in nidum detulisse, dissidium inter Syllam & Marium, quo plurimo sanguine pugnatum est, designauit. Coruos quoque aurum corrosisse, uelut dirum malique portenti procuratum fuit. Eadem quoque aues inuolantes obstrepentesque, Alexandro Babyloniam ingressuro, & Ciceroni imminens periculum extremasque ærumnas præmonstrarunt. A dextra tamen coruus, & à sinistra cornix uel picus, spem non ambiguam & ratum auspicium fecere. Maximè uero abominatus est bubo, tristis & diris auis, uoce funesta & gemitu, qui formidolosa, dirasque necessitates & magnas moles instare portendit: ipsum tamen cantu & stridore querulo, dirum facere auspicium putant. tacēs, non semper malus fuit: quippe bubonis aspectus, Agrippæ captiuo Iudæorum regnum portendisse fertur. Noctua quoque non semper infortunia facit: nanque uolans, insignem de hoste uictoriam quandoque apportauit. Apud Athenienses enim, noctuæ uolatus uictoriæ semper fecit auspicium.

Si tamen sereno canit, tempestatem: tempestate uero si occinuerit, serenum nunciare fertur. Eadem uero in hasta regis Pyrrhi insidens contra Argos euntis, fatum illi & discrimen extremum prædixit. Apes quoque suo examine dira ostenta sæpe & triste auspicium fecere, sicut ante pugnam Pharsalicam in ara insidentes: & in nauibus conspecta, dum per aquora ferrentur, Dioni & Pompeio Magno cladem perniciosam, & calamitosos casus prænotarunt. Et quum in castris Bruti examen conspiceretur, mutari castra haruspices iusserunt, ne quid diri portenderent. Nonnunquam felici euentu, sicut quum in castris Drusi uia dependente insedere, quo tempore ad Arbalonem prosperimè pugnatum fuit. Ipsas uero apicem arboris insedissee, oppugnationis futurae & teterrimi belli afferre signa, multi adnotarunt: quæ uero apes in ora infantis Platonis aduolarunt, haud dubiam spem eius magnitudinis attulerunt. Aliter uespærum examen: nam calamitosum auspicium facere probatum est. Aues autem omnium generum circumuolasse, felicitatem magnæ fortunæ, diademaque regium mox futurum Gordio ostenderunt. Ferunt in Alexandria descriptione, cum ob gypsi inopiam mœnia farina frumenti designarentur, aues omnis generis illam depascentes, omen fecisse, horreum uicinis gentibus quandoque futuram. Ex tripudijs uero esse auguria, ueteres fabulati sunt: ut si pulli non addixissent, uel si uitululus è sacrificantium manibus proripuisset, aut hostia profugisset, uel percussa mugitum dedisset, uel si inter sacrificandum aliquid triste oculis aut auribus occurrisset, seu in extis caput iccineris defuisset, quæ omnia fœdi

euen-



euentus esse, nemo dubitauit. Flaminio sacrificanti, uitulus qui multos cruore inspersit, omen magni terroris fecit. Vel quum pulli è cauea addicerent & pascerentur, ita quod tripudium facerēt solistimum, quæ secundissima traduntur auspicia: nam pascentes aues uidere, felicitatem portendere multi censuerunt. Lydi, Persæ, Iberi & Thraces, non ex auibus, sed maxima auguria ex uino obseruarunt: Nam uinum effundere, aut uestes uino inquinare, felicis haud dubie fortunæ signa esse, augurati sunt: idque attestante Homero, qui Vlysse discedente, & bona uerba precante, Alcinoi uxorem humi facit uinum fundere, uelut preces ratas dijs habituris. Germani ex hinnitu & fremitu equorum, monitus futurorum prædici putant, quos nullo opere contactos, candidi coloris plurimos educebant. In Cappadocia ex myrrhcinis uirgis, in Scythia ex salignis humi constratis: alij ex uibrata salitione oculi, quod augurium palmicum: in Lycia ex piscibus, quos ichthyomantes uocant: atque Enaries Androgeni ex tilia fronde uaticinantur: Nasamones uerò ex somnijs ad sepulchra defunctorum. Fuitque apud Byzantios receptus mos, ut scombrorum regem uidere, qui inter conchylia est miri aspectus, aut iunctum iumentum stercus emittere, fortunatissimos euentus faciat: quæ singula augurum disciplinis latius tradita & præcepta sunt. Ex quadrupedibus autem fuere, quæ pedestria dicuntur auguria: ut quæ à lupo, serpente, equo, uulpe, cæterisque reptilibus fiunt. Lupum, si ad dextram commearit pleno ore, magnæ & prosperæ rei augurium facere, & nullum præstantius esse opinantur: contra, lupos in Capitolio uisos, prodigiū loco est

habitum, cuius causa lustratum Capitolium quandoque uidemus. Lupi quoque castra introisse, & lacertis obuijs intactum abiisse, exitium & cladem portendisse euentus docuit, toto postea exercitu ingenti clade affecto. Rursus, quum cerua à lupo fugata, inter duas acies euasisset illaesa, insignem uictoriam Romanis dedit. Lupos quoque in foro uisos, incolumes euasisse, armis opprimi patriam, & magna rerum momenta designauit. Quum in Libyam colonia duceretur, lupos metas quibus agger designabatur, mordicus dissipasse, uelut diri euentus, effecit quo minus deduceretur. Non sic Sănitibus deducētibus coloniam, quo duce auspiciatam deduxere, quare Hirpini dicti. Fuitque animaduersum, lupum subnigrum obuiam factum, grande discrimen asferre. Iuuenca si annicula; aut mula si gemellos peperit, ostentum dirum, pestemque denunciat. Sicut leonis aspectus famosus fuit & inglorius, itineraque infesta facere creditus: nanque hostium pugnam saepe portenderunt: capra uerò, salutaris. hæ enim Carano eximie felicitatis duces fuerunt. Asinum leonem occidisse, omen magni terroris fecisse, necemque Alexandro portendisse, literis mandatum est. Serpentem per impluium decidisse, aut inter commeātium interrupisse illasum, uel fatam uulpem obuiam habuisse, aut canem alienas ædes introisse, formidolosos casus & insignem calamitatem facere, periti adnotarunt. Serpentem quoque extis solennibus depastum, diri ominis & extremi exitij loco est habitum. Contrà, Syllæ inter sacrificandum serpens uisus & elapsus, felicem uictoriam dedit. Suburbana uero colubris plena, equosque illis depastos, Cræso Lydo-

Lydorum regi ab externis regnum subigi portenderunt. Mures quum candidi sunt, latum auspicium faciunt, licet illorum occentu dirimi auspicia dicantur: nanque occentus foricis auditus, Fabio Maximo ditaturam, & C. Flaminio magisterium equitum deponendi causam dedit. mures quoque in Argilla fundamentis apparuisse pugnantes, ciues præferoces & militares, haud dubio argumento præsignauit: ea enim urbs ad Strymonem bonis auspicijs cõdita, à muribus dicta est: sicut Coronæ ciuitas in Peleponeso ad Pamisi flumen, quòd cornix anea in fundamentis apparuit, felix nomen tulit. Si quid tamen mures arroserint, tristitia semper & dira portederunt. Carboni imperatori corrosis fascijs, quibus in calceatu utebatur, exitium prædixerunt: aurumq; & clypeos corrosisse, Marsicum portendere bellum. Lepus quoque occurrens in uia, infortunatum iter præsagit & ominosum: idem uulpes fœta, & canis prægnas: mustela quoque sicut picus, à sinistra ueniens, infausti ominis est. Feruntque arietem in solito colore natum, miram felicitatem prænotasse. Ex diris sunt offensiones pedum, uoces exaudita, res oblata oculis, & alia id genus, ex quibus certa captantur auspicia: lumen offendisse, laciniam adhæsisse, uel prolapsum occidisse, obscœnum ostetum esse, uulgo receptum est. C. Flaminius quo tempore ad Trasimenū oppressus interijt, quum in equum insiluisset, equo prolapsus, repēte corruit, diro & fœdo euentu, quo ad internecionem crudelem in modum cæsus, occubuit. Neroni Casari Alexandriam profecturo lacinia adhæsit. Diuus uero Augustus læuum sibi calceum præpostere indurum animaduertit,

*suēs comesse factus, inter prodigia minime reputari: si-  
quidem id frequens, neque propterea ominosum fuisse,  
assiduis exemplis probatum est.*

*Quid senserit Hieronymus Porcarius de iniquo iudice, qui-  
busque modis litigantes frustretur & deludat.*

Caput XIIII.

**HIERONYMVS** Porcarius, diuini humani-  
que iuris sciēs, homo liberi animi & acris ingenij fuit:  
præterque uberem facundiam, mira in eo eruditio, &  
in maledicendo libertas, admisto sale: erat enim acri  
iudicio, & ad irridendum contentiosus & audax,  
non infacetus, ita ut iocis urbanis unumquenque car-  
peret, & ad uiuum usque lacefferet. Is in concessu no-  
bilium, dum apud eum pro familiari consuetudine di-  
uerterem, dicere solebat, quatuor modis iudicia eludi,  
ueterum scitis traditum esse: odio, gratia, precio, aut ti-  
more: præter quæ nihil esse quod iudicum animos fle-  
ctat à uero, literis mandatum dicebat. Sed tamen, si  
quis improbum aut perniciosum iudicem nactus fue-  
rit, qui iudicio & legibus abuti uelit, innumeris fere  
modis iudicia eludi & prauaricari solere, contra ius  
fasque. Quibus uero modis id fieret, memoriter ipse  
& expedite differebat: neque enim solum iniquus in-  
dex, inquit, qui alteri parti pronior est, longis inter-  
uallis differendo iudicium, clientem pro quo ius stare  
uidet, frustratur & decipit, ita ut longa mora fatiga-  
tus, iudicium relinquere cogatur, aut donec alius in-  
structior fiat, expectet, ut alter interim dolo uictus  
occumbat: sed etiam quum non ex fide bona acta pro-  
ponit & refert, quum quæ unius partis causam agūt,  
diligēter enunciat: quæ uerò cōtrā, suppressit & tacet



bonū ius partis eludi atq; obteri dicebat. Quinetiam multos uidisse asserebat, qui illum cum quo lis est, cui plus nimio fauet, quo pacto aduersarij telis se opponat instruere non uerentur, quum quid in re quaque cōsiliū capiendum sit, alteri parti enūcient, ita ut ille paratior factus, bonum alterius ius euertat, & conuincat: quum alterius neque uoces animis, nec querelas auribus admittāt: & quum miser ille timidus imprudens-que rerum, iudicis fidem implorando, frustra ipsius aures fatigauerit: iudex interim seuerus & uehemens loquenti obstrepat, eumq; uel difficulter admittat, aut impotenti ore obiurget: uel si admittit ægre & perinuitus, dissimulato sermone uultuque, cum tadio admittere cogatur. Quorum quidem nequitia & animi ad fallendū destinati, nulla maiora (inquit) argumenta sunt, quam quum reconditus ille sensus, & abstrusus animus, quam labem misero illi afferat, non facile dignoscatur. Quinetiam persæpe euenire dicebat, ut malus iudex, ut illum improuidum ad insidias ducat, & uana spe ludificetur, se dubitare in quo nihil uerendum sit, asseueret: si quid autem in causa disceptationem anceps dubiūmue fiat, illud dissimulanter omitterat: ut quum maximè uicisse te credas, tūc tibi præcipue subeundum periculum sit. Nonnūquam euenire, ut quum diutius litigātem frustrari nequeat, precibus seu querelis fatigatus, causam in iudicio se producturum prædicet, aliorumq; iudicium exploret uota, non ut causam æquo iudicio terminet, sed ut quo pacto inuadat ius alterius, solerter inquirat: illorumque uotis in illius miseri perniciem exploratis, sine religione & fide ipsum perditum eat. Si uero non dubiam spem

uictō-

uictoria uiderit, iudiciorum & litium mora ita rem  
 producat, ut quum finire nutu omnem disceptatio-  
 nem ualeat, neutro inclinatis sententijs, suspensa o-  
 mnia infectaque relinquat: Deumque ille contestans  
 & hominum fidem, si quidem, quem appeller, quem  
 obtestetur, quem imploret, nullum habet, diuturna  
 expectatione & ampliore sumptu uexatus, de suo  
 iure tandem decedere cogatur: quo facilius dici asti-  
 marique nihil potuit. Atque utinam non his artibus  
 facillime uexatos, nec quotidianis damnis tenore u-  
 no opprimi miseros uideremus. Postremo morem pes-  
 sumo exemplo inualuisse dicebat, ut iudices non iure  
 nec iudicio, sed per factionem & gratiam, aut libidi-  
 nem, perque inuidiam iudiciorum uota conferant, illie  
 praesertim, ubi in orbem super iure cōtrouerso senten-  
 tia explorantur. In qua quidem re, tanto certamine  
 hinc inde exardescūt studia, ut maledictus inter se &  
 conuicijs, & plerunque manibus uix temperent, tan-  
 taque iudiciorum turpitudine fiat, ut nec iudicio, nec di-  
 sceptione, sed libidine, perque omnes cupiditates suf-  
 fragentur, studiumque & gratiam aliquorum potius,  
 quam uera iudicia inquirant. Ac mille modos referebat,  
 quibus iniquus iudex, non iudicis, sed impuri latronis  
 modo, uelut officina nequitiae, per auaritiam & sor-  
 des bonum alterius ius inuadat, uanaque iudicia pre-  
 cio aut gratia nundinetur. qui quidem non legum pe-  
 riti, sed euersores potius humani iuris dicendi sunt.  
 Recte igitur Isocrates nunquam effici existimauit pos-  
 se, ut hi qui male instituti, aut moribus prauis & inci-  
 uilibus sunt, iustitiam assequantur. Denique, nihil malo  
 iudice peius, aduersus quem nec imperia magistratum

scilicet ita opibus se iuuarent, & alter alteri præsidio  
 esset, quemadmodum muli inuicem se conficâtes sca-  
 bunt. Contrâ uero, quum aliquis nihil proficit, & fru-  
 stra operando fatigatur, ingenti periculo, fructu nullo,  
 oleum simul & operam perdere aiebant. Sicut Græ-  
 cum adagium fuit, ὄντ' ὡς ἄσιν (ἡτᾶς, hoc est, a fini uellera  
 quæris, quasi ad id operam daret, ubi laborando nihil  
 proficeret. cui affine est, φάλακρον τίλλας, hoc est, caluum  
 uellis. Et quum quis laceßit ad pugnam, mox linquitur  
 animo, ut cominus congredi non audeat, cantherium  
 in fossa dixere: sunt enim cantherij, equi testiculis de-  
 sectis, & exectis genitalibus: qui quum semine ca-  
 reant, languidiores & degeneres sunt. quare Scythiis  
 & Sarmatis peculiare est, equos præferoces eunuchos  
 facere, quo mollitis animis, mitiores fiant. Græco quo-  
 que prouerbio increbruit, ut quum aliqua ita essent  
 dissociata, ut non facile conuentura putarentur, nihil  
 esse cum fidibus graculo, uel cum amaracino sui, dice-  
 rent. Fuisse enim amaracinum fragrantissimi odoris  
 unguentum, ex amaraco dilutum, autores memorant.  
 Ad hunc sensum, in lente unguentum: cui proximè ac-  
 cedit, ὄντ' ὡς τοῦ ἀυλὸν, hoc est, a sinu ad tibiam, et ὄντ'  
 λῦγας. Et quum quis diuersus agitur, & ita dubius a-  
 nimi fluctuatur, ut nec abnuere, nec polliceri audeat,  
 & in quauis partem declinet, præsens damnum aut  
 exitium uideat, se inter sacrum & saxum positum,  
 uulgo iactitât: deductum ab eo, qui in fœdere ineun-  
 do porcam saxo ferit: sicut Græcum est adagium, Διο-  
 μέδῃ τὰ ἀνὰ γὰρ, quòd scilicet ita astrictus maneat, uelut  
 apud Diomedem hospites, quorum uisceribus equas  
 depauisse dicitur. In eum uerò, quem diuersa trahunt

cura, & incertus nutat, ut nunc in unam, nunc in alteram inclinet sententiam, Εὐμεταβολώτερος κορόννης, id est, mutabilior cothurno, sermo percrebruit: cothurni enim calceamenti genus esse quatuor angulorum, fabrefactum ita: ut utrique pedi, & uiris ac mulieribus aptetur commodè, perspicue constat. Rursus, si quid certum & destinatum esset, nec uana expectatione ferrentur, hoc re ad Sagram gesta certius esse: contra uero, quum irrita caderent promissa, & uana spe ducerentur, se auribus lupum tenere dicebant. Huc pertinet, quod quotidiano fertur adagio, inter os & offam multa incidere, quum aliquid discriminis in re certa & ferè explorata futurum timemus. Sicut græco fuit adagio usurpatum, Πολλὰ μεταξύ πίδα καλίκου, & χέλιν & ἄκρῃ, id est, Multa cadunt inter calicem, supremaque labra. Quòd autem est de Sagra dictum, inde fluxit adagium, quòd quum decem Locrorum millia, ad Sagram insperata uictoria potiti essent, aduersus Crotoniatarum cētum & uiginti millia, idque uix credibile uideretur, postea certis autoribus re compta, in prouerbiū cēsit, ut quum quid certo certius significarent, re ad Sagram gesta nihil certius dicerent. Cumque ingenti animi solitudine premitur quispiam, resque ita in angusto sunt, ut trepidum diffidentemque animum gerat, omnisque moles negotiorum uno in loco inclinatura uideatur, hic, Mihi aqua hæret, dicere solemus: tractum ab eo qui naufragium facit, qui aqua ori admota, penè submergitur. Et quum ex re quapiam totum pendet negocium, ubique tota moles periculi imminet, hic mihi prora & puppis est, uulgatus sermo fuit. Contra uero, quum  
exone-



exoneratum animum curis, discussa solitudine gerimus, ut bona spe impleamur, securos in utranque aurem dormire pollicemur. Sicut rem saluam dicimus, saltante sene, tractum ab eo, quod quum Circenses Romæ fierent, & turbatis ludis aduentu Hannibalis, in omen magni terroris receptum esset, postea reuersi, quum saltantem in circo senem inuenissent, rem saluam dixerunt. Clitellas quoque boui admotas, quum munus uiro inertii collatum uiderent. Quique de rebus quarum nescius est, diiudicat, sutorem supra crepidas iudicare dicunt. Nouo quoque genere prouerbi in usu uenit, ut qui tam ad imperandum, quàm parendum iuxta paratus foret, quique non se-gniter mandata exequitur, mulus Marianus diceretur. nanque Marius quæcunque militibus mandauit onera, ipse inter infimos obiuit in primis. Quanus furculas quibus sarcinas uiatores gerunt, quas Marius primus commentus fuit, mulos Marianos alij dictos uelint. Quotiesque uictoria sine labore quæ-sita foret alicui, ἀνοὐτὶ uicisse: contra uero, ubi multo negotio uictoria potiretur quispiam, νοὐτὶ uicisse dicimus: quum enim puluere aspersus athleta esset, νοὐτὶ uicisse dicebatur: solere enim athletas & multarum palmarum pugiles, ad uires refouendas puluere luctatorio inspergi, quo fortius dimicent, ferè peruulgatum est, quem ex Nilo præcipuum fuisse uolunt. Pari exemplo quum parum commodi affert uictoria, & haud magno discrimine à uictore uictus abest, Cadmea uictoria dicitur. Apud Græcos uero ἀδάκρυτος λόλῃς, hoc est, bellū sine lachrymis: Latinis autem, laureola in mustaceis. Bullam quoque dicebāt,

si quid haud multo post desitutum cernebant: Est enim in aquis spuma tumens, quæ ex crebra agitatione nascitur, puncto quæ temporis dissoluitur. Quare sermo Diogenis in eos qui ob coronas olympicas lasciuirent gaudio, percrebruit, ut bullas accepisse diceret. Et calcaria sponte currenti addita, si quem sua sponte ad audendum agendum quæ hortamur. Oleum uero in ore gestare, dixerunt, cui loqui inhibitum est, cuique uerbum facere non licet. Contrà, ubi quis lingua immodicus infinitæ licentiæ et audaciæ est, qui moderari linguam nesciat, Byxena temeritas dicebatur: fuit enim Byxenus Neptuni filius, procax nimium et insolens. Et qui ingenio timido et diffidenti scrupulum facit, ubi faciendus minime foret, nodum in sirpo querere dicebant. Si quem uero probum uirum designabant, qui nihil contra honestum moliretur, tutoque eius fidei crederentur omnia, dignum esse cum quo in tenebris micent, asserebant. Qui uero ingenio perspicaci, nulli occasione fraudis patet, ῥῆπον τῷ θυμῷ οὐδ' ἄλ' ἄνθρωπος, hoc est, senex simia non capitur, proverbium fecit. Contrà, si quis improbus ad nocendum paratus uenit, fœnum habere in cornu dictus est: erat enim prius moris, bobus qui cornu peterent, fœni manipulos apponere, quo ad præcauendum homines paratiores forent: quare uerbum Sicinij scurræ fuit in Crassum, ideo conuicijs parcere, quod fœnum habere in cornu uideret. Dicit quoque ius ad assem, quum etiam minima librato examine moderata fuissent, uolueret: et qui se uictum fatebatur, herbam do, prouerbio iactabatur: quippe supplices et qui pacem petunt, olea ramos uel ameta supplicum, aut gramen cum terra euulsum,

sum, uictori offerebāt: uel barbarico more sertis coronati occurrebant, quasi illos quibus porrigerent, ducerent meliores. Mittere autem noctuas Athenas, I<sup>us aduocatus</sup> uetus adagium fuit, quum ea quæ illi supersunt, alicui damus: quum enim Athenis noctuæ affatim exuberent, qui illuc noctuas mitteret, nimirum ad ea loca merces ferret, ubi illa redundarēt. Et cū quis nescire simulat quæ percallet, Cretes nescire pelagus uulgo dicitur: ex illo traditū, quod nemo Cretensis nauiculariam, & pelagi commercia nesciret. Quinetiam ex locis plura fluxere proueria. Nā si qui opibus claros & præpotentes flocci faciūt, illis ne decimam quidem Syracusanorum esse: & quum loca & salubrem aërem celebrant, Crotone salubriora dicunt: scilicet quod Syracusas ditissimas, sicut Orchomenon in Bæotia, & Crotone, composita aëris temperie saluberrimam ferunt. Etiam à personis plura adagia fluxerūt: nam & Zenone continentior, & Catone constantior, & Aristide iustior, crebro usurpatum est. Eò pertinet, non esse hominis cuiusque Corinthum petere, quod præceptum in luxuriam ciuitas, ibiq; illecebræ libidinum forent, quæ magno parabātur. Tum si quem affectum & negotiis inutilem ducebant, in quo nihil adiuuēti, nihil consilij foret, eum de ponte deiici oportere monebant: siquidē grandæuos atate ad suffragia, quæ comitijs dabantur, non admittebant. Quum uerò uehementer laboratur, fortunæque in extremo sunt, ita ut nulla daretur spes melior, rem ad triarios uenisse, in prouerbiū uenit: quū enim triarij in ultimo essent præsidio, ultra quos nihil opis sperabatur, quum abscissa omni spe, ad ultimum uentum esset, rem ad triarios uenisse dicebant. Si quid

autem tarde cogitatum, aut salubre cōsiliū serò expensum fuisset, serò Phryges sapere sermo fuit, quod à Græcis fluxisse autumant: nam quum decimo exacto anno, post magnas clades Troiani Helenam, simul & iure belli quæsitā, Græcis restituenda censerent, serò Phryges sapere, prouerbium deductum est. Et qui in re quapiam parum sapere uisus, damnum patitur, qui sibi sapiens prodesse nequit, nequicquam sapere dicitur: ad quam sententiam accedit Euripidis uersus, *μὴ σοφὸν ὅς οἱ αὐτὸς σοφὸς*, hoc est, odi sapientem, qui sibi sapiens non est. Et qui astu & dolis nimium ualeat, Corycæus nuncupatur, ex eo deductum, quod ex Coryco latrones prædæ assueti, audacis ingenij & summa solertia forent. In eos quoque qui præferunt lætitiā, quum intus angantur curis, quiq; blanditijs uelant odium, risus sardonius dicitur: quod in Sardinia apiastro similis herba nascatur, cuius esus deducto ore uelut ridentes homines mortem oppetere cogit. Si quis uerò obrutus malis, cum fortuna fluctuatur, ut nihil sibi prospere cedat, illum equum habere Seianum, aut aurum Tholosanum asseuerant: quod scilicet ita excidio & continuis cladibus premitur, ut qui aurum Tholosanum habuere, aut Seiani equum: sicut de segmentis Helenæ, & Eriphyles aut Hermionæ monili autores tradunt, quorum participes, ærumnarum continua mole oppressi, in extremum uenere discrimen: sicut de Agaue, Iocasta, Semele, Argia & Eriphyle apparet. quod & Græcis quoq; uice prouerbij fuit, *καὶ τὸ ἀνὰ τὸν ἄλκων, ὡς τὴν κακίαν ῥιπὴν*, mala ad se trahēs, ut Cæcias nubes. Id etiam apud Eleos in prouerbium cecidit, ut in eum qui continuis premitur malis, grauiora Sambico pati



pati dicerent. Quum uerò quispiam iniqua contentione uictus, ulterius damno premitur, Opprobrium uictis, adagium erat: quod à Brenno, quum se Romani auro redimerent, sumptum memorant. Tritum quoque prouerbum fuit, lucundi acti labores, quum bene nauatam à nobis operam, suauis memoria repetimus. Et quum inter loquendum medio affatu is superuenit, de quo sermo fit, lupum in fabula, qui minimè nos loqui sinat, esse dixerunt: nam ferè constat, quem prior lupus uiderit, proloqui nequisse. Cumque fraus animo agitata, à bono honestoque in prauum transit, atque in auctoris redit perniciem, Malum consilium consultori pessimum, in adagium uenit. Ac mille modis euulgata prouerbia fuere, quotidiano sermone usurpata, quæ recèsere superna cux disputationis foret. Quare ne exequar singula, quum non sit animus ea consuetari quæ ab alijs uberius explicata sunt & latius, de his hætenus dixisse satis habeam. Illud utique antiqui moris erat, quòd quum alicui precabantur bene, ut quicquid fuisset cupitum eueniret, ne quid diri aut infauisti successum læderet, pollicem premere iubebāt. Quotiesque in propinqua spe futuri boni, ueniam à djs petimus, in sinu despuere solemus, uelut ratas preces djs habituris. Cumque in sermone quotidiano quispiam male audisset, aut uerbo uocæue offensus foret, dicto ueniam poscere: in aduersis uerò enūciatis, meliora ominari, atque inuidiam uerbo abesse iubebāt. In mentione defunctorum, illorum memoriam non sollicitari; in sordidus & obscænis dictis, honorem auribus seruare, & præsari honestatem, ueteres consueſſe, memoria & literis proditum est.

Qui primus legem theatralem Romæ tulerit, & quot leges  
plebem ab optimatibus postea distinxerint.

Caput XVI.

INTER eos qui à prima origine spectacula Romæ  
ediderūt, Tarquinius Priscus opulentius instructiſſis q̃;  
quàm aliquis regum ludos feciſſe dicitur. Is enim in lu-  
dorum apparatu, cultu & magnificentia omnes ante-  
ceſſit: ab ipſo enim circus Maximus ſpectaculis deſi-  
gnatus locus fuit, q̃ poſtea ædificiorū magnitudine, et  
aulico apparatu præcipuus ſemp exhibendis ludis eſt ha-  
bitus, in quo munera ingenti apparatu mox exhibita  
fuere, diuiſis locis plebi per ſingulas curias. Cumq̃; in-  
tercedētibus annis, patribus equitibusq̃; ac plebi Ro-  
mæ cōfuſa loca fuiſſēt, ubi ſpectarēt, Corn. Scipione  
& T. Sēpronio cōſulibus, ludis Romanis per ædiles cu-  
rules diſcreta loca ſenatoria à populo fuere: utq̃; ſuis  
cuiq̃; honos ſeruaretur, lege cautū fuit, ut optimatibus  
ſubſellia proxima darētur. Quo tēpore præcipua loca  
orchestra ſenatoribus data ſunt, ubi in ſcena ſaltaba-  
tur, & chorus inducebatur: podiū imperatori & con-  
ſulibus, proſcēnia & pulpita optimatibus, nonnun-  
quam principi: ſiquidem Nero è proſcēnio ſape ſpecta-  
uit, aliquando è puluinari, quod in prima fronte thea-  
tri, ſpectaculorum locus erat. Fertur tamen Auguſtus  
Caſar, legatos ſociarum fœderatarumq̃; gentium, in  
orchestra conſidere uetiſſe, quum quosdam libertini  
generis illic ſpectare deprehendiſſet. Poſt aliquot uerò  
atates, ut imperator unā cum ſacerdotibus in ſella im-  
peratoria ludis præſideret, conſuetudo inualuit. Quæ  
quidem ſcēna in fronte theatri ab uno cornu ad alterū  
porrigebatur uerſatilis, plerunque ductilis, multis co-  
luminis

lumnis & epistylis fulta: quæ primo parietem non habuit, sed frondibus obumbrabatur: postea tabulis pictis in parietis morem componi capta, quæ spectaculorum sedes præcipuæ inde habitæ. ea enim triplicis generis erat: nanque tragica columnis & deorum signis exornabatur, quibus & tabulis pictis, partim ab amicis, partim à Græcia commodatis, utebantur: comica, ædificiorum figuram præfert: satyrica uerò, montibus inumbratur & syluis. In ea enim histriônû sedes erant, qui ad edendas in scena operas locabantur. in orchestra autem, chori: reliqua uerò loca popularia fuere, in quibus omnis sexus & ætas, atque infimus ordo sine discrimine spectabat: qui uerò à sedibus exclusi fuerant, excuneati dicti. Græci uerò præter hæc buleticum construxere in theatro, ubi seniores, sicut ephæbicum, ubi iuuenes spectarent. Ante hanc uerò legem, per annos quingentos sexaginta à condita urbe, populus unà cum patribus promiscua iniquitate spectauit. Postea uerò P. Aphricanus superior quum consul esset cum T. Longo, ludis Romanis plurima senatorum subsellia à populari confessu separari iussit. Et quum eo discrimine aliorum studiû, aliorû indignatio esset, præbuisse eius rei nouitas non mediocrem plebi sermonem dicitur, adeò ut ipsum Aphricanum, quòd eius rei autor fuisset, poenituisse ferant: gratiamque ingentem apud ordinem senatorium ædiles pepererunt, qui sanxerunt, ut gradus dignitatisque cuiusque & fortunæ discrimen foret. mansitq; aliquandiu lex seruata: usq; didicere, multo præstabilius esse, seruato gradu cuiusq; quàm in colluuiione omnium spectaculis interesse. Proditum tamen memoriæ est, tempore quo promiscuus spe-

Et aculorum usus erat, nunquā plebeium præ modestiā  
 & uerecundia, ante uirum senatorium aut cōsularem  
 spectare sustinuisse. Cumq; post aliquot tempora, plebs  
 cum patribus confusis ordinibus nihilominus specta-  
 ret, Sex. Aelius Patus & L. Cornelius Cethegus cen-  
 sores, ne turba patribus misceretur, quum tantum ho-  
 minum cōflueret in theatrū, alio edicto statuere: quod  
 non sine indignatione plebis factum memorant, quæ se  
 despectui haberi, & contemptam esse arbitrata est:  
 tametsi Aelium Patum in censura collegā prioris Sci-  
 pionis fuisse nonnulli tradant. Rursus quum haud lon-  
 go post intervallo, constitutione abrogata, senatus &  
 populus solutissimo more spectaret, Atilius Serranus  
 & L. Scribonius Libo ædiles curules, scenicis ludis &  
 Romanis, ut diuisa loca plebeiorum à patribus essent,  
 populusque discretus à senatoribus spectaret, quarta  
 promulgata lege, statuere: spectareque aliquandiu,  
 donec lege Iulia theatriali & Roscia, ut in quatuorde-  
 cim ordinibus & subsellijs proximioribus senatores  
 atq; equites spectarent, semota plebe, optimatibus da-  
 ta facultas fuit. Quorum numerū à D. Iulio adeò ex-  
 cretum fuisse constat, ut XIII. ordines, & proxima  
 subsellia, solis senatoribus non sufficerent: adeò ut La-  
 berius Mimus inter equites sedere iussus, præ angustia  
 recipi uix potuerit. Quod & Syllæ temporibus iterū  
 confusum fuisse crediderim: nam gladiatorum munus  
 dedit, uiris æquē & mulieribus, locis p̄miscuis & in-  
 distinctis, in magna licentia spectandi, & sine ullo di-  
 scrimine honorum. Cautum deinde lege Othonis fuit,  
 quam tribunus tulit, ut magis fortunarū & pecuniæ,  
 quàm generis aut honorū ratio haberetur: & nō modo  
 patri-



patritijs aut equestris ordinis, & senatorijs uiris, sed summis honoribus functis, quibus quadringentorū sestertiorum ipsi, patri, auoq; census nō fuisset, spectandi in XIII. subsellijs ius non esset: eaq; loca honoris causa diuitibus solum constituta fuere. Quippe tenues et sordida inopia uiros, quanuis claros illustresque, quibus quinquaginta sestertiorū non esset census, mixtim cum ditioribus in XIII. sedere, minime decere arbitratum est. Tantaq; diuitiarum ratio fuit, ut duo primi ordines, tribunitijs & plebeijs ditioribus, exclusis patritijs, uacarent: idque non sine graui offensione nobilitatis. Quæ quidē subsellia ita compta habuere, ut crocum & uinum per singulos cuneos spargerēt, illosque præcipuis odoribus diluerent, ac picturis exornarent, nonnunquam minio & chrysocola arenam circi sternerent, ita ut Hadrianus balsama & crocum per gradus theatri strauisse feratur. Primusque Clodius Pulcher fuisse traditur, qui scenam uarijs picturis signisq; & tabulis ornauit: Trebonius auro, alij argento, pleriq; ebore. Q. Catullus uelis carbasinis theatrū textit, Lentulus spinter byssino uelo: Nero Cæsar auri ramēta pro arena strauit, & uela stellata colore cali posuit, totumq; Pompeij theatrum in unū diem auro operuit. C. uerò Antonius & Muræna scenam fecere argenteā. Cæius etiam princeps pegma ex argēto duxit. Nonnunquam qui ludos dabant, ne populo sol officeret, aulea suspēdebant: plerunq; supparo usi sunt, quod posterior ætas pro auleis accepit, quæ nō modo in theatro, sed in cubiculis fere singulis habuere, ut si quid pulueris caderet, exciperetur: proditumque memoriæ est, Cn. Pompeium, ne populo æstus officeret, etiam aque

decursum per subsellia duxisse: mox D. Casarē in adilitate omni scenæ apparatus argēteo usum esse: qui etiā in munere gladiatorio, forum Romanum & uiam sacram in cliuum usque Capitolinum, linteis cōtexit. Apud Lacedæmonios uerò in omni commissione ludorū, regum erant loca præcipua, quibus ut inter spectandū cuique liceret inniti, priuilegium datum est. Athenis si peregrinus publicis ludis in theatro saltaret, mille drachmis pœna mulctabatur. Quæ etiam Othonis lege decoctoribus, qui fortuna naufragio, non suo uitio decoxissent, certus in theatro locus constitutus erat: sicut uiatoribus tribunitijs, ut eorum quoque uera & salubris ratio haberetur. His quoque qui artem ludicram exercuissent, ne in XIII. sederent, eadem lege cauebatur. Qui uerò quæstum sui corporis fecissent, quique uilitate & gula aut luxuria se auctorassent, uel ære obligassent, à theatro arcebantur penitus. Quod Athenis quoque statutum ferunt, ut qui multis flagitijs dedecoratus, aut nota turpitudinis nefariæ insignis foret, à suggestis & ludis arceretur: idque adeo procaciter seruatum est. ut præfecti subselliorum per cuneos dispositi, è subsellijs, in quibus immeriti sedebant, quibus equester non fuisset census, ui spectatores deijcerent. C. tamen Gracchum accepimus, cum animaduertisset cōtra instituta maiorum, passim patritijs & plebeijs loca spectaculorū mercede locari nullo delectu, accitis operarijs & fabris, illa fuisse demolitum. Solitosque Romanos principes, ob multa in remp. merita, Massiliensibus, exterarumque gentium legatis ab ultimis oris, locum inter senatores spectandi pro insigni munere largiri: in quo præditur memoriæ de Germanis  
lepidè

lepidè factum: qui cùm alios de Romanis benemeritos in senatorum subsellijs spectassent, ne inferiores officio uiderentur, ipsos nō admissos, sua sponte subsellia adisse & unà consedissee. Contrà uerò, L. Flaminium Q. fratrem, quum senatu motus, in commissione ludorum humilis & despectus extrema in parte sederet, populus uniuersus ob fratris egregia facinora reuocauit, & inter consularia subsellia admisit. Iidē tamen Massilienses tam seueræ disciplina fuere, ut nullum aditū iuuentuti in scenam uel theatrum darēt, quod essent morum corruptela, ne per obscenos motus iuuenes impudicitia lasciurēt. Augustus uerò Caesar milites atq; equites ita discreuit à populo, ut eos qui bellis ciuilibus attrito patrimonio, equestrem censum non haberēt, si tamen ipsis aut parentibus antea fuisset, in quatuordecim spectare permetteret, edicto legis non obstante: qui etiam cuneū suum prætextatis & pædagogis assignauit: fæminas quoq; quæ p̄miscuē antea assuerant, non nisi ex superiore loco spectare iussit, adeo ut summa theatri deinceps solis matronis paterent: licet ab athletarum spectaculis noua constitutione omnem muliebrem sexum postea abdicaret. Virginibus uerò Vestalibus cōtra prætoris tribunal locum dedit. Vtq; senatoribus quoties quid spectandum publicè ederetur, primus subselliorum ordo uacaret, cauit edicto. Mox Tyberius spectatium immodestiam exilio mulctauit: & quum confusis nihilominus ordinibus, & sine discrimine personarū spectarent, Cl. Caesar senatoribus loca restituit. Nero uerò equitum subsellia sedibus plebeiorum, & incondita turbæ præposuit, ne equester ordo à plebe uulgari, & sordidis hominibus indistinctus fo-

ret. Quod & Domitianus sequutis temporibus, renouata lege theatri, penè oblitterata, iterum fecisse dicitur. Alexander autem Macedo militibus qui secū militiam meruissent, post emerita stipendia, priores sedes in theatro, utque coronati spectarent, pro munere largitus fuit. Eratque constitutum Caesarum temporibus, ut statio cohortis ludis assideret, ut theatralem licentiā cohiberent: & si quid turbarum aut maioris tumultus ingrueret, præsto forent. Quam Nero Caesar dimouit, quo maior species libertatis foret, & plebs modestiæ experimentum sua sponte daret. Illud sine controversia conuenit, adeò post temporum curricula degenerasse Romanos, & census æstimatione ferri solutos, ut non solum ad implendas equitis facultates, non minus millibus quadringentis opus esse ducerent, sed ad decurionatum nullos, nisi quibus centum milliū nummum census fuisset, promouendos curarent. Qui quidem decurionatus, & domi & foris magistratus præcipuus fuit. Nanque erat decurio cubiculariorum, & municipalis: tum ille qui decem equitum turmis præfectus militabat, decurio dictus est. Fuitque Pomponij opinio, eos etiam qui in senatum & concilium publicum adsciti fuerant, cum colonia deducebantur, quasi principes coloniae, quæ pars decima colonorum erat, decurionum numero censeri.

Quid apud Scæolam iureconsultum sit hierosarchus, & quid sit calix diatretus. Caput. XVII.

HESTERNO die inter duos iurisperitos, uesanos an furiosos uero magis nomine censendos, nescio: clamorosa disceptatio, & animosa contentio fuit, quid sibi uellet Scæola de legatis annuis, qui cēsuit, quod si testator



stator ex redditu canaculi & horrei hierosiarcho & libertis qui in templo illo erunt, decem annua reliquisset, nō ipsis modo, sed & successoribus legatum uideri. Quid esset hierosiarchus, ab altero exquirebatur. Cumque nugator ille uultu & uoce immodesta sacellum esse diceret, uel locum diuino cultui destinātū, & pleraque nugalia ex autoritate interpretis effunderet: alter qui nō minus insipiens & delirus erat, quonam modo successor sacello dari posset, edoceri postulabat, cum iureconsultus hominem signare uideatur, non locum. Ille autem cū insolentius & audacius eōdem se uolueret, & iam non disceptatione, sed petulantissimis uerbis uociferarentur, tanto tumultu, ut uix manibus temperarent, tandem cū multum fuissent inuicem debacchati, sedato clamore, & contentione deposita, me qui ad hos tumultus forte inciderā, uelut communem arbitrum appellarunt. Dixi ego falsa illos duci opinione, qui hierosiarchum locum dicerent aut sacellum: sed eum dici conuenire, qui praepositus rebus sacris fuisset, quasi princeps sacrorū, ἱερεὺς, quod est sacrum, καὶ ἀρχεὺς quod princeps, quasi sacrarum rerum & sacerdotij caput, quod pontificis maximī proprium esse conuenit. ἱερεὺς enim sacerdos uocatur, cuius diuinarum rerum cura & procuratio est. Eum Graeci ἀρχιερεὺς dicunt, quod idem planē significat. Quippe qui sacris praesunt ceremonijs, praedictionibusque deorum, multiplici nomine censentur: nanque hierophantas aliquos, alios hierodidascalos, nōnullos hieronomos, plerosque hierophylaces, aut nomophylaces, qui frequentes erant, appellarūt: aut stephephoros qui flaminū, uel oniropolos, qui augurum loco fuere,

Etiam quæsiuere ex me, quis esset calix diatretus ut explicarem, de quo Vlpianum legem Aquiliam interpretatum, mentionem facere aiebant. Dixi ego quantum comminisci potui, diatretum calicem dici (ut Suidas interpretatur) uas torno politum & detornatum, cuius generis frequentia apud ueteres fuisse: tamen si diarectum nonnulli dici putent, quod (autore Festo) per antiphrasin malū diem significat, qui sensus haud dubiè absonus foret atque impertinens. Censuit uerò Vlpianus, quod si calicem diatretum, hoc est, torno ex-politum, artifice reficiendum aut aptandum dederim, si imperitia effractus foret, damni iniuria teneri qui suscepit: si uerò, quod rimas habebat uitiosas, fuerit excusatus, artificem non teneri Aquilia, nisi periculo suo se facturum conuenisset: tunc enim ex locato agi oportere, Aquilia agi non posse:

In quo discretus ordo plebeijs à patritijs fuerit, & in quo patritijs à senatorio, quòd uelut discrimen in uestibus apud diuersas gentes. Caput XVIII.

ROMVLVM urbis autorem in duos ordines populum diuisisse, plebeium scilicet & senatorium, illorumque progeniem patritios seu optimates, exemplo Atheniensium, quos *πατρίδας* uocant, humiliores uerò & inopem uulgum, plebeios nuncupasse: hisque ingenuas artes reliquisse, uidelicet patritijs militiā & magistratus gerere, sacra facere, ius dicere, publica & urbana negotia administrare: plebeijs autem militiā & agrorum curam, pecorisque depascendi, reliquasque ingenuas artes demandasse, satis constat: mercaturam, sordidas pudendasque artes, ut popinariam, & quæ manuales sunt, ad usum mortalitatis, aduenis & his qui recens

recens aduenerant, delegasse: Romanos uerò seruile ministerium & laboriosa negocia exercere noluisse, quibus omnem quæstû sordidû interdixit: nam quæstus omnis patribus indecorus uisus. Quod Theseû in Athenarum institutione, & Hippodamum Milesium in constituendo optimo reipub. statu, aliosque urbium conditores fecisse, ut secreti ciuium ordines, et ingenua officia à seruilibus distincta forent, pleriq; literis adnotarunt: hi enim rempub. in triplicis status, qualitatisue homines diuisere. Ion uerò Athenas in quatuor distinxit ordines: nam ex ciuibus quosdam agricolas, alios opifices designauit, nonnullos sacris, reliquos urbi præfecit. Thespienses autem in duo diuisi sunt genera, opifices & nobilitatem, qui adeò sordidas artes, & omnem quæstum auersati fuere, ut ministerium ali-quod didicisse, uel aruo studuisse, polluere nobilitatem crederent: itaque illorum paupertas maxime insignis fuit. Denique Aegyptij, Græci, Scythæ, Persæ & Lydi, omnes qui artificio incumberent, pro ignobilibus ducebant: qui uerò militiæ, generosos. Scythis quoque & Thracibus, qui in ocio degunt, honestissimi habentur, qui prudentia & autoritate anteibant cæteris. Arabes autem suam politiam trifariam diuisere. ex quibus sacerdotes primi sunt, his addunt artifices: secundum agricolæ, tertium milites tenent locum. Quam institutionem ab Aegyptijs oriundâ, multi in formâ dis urbibus & moribus instituendis sectati fuere. Quibus uerò rebus patritij à plebe secernebantur, pluribus exemplis perspectû est: siquidem patritij & qui nobilitate præstant, quiq; honestè geniti & liberaliter educati erant, bullam in pectore, lunulas in pedibus habebant:

erant enim fibula eburnea corniculantes instar lunæ.  
 Quod à Numa institutū ferunt, ut senatores, eorumq;  
 posterī nigris calceis lunas annexerēt. Ab Arcadibus  
 deductum, ut se profelenos designarent, uelut amplissi-  
 mum testimoniū nobilitatis ferrent: quippe in calceis  
 senatorum lunam adscripsisse, centenū numerum desi-  
 gnauit, quo tunc senatores cōtinebantur. Ea enim bul-  
 la, aurea fuisse traditur, figurā cordis habēs, qua etiam  
 obsignasse dicuntur ueteres: cum plebeū & libertini  
 scorteo loro munirentur: quam quidem pueri ingenui,  
 & illorū qui equo meruissent filij, ad pubertatem usq;  
 unā cum pratexta induebant: illamque exacta pue-  
 ritia, solenni festo Laribus suspendebant: sicut Roma-  
 næ puellæ puellare rudimētum, pupas Veneri Argiux:  
 & maturæ uiro, compositum capillum Palladi. Troë-  
 zenæ uerò puellæ Hippolyto crinē consecrabant. In Si-  
 cyonia quoque iūlias, hoc est, Sanitatis simulachrum  
 fuit, cui uirgines crines refecare, & capillos dicare so-  
 lebāt. Athenienses cū ex ephebis excessissent, primi-  
 tias crinium Delphos deferebant: & cū antiquiores  
 comam circa tempora, aut posteriorem crinem Apolli-  
 ni & fluminibus tonderēt, æuo succedēte Theseus an-  
 teriorem capillum Delphis dedicauit: unde Theseis ton-  
 sura prodita est, cuius exemplo iuuenes cū primū  
 ex ephebis excessissent, anteriorem comam Phæbo &  
 Aesculapio aut Libero obtulere primitias: postea Ro-  
 mani adolēscētes magnā indolis, primæ lanuginis bar-  
 bam dijs consecrare usurparunt. Et quū primo Roma-  
 ni ciues sine tunicis sola toga amicti forēt, postea sub-  
 strictas breuesq; tunicas citra humerū desinētes habue-  
 re. Talarēs uerò et manicatas (quas Græci chirodotas  
 uocant)



uocant) aut disiectas induere, pro flagitio fuit, quod erat barbaris proprium. talaris ferre et manicatas tunicas. Ideo Aemylianus Pauli filius, P. Sulpitio Gallo, quod tunicis manus totas operientibus uteretur: & Cic. Verri, quod cum talari tunica & pallio purpureo incederet, ut probum obiecit. Quæ quidem tunica toga tegebatur, sæpius prætexta. Cato uero senior, cum tunica sine manicis per hyemem incescit: & iunior, nudis pedibus ueste fusca, & sine tunica, sola toga accinctus, ius in foro dixit: idque ex uetere instituto usurparunt, quod Romuli statua & Camilli in Capitolio & Rostris togatæ sine tunicis erant. Aurelianus tamē Cæsar manicatas & albas tunicas ex prouincijs diuersis, congiarium populo dedisse fertur. Fuitque is corporis habitus non munditius cultus, sed uirilis, in quo personæ decor, & multa maiestas inerat: intra tunicā uero interula, quam subuculā dixere, carni proxima, a quæ à uiris et mulieribus nullo discrimine sumebatur: nam postquā binas tunicas Romani habere cœperunt, Varro ait interiorem instituisse uocare subuculam, & inclusiam: prætextam uero, supra tunicā quisque honoratus & nobilis habebat, quā quidem pueri patritij aliquando purpuream induebant. Inde enim prima commendatio ineuntis ætatis, & specimen uirtutis haberi cœptum. Libertinis autem & peregrinis, cum quibus nulla esset necessitudo aut cōiunctio sanguinis, prætextata uti olim non licebat: post aliquot uero tēpora, ut libertinorum filij illa uterentur, usus obtinuit. Quæ quidem purpuram magno honori patritijs fuisse accepimus: erat enim pro maiestate, in pueritia, maximeque patritium ordinem à plebe diuidebat: nanque patritijs

Tyria muricis purpura dabatur, cùm equester ordo et plebeius purpurâ non induerent, cuius usum antiquissimum Plinius notauit. Sequutus inde temporibus, ad tantum fastigium deuenit, ut Catoni Uticensi ludos in ueste purpurea spectandi facultas à senatu, pro summo honoris gradu tributa sit. Tribuno enim plebis, uel plebeio homini purpuram induere, nulli erat fas. Hi enim penulis breui uillo, præcipuè pluuiæ tempore, aut lacerna utebantur: quippe uestis tribuni plebis plebeiorumque, penula plerunque fuit, sicut sagi, endromis, & cuculli. Erant enim frigoribus apti, quibus imperatores uti non decebat, tametsi legamus Caligulam depictas penulas sæpe induisse: et plebeiam purpuram distinctam à patritia in usu fuisse: Erat enim fusca & obsoleta, non murice & cocco, sed herbarum succis infecta. Eadem uerò penula senatores plerunque usos foris inuenimus: intra urbem uerò non licuit: donec Alexander imperator, dum ætati consultum uoluit, ut senatores ingrauescenti ætate intra urbem penulis uterentur, legem promulgasse dicitur: quas supra tunicam induebant, quo essent uilli grossioris: sicut endromis longiori uillo, pinguis & crassa, in frigoribus à diuitibus usurpata. Quam quidem prætextam ad uirilem ætatem pueros deferre licuit: post pubertatem uerò, in septimo & decimo ætatis anno, dimissa prætexta, togam induebant, aliquando puram, niuei candoris, quæ uirilis dicta est. Eam tamè in quarto & uigesimo à multis sumptam comperimus: sæpius in decimo quinto, & sexto ac decimo. Quippe Augustus Octauius annorum sedecim, & C. Cæsar in undeuigesimo, Nero autem uix pubescēs, togam uirilem sumpsit ante

ante tempus, quo maturus imperio uideretur. Diuus quoque Antoninus Philosophus, & ex Caesaribus cōplures, in quintodecimo uirilem desumpsere togam, tunc cum præceps & lubrica iuuenum ætas uidebatur. Quam supra prætextam nonnunquam patritij sumebant, cum plebeij sine prætexta, simplici toga amicerentur: quippe toga erat plebeiorum & infimi ordinis, prætexta honestorum & nobilium: quod etiam circa mulieres seruabatur: nam toga prisca seculis in usu promiscuo tam uirorum quàm mulierum, nocturnumque ac diurnum indumentum fuit, sicut palliolum & penula: postea uero illam distinxere: quam festa solenni que die, amplissimo cultu & apparatu magnifico, probi adolescentes sumere solebāt, præcipue Bacchanalibus festis mense Martio, quibus diebus sumere uirilem togam in religione fuit: qua signabatur, liberioris uitæ pueris facultatem dari. Potentiores & insignes nobilitate & honoribus, etiam purpureā cum frequenti comitatu apud delubra deorum induiebant, indeque in forum excepti, solenni officio deducebantur. Tenuiores etiam arctam induxere togam: nam pro opibus ueteres, magnas & paruas habuerunt. Claudius tamen Caesar toga uirili, die sine apparatu aut solenni officio, in Capitolium deduci uoluit. Supra tunicam uero uela pro togis induisse, animi fuit imbellis & eneruati. Ea quidem toga cui purpura prætextabatur, illis tantum dari assuebat, quorum patres magistratus curules, & insignes gesserant honores: nanque hic primus iuuentæ & bonæ indolis habitus est honos, omenque futuræ uirtutis & magni nominis aestimabatur. Germani uero in primis experimentis,

framea & scuto adolescentes exornabant: illinc enim commendationem ineuntis adolescentiæ auspicabantur. Cretensisibus militaris stola: his & patera. Bithynis & Ponticis, socci & pallium. Argius pueris deferre clypeum, insigne munus & primum decus adolescentiæ censebatur. Eam uero togam extremam induebāt Romani, sæpius rasam, nonnunquam pexam & uillosam: nāque erat Romana gravitate digna, quam propriam habuere, sicut Græci pallium. Ideo qui Romani ciues esse desierāt, aut ciuitatis iura amiserant, quique relegati; quibusque aqua & igni interdictum foret, togam induere non poterāt: hi enim toga dimissa, pallium sumebant, quod Græcum fuisse satis constat. Togam uero rasam phrygianam, primum Augusti temporibus usurpatā, Plinius asseuerat: supra quam multi lacernas induxere: sæpe ludis festis in theatro, quæ amphitheatrales dictæ, & militares erant: aliæ coccineæ, Bæotica uero albæ. Quam togam plerique laxiorem, nonnulli breuiorem usurparūt. Legimus Catonem seniore præcurta toga & candida usum, & nunquam centum drachmis maiore sumptu: Cæsarem laticlauo simbriato, laxiore cinctura: Augustum quaternis tunicis, togisque nec restrictis, nec fufis, cum thorace laneo femoralibusque & tibialibus incessisse: Mecænatem molliori ueste discinctum, quare Malacinnus dictus: Marcum Antonium, tunica ad coxam cincta, & uillosa chlamyde: & Sextum Pompeium Magni filium, post naualem uictoriam, ceruleam semper desumpsisse: Hortensium, cultiore habitu & elaborato: Neronemque nullam uestem bis induisse, sæpiusque in ornatu tragico cum cothurnis prodisse:



Caligulam cum deorum insignijs, aurea barba  
fulmine, aut cum fuscina & caduceo, plerunque  
Veneris habitu, aut gemmatum, manuleatum & cy-  
cladatum, semperque triumphalia ornamenta gesta-  
se: Vespasianumque, ueste & habitu neglecto, & uix  
à gregario milite differente: sicut de Alexandro Ma-  
cedone proditum est, cultu habituque paulum à pri-  
uato abhorrente fuisse: & Hierone Syracusano, qui  
regi uix decoro habitu incesit. Sic diuus Seuerus ui-  
li amiculo & exigua ueste adoptus, & à plebe  
uulgari nihil excellens. Et Tacitus simili cultu cum  
equalibus: nam in toga quâ priuatus utebatur, in  
imperio sepe uisus fuit. Contra, Heliogabalus nimis  
sumptuosa & magni census: is enim primus holose-  
ricam uestem induit: Galenus quoque cum chlamyde  
purpurea gemmatus fibulis, sæpius tunica aurata pro-  
diit. Fertur tamen Octauius Cæsar liberis senatorum,  
in quibus esset uirtutis specimen, quo frequētius sena-  
tui assuescerent, sumpta uirili toga, laticlauum protin-  
us dedisse. Togam uero prætextam, ædiles, quæstores  
& qui magistratus & honores gerunt, ueluti honoris  
ornamentum insigne induere soliti sunt: quæ ex pur-  
pura fuisse traditur, nonnunquam bis tinctæ, quod a-  
crius coloratur, bibapha dictæ, quam Lentulus spin-  
ter in ædilitate primus induisse fertur, cuius ualor de-  
narijs mille in libras taxabatur. Sed quod discriminis  
inter patritios & plebeios purpura faciebat, ut distin-  
ctum utrunque ordinem notaret, hoc nimirum inter  
patritios & senatores laticlauius & tunica latiore  
purpura efficiebat: is enim laticlauius & latior tunica  
insignia ordinis senatorij fuere, quæ ordinē senatoriū

à patritio discernabant, quibus amplissimus ordo notabatur: quum reliquis patritijs, qui ad senatum admissi non erant, illis uti non liceret. Quauis post aliquot etates, etiam equestri ordini laticlauum distinctum à senatorio tributum inueniamus: cuius usus postea à Caesaribus pro insigni decore impetrari consuevit. In eo enim aureus clauus affigebatur, quem, quia frequens & promiscuus erat, Tacitus Caesar interdixit, auroque clauatis uestibus uti prohibuit. Erat præterea toga prætexta, consularis & prætoria, quam hi qui consulatum præturamue gerebant, ferre solita uenerunt: quam etiam in colonijs & municipijs cuicumque magistratui deferre ius erat. Ipsa enim & laticlauus inter antiquissima censentur urbis ornamenta: quippe à Tullo Hostilio, nonnulli à Balearibus inuentas primum autumant, quæ in omne æuum postea mansere: sicut uestem papaueratam antiquissimam habere originem uolunt. Etiam tunica palmata, & palmata toga, triumphalis & toga picta, quas cōsules & hi qui deuictis hostibus triumpharunt, ueluti augustas atque illustri & excelso honori debitas, accipiunt, præcipui cultus ornatusque fuere: in quibus decus totius imperij, ingētisque uirtutis specimen noscebatur. Etenim palmata uestis in pace, consulis: uictoria uero parta, triumphantis indumentum erat: quæ quidem purpureæ, auro intextæ erant: & nisi triumphalibus uiris, atque ex Capitolio & Palatio haud aliter dari solita, eo quod essent Iouis tunica perquam similes: tamen si scutulatam, Phrygiatam, surculatam quoque, ungulatam & clauatam, inter triumphales aliqui annotarint. Quam scutulatam Galli primum intexerunt,

rant, sicut phrygiatam Phryges. Fertur tamen Gordianus tunicam & togam pictam primus ex Cæsari-  
bus, dum priuatus ageret, propriam induisse: neque  
ex Capitolio (ut moris erat) publicam desumpsisse. A-  
bolla autem externorum regum fertur, sicut Roma-  
norum trabea: magni tamen splendoris, qua rarenter  
Romanos usos inuenimus: nam soli reges aut consules,  
trabeati incesse, tametsi militarem, nonnulli senato-  
rium amictum, abollam fuisse dicant. Quam plerique  
philosophi desumpsere: licet Græcos milites & philo-  
sophos palliatis, nonnūquam chlamydatis legamus.  
Primus enim Romulus trabea usus fuit, quæ triplicis  
generis erat: Nanque unum dīs consecratum, sola pur-  
pura intexebatur: aliud regium ex purpura, immixto  
albo, quam reges consulesue induebant: tertia augu-  
ralis fuit, quæ ex purpura fiebat & cocco: quo genere  
augures uti assuerant, dum auguria captant. Sæpius  
tamen subtegmine puniceo, alterno textu purpura  
distinguebatur: Neque sum ignarus, Maurorum Nu-  
midarumq; regum amictum, esse purpureum sagum:  
quare Iuba rex sagulo usus purpureo dicitur. Assyrio-  
rum tunica partim purpurea fuit, partim alba. Medis  
autem, Persis, & Armenis regibus ac Lydis, amictus  
purpureus quadrangulæ figura, & cidaris: quanuis  
Persici reges triplici anaxyride, & cultu duodecim  
millium talentorum quandoque usi sint. Phœnicibus  
uero, Syris, & Cilicibus regibus chlamys cum crepi-  
dibus: Romanis quoque læna, quæ χλαῖνα dicta, rega-  
les cultus ornatusque fuisse. Taprobana rex symmate  
uestitur, Cyrus stola modica, Nabathæorum reges so-  
la purpura. Cleomenes sæpius breui tunica amictus

apparuit. Antigonus & Aristippus agresti, & regi  
 uix decore habitu. Contra Demetrius non modo dia-  
 demate, sed ueste ex auro & purpura conspicuus erat.  
 Sexticula uero non regia, sed imperatoria uestis fuisse  
 traditur. Athenienses autem reges saepe Creticum in-  
 duebant: apud quos ex prouincijs uestes nomina sum-  
 psere: nam prater Tarëtinidam fuit sardonica, Sicu-  
 la, therea, Phrygia & cassiaca militibus propria, ac  
 deutoruga, diphthera pastoritia, & byssacena, ac a-  
 lia multiplicis generis. Sed quod discriminis inter ui-  
 ros senatorios & consules ac triumphales, purpura  
 & palmata uestis faciebat, ut ceteris præstarët: idem  
 discriminis cultus uestitusque in mulieribus fuit. ete-  
 nim matronæ & spectatæ pudicitia mulieres, non nisi  
 nigro capillo, & longe lateque fusa toga ad talos de-  
 missa, stolaque & flammeo, ac uittis & reticulo, quo  
 capita uelarent, utebantur: cum meretrices flauum  
 capillum haberent, & togam subductiorem absque  
 flammeo & uitta: quam togam uirilem, quæ adulterij  
 crimine damnatæ erant, dimissa stola, sumere coge-  
 bantur: nanque meretrices prostabant cum toga &  
 stolis pullis, quibus etiam ianthino & cocco uti inhi-  
 bitum est. Fuitq; aliquando mulieribus uetitū, ne uer-  
 sicolori ueste uterentur, lege Oppia, quod etiam à Ne-  
 rone factum memorant, qui mulieribus amethystini  
 & Tyrij usum interdixit. Quæ quidem stola plebeijs,  
 quanuis honestis, non dabatur: siquidem patritiæ &  
 grâdes natu matres, illam honoris causa deferebant:  
 erat enim ad imos pedes fluxa, quam instita contexta  
 ambibat. Rectam uero tunicam & puram togam,  
 noua nupta induebat: quam etiam tyronibus; dum  
 mili-



militia affcribuntur, tributam inuenimus. Cyclas quoque, palla & ricinus cum crotoco honestarum uestes fuere uirginum & matronarum, licet citharædis quandoque palla in usu fuit, quæ syrma dicta est: erat enim tragædorum. Cyclas uero rotunda, quam Alexander Romanus imperator matronis regijs dedit, quæ plus sex uncjs auri non haberet cum reticulo, & pallium auro aspersum cum inauribus & monili baccato. Crocoton quoque rotunda & fimbriata, sed tantum locupletibus cõcessa. Vittasque & supparum ac togam prætextam, solæ uirgines deferebant, quæ nuptis non dabatur. Erant enim insignia pudoris & uerecundiæ, quibus mos erat, capillos aut humeris defluentes, aut reticulo collectos ferre: licet uittarum duo genera inueniamus: uirginalem unam, alteram nuptialem, quæ nubentes uelabantur. Strophium uero pectoralem fasciam, uel capitis ornatum, nonnulli cingulum fuisse autumant, & soleas purpureas puellarum calceos. Sed tamen strophium, mitras & purpureas fasciolas, ancillarum fuisse amictus, multi testati sunt: idque à Cicerone Clodio obiectum, quòd in strophio, mitra & purpurea fasciola, se ancillam mentitus, sacra Bonæ deæ polluisset. Fasciolas uero crurules, crurum pedumque uelamenta, æque uiris ac mulieribus communes aliqui uolunt, quæ sæpe purpureæ, nonnunquam conchyliatæ erant. Fasciæ uero pectorales dabantur pueris, quæ uirides fuere. Sicyonia & socci, calcei muliebres delictioris cultus & amatorum. Erant enim ueteribus calcei specie uaria: nam & Gallica & soleæ & cothurni, tum mullei albi, hederacei, cerei, & linthei, calceorum species sunt: qui cum antea communes

uiris æque ac mulieribus forent: sequuti *Cæsares*, inter quos *Aurelianus*, illos uiris ademere, & fœminarum calceis addidere, quas etiam ferūt compedes habuisse ex argento, cum ex auro uetarentur. Qui mullei, sicut ueteribus monumentis extat, olim fuere calcei *Albanorum* regum, deinde patritiorum facti: demum patritijs adempti, & mulieribus traditi: sicut crepidas antea senatores, mox equites, demum milites habuere proprias. Soleas autem calceamenta dixere, quibus plantarum calces in fine teguntur, habenis iuncta, cæteris prope nudis. Apud *Achaos* autem calcei fœminarum, fuere albi & tenues. *Atheniensibus* elaborata artis, iphicratides dicti. *Græcis* nymphides & arpides, multiplici futura, sicut *Scythica*, *Laconica*, *Persica*, *Amyclaida* & *Alcibiada*. *Persæ* enim calceo utuntur alto & duplo, ut magni appareāt: *Assyrj* paruo, *Aegyptij* papyraceo, *Babylonij* soleis *Thebanis* simillimo, *Cretenses* militari, *Nabathæi* sandalio. *Indi* ex arborum corticibus nonnunquam soleas pedibus addebant. *Phocion* uero nudo pede incessit, & *Cato* *Vticensis*, mira patientia, ita ut uix cruda hyeme, calcearent: quod de *Socrate* & *Aristodemo* legimus. *Lycurgus* quoque pueris *Spartæ* pro calceamēto, pedum nuditatem dedit, quò facilius accliuiā ascenderent & decliuiā peragrarent. *Empedocles* ferreo calceo incedebat. *Hispani* è *Sparto*, *Ligures* *Cātabrico*, *Galli* agrestes perone. *Demetrius* uero *Antigoni* eò uanitatē processit, ut aureo calceo calcearer. *Augustus* altiusculo usus fuit, ut procerior uideretur. *Caligula* socco muliebri, *Diocletianus* & *Heliogabalus* gemmato, *Carinus* gemmatis fibulis. Apud *Aegyptios* autem in-

nuptas

nuptas puellas calceis uti non licet, ut euagandi licentia cohiberetur, quum nudo pede extra septa prodire nefas foret. Cupedia uero, non muliebres, sed tibicinum calcei erant. Palla uero picta cum amiculo purpureo. Apud Persas, stola Medica cum armillis & torque. Aegyptijs, sacra Isis uestis, reginarum amictus ornatusque fuisse, quibus insignijs uelut uerissimis notis, à uulgo secernebantur. Quam quidem pallam pueris puellisque quandoque traditam legimus. Apud Græcos uero, Arabes, Lydos, Phryges & Assyrios, longa stola, mitris & mitellis matronas & uiros ornari, traditum est: uirorum apud eosdem, frequens uestis, stola quadrata fuit. Thessalis demissa chlamys erat omni tempore accommodatior: calantica autem, Romanis capitis fuit ornatus, non uestis. Lycurgus iuuenibus una tantum ueste, eaque obsoleta, & nullo discrimine à ceteris uti toto anno permisit. Zeno quoque nullum discrimen uestis esse inter ciues, sed eosdem amictus uiros ac mulieres ferre præcipiebat. Solon plus tribus uestibus quenquam uti, lege prohibuit. Apud reliquas uero gentes uestitus habitusque dissimiles fuisse: nam Gallis nobilioribus tinctas gestare uestes, aut saga hirsuta uirgata: hyeme crassiora, æstate subtiliora longis uillis: & brachas longis femoralibus auro pictas, intonsas, & uarij coloris, quas anaxyrides Græci uocant: tum collo torques & monilia, frequens mos fuisse traditur. Quas quidem brachas, non apud Gallos modo, sed Medos & Scythas aliosque barbaros in usu comperimus. Tum endromides & cuculli frigore apti, Gallorum propria commenta sunt. Apud Vætones & Cantabros, mulieres monilia ferrea collo circun-

dare, & à fronte protensum umbraculum, quod attrahant, quum uelint, & retrahant. Alias protentas comas in altum erigere, illasque baculo obuoluere: nonnullas sinciput expilare, magni decoris putabatur. Gnidanorum uxoribus, qui iuxta Lotophagos sunt, multi aestimabatur fimbrias pelliceas ferre plurimas, quas munera adulterij sumebant: illaque præcipue dignationis erat, quæ pluribus fimbrijs muniretur. Sicut Curetibus, qui Aetoliam incolunt, longas stolas puellares induere. Et Andrimachidarum uxoribus utroque crure æneam armillam innectere. Arabibus Nabathæisque, tunicas cum subligaculis ferre. Indorum fuit ornatus in ueste candida, & carbasis miræ tenuitatis, auro purpuraque distinctis: Medorum oculis pictis incedere, colorato capillo, coma protensa, circa collum monili, & armillis circa manus, capite uelato, ueste pellucida & fluida. Contrà uero Persarum: nam crassiore utebantur, laxa & fluxa cinctura, nonnunquam stola Semiramidis. Quare Alexander Macedo utrorumque inspecto habitu, Persicam induit uestem, Medorum admittere recusauit. Sic Gratianus Cæsar, deuictis Germanis, Romanum neglexit cultum amictu Alano atque equo pariter usus. Assyriorum mos erat duplici amiculo uestiri, altero lineo ad pedes demisso, altero laneo quod superinduebant. Maurusius crassam uestem, aut laceram quam induebant, pro tempore uariare uetabatur. Persæ amictum habent æstate purpureum, hyeme uarium. Troglodytæ serpentum & piscium coria: Massagetæ ex arborum corticibus amictus intexebant, Scythicis fere similes. Mardorum genti proprium fuit, crassiorem uestem.

¶



Et non ultra genua induere, proque capitis ornatu fundam fronti annectere. Indi quoque dissimiles habitus corporis mira specie uariarunt. Nanque alij nudi agunt: nonnulli piscium, ferarum aut auium pelli- bus amicti sunt: plerique lino, multi lana uestiuntur: alij in cultu corporis ita accurati, ut faciem coloribus pingant, candidam uestem induant, aurum gestent, lapillis ornentur. Mauri leonum, pardorum & urso- rum tergoribus, alij serpentum & piscium corijs ue- lantur. Scythia magna pars terгоре uulpium & murium operiti incedunt, sicut Geloni hostium cuti- bus. Britanni reliqua nudi, uentrem & ceruicem ferro cingunt. Hispani primum breue sagulum, mox stolas & togas Romano more acceperere, quare stolati dicti & togati. Gymnesiarum incolæ iunceo ornan- tur amictu, Belgæ hirsuto sagulo, Germani sago cum fibula: aut si desit fibula, spina conferta: locupletes uero, stricta ueste singulos artus exprimente. Quin etiam apud ueteres sapientia professores, diuersi cultus corporis ornatusque fuere. Nanque Dioge- nes corpore seminudo fuit, ueste humili & sordida: qui quum Rhodios ueste conspicuos cerneret, illos dixit nimium insolentes: rursus quum Lacedæmo- nys in ueste sordida & inhonesta, occurrisset, etiam, hos insolentes nuncupauit. Pythagoras alba ami- ctus ueste, neque ex mortuo animali quippiam fe-rens, auream coronam gestabat, nonnunquam pur- puratus: Crates manticam & sordidum palliolum. Aristippus Socraticus Milesiam chlamydem, aliquan- do amictum uiliorem induebat, cætera nudus. Ari- stoteles uerò decorus habitu, & nitido uestitu fuit,

tonsa coma, digitis redimitis auro. Hippias cultu ut-  
 sendus suis manibus elaborato: sicut Apollonius Tya-  
 neus linteis, & Gorgias purpura conspici erant. He-  
 raclides molliori ueste, Zeno tenui pallio, Empedocles  
 Agrigentinus præter purpuram, etiam calceamentis  
 areis incedebat. Demosthenes molli tunica & nimis  
 accurata: Aristides trita lacerna, Socrates uilissima  
 stola, Xenophon cum thorace & clypeo. Fuitque Ho-  
 meri opinio, antiquissimos Græcorum, pelles leonum  
 pardorumq; ouium & caprarum, ac luporum à prin-  
 cipio induisse. Postea impotentia muliebri eò uesania  
 processum fuit, ut maximos induta cultus, purpurâ-  
 que & auro, ac gemmis redimita procederent: armil-  
 las annulosque in digitis aureos, colloque monilia, &  
 catenas circa latera margaritis inserta, in auribus ue-  
 ro uniones & cylindros ad ostentationem luxus, Ro-  
 manæ mulieres ferrent: ipsasque auro fulgentes iun-  
 cto uehiculo & carpentis, festis profestisque diebus  
 per urbem, perque oppida uehi proditum sit. Quod  
 non modo Romanis, sed & sociorum Latini nominis  
 uxoribus decoris causa tributum ferunt: quibus qui-  
 dem uehiculis nisi casta et spectata probitatis fuissent,  
 alias uti non decebat, à quibus uiri unà sedentes, de-  
 scendere minime cogi poterant, quasi in tuto essent præ-  
 sidio, priuilegio uxoris. Quare Domitianus Caesar no-  
 uo statuit edicto, ut probrosis fæminis lectica usus a-  
 dimeretur. Fuitque apud Athenienses seruatum, ut  
 Atticæ fæminæ Doridam uestem, quam prius indue-  
 bant simillimam Corinthiæ, ne fibulis neßerentur, in  
 lineam commutarent: & à Syracusanis lege sanc-  
 tum, ne uiri aut mulieres maiori sumptu ornarentur.

ni prius se constupratos, & omni nequitia impudicas docerent. Quod prope cum Ephesiis compar fuit, qui quum uitij inquinatissimi essent, neminem frugi uiuere passi sunt: Hermodorumq; , quod uir probatissimus esset, urbe exegere, qui Romæ postea leges decemuirales interpretatus, statua in Comitio à populo donatus fuit. Hoc quoque inter cetera notatum est, cōsules paludatos, nonnunquam trabeatos, paludatis liētoribus ad bella ducere solitos: nanque erat paludamentum uestis imperatorum, qua summi duces persæpe utebantur: ornatus tamen militaris, quam chlamydem appellarunt. Militesque, sagatos militiæ domique incedere consueſſe: saga enim, chlamys & lacerna, militum uestes fuere: addē etiam lænam, quam supremam induebant, licet subsequētis temporibus Antoninus Philosophus Augustus, milites sub se stipendiarios, togatos esse iusserit: nec unquam sagatos incedere passus sit. Mansitque diu Romæ constitutum, ut serui ingenuorum ueste non uterentur: quippe qui nec colobia, nec calceos habebant, quæ liberis dabantur. Crepidis quoque aut mulleis uti seruos aut plebeios, erat lege uetitum. Syracusani uero, ut discrimen ingenuæ & seruilis personæ notaretur, seruis equi characterem inusserunt: Samij quoque captiuos Athenienses, noctuæ figura: Athenienses uero Samios bello captos, Samææ nauis signo deformarunt: nonnunquam seruis literas inusserunt, qui literati dicti. Apud Lacedæmonios quoque ingenui alebant comam: nanque omnes comati erāt, cum seruos crines habere non deceret. Idem in omni fere Græcia, ubi seruis nutrire comam nefas erat: qui etiam ab ingenuis distingueban-

tur tunica: nanque amphimaschalos liberis, hetero-  
 maschalos seruitijs dabatur. Apud Romanos uero ab  
 urbe condita ad annum CCCCLIII. iuuenes pariter  
 ac senes intonsos fuisse liquet. Sed postquam Publius  
 Ticinius è Sicilia tonsores adduxit Romam, inde ut  
 iuuenes rasitarent barbam, capillumque toderent, ad  
 annum quadragesimum institutum mansit: post eum  
 uero non licebat. Primus enim qui barbam quotidie  
 rasitaret, Aphricanus traditur: deinde Augustus, quod  
 seruis nilioribus erat inhibitum, qui intonsa barba &  
 capillo hirtio fuere. Fuitque animaduersum, ante Ha-  
 drianum Cæsarem imperatores barbam sæpe rasita-  
 uisse. Ipse enim ex Cæsaribus primus, promissa barba  
 incescit & capillo. Commodus imperator cum nulli  
 tonsori crederet, sicut Alexāder Pheræus & Diony-  
 sius, sibi ipse candente carbone, iuglandium putami-  
 nibus barbam adurebat, qui etiam fucato capillo cum  
 ramentis aureis incescit. Quod de Lucio Vero & Ga-  
 leno imperatoribus traditum est, qui auri scobem cri-  
 nibus aspersere. Arabes, Abantes & Mysii, ne in con-  
 flictu belli hostibus præda foret, anteriorem capillum  
 rasitarunt, qui etiam puellarem capillum in rotundum  
 tondebant, tempora subradentes. Ferunt Curetas &  
 Aetolos pariter, quum à fronte essent capillati, & cri-  
 nibus ab hostibus raperentur, frontem abrasisse, & ab  
 occipite cæsariem nutrisse. Quod de Alexandro Ma-  
 cedone proditum est, qui barbam militibus radi iussit,  
 ne hostili prædæ ansam daret. Ferunt quoque Ma-  
 chlyes natia consuetudine occiput crinitum gestare:  
 sicut Auses anteriorem capitis partem. Contrà Ly-  
 curgus spartanos milites promisso capillo & coma-



eos esse uoluit, licet more Laconico barbam ad cutem  
 rasitarēt: illos propterea aut uenustiores, aut uisu ter-  
 ribiliores esse arbitratus: apud eos enim populares à  
 iasarie noscitabantur. Quod Mauris & Britannis in  
 more fuit, ut cincinnis ornati essent rutilis comis, &  
 tum composito capillo, ut in incessu uix se contingi pa-  
 terentur, omni corporis parte abrafa, prater caput &  
 labrum. Lycū comam tanti fecerunt, ut ne crines ton-  
 deant, ara pœnæ nomine Mausolo regi Caria soluere  
 non dubitarent. Argiui cum antea criniti essent, ui-  
 ctis Lacedæmonijs, amissis Tyrijs, deplorandæ cala-  
 minatis causa, capillos totonderunt, uouentes se non  
 resumpturos, nisi Tyrias recepissent: sicut Sybari à  
 Critoniatis direpta, uniuerſi Milesii capita deraſe-  
 runt, & ingentem luctum ediderunt. Maxies uero  
 dextram capitis partem comatam gerunt, sinistram  
 radunt. Lusitani autem comas tondere nefas ducunt,  
 itaque illas diffundunt ut fœminæ. Idem & Galli co-  
 mati, quibus plurimus capillus erat, æque maribus  
 & fœminis, inde nomine imposito. Indi capillum pe-  
 ctunt sæpius quàm tondent, barba semper intonsa. A-  
 gathyrsi cerulo fucantur capillo. Arabes quoque in-  
 tonſi fuere, barba solum abrafa. Autores habeo, Scy-  
 thas & Parthos, quo maiorem terrorem incutiant,  
 quoque subita & improuisa formidine hostes magis  
 afficiant, hirsutis crinibus fuisse. Idem apud Germa-  
 no: Cattosque, quibus rufus erat crinis coactus in  
 nodum, qui etiam duxere nefas barbam capillumque  
 tondere, aut alio cultu esse, nisi hostis caput ex acie  
 retulissent. Quauis tradatur Parthorum esse, capil-  
 lum effundere, Germanorum iungere, Scytharum

spargere. Aegyptijs uero flaua coma despectui erat, & lege cautum, ne quis eam ferret, quod ea Typhonus fuisse dicebatur: sicut Agrigentini ceruleum colorem interdixerunt, quod eo Phalaridis satellites usi sunt. Apud Sueuos usurpatum est, horrentem capillum ligare in summo, ut hostibus terrori sint, uel retro flectere. Dacæ cum caput radant totum, in summo uertice cirrum crescere sinunt. Contra Riphæi: nam mulieres pariter & uiri detonso sunt uertice, & capillo ieraso, adeo ut glabri uideantur: sicut Myconij omnes caluitio laborant, æque ut in Cauno omnes liensi. Non sic in Aegypto, ubi raro caluitium fuit. Prodiunt autores, Atheniensium uetustissimos capillis colligendis cicadas aureas annectere, ut eo argumento atochthones, hoc est, primos & sine origine se probarent. Caius uero Cæsar, comatos tanto despectui habuit, ut quoties occurrerent, occipitioraso deturparer. Capillum uero aut barbam inficere coloribus, imbellis fuisse & eneruati, exempla sunt. In primis Philippi Macedonis, qui quum ex amicis Antipatri arbitrum delegisset, quem aduertisset barbam & capillum inficere, protinus gradu deiecit, & indicare uetuit, uelut mendacem. Quod compar fuit cum eo qui Sparta concionabatur, quem quum Archidamus rex fucato capillo uidisset, profari uetuit, & in medio affictu exigi iussit. Cui non inconuenit, quod de Gorgia Leontino proditum est, qui cum in Olympijs de communium Græcorum concordia insigniter peroraret, Melanthus eum ludibrio habuit, quod de totius Græciæ concordia agitarer, qui se, uxorem, & ancillam concordem habere nesciret: quæ ob zelotypiam  
irata

irata, quotidie disidiū peteret. In quo fuit experimen-  
tis cognitum, quod his qui ē Sybari biberent, fucaren-  
tur capilli nigri: qui uerò ē Crathi, flauī & fluxi: sicut  
de Clitumno proditur in Meuania. Legimus tamen  
Hannibalem ducentem in Italiam, crinibus saepe mu-  
tatis, se à Gallorum perfidia uindicasse: & Pyrrhum  
coma coloribus fucata incesisse: Romanasque matro-  
nas rutilare capillos consueſſe. Mansitque Romæ obser-  
uatū, in Saturnalibus synthesibus uti, quibus diebus  
dimissa toga, synthesin sumebant. quauis Nero Cæ-  
sar citra dies Saturnalicios, synthesin induxit discin-  
ctus & discalceatus. Diebus autem natalitijs, quibus  
natalem quisque suum annuum celebrabat: & calen-  
dis Ianuarijs, nonnunquā ludis Romanis, albas lacer-  
nas prætextasque indutos incedere, & ludos spectare.  
nam in ueste pulla ludis interesse Augustus inhibuit,  
neue quis pullatorū media cauea sederet, edicto cauit.  
In ludis uerò funebribus penulati spectatores erant:  
penulas enim tunc populus sumebat, cū in cæteris to-  
gati conuenirent: nisi in gladiatorio munere, ad quod  
frequentes penulati cōuenere, quod Commodus impe-  
rator seruari iussit. Ferūt primos Lacedæmonios, ne po-  
pulus in ludis algeret, penulas sumpſisse. Antoninus ue-  
rò Bassianus nouo uestis genere populū donauit, qua-  
re Caracallæ nomen tulit. Augusti uerò tempore, toga  
rasa & phrygiana dari cœpta. Illud etiam admonen-  
dum existimo, quoties insigni calamitate uel clade, aut  
alijs belli casibus populus affectus esset, in magna con-  
sternatione iustitium indici, claudi ærarium & taber-  
nas, ac iudicia tolli solere. Et, quod per magnas calami-  
tates fiebat in mæstitia publica, Romanos dimissis to-

gis, positisq; laticlavis & aureis annulis, saga sumere, uelut in luctu & summa sollicitudine se esse denotarēt. Si tamen consulares uiri forent, licet ob calamitatē populus in sagis esset, ipsi tamen in togis erant, ne deformi retroque habitu tantam dignitatem fœdarent. Sed nec saga, donec latiore fortuna, aut illustri uictoria clades emendata foret, dimittebant. Qua uictoria potiti, uel quam fuis fugatisque hostibus, fœdissimum bellum finitum foret, exuto iustitio, in cōmunis signum lætitiæ, populus uniuersus prætextas: reliqui uerò magistratus insignia & ornamenta sua, ac pristinum ornatum cultumque sumebant. Illud quoque discrimen ordinū personarumque est notatu dignum, quod apud Tapyras, Bastetanos & Iberos, incultasque nationes circa Hyrcaniā seruari meminimus, ut uiri atras uestes induāt, crinesq; longiores gerant: fœmina uerò albis tunicis, ac breuibus tonsisq; comis incedere cogantur. Apud Parthos aut Persasq; equo uehi, uel pedes ire, nobilitatem à uulgo distinguebat: nullus enim honeste genitus, pedibus incedebat: quod compar ferè cum Romanis fuit, quibus plebeia pedibus incedunt, matrona nobiles lecticis uectabantur: eisdemq; Parthis qui principem locum habent, anaxyridem triplam induūt, & manicatam tunicā: plebs uerò erat in tunicis sine manicis. Apud Indos byssum induere, nisi nobilis, nemo poterat. Thracibus pūctos esse in facie, nobiliores demonstrauit: non pūctos, ignobiles & obscuros. Idem Britannis, Gelonis & Agathyrsis, apud quos qui ceruleo pinguntur, honoribus præstant: minus aut pingi, humilitatis signum erat. Indis quoque, Atheniensibus & Persis, in auribus ferre aurū, nobilitatem designauit.



Ex Germanis uiri clari illustresq; stricta nec fluitante utuntur ueste: ceteri, sagis cum fibula. Apud Sueuos ingenui obliquant crinem, & nodo substringunt, quum serui fluxa coma & crinibus incedant. In Libya primores sagis uelantur, uulgi uerò bestiarum pellibus amicti sunt. In Aegypto uiri binis utuntur uestibus, fœminæ singulis: uniuersis nisi lineas ferre uestes nō licebat. Neq; referre alienū fuerit, quod Circupadanis populis usu uenisse tradunt, ut lugubres uestes longo tempore induerēt, intestino mœrore affecti propter Phaëtôtis casum, quod de cælo præcipitatus, fulmine ictus, & in Eridanum deiectus foret. Sicut in Daunia Aristoteles refert, mares et fœminas lugubria uestire, quod post Troiæ euerisionem, quum illuc delati sedes occupassent, ut orbatos se patria & fortunis indicarent, in posterum cādidiis abstinuisse, et pullas uestes desumpsisse.

Qui numerus augurum, quæne potestas aut ius quondā fuerit, & quo modo auguria captaretur. Cap. XIX.

QVÆSTIONI diu res fuit, qui numerus augurum olim apud Romanos fuerit: quod sacerdotiū magnæ religionis fuisse constat. Et tametsi à principio, ut in tribus cēturijs, Ramnensi, Titienſi & Luceri, singuli essent augures, constitutum foret, quorum numerum imparem esse decere arbitrati sunt: tamen sequentis temporibus, quin ad quatuor, mox quinque numerum aucti fuerint, nulla cōtrouersia est: donec, ut nō ultra nouem collegium excederet, senatusconsulto cautum fuit. Idq; ante primum Punicum bellum, quo tempore Sora & Alba coloniæ deductæ fuere. Demum à Sylla dictatore collegium propagatum ferūt, ut ultra nouem, quindecim crearentur, ita ut quatuor & uiginti essend.

Hi ergo uelut interpretes internunciique deorum, tanta dignationis habiti sunt, ut eum qui aruspicinam fecerat, in senatum adscribi, et inter patres legi, fas esse duceretur. Regibus quoque sicut iura dare et sapere, ita diuinare, regium munus erat. Itaque à primo ortu urbis, iidem reges et augures erant, qui futura prädicerent, et iura darent. Denique Romulus hoc sacerdotio präditus, optimus augur fuisse traditur. Proditumque est, Romæ optimatum filios sex, Hetruriæ populis, ut augurandi artem edicerent, ex decreto senatus in disciplinam tradi solitos, ut Romæ augurandi scientia et ars innotesceret. Quæ quidem incredibilis et penè diuina Fesulis pollebat, ubi domicilium augurum esse ferebatur, quod et ueteri lege sancitum erat in hæc uerba: Prodigia et portenta ad Hetruscos aruspices, si senatus iusserit, deferunto, Hetruriæque principes disciplinam discunto: quibus diuis decreuerint, procuranto: iisdem fulgura et ostenta pianto, auspicia seruant, to, auguri parento, et infra. Singulis quoque tribubus olim singuli augures præficiebatur, qui sacris ceremoniis prædictionibusque deorum præessent, publica priuaque auspicia curarent, sicut à Romulo constitutum fuit. Postea uerò comitijs curiatis, quæ pontificis maximi dicuntur, non à populo uniuerso, sed à minore parte et selectis, quibus sacerdotia mandare cura erat, de concilio sententia eligebantur: nanque ipsi nominabāt, quos dignissimos iudicarunt. Nonnunquam si quis augur decessisset, à duobus unus nominari, et à toto deinde collegio expeti et cooptari poterat. Qui postquam ad sacerdotiū admissi fuerant, mox in augurati, ut mos erat, captatisque augurijs in collegium admittebatur.

Et tametsi praesentes admitterentur soli, saepius tamen absentium habitam rationem comperimus, quod lege Julia cauebatur. Cumque sacerdotia semel collata, ob plurimas causas adimi solerent, solus auguratus perpetuus fuit: ideo semel collatus, quoad uita suppetit, etiam magnis intercedentibus causis, uiuenti non adimitur. Quare Fabius Maximus proditur duobus & sexaginta annis summa cum laude auguratum gessisse ad ultimam senectam. Si quis tamen augur huius pateretur, licet in sacerdotio foret, augurandi tamen ius non habebat. Ex huiusmodi quoque auibus auguria capari non licere, (siquidem morbosae aues auspicia nulla faciunt) saepe relatum est. In augurum enim collegio illud praecipue seruatur, ut sicut quisque aetate praecedat, ita maxime primatum teneat: quippe inter augures maiores natu, etiam his qui cum imperio sunt, praeferrunt solent. Horum ergo proprium fuit, ex auibus uaticinia obseruare, signaque rerum futurarum, & à dijs monita contemplari: si opportunè euolassent, aut sedes idoneas accepissent, obnunciare: de prodigijs, somnijs, augurijs atque oraculis, portentis, extisque responsa dare. Tum obseruationes auspiciorum, procuraciones expiationesque, uatum libros, portentorum explanationes & monita deorum edicere, si quid ingruente fato casurum foret, & quid saluis auspicijs fieret. Quodue augurium latum, quodue piaculare esset, quod minas caelestes, ingruentesque calamitates, aut fatale exitium afferret, praemonere & uaticinari: quae lege augurali latius decreta et perscripta sunt, cuius uerba adscripsi: Interpretes Iouis optimi maximi publici augures, signis & auspicijs postea uidento, disciplinam tenento, ..

„ sacerdotesque, uineta, iurgeta & salicta publica au-  
 „ guranto, qui que agerem duelli, qui que populare auspi-  
 „ cium pramonento, ollique obtemperanto, diuorumque  
 „ iras providento, hisque parcto, cali que fulgura regio-  
 „ nibus ratis denotanto, urbem que & templa & agros,  
 „ liberata & effata habento: qua que augures iniusta,  
 „ nefasta, uitiosa, dira dixerint, irrita infecta que sunt:  
 „ qui que non paruerit, capitale esto: & infra. Ipsiq; au-  
 „ gurijs auspicijs que captandis interesse debet, ea que no-  
 „ tare, ac inspicere & referre, & an egregie esset litatu,  
 „ declarare: quibus que hostijs, & quibus sacris ac sup-  
 „ plicationibus, & qua ad puluinaria, tetra prodigia  
 „ procurarentur aut expiarentur, enunciare. Sed tamen  
 „ soli auguri sine collegio auspicia interpretari non li-  
 „ cuit: totum enim collegium censere, & sententia ferre  
 „ decebat, si quid exquisitius interpretari uellent, si du-  
 „ rior forte casus ambigua foret interpretationis, qui in  
 „ dubium controuersiam que ueniret: ad quos etiam de  
 „ singulis prodigijs & portentis, qua eoru predictio fo-  
 „ ret, & an fœdo uel felici exitu euentura essent, omnes  
 „ tanquam ad adytum aliquem consultu ibant. Tum si-  
 „ qui magistratus uitio creati forent, eorum responso uel  
 „ admittebantur, uel magistratu abire cogebantur: ita-  
 „ que dictatores, consules, pratores, & reliqui magistra-  
 „ tus uitio creati, ne quid diuini obstaret, ex respo aru-  
 „ spicum, magistratu abire saepe coacti sunt. Poterant que  
 „ augures ppter tetra prodigia, aut si quid officeret, co-  
 „ mitia creadis magistratibus uel impedire, uel uitiare.  
 „ Quotiesq; ex arce augurium petebat, litu sine nodo,  
 „ hoc est, baculum a summo inflexum, in parte qua robu-  
 „ stior est, quod insigne augurale fuit, tenebant: quo cali  
 „ regiones



regiones & certa spatia, quibus uidentia ad se pertinere uolebant, quae templa dicta sunt, praefinirent, & certa finitione signarent, ut quod dextrum, quodue sinistrum esset, oculis & animo metiri possent: nam manus calispatia notare, saluis auspicijs, non licebat. Quo quidem lituo augur prospectu in urbem atque agros captato, regiones ab oriente ad occasum terminabat, limite decumano, & cardine ex transuerso, signo metato, quod oculi ferrent quam longissimè. Qui quidem lituus etiam regium fuit insigne, in quo potestas dirimendarum litium esse noscebatur. Proditumque memoriae est, Romuli lituum ambas cuspides ab imo & à summo inflexas habuisse, praeter formam litui auguralis. Ex notatis uero regionibus, prima antica, posterior postica, tunc dextra & sinistra dicta. Quauis Hetrusci uates caelestium prodigiorum periti, caelum in duodecim partes diuiserint, anticamque ad occidentum, quoniam omnis illuc inclinatus motus: & posticam ad orientem: dextras ad septentrionem, sinistras uero ad meridiem proclinare uoluerunt. Sedebat enim augur uelato capite, & duplici toga augurali, quae lana dicta est, uel trabea amictus ex purpura & cocco, cum captabat auspicia, et lituo calispatia regiones notabat, ipseque caesa uictima obseruatiis notatisque signis, longum carmen praefatus, preces effundebat: quas si forte non rite didicisset, ne quid praeposterè diceretur, aliquo praecunte, mittebat. Graecis uero augur non trabea amictus, sed toga candida uelatus, poscit auguria. Macedonibus quoque uates in amictu candido auream gerens coronam, captat auguria & uaticinatur. Post effusas uero preces, oculis in caelum fixis, sedere conuenit, momentis omnibus paratum

intentumque toto animo affixum, facto ubique silentio, ne quid uideretur audireturue, quod auspicium dirimeret, quoad de celo seruasset, captataque auguria et signa missa forent: quibus missis, ex auius quæ oscines, quæ prapetes uel inferæ, et an tacita uel strepentes aduolarent, et si dextra uel sinistra, quæue admis- sua essent, et quæ arcula, quæue cliuia, aut inebra, quæ uetarent. Tum si motus pronus uel obliquus, supinus an reclusus, aut in latera referebat: conueniebatque ex templò augurem adire et augurium firmari: namque unum uidisse auspicium, non erat satis. Adnotatumque exemplis est, non ubique et passim auguri captare auspicia licere, quia nisi in præscriptis designatisque locis, quibus Tesqua nomen, aut in arce, uel ad ueteres curias, augures: pontifices uerò, nisi in postmurio, auspicia captare nefas erat. Sed sciendū, nō omnibus auguribus, sed soli magistro augurum de celo auspicari licuisse: qui huic muneri præfectus, magister à collegio eligebatur. Obseruatumque, ut si extra urbem, aut in pomærio, uel domo conducta, seu quouis tabernaculo, quod cæperat, augur auspicetur: et inter augurandū nondum firmis signis, urbem aut pomærium inauspicato transgressus foret, ut ritè captetur auspicia, primum omitti tabernaculum et alterum sumi necesse fore: de- nuoque auspicari oportere, ex quo nouus auspiciorum instauratur aspectus: et cum certa dies auspicijs dicta esset, post mediam noctem ad mediam futurā diem auspicari licere. Septima autē aut sexta diei hora, non decebat: uanque incipiente aut crescente die, non autē desinente, iusta auspicia fuere. Post Sextilem quoque mensem, quo tempore aues aut imbecillæ, aut morbosæ sunt,

sunt, uel pulli earū imperfecti, auspicari nō licuit: eo enim tēpore à pōtifice maximo de calo seruare uetabatur. In quo id fuit constitutū, ut nō modo morbosus aui-  
bus, sed cuicunque funeri augur ad mouere manus, & feralia attrectare uetaretur. Si autem post augurium susceptum, ad aquam uenire cōtingeret, ne eius interuentu auguriū frustraretur, quod aquæ intercessu interrumpi certum est, fuis precibus aquam haurire, & uota promittere oportebat. Poteratque idem & pontifex & augur esse, duobusque simul sacerdotiis præponi: cui etiam lictor præibat, sicut pontifici maximo. Et tametsi post susceptos honores, auguratus conferri soleret, tamen Fabius Maximus admodum adolescēs, priusquam ullum gereret magistratum, auguratum gessisse dicitur. Quotiesque pro diuersis captarentur, illius præualere auspicia, qui in summo esset magistratu, certum est: ideo consulis auspicia, si cum pratoris confundantur, præponi haud dubium esse. Fuitque exemplis cognitum, apud augures optimis auspiciis ea geri, quæ pro reipub. salute susciperentur: quæ contra, inauspicata esse & monstrifica. Illud quoque dixisse non ab re fuerit, occentu foricis dirimi auspicia, sicut aquæ interuentu irrita fiunt: utque luminaria domus auguralis semper aperta sint, nulloque operculo claudantur: quodque quum auspicia captant, calo non turbido, nec procelloso aut pluuiio, sed aura silenti & placida, ubi omnia pura & tranquilla sunt, auspicentur, ne uenti flatus aut tempestas auium gressus à suo cursu diuertat. Estque obseruatum, ut minora auspicia, semper maioribus cedant, licet priora sint. Siquidem cornicis aut columbarum auspicia, aquila super-

ueniente, irrita fiunt: aquilarum uerò augurium, fulmine adueniente, nullum est.

Qui essent equi funales in Tranquillo, contra nonnullorum interpretationem probabilis opinio. Cap. XX.

ANCEPS quæstio fuit apud grammaticos, ambiguo sensu in utranque partem agitata, qui essent equi funales, qui in solenni triumphi apparatu iuxta triumphantis currum incedebant. Nuper in cætu patritiorum, in controuersiam certamenque uenit, quonam modo accipi conueniat, quod est in Tranquillo dictum, Tiberium Aetiaco triumpho Augusti currum fuisse comitatum, sinisteriore funali equo, quum Germanicus dexteriore ueheretur: qui essent funales equi, quærebatur. Cumque uaria & ferè populari opinione ferrentur, nobisque quum minime probaretur, uisum tandem est, funales dici equos, qui funibus alligati, currum triumphantis traherent: quibus præeuntibus, summi imperatores uectabantur triumphi die: in quibus ingenui pueri sedere ueteri more solebant. Prætextatos enim filios in equis triumphantium uehi & Cicero meminit, & multi prodidere. Quare Paulus Aemilius, deuicta Macedonia, filios duos impuberes: et Germanicus currum quinque liberis onustum, in triumpho duxit. M. quoque Antoninus Philosophus, & Verus, triumphi die mille puellas uirgines in equis triumphalibus uexere. Vel quòd in his insiderent, qui funalia præferebant & faces, propterea funales dictos ueterum autoritate probari: nam peruulgatum ferè est, faces & lumina tam in apparatu triumphi, quàm iuxta triumphantem deferri solere. D. enim Cæsar ad lumina quadringenta in Capitolium triumphans ascendit, elephantis  
lychnos



lychnos dextra sinistraque gestantibus. Quod eo constitutum ferunt, tum ut spectatior triumphus apparatus & conspectior foret, tum ut lumina, si forte tenebris obortis, pompæ triumphali non sufficeret dies, ad arcendas tenebras præsto forent: ipseque triumphans, luminibus circa adhibitis, conspectior fieret. Propterea haud ab re uisum, sicut in Caesaris triumpho elephantos lychnos gestaſſe legimus, cõpari modo funalia & faces equos iuxta triumphantem ferre, dici probabiliter posse. Vnde funales equos à funalibus, quæ in equis triumphalibus præferebãt, probè dici argumentatur. Ex quibus licuit nobis æstimare, uel quòd funibus currũ traherent, uel quòd faces iuxta triumphantem deferrent, sicut ueteri exemplo probatum est, funales equos dici & æstimari.

Quis fuerit apud ueteres cœnandi usus, quæ uel hora prandij & cœna, quotiq; singulis lectis cœnitabant: & quid apud exteros. Caput XXI.

ANTIQUIS torum ex palustri ulua, & ex stramento, uel ex cespite fuisse, & longo tempore ex pulte, non pane Romanos uictitasse, perspicuũ exemplis & probatum est: postea quum annis intercedentibus ex illo agresti cultu desitũ esset, mensas, in quibus epularentur, ex acere aut fraxino quadratas, deinde orbiculatas fecisse, in quibus pranderet & cœnarèt, satis constat. Quem morẽ à Laconibus Romanos sumpsisse crediderim, quibus nullæ fuere mensæ nisi ex robore. Romanis enim antea lecti erãt Archiaci et Bæotici, humiles et breues. Labetibus deinde moribus, rãta luxuriæ factæ sunt, ut arati primũ lecti, abaci, triclinia, et monopodia, quæ Cn. Målius Asia denicta, primũ uexit in

triumpho, deinde citrea mensæ, quæ elephantinis pedibus sustinebantur orbiculatæ, magno sumptu fierent, quarum precium auro appendebant, aut ex ebore uel testudine, sectis putaminibus in laminas: quod Carbi-  
lius Pollio instituit primus: adeò, ut non modo mensas, sed lectos & repositoria testudinum putamine uestirent. In cœnaculis enim domorum aut tricliniis stratis tribus lectis, prisca illi sedentes cœnitabant, in quibus tres fuisse mensas Varro significat, ex quibus una uinaria orbiculata, cylibantum dicta, à poculis quas νό-  
λινας Græci uocant: altera lapidea, oblōga columella suffulta, cui cartibulū: tertia quadrata, quæ uasa detinebat, cui urnarium dixere nomen. Persæ uerò, quum antea in uimineis toris discumberet, postea lectos auro fulgentes, & gemmis magnificè construxere, in quibus uasa non minoris census adæquarunt: quos tanto censu exultos ac regium apparatus in castris, Pausanias quum deuicto Mardonio ad Plataeas uidisset, illo neglecto, modica mensa Laconicam cœnam fecisse dicitur. Græci in symposio Gracien-  
si frequenter cœnitabant. Apud Romanos uerò Heliogabalus argenteas primus mensas habuisse dicitur: quibus in solenni epulo duæ tantum mensæ adhibebantur, una carniū, altera pomorum: nanque ueteribus cibis mundus erat & simplex, neque operosis condituris aut appetentia exquisitus, sed sine apparatu & sine impensa. Prandium enim & cœna in propatulo fiebat, quia palam cœnitare dedecus non erat: secreto uerò cœnitasse, probro & ignominia fuit. Id quod Lacedæmonius Lyncurgi lege cauebatur: quod ideo constitutū ferūt, ne quis splendidius altero uesceretur. Hyemeque ad focum æstiuo  
anni

anni tēpore in aprico cœnitabāt. Ouum uerò & mel,  
 initium cœnæ fecere: in secundis mensis poma & mel,  
 sicut ad principia conuiuij, & multiformes nuces dari  
 assuevere. Apud maiores autem, semen candidi papa-  
 ueris cum melle & lactuca plerunque mensas secun-  
 das fecit: deinde, ut uua, ficus, pirum & alia pomorū  
 genera darentur bellaria, in usu fuit. Iberis autem, ut  
 in symposijs glandem in secundis mensis tribuant, ma-  
 gni putabatur. Græcis oua cum turdis & leporinis car-  
 nibus ac mellitis placentis, secundæ mensæ frequentius  
 data sunt: quibus erat iste mos, ut in fine cœnæ linguas  
 igne torridas, post sermones degustandas darent. Præ-  
 cipua tamen bellaria traduntur fuisse Attica, lauta atq;  
 eximia. Platonis uerò bellaria fuere ficus, cicer, faba,  
 myrti bacca, & ex fago glās prunis tosta. Fertur He-  
 liogabalus pro luxus affluētia parasitos in secūdis mē-  
 sis nouo genere edulij saginasse: nam cereas dapes, aut  
 lignea edulia uel eburnea, sæpe fictilia aut marmorea  
 exhibuit, quum per singulos missus tantum biberent,  
 uelut uescerentur & manus abluerent. Panem uerò  
 paniceasq; mensas non argenteis uasculis, sed uimineis  
 canistris Romani inferebant: Græci uerò per promas:  
 quos ex multiplici genere uariarūt: nam & plebeius  
 erat, & siligineus, qui candore præstabat: & tritico,  
 præcipuè Capano, quod (autore Varrone) ceteris præ-  
 staret: sicut in Falerno uinū, in Casinati oleū, in Thuscu-  
 lano ficum, in Tarētino mel præferebatur ceteris. Erat  
 & secundarius panis, et ostrearius, artolaganus, speu-  
 sticius, subcineritijs, & artoptesius: inter quæ ptisa-  
 nam uelut saluberrimam magnopere commendarunt,  
 quæ à Græcis sumpta origine, ad Romanos fluxit. Post

quam, alicam Romani inuenere, cuius Graci inexper-  
tes sunt. Gracis quoque multiplicia panum genera com-  
perimus: nam & xymitas, hoc est, fermētatos, & obe-  
lias, & cribanitas et canchrydias & apiritas, pytirias  
& pyrinos, panes legimus. Placentariū quoque genera  
uaria, tarentinas, crassianas, siculas, clustras, plicias, gut-  
tatas, montianas, mustaceas, & spiras, quæ sūt ex ca-  
seo. Proditumq; memoriæ est, antiquissimos Romano-  
rum, cœnæ tantū panem adhibuisse, prandio uerò car-  
nibus uesci, nō elixis, sed asis & ueru decoctis, aut fri-  
ctis: quibus Parthi abstinebant, & nisi uenatu quæsi-  
tis, nulli uesci permissum. Et quum paucissimi conuiuæ  
erant, non minores tribus: quum plurimi, nō ultra no-  
uem in eadem mensa eisdemq; lectis cœnitabant: tam-  
etsi uetus feratur adagium, Septem conuiuium, nouem  
conuicium facere, quod scilicet obstrepente multitudi-  
ne, tumultuantur potius quàm in sobrio conuictu sint.  
Gracis quatuor, aut quinque conuictores unis mensis  
adhibere, satis erat. Carmanis uerò separata singulis  
conuiuii sedes sunt, & sua cuique in accubitu mensa.  
Fertur tamen L. Verus imperator præter exempla ma-  
iorum, cum duodecim solenni conuiuii primus accu-  
buisse. Homerus usque ad decē probauit. in symposio  
autem Platonis octo conueniunt & uiginti. In quibus  
mensis Romani liberos cum pueris puellisq; adhibe-  
bant: qui ad fulcra lectorū, serui ad pedes. In ipsis au-  
tem lectis cum uiris cubantibus fœminæ sedētes cœni-  
tabant: à principio enim maiores nostri sedentes epu-  
labātur, Lacōnum more, adhibitis etiam principum li-  
beris apud summos uiros, cum ceteris id ætatis pueris  
nobilibus, qui propria & parciore mēsa, in conspectu  
affinium



*affinium uescebantur. Apud Græcos uerò fœminas in uirili conuiuio accumbere nisi propinquorum, non licebat: quibus cōsuetudo mansit, ut in primis epulis breuioribus poculis transigerent, in fine uerò laxiora adhiberent: quare Græco more bibere, est capacioribus poculis haurire, quibus lex data, ut in symposijs aut biberet, aut abirent. Sicut apud Scythas scythissare, erat intemperatius bibere. Nonnulli Græco more bibere, dicunt esse, quoties deos aut amicos inter pocula appellerent singulos nominatim, toties haurire & largè merum bibere: utque quum magistratus & honores dabant, uina pateris circumferrent: cumq; alicui propinassent, nominatim designare cui poculum darent: & primo deos, deinde amicos appellare: totiesq; haurire affatim, et bona à dijs precari. Et tametsi uino uim sapientiæ adhiberi putarent, si quando tamen uinum aqua admiscerent, illud tepesactis niuibis diluebant, nonnunquam marinam uino adhibebant, quo incorruptius foret. Romanis etiã corollas poculis accipere, festisque diebus coronatos & fertis redimitos epulari mos erat, cum lemniscis: erant enim fasciæ colorata, quæ coronis addebantur. cautumq; fuit, ut Hetruscis corollis lemnisci tantũ aurei darentur, sumpta ab Ionibus consuetudine, qui in lautioribus culinis primi corollas inuenere: quod ab Indis usurpatur, ut ad familiare conuiuium coronati accedat. Quinetiã uetusti moris erat, fercula exquisita et lautiora à ministris coronatis cum cantu & tubicine in cœnis solennibus afferri, poculisq; coronatis bibere, summamq; cœnarũ lautitiam tripatina distinguere, una muranarum, altera luporũ, tertia myxionis piscis: & ne inteperescerent cum obsonijs,*

focos quoque transferri institutum. Singulisque poculis singulos deos aut heroas, nonnunquam amicos aduocare, adstante cantorum turba, ac toto seruitio & famulatu: quorum alter reliquias colligit, quæ è mensa cadunt, alter murmur compescit, alius sputa è paimento, & si quid immundi est, uerit: eoque processere deliciae, declinatis corruptisque moribus, ut totos apros una mensa apponerent, quem primus Romanorum Seruilius Rullus apposuisse fertur. Deinde, multam uenationem & condimentorum uarietatem apponi usurpatum. Quinetiam uersatilia cœnationum laquearia Nero commentus fuit, ut cum fercula admittebantur, alia facies cubiculi desineret, alia succederet. Aegyptiorum mos traditur, ut in familiaribus cœnis brassicam præsumant in primis, eo edulij genere ebrietatem discuti arbitrati: quam Cato oleribus præposuit cunctis, ita ut mane illam esse oporteret ieiunum. Nonnulli nuces, lupinos, citrũ & apium, quòd uenenis prodesse, uelut antidotum, præcepere. Græci uino madentes, oleo perungunt & sale, qui etiam ante reliquas dapes, sal uelut amicitiae symbolum hospitibus apponunt: sicut Romani lactucas, quòd ebrietatem discuterent. Quinetiam Aegyptiorum usus erat, ut in solenni epulo propinquorum & affinium, qui decessere, aromatibus referta corpora iisdem lineamentis & specie recetissima, ac si uiui essent, introducant: hisque præsentibus & quasi conuiuijs adhibitis, epulentur: & si quando regum conuiuijs aduocarentur, uasa haberet, in quibus uentrem leuarent aut uomarent. Cretensibus, accubantes uesci, instar magni criminis erat: itaque stantes epulabantur. cōtrà Lusitani: nam sedētes cœnitabāt, quod

Alexan-

Alexander Macedo fecit, qui sedens uescebatur. Græci quoque in toris ex boum tergoribus assidentes, ordine ludunt & uescuntur. Galli, dum cœnant, in stramentis assident: Galatæ, in pellibus luporum aut canum. Cato iunior post ciuile bellum, non accumbens ut prius, sed sedens, cibo parcioꝛe usus fuit. Contra de Terentio Varrone & Hannibale legitur, ut post afflictas res, stantes cœnitarent. Apud Indos solus rex in lecto ex stramentis facto accubat, cæteri sedentes epulantur. Spartanis communia erant conuiuia: pauperes cum ditioribus eodem uescuntur obsonio: festisq; diebus, quos Phiditia nuncupant, nigrum ius & panem igni duratum apponunt, utq; regi duplum obsoniorum quàm cæteris detur, lege sancitum erat, non societatis gratia, sed ut posset obsonio quem uellet honorare. Qui etiam assuerat excellentium uirorum laudes, ignauorum fæda scelera in epulis canere ad lyram, quæ dicunt scholia. Idem apud Athenienses: nam in celebri epulo quod syssitiam uocant, tenuiores cum ditioribus unà conueniunt, & æqualem obsoniorum partem ferunt. Cretenses eiusmodi comessationes, andria dicunt, Persæ titthenidia, Græci τιμῆαι, Syri grammatias. Euere quoque Spartanis cœnæ copides, in quibus capra immolabatur: & alia αἰκλῶν. Apud Indos ara mensæ in modum constituta, pluribus accubantibus circum: in eaq; carnibus appositus, quilibet conuiuia è sua sede ad mensam uadit, & quam uult partem capit, atque in sedem reuersus, carnibus & pane uescitur. qui etiam comessationes in propatulo, Laconico more, faciebāt. Neque alienum fuerit, quod apud Gymnosophistas traditur, ut paratis instructisq; mēsis,

antequam dapes apponantur, adolefcētes singuli qui ad epulum conueniunt, quid generi humano lucrifecerint, quódue sapienter dictum factúmue fuerit illa luce, coram senioribus exprimere cogantur. Et qui deses aut remissus, nihil frugi in medium affert, impransus manet, & foras extruditur, quibus disciplinis illos ad uirtutem acuebant. Persarum mos erat, inter pocula de rebus serijs cōsultare: et post comessationes, si quid sanctiore fœdere concludi uellent, concubinas aduocare, & circumferre, tãquam ea adhiberent fœderi, quæ apud eos sancta & chara sunt. Idem Bactrianis, ut inter pocula de bellis consulrent, & si quid complacitum est, merum largius infundant: & Græcis, quibus uetustissimo iure usurpatur, ut postquam magnificè epulati fuerint, quasi refoto animo, de bellis decernant largioribus poculis: quæ si quando circumferebant, à dextris incipiebant. Thraces post intemperatissimas perpotationes, primo in uino & alea uersari, mox ad illicitos cōcubitus accedere solebant. Si qui uero ea uecordia fuere, ut post epulas nudas mulieres introducant, Dionysii prioris exemplo, aut alia quàm cibi obsonia conuiujs ministrent, fuit pro flagitio habitum, uelut scelus & nequitia singularis. Interque epulas & pocula primum libare dÿs dapes, & bene precari conuiujs, & secundum precationem dapibus cum modestia uesci, prisci moris erat, haud aliter quàm si sacrum epulum esset: siquidem apud maiores, inter res sacras mensa habebatur: nam Pisidæ cœnantes, parentum manibus primitias reddunt. Romani & Græci in conuictu familiari, ciborum partibus & uino in ignem coniectis, libamina dÿs dabāt,

&amp;



Et primitias cœnarum Laribus: quibus sal cum pane  
Et caseo pro pulmentario cœsit. Utque primus calix  
Ioni Olympio misceatur, secundus heroibus, tertius  
seruatori Ioui. Et quum uinum purum dabatur, obser-  
uatum est, ut Iouem Sospitem aduocarent, ne temu-  
lentos faceret: quum uerò aqua dilutum, Iouem ap-  
pellare Seruatorem. Persarum reges ante cibum de  
modestia disputant, ante sacrificium de iustitia, ante  
bellum de fortitudine. Et post trinam potationem, cum  
modestia epulati, bona à dijs precabantur. Nonnulli  
inter bellaria honores dijs ac magnis heroibus da-  
bant. Quum uero apparatu magnifico exquisitissima  
epulæ dabantur, trinis ferculis: sequutis mox temporibus  
etiam senis Romani cœnam exhibuere: idque lu-  
xuria erat: quo modo Augustus conuiuia inisse fertur,  
quibus non amplius trinis ferculis, aut quum abun-  
dantissimè, senis conuiuabatur. Iulius uerò Cæsar in  
Ægypto conuiuia multiplici ferculo protraxit cum  
Cleopatra, ad primam lucem. Nero quoque effusus in  
luxum Et epulas, à medio die ad medias noctes, inter  
uina Et scorta accubasse fertur: Domitianus non ul-  
tra Solis occasum. Et Heliogabalus tam perditæ ne-  
quitia Et luxuriæ fuisse, ut uigintiduo fercula ingen-  
tium obsoniorum una cœna admiserit, nunquam lo-  
tis lintheaminibus usus, sed nouis Et recentibus sem-  
per: sicut Galenus, qui aureis lintheaminibus strauit.  
Caligula una die centies sestertio cœnauit, qui etiā ex  
auro panes Et obsonia apposuit. Vitellius quoque inter  
apparatissimas epulas largissimo sumptu discubuit,  
qui una cœna à fratre exceptus fuit, in qua duo mil-  
lia lectissimorum piscium, Et septem auium, apposita

traduntur. Titus conuiuia instituit iucunda magis quam profusa. Geta maxima prandia per singulas literas inbebat, ut pullum, perdicem, pauonem, porcellum, piscem, & pernam unis epulis apponeret, & sic per singula elementa apparatus diuideret. Helio-gabalus æstiuæ conuiuia coloribus distinxit, sicut Lucullus per deos. Autor est Spartianus, Aelium Verum imperatorem, omnium primum excogitasse pētapharmacum præcipui saporis, ex sumine, phasiano, crustullo, aprugna, siue perna & pauone, instar Vitellianæ patinæ, quæ immenso constitit, quam clypeum Mineruæ appellauit. Cui proxima fuit Aesopi patina, sexcentis sestertijs taxata, in qua aues uocales & canoras apposuit, nummis sex singulas coëptas. Pertinax uerò imperator cōtrā, qui dimidiatas lactucas & carduos in priuata cæna apposuisse fertur. Diuus quoque Cæsar, & Octauius Augustus in quotidianis cænis cibi minimi fuere & uulgaris. Tiberius diebus solēnibus pridiana sæpe obsonia & semesa apposuit. Theodosius modico & castrensi cibo contentus fuit. Traianus etiam in uestiendo frugalissimus fertur. Laudaturque Iulianus imperator, quòd statarium prandium caperet, castrensi cibo & ministro obuio contentus, qui per triduum, porcellum & leporem diuisit. Regibus uerò Aegypti in cænarum magnificentia & regali luxu, nihil præter uitulam & anserem apponere licuit: Regibus Persarum, nisi pane, pulte, cardamo & sale uesci. Antigonus etiam parco & uulgari cibo contentus fuit. Aristippus, licet tyrannidem occupasset, cibo tamen uili refotus, & exclusis stipatoribus, cænauit: sicut Agathocles nunquam sine fœtilibus, memor paterne

terna obscuritatis, quod figulo patre genitus foret, adeo quod inter uasa aurea figulina semper admiserit. Inter ceteros autem heluones Annarus Babyloniae rex, tanti luxus fuisse proditur, & tam profunda gula, ut stola muliebri amictus, mero & unguento madens, centum & quinquaginta psaltrijs simul accubantibus, uelut officina nequitiae, magnis effusionibus cœnaret. Vinum uerò Græcum semel tantum etiam in lautissimis conuiuijs apponere solebāt: nanque ueteribus fuisse conuiuia iucunda magis quam profusa. Primus quæ diuus Caesar triumphalibus cœnis, quatuor uini genera, propter instituta maiorum, dicitur apposuisse, Falernum, Chium, Lesbium & Mamertinum. Antiquissimi (ut Varro ait) primo utres, deinde tinas, demum uini amphoras & cupas apposuerunt. Quod (teste Homero) heroicis temporibus fuit usurpatum, ut uina utribus inferrent. Sylla præter omnis generis condimenta, uinum supra quadragenarium, epulo publice præbito, populo dedit. Arabes quum longiori potu indulgerent, nemini supra duodena pocula bibere fas erat. Germanis si indulseris ebrietatem, quantum concupiscunt, licet. Augustus Octauius senos sextantes non excessit. Hannibal nūquam plus sextario uini indulxit. Caesar quoque uini parcissimus fuit, & bene diluti. Alexāder Macedo, ad unumquenque calicem, multo colloquio sermonem protrahebat, qui tamen aliquando triduo incaluit. Fertur Uticensis quandoque ad auroram cum amicis perpotando uigilasse, non ut mergeret, sed ut reprimeret curas: quod Plato non improbauit, quū largiori uino aliquāto refici animos putaret. Democritus uerò quaternos cyathos sextarios

minime censuit excedere oportere: siquidem iuxta  
 Anacharsim, primum craterem ad sitim pertinere di-  
 xit, secundum ad hilaritatem, tertium ad uoluptatem,  
 quartum ad insaniam. Vel, ut Ebulus poeta Cyprius,  
 qui bene sentientibus tria tantum propinari pocula  
 putauit: Sanitati primum, Amori alterum, tertium  
 Somno, quartum non utique nostrum, sed iniuriæ: ul-  
 timum uerò ἐπὶ μὲν appellari uoluit: nam postremo Græ-  
 ci Mercurio litabant, uelut somni largitori, & bono  
 demoni, cui gratias agebant, καὶ τοῖς ἀγαθοῖς δαίμονι.  
 Persæ uerò tribus libationibus factis, à dijs immorta-  
 libus bona precati, conuiuium dissoluebant. Tiberius  
 uero biduum & duas noctes potu continuasse fertur:  
 & Traianus capacioribus scyphis, sed citra ebrieta-  
 tem bibisse. Bonosus autem bibit, quantum nemo al-  
 lius. Proditumque memoriæ est, Commodum Cæsa-  
 rem in æstuationibus ingens uini poculum haurire  
 cunctis acclamantibus, Viue Cæsar. Inter ceteros pro-  
 ditur Zenocrates philosophus, inuitante Dionysio, ui-  
 ni choam hausisse, & præmium tulisse: atque Ennius  
 nimio hausto mero, articularem morbum contraxisse,  
 quo extinctus fuit. Apud Nabathæos uerò plura duo-  
 denis exiccasse pocula, erat ignominiosum. Ipse uerò  
 Dionysius iunior usque adeo uino marcidus fuit, ut  
 ad nonaginta dies mero incaluerit. Socrates tamen  
 fertur nunquam uino hilarior fuisse, sed eodem statu  
 semper. Accusaturque Mithridates tantæ bibacitatis,  
 ut præmia plus haurientibus proponeret. Neque sub-  
 ticendum, quod Leonides aduersus Byzantios uino-  
 lentissimos fecisse dicitur, qui quum obsidione preme-  
 retur, neque ciues pro mœnibus continere posset, quod  
 passim



passim ad cauponas cursitarēt, ut illos in officio haberet, ad mœnia cauponas & uinarias officinas disposuit: id quod apud Phigaleos bibacissimos pariter fecit. Inter omnes autem uinolētissimos Promachus Macedo memoratur, quatuor ingurgitans cantharos, & ob id ab Alexādri corona donatus, qui triduo superuixit postea: & Nouellius Tricongius rare gloriæ inter bibacissimos. Prandia uerò prisca antelucana habere, meridianum cibum cœnam dicere solebāt. Quod & Græcis uetustissimo in usu fuit: Nanque Eumæum scribit Homerus matutina hora prandium fecisse. Postea illo more desito, seruatum est, ut prandia in usu non essent: sed qua hora cœna apparabatur, ea prandium fieret: quod tempus nona esse consuevit, sæpe octaua: ante mediā uero diē pransum fuisse, uel antelucanam cœnam fecisse, crimini dabatur. idq; erat dissoluti & helluonis: siquidem post forensia negocia transacta, apud prisca fiebat prandium: cœnas uerò, quod nocte plerunque fierent, uespernas dixere. Sed tamen prandium leue & modicū, cœna autem fuit copiosior: tamen si Aristoteles largè prandēdum, & parce cœnandū putarit. Et licet Romanorū antiquissimos noctu cœnasse nonnulli opinati fuerint, constat tamen post multas ætates usum inualuisse, ut postmeridianis horis uescerētur. Persis quoque in meridie semel tātum uesci consuetudo fuit: qui erat Aethiopum mos, ut unico cibo contenti essent diebus singulis, ut alerent corpus, non saginarent: tamen si abusus postea Persis inualuerit, ut a mane ad uesperam quicquid est temporis, unico prandio concluderent. Fertur Alexander Macedo appetente nocte cœnasse, & primo diluculo prandio

accubuisse, plerūque ad multam noctem cœnam protraxisse. Galba ante lucem uestebatur: Cicero ante occasum solis perrarè discubuit. Præ cateris uero Tarentini usurparunt, matutinis se poculis ingurgitare, adeò ut temulenti in forum conueniant. Indi horam prandij aut cœna non nouerūt, sed ut cuique libitum, comessabantur: qui etiam Persarum & Numidarum mos, ut quacunque hora uesteretur. Diogenes quoque nullam temporis horam prandio definiuit. Senioribusque uelut atate uenerabilibus, aut his qui prudentia & autoritate anteirent, primi discubitus & honoratior locus dari, ipsique sublata mensa primi assurgere consueuerant. Erat autem Romanis locus honoratior, qui summus in mensa fuit: nonnulli in medio discubuisse, honoratius putarunt. In imo uerò conuiuij dominus cœnabat. Apud Græcos non modo loci dignitate uiros fama præcellentes in concilio uel mensa, sed poculis maioribus, & carne opimiore honestabant. Indis ut cuique in mentem uenit, in quacunque parte lecti discumbere licet: non enim bonorum personarū ratio in mensa habetur. Apud Persas magna ratio mense, præsertim regie fuit, in qua præter matrem & regis coniugem, nemini interesse permittitur, tametsi matronas quadoque adhibitas legamus. Aegyptijs autem si quis ad cœnam regis non uocatus accederet, capitis luit pœnam. Post epulas uerò, eruditas confabulationes, deinde fides & tibias, ac symphonias & cantus, illorum qui maiorum laudes carmine decantabant, adhibere antiqui moris erat. Abydeni in hospitali mensa & festis epulis postquam opiparè epulati fuerant, infantes admittunt garrulos & festiuos, ut his obstrepenti-

pentibus garrientibusque, conuiuia alacriores fiant:  
 Romani etiam moriones, ut oris deformitate & stul-  
 titia oblectarent: nonnunquam petulantes & impro-  
 bos scurras, qui lasciuia licentia, & impudentissimis  
 iocis, derisui essent. Neque omittendum, quod de Sy-  
 baritis proditum est, apud quos omnium libidinum  
 illecebra fuere, ut ad festum conuiuium & solenne e-  
 pulum non psaltrias modò & histriones, sed equos  
 composito saltatu ad symphonia cantum psallentes  
 introducant. Apud Galatas & Celtas ad mensam,  
 postquam uino incaluerant, ex prouocatione dimica-  
 tur ad uulnera: sicut apud Samnites inter epulas erat  
 mos digladiari, quod mox Campani odio in Samnites  
 detractis armis, uendicarunt, ut pro cœnarum magni-  
 ficentia, paria pugnatorum destinarent. Idem factum  
 memoratur ab Indis, qui quum post epulas, aureos cra-  
 teres circumtulissent, strenuitatis & fortium factorum  
 periculum facerent. Octavius uero postquam fuerat  
 discubitus, picturas inuersas conuiuii uenditabat, ut  
 aut expleret desiderium, aut frustraretur: nonnunquam  
 histriones, aut aretalogos admittebat. Vespasianus di-  
 cacitati super cœnam & iocis scurrilibus usque ad  
 ineptias uacabat. Tiberius ex lectione quotidiana  
 quæstiones frequenti conuiuii proponebat. Nero Cæ-  
 sar citharædos aduocabat primi nominis. Cato Vti-  
 censis à cœna deambulabat, Pomponius Atticus li-  
 bellos lectitabat. Quod Alexander Seuerus fecit, ut  
 in mensa familiari sæpe librum legeret: solitus uel le-  
 gentes audire: uel alijs legentibus, uesci. Hadrianus  
 comœdias, lectores & poetas admittebat. Heliogaba-  
 lus sortes conuiuiales post cœnam proponebat, ut alius

haberet decem camelos, alius muscas, uel auri libras, aut decem oua, ursos, glires & lactucas decem. Sylla quauis ferox & impotens, in comessationibus comis erat & facilis. Fertur quoque idem Seuerus Alexander, post epulas catulos cum porcellis, & perdices ad pugnam sæpe cõmittere: & Cleomenes, sublati mensis, uinum crateris circumferre. A Græcis uero anigma & gryphos post conuiuialia lusus proponebatur: cuius captiones soluenti præmium carnis portio, non soluenti pœna erat, ut salsum hauriret poculum. Parthis admittere concubinas post epulas, non improbat: uxores autem domi abditas, in uirorum conspectum non adducunt. Babylonij autem in conuiuijs, à principio fœminarũ modestus est habitus: paulatim deinde pudore prophanato, summa uelamenta exuunt: & post epulas ultimis amiculis reuelatis, pudibunda ostendunt, in omnemque licentiam iocorum & lasciuiarum, pudorem abijciunt. Fuitque ueteri more seruatum, quod bibente aliquo ex conuiuijs, mensam tolli non sinerent: nanque auspicij mali & detestabilis putabatur. Quod si inter cœnandum ferculum à mensa reuocatum foret, nisi cœna continuaretur, nisi que appositis epulis uescerentur, inter dira fuisse. Quinetiam per mensas deflare, aut prolapsum cibum è manu non reddi, ominosum erat: tametsi quorundam opinio fuerit, quæ è mensa decidunt in communi conuictu, nec tollere, nec gustare: illa heroum esse opinati. quodque apud honoratos & doctos uiros, nunquam ferè sine lectione cœna fuit. Et quum conuictus frequens in cœnam, & prandium diuisus foret, plerique tanto temperamento & tenui conuictu fuere, ut sola cœna contenti,



renti, nunquam ante Solis occasum, & nisi post decimam accumberet: inter quos memoratur Asinius Pollio, qui quū esset tota die negotiosus, ita post decimam animum relaxauit, ut nec legendis minimis literulis nacaret. Quidam noctu, alij media die, negocijs pausam fecere. Nonnulli autem tanta ingluuie & uentre tam uoraci fuere, ut uelut impuri helluones, effusas perpotationes, & exquisita obsonia quadrifariam diuiderent, in ientacula, prandia, cœnas & comessationes: semper instructis paratisque mensis tanto apparatu, donec uino madidi & crapula distenti fierent. Quod quidem obscuris saeuientibus moribus, à nonnullis pessimo exemplo factitatum est. Antea uerò non licuit, ne ingentia animi bona ingluuie corporis fœdaret. Apud Siculos autem usus erat bis in die epulis saginari, & saturum fieri: quibus tēplum saturitati dictum erat. quare Siculæ mensæ & Syracusanæ deliciæ tanquam lautissimæ in proverbium uenere, sicut apud Græcos Pharsali & Bæotij uoracissimi habiti. Quare ab Atheniensibus fatui, rudes & pingues dicti sunt, propter ἐλκφάγαν quippe quum à conuiujs crudi distederent, distenti rursus se ingurgitabant. Quod & Plato improbauit, & Romani duxere nefas: ut bis in die saturum fieri, uel cordis esse ducerent. Hoc quoque apud conuiuas seruatum legimus, ut in familiari conuiuium, aut epulis lautioribus aliquem attractum, aut pulla in ueste discumbere, ducerent nefas: nam depulso langore animi, non in tristitia cōuiuium interesse decet. propterea Vatinius, quod in epulo Q. Arj atra in ueste accubuerat, à Cicerone obiectum, & crimini datum est: quippe bellos conuiuas & conuictores faciles, in

candida, non pulla ueste accumbere decet, tametsi cœnatoria & triclinaria conuiuiis dari, antiqui moris fuerit. Ferturque Hadrianus Cæsar semper aut toga summissa, aut pallio tectus, accubuisse. Et Soloninus imperator, milites epulari cum sagis iussisse, hyeme grauius, æstate tenuibus. Quo tempore seruatum est, ut milites cum imperatore cincti discumberent. Tum frequens hæc fuit obseruatio, quod si quis ad cœnam benignè inuitatus iret, alios pari affectu aut sanguine coniunctos eisdem aduocare epulis non uetabatur, ueluti comites secum & umbras duceret. Sua autem sponte conuiuium alijs parato, se intromittere non decebat. Si qui uero non accersiti & αὐτὸματοι irent, in imam lecti spondam deduci iubebant. Tum si forsan minus tempestiue, neque ad horam constitutam conuiua accederet, illum nisi triclinio circuito, admitti non sinebāt: & tunc epulari iussus, discumbebat. Reges tamen Spartanorum serò prodeuntes, cœna parte multantur: quippe ad cœnam non euntibus binæ chœnices farinae, & uini singulae cotylæ mittuntur, dupla uero presentibus. Ideo ephori Agidi regi Lacedæmoniorum quum ad Phiditia non accederet, cœna partem petenti abnegarunt. Tum si quando inter epulas incendium quisquam nominaret, ne quid ea res diri portenderet, aquam sub mensam inspergebant. à quibus obseruatum est, ut aliquo ex conuiuiarum numero è triclinio prodeunte, uerri solum nullo modo sinerent, hoc infandum omen & perniciosum portentum augurati. Si tamen ad lumina cœnarent, aut illa in triclinio essent, ueteris instituti fuit, ut lumen in lychno non extingueret, sed illud sua sponte emori sine-

rent.

rent. Quodque mensam prisci nunquam uacuum tolli iubebant, semperque prandij partes superesse uoluere: siue antiqui uictus parsimoniam, siue morem, quo aliquid reliquiarum in mensa superesse felix omen erat, ueteri instituto adnotantes. Legimus tamen, cæna peracta, reliquias & semesa obsonia ministris astantibus diuidi & circumferri, antiqui moris & exempli fuisse.

Quæ ipse dictu admirabilia de umbrarum figuris noctibus ferè singulis Romæ expertus fui. Caput XXIII.

NOTA & uulgata res est, ædes quasdam Romæ, quas ego incolui, euidentissimis ostentis ita infames, ut nemo illas incolere ausus fuerit, quin assiduus umbrarum illusionibus, & tetris imaginibus, noctibus fere singulis inquietetur: in quibus præter nocturnos tumultus, quos medio ferè noctis silètio audiebamus, & horrendos fremitus cum eiulatu, striduloque uocis sono, quibus lachrymari & tremere uidebatur, speciem hominis squalida facie, uultu minaci, nigro corpore & aspectu formidabili, nomen suum exprimentem, & opem implorantem, cernebamus. Sed ne quis hoc fabulosum aut commentitium putet, autor est Nicolaus Tuba uir multa & expertæ fidei, qui quum rei explorandæ gratia, cum nonnullis doctis iuuenibus prima face ad nos aduentassent, cupido incessit animo hæc quæ à me promebantur, uero testimonio experiri, & an uera essent intueri. Et ne quid inexpertum relinquerent, noctem peruigilem egere mecum, ut rem notam exploratamque haberent. neque eos opinio fefellit: nam quum accensis luminibus, peruigiles starèt, haud procul species hæc dira terribiliq; facie, & uultu tetro representata est, quam ipsi tumultuari, &

diris nos uocibus agitare uidebant: cumque omnia clamore & tumultu streperent, post multa oculorum ludibria, tantum formidinis pauorisque intulit, ut territi & trepidi uix mente incolumi satis constarent. Et cum tota ades gemitu funesto miscerentur, singulisque cubiculis pestis illa importuna obuersaretur, dum propius accederemus, illam retro cedere, et querula uoce lumen effugere cernebamur. Demum cum multum diuque tumultuata fuisset, haud multo post ubi multum noctis processit, uisio omnis illa dilapsa est. Sed prae ceteris quae ibi expertus sum, non omittam miraculum ingens, quod mihi plane uigilanti maiore aliquanto trepidatione haud multo post obuenit: nam cum tenebris obortis, cubiculi fores obserassem firma sera, iaceremque in lectulo, nulla adhuc quiete composita, lumine accenso, horribilem illam speciem foris iam tumultuari & cubiculi forem manibus pulsare sentiebam. Nec multo post, simulachrum illud, opertis addictisque foribus (uix credibile dictu) per commissuras & rimas in cubiculum se intromisit: quod sub lectulo meo iacens, cum Marcus alumnus & cliens meus, ut pote qui è conspectu cubabat, tetra & dira facie aspiceret, pauore subito consternatus, luctu & gemitu omnia opplebat, ipsamque intromissam non sine formidine clamabat: idque mihi, cum clausum cubiculi ostium aspicerem, uix credibile uideretur, interrim dirum illud simulachrum quod sub lectulo iacebat meo, manum & brachium protendere, lumenque quod iuxta aderat, extinguere uidimus: quo extincto, libellos & quicquid rerum erat, querula uoce miscere, ac omnia euertere non destitit. Mox cum ad tu-  
mul-



multum exciti socij eò se contulissent, lumenque intronissuri obuersarentur uestibulo, interim ipsam opertum cubiculi ostium manu aperire, & foras effugere uidimus. Erat enim ipsius species, ut plane perspeximus, simulachro hominis nigerrimo non absimilis. Illud utique mirum fuerit, dignumque memoratu, figuram illam, dum nobiscum sic luctaretur, quum fores cubiculi reserasset, ab his qui lumen intronifere, minimè conspectam: sed quum primum cubiculi fores exiuit, elapsam ex oculis, ilico discessisse, & in auras euanuisse.

Qui cultus domorum quondam fuerit, & quare maiorum imagines in postibus, & arma in atrijs & uestibulis haberent: & quid de exteris.

Caput XXIIII.

QVIBVS pristini decoris memoria relicta fuit, hoc etiam literis adnotasse accepimus, amplas domos in primis gressibus uestibula habuisse: quæ spatia licet pars ædium forent, tamen illa pro ædibus fuisse nemo ignorauit: erat enim locus uacuus, per quem de uia ad fores patebat aditus, in quo præstolari qui salutatum uenerant, aut si conuento opus foret, tempus opperiri solebant: quod quidem prima aut altera diei hora esse consuevit. Fuit enim apud maiores non modica laus illis, qui ex claris familijs erant, quamplurimos clientes, non modo cateruas togatorum, sed & tenuiores amicos habere, à quibus obseruarentur quotidie & colerentur, cumque his ad forum deducerentur frequèti comitatu: nanq; maximi decoris erat, amplos uiros illustresque etiam ab infima plebe quotidie salutari, appeti, deduci, reduci & consuli, eisque decedi & assurgì. Fiebat enim salutatio more prisco

dextram iungendo dextra: quippe cum referat Varro, omnem antiquorum honorem, dextrarum constituisse uirtute, nonnunquam osculo, plerunque assurgendo, caputque denudando, quod apud nostrates frequenti in usu est: mansitque obseruatum, ut salutantes imperatorem, antequam admitterentur, interiores aulici scrutarentur, sinumque prætentarent, ne quis cum telo esset. Nonnunquam ut ualentissimi serui catenis relictati, pro ostio aditum custodirent, ne non uocati admitteretur. Laudaturque Vespasianus, M. Antoninus & Alexander Seuerus imperatores, quod salutareretur patente cubiculo, ministris admissionalibus remotis. Apud Parthos uero regem adire uel salutare sine munere, nulli licitum erat. Quibus clientibus ab his quos sectabatur, frequens sportula dabatur, quæ prius centum quadrantes fuit: deinde tectam dari institutum: quare uocatores principis dicti, qui ad cœnam conuiuas admittebant: quorum nonnulli mercede accepta, aliquos subdititios principum sæpe cœnis aduocarunt. Quam Nero ad sportulas reuocauit, qui etiam plebi congiarium quadragenos nummos uiritim dedit: siquidem imperatoris munus, quod populo dabatur, congiarium dictum est: quod uero militibus, donatiuum. Mox Domitianus sportulas ad cœnas reduxit: in qua frequens obsonium, panis, oleum & porcina caro dari solita, absque uino. Diuus uero Iulius ad conciliandum populi fauorem, frumentum uiritim dedit ternos modios, & totidem olei libras, trecenos quoque nummos singulis, & centenos pro mora. Augustus Octauius frumentum plebi gratuitum & menstruum, Nero quadragenos nummos uiritim congiarium largitus

largitus fuit. C. uerò Cæsar trecenos sestertios, & forensia uiris & pueris, ac fœminis fascias purpura, & conchyli, nonnunquam pro sportulis panaria cum obsonio. Domitianus etiam congiarium nummorum CCC. senatui & equestri ordini panaria, plebi uerò sportellas cum obsonio. Cato iunior nouo more tribuit sportulas: Græcis ex tritico, raphano, blito & apio: Romanis autem uini amphoras, carnes porcinas, ficus & lignorum fascies. Quauis apud antiquissimos sextarij lactis darentur, uini nunquam, nisi quod à Cornelio Cethego in consulatu mustum rutatum populo datum est. Ancus uerò Martius rex, salis modia sex millia congiarium populo erogasse fertur, ex quo tantum quisque ferebat, quantum in singulorum capita descriptum erat, ab undecimo ætatis anno. Augustus etiam tricenos & quadragenos, nonnunquam singulis quinquagenos & ducentenos nummos largitus fuit, ac ne minores quidem pueros præterijt: sicut Traianus infantes quoque ad sportulas admisit. Tiberius trecentenos uiritim dedit, & prandiū mille mensis. Galba dedit populo congiarium, & epulū senatui & equestri ordini, ac præter epulas forensia uiris, fœminis ac pueris fascias purpura & cōchyli, quibus ueteres pro caligis utebatur. Et mox Nero, Domitianus, Hadrianus & reliqui Cæsares munera populo sæpe largiti sunt. Sed Hadrianus nouo more, aromata, balsama & crocum: nonnunquam duplex congiarium, ternis per singulos aureis diuisis. Commodus singulis denarios septingenos, uicenos, quinos. Aurelianus uerò ad Parthicū proditurus bellum, quum bilibres coronas singulis promississet, & aureas populus expectaret, siligineas dedit nouo ge-

nere panis, quo deinceps usi fuere: qui tamen populo uniuerso panem, oleum & suillam carnem postea diuisit, uinumq; dare statuerat, nisi morte præuēctus fuisset. Fuitque obseruatum, ut principes assumpto imperio, ad conciliandum fauorem, congiarium darent populo, quod annuum plerunque homines clarissimi, & summis honoribus functi, pro officio & cliētela uelut stipendiū capiebant. Erant ergo hi quos isti sectabantur, illorum patroni & defensores: sui que officij ducebant, in fidem illos & clientelam habere, tutelamq; suam ducere & ope iuuare. Quinetiam non foris tantum, sed intra domesticos Lares, libertos seruosque salutatores comperimus, qui bis in die frequentes aderant: ut mane saluere, uespere ualere, domino aut patrono dicerent. Necnon populis & nationibus, ac bonis & fidelibus socijs, patronos publicè fuisse Romæ homines honestissimos, summo loco natos, qui fortunarum propugnatores erant, & ciuitatum defensores non pœnitendi, quorum studio et fide, singula negocia in senatu facerent, & promouerent: siquidem Syracusani in clientela Marcellorū fuere, Lacedæmonij in Claudio-  
rum, Puteolani Brutorum, Neapolitani Liciniorum, Bononienses Antoniorū. Allobroges patrono Fabio Sanga usi sunt. Marius Herennius, Cæsar quoque Græcorū patrocinio plerunque affuit. Plebs denique ipsa sub patritiorum equitumque Romanorum tutela per clientelas diuisa erat. Quod à Romulo à primis originibus institutum ferunt, ut plebeij singulos patronos ex patribus legerent, quorum consilio & autoritate niteretur. Præterque uestibula fuere caua ædium, & peristylia, ad quæ quisque suo iure non uocatus admittebatur.



In foribus uerò & atrijs domorum, ara, focus & Lar familiaris erant: nanque focus erat ara deorum Penatium, quæ instar numinis habebant: in quibus nō deorum modò simulachra, quos singulis ædibus in Larario colebant, sed imagines ac expressos uultus illorum qui familiæ decus fuere & ornamentum, ac principum & patronorū quos quisq; colebat, habere assuerāt. Quare L. Vitellius, Vitellij pater, Narcissi & Pallantis imagines inter Lares coluisse fertur. cereæ enim imagines in atrijs domorū singulis disponebātur armarijs, quos ita celebrabāt colebantq; , ac si illi quorum uultus exprimebantur, uiuerent. Quas festis diebus, & in summa gratulatione & latitia, laureis sertis & floribus ornare, illorumque natales dies festa luce celebrare solebant: In luctu uerò & gemitu familiæ tanquam conscii doloris essent, & tacita mæstitia funestaretur, deformare: tantoq; honore dignos putabant, ut illas cum singulis imaginum titulis, illorum præcipuè, quorū dignitas maximæque res gesta fuere, in exequiali pompa & apparatu funeris extra ades produceret, & longa serie uelut familiæ decora representarent, illæque defunctorum exequias, & unà funus comitarentur. Ita tradito more, ut domino aut aliquo ex familia uita functo, illius imago tam circa limina domus, quàm pro foribus locaretur, ut defuncti desiderium representata illa species leniret, posterosque ad præclara facinora domi forisq; obeunda inuitaret. In eisdē quoq; atrijs & foribus, ac circa domorū limina, hostiū spolia, quos quisq; uicisset, quorumq; uictor extitisset, etiā enses & clypei, galeæq; & currus, ac denictarum nauium rostra, ueluti auitæ gloriæ, & fortium factorum

ornamenta affigi assuevere: quæ quanto uetustiora erant, tanto plus decoris & maiestatis habebant. Ideo nec uetustate consumpta reficiebantur, nec effracta resarciiebantur. Hæc enim omnium ad se uertebant oculos, quo intuentiũ animos cogitatio subiret, ut pari ipsi exemplo ad magna facinora, magnasq; res inuitarentur. Nec solum priuatas domos, sed porticus & deorũ templa hostilibus spolijs tanquam trophæis exornare, uetusti moris erat: tantiq; exempli fuere, ut illa posteris nõ mediocris stimulatio fuerit, ne degeneres ipsi, nèue ignaui tam claros triumphos turpibus factis dictisq; fœdarent. Adeoq; hæc propria familiæ ornamenta sunt habita, ut quauis alienatis ædibus, nouo domino spolia & imagines refingere nõ liceret. Hasq; statuas, quibus splendor & uetustas familiæ notabatur, amouere, est habitum nefas. Belgarũ uerò fuit mos barbaricus, cæсорum hostium capita postibus tanquã spolia affigere: qui etiam Galatarum, qui ultra Rhenũ incolunt, usus traditur, ut spolia hostium sanguine perfusa, & trunca capita foribus affigant. Gelonorum, hostium cutes, ut eæ omnibus spectaculo sint, ac fortium factorum insigne documentũ, & hostibus pertimescendum foret. In Aegypto autem in uestibulis domorum, alas uulturum proponere, indicium nobilitatis & uetustatis familiæ censebatur. Apud Phryges pardalis pro foribus affixa (Homero teste) signũ immunitatis erat, ne hostium incurtribus pateret. Alexander uerò captis Thebis, ut Pindari domui parceret, illã inscribi iussit. In eisdem quoque atrijs, pinacothecæ nõ mediocri paratu dispositæ erant: in quibus tabulæ pictæ, calatum argentum, stragula uestis, signa & ornamenta reponabantur.

bantur. Sicut Græcis fuere cheli & cista, phascoli & rhiscus, in quibus egregia suppellex, et muliebris mundus seruabantur. Quæ atria plerunq; inaugurata fuere: nanq; haud aliter in illis senatus cogi poterat, quàm si inaugurata tēpla fuissent. Non tamen omnes, sed solas Palatinas aedes inaugurari seruatum est, ut habitas in his senatus decreta, rata forent. Eas quidē aedes ueluti angustissimas, uestibula regalia habere, cognitum est: atriaque potentiora, peristylia amplissima, & conclauia insigni pauimento: tricliniaque & ampla prætorioria, ac cænationes mira cælatura & arte. Nonnunquam xysta, colles, nemora, hortos, piscinas, euripos, amnes, & aquarum ductus, porticusq; pauimentatas, cultu & laxitate conspicuas, syluasq; & ambulationes: siquidem in his publica concilia & iudicia, arbitriaq; & conuentus frequentes fieri consueverant: inq; earundem Palatarum adium uestibulo, & pro foribus regia, laurus semper & ciuica ex quercu, præcipuum insigne clementiæ Cæsarium, affixa uisebantur. Quæ quidem atria in primo aditu domus, et proxima ianuis extruebantur, in quibus matresfamilias degere & lanæ operam dare assueverant: quod aliter à Græcis seruatum meminimus; quibus andronitis in primis adibus erat, gynæctium uerò ubi mulieres operabātur, in conclauis & recessu intimo, præ pudore & modestia locabantur. Ideo nō extra, sed ab intus fores pulsabantur, ne imparatos offenderent: quod etiam à Parthis usurpatur, ut gynæconitin in secreto domus à uiris semotam haberent: quippe quum nō modo uxorū, sed pellicum pudicitiam ita suspectam habeant, ut nisi capite operto, & uelato uehiculo, illas in publicum pro-

dire sinant, neminiq̃ue propius accedere liceat. Apud quos reges quoq; in penetralibus regia occlusi, sub specie maiestatis deliteſcunt. Sed tamen triumphales domos hoc amplum habuiſſe ferunt, ut fores de uia aperiantur, nō intus, ſicut de Publicolæ familia proditum eſt. Præter quæ, potentiorū domos basilicas habere ante ueſtibulum, magno ornamento duxere, in quibus eſſet tribunal: tanquā plus ineſſet autoritatis, quod iudicia publica ante ædes darentur: nonnunquam ſcholæ exercitationes & declamationes in his fierent. quippe quū frequens ibi eſſet auditorij locus: licet basilicas foro coniunctas plerunque legamus, in quibus conuenirent negotiatores, & merces exponerēt. Communis tamen thalami deſcriptio ſic erat; ut primo poneretur loco ſeptum, ubi ianua, mox aula, inde porticus peristylos ſoli expoſita; poſtea prodromus, ultimo domus, & in poſticiſ adium hortus. Cænaculum uerò ſupra ædes erat, ſcalis ferentibus in publicum, nonnunq̃ in ædes uerſis. A principio uerò Urbis tā ſimplex uitæ cultus fuit, ut rudi cæmēto cōſtructas domos, & ſcandulis robuſteis aut ſtramenteis contectam urbem per annos quadringentos uſque ad Pyrrhi bellū legamus: qui modicus cultus, Hiſpanis, Aquitanis & Luſitanis, atque Aegyptijs fuit, quibus in modiciſ diuerſorijſ degere, ſepulchra uerò magnificentiſſima extruere patrij moris erat. Non ſic Agrigentini & Megarenſes: nam iuxta Platonis uerbum, ædificabāt ut ſemper uicturi, epulabantur ut morituri. Indi quoque in cultu corporis accuratiſſimi erant: in ſepulchris uerò extruendis, parci & modici. Gallis domicilia pluteis & cratibus intexere mos erat: Britānis & Suenis, in tugurijs una



cum armentis stabulari: Liguribus montanis, speluncas & uastissimos specus incolere, aut cubilia modica & subobscura. Germani non coherentibus aedificijs habitant, sed suam quisque domum spatio circumdat. Medi diuersoria habent magnis recessibus circumdata, & nemoribus manu consitis. alij lateritias fece & domos, quas Euryalus & Hyperpius inuenere primi. Scythæ & Nomades, quia fusi per agros sunt, carris quocunque fors tulit, pro tecto & lare utuntur. Hyperboreis nemora, uel luci, ac sparsa tuguria domus sunt: nam præaltas syluas & rupes inuias incolunt. Dardani foveas sub fimo, & sordidas ades habent. Phryges olim & Troglodytæ sub effossis tumulis, Baleares in saxis concavis, cuniculis ad corporis magnitudinem dimensis. alij ex ulua palustri latibula intexerunt. Mardorum gens specus infodiunt montibus, in quos se, coniuges, & liberos receptant. Aethiopes et Indorū magna pars subterraneas domos habet: Massilienses ex paleis: in Meroe ex palma, Cathromotitæ ex ligno. Indi quoque, Aegyptij & Britanni, ex arundinibus: Ichthyophagi ex ostreis marinis, aut ex pisciū ossibus tecta contignant. Chelonophagi partim ex alga, partim ex testudinum testis, gens circa Nasamones & Troglodytas: & Chaldaei profugi ex sale: Spitamæi ex ouorum putaminibus & pennis. Contrà uerò Arabes & Sabæi: nam limina, postes, cellas, fulcimenta, parietes, & domorum tecta habent angustissima, ex ebore, auro & argento, atque sumptuoso lapide & smaragdo, luxu ingenti: laquearia uerò citro & ebore extructa, qualem Alcinoi domū Homerus tradit, auro, argento, electro atque ebore fulgentem.

Perſæ quoque magnas gazas, & quicquid eſt auri, in domibus ponunt. Regum Indorū regia argenteis imaginibus tota diſtinguitur, eamque ex auro uites percurrunt, ſultæ aureis columnis. Fuitque inſtitutum Lycurgi apud Spartanos, ut domorū culmina ſecuri, ianuas uerò ſerra diſcindāt, ne quis inſignius altero adificaret. Quare Ageſilai domus ab inopi & priuata haud diſſimilis fuit, ſicut Pompeij domus uſque ad tertium triumphum. Athenienſes quum antea ſpecus & abditos ſaltus incolerēt, primi lateritias ædes calce & cæmentis conſtruxere. Poſtea uerò in tantum magnitudinis Vrbs ædificia proceſſere, ut tota ædificijs exurgens, in quatuor aut quinque contignationes, & multa tabulata tecta excitarent, maximasq; domos maximis domibus imponderent, ut orator Ariſtides profeſſus fuit: ita ut Auguſto Cæſari, ne Vrbs ruinis laboraret magna mole ædificiorum, ne quis ſupra ſeptuaginta pedes ſublimius ædificaret, inhibere neceſſe fuerit, licet ipſe modicas ædes incoleret, & toro modicè inſtrato cubaret. Quod & Nero Cæſar poſt incenſam urbem, diſpenſis uicorum ordinibus & uiarum ſpatijs, ſta tuit, ne ultra præſcriptum ædificia tollerentur. Quare Aemylius Porcina à L. Caſſio accuſatus, et pœna multatus fuit, quòd uillam nimis ſublimem ædificaret: produntque, Tyrios adeò editas maximis contignationibus domos aliquando ſtruxiſſe, ut parū abſuerit, quin tota terræmotu corruerit. Sed quæ ſint inſtrumēta domus, quæ relicta domo inſtructa, ad nouum dominum tranſeant, ſæpe quaſitum eſt: & præter imagines & affixa ſpolia, iſta etiā Paulus iureconſultus de inſtructo fundo adnotauit: ſpecularia, pegmata, canales, harpa-

*harpagones, hamos, centones, siphones, scalas, perticas, spongiarumque, quibus instrumentis domus contra vim ignis ad incertos casus defenditur, squalor abluitur, et immunditia purgantur. Dixere autem centones, ex uillis grossioribus sagula intexta uilioribus pannis, quibus domorum tecta, tabulata aut lignea machinae militares, aduersus incendia, si ignis maior uis ingruat, muniuntur: siphones uero, fistulas follibus iunctas, seu machinas hydraulicas, quibus agitatis, ad superiora adium exhauriunt aquam, qui etiam organa neumatica dicti: Harpagones ferreas manus, seu asseres ferro unco praefixos, quo igni furenti obuiam irent, quos ab Anacharse Scythia inuentos nonnulli uolunt: Pegmata uero compactam machinam ex aere, marmore uel ligno, tum ornatus, tum commodi causa, instar illorum quae in pompae apparatu producuntur, quibus etiam intra aedes uti assuerant. Addit Paulus horologium arcum domi non affixum, & prothyrum, relicta domo instructa, ad dominum transire. Est autem prothyrum instar uestibuli plerumque opertum, quod ante aedes & ostium fit: quod non esse uestibulum merito nonnulli putant, sed ligneam structuram in isto uestibulo ante fores: qua obstat quasi repagulo, apertis ianuis, quae intus sunt, non apparent: sumpsitque nomen à τῆρα quod ante significat, θυρά autem ianuam: unde hypothyra ualuarum illa hians cavitates dicta. Censuitque Pomponius iureconsultus ex autoritate Labeonis, prothyras eiusmodi si pro aedibus sint affixae, adiu partem esse, tametsi facile demi possint & reponi: sicut ligneam structuram, quae aestate tolli, hyeme reponi solet, adium esse Labeo putauit, quoniam perpetua causa parata*

forent: itaque alienata domo, prothyra eiusmodi una cum domo ad emptorem transire uoluit. Verba uerò Pomponij iurecōsulti de uerborum significatione, hæc sunt: Idem Labeo ait, prothyrum quod in adibus fieri solet, adium est.

In extis inspicendis quæ prospera, quæ uero dira sint, & quæ boni, quæ uero maliprænuſcia. Caput XXIIII.

QVI augurum disciplinam obseruarunt, quique illorum præscita perscrutati sunt in fibris extisque inspicendis, inter ea quæ dira aut secunda essent, multum interfuisse uolunt: licet alij alio modo illa interpretari, & eorum euenta prædicere soleant. Et tamen si in extis contineri cor, cerebrum, pulmonem, stomachum, lienem, hepar, seu iecur, communi opinione receptum fuit, quas Græci φέρωνες dicunt, incredibili fabrica coniuncta, quorum ex habitu & colore, salubritatis & pestilentiæ signa ostenduntur: tamen nullum discrimen uehementius fuit, quam si caput iecinoris, uel ipsum iecur in extis defuisset, quod caput extorum dicitur, tunc omen exitij malorumque fuisse, funestumque & magni terroris: nisi in solitudine, & metu, quia curas tunc perimere putarunt. Cumque hepar ex non puro sanguine sit, quia sanguis purus cogitur circa cor: tamen in hepate sedem uaticinij esse, & præsagium futurorum periti haruspices opinati sunt. Quo mense Cl. Caesar ueneno interceptus fuit, sacrificanti iecinoris caput defuisse constat, quod et Caio principi euenisse memorat: quæ extra pestifera dicta fuere. Si uerò in iecore extremum quod fibra dicitur, ita locaretur, ut ab ima fibra iecinora intrinsecus replicata essent, aut si geminum iecur foret, per hæc lata & magna portendi, argumentaque



taque felicitatis esse nemo dubitavit. Autē iecoris caput aut duplicatum, nimis letum auspiciū facere, sicut exta duplicata magnas facere accessiones, prolationemque finium & triumphum portendi uoluerunt. Et tamen si circa Briletum & Thermem in Thracia, & in Chersoneso iuxta Propontidem tradat Plinius, bina iecinora leporibus inesse, & si aliō transferantur, alterum interire: tamen id non esse prodigium, omnium opinione receptum est. Syllæ immolanti iecur extrema sui parte speciē laureæ coronæ præ se tulit, mirabili ostento felicitatis futuræ. Si uerò liuidum esset aut uitiosum, uel si in coquendo distabuit, aut sanies purulenta efflueret, caputue fibrarum pustulas haberet, piaculare esse, & magna facere infortunia, constans opinio fuit. Idcirco denuo augebantur uictimæ, donec iterum cæsis hostijs litatum foret. Ex corde quoque, unde sanguinis origo manat, licet à principio auspicia sumere minime solerent, posteaquam in extis corda rimari cœperunt, quo tempore Pyrrhus post multiplices clades Italia pulsus fuit, hoc obseruauerunt haruspices, ut si cor silens iaceret, neque palpitaret, aut in extis defuisset, calamitates portendi & magnas fortunæ minas crederent. D. Cæsari, dum rerum potiretur, immolanti cor defuisse dicitur, tristissimo euentu: nanque haud multò post conspiratione coniunctissimorum cæsus occubuit. Quod de Pertinace proditum est, ut qua die morte sublatuſ fuit, sacrificanti nō modo cor uictimæ, sed hepar deesset. Si autem in summo corde pinguedo foret, aut solito maius, raptumue ab aquila aut a uibus fuisset, nimium propicios deos ostenderunt. Dum Hermodrates dijs sacra faceret, raptum cor uictimæ,

Et à coruo elatum in sublime, felix auspiciū fecit, quo  
 Cardiam urbem ad Corinthum auspiciatissime condi-  
 dit. Sicut auo Galbæ, fulgur procurati, cum aquila ex-  
 ta rapuisset, Et in sublimem quercum detulisset, impe-  
 rium portēdit. Fuitq; animaduersum, cor quibus præ-  
 grande esset, pauidos facere: quibus exiguum, aspectu  
 formidabili Et audaces: quare Hermogenis summi  
 rhetoris, Et qui præcociissimi ingenij fuit, mortui disse-  
 cto corpore hispidum cor inuentum est. Tametsi trada-  
 tur apud eruditos, eos qui hebeti essent sensu, corde du-  
 ro Et spisso: qui uerò ingenio ualerent, molli fuisse: id  
 quod Plinius de Aristomene Messenio, Et alij de Ly-  
 sandro, cuius defuncti cor pilosum inuentum esse, me-  
 minere. Fel quoq; in extis augurium facere proditum  
 est, quod sub hepate angusto ore, Et fundo ampliore  
 apparet, ut purū illud clarumque reddat. Si tamen ge-  
 minum reperitur, licet prodigium sit, tamē magnæ spei  
 fortunā portendit. Quo enim tempore Augustus apud  
 Actium, profligato Antonio, uictor fuit, eo ipso uictori-  
 æ die, geminum fel in extis inuenisse traditur. Arato  
 quoque sacrificati, cum geminū fel haruspex inspexis-  
 set, quæ capitali odio dissiderent, mox sincera fide con-  
 ciliari, societatesque Et fœdera iungi prædixit, quod  
 uerissimo euentu postea consequutum est. Fuitq; disci-  
 plina augurali traditū, ut fel Neptuno perpetuò dica-  
 tum sit, uelut humoris autori. Quod si in extis prægran-  
 de fel inueniretur, prodigij loco est habitum. Sed quan-  
 uis prodigiosum, magna semper Et felicia portendit.  
 Fert tamen Aristoteles in Naxo prægrande fel pecori-  
 bus innasci: circa Chalcidem Eubææ, Et in Ponto, pec-  
 cori nullum esse: ceruo quoque Et damæ, equo, mulo  
 Et asino,

Et asiuo, camelo atque apro, usque defuisse. Sicut per-  
 dices in Paphlagonia bina corda habere, et in Bisal-  
 tia lepores bina iecora. Et in agro Creten si pecora cir-  
 ca Gnoson splenem habere tradunt: circa Cortynā non  
 habere. Vel quod idem tradit, in Scripho insula, et in  
 Acantho Macedonia et apud Cyrenem ranas non  
 coaxare. Et in Aemathia Macedonia sues unungulos  
 nasci: atque in Cappadocia mulas foetus parere, et in  
 Eleo agro mulos non educi, neque propterea ominosum  
 aut prodigium uideri. Pulmo uero sub corde est spiran-  
 di officina: is incisus et geminus, tempus dirimere, et  
 diem differre traditur. Si uero simplex esset et solidus,  
 continuare temporum curricula, nullasque cunctatio-  
 nes et moras afferre, opinati sunt. Si uero pulmonis fi-  
 bra lateret, aut cum corde et iecore coniunctus foret,  
 uel si paruo distinguitur interuallo, miseros casus por-  
 tendere uoluerunt. Lien aduersus iecur, sinistra in par-  
 te est: siquidem uentriculo annectitur in intestino, ut  
 iecur purum reddat: Quod si in dextram uergeret, fe-  
 rale auspicium, et predicere quæ magno malo luuntur,  
 haud dubium esse: qui tamen abundans, homines de-  
 colores facit. Quare in terra Caria Caunios, quod sub  
 graui calo degunt, mirum in modum lienosos dicunt  
 esse. Vnde uerbum Stratonici citharædi, illic ambula-  
 re mortuos, quod omnes mirifice pallerent facie tabifi-  
 ca. In Fordicidijs sacris, quibus hostias quæ uterum fe-  
 runt, immolare præcipitur, si foetus biceps aut mancus  
 in utero esset, uel interaneis exulceratis appareret,  
 exta eiusmodi imminentium malorum nuncia esse, cre-  
 ditum est. Dracones in extis apparuisse, letum fecere  
 auspicium. contra Graccho sacrificati, ad exta irrepsisse

adeo iecinore, necem futuram & imminens fatū portenderunt, quæ mox subsequuta sunt. Extæ quoque de sacrificantis manu, ab aquila fuisse rapta, tam efficaci auspicio fuere, ut nullum præsentius aut felicius fuerit. Si tamen è manu decidissent, uel uiscera cruore infecta essent aut liuida, nigrisq̃ue distincta maculis, uel si omentum & membrana uiscera continens, bians foret aut sanguine suffusa, indubiam necem & fatale exitium portenderunt: quale Crasso euenit, cū contra Parthos ducturus lustraret exercitum, documento futura magna calamitatis. Præcisa uerò hostiarum capita, suum sanguinem aut exta lambere, Pyrrho sacrificanti obitum luctuosum & fædos euentus designarunt. Idem Cimoni formicarum cateruas sanguinem uictimæ corripuisse, adnotarunt. Ferunt tamen diuinandi periti, sanguinem uictimæ crassio rem & calidior em, efficacior em uim portendere: qui uerò tenuior esset & frigidior, maiorem habere intelligētiam. Estq̃ inter exempla, præcisum caput uictimæ fluxu maris absorptum, atque extra non comparuisse, Callicratidi Lacedæmonio interitum uitæ attulisse. Subit tamen illa reputatio, ueteribus tradi monumentis, gallinæ ceorum fibras maxime dijs gratas uideri, sicut talparum Magi uerissima dicunt, illisq̃ue haud secus quàm solenni uictima pulcherrime litari. Hæc enim sunt exta argutissima, in quibus diuina mens inesse creditur. Fuisseq̃ue Cypriorum inuentum, ex suillis extis fieri diuinationem, quodq̃ue nisi ex sana uictima, neque litari, nec futura prænosci poterant. Ea uerò exta quæ nihil habent diuinationis, quæq̃ue expianti non litant, tanquam sine nutu, ulloq̃ue afflatu diuino, muta dicuntur,



cuntur, quibus nō esse litatum notabatur. Quæ autem multum felicitatis & fortuna pollicentur, regalia dicta sunt. Apud Magos uerò, talparum exta & ranarum euentus fortunatos, nonnunquam magnos casus predicere crediderunt. Cumque cætera uiscera, detractis extis, postquam litatum erat, ara imposita, igni darentur, ipsa tamen exta nunquam elixa, sed ueru decocta apponebatur: sola tamē arietis exta aqua elixa sacris epulis apponuntur. Neptuno uerò & fluctibus quum sacra faciunt, mare ingressuri, aliquando ipsam hostiam, nonnunquam cruda exta in mare proiciunt, & uina infundunt. Illud utique non ab re fuerit meminisse, quod periti rerum literis adnotarunt, singulis uisceribus hominum suam uim & affectus innatos fuisse: idcirco homines splene ridere, felle irasci, iecore amare, corde sapere & timere.

Consualia, Equitia, & ludi Apollinares, quando à Romanis fierent: quōne modo Diti sacra fiant, & quo tempore. Caput XXV.

ROMVLVM urbis conditorem, pace cum finitimis parta, Neptuno equestri solēnes fecisse ludos, Consualiaque appellasse, in quibus Sabinas rapuit, auctores memorāt. Fuit enim Consus consilij deus, cuius ara in circo Maximo, undique aggesta humo, abdita erat: quòd arcanum esse consilium putarunt: quam aram cum ludos celebrāt, omnibus adire fas est, reliquo anni tempore non est licitum: in qua Romani sacrificijs igneis alijsq; solemibus festos agere dies assuerāt: quæ feriæ publica dictæ sunt, in quibus sacris uictima erat mulus, quoniam id genus quadrupedum primū uehiculo iunctū fuisse credūt, eo quòd Luna uehiculum

traherent, equosque & asinos coronis fertis que exornare, & feriari, neque illos labori admittere mos erat, quod instituta nauigatione, quum omnium generum merces navibus aduehantur, ocium quodammodo iumentis & remissio data sit: uel quod equos primum Neptunus domuerat, & equitandi artem inuenerat, quare Hippius dicebatur. Huic Sextili mense die octauo post decimam, equestres ludos Romulum instituisse ferunt, quarto ab urbe cōdita anno, quā die raptas Sabinas uolunt: tamen si mense Martio primum Consualia instituta, eo que tempore raptas Sabinas nonnulli testati sint. Plerique dūs Laribus, dum Romani ludos celebrant, Romulum Sabinas rapuisse dicunt. Erat ergo is ludus, ut equi & muli iūcti & soluti in circo Maximo, magno spectantiū studio currerēt. Qui uerō fuerit raptarum numerus, inter autores discrepat: quidā nō ultra triginta fuisse tradūt, quæ Curj nomina dedere: nōnulli quingentas, plerique septē & uiginti, ut Valerius Antias: alij sexcentas & tres supra octoginta. Præterque ludos Consuales, Marti quoque in Martio campo idem Romulus ludos instituit, quos ab equorū cursu, Equitia nuncupauit: qui, si quando alluione Tiberis inundasset campū, in Cælio monte, ubi Martialis cāpus erat, colebantur: sicut ui fluminis inundato circo Maximo, extra portā Collinam ad ædem Veneris Erycinæ Apollinares celebrarunt. Erant enim ludi Apollinares ex prædicto Martianorum carminum, quibus Cannensis clades scripta fuit, bello Punico secundo, uictoriæ causa instituti. Alij à Cornelio Sylla prætorē urbis ex responso Martianorum fratrum, à quibus fata Romanorum præscripta erant, inuentos dicunt fuisse.

In quibus decemviri Apollini boue aurata & duabus capris auratis, Latonaq; boue aurata, sacra Græcoritu facere assuerant: quos prætoris præsidente, populum laureatum spectasse, Apollini pro cuiusque copijs stipe data, Titus Livius autor est. Cumque antea incerto die fierent, Publius Licinius Varus prætor urbis legem tulit, ut dies ante tertio Nonas Quintiles his ludis status foret: isque in perpetuum sacer haberi coeptus est. In quorum celebritate, matronas spectatae pudicitia in propatulo epulari, omniq; caremoniarum genere festum diem agere produnt, puerosque manibus amplexos psallere, & hymnos Apollini canere, sicut Dianæ uirgines. Quæ quidem Equitia singulis annis duodecimo calendas Maias in circo Maximo celebrarunt, qui dies Cerealibus incurrebat, in quibus post equos, uulpes stipulis alligatæ, accensa flamma, cursitabant. Præterque aram Consi, quæ in circo fuit ab accessu hominum semota, etiam ara Ditis & Proserpinæ in loco abdito in Martio campo ad Tarentum colebatur, locum denominatum, quod ibi Tyberis ripas tereret, qui Rumon propterea dictus & Serra, ad quam rarus erat accessus hominū. Dīs enim inferis aram non à terra sublimem, sed sub effossa humo statui decere putabant: ad quam ex præcepto Sibyllini carminis, altero & quinquagesimo anno ab urbe condita, sacra & ludos institutos memorant, ad eamque ter annis singulis accessum placadis manibus patere. uidelicet postridie Vulcanalia, & ante sexto Idus Nouembris, & ante tertio Nonas Octobris. Apud Eleos uero Plutonis templum semel tantum patet: & quanuis patens, nulli introire licitum est. Sicyo-

nij quoque semel annis singulis Eumenidum prope Asopum diem agunt, & sacrum faciunt. Cumque humanis capitibus prius Ditem placarent, postea ab Hercule admoniti, hominum simulachra uictimas dederunt. Obseruatumque fuit, ut sterilibus pecudibus & iuuenis, ac uino, melle, lacte & sanguine Diti sacra fiant: quanquam Numæ legibus inferis dijs uina libare uetaretur, his uerbis: Vino rogam ne respersito. Eas quidem aras, quæ plerunque geminæ fuerunt & pares, dum sacra faciunt, sicut reliquas inferorum, nigris uittis aut ceruleis ornant, & cupresso. Cumque pecudes immolant, spirantem cruorem in effossam terram mittunt: uinumque, lac & mel unâ infundunt, uisceraque cæsæ uictimæ ter circum aras ducunt, igne accenso, hoc piaculari sacro inferos euocari arbitrati. Inualuitque mos, ut infernis dijs facturi sacra, pares uictimas easque sinistra immolent: & quum manes expiandi sunt, pocula libent, rogamque uino, aut sepulchrum conuersa manu inspergât, in quibus litasse piaculum erat: nigrasque hostias immolent, uinaque effundant, uasaque in ignem mistant, uisceraque igni apposita oleo inspergant, quippe Diti sacra exhibêtes, cui omnia perdere proprium est: lignaque sterilia è sepulchris eruta, atro igni apponant: neque oriente luce, ut superis, sed noctu uel meridie, aut decrecente die, hostiam immolare conuenit, capite ita constituto, ut terram, non cælum spectet. Cumque in deorum sacris qui rem diuinam facit, corporis prius ablutione purgetur: inferis qui funebria exhibiturus est, ommissa ablutione, leui tantum spargitur ramo. Est tamen Fabij Seruiliiani pontificis maximi disciplina traditum, ut

atro



atro die manibus parentare non liceret, ne infesti manes fierent: quia quum in his sacris Lanum & Iouem præsari necesse sit, quem atro die aduocare piaculare est, eo die solenni precatione uti, & inferis sacrum facere uetabantur. Hi tamen ludi ad Tarentum seculares dicti, qui non stato die, sed à prima origine, singulis centum annis, ex præcepto Sibyllinorum carminum fiebāt, quorum autor Valerius Publicola fuit, qui primus casis atris bobus, Diti maribus, Proserpinæ feminis, trinoctio ludos ad Tarentum fecit. Proditur tamen decretum inter pontifices, ut si defuncto cadaueri iusta quispiam exhibere uult, & an humatum esset in dubium ueniret, satis haberent, si quibusdam sacris precationibusq; exhibitis, glebā absenti cadaueri, aut terram inijcerent, terq; iniecto puluere, à labe erroris cadauer, manesq; expiatis ducerent: atque si operto humo cadauere, os exceptum fuisset, donec purgetur, inhumatū uideri. Est quoq; notatum, in æde Libitinæ ea quæ humadis corporibus usui sunt, Romanos uenditare: qui nō nisi mēse exacto & uestperi, ac Februario mense, mortuis dare inferias solebant. Delphi uera apud aram Epitymbiæ Veneris manes euocabant, & defunctis parentabant. Græci autem paucis à morte diebus, feralia litabant defunctis obsequia: obseruatūque, ut reliquo corpore combusto, plerunque digitum membrumue aut crines seponerent, quibus tanquam cadaueri iusta persoluerent & parētarent. Exteris uero gētibus diuersa parentatio fuit: nāque apud Plataenses manibus peremptorum ciuium dabantur inferiæ, ut præcedēte tibicinē, uehicula multa lauro et myrto fusca, cum coronis sequatur: mox lactis, uini &

olei libationes succedant: deinde purpuram indutus princeps, cuius ductu res geruntur, exclusis seruis, ma-  
 ctato ante pyram tauro, ubi Iouem & Mercurium a-  
 dorasset, manes illorum qui pro patria ceciderant, ad  
 cœnam aduocet: postea cratere merum libans, se de-  
 functorum manibus propinare asseueret: hoc modo  
 illos uelut claro præconio excitos, expiari opinati. A-  
 chillis uero manes in Sigæo non nisi nudos & un-  
 guentis delibutos circa sepulchrū decurrētes, expia-  
 re compertum est. Apud Albanos, manibus defuncto-  
 rum parentare, aut iusta persolvere, nulli permittitur,  
 quod defunctos humana ope putabant non egere. Es-  
 sedones purgatum defuncti caput inaurant, illique  
 quotannis hostias mactant & iusta persoluunt. Au-  
 gila, qui ultra Cyrenem sunt, nullos deos, præter de-  
 functorum manes, putabant: ab illis ubi tumulis in-  
 cubuere, per somniq̃ responsa accipere opinati. Aegy-  
 ptij dum manibus defunctorum parentant, post præ-  
 ces oppleti lachrymis, tumulum amplexantur & co-  
 ronant: quibus mos erat, in insula quæ Abalos dicitur,  
 ut si quo merso in flumine, cadauer non appareret,  
 centum annis illi funus facerent, & ita manes expia-  
 rent. Delphi cum Pyrrhi tumulum nullo honore antea  
 coluissent, postea cum didicissent, illum contra Gallos  
 pro Delphis adfuisse, Pyrrhi manibus in posterum pa-  
 rentarunt. Delij uero pueri & puellæ, Hyperboreis  
 uirginibus uita functis, tonsis crinibus parentasse di-  
 cuntur, quos fufis inuolutos, supra illarum monumen-  
 tum puellæ deponunt, pueri uero in sepulchris. Geta-  
 rum lex erat, manes uiri defuncti, non aliter nisi mor-  
 te uxoris expiari. Ad Therei sepulchrum si qui paren-  
 tant,

tant, aut immolant, hordei loco calculis utuntur. Romani uero floribus ornare sepulchrum, & sacrificio atque epulo defunctis parentare solent, nonnunquam thure & mero supplicare sine tibicine, quibus in acie casis, fuit tam ara quàm annua parentatio constituta. Et tametsi mēse Februario mortuis dare inferias consueissent, Decius tamen & Brutus, cōtra maiorum instituta, Decembri mense parentabant. Proditurque memoriæ Traianus imperator, in ea domo qua Alexander Macedo morte sublatus fuit, eius manibus parentasse, & sacrum fecisse. Maxima uero manium euocatio (Homeri testimonio) apud Auernum traditur fuisse, in quo casis uictimis, & carmine effuso, manes defunctorum ab inferis per diras execrationes eliciunt: mox tenuissima effigie, & hominis simulachro sub noctem apparente, responso excepto, super quo consulturi uenerant, è conspectu imago in auras puncto temporis dilabitur. Notatumque & illud, in deorum manium sacris & feralibus cœnis, præter lentes & offas, apium apponi, quibus qui sacris intererant, uescebātur. Neque solū spectacula & ludos, sed deorum sacrificia & manium parentationes, si quando minus rite exhibita, aut si non omnia iusta & solennia seruata essent, ex leuibus omis̄sis causis, aut plus iusto seruatis, secundo & tertio, ac sæpius ueteres instaurare & reficere consueſſe.

Quæ sacra expiationis causa à Romanis seruabantur, & quibus ex causis fierent, quæne apud exteros.

Caput XXV.

INTER plurima sacra quæ uetus religio habuit, quædam solennia & stata fuerunt, quæ eodem

stylo modoque indici semper & seruari solita sunt:  
 quorum ritus & ceremonias transgredi aut omittere,  
 nulli fas erat: siquidem si lapidibus pluisset, Nouen-  
 diali semper sacro expiatum fuit: hoc enim sacrum  
 nouem dies colebatur, quod uel prætor urbanus, uel  
 pōtifex maximus ex senatus decreto indicebat: idque  
 uel cœlesti uoce in Albano missa, uel haruspicum mo-  
 nitu. Si uero cœlestes minæ terrorēsue, aut tetra enun-  
 ciarentur prodigia, formidinesque, uel si terribilis spe-  
 cies, aut quid nouum & inopinatum oblatum esset, ut  
 cum duo uisi soles, facēsue de cœlo colluxissent, aut  
 crinita sidera insigni nouitate, uel igneus turbo, atque  
 insolita mundi facies fulsisset: strepitūsue armorum  
 de cœlo auditus, et ingentibus procellis effusus imber  
 foret, uel misto sanguine Tyberis fluxisset, tectaq; pu-  
 blica ædēsue deorum de cœlo tacta essent, aut alia ter-  
 ribilia monstra & prodigia cœlestia ostentātia minas  
 apparerent: his auertendis terroribus, piacularibus  
 sacrificijs factis ad placādas iras, uel feriæ indiceban-  
 tur, aut lectisternia tribus stratis lectis Ioui, Vulcano  
 & Mineruæ, (siquidem hi iactus fulminum posside-  
 bant) nōnunquam ludorum celebritate, decreto pon-  
 tificum procurabantur. Fiebant enim supplicationes  
 cum solēni precatione, urbe tota, circa omnia delubra  
 fanaque & puluinaria, in quibus honos dīs daba-  
 tur: senatoresque & patritij cum coniugibus & libe-  
 ris, plerunque coronati, nōnunquam omnes tribus &  
 ordines, præeunte pontifice maximo, aliquādo duum-  
 uiris, præcedentibus pueris ingenuis & libertinis, ac  
 uirginibus patrimis & matrimis coronatis, uel lau-  
 ream tenentibus manu, uoce modulata pronuncianti-  
 bus



bus carmen, prælata pompa, frequentes supplicare, & pacem deum exposcere solebant. Græci uero si quando territi malis supplicabāt, uetustum carmen inter uota precesque cani iuebant, hoc tenore: Beatorum antiquissima sanitas, in omni tēpore tecum sum. Quæ quidem puluinaria, apparatus lecticæ diuorum erant, in quibus numina pro maiestate iuxta aras sublimia extabant, quibus fasciculi ex uerbenis (struppi uocati) pro capitibus locabātur. Hæ quoque supplicationes, si quod iustum bellum in exterarum nationes indictum, aut si pro aris focusque & deorum tēplis, ac solo patrio pugnandum foret, ut ea res populo Romano focusque ac nomini Latino bene & feliciter eueniret, utque bonis auspicijs ac dijs bene iuuantibus arma sumerent. Ac uictoribus bello uiris, ob res feliciter ductu eorum gestas, in quibus grates dijs agebant, mulieresque eximios cultus, uiri prætextas atque amplissima ornamenta sumebāt, à senatu maximi muneris loco sæpe tributa sunt, modò pluriū dierum, modò paucorū, prout magnifice gesta, & prosperi successus postulabant. Diuo Iulio in expeditione Gallica, cōtra quos multiplici clade dimicatum est, ob claras pugnas quindecim dierum supplicatio decreta fuit. Et Decius Brutus ob profligatum Antonium bello Mutinensi (quod antea cōtigisse nulli) quinquaginta dierum supplicationes meruit. Cicero quoque in senatu C. Octauio ob res feliciter gestas, per omnia templa fanaque pariter quinquaginta dierum supplicationes decreuit. In quibus grandes natu matres manibus amplexæ, & uiri semotim coronati procedere, & cum bonis præcationibus & faustis ominibus ad templa conuenire, & dijs gratias agere

solebant. In his quoque præcipue ciues latari, quod uitulari dixere: delubra patere, aras sacrificijs fumare, honoreque ac donis cumulari: nonnunquam uinum & thus publice dari legimus. Fuitque supplicatio aliquando prærogatiua triumphi: nam quibus ob res bene gestas supplicationes decretae sunt, haud multo post feliciter confectis bellis, à senatu speciosos triumphos datos comperimus. Obseruatumque, ut quoties obsecrationes, supplicationesque, aut lectisternia indicebantur, à iurgijs & litibus temperarent, uinctisque uincula demerent: & tametsi ob rei militaris facinora aut partam uictoriam, supplicatio decerni so-  
leret duci absenti, uni tamen Ciceroni togato & præ-  
senti, quod remp. è coniuratorum manibus eripuerat, & ciues conseruarat, supplicatio decreta fuit. Estque animaduersum, plerunque à matronis quibus uiri essent, Iunoni supplicatum, primum in Capitolio, deinde in mari proximo, unde hausta aqua templum & simulachrum inspergebant: Post aliquot uero ætates, defluxis moribus, & collapsa disciplina militari, ob leuissimas sæpe causas, & quæ ad remp. uix pertine-  
rent, supplicationes decretas inuenimus: quippe Neroni ob recitationem carminum in theatro, uel ob fugas ciuium infandas, & ob publicas clades, quod seuitum esset in noxiorum bona, & leuibus de causis sæpe decreuit supplicationem senatus: nam quoties fugas aut cades inuississet Nero, toties dijs grates habitas autores referunt. Fuitque ista uaga & popularis supplicatio. Græcis autem ob prosperos successus, partam de hostibus uictoriam, rarenter supplicatio, sæpius epulum per singulas tribus publice dari, & ludi indici sole-

solebāt. Si cui tamen supplicatio pro insignibus factis dabatur, apud Athenienses seruatum est, ut uasa aurea & argentea in pompis efferrent, & sacra decernerent, quasi hoc magnificum laudationis munus foret. Si uero semimares, aut insoliti animalium partus, & alia monstra informia edita essent, iusso fœtu exportari, & in mare uel flumen deiici, à ter nouenis uirginibus, carmen per urbem canebatur, donum deinde Iunoni ferebatur. Quod si bubo uel lupo cellam Iouis, aut Capitolium intrasset, propter id prodigium, tedæ aut uictimæ, nonnunquam sulfuris & aquæ lustratione urbem aut Capitolium expiarunt & lustrarunt, quæ uictima Amburbialis dicta. Licet singulo perfecto quinquennio, per censores urbem lustrari sue, oue & tauro, aut uerre, tauro, & ariete, qui circumducebantur, quæ Solitaurilia uocantur, inueniamus. In quo fuit constitutum, ut mense Februario quo tempore urbs lustratur, Februo (qui lustrationi præest) in primis litarèt & sacrum facerent: mox censor in magna ordinum frequentia deos imperij præsides solenni precatione aduocaret, ut rem Romanam, urbes, templa, fines, aquas perpetuò seruarèt incolumes, & prosperos successus darent, dubijsque conatibus adessent: malaque auerruncarent, uotaque in sequens lustrum promitterent: circumque urbis pomerium sereno cælo, pontifices, flamines & omnes augures: sacrificuli & uates, Vestales uirgines, Galli sacerdotes, septem uiri epulonum, quindecim uiri sacrorum & Salij, sequentibus patribus & omni plebe, Gabino ritu cum solenni precatione procederent. Cumque in precationis carmine, quum lustrum conderent, antea rogare.

tur, ut dii immortales rem Romanam uolentes propicijque propagarent, & ampliorem facerent: postea aucto propagatoque late imperio ad summum culmen, Scipio Aemilianus censor, in condendo lustrum, non ut ampliorem facerent, sed tantum ut rem Romanam seruarent incolumem, rogari iussit, tanquam ad ultimum amplitudinis prouecta esset. Mansitque diu mos, ut in omni precatione, quum pro populo facerent, pro senatu quoque & Quiritibus precarentur: neque fas esset, in solenni prece sine altero alterum nominare: sicut Athenienses (ut refert Theopompus) quum uota dijs effunderent, Chrys & sibi prospera precabantur. & in Panegyris, quæ singulis quinquennijs fiebant, per præconem sibi & Plataensibus bona precari usurparunt. Deinde Philippo subirati, propter continuas clades & belli mala decreto sanxerunt, ut quoties sacerdotes prospera Atheniensi populo, sociisque & exercitui precabantur, toties Philippum, liberos, terrestres naualesque copias, atque omnem Macedoniam, exitiali carmine & diris imprecationibus detestarentur. Nero tamen dum Isthmi opus auspiciatur, in præfationis carmine sibi tantum & populo Romano bona precatus fuit, dissimulata senatus mentione. Utque cum lustrum fieret, publicus luctus populo minueretur, quia in publica lætitia illuie & luctu fœdari non decebat. Sulfur quoque lustrationibus adhiberi plerique uolunt: fuit enim religiosum, maximeque ualuit procurandis religionibus, ad expiandas suffitu domos, quæ lustratio in rebus pluribus fiebat ob incolumitatem: nam uitula præcedente, aut agna coronata, messis, ager, fundus, terra, grex uel pecus



pecus, ter circumlustrabatur, prosequente agrestium turba cum fistula solenniſque psaltatu & clamoribus, deum deamue, cui sacra fiunt, inuocante, uti morbos, uastitudinem, calamitates & intemperies prohiberent, frumentaſque grandire & bene uenire sinerent: pastores pecoraſque seruarent. Quod quidem Ambaruale sacrum etiam tutandis imperij finibus fiebat: primus enim imperij finis, festi locus, ad quintum sextumue lapidem ab urbe notabatur: mox Lawini, ubi dijs patrys Romani reges pro salute urbis sacrum facere assuerant. Postea Anco regnante, usque ad mare imperium prolatum, Ostiaſque in ora Tyberis condita. Tempore deinde procedente, longe dilato auctoque imperio, post magnos progressus alijs in locis, ubi fines Romani imperij erant, pontifices uno simul tempore uelut in patrio solo sacrum concelebrarunt, & Ambarualem uictimam fecerunt: donec Romani imperij terminus à Gadibus ad mare rubrum & Oceanum, & ab oriente ad Euphraten, quod Lucullus processit, & Oluros, quod ductu Pompeij Magni Romana signa illata sunt, imperij terminus propagatus fuit: à meridiano uero ad tractum Libyæ, & ad septentrionem ad Rhenum & Istrum: qui quidem latius processerunt, quam Cyri imperium fuisse traditur, cuius regnum terminos habuit ab oriente mare rubrum, ad septentrionem pontum Euxinum, ad occidentem Cyprum & Aegyptum: ad meridiem uero Aethiopiam. Si tamen ager lustrandus foret, ita lustrabatur, ut Iunoni & Iano uina libarent prius: mox Martem patrem, ut sciens uolensque propicius adesset sibi & familiae aduocarent: agrumque perfecto sacrificio

lustrarent. Apud Græcos urbs exemplo Epimenidis lustrabatur, ut binas oves nigri & candidi uelleris ex urbe pagoue, quod ire uellent, liberas dimitterent, subsequutis custodibus, qui illas ubicunque accubuisent, benefacienti deo immolarent. Gallis uero lustrandi urbem usus erat, ut hominem purioribus cibus anno saginarent, ac festo die urbe tota circumductum extra pomerium educerent, eumque mox lapidibus obruerent. Si autem oves lustraretur, obseruatum est, ut pastor summo diluculo aqua illas inspergeret & sulfure, herbaque sabina & lauro igne succensis, circum ouilia suffumigaret: cumque sacro carmine, milio & libo cum lacte & sapa Pali sacra faceret: quo suffitu pecora expiari & morbos depelli, ac diras tabes exterminari putarunt. Quod si exercitus lustrandus esset, is instructus, precedente sue aut hirco, oue & tauro, in campo Martio lustrabatur, armatosque milites, pedites, equitesque lauro coronatos rem diuinam & lustrale sacrificium facere oportebat sub diuo, ut fuit à Seruio institutum, qui hoc lustrationis genus inuenit primus: quem diem Armilustrum nuncupant, in quo id magnopere seruatur, ut qui hostias ducunt, eligantur bonis nominibus, inde certa omina & felices successus toto exercitui captantes. Mansitque constitutum, ut quum exercitus & castra lustrabantur, triticum militibus pro cuiusque contubernio daretur, & singulis drachma, muneraque & donatiuum, uotaque in proximum lustrum exoluenda duces promitterent. Macedonibus uero inter diuisam hostiam, priorem ad dexteram, posteriorem ad laeuam uia, aut discissa canis uiscera, armatas copias & exercitum traducere, instru-

instructo paratoq; milite præcedere, & simulachrum pugnae edere: cumq; cohorte regia & omni belli apparatu, arma ab ultima origine regum proferre, & sacrum piaculare facere, lustrandi mos fuit. Xerxes autem milite detrectate militiam in duas partes dissecto, exercitum traduxit, & hac uictima execrabili milites lustrauit, & crimina expiauit. Si uere classes naualesq; copia lustraretur, disposita classe in litore, aram quæ mari abluebatur, construere conuenit: in qua sacerdotes uictimas cederent, mox circumstante exercitu, casam uictimam atque exta per classem in litore dispositam nauiculis circumferrent, cum solenni carmine & precatione, ducibus unà infidentibus in scaphis: diuisa q; hostia partem in mare cum uisceribus porricerent, partem uero flammis adolerent, eo modo classem lustrari & calamitates depelli opinati. Rogus quoque militari more lustrabatur, ut instructæ armataq; acies ter circum incensam pyram, ubi defunctos in acie cremabant, arma quatiētes cum luctu & lamentabili carmine, nunc frena & balteos, nunc galeas & cristas, sæpius enses & arma spoliaq; in ignem mitterent: & cum tripudijs decurrerent: hostijsq; ad rogiū immolatis, inferias occisorum manibus darent: flammaq; extincta, occisorum cineres multo arenā aggere cumularent, quum tot urna singulis non sufficeret. Curias quoque & populum purgari accepimus, ut excerptum uitulum ex fœdæ bovis immolatae utero (sicut in Fœdicijs mos est) per Vestalem natu grandiore igni comburerent, exque illius cinere, & equi sanguine, adustusq; fabarum stipulis suffimen fieret, quo populus & curiæ Pa-

lilibus purgantur: quod quidem in templo Vestæ præcipua cura ad dubios casus & incerta fortunæ seruabatur, hoc modo ab infortunij populū uniuersum expiari putantes. Præter quæ, Tubulustria ueteres celebrarunt, diebus quibus Martio mense tubæ sacrorum in atrio Saturio lustrabantur. Somnia quoque meticulosa & curas, fluminis ablutione purgari, & fascinationes salua ieiuna repelli, ueteri superstitione creditum est. Apud Athenienses & Lydos sacrum piaculare fit, ut conciones, theatra & populū minutis porcellis lustrent per peristiarchos: & ita calamitates auerterent & auerruncarent. Sed quod est de sulfure dictum, idem de lauro & uerbenaca comperitum est: siquidem uerbena & laurus, suffitionibus frequens fuit, propter religionem animo incussam, quod qui aliquo essent piaculo polluti, sæpius sulfure, nonnunquam aqua, ouo, igni, uerbena & lauro expiantur. Tres enim istæ species ueteribus fuere usu frequentes: aut enim teda & sulfure purgari, uel aqua ablui, uel aëre uentilari solebant, quod Homeri testimonio à Græcis seruatum legimus: apud quem Ulysses eadem procorum igne & sulphure expiari iussit: & Orestes aqua, quæ septem fluminibus confundebatur, ablutus, dimisit furorem: quam marinam esse conuenit, quum propter uim igneam magnopere purgationibus consentanea putetur: nanque mari sæpe expiantur quæ uiolata sunt. Troezeni quoque ut à materna cade Orestem expiarent, ex Hippocrene aquam adhibuerunt. Inter reliquas uero expiationes, proditur rarum expiandi genus, ut qui deos sibi iratos & nunquam propicios cerneret, lin-

teatus



teatus lucernam & laurum manu tenens, genibus obrepere debeat, & uocibus acclamare, numinaque sibi irata palam profiteri. Ipsam uero laurum, quum suffitionibus & magica adhibetur, accendere & igni admouere conuenit: quæ si admota sonantius crepit, haud dubiè propicia numina designauit: si uero nullo murmure tacet, infelicitatem. Aliter in profanis usibus oleam aut laurum comburere, infandi auspicij erat: præterque laurum etiam myrtum suffitionibus addiderunt. Oleumque & bitumen marina inspersum aqua, admisto sulfure, atque æs in lustrationibus expiationibusque adhiberi compertum est. maximaque dabatur opera, ne quibus diebus urbs populusue excidium aut calamitatem insignem passi fuissent, lustrum quoquo modo fieret, quia sædo exitu & graui strage omnia casura putabantur. Quod si bouem aliudue animal loquutum, aut hoc genus portenta nunciata forent, ueteris instituti erat, sub diuo senatum & patrum cõcilium haberi, quod expiationis genus putarunt. Fiebat enim senatus non in Rostris, neque in curia, ubi habetur frequens: sed in loco apri-co & patenti cælo, ab auguribus tamen inaugurato, ne irritum senatusconsultum fieret. Si uerò terra ingenti concussa motu, aut urbs agriue contremiscerent, quod raro euenire & magna portendere dixerunt, sapius supplicationem in triduum decreuere, duumuiris præeuntibus: nonnunquam ut ex una familia omnes coronati supplicarent, uel ferias prætor urbanus agris leuandis mentibus indiceret, concione aduocata. Nomen uero dei cui sacrũ fieret, suppresserat, utq; iurgys & litibus tẽperarent, admonebat. Fuitque

animaduersum, nunquam urbem Romam tremuisse, quin alicuius futuri mali prænuncium esset: utque semel motu terræ enunciato, pro quo feræ indictæ, conceptæue erant, alium terræmotum eadem die nemo enuntiaret, quod fœdum & magni discriminis foret. Cur autem dei nomen cui sacrum fieret, suppresserant, illud causa traditur, quod cum telluris motorem certum deum, qui eam vim haberet, ueteres non dignoscerent, illum qui huic rei præesset, nūcupare pontificales uetariūt libri: & ne ancipiti æstimatione ferrentur, aliumque pro alio deo colerent, aut non offensum numen placarent, satius duxere, dei nomen cui sacra fierent, suppressere, quàm illum frustra aut perperam nominare. Illud uero non est ab re dixisse, quid apud Athenienses seruatum legimus, ut si qua enuntiarentur monstra, quæ expiatione egerent, Agyis, id est, uestibulariis dijs, in semitis uiarum sacra exhiberent: quare Agyleus Apollo colebatur eximiè: ut si id bene & feliciter casurum esset, prosperos successus darent, & promissa firmarent atque admitterent: si uero moles aliqua instaret mali, aditu inhibito & obsepto, auerterent & auerruncarent.

Qua affinitas cum Sexto Tarquinio Superbi filio, & qua Colatino cum Bruto, & Lucretia cum utroque fuerit.

Caput XXVII.

SUPER Ouidij Nasonis uersu de fastis secundo, ubi Lucretia Sextum Tarquiniū Superbi filium, singulari scelere & audacia domi excepit, hostem pro hospite, cum illius stupræda mala eū libido cepisset, dū inquit: Comiter excipitur, sanguine iunctus erat:

Quo iure cognationis Lucretia Sexto Tarquinio iungere-

geretur, & quid Iunio Bruto, qui Tarquinium regno eiecit, affinitatis cum Lucretia fuerit, apud studiosos, animo tunc ocioſo et remiſſo inter circulares iocos quaerebatur, ſuperuacua tunc forſan diſputatione. Cùmque nonnulli ob incertam cognationem Tarquinij, Collatini & Egerij, ancipiti æſtimatione ferrentur: nos in re obſcura ob uetuſtatem dum cognationis gradum per omnia exempla colligimus, inuenimus Iuniũ Brutum Tarquinia ſorore Superbi regis natum: utpote ex ſorore genitũ, Superbo nepotem fuiſſe. Collatinus uerò, cui Lucretia nupta fuit, quum Egerij filius foret, ſiue (ut nonnulli tradunt) nepos: ipſeque Egerius cum Tarquinij Priſci frater fuerit, nihil ambiguitur, quod ſi Tarquinius Priſcus Superbo auus extitit, quin Collatinus nepos Egerij, frater patruelis Superbo, & Sexto auunculus fiat. Quod ſi Egerium Collatino patrem dicamus fuiſſe (prout frequens opinio eſt) hand dubie Collatinus Superbo non frater, ſed uelut ex fratre auinatus, maior auunculus foret, inuicemque Sextus Tarquinius Collatino pronepos fieret: Lucretia uerò eo gradu, quo Sextus Tarquinius Collatino ſanguine iunctus erat, eodem affinitatis iure Sextum attingeret. Quod ſi Collatinus & Brutus ex duabus Tarquinij ſororibus editi ſint, prout alij cenſent, nulla controuerſia eſt, quin Collatinus & Brutus arctiſſimo gradu coniuncti fiant: ipſeque Sextus Lucretiæ nepos ſit. Si autem Tarquinius Priſcus Superbo non auus, ſed pater fuit, ut multi exequuti ſunt, Collatinus Egerij filius, & Superbus, uelut ex duobus germanis prognati, fratres patrueles erunt: Lucretiaque Collatini uxor, nulla dubitatio foret, quin Sexto auuncula cenſeatur: in-

terque Sextum & Lucretiam iura summae necessitudinis forent. Hic est enim ille Brutus omnium sermone celebratus, qui legum & libertatis summus autor & uindex, cum furere se simulasset, latentem animum nimium diu reconditum, suo tempore detexit: magnificaque oratione non uecordis & dementis, auunculo imperium abrogauit: populusque Romanus auspiciū imperiumque sequuti suum, ex graui seruitio et dominatu regio se in libertatē uindicauit. Sed quod de Iunio Bruto, qui Tarquinium regno eiecit, idem de Decio Bruto, qui conspirans cum Cassio, necem C. Casari intulere, ducesque & assertores Romanæ maiestatis fuere, factum comperimus: siquidem hic propiore affinitate Casari, quàm Iunius Brutus Tarquinio iunctus fuit: non enim nepos, ut ille, sed filius esse creditus est. nam quum Seruilia soror Uticensis, materque Bruti fuerit, cum qua adolescens Casar consuetudinē non sine probro habuisse fertur, cumque eo tempore Brutus ex Seruilia natus foret, haud dubiè Casaris filius uulgo habitus est. Quod ipsum Casarem die cædis suæ, quum undique infestis mucronibus appeteretur, dixisse ferunt. Iunia uerò tertia soror Bruti, Cassio nupta fuit. Porcia autem Catonis filia, mulier non muliebris spiritus, quum Bruto nupsisset, cum miris modis, & super omnium amorum ardores amasse fertur, ex qua Bibulum tulit. Quæ cum post afflictas fortunas Bruti necem audisset, quum mori animo destinasset, idque fixum statutumque haberet, & ne uim sibi afferret, uetita arma fuissent: ea præsentia animi fuit, ut clauso cubi- culi ostio, ne cuius interuentus facinus moraretur, incenso carbone, & sibi in fauces indito, memor generis



Et Romani nominis, necem sibi ipsa consciuit: tantus vigor animi ingenijque fuit, tantique spiritus mulier, admonitu patris, qui pariter manus sibi mortifero uulnere intulerat, fuisse credita est. In qua quidem re subit recordatio, ueteribus literis et annalium monumentis extare, quod tametsi apud uarias gentes uim sibi afferre, et necem sua sponte consciscere, dignum laude et magni fuerit habitum: apud Thebanos tamen, qui mortem sibi consciuit, nulla fuit laude dignus: quin potius id crimini dabatur et probro, eoque facinore pudendam inscitiam et imperitiam coarguebat suam, uelut sui carnifex, immanisque naturæ foret. Athenienses uerò cum necem quisquam sibi manu consciuisset, defuncto cadaueri manum tanquam facinorosam abscindunt: illamque diuisam à corpore, inhumatam relinquunt: reliquum uerò cadauer humo tegunt. Quod Platonis documentum fuit, qui censuit optimum quenque infracto animo uim fortunæ et incursum calamitatum potius ferre: et nisi cum dies promissus adueniret, neminem iniussu Dei mortem sibi consciscere, aut ante tempus fato fungi oportere: idque magnificentius præclariusque uideri.

LIBRI QVINTI GENIALIUM  
DIERVM FINIS.

ALEXANDRI AB ALEXANDRO IV  
RISPERITI NEAPOLITANI, GE-  
NIALIVM DIERVM LIBER  
SEXTVS.

*Locus ex tertio Ciceronis de Officijs, quid uenditor emptori  
præstare teneatur, cum Sigismundo in suburbano  
discussus. Caput I.*

VM Sigismundo Fulginate, uiro do-  
cto & multarum rerum cognitione cla-  
ro, uetus mihi à prima adoleſcētia con-  
suetudo fuit: is quanquam multis rerum  
actionibus, pluribusque muneribus  
apud pōtiffices magno usui foret, si quando tamen ne-  
gocijs pausa fieret, (quod uix illi contingere poterat, ut  
in tanta mole rerum ab immodico labore conquiesce-  
ret) id quod oculi dabatur, lectioni clarorum uirorum,  
aut suorum temporum scribendis annalibus, rebusque  
uel pace, uel bello gestis, perlibenter exhibebat. Non-  
nunquam in suo prædiolo in mōte Ianiculo, miro pro-  
spectu & collibus amœno, ubi ædiculas habebat, cum  
amicis se recipiebat, ibique lepidis iucundisque sermo-  
nibus, id quod erat laxamenti, unà familiarissime con-  
ferebat. Præstabat nonnunquam nobis ipse cœnulam,  
ut non nimis insolentem, sic profecto sobriam & mo-  
destam, ac temporibus consentaneam: & ut erat ipse  
comis facilisque natura, ita facilem nobis uictum, non  
exquisitis ualde obsonijs apparabat: siquidem aspa-  
ragos altilis acido uino & pipere conditos cum inſcu-  
lo tepidulo, ac ferculum cucurbitæ, cum immatura uua  
ibidem

ibidem expressa & decocta largo succo, quibus per libenter uescebatur, obsonia nobis exhibebat: addebat etiam pirum pomumque persicum miro odore fragrantia. Post cœnulam uerò, si quando ocium erat à negocijs, ut animo uacaret, illius sermonibus & congressu spectata uirtutis ac pacis artibus, & ingenio clari uiri diutius perfruebar. Forte autem quū æstiuo anni tempore postmeridianis horis, eius rogatu accersituque ad eum uentitaremus, eundem ad aquulam perspicuo liquore & frigore manantem per roseta, arbusculasque undique topiario opere dispositas, perq; hortensia ablaqueata, & latissima uireta nacti sumus: aderant ibi complures honesti adolescentes, latina græcæque eloquentiæ professores, cum quibus de literarum studijs perquam libenter sermocinabatur, quos ipse minutis quæstiunculis uariæ eruditionis diuersimode exercebat. Inter quos adolescens quisspiam indolis bonæ, libellum Cic. de Officijs tertium lectitabat: præterque multa ad edictum ædilium pertinentia, quæ ex fide bona emptorem uenditori præstare oportere censuit, hæc legebatur: Si pestilentes ædes quis uendat, quæ salubres ..  
habeantur, aut in quibus serpentes sint, teneri uendi- ..  
torem ex edicto ædilium, id quod dolo uendiderat re- ..  
cipere, emptoriq; precium reddere. Idem: Si in anno ..  
næ caritate frumentum aliquò aduexerim, solusq; ego ..  
sciam multos illuc frumenta aduecturos, ita ut illorum ..  
aduentu inopiam paulo post leuaturi sint, illa me etiã ..  
nota facere, neque subticendum ut taciturnitate mea ..  
capiantur, plurisq; quàm æquum sit, frumentum ego ..  
uendam: omnia deniq; quæ uenditor sciat, ne emptor ignoret, in distrahendis rebus ex bona fide præstari

oportere, & pleraq; hoc genus periucunde lectitabat. Cūque hæc & multa in hanc sententiam ille legisset: Quonam, inquit Sigismundus, istud accadat modo, ut uenditor ea quæ diuersa & longe aliena sunt, in distrahendis mercibus præstare teneatur, equidem ignoro: nam ut in re quam distrahere quispiam uult, quid morbi uitiūque sit, emptori palā facere debeat, puto ad edictum ædilium pertinere: ut si seruus fur errōue sit, aut equus calce, uel bos cornu petere soleat, aut quod nunc Cic. dixit, ædes pestilētes sint, habeanturque salubres, uel quid occulti uitiū latentisque morbi sit, illud enunciari debere, facile, inquit, assenserim: quæ uerò extrinsecus manent in casu posita, illa per uenditorem prædici, ad eaque edictum ædilium, legēsue ullas extendi, nequaquam (inquit) mihi quisquam persuadet. Ideo se mirari Ciceronem, qui tanquam aliquid morbi uitiūque inesset in re uendita, perinde id quod postea euenturū, & in casu & fortuna sitū esset, per uenditorem prænunciari uoluerit. Cumque ex his qui assistebant, quidam ætate grauis & in literis satis proficiens, se arbitrari respondisset, quod sicut quædam ad morbum uitiūque rei uenditæ uix pertinent, sed tamen quouis modo profutura sunt, nosse, ædiles ne emptores capiantur, à uenditoribus enunciari & palam fieri mandauerūt, ita hoc quoque iussisse: Sicut (inquit) uetus edictum ædiliū fuit, ne ueteranus seruus pro nouitio ueneat, etiam si nulli morbo uitiōque affectus sit: utque si mulus castratus sit, tamen si æque bonus, emptorem non latere uoluerūt: ita si sciam aliquos in summa frumenti inopia, paulo post annonæ caritatem leuatu-  
riter



riter censuerunt, atque ex aquo & bono iusserunt, ut quod proscribenti liquet, etiam si forte euenturum sit, enunciari debeat, ne quod uenditor sciat, emptor ignoret. Nunquā (inquit Sigismundus) id mihi in mentem uenire posset, neque quisquam mihi argumentis defenderet, ut edictum adilium hoc comprehendere sentiam, ut euenta negotiorum, quæ temere & fortuito futura sunt, per uenditorem prædici debeant: quæ si reticeantur, redhibitioni propterea locus sit: quum istud asserere, summæ mihi uideatur improbitatis & inscitia. Cumque ex me quid mihi probaretur exquireret, respondendi magni referre, in re de qua agitur, quid morbi uitijque esset enunciare, an quæ casu futura sint, prædicere & diuinare. Quæ enim insunt in re quæ distrahitur, & ad ipsius pertinent notionem, quam uenditor antè præsensit, ut si quo morbo uitioque laboret, uel labe afficiatur, ex edicto adiliū, nota facere iubemur emptori: quæ uerò pendent à casu & fortuna & diuersa sunt, nullis nos legibus aut edictis cogi enūciare. Quid enim interest mea, si nauis ex Asia ueniens, huc merces allatura, & paulo post arctissimam annonam leuatura sit, dummodo in re de qua agitur, nihil dolo malo factum sit? Alioqui dicendum foret, an frumenti, olei & uini, quod distrahere quispiam uolet, annona uel caritas eo anno futura sit, uel si cancri sidere, aut uastitate, seu alia frugum peste, aut ira deū, sata interitura, uel hostium strage, uel chasmate ea res deperitura sit: quod (ut uideris) non est in re de qua agitur, sed in casu positum: & illa prædicere, profecto ridiculū foret. Nam quod edicto adilium cautum est, ut præstetur à uenditore, ne quid in re proscripta uitij lateat, nèue quid

ueri reticeatur, aut fictum quid accersitūne aliquid sit aliunde, & quod stetur pacti & cōuenti formula, satis esse lege prospectum, ne quid uitij latentis supprimatur, quod ipse sciat, emptor ignoret. Alioqui ipsum redhibitorio iudicio teneri certum est, idque non adeo seuerè & restrictè iure ciuili traditū esse, sed parcè & molliter: quippe si quid uenditor dixit commendandæ suæ mercis causa, illud præstari ædiles non coëgere, ut si seruum frugi, dicto audientem esse uenditor dixerit. quæ enim commendandæ mercis causa in uenditionibus dicuntur, uenditorem non obligant: neque in constituta auctione ita quis proscribit, fundū sterilem aut domum pestilentem uendo. Ac si dicat seruū literatū, artificem, nomenclatorem, arithmeticum, fabrum aut textorem, quo pluris uæneat, id præstare proculdubio cogitur. Præterea in re modica decipi emptorem posse, etiam iure consulti uoluere: non enim redhibitorio iudicio teneri dixerunt eum, qui plurius aliquāto rem distinxit, quā quanti æstimata sit: siquidem res bona fide uendita, propter minimam rem inepta fieri nō debet. Sed ubi ita immenso mercatur quispiam, ut magnam pati iacturam necesse habeat, tunc redhibitioni locum fore, edicto ædiliū cautum fuisse. Quod si ita est, huic sententiæ conuenit, hocque argumento conuincimur, ut neque eum qui nauem huc frumentum aduecturam, cuius aduentus annonæ caritatem & arctos comæatus lenaturus sit: neque eum qui frumenta diripi, agros uastari, uel annum aduersum frugibus, longe ante præsenferit, & minime enunciarit, redhibitorio iudicio teneri arbitret: cū hac nō insint in re quæ proscribitur, sed in euentu fortunæ. Et quod nunc Cic. inquit,

Inquit, eum qui rem distrahit, debere etiam quæ aliunde futura sunt enūciare, ut si nauem huc frumentū adnecturam sciat, quò uilitas annonæ consequutura, aut uenditæ merces uiliores futurae sint, emptori prædicere: profecto eò pertinere crediderim, ut præcipi intelligamus ab eo qui ex intimo artificio uirum bonum instituit: & ita instituit, ut ne minima quidem in re quouis prætextu contra iura legesque, contraq; humani generis societatem aliquid admissurus sit: non eum qui de ciuilibus actionibus, quantumque moribus legibusque permissum sit, inquiret. Quæstioni diu res fuit, quid uirum bonum, quid ciuilem & politicum deceat. Viro enim bono hoc datur, ut ubique sanctus, ubique castus, honesti cultor, pius et integer sit, cuius ne erratum quidē minimū fuerit, ne dicam uitium: qui nullo malo perterritus, nulla calamitate uictus, fortunæ cedat: nihil expetat, nihil dicat, nihil faciat in uita, nisi summa cū laude et dignitate: in nulla re derelinquat, nullius rei pœniteat: seruetq; fœdera humani generis ita inuid lata, in magnis minimisque rebus, ut ne minima quidē conscientiae labe detineatur. Ciuilem uerò dixere hominem, qui legum iudiciorumque metuens, quantum moribus legibusque tributum est, id tanto temperamento agit, ut quoad fieri possit, nihil perperam aut inconsultè admissurus sit: qui sua prouidentia, religione, fide, quantumque ratione prouideri potuit, reipub. & ciuium saluti consulat, legibus pareat, patriam tueatur, proximos amet, refrenet libidines & indomitas cupiditates, uerecundiam seruet, atque etiam si in aliquo delinquit, id tamen agit, ut ciuilia officia, humanique generis fœdera, quamminimū lædat: quippe

quum nos optimū dicimus, cui pauciora defunt. Quæ cum ita sint, non fuit ab re, ut sanctus iste homo tam defæcato animo & tam integer, quem nos magis fingimus quàm inuenimus, nō modo si quid esset in re uirtutis, sed & si quid aliunde futurum putaret, ut nullam officij partem deferat, quanuis minimum prædicere teneatur. Hæc nos cum Sigismundo Fulginate, ingenij magni & spectatæ uirtutis uiro, flagrante diei æstu, incredibili suauitate differebamus.

Quæ maxima fuerint oracula, quæue templa celebra apud plerasq; gentes, in magna religione & cultu. Cap. II.

INTER oracula quæ apud Græcos Aphrosq; præcipuo cultu fuerunt, ad quæ homines uentitabāt, Delphicum in terris clarissimum fuisse cultu, & religione longe excellens, uno omnium testimonio traditum est: fuit enim Delphos totius orbis umbilicus, cōmune humani generis oraculum, in monte Parnaso excelsō & prærupte alto sita ciuitas, nullis mœnibus, sed tantum abruptis rupibus saxisque munita, arduo & difficili ascensu: in quo Nysa ciuitas Libero consecrata, Cirrha uerò ad montis radices iuxta mare. Erat aut Parnasus Rhocidis mons in Bæotia in duos diuisus colles, Thitoræa & Hyampæum, quorū alter Libero, Apollini alter dicati fuere: Helicon uerò Musis. In Cytharonis autem uertice sparticarū nympharum antrū colebatur, qui mons iuxta Olympū situs erat, supra quem Olympi editissimus uertex decem fere stadys attollebatur. Qui eiusdem nominis mons & in Macedonia, & in Thessalia, Mysia, Cilicia, Elide, & Arcadia excelsus quidem attollitur. Templum uerò intra urbis ambitū fuit, quod pariter non manu extructa, sed natua præcipitia



*capitula munuere aditu difficili et angusto: quippe quæ ex quinque lapidibus tantum, uelut mole obiecta, obstructum ferant: in medio autem exigua planities, & in ea hiatus, ex quo uentus & acer spiritus manans, mætes uatum in ueraciam uertit. Eoque spiritu ex infimo specu edito, quasi diuino afflatu phœbas in tripode stans, mente furibunda statis diebus, quibus fari licet, consulentibus responsa canit: licet ferat Apollinem sex mensibus apud Lycios, sex apud Delum uaticinari: reliqua uerò oracula aliquando idibus, nonnunquam calendis, nunc die oriente, nunc desinente, responsa dabant: quæ à mulieribus tantum, quæ erant templi uates, uaticinantis in modum ferebantur. In quo id præcipuum fuit, ut qui oraculum cōsulit, breui admodum oratione quid uelit exposcat, utque nullum Latine edatur oraculum, neque edi, priusquàm ab imo, dum sacrificant, tota uictima contremiscat: nec capitis commotionem satis esse, sed omnibus illam partibus quati oportere. In quo præditur memoriæ, cum in fasto die Pythiam reluctātem & inuitam Alexander cogeret, illā ui coactā, quæ esset inuictus, respondisse: quod pro omine acceptū ueridico præsagio, futurae magnitudinis prænuncium fecit. In eo quidem templo, Apollinus simulachrū fuit humana effigie: in Delo, draconis: in Lycia uerò, lupi. Quam urbem Python, ob interfectum pythonem, dictā comperimus: nam & Pythius Apollo, & Pythia fœsta, & ludi Pythij, & ipsa uates Pythia dicta, & Pytheum oraculi locus. Sparta quoque Pythios nuncupant, qui Delphos ad consulendū oraculū mittebantur, qui publice cum regibus cibaria habet & uescuntur unā. Huc ex omni orbe praua religione incussa,*

qua se hominum uanitas confundebat, uiri principali dignitate insignes, frequentes consultum ibant: eaque ex omnibus uera & longe clarissima oracula habita sunt. Quare regum populorumque amplissimis donis, muneribusque & multarum urbium thesaurus repletum templum fuit: inter quos Agillinorum & Spinensum non in postremis gazæ fuere: quod quidem cuncta oracula antiquitate excellebat. Proximū huic fertur Dodonæi Iouis oraculum. Dodona enim ampla in Epiro ciuitas, & satis florens habita. Epirus autē Molossorum regnum erat. Templū uerō iuxta nemus Ioui sacrum, in quo arbores responsa dare dicebantur, omnibus circa populis sanctum, à Pelasgis constructum & paludibus circumfusum: quercusque uocales illic fuisse fama uulgauit: ad quas ut in dubijs casibus responsa acciperent, capti superstitione homines religiose accedebant. Fuitque proditum memoria, quercui Dodonææ famulantes, diuinandi facultatem accipere: solisque Bæotys, si quando consulto opus foret, uiros responsa dare: primamque fagum & columbam Dodonææ uaticinatam: quotiesque oraculū edebatur, lebetes aneos ad numerū, siue casu, siue consulto, tinnitus edere canoros. In quo Deucalion & Pyrrha desinentibus aquis, post dilunium consedissee, & numen consuluisse perhibentur. Subinde Alexander Epiri rex eodem oraculo monitus, ut urbem Pandosiam et amnem Acherusium, tanquam fatalia loca uitaret, in responsis habuit, oraculi sortem de his quæ in Thesprotis essent, intelligere arbitratus: qui quū infestissimas gentes in Brutys armis petit, & belli iure uastat, apud eiusdē nominis loca, infanda strage uictus, oraculi fidem uerā impleuit.

Quod

Quod quidem templum Philippus Macedo (uelut immanis prado) sicut pleraque omni rapinarum genere uastauit, & incendit: uasaque & quæ preciosa erant, immisso exercitu diripuit. In eo quoque fons sacer uisebatur, qui quum faces accensas, extingueret, admotas procul accendit. Tertiū uerò Dindymæi Apollinis oraculum antiquissimū, & multi nominis habetur, quod Branchidarum nuncupant. Branchus enim Thessalus fuit Apollini dilectus, & filius habitus: quem interfectum dolens, templo & diuinitate sacrauit. Is autem Apollo Milesius dictus. Est autē Miletus totius Ionie caput. Templum uerò ad decem & octo stadia ab urbe, à littore autē uiginti aberat, maxima mole et profusis sumptibus extructum, auctumq; amplissimis donis. Quod Xerxes deorum hominumque contemptor, dum innumerabilibus copijs Gracie bellū parat, nulla religione aut deum uerecundia, sicut multa, incendijs & ruinis deformauit, templumq; & aras euertit. Annis deinde intercedentibus, Milesij oraculo moniti, ueriori impensa illud omnium maximum & dignum tanto numine restaurarunt: ita ut ob magnitudinē fastigio extruēdo nulla cōtignationes suffecerint. Quartum in urbe Bruti Latonæ oraculum inclytum diuitijs memorant: Vrbs autem Bruti in Aegypto contra Nili ostium, quod Sebeniticum dicitur. Templum uerò media in urbe situm omnibus circā populis sanctum, & caeremonijs sacrum erat, porticum habens decem passibus altam, in quo oraculum Cambyfi redditum est, in Ecbatanis illum decessurū, ambiguo nomine decepto, cum altera apud syros, altera in Medis essent. Delij quoq; sortes & oracula, indubia semper habita sunt.

Fuit autem Delos una ex Cycladibus, cui nomen Ortygia: ædes uerò mari imminebat, à qua proximus in Eubœam traiectus erat: quinque enim passuum millibus ab Tanacra aberat. Tanacra autem in Eubœa uetus traditur ciuitas. In quo quidẽ templo ipsum Apollinem natum, & alitum fabulantur, tanta religionis, ut ne Persæ quidem cùm innumerabilibus copijs bellũ parant, & omnia belli iure uastant, uiolentas aut sacrilegas ad mouere manus ausi fuerint: in cuius ara nullum immolari animal proditum est: quare morbo & pestilenti cõtatione coacti Delũ, id decreto sanxerunt, ne homines defunctos ibi cremarẽt, nẽue sepeliarent, neq; in Delo canes alerent: scilicet ut ab omni cæde insula immunis foret. Cumq; oraculo moniti Athenienses, Delum expiarent, hoc expiationis genus inuenere, ut cadauera sepulchris condita inde eruerẽt: atq; edixere, nequis in Delo moreretur, nẽue quis homo nasceretur: sed morituri & paritura mulieres, in Rhena insulam Delo proximam transmigrarent. Cuius aræ hoc proditur mirũ & monstrificum, ut ex dextris cornibus animalium mira arte compactis erecta fuerit: sicut Thebis aram Apollinis spodiũ ex sacrificiorum cineribus constructa ferunt, unde cognomen tulit, quam nonnulli inter orbis miracula adnumerant: ad quam cùm accessisset Pythagoras, ipsum ob religionem adorasse fertur: & ne aram sanguine fœdaret, hostiã immolare noluit, sed frumento, hordeo & placentia sine igne sacrum fecit. Quæ insula tanta sanctitudinis habita est, ut ad eam quotãnis Athenienses tacti religione, uarijs mercibus onustam nauim mitterẽt: quo tempore quenquam uinciri, aut supplicio affici, religioni fuit,



fuit, donec rediret naus. Cumq; cetera responsa Apollinis sub nubilo uerborū & sensu ambiguo redderentur, sola Delij oracula nullo tegmento exposita atque aperta fuere. Etiam in Attica ara Iouis supremi exemplo haud dissimili traditur, ad quā nihil conuenit animatum immolari: sed uarijs libamentis & bellarijs absq; uino sacrificatur. In Paphia quoq; Veneris ara, licet ex caesis hostijs captentur auspicia, illic tamen sanguinē effundere non decebat: igne enim puro & precibus tantum altaria adolētur, in cuius sacrus certissima hædoriū fibris fides habita semper. In Patara quoque Lyciæ, oraculum Apollinis & delubrū magnæ felicitatis fertur, in quo sex anni mensibus responsa dantur, quæ Lyciæ sortes dictæ. Eo enim excellētiā creuit, ut opibus ac fide, Delphico haud absimile fuerit. Præter quæ, Amphiarai & Trophonij oracula, Græcis inclytæ religionis fuere: ea enim uetustate & fide præcipua habita sunt. Fuit enim Amphiaraus diuinus uates, cui Oropij diuinos honores decreuere, ad eumq; illi candido marmore dedere: quem tanto cultu studioque Græcia honorauit, ut inter deos illum reciperet: in eoq; solo ac sede ubi humatus sepultusq; est, certissima responsa daret, quæ quidē in somnis edebantur: nam post purgationē & sacrificia dīs, quorū nomina in ara insculpta erant, mactato ariete, pellem substernebant, in qua incubātes, somnia captabant, illorum significatus & euenta mox interpretati. Eratque publica constitutione sancitū, ut in Amphiarai templo nullus Thebanus obdormisceret, aut uaticinaretur. Fons quoque in eo uisebatur, ad quem qui accepto oraculo morbo leuabantur, argentū & aurum signatū mittere tenebātur.

Apud Canopum quoque in templo Serapis, & in fano Pasiphaës, & in Pergamo Aesculapij, atque in Narbaca apud Hyrcanos oracula pariter ex somnijs edebantur. & apud Troezenos Ardali ara, in qua somno & musis immolabatur: quique responsa accipiunt, integrum diem à cibo, à uino autem triduum abstinere conuenit: à quibus edita fors olim Mardonio fuit, quæ contra Spartanqs in acie pugnans occubuit. Quibus quidè oraculis populi omnes cæca opinione ducti, tantum fidei dedere, ut eorum responsis moniti, sciuentes tempestates & prælia uitasse credantur. Quod quidem Amphiarai templum, in Attica: Trophonij uerò, apud Thebas Bæotia fuit, à Cadmo (ut dicitur) conditas, Bacchi & Herculis patriam, quas Alexander Macedo diruit, ciuibz sub corona uenundatis, quæ ἱστᾶντολας dictæ sunt, quæ ciuitas iuxta Magnesiam et Thessaliam haud longè à mari sita est: ubi Trophonij oraculum multi nominis: qui quum à Bæotijs de Thebano bello consuleretur, ibique res diuina fieret, gallos gallinaceos perpetim cecinisse ferunt, quo concentu Thebanis insignis uictoria prædicta fuit. Aliæ uerò Thebæ in Aegypto fuere in regione Thebaida, ἱστᾶντολας, quas nonnulli Heliopolim, pleriq; Thebas dixerunt: quæ ciuitas à Busiri condita, stadiorum centum quadraginta ambitu ferebatur. Aliæ in Thessalia iuxta Amphisum amnem, quæ Phthiotica dictæ. Et in Lycia aliæ Thebæ, patria Andromedes. Aliæ iuxta Miletum: in Ionia quoque, in Syria, in Attica, Cataonia, et in Italia apud Lucanos Thebæ fuisse traduntur. Præter quod fuit Trophonij Iouis oraculum in Lebadia Bæotia, in hiatu subterraneo, tetro & horrido, imo &

angusto recessu, ad quem scalis descensus erat: quò consulentes magnis difficultatibus descendere nudos, aut in ueste alba, & lineo uel purpureo amiculo: placentasque lemurius offerre oportebat, ne cui periculo forent aut noxa, haustoque oraculo, per alium terræ hiatū ad superiora niti. In quo illud proditur mirum, eum qui post consultum oraculum inde digressus foret, animo semper afflicto & iacenti, nunquam ridere solitum esse: iuxta quod duo fontes uisebantur, alter Lethes, cuius aquam descēsurī si haurirēt, omnium daretur obliuio: alter Memoria, ex cuius haustu, omnium quæ unquam uidisset, recordatio subiret. Sicut Thasius duo uini genera nasci produitur, alterum quod somnum conciliaret, alterum quod fugaret. Ipsi uero statua non in templo, sed in tūmulo nimis edito uisebatur, quæ ferreis obeliscis obsepta erat. Fuit quoque ultra Cyrenen in extimo sinu apud Garamantes Iouis Ammonis augustissimum & antiquissimum oraculum, in uastis solitudinibus & campis torridis, siccitate sterili, ac nudo solo: ad quod sole exurente, aestu flagrantissimo, per immēsas arenarum moles, uastamque planitiem calore & siti infestā, uix iter cuiquam tolerabile fuit: siquidem uentus eas sicut fluctus nunc huc, nunc illuc agitare, & campos uelut maria infestare solet: nubes enim pulueres uehit, & fæda tempestate uexat. Post quæ, nemus frequenti sylua oleæque, & proceris arboribus fontibusque passim manantibus amonū, in medijs arenis & situ arido haud plus quadraginta stadiorum oraculi septa claudebat: ultra uerò latè deserta regio, uestigio humano inaccessa. Circā uerò Ammonij passim loca incolunt. Ipse

uero Ammon hircino capite & pelle amictus, multis ceremonijs colebatur. Hunc sacerdotes, quum responsa petunt, aurato nauigio uectare, & patrium carmen canere, eoq̃ue propiciato, petentibus responsa dare solebant, quæ non uerbis, sed nutu signisque subobscuris ab Ammone edebantur. Quod quidem ad tanta maiestatis fastigium uenit, ut illuc post Cambysem, Alexandrum Macedonem per ingêtes æstus, omni tractu sitiente, penetrasse, pro miraculo fuerit. In Aegypto quoque Apis oraculum omnium sermone celebratur: erat enim bos, qui & Serapis dictus, corpore niger, candida fronte, in tergore alba nota insignis, duplicibus pilis in cauda, & lingua cantharo notatus: quem certos uitæ annos excedere non licebat. Hûc in lacum demersum Aegyptij, indicto iustitio, ueste abscissa, & laceratis crinibus defunctum plangebant: inuento uerò, mirifice letabantur. Responsa autem dare non ut reliqua oracula solitus, sed si manu oblatum pabulum sumpsisset à consulentibus, secundos euentus, atque omnia prospera decernebat: si uero abnueret, indubio malo & memorandis cladibus casura diuinabat. Ideo quum à Germanico pabulum oblatum renuisset, funestum omen & indubiam necem, quæ paulo post sequuta est, prænunciauit. A Tenedys uero seruatum est, prægnantem uaccam enutrirî, cui ueluti puerperæ famulantur. Apud Aethiopes gens est (Nubas uocant) & in Aphrica Proëmbari, quibus regis uice, canis dominatur, quem mirifice obseruant, ex illius motu & nutu imperia, & quæ sint placita augurantes. Persis quoque (ut autor est Aristophanes) aliquando gallus regis uice præfuit & imperitauit. Sed præ-



præter hæc oracula, quæ augustissima & sancta habita sunt, templa quoque diuitijs & sanctitate inclytæ præcipua celebrantur: In Græcia, Olympj, in Arabia, Triphili: in Cydonia, Dictæi: in Alexandria, Iouis Sinopitæ: in Libya & Andro, Dionysii: in Epidauro, Aesculapj: in Isthmo & Tanaro, Sumio Eubææ atque Attica & Calabris, Neptuni: in Acarnania, Accij: in Claro, Aëtio & Leucade, Lycia & Selenuntia, Apollinis: in Cappadocia, Bellonæ: in eademque & Ionia atque Epheso, Dianæ: in Halicarnasso, Minervæ: in Papho, Veneris: in Bosporo, Apaturiæ: in Cypro, Acreæ Veneris: in Locris, Proserpinæ: in Achaia & Catina, Cereris: in Samo, Argis, Metapöto et in Lucania, Iunonis. Sed quod est de Olympio dictum, hoc tēplum in agro Pisano fuit, hæud procul ab Elide: ante quod lucus agresti olea consitus, & stadium omnium maximum: iuxta quod Alpheus præterfluens ex Arcadia mare ingreditur. In fano autem Iouis Triphili, columna ex solido auro multo æuo uetusta, cum titulis rerum gestarum sacrata uisebatur, quam ipsum Iouem statuisse ferunt. Acreæ uerò Veneris templum mulieribus nec uidere, nec adire fas est. Sicut Eunosti fanum in Tanagra adeò mulieribus interdictum fuit, ut si quo infortunio aut uastitate Tanagrai opprimerentur, diligenter inquirerent, ne qua mulier consulto aut casu templo appropinquasset. Castabalis Persicæ Dianæ fanum tantæ fuit religionis, ut illic dicatæ uirgines (quod uix credi potest) super prunas nudis pedibus ambulent innoxie: sicut in templo Feroniæ super ignem afflati numine incedebant: & ad montem Soractis, familiæ quas Hirpias uocant, super

incensam struem insultabant impune, quibus perpetuo senatusconsulto uacatio munerum data est. In Achaia autem Cereris templo fons manat ceremonijs sacer, in quem grauiore morbo impliciti introspectientes, speculo in fontem demisso, euenta ualitudinis internoscat: sicut Trallibus in antro Charonio, & apud Aegyptios in Isidis, & in Melopida semidea templo in Bubasto, ab egrotis ualitudinis remedia in somnijs praesciuntur. Fuitque mos, ut hi qui morbis leuari meruissent, remedia & qua curatione leuarentur, in aede Aesculapij uelut in albo proponerent, ut essent sempiterno monumento, & ceteros exemplo iuuarēt. Contrariae uero religionis Catinensis Cereris, quam Achaia, sacrarium fuit. ad istud enim uiris accedere non licet: sacra uero per mulieres ministrari, & uirgines perfici solebāt: cuius simulachrum non modo tangere, sed ne uidere quidem homini fas est. Samia autem Iunonis dignum sua amplitudine templum, inter septem orbis miracula adnumeratur: quod ab urbe haud plus uiginti stadijs aberat. In Lacinia Iunonis ara miracula effingunt, ut cineres in ara perflantibus uentis, immobiles maneant: sicut ara Veneris Paphiae sub palustri caelo nullis pluuijs humectatur. Metapontinae Iunonis templum hoc pro miraculo habuit, ut uittigineis columnis fulciretur. In Libya Liberi patris templum, & oppidum ab uno eodemque bis inueniri negant. Ephesia autem Diana supra omnium seculorum memoriam celebratissima & augustissima aedes fuit, magnis effusionibus & profusissima impensa à tota Asia constructa, septem stadijs ab urbe, nudo & palustri solo: in cuius festo annuo iuuenes primo flore  
etatis

etatis, & uirgines cultu excellenti procedere ad templum prælata pompa, & festum diem agere, sponsaliaque inuicem inire consueuerant. Delubrum uero Neptuni in Achaia, Erichtheum cognominatum, hoc memorabile habuit, ut aqua in puteo, flante austro, fluctuaret: ceteris uero perflantibus uentis, iaceret immota: cui compar Aristoteles tradit de Pythopoli urbe ad Ascaniam paludem, cuius putei hyeme esiccantur, æstate uero ad superficiem redundant: & apud Gades in Herculis templo, puteum inundante Oceano esiccari. Quod uero de Clario dicimus, est animaduertendum, in Claro Iouem, Neptunum & Plutonem, mundum fuisse sortitos, qui mox nugis innumeris orbem impleuere. Et Colophone in Apollinis delubro uates multa aqua epota, ex subiecta lacuna spiritu diuino tactos responsa dare: sicut apud Ligiræos in Thracia, ex intimo adyto Libero consecrato, plurimo mero exhausto, ueluti numine afflatos uaticinari. Fuitque animaduersum in Clario Apollinis, non feminam, ut Delphis, sed certis è familijs sacerdotes, aut ex Mileto accitos, plerunque literarum ignaros, hausta fontis aqua, uaticinia referre. Et in Andro, in templo Liberi patris manare fontem, qui Nonis Ianuarij uini saporem habeat: quod, si è conspectu templi auferatur, rursus in aquam transeat. Nec defuere qui crederent apud Eleos in Bacchi festo, quod *Wæ* uocant, tres lebetes in templo sua sponte repleti uino. Et in Bisaltia templum Dionysii esse, in quo cum sacra persoluuntur, si grata deo sunt, mira lux effunditur. contra uero, mira tenebræ. Atque in Aegira, nisi sanguine tauri epoto, sacerdotem non uaticinari. Cui compar mi-

raculum fertur, Hierapolis antrum esse, quod quum mortiferum exhalet, in eo intereunt omnia nisi execta, & quæ uirilitatem amiserunt. Et apud Potnias Bæotia manare fontem, ex quo equæ indigenæ haurientes, concitentur in rabiem. Mirum quoque quod circa Halicarnassum antistiti Mineruæ euenire traditur, ut quoties Amphictyensibus, qui ea loca incolunt, aliquid aduersi casurum foret, grandis illi nascatur barba, quasi eo portento futuras illis calamitates responderet: sicut in terra Caria, mulieribus templo dicatis, pilos in genis aut mento innasce, futura diuinationis signum erat.

Qui fuerint legati consulum uel prætorum, quæne iurisdictio aut illorum potestas sit. Caput III.

CONSULES designatos cum primum prouincias sortiti essent, legatos sibi nominare, uelut comites expeditionis, & adiutores negotiorum, quorum ope consilioque niterentur, quique ipsorum uices gererent, quoties abesse contingeret, uulgo notatum est: qui, sicut duo erant consules: ipsi duo pariter fuere, quos uel præsentem legebat senatus, magna prudentia uiros, summis honoribus functos, uel absentes nominabat, quibus post consules totius prouinciæ legionumque, atque exercitus curatio mandata est. Tametsi nonnullos à consulibus nominatos, ut pari uoto & una mente remp. administrarent, ex decreto senatus sæpiissime legationis munere functos legamus. Vnusquisque ergo consul suum legatum habebat, quo præcipuo consultore ac ministro consiliorum, in rebus gerendis delectuque habendo, totaque administranda prouincia utebatur: quorum consilio & autoritate, uel prælia susci-



suscipiebant, uel bello abstinebant: qui etiam decreta  
consulum, & arcana consilia sapissime exequaban-  
tur cum fide & cura. Consulibusque functis consula-  
latu, & finito magistratu, legatos uelut legationis mu-  
nere functos, honore abire oportebat: qui quidem ple-  
runque ex plebe aut patribus, nonnunquam prætorij  
aut consulares fuere. Etiam prætores urbis, qui que  
antea consulatū gessissent, & magnos bello uiros, fun-  
ctos honoribus & triūphis, homines fidos acceptosq.,  
legationis munere fungi cōperimus: illorumq. procu-  
ratione & cura, prouincias ab hostili incurſu defensas  
& saepe in officio retētas fuisse: quorum etiam autori-  
tas tam in administrāda prouincia, quā ducēdo exer-  
citu acieque instruēda, & quādo essent admoturi co-  
pias, tanti fuit, ut absentibus uel impeditis consulibus,  
summam imperij tenerent. Cōsiliorum & fortium fa-  
ctorum, ac merita uirtutis & ignauia cuiusque, qua  
cura, qua fide & diligentia, quaq. disciplina militari,  
duces exercitui & castris præfuisſent, si quid fictum  
uanumque aut parum integra ueritate afferret, locu-  
pletissimi testes erant: soli denique gesta consulum di-  
ligenti æstimatione perpēdere, & pensitare debebāt.  
Tum cōsulibus laborantibus, aut morbo implicitis, uel  
fato perfunctis, ipsi supereſſe, & munia obire poterāt:  
nanque ipsorum erat officium, fiduciarum reipub. o-  
peram dare, post consulem prætorēque, non tamen i-  
dem iuris & potestatis habere, ne imperatorias sibi  
partes uendicarent. siquidem legati munus est, omnia  
ad præscriptum imperiumque consulis agere: impera-  
toris uero, summæ rei consulere, & liberum tenere  
imperium, eo consultore & ministro. M. Claudius

legatus contra literas L. Cornelij consulis de pugna aduersus Boios ad senatum magnifice scriptas, priuatim de consulis negligentia pluribus per literas significauit, quæ illi mox exitio criminique fuerunt: namque illum criminando, effecit, quo minus L. Cornelius de Boijs triumpharet: ipsiusque denegati triumphi, testimonium legati, præcipua causa fuit. Quanquam Cn. Manlius, contradicentibus decem legatus, in crimen adductus, acta per se causa in senatu, crimine absolutus, de Gallogræcis magnifice triumpharit. Quinetiam siquid per legatos in prouincia absentibus consulibus, & dum eorum uicem gerunt, fortiter ac dignum laude & triumpho gestum foret, poterat sine consule solus legatus suo iure & merito triumphare. De Parthis & Pacoro Ventidius M. Antonij legatus, sine Antonio, licet nouo exemplo, triumphauit. Caius etiam Marius legatus Metelli cōsulis, ipsum criminando, effecit, ut posthabito Metello, de Iugurtha triumpharit: ante cuius currum, cum duobus filiis ductus est in triumpho. Quinetiam patrem filio legatum fuisse, & fratrem fratri, sæpius compertum est: Q. Fabium Maximum, Q. filio consuli legatum aduersus Samnites ad Sueffulam obuiam produsse: & cum experiri uellet an sciret cōsulem agere, iussum ab eo obsequium præstitisse, & equo descendisse, autores memorant. P. que Scipionem, cui Aphricano fuit cognomen, Scipioni fratri aduersus Antiochum cōsuli destinato, legatum uenisse: tantumque autoritate effecisse, ut uicto Antiocho, & pace Eumeni concessa, frater cuius legatus uenerat, de Antiocho & omni Asia triumpharit: ob Asiamque à se uictam, Asiatici cognomen

men reportarit. Illud quoque notatum est, quoties consuli prorogatum fuisset imperium, etiam legati munus ad id tempus diffundi saepe et prorogari. Animaduersumque et illud, à primis originibus legatum proconsulis sine equo ingredi consueisse: postea uero à Seuerò institutum, ut in uehiculis sederent, et siue morte obita, siue casu legatus in prouincia esse desisset, legationis munus solum consulem sine senatu dedisset: ipsumque consulem aut senatum unum pluresue legatos imperatori impedito, qui uicem suam gererent, et rebus gerendis sufficeret, saepius creauisse, comitesque expeditionis dedisse. C. Casari imperatori, cuius in remilitari præcipua uirtus fuit, dum contra efferas gentes bellum parat, decem legatos consilij socios decreuit senatus, quibus adiutoribus et ministris magnas res gessisse fertur. Pompeius quoque bello piratico, contra tot prædones et communes hostes omni genere rapinarum grassantes, quum solus superesse nequiret, quinque et uiginti legatos accepit, tametsi aliquando solus ipse legati munus obiret. Quetiam Fuluiò consuli graui uulnere affecto, quum exercitui et castris præesse nequiret aduersus Hannibalem, ex patrum decreto tres legati additi fuere. Quinetiam in expeditionem iturum consulem, plures et ultra sex legatos comites duxisse compertum est. quibus lictores cum fascibus pro muneris dignitate publicè dabantur, qui illis uelut publico magistratui præcedebat. Subsequentis postea temporibus, in tantum legatorum munus processit, et ad id fastigij deuenit, ut quoties laborantibus prouincijs subsidia mittenda forent, aut si quid publici priuatiq; negocij maneret, ubi plurimum la-

boris & periculi impenderet, ea frequens senatus per  
 legatos decerneret, illisque prouinciæ administrandæ  
 munus curamque delegaret, quæ libera dicta legatio  
 est: nam soli sine consule aut prætore, legati munere  
 fungebantur. Quæ etiam legatio à senatu uel populo  
 sæpiissime dabatur his, qui honestam proficiscendi cau-  
 sam, aut prætextum fugæ per speciem honoris quære-  
 rent, quo honoratius exciperentur. Quin & scriptum  
 legimus obseruatumque fuisse, legatos legionum non  
 in senatu modò, sed à ducibus exercituum plerunque  
 creari, qui singulis pluribusque legionibus præpositi,  
 illarum administrationem curamque gererent: qui si  
 quid per occasionem & licentiam dignum animad-  
 uersione admisissent, poterat eis legationis munus ab-  
 rogari, & de gradu deijci: quotiesque quæstor cum  
 legato consulis concurret in eisdem actionibus & pa-  
 ri causa, quæstor, tanquam plus ferat honoris, præpo-  
 ni solet. Nec modo consulem, sed & prætorem legatos  
 in prouincia unum pluresue habere, quorum consilio  
 niterentur: nisi prætores urbani forent, quibus nihil  
 opus esse legatis censuerunt. Illud quoque proditum  
 est, legatum qui in Aphricam accederet, si quid ope-  
 raprecium, aut dignum laude in prouincia admisisset,  
 haud multo post, inculpatæ uitæ testimonio illam pro-  
 consulem administrasse. Tum si quando in acie uel  
 castris, urgentibus hostibus, consulto opus foret, per  
 legatum qui summæ rerum præerat, & primas tene-  
 bat post consulem, rem ad concilium deferri, ubi le-  
 gati legionum, primores centurionum, quæstores, tri-  
 buni & præfecti castrorum consultantes, capita  
 conferebant: & quicquid opus erat factò, communi  
 ani-



animo consilioque decernebant: & demum ut erant sententia, legati iudicio imperioque sanciebant. Ab exteris uero Agesilaus proditur tanti legati munus fecisse, ut quauis imperator maximus, legatorum tamen officia obire non dubitaret.

Qui magni dii, qui communes, aut indigetes dicti, quæue deorum cognomenta, & Iunonis Roma templa fuerint.

Caput IIII.

DEORVM quos prisca coluere, nomina potestatesque multiplices olim ueteres statuiffe, haud ambiguum est: nam quidam ex his Magni, quos Græci θεοὶ μεγάλοι uocant, plerique Communes dicti sunt inferioris notæ. Magni fuere, Iupiter, Minerva, Mercurius, quos è Samothracia in Italiam Aeneas attulit. Alij maiorum gentium deos, duodecim statuere: hi fuere Iuno, Vesta, Minerva, Ceres, Diana, Venus: uirorum autem, Iupiter, Mars, Mercurius, Neptunus, Vulcanus, Apollo: qui etiam dii penates ab Aenea appellati: Magnique dicti, uel quod reliquos genere famaue præcellerent, uel quod infinitæ potestatis forent. M. Varro Cælum & Terram principes deorum, Aegyptij Serapim & Isim, in Latio Saturnum & Opim: plerique deos penates Magnos opinati sunt. Dixerere autem penates per quos spiramus, & corporis & animi uires possidemus. Hos dicunt esse Iouem in medio æthere, Iunonem in imo, in summo uero Minervam, alij Apollinem & Neptunum. Martem uero, Bellonam & Victoriâ, communes & usitatiores deos nuncupari, ea (ut dicunt) causa, quod omnibus præsto sunt, & modo ab uno, nunc ab alio beneficia conferri, & passim homines iuuari putant. Nonnulli

matrem deūm, Solem, Lunam, Plutonem & Martem, cōmunes dixere deos, quod hi ferme ab omnibus frequenti cultu, curaque obseruantur: nam Persæ Ignem deum colunt: Scythæ præcipuum deorum Martem, cui equos immolant. Massagetæ & Pæni, Solem & Lunam: alij Plutonem, uelut præcipua numina uenerantur: licet Solem Persarum, Lunam Græcorum præsidem nonnulli credant. Varro autem, qui magna hæc inquisitione collegit, ex omni deorum turba, quos supra triginta millia fuisse autumat, quosdam seclufit, quos selectos nūcupauit: hi fuerē, Ianus, Iuppiter, Saturnus, Mercurius, Mars, Apollo, Genius, Vulcanus, Sol, Neptunus, Liber, Orcus, Iuno, Tellus, Ceres, Luna, Diana, Venus & Vesta, illosque selectos uelut uisitatoria numina appellauit. Geniales uero deos multi putant, Aquam, Terram, Ignem & Aërem: his addūt Solem & Lunam, ex quibus seminibus gignuntur omnia, quibus natali die quisque sacrum facit, quod gignendarum rerum uim haberent: qui Genius deorum filius, & parens hominum habetur. Tametsi binos Genios ab ipso natali die cuique mortali deorum munere datos, bonum scilicet & malum, Empedocles reputarit: Menāder unum. Alij Iunonem & Genium suum singulis dederunt, quasi præsides & oppugnatores. Lares quoque inter deos receptos fuisse, multorum testimonio probatur, quos antiqui inferiores dixere deos, qui priuatarum ædium, triuiorum, uiarumque, atque urbis curam agunt: ideo Præfites nūcupati. Hos Aegyptij quatuor fuisse putant, quos simul atque in lucem editus fuisset homo, illius perui-  
gilem

gilem curam agere opinantur: quorum nomina Dy-  
mon, Tychus, Heros & Anachis. Fuitque Platonis opi-  
nio, homines qui summa integritate uixissent, post fa-  
ta effici Lares: si uero improbi detestabilesq; fuissent,  
Lemures. Ipse enim trinas fecit deorū species, ex qui-  
bus unus est summus, primus & solus deus: alteri  
medij, quos calicolas uocat: tertij, qui dñs sunt mino-  
res, calicolis maiores. Dæmones uero ministros deo-  
rum, custodes autem hominum putauit. Dñ nempe ru-  
ris & agricularum, quos uita agrestis homines &  
rustici coluerunt, hi feruntur: Iuppiter, Tellus, Sol &  
Luna, Ceres & Liber, Rubigus & Flora, Minerva  
& Venus, Lympha & Bonus euentus, qui morbos,  
uastitudinem, calamitatem, intemperiesque depellūt.  
Præter hos fuere dñj indigetes, qui ex hominibus in  
deorum numerum asciti, propter eximias belli pacis-  
que artes, quod de genere humano bene meriti essent,  
post mortem numinibus æquati, celebrem posteris me-  
moriā reliquerūt: ut Hercules & Aeneas, quem uo-  
cant indigetem: Castor & Pollux, Aesculapius &  
Romulus: atque alij, qui dum uixere, functi laboribus  
ob fortia facinora generi humano exhibita, tanto ho-  
nore habiti cultique sunt, ut ex hominibus in deorum  
cætum asciti, pro dñs celebrarentur & colerentur:  
quos uelut ascriptitios & novos incolas, post fata in  
cælum receptos putauere. Fuit enim hæc consentiens  
observatio, præcipuè apud Lacones, ut eximios præ-  
clarosque uiros, qui obuiam eundo periculis, rempub.  
auxissent, ob egregia facinora ciuibus & patria ex-  
hibita, ut gratiam meriti redderent, in deorum sedes

receptos consecrarent, & in cælum tollerent: illisquæ diuinos honores & humano fastigio ampliora decernerent: templaque, flamines, puluinar & aras, ac sedes immortalitatis exhiberēt. Græci uero propter beneficia uiuētes etiā cælo consecrare, & immortalitate donare consueuerunt, quam apothecosin dixerunt: sicut de Platone & Agesilao legimus, atq; alijs, qui in cætu cælestium recepti, in uita diuinos honores meruerunt: illisquæ certamina, ludos & sacra anniuersaria dicarunt, tāquam numinibus aut heroibus: illis præsertim, qui tyrannos exegerunt, aut uindices libertatis fuerunt. Hi tanquam mortale fastigium egressi, omnium consensu in cōcilio cælestium asciti, pro dijs haberi & coli cœpti sunt. Hinc etiam Romani Cæsares, quorum opera & uirtutes res Romana creuit, & imperij fines latè propagati sunt, post funera immortalī memoria consecrarunt, & in deos receperunt: qui ob æternam gloriam, dij indigetes dicti, nominibus plerunque mutatis, & nouis coopratīs: siquidem Romulus, Quirinus: Ino, Matuta: Leucothea, Albunea: Melicerta, Palæmon & Portumnus: Leda, Nemesis: Circe, Marica: Nerfilia, Hora: Rheia, deorum mater, Idæa, Dindymena, Philena, Pessinūtia, & Cybele, ac Berecynthia, dictæ sunt. Indi uerò Iouem pluuialem, & Gangem flumen, uelut indigetes deos, carmine incōdito uenerantur: Meroita Herculem, Pana, & Isim: Germani Tuisstionem deum terra editum, & Mannū filium: Astymphalissi, Achillem: Persæ, Amanum & Anandatum: Veneti Diomedem instar numinis habent, cui etiam candidum immolabāt equum. Sicut Aegyptij Isidem,

Mauri



Mauri Iubam, Pæni Vranum, Macedones Gabyrum, Latini Faunum, Siculi Adranum, Libyci Psaphonem, ne omnes percenseam deos. Is enim Psaphon quum despectissimus esset, & ultima nota, uocales aues edocuit hæc uerba eloqui, Magnus Deus Psaphon, quibus dimissis in lucos, audita uoce, apud rudes populos est pro deo habitus. Thraces Zamolxin, Syri Astartem Adad & Agartin: Arabes Dyasarem, Horici Tibillineum & Aphri Cælestum. Aegiolenses, Maceranas deas: & gens iuxta Naucraticum Aegypti, Theutum, uelut præsentissima numina coluerunt: qui omnes ex hominibus post funera diuinitate donati, diique indigetes post consecrationem habiti sunt. Quam quidem sic fieri nouimus, ut imperatore qui referendus in deos & consecrandus erat, uita functo, pyram in tabernaculi formam construeret, quod auro & ebo- re, signisque & tabulis pictis exornatum mirifice, alio desuper breuiori, usque ad tertiam contignationem erigebant, aquila cum omnium odorum aggestu in summo culmine locata: lectoque constrato purpura & auro, in quo defuncti effigies iacebat: senatus, eque- ster ordo, ac uiri triumphales, quique amplissimos honores gesserant, procedentes lectum deferebant in pyram, cum carmine & hymnis, omnibusque huma- nis diuinisque aggestis honoribus. Demum incensa pyra, quum uapore & fumo aquila agitata, è summo culmine tabernaculi aëra petisset, religio incussa fuit, ipsius animam per inane cælum petisse, ipsumque defacato quod mortale erat & caducum, in numero cælestium & cõcilio deorum recipi & haberi. Quam

consecrationem apothecæ Græci nuncuparunt, qui deinceps inter diuos relatus, pro deo colebatur. Fuitq; senatusconsulto cautum, ne quis ex Cæsaribus, nisi ex decreto patrum, inter deos referretur. Mirum tamen de Diocletiano proditur, qui sponte deposito imperio, nonum post annum, primus sine imperio, populi iussu, patribus autoribus, cœlestes honores & apothecæ meruit. Et de Constantino Maximo, qui diuersarum religionum aßesû, ab ethnicis inter diuos relatus fuit, & à Christianis inter sanctos. Feruntque magnum illum Agesilaum, cum à Thasîs apothecæ honoratus, & inter diuos relatus fuisset uiuēs, illos interrogasse, ut si deos faciendi potestatem haberent, prius seipsos consecrarent, postea se deificaret. Contrà Empedocles: nam tanto studio captus fuit, ut pro numine coleretur, ut in medium Aetnæ incendium uiuens se deijceret. Inter ceteros proditur Eutimus poeta Locris oriundus, oraculi iussu uiuens consecratus, & inter diuos relatus. Patrios uero dixere deos, qui singulis urbibus præsunt, illarumque præsides & propugnatores sunt: ut Apollo & Minerva Athenis, Aliensibus & Gnosius, qui inde illam oriündam ferunt, licet Alalcomenÿ suam dicant: Thebis Bæotÿs Liber & Hercules, Iuno Carthagini, quam humano cruore placabant, eademque Samo, Sparta & Mycenis, atque Argis, ubi nata fertur: Venus Cypro & Papho, Apollo Rhodiÿs, Lemno Vulcanus, Naxo Liber: idemque Apollo Delphis, Tanaro Neptunus, Cyzicenis Pallas, quod ea urbs pro dote illi fuerat: Tenedÿs, Tenens deus: Alabandensibus Alabandus, Cretensibus Diana, quàm Bri-  
tomar-

tomartem uocant: Thespiensibus & Parianis Cupido, Romanis uerò Mars: qui præcipuo honore insignes à suis ciuibus colebātur eximiè, quanuis numen quod urbi præesset, palam facere nefas putarēt, ne euocationes quæ ad auertenda numina quæ urbibus præsunt, fieri ab hostibus solent, ipsis aliquando innotescerent. Erat enim uetus mos, ut in urbium obsidione, ubi ad ultimam dimicationem uentum esset, tutelares deos, sub quorum præsidio urbs foret, certo carmine & uerbis conceptis, in nouas sedes euocarent, templaq; ampliora & solennes aras illis promitterent: nefas opinati deos urbium præsides, urbe hostiliter direpta, uelut mancipia captiuos habere. Persis uerò et Aegyptijs nullos patrios habere deos in usu fuit, quòd euocationibus illos migrare ex oppidis, & sine tutela deserere timerent. Alij uincla & catenas annectebant dñs. Nonnulli sponsores à dñs petebant, ne euocarentur & abirent. Tyrū enim obsidione pressi, Herculis simulachrū, quod magna religione colunt, ne urbem desereret, aurea catena deuinxere. Neque solum insignes urbes cōspiciuæ magnitudinis, sed oppida penè deformata, & modici uici, ne hostili uastarentur incurso, patrios deos coluisse feruntur: siquidem Crustumini Deluentinū peculiarem habuere, Narnienses Viridianum, Asculani Ancariam, Volsinienses Nurciam, Otriculani Valentia, Sutrinū quoque Nurciā. Sed tametsi peculiaris Iuno Carthagini fuerit & præcipuum numen, Roma tamen nō minoris obseruantia cultusq; habita est: quippe quàm cordi Romanis, & quàm regali magnificētia culta celebrataque sit, illud argumēto fuerit, quòd post initum consulatum consules Iunoni sospita sacrum faciunt;

Baccho uerò Siculi Morichum dixere nomen: Arabes, Oracal & Adoneum: alij Lyæum, Erebinthium, Sabazium: Lacedæmonij Scythitem & Milichium uocitarunt, cuius faciem musto intingere & focis ornare uetus mos erat. Tradunt quoque Mineruas diuersis cognominari nominibus: nam & Trigemina, Glau-copis & Sais ab Aegyptiis appellatur: à Mileſiis Aſiſia, apud quos mirificum fuit templum: à Græcis Arthemis, à Cretenſibus Dictynna, Phœbe & Diana: à Siculis Lyen, quia parturientum ſoluit dolores. Prima enim fertur Iouis filia: ſecunda, Nilo orta, quam Aegyptii Saleten dixerunt: tertia, quam Arcades Chorrion nominant: quarta Pallantis, quæ patrem interemit, ipſam uitare conantem, cui pinnarum talaria aſſinxerunt. Mercurium quoque multiplici ferunt uocatum nomine: nam Galli Theutatē, Aegyptii Their appellant, quos quinque numerari plerique autumant, ſicut Vulcanos plures. Cybelē quoq; alij Rheam dixere, alij Berecynthiam, plerique Bonam deam. Iſidem uerò Phryges, Peſſinuntiam matrem deſum uocāt: Attici Cecropiam Mineruam, Cyprii Paphiam Venerem, Cretes Dictynnam Dianam, Siculi Stygiam Proſerpinam, Eleuſini uetuftam Cererem, alij Iunonem, nonnulli Bellonam, plerique Hecaten. Prima uerò Iunonis ædes à Camillo dicata eſt in Auentino, quæ cateris longè multumque præſtitit, ad quam ſimulachrum Iunonis Veientanæ allatum memorant, quam reginam nominatam uolūt. Altera in Capitolio, iuxta quam ſacri anſeres paſcebantur, quæ & Regina dicta eſt. Tertia in Arce, cognomento Moneta, in area, in qua M. Manlii Capitolini domus fuit, quàm à Lucio Furio



dictatore uotam nonnulli memorant: nam quum nouo mota tota urbs contremisceret, & quibus piamentis, cuius deo sacrum fieret, nō dignoscerēt, ex arce uocem auditam ferunt, monentem, ut sue plena sacrum Iunoni & procuratio fieret: inde Moneta nomen datum. Nouimus quoque in uico Iugario aram Iunonis Iugæ conspici, quæ coniugys præesse dicebatur: sicut Cinxia & Gamelia Iuno, a nubentibus sanctè colebatur: cui sacrificantes, obseruant ut bilem à uisceribus hostiæ dimoueant, illamque iuxta aram defodiant loco abdito & operto, ut signarent sine bili matrimonia esse oportere. In Exquilys quoque Lacinia Iunonis templū fuit, & in foro olitorio ara Iunonis Matutæ. Aedem in Palatio etiam Iunonis Sospitæ summo honore cultam inuenimus, iuxta templum Cybeles, cuius aram Numæ legibus pellex tangere uetabatur. nam in colle Viminali & in porticu Octauia, Iunonis templum & arā fuisse uulgo proditum memoriæ est. Neque omittendū, noua religione & barbara ceremonia apud diuersas gentes Iunoni sacrum fieri: nam Lauini templum Iunonis erat, & iuxta specus, unde prodiens draco, uirginis manu pascebatur. In Syria in fano antiquissimo sacerdotes dum Iunoni sacrificant, inuicem digladiantur, sicut Corybantes in sacris magnæ deæ, & in templo Dianæ apud Ariciam: apud Crotonem sacerdotes breui scuto superstans sacrum facit, & uictimam Iunoni cedit. In Samo nisi habitu nubētis & nuptiarum solennibus seruatis, Iunoni sacrum facere non licet. In Stymphalo Arcadiæ Iunoni triplex sacrum ex tribus cognominibus fit: unum, uelut puellæ: alterum ut Ioui nuptæ: tertium, uelut uiduæ. Sami quoque, ut

dicata

dicata Iunoni templa, Lyfandria uocetur, ſenatusconſulto cautum fuit: & Argis in ara Iunonis, nulli externo aut peregrino ſacrum facere permittitur.

Ex quibus oppidi, quibusq; regionibus, aut terrarum ori, ingenio clari & præcipua doctrina uiri plures enaſere. Caput V.

EX multis magnis animis, ampliſſimisq; ingenijs, quæ unquam uidimus aut legimus, illorum qui ſtudio diſciplinarum exterarum nationes cõquiſiuere, in primis Homerus fuit, Orpheus, Eudoxus, Democritus, Pythagoras, Archita & Plato, clari ſapietia: qui ad gymnoſophiſtas ſpectandosq; ſiderum motus, diſciplinãsq; ediscendas, tanquam ad mercatnam bonarũ artium, proſecti ſunt. Is uerò Eudoxus ſummus perhibetur aſtologus, quæ tempeſtate Galli Senones Urbẽ peruaſtarũt. Pythagoras Tarquinij Superbi tempore uiguit. Platonem uerò poſt quadringẽteſimum Urbis annum ad Dionyſium ueniſſe fama uulgauit. Archita autem dum diſcedi ſtudio flagrat, multas per oras peregrinatus, captus à piratis, & uenundatus eſt. Sic Thales ille Mileſius, cuius ſunt multa & miranda inuenta: deinde Solon & Lycurgus, ut legum ſanctionumq; quæ tulere, cauſas rationesq; curioſius penſitarent: aliq; illuſtres uiri, nullum uitæ cultum aut paratum requirẽtes, partim Aegyptios & Aethiopes, partim Syros, Arabas, Perſas, Parthos, Hyrcanos et Indos, omnes denique terrarum ſibras, ac diuerſi orbis ultimas oras rimando, nihil inexpertum reliquere, dum ſtudia bonarum artium, & ueri cognitionem undique emendicarent: ita ut ex omnibus ſapientiſſimis uiris, quos ulla unquã tulit atas, in patrio ſolo pauciſſimos ſuneratos

inuenias. Quibus exculti doctrinis, tantum proteffere;  
ut multa ingeniorum doctrinarumq; monumenta po-  
steris reliquerint: suasque non urbes modo & oppida,  
sed regiones & gētes magnis nominibus nobilitarint.  
Præcipuè uerò Miletus Ionia, multiplici doctrina p̄di-  
tis uiris excelluisse fertur: nam & Thaletis astrologi,  
qui inter sapientes adnominatur: Anaximenis philo-  
sophi mathematicorum nobilissimi, qui horologium  
ostendit primus: Timothei musici, & Anaximandri  
physici, Hecatei historici, atque Aeschinis oratoris: qui  
magno in precio fuere: alijsq; scientissimis uiris floruif-  
se fertur. Ingenia quoque Asiatica sua laude fraudan-  
da non sunt. Ex hac enim poëta Anacreon, Mymner-  
mus, & Antimachus, claro præconio celebrati: deinde  
Hipponax, & Sappho, atque Alcaeus poëta, qui lyri-  
cos inuenit. Præter hos, Xanthus, Hecateus, Herodo-  
tus, Ephorus & Theopompus historici, alijsque præci-  
pua doctrina uiri, illam sempiterna laudi memoriaq;  
commendarūt. Fuit præterea Cartheia seu Iulis, par-  
ua circa Delon insula, clara ingenijs uirisque: ex ea e-  
nim Simonides poëta, qui scripsit multa præclare, &  
Bacchylides, deinde Erasistratus medendi arte clarus,  
cuius plura documēta sunt: atque Aristō Bionis amu-  
lus ex peripatetica disciplina, duxere originem. Nec  
minus ex Bithynia & Cyrenis, non dispari laude cen-  
sendi. Ex illa enim Zenocrates philosophus, et Diony-  
sius dialecticus, Hipparchus et Theodosius. Itē Theo-  
phanes orator, in causis forensibus uersatus egregiè, et  
Asclepiades medicus. Ex Cyrenis uerò Callimachus,  
qui elegos scripsit primus, quo tempore Liuius poëta  
Romæ fabulā dedit: & Aristippus Socraticus floruisse  
dicitur.

dicitur, cuius filia Areta tantum ingenio ualuit, ut post Aristippum scholas cum laude rexerit, & disciplinas docuerit. Præter quas urbes, Tharsus, Alabanda, Tyrus, Gnidus, Rhodus, uarijs eruditionibus & doctrinis excelluere, præcipuosque & summo ingenio uiros eduxere. sed quod est de Simonide dictum, magni exempli illius casus fuere, bis monitu diuinum, partim ruina, partim naufragio erepti. Aselepiades uerò publico fertur præconio, quòd phreneticos & mente imminuta laborantes, concentu sonorum, mirabili experimento ad sanitatem reuocarit. De Anacreonte inter mira exempla fatum memoratur, et memorabilis illa mors acino uux passæ strangulati: quæ res infirmitatis humanæ nos commonefacit, fortunæq; uarietatis, atque imminuentium calamitatum, uitæq; uarijs casibus expositæ, magna nobis documenta præbet.

Quo apparatu, & qua pompa, quantoq; omnium studio olim Romani triumphos agerent: quis ordo seruari, & quæ in triumpho ferri consueuerant. Cap. VI.

QVÆ triumphantium pompa & quis ordo fuerit, quantoq; omnium studio & apparatu ducibus exercituum, post res feliciter gestas, triumphus deferri consueffet, intercise ueterum monumentis traditum est. In primis fuit obseruatum, ut qui imperatores rebus bene gestis, post multa facinora militaria, domitis hostibus, triumphum poscerent, pacatam prouinciam successori in primis traderet, exercitumque uictorem & opimum præda, testemq; uirtutis & ignauitæ cuiusque, meritq; & immeriti, Romam reduceret. inque eadem Bellonæ extra urbem senatu euocato, (neque enim triumphum petenti, urbem inire fas erat) de rebus à se



gestis magnificè, quæ oppida, quasque provincias bello uicissent, aut quibus cum hostibus signis collatis conflixissent, quæque egregia ipsi fecissent, quotque hostiũ millia cecidissent, omnia denique belli decora, ordine differebant: ubi legatos, tribunos militũ, centuriones, milites denique exercitus, quo notior testatiorque eorum uirtus foret, adesse oportebat, ut merita illius uirtutis, cui tãtus honor debebatur, si quid uerũ uaniquæ referretur, testes forent. Augustus uerò Octavius in templo Martis Vltoris, quod in foro suo posuit, senatũ de bellis, deque triumphis cõsuli, utque provincias cum imperio petaturi inde deducerẽtur, in eoque reuersi ex prouincia triumphorum insignia deponerent, decreto sanciuĩt: tamen si in Martio campo, & in pratis Flaminij, non semel de triumpho actum inueniamus. Apud Argiuos ex militia reuersi duces, cum militum agmine totoque exercitũ in Charadro extra urbem concilium aduocabant: ibique de militaribus donis, quæ cuique deberentur, optimatum consensu decernebant. Sapius tamen absenti duci, quũ de rebus gestis egregiè, maxime cognitum esset, à senatu decretus triumphus fuit. Cumque res bello gesta triumpho dignæ uiderentur, prout erant sententiæ, populi iussu, patribus autoribus, triumphum decernebant: aut si senatus aduersaretur, per tribunos ad populum ferri posse, populumque citra senatus auctoritatem, triumphos sæpe decreuisse, compertum est. Valerio & Horatio consulibus, uictis Sabinis & Volscis, quum triumphus negaretur, L. Icilius tribunus plebis de illorum triumpho ad populum tulit, qui primi ex scito plebis, nullo decernere senatu, triumpharunt. Et M. Rutilio dictatori de plebe homini, de-

ditis

ditis & uictis hostibus, sine patrū auctoritate, solo iussu populi triumphare licuit. Tametsi plures, quum Roma aduersante senatu honos negaretur, in Albano honestos triumphos egisse legamus. Primusque M. Papyrius Masso, quum Roma negaretur, in Albano, & alij illius exemplo triumpharūt. M. uerò Antonio magnæ inuidiæ fuit, quòd quum deberet Romæ, Alexandria de Parthis triumphauit: et Domitio Aenobarbo, quòd deuictis Aruernis, nullo decernente senatu, elephantonectus, uelut triumphans, totam Italiam peruagarit. Mansitq; diu mos Romæ de domitis nationibus & hostibus bello uictis triumphandi, ad Probum usque imperatorem: is enim ultimus Caesarum triumphasse traditur. Post quem oblitterata uirtute militari, quum uigor ille animi desuisset, & imperium deflexisset, nulli Caesarum triumphasse legūtur: quanuis alij Bellisariū, qui sub Iustiniāno meruit coronam, postremū omnium triumphasse contendant. Fuitque maximè cognitum, à condita Vrbe ad Vespasianū & Titum, deuictis debellatisque nationibus ab ultimo orbe, Romanos per tot secula uiginti supra trecetos triumphos egisse: ex quibus Samnitibus solum, hostibus præualentibus, multiplici tandem clade affectis & debellatis, quatuor supra triginta triumphos inisse: pluriesque de Gallis quàm de reliquo orbe terrarum, duces Romanos triumphasse. Et tametsi Romanis tantum ciuibus olim triūphus decerneretur, uni tamen Cornelio Balbo externo & Gaudiano, ob deuictos Garamantes, tributū legimus. Mirumque prodi de Ventidio Basso, qui ductus in triumpho, & mulio, eò processit, ut Romanorum primus felicitate mira de Parthis triumpharit. Fuluius postea

Tusculanus, cū & ciuis & consul Tusculi fuisset,  
 & ad Romanos transisset, tam feliciter egit, ut Tu-  
 sculum extra sortem uelut prouinciam assequutus, tri-  
 umphum Romæ de sua patria egerit, eo ipso anno ciui-  
 tate donatus, & consul factus. M. quoque Perpenna  
 Græcus homo, postea consul de Aristonico iustissimum  
 Romæ duxit triumphum. Proditus tamen est Fuluius  
 Flaccus tantæ moderationis fuisse, ut decretum sibi tri-  
 umphi honorem ob modestiā recusarit: & M. Fabius,  
 quia fratrem bello amiserat, triumpho cessisse. Tiberius  
 quoque Cæsar de Illyrijs parta uictoria, triumphare  
 noluit, consternata tunc ciuitate propter Varianam  
 cladem: sicut Marius, deuictis Teutonis, triumphum  
 distulit, conspicatus patriam aduētantibus Cimbris  
 laborare. Septimius quoque Seuerus, deuictis Parthis,  
 quum pedum uoletudine laboraret, triumphum recu-  
 sauit. Igitur decreto triumpho, Romani magistratus  
 & omnes tribus obuia, flaminesque purpura, & sa-  
 cerdotes ac pontifices apiculis uelati, laudantes gra-  
 tantesque, atque uiri triumphales consularesque cun-  
 ctæque nobilitas & senatus in prætecta & laticla-  
 uis, tum omnis sexus & ætatis, frequentes cum coniugi-  
 bus & liberis in lætitia publica, omnibus denique or-  
 dinibus effusis, cum gaudio ad excipiendum uisen-  
 dumque prodibant. Apud Athenienses uerò, si quan-  
 do summi duces rebus feliciter gestis, urbem inirent,  
 non modo à magistratibus & omnibus ordinibus fre-  
 quenter obuiam itum est: sed deorum quoque imagi-  
 nes producere obuiam, & diem uictoriæ consecrare  
 mos erat. Ingressi deinde, longo ordine, montium,  
 fluminum, oppidorum & urbium species, quas bello  
 perui-

peruicerat, & ui expugnarat, præcedebant. Vrbes enim, montes & flumina, regionesque, quas imperatores bello domuissent, in triumpho duci uetusti moris erat: quare T. Quintius dictator, Præneste in dedicationem accepto, signum Præneste duxit triumphans! & M. Marcellus Syracusas: & Scipio Asiaticus centum triginta oppidorum simulachra uno triumpho detulit: & C. Caesar Massiliam, Nilum, Rhenum, Rhodanumque ex auro, & fatum ex ebore. Sæpe etiam præ multitudine oppidorum effictas turres pro expugnatis urbibus, captarum ciuitatum simulachra ferentes, in triumpho detulerè. Fertur Sylla quum omnes Asia & Graciæ urbes bello domitas in triumpho duxisset, nulla Romanorum oppida, aut ciuium imagines ducere uoluisse. non sic Caesar: nam imagines Scipionis, Petreij & Catonis, inter pompæ fercula representauit. Inter quæ tabellas grandioribus literis inscriptas, cum titulis, in quibus naues captæ, urbes tributo affectæ, seruæ, aut uectigales, in fidemue acceptæ, oppidaque expugnata, gentes perdomitæ, & reges bello uicti continebantur. Tum pegmata in tertium quartumque nidum, uelut exertis ramis, surgentia, & simulachra bellorum artificij manu elaborata, præferebant: ubi captarum urbium præliorumque effictæ species erant: ubi acies uictas & fugatas, percussos consternatosque hostes, castellorum excidia, exercitusque intra fusos: urbes populari, ferro ignique uastari, ædificia incēdi, mœnia disturbari, claustra reuelli, totasque imagines præliorum effictas, facile erat cernere. His succedebant spolia hostium, & captiuæ armatum currus spolijs onusti, militariaque signa ex



domitis gentibus non erecta, sed inuersa. Post hæc catapulta, balista, & tormentorum omne genus ui expugnatum, ac belli apparatus, machinæq; ad urbium excidia, rostraque nauium ui captarum, nauesque rostrata bello uictæ, proferebantur: quare Lucullus longas & rostratas decem ultra centum in triumpho duxit. Præterea falcati currus, clypei que insignes & scuta: quibus L. Papyrius dictator de Samnitibus triumphans forum ornauit: tum lectica aurea, ænea que, uel argentea signa ex deuictis gentibus: quorum supra ducenta octoginta, & marmorea ferè totidè, M. Fuluius in triumpho, quem de Aetolis & Cephallenia habuit, carpentis uexit. Currus que aurei uel argentei, uasa que aurea & argentea omnis generis, spolia que ciuitatum ui captarum: tum corona aurea, & urbium dona, & populorum, quibus à socijs & fœdere iunctis pro uirtute dux donatus fuerat, suo ordine sequebantur: quarum nonnullos supra octingentas & duo millia detulisse comperimus. Quod que auri uel argenti facti signati que ex manubijs & urbium spolijs, partim rudibus massis quæsitum foret, id omne deferri in triumpho, & perscriptum in tabulis, in ærarium est conditum. Legimus Scipionem, cui Aphricano fuit cognomen, bello Carthaginiensi, ex præda argenti cælati pondonum numero quadringenta, & uasorum aureorum pondonum ducenta millia: Paulumque Aemylum, deuicta Macedonia, uasorum aureorum, auri que & argenti signati tantum detulisse, ut ex illo populus Romanus tributum pendere desierit. Quinetiam Herculis signum ante triumphantem nõ raro in pompa uehi solere: tum si quid uisendum & memorabile, atque æuo priore incogni-

cognitum, in deuicta prouincia fuisset, uelut rem spectatissimam nouo inuento unâ afferri compertum est. Vespasianus Iudæa capta, balsamum nunquam aliâ uisam arborem: & Pompeius, uictô Mithridate, ebenum, primi ostenderunt. Eundemque Pompeium tertio triumpho, quem de Asia & Ponto habuit, inter solennia alueum cum tesseriis lusorium è gemmis duabus, magnitudinis mira, nulla gemmarû ad eam accedete, detulisse: & Aurelianum Casarem, præter alia spectatissima, tigrides, alces, & camelopardales in triumpho pompa ostendisse, autores memorant. Præter quæ, elephantos aut equos in bello captos, simul & obfides qui à fœderatis gentibus & socijs dati erant, tanquam pacis pignora deduci notatum est. Qui mos Syracusanis frequens erat, ut captiuos equos tonsis crinibus, uictores autem lauro coronatos ducerent in triumpho. Elephantos autem Curius Dentatus post Italia uictum fugatumque Pyrrhum, quatuor captiuos detulit primus. L. quoque Cæcilius Metellus, rebus aduersus Pœnos feliciter gestis, primo punico bello centum & uiginti: et P. Cornelius Nasica triumpho Gallico, præter multa memoranda, equorum gregem bello captorum: & Scipio Asiaticus, deuictô Antiocho, ultra mille & ducentos eburneos dentes: & Cn. Manlius, deuicta Asia, monopodia & abacos, ac triclinia arata, uestemque stragulam, detulere. Post hos tubicines multiplici sono classicum canentes incedebant, quos longo ordine candidi boues, taurique auratis cornibus, insulisque & uittis ornati & auro, mox immolandi sequebantur. Hos comitabantur succincti adolescentes, aureas argenteasque patinas tenentes. Quibus succede-

bant tribuni militum, centuriones, præfecti, equitesq; insignes ac pedites uictoris exercitus, qui ob egregia facinora & nauatam in bello operam, dona militaria meruissent. Necnon milites, quorum spectatissima uirtus in bello fuit, quiq; ab imperatore, ciuicis, muralibus, castrensibusue coronis, torquibusq; aureis, phaleris aut armillis donati erant, insignes militaribus donis, spolijs armisq; fulgentes præibant: sequentibus mox legatis & tribunis legionum in equis. Tum reges & captiui nobiles, & si qui bello capti insignes foret, præcipue hostium duces, contra quos indictum fuisset bellum, ex tanto fastigio deiecti in uehiculis aut ferculis, ceteri uerò caternatim uincti catenis in seruitij notam, præcedebant. Quare Pompeius Magnus regu filios et obsides numero quatuor & triginta supra trecentos, prætulisse fertur: inter quos Tigranem, Aristobulum, & Mithridatis filios quinque, filias uerò duas. C. quoque Caesar Aphricano triumpho, Iuba regis filium infantē, qui mox clarus ingenio euasit, ante eorum duxit. Et quum Catonis, Scipionis & Petreij, aliorumq; imagines uarijs casibus affectas detulisset, Pompeij simulachrum deferri passus non fuit. Quod si morte obita, minimè duci ualuisset, illorum imagines & simulachra persepe delata sunt. Cùm enim Scipio, deuicta Carthagine, Hasdrubalem: & Paulus Aemilius Perseum & filios: Mariusq; Iugurtham regno deturbatos, contra decus regium duxissent captiuos in triumpho: Augustus post bellum Actiacum Alexandrino triumpho, quum Cleopatram ducere nequiret, ipsius imaginem quæ manu sibi mortem conscuerat, exanguem detulit. In quo omnes gazas Ptolemaeq;

lemæorum congestas, tantumque auri & pecuniarum inuexit, ut precia possessionum uenaliū exinde duplicia statuerentur. Proditumque memoria est, Lucillum triumpho Mithridatico aureum Mithridatis simulachrum sex pedū, & clypeum ex preciosis gemmis præter alia insignia detulisse: & Pompeium Magnum Pharnacis statuam argenteam, suam uerò ex margaritis, & signa aurea tria, & alia myrrhina, coronasque ex gemmis & margaritis tres et triginta adduxisse: captiuosque belli iure uinctos duci noluisse, sed patrio more succinctos ire iussit, quos exacta pompa, regali munificentia liberos donatosque remisit. Scipio uerò Æmylianus expugnata Numantia, nec spolia, nec prædam, nec captiuos tulit: quippe quum quicquid esset auri uel argenti & spoliū ac preciosissimarum rerum, & demum se ipsos Numantini cade & incendio absumpserint: nullaque re nisi uictoria ipse potitus fuerit. Id tamen in triumphali pompa seruatum meminimus, ut quum de foro in Capitoliū flecteret triumphans, hostiū captiuos insignes, qui semina discordiarum & belli autores fuissent, in custodiam detrudi iuberet, ut exacta pompa, neci darentur. quare quum Adiatorix tetrarcha Galatarū, quod in triumpho Ætiaco ductus, seruato more, iugulatus fuisset cū filio, insciente Augusto, nimium indoluisse Augustus, & lachrymas effudisse fertur. Hadrianus quoque triumphum, qui Traiano debebatur, quum morte obita triumphare nequisset, illi defuncto exhibuit: quippe triumphī apparatu præcedere, & omni præda, Traiani imaginem tanquam uictoris insignis uictoria, cuius ipse dux & autor fuit, in triumphali curru uexit.



Et quia Romulum patrum memoria, captis Veijs, Veientium ducem senio affectum in triumpho captivum duxit, inde ut inter solenia decrepitis senex, exoletus & excors, qui amula facie illū mentiretur, puerili bulla ornatus, ante currū duceretur, aliquandiu mansit, præcone Sardoniorum senem proclamante: nam Veios Sardoniorum fuisse coloniam veteres tradidere. Imperatori quæ triumphanti oleagineis sertis ornati aureas coronas præferebant ministri, quæ his qui triumphum meritum procurassent, dari assuerant: uniuerso mox senatu in albis prætextis iuxta currū longe maximum triumphis spectaculum exhibente. Tum citharædorum & tibicinum solertissimi artifices, quos Lydios uocant, canētes psallentesque ibant coronati. In quorum medio quispiam penè delirus, qui inconditis ioci ineptire uidebatur, in talari ueste, fimbrijs aureis & armillis ornatus, lasciuia gesticulatione usque ad ineptias, risus commouebat. Inter quos Ciceria effigiem arguta & Mānduci, magnis malis, ore hianti cum crepitu dentium, aut Petreia, quæ ebria anum effingebat, nonnunquam adhibuere. Tantaque erat apparatus magnificentia, ut cum dies exponendis rebus suffectura non uideretur, plerumque triduum, nonnunquam dies integros & noctes totas in apparatu pompæ tributos legamus. Siquidem Aemilius Paulus de rege Persa, & Q. Flaminii de Macedonia triduo triumpharunt. Iulius Cæsar quater eodem mense, & diuus Augustus tres egit triumphos continuo triduo. Ipse uero triumphas, cui tantus honos dabatur, curru aurato sublimis, atque ornatu humano augustior, quatuor insignibus equis, ceteris altior & magnificentior uehebatur, præce-

precedentibus liëtoribus, coronatus in purpura, cum insigniis imperij & magistratus, quem gerebat: qui ut cõspectior uideretur, minio illini solebat, exemplo Assyriorum & Medorum, apud quos inungi oculos & faciem pingi, ex Cyri instituto assuetum est. Persarum reges heliathe cum adipe leonino, & Aethiopum proceres minio colorantur, quo facie non inuenusta, sed pro imperij maiestate, forma conspicui fiant. Scire tamen licet Romulum cum de Veientibus triumphauit, sine curru egisse triumphum. Primumq; Tarquinium Priscum: ut uero plures certioresque tradunt, Valerium Publicolam, quod Thuscis bello uicerat, quadriugo curru triumphasse. Gestamenque triumphatium apud prius seculum bullam fuisse, remedijs inditis in ea, quæ contra inuidiam proficeret. Postea Camillum, quod antea licuit nulli, in triumpho albentibus equis urbem inisse tradunt. Procedente mox tempore, Pompeius Magnus triumpho Aphricano, & diuus Cæsar Gallico elephantis, & Marcus Antonius leonibus ad currum, præter aliorum instituta, triumpharunt. Nero autem Cæsar monstifico inuento hermaphroditas equas portenti loco ad currum duxit. Helicgabalus maiore insania, quaternis canibus, mox tigribus uectatus fuit. Aurelianus etiam ceruis ad currum triumphauit. Inter ceteros proditur Sesostris Aegypti rex, regno impotenti insolens, eò ferociæ processisse, ut sorte ductos reges, annis singulis ad currum iungeret, ut ea pompa per omnium ora uectaretur triumphans. Quod non absimile à Tigranis insolentia uidetur, cui tanta fuit socordia, ut reges & dynastæ seruilia præberent. Alexander tamen Seuerus imperator, quum

de Persis triumpharet, non curru triumphali, sed pedibus sequente curru quatuor elephātorum, Palatium ascendit. Tarquinius uero Priscus aurea tunica processit ornatus: Pompeius chlamyde Magni Alexandri. Ipsos uero triumphātes myrto prius (autore Ma-  
 surio) mox lauro plexo, & ex laureto: quod à Liuiā Augusta pactum erat, postquam Cæsares imperitarunt: deinde aurea coronari institutum ferūt. Ex lauro autem ideo, uel quod spectatissima in mōte Parnaso, uel quod fulmine afflari nunquam compertum sit. Quam quidem coronam, non ipsos triumphantes gestare, sed seruum in curru eodem, qui supra illius uerticem ipsam teneret, post se habere tradunt. Suspiciari licet, uel quod oneri ferendo triumphantem fatigari minime uolebant: uel ut humanæ fragilitatis memor foret, quum iuxta assidere seruum in eodem uideret curru, ne per insolētiā nimis sibi placeret, & triumphatu superbiret. Quam quidem exacto triumpho, in gremio Capitolini Iouis locare, uel templis dicare solebant, quod beneficio deorum immortalium de hostibus triumphare contigisset. Sunt tamen auctores, in altera triumphātis manu laurum, in altera teneri sceptrum, dum triumphali uehitur curru. In equis uero triumphantium, ingenui pueri aut uirgines nondum adultæ, proxima cognatione iunctæ: ad habenas cognati, & affines in ueste candida: iuxta latera scribæ & ministri, qui ducem sequuti comites expeditionis fuerant, comitabantur. Interim per uias effusi, omnis sexus & atas in communi gaudio, flores iacere & passim dijs libare, alij uictimas cedere, undique thuris & odorum copia exhalante. Post currum uero captiui,

ptiui, seruitute exempti, & libertate donati, sequebantur, omnes capitibus rasis & pileati, quasi effugisse seruitij tempestatem uiderentur. Quare Titi Flaminij currum, qui de Macedonia & Nabide triumphauit, Romanorum supra duo millia captiuorum, qui bello capti ab Hannibale diuenditi fuerant, quos per uniuersam Graciam conquisitos redemerat, liberi postliminio capitibus rasis sequuti sunt. Et Cn. Cornelio, qui de Insubribus & Cenomanis triumphauit, turba Cremonensium, Placentinorumque colonorum, ab eo obsidione & seruitute exempti, pileati post currum incessere. Proditum tamen memoriae est, Lucio Furio qui in praetura de Gallis triumphauit, nec captiuos praecessisse, nec spolia praelata, nec milites sequutos: M. que Acilium de Antiocho & Aetolis sine militibus triumphasse, & sine exercitu. Fuisse tamen qui traderent, tribunos praefectosque legionum, centuriones & legatos, equis aut carpento insidentes, interdum pedibus, in pompa triumphali currum prosequutos: nam Tyberium triumphantem legati legionum cum triumphalibus ornamentis sequuti fuere. Et Messalina post Claudij Caesaris currum, carpento uecta fuit. Et Aurelianus Caesar Zenobiam uinctam aureis catenis carpento duxit. Post haec uictrices legiones militesque uictoris exercitus armati ac diuisi in turmas, pleni fortunarum gloriaeque cum iocorum lasciuiis, & carmine triumphali, ludibundi & spolijs ornati, uerba & inconditos uersus in triumphantem militari more iactantes, sequebantur. Quare Camillus, Romulus, & pares patriae, ac conditor urbis: sicut Marius Cimbrico triumpho,



tertius conditor appellatus est. Et Cæsar inter militares iocos à Nicomede subactus, & mæchus Gallus. Lapsana quoque se uixisse apud Dyrrachium, milites in Cæsarem inter iocos cauillati fuere. M. uero Manlium in triumpho, quem de Gallogræcis habuit, milites inter iocos uelut nimis indulgentem & ambitiosum taxauere. Dumque per urbem pompa & tantus ordo procedit, per uias perque omnes aditus & deorum templa patentia passim triclinijs stratis, omnium generum, etatum & ordinum, effusa multitudo inter uota precesque ad aras djs libabant, hostias mactabant, grates djs agebant, cõceptamque lætitiã cantu & carmine, ac lætis acclamationibus significabãt: donec cum omni apparatu, cumque his militaribus iocis per mediam urbem & Velabrum, perque Sacram uiam læti & ouantes in Capitolium ascenderent, ubi tauros in pompa ductos in Iouis optimi maximi templo immolabat: quos priusquam de nece hostium ducis certissimis constaret argumentis, triumphantem minime immolare debere multi arbitrati sunt. Epulum post hæc magnificentissimum, & lautum omni apparatus genere uberrimis amplissimisque obsonijs ac sumptu magnifico publice dabatur: in quo turdos & murænas inter obsonia apparari, & uina præcipua, atque unguenta minio delibuta exhiberi consueuerant. Quare diuus Cæsar merito celebratur, qui Aphricano triumpho præter obsonia apparatusissima, uno die in duobus & uiginti millibus tricliniorum instructis, paratisque mensis epulum regali magnificentia, ac uini salerni amphoras centum, & Chy cados centum populo dedisse fertur: ubi sex murænarum millia una cœna exhibuit

hibuit. Tiberius quoque mille mensis prandium parauit. Ad illud etiam consules inuitari, mox ne uenirent rogari solebant, scilicet ne quis maior triumphante honorem qui illi debebatur, præriperet, utque locus honestissimus triumphanti, cui tantus honos habitus est, daretur, ut illum à cœna omnis ordo & ætas officij causa, domum sine offensione reduceret: quæ præsentibus consulibus alteri tribui non decebat. Interdum uero notatum est, epulas, extructasque mensas, ante domos in promiscuo usu rerum omnium uictricibus legionibus, quo agmine triumphantem sequebantur, exhibitas fuisse. Et post triumphum, ut gratia esset cumulator, aurum coronarium ex uictis bello gentibus, ob cõcessam uitam, imperatori dari: quod quidem nisi triumpho recepto, præstari non decebat, pro eo quod pro corona triumphij à socijs & bello uictis gentibus quasi uectigal dabatur: quod Hadrianus primò Italiae remisit, & in prouincijs minuit. Deinde uero Alexander Seuerus unà cum negotiatorio, populo illud dono dedit. Togas quoque & sagula, araque & dona multiplicia, singulis militibus pro meritis ab imperatore elargiri. In quo id seruatum est, ut quod pediti, duplex ceturioni, triplex equiti daretur, unà cum stipendio militari & frumento duplici: tribuno uerò, multo magis. Animaduersumque & illud est, imperatorem, cui belli summa cõmissa fuit, decreto iam triumpho, antequàm urbem iniret, sæpe tribunos, præfectos, equites, centurionesque ob fortia facinora, militibus donis in primis ornasse, & benemeritis præmia largitum esse: ipsosque cum donis & insignijs militariibus in pompa triumphij præcedere triumphantem:

nonnunquam sequi consueſſe. Præterque aſſuetos ho-  
nores, uel locum in circo ad ſpectandum cum laurea  
& ſella curuli inter uiros triumphales conſularesque  
ſibi & poſteris: uel ut in ueste triumphali ludos ſpe-  
ctaret, arcumque marmoreum, nonnunquam ſtatuam  
in ſoropedestrem aut equeſtrem, ampliore ſumptu cum  
decretis & titulis honorum, in Comitio, in Roſtris, in  
Foro, in Palatio, in Capitolio, aut in cella Iouis (qui  
rariſſimus honor cõtigit) ſenatum & populum trium-  
phati, aliaq; inſignia uirtutum dona honores dediffe.

Reſponſum Raphaeli Volaterrano, quare legum & cauſarum  
ſtudio intermiſſo, in his mitioribus ſtudijs oblectaremur.

Caput VII.

QVAEREBAT aliquando ex me, dum Romæ  
agerem, Raphael Volaterranus, uir inſignis doctrinæ  
& uirtutis, cui ad mores emendatiſſimos, grauitas li-  
bero homine digna non modicam acceſſionem facie-  
bat: quid cauſa foret, quod quum cauſarum patrocini-  
us & foro uſque à pueritia eſſem addiſtus, illis poſt-  
habitis, & quaſi forenſibus negocijs prætermiſſis, in  
his ſtudijs mitioribus ita me oblectaret, ut cauſarum  
patrocinijs bellum indixiſſe uiderer: Cui hoc cauſæ  
referebam, quòd leges quæ ad communem utilitatem  
editæ, ſtudio & labore maximo quæſitæ & medita-  
tæ nobis forent, neque ab his qui iura darent coli, ne-  
que perinde ut oporteret, præcipi uiderem: doleremq;  
iuri dicundo illos plerumque præſidere, qui eas uel tur-  
piter ignorarent, uel per gratiam & ſordes facile cor-  
rumpi ſinerent: & quibus ſeruandarum legum præ-  
cipua imminet cura, hi maxime legum ſcita contem-  
nerent: quibus rebus effici, ut tot ſcita & decreta ue-  
terum

terum monumentis nobis tradita, maximisque ingenijs elaborata, & tam pensiculate expensa, unus homunculus nequissimus audacissimusque, ignarus legum, iudiciorum & fori, qui magistratui praeesset, non salubri temperamēto, nec disceptatione ac iudicio, sed ausu temerario & omni iure neglecto, ad suam libidinem per scelus & nequitiam euerteret. Horum non minima exēpla dicebam fore, ea quae dudum experti uidimus. Nuper quum Romae custodias cognoscerem, operae precium fuit uidere, quae rerum miracula monstris & portentis similia, ac dictu fastidienda, quaeue turpitudines ad aliquorum libidinem admitterentur, contra ius fasque: siquidem sacerdotem quempiam in his nacti sumus, grauem & sanctum uirum, uita & moribus ornatissimum, hominem profecto honesta & magnae laudis, diu tenebris & carcere maceratum, indignissimam fortunam subire coactum, pro eo quod pecuniam sibi traditam ab eo qui illam furto subtraxerat, ut uero domino restitueretur, illius iussu mandatoque restituerat, suppresso autore: ipsumque quaestionibus subdi uidimus, & tormentis uexari, ut illum qui conscientia culpae & spe ueniae adductus, abstulisse confessus fuerat, palam faceret: delinquentisque delicta, quae ille poenitens culpae dixerat, enunciaret: quo discrimine adactus pauper senior, cōfidentis peccatum & delinquentem enunciare coactus fuit. Quod quidem scripto iure uetitum, sanctionibusque & decretis interdictum esse constat. Rursus alium immani scelere coopertum, hominem impurissimum turpissimumque, qui maximorum criminum reus, testibus, tabulis, testimonijs, & certissimis documentis



conuictus fuerat, quæ nec ipse gloriabundus diffitebatur, quique legum iudiciorumque pœnis sanissime coercendus erat, ab eisdem ergastulis, sola Præsidentis temeritate, nullo negotio dimitti & liberari: aliasque audacias & turpitudines, ne dicam scelera indigna auditu, profatuque: quæ uix credeti non modo enunciata, sed uisa & cõperta fuere. Iason Matassalanus & Ludoicus Matha, quum sacerdotalibus quibus fungebantur muneribus cedere nollent, quæ sitis occasionibus ad inimicorum libidinem, tetro carcere usque eo tenti fuere, donec illorum arbitrio singulis ornamentis, fama, & fortunis omnibus exturbati, quoad illis liberet, excruciatifunt, non uero iudicio, sed Præsidentis sola temeritate & libidine: ne prosequar uiros uita inculpatissimæ, summa integritate & fide, falsis criminibus circumuentos ab impotentibus inimicis miseros & laborantes, in quos grauiter crudeliterque consultum uidimus: uel ut afflictas fortunas inuaderent, ipsosque de possessione & antiquissimis sedibus deturbarent: uel ut inuidorum libidini obtemperarent: aliaque in miseros edita exempla, nulla pietate in supplices & calamitosos, eosque innoxios turpibus iudicijs conflictari, & usque premi ab his, qui gratia & opibus plus possunt pollentque: alios uero autores manifesti facinoris ne appellari quidem. Quæ quum uiderem, patronisque contra uim potentiorum aut gratiam nihil præsidiũ esse, nihil opis: frustra nos in legum controuersis & ediscendis tor casuum uarietatibus tam pensiculate editis, tantum laboris & uigiliarum suscipere, tantoque nos studio fatigari dicebam, quum ad ignauissimi impurissimique cuiusque

teme-

temeritatem, qui iuri dicundo praesideret, quem leges  
uirum bonum esse uolunt, non a quo iure, sed ad gra-  
tiam & libidinem iudicia ferri, decretaque legum  
tanto consilio edita, conuelli & labefactari uiderem.

Quæ sit Bona dea, & quæ à ueteribus illi sacra fierent: quidne  
Rubigalia, Floralia & Vinalia forent.

Caput VIII.

INTER eos quibus ista indagare cura fuit, sæ-  
pe quaesitum est, quæ sit Bona dea, cuius numen tan-  
topere coli à Romanis legimus: quod sacrum à princi-  
pio originum inchoatum, dum imperium stetit, incre-  
dibili cæremonia colebatur. Multi putauere Floram;  
Bonam deam esse, quæ Flauij seu Fauni quondam u-  
xor, uino madens, myrteis flagris à uiro casa, postea  
cum facti pæniteret, & ipsius desiderio tabesceret,  
diuinis honoribus coli cæpta fuit: in cuius ædem licet  
florum omne genus importent, myrtum tamen inferre  
non decebat, in memoriam ueteris mulctæ: sicut in  
Tenedo tibicinem adire Tenes templum, aut Achillis  
mentionem facere, ob ueteris ignominia memoriam  
uetabatur. Et apud Rhodios præconem accedere ad  
Occidionis templum, interdictum erat. Quidam Gra-  
ecorum ex Liberi matribus illam effinxere: alij Me-  
deam, plerique Semelen, multi Proserpinam putant.  
Romani Dryada Fauni uxorem: cuius ne nomen qui-  
dem uiros intelligere fas erat. Qui uero Bonam deam  
dicunt Fauni uxorem, illam tam illibata castitatis fuisse  
se opinati sunt, ut extra gynæceum nunquam egressa;  
nec uirum uiderit unquam, nec à uiro conspecta, no-  
menque fando nullibi auditum sit. Quæ quidem sacra  
quum Maio mense pro salute populi fierent, quicquid

esset masculum, domo exigebatur: ita ut non modo extra conspectum summouerentur uiri, sed mascula quoque pictura tegerentur: quod compar Mysia Cereris sacrum obtinere dicunt, in quo quum septem operetur dies, tertia à templo exactis uiris, pulsis etiam canibus maribus, mulieres celebrabant. Cumque in sacris Bonae dea uino libetur, illud non suo nomine nuncupant, sed lac dicunt esse: uini tamen amphoram in sacris obuolutam apponunt, quam dixere Mellariam: ad quod sacrum nisi castas, quaque à uiris abstinuissent, nullas accedere licebat: templumque dea neque uirum ingredi, nec interesse permittitur: cuius limina purpureis uittis uelabantur: quae non ubique et passim, sed in maximi pontificis domo, in recessu intimo, nocte, non autem die fiebant. Et licet nocturna sacra prisco ritu mulieribus interdicta fuerint, in hoc tamen sacro quum pro populo facerent, mulieres noctu interesse non uetantur: quod quidem tanta religionis est habitum, ut illud Vestales uirgines obirent, et per illas sacrum fieret. Cuius aedes altera in Auentino, altera iuxta Isidis templum fuere, ad Nouam uiam. Alij dixere Bonam deam, quam Graeci Gynaeciam nuncupant, cuius festis diebus palmite tabernacula mulieres intexunt, interque solennia draconem apponunt: quod sacrum non in pontificis domo, sed in aedibus quisque suis celebrare assuerat, aut illis quae essent in imperio consulari uel pratoria dignitate. Dumque sacrum fit, cunctos mares domo exigunt, ne polluerentur et piaculum fieret, quum ritu sacrorum neque deam conspici, neque sacerdotes palam fieri liceat. Vxor enim exornata, domo maribus exactis,  
nouem

noctem continuas noctes operata furiali incessu, cum  
 aeris crepitu & fanatico discursu sacra peragit alijs  
 simili temulentia ad id sacrum accitis mulieribus, un-  
 de occasio frequens mœchandi, & facultas adulteris  
 data est. In cuius sacrificijs canes immolantur, quique  
 huic supplicat, maledictis & probris deam incessunt,  
 neminemque optant bonum inuenire, qui domi nasca-  
 tur: quippe eam dixere Bonam deam, quæ ex corru-  
 ptis generationes faciat: quare illam Gynæceam quasi  
 rerum genitricem, uocant. Quod sacrum Damium à  
 more præpostero, ipsaque Damia, sacerdosque Damia-  
 trix dicta. Cuius instar apud Siculos dicunt fuisse, a-  
 pud quos sacrum Cereri decem diebus, uerbis turpibus  
 & obscænis celebrari produnt, magna uerborum li-  
 centia, scilicet arbitrata, ex obscœnitate uerborum  
 & iocorum lasciuia, Cereris luctum mœroremque le-  
 uari, quem ex raptu filia conceperat. Nonnulli Opem  
 dixere Bonam deam, quæ & Maia dicta est, quam  
 nominibus uarijs, Faunam & Fatuam, & matrem  
 deum, & Ideam, Pessinuntiam, Cybelen, Rheam, &  
 Phrygiam nuncupat, quia hominibus fauet, & opem  
 liberis præstat: Fatuamque dictam, quod infantes in  
 lucem editos, fandi modos & uerba edoceat: cui qui  
 uota concipiunt, manu terram tangentes, uelut parieti  
 & genitrici supplicat. Cumque in omnibus sacris, qui  
 rem diuinam facit, uelare caput soleat, huic aperto ca-  
 pite & inuelato sacrificat. Quam deam Aegyptijs ce-  
 lebre numen fuisse asseuerat: cuius simulachrum sinistra  
 scyphum tenet, dextra sistrum: hoc est, æneum crepita-  
 culum, quod non spiritu, sed motu cōcussum personat: ab  
 illisque Isis dicta, cui peruigilia excubiaeque nocturnæ à



puellis peraguntur. Cuius sacerdotes linea amicti stola, per urbem lugentes uagabātur, mox lati sacra perficiunt: in cuius festo qui ex collegio sunt sacerdotes, diuersas facies induunt ornatu uario: nam alius incinctus balteo, militem agit: alius uenabulo uenator. incedit: alius longa stola fœminam mentitur: nonnulli cum fascibus procedunt uelut magistratus. Post quæ mulieres candidis amiculis ferta ferentes, cum speculis & pectine ante simulachrum deæ famulantur, ipsamque comentes cum lucernis & lampade sequuntur. Et quia Saturni & Vulcani uxor dicitur, ideo flamen Vulcanalis calendis Maijs illi rem diuinam facit, & prægnantem suam mactat Maia & Mercurio, cuius ferias Saturnalibus incurrere notatum est: festosque illi dies Opalia fuisse, quæ tertio die post Saturnalia aguntur: sicut Robigalia, Floralia, Vinalia, Agonalia, Carmentalia, Ageronalia & Vertumnalia. Præter quæ fuerunt sacra popularia, non certis familijs tributa, ut Fornacalia, Palilia, Laralia. Fuit autem ædes Opis in Capitolio una, altera in uico Iugurio Opis & Saturni. Notatumque, his qui Ope indigerent, ad asylum Cereris panem dari, quibus nunquam templum claudebatur: sicut ædem Hortæ reclusam esse uoluerunt, quum sit hortari ad res magnas adducere. Isidis uero ædes una Patritia, altera uero Antenodora dicta est, cuius tēplum in regione Martij campi fuit, proximum Tyberi, iuxta Septa & Ouile. Sed quia de Agonalibus loquor, sciendum Agonalia statuias ferias fuisse, quibus Iano quinto idus Ianuarias mactatus aries: dictique Agonales dies, quod à principe ciuitatis interrogatur: quippe antiqui agon

macta-

maclare dixerunt, quod uerbum in solennibus frequens usurpatur. propterea princeps gregis immolabatur, quorum autorem Numam Pompiliū ferunt. Carmentalia uero à matribus familias annis singulis fiunt decimo octauo calendas Februarias: in quibus aliquid scortum, aut sua morte peremptum attulisse, magnum crimen erat. Robigalia à Numa quoque instituta sunt, ne rubigo segetes, nè ue urdo aut grandio inuaderet. Ideo sexto calendas Maij agebantur, quo die Robigo deo sacrum fieri docuit. Floralia à Flora sumpserunt nomen, cui, ut arbores affatim efflorescerent, ad iustamq; magnitudinem fructus accederent, quarto calendas Maij, oraculo moniti sacra constituerunt: nanque hæc tempora frugibus metuenda sunt. In cuius festis diebus fœminas, quæ uulgato corpore quæstum faciunt, denudari, & pudendis obscænisque inuclatis, per luxum & lasciuiam currere, & impudicos iocos agere seruatum est: quibus etiam ædiles cicer, fabas & missilia plebi spargere assuerant: leporesque & capreas, aliaque mitia animalia ludis admittere, quos in uico Patritio, aut proximo celebrabant: noctuque accensis facibus, cum multa obscænitæ uerborum per urbem uadere, & ad tubæ sonitum conuenire. Fuit enim Flora nobile scortum, huius auctor argumenti: quæ quum prapotens esset & diuitijs afflueret, populum Romanum morte obita, hæredem fecit, pecuniamque annuam ludis exhiberi uoluit: quorum instar ludorum Antisteria apud Athenienses simili licentia fuisse. Vertumnalia uero, dies festos Vertumno dicatos habuere Octobri mense, cuius sacellum in uico Turario erat uertentibus se ad dexteram sub

basilica angulo, qui deus mercatura & uertedarum rerum habitus. Vinalia autem erant duplicia: altera uinis degustandis duodecimo calendas Martias quum uina pura sunt, quo die Ioui nouum uinum libare mos est, quod ex dolio haustum, calpare eximebant: altera quibus flamen Dialis uindemiam auspicatus maturis uuis, uinum legere & uindemiam fieri iubet, quibus diebus agnam Ioui immolant, interque casa & porrecta, uinum legit, quo tempore ex fano Veneris uinum affatim effundebant. Fuitque ueteri lege sancitum, ut flamen Martialis diceret diem ueteri uino libando, medicaminis causa. Inde usurpatum uerbum: NOVVM VETVS VINVM BIBO, NOVO VETERI VINO MORBO MEDEOR. Vnde Meditrina nomen deæ, cuius sacra Meditrinalia, & dies Meditrinalis. Sicut ad primitias pomorum noua esse dicebant uetera, & alia exoptabant noua, ominis causa. Præter quæ fuerunt Rustica uinalia, quæ Veneri ædes tunc dicata foret, eiusque tutela olitores addicerentur, quibus diebus erant feriatæ: quæ dies tempestatibus leniendis solennis habebatur, quæ nouum uinum in urbem ferre, & in cellis uinarum cedere assuerat. Apud Tusculanos lege cautum erat, ne quis nouum uinum, antequam Vinalia celeretur, in urbem inueheret: Laurætibibus, ne quis pomum ex alieno legeret in arimum, quod humeris uectaretur. Græcis, ante uernum æquinoctium, ne quis uitem incideret, neque uuam ante æquinoctium autumnale gustaret: Romanis uino & nouis frugibus, antequam sacerdos primitias libasset, uesci non licuit. Græcis quoque in usu erat, in festo, cui Pithægia nomen, quo dolia relinuntur, uinum affatim hau-

haurire, ad cuius potum non seruos modo, sed merce-  
narios, clientes & rusticam turbam aduocabant.

Tantum & quantum comparatiuo nonnunquam coniungi,  
adémque pro domo saepe apud autores inueniri.

Caput IX.

CVM à tumultuarijs negocijs, ingenij uegetan-  
di causa, animum ad mansuetiores musas quandoque  
diuenterem, incidimus forte ad id temporis, quum hæc  
commentaremur, in libellum Elegantiarum (quem sic  
inscripserat) grammatici cuiuspiam docti hominis &  
confidentis, qui pleraque exquisite & non indiserte  
ex autoribus adnotasse uidebatur. In quibus ita scri-  
ptum legimus: Tantum & quantum, uerbo & posi-  
tuo, tanto & quanto, comparatiuo iungi oportere: ut  
quanto es doctior, tanto es melior: quātum potes, tan-  
tum elabora. Arguitque Lactantium uelut parum di-  
serte loquantum: Quanto frequenter impellitur, tanto  
firmiter roboratur. Sed quum nos lōge secus à proba-  
tissimis hæc obseruata legissemus, profecto id non us-  
quequaque uerum putamus: ipsumque qui inter gram-  
maticos principem locum fecile tenuit, quod citra ca-  
lumniam dictum sit, incuriose processisse. Est enim  
quòd sic fuerit ab autoribus saepe usurpatum: quin se-  
cus dici scribiq; possit citra reprehensionem non nega-  
uerim: siquidem & tantum cum quāto, & cum posi-  
tuo aut cōparatiuo iungi non indiserte, plerunque ui-  
demus. Fuitque hæc oratio non erudita solum, sed suis  
numeris omnibus absoluta. Titus Liuius tertio ab  
urbe condita: Quantum iuniores patrum plebi se  
magis insinuabant, eo acrius contra tribuni tende-  
bant. Lucius Florus epitomatum secundo: Numantia,

MMM iij



inquit, quātum Carthagini, Capua, Corinthi opibus inferior, ita uirtutis nomine & honore par omnibus. Idem de Cassiano bello: Sed quanto est efficacior fortuna quā uirtus, tantum esse uirtutem. Plinius Nepos epistolarum ultimo: Quantum ab huiusmodi cupiditatibus remotior eius animus esset, tanto impensius & c. Tacitus historiarum quinto: Tyberius, inquit, quanto intentus olim publicas ad curas, tanto occultior in lusus. Plinius quoque historiae naturalis trigesimo, multum superlatiuo iunxit: Domus, inquit, multum pulcherrima consensu omnium aetate ea in colle Quirinali, C. Aquilij fuit. Quin etiam dixit grammaticus noster, proxime accedere ad uim comparatiuorum ante & post, ut tanto ego ante ueni, non tantum. Contra quod autoritas Plinij & aliorum obuia est, Naturalis historiae XVIII. Quantum igitur uniuersas terras ager Campanus antecedit, tātum ipsum pars eius quae Laboriae dicitur. Caesar commentario VI. Omni, inquit, nobilitate Heduum interfecta, tantum potentia antecefferunt. & alijs passim autoribus probatissimis, in quibus liquet, tantum cum quanto, & comparatiuo & positiuo, non absque cultu Latini sermonis iungi licere. In eodem quoque libello scriptum fuit, Aedem singulari pro templo, plurali numero pro domo accipi oportere, nisi sacras adieceris: quod tamen secus dictum difinitumque plerūque est. Q. Curtius libro quinto: Stabant, inquit, ad fores aedis eius, in qua rex uescebatur. & alibi: Excubabāt seruatis noctium uicibus, proximi foribus aedis. Cicero pro Cluentio: Atque illo tempore, inquit, in aede T. Annij hominis honestissimi Scalenus accersitus ab Oppianico uenit.

Rurſus ades plurali pro tēplo T. Liuius non ſemel ponit: Duūmūiri, inquit, creati fuere adibus dedicandis. Suetonius in Claudio: ſpectacula, inquit, edidit, quū prius ad ſuperiores ades ſupplicaffet. Neq; abnuerim, quin frequens habeat uſus, ut ades pluratiuo numero pro domo, pro templo uerò ſingulari dici cōueniat. Sed tamen quin altero etiam modo Latine dici poſſit, iſque ſermo citra reprehensionem probabilis ſit, licet parcius circunſpectiusque, antiqua dicta & ueterum auctoritas facit.

Qua lege duodecim tabularum utiliter & commode, quæue parum conſulte, & nimis ſeuere ſcripta uidebantur.

Caput X.

A CONDITA urbe ad annum ferè trecentefimum, populum Romanum ancipiti bello diſtractū, ſine legibus certis, ſuis tantum moribus uixiſſe, neque externas leges conquiſſe ſatis conſtat: trecentefimo demum exacto anno poſt finitimos ſuperatos bello, quietis rebus, quū reſpublica legibus formanda uideretur, decemuiros legū ſerendarū cauſa crearunt: qui Athenas proſecti ad iura ſtatuenda, ut peregrina inſtituta, ſcita, moresque noſcerent, diuino conſilio leges duodecim tabulis in æs inciſas, in foro propoſuere, excerptas à ſolonis legibus, quæ axibus ligneis cōtinebantur, quibus boni æquiꝑ; iuſſa, prauī delictorumque depulſio, tum iudiciorum ordo, & bene uiuendi norma pœnæque ac præmia conſtituta ſunt: à quibus poſtea omnis diuini humanique noſtri iuris ſanctio manauit. Quæ quidem leges, quum longi temporis abuſu antiquatæ eſſent, & uetuſtate conſenuiſſent, nouis poſtea editis, quæ eadem illa continerent, licet mutatis uerbis,

eadem tamen scita & constituta mansere. Primi enim qui leges scriptas proposuere, æquandæ libertatis causa, Zephyrj fuere Locri in Brutjs, à Zephyrio promontorio dicti, Aiakis Oilei socij: licet alij in Bæotia Locri Opuntj prodantur, Patrocli patria: alij Epicnemeditj in eadem Bæotia: alij Ozolæ à malo odore nuncupati in Libya. His ergo Zephyrjs Zeleucus spartanorum & Cretensium placita imitatus, qui à Minoë vetustas leges acceperunt, acerbiores leges conscripsit, pœnasq; iure debitas, iuris atque iniuriæ regulas scripto præfiniuit: ut metu iudiciorum & pœnarum, à criminibus abstinerent. Antea enim omnis animaduersio criminis, non scripto iure, sed iudicis arbitrio edebatur. Postea Athenienses à Dracone & Solone scriptas leges in Prytano ab eo fixas & propositas, iuraque & iudicia acceperunt. Demum Romani moderando iura summis infimisq; æquando, illorum exemplo scriptas promulgarunt. Et sicut Cretensibus Minos, sic Zeroastes Bactrianis & Persis leges dedit: Charonda Carthaginensibus, Zamolsis Scythjs: Plato Magnesjs et Siculis: Aegyptijs uerò Minas, Trismegistus, & Bocorus: Thebanis Philolaus: Andronodorus Chalcidensibus, qui in Thracia sunt: Prothagoras autem Thurjs: quibus postea abrogatis et inductis, Metellus deuicta Creta, illas cum Romanis commutauit. Lacedæmonij uerò nō iure scripto, sed moribus tantū usu annorum comprobatis, pro lege usi sunt. Ideo Lycurgus leges scriptas spartanis nullas dedit, sed omnium consensu mores, tanquā si lex edita fuisset, experiundo obseruārūt. Indi quoque literas nō nouere, sed æquisimos mores legis uice habuere: hi que adeo tenaces fuere, ut omni scripto iuri anteirent. sed  
que

quæ priscis institutis per conditores Romani iuris eisdem tabulis ad uerbum scripta fuerint, parum comperita sunt, quum ad manum non sint, nullique annales extant, nullaque monumenta uetustatis: nisi quod pauca quæ ad morum disciplinam & iudicia spectant, inter cise autores produnt. Extantque (ut multi asserunt) Hermodori Ephesi legum decemuiralium primi interpretis scripta relata, cuius statua ob id fuit in Comitio erecta. Ex quibus pleraque explorata & satis utiliter, quadam duriter & inhumane, nonnulla remisse & leniter uidentur constituta, quorum aliqua probanda, multa uelut immitia & agrestia refellenda sunt, nisi forte multo æuo intercisos & reconditos illius sensus non tenemus. Ex his non alienum fuerit aliqua, licet nimis peruetusta & obsoleta, adnotasse: nam faciem carpere, & genas radere unguibus, mulieres percommode uetabant: neque magicis artibus segetem ex alieno traducere, neque defunctorum corpora in urbe uri aut sepeliri, utiliter sanciuerunt: eulatusque & flebiles questus, quotidianasque lachrymas, & cantus lugubres in funeribus inhibuere: sicut à Solone constitutum fuerat. Verba ex ea lege hæc sunt: Faciem ne carpito, néue alienam segetem pellexeris: mulieres genas ne radito, néue lessum funeris ergo habento: in urbe ne urito, néue sepelito. Tum si quis in suo arborem panxit, à uicini fundo quinque saltem pedes abesse uoluit, in hæc uerba: Si quid in agro plantaaueris, quinque pedes à uicino abesto: Si ficum aut oleam, pedes nouem abesto. Quod autem alienam segetem pellicere ueneficijs lex uetuit, ideo cautum est, quòd carmine euocari fruges et aliò trāsferri ueteres credidere:



quod ne liceret ad alterius iniuriam condere, etiā lege sanxerunt. Insuper filijs sub patris iure esse, illosque uictus necessitatisue causa patrio iure uendere, & precium quaestui esse, usque ad tertiam autionem: neue id fraudi ignominiaeue esset: neque filijs quicquam in bonis esse, patribus uiuentibus, uoluere, nisi patrio iure emancipatione solutus foret, aut se iubente, sponsam filius duxisset, quod antea à Numa Pompilio cautū fuerat, quem etiā pater occidere poterat. Sed quū à prisca illa seueritate postea desuissent, sequenti interpretes ius naturæ sequuti, cauerunt, ut liberi parentes alant, aut uinciantur. Quam emancipationem, seu cuius rei alienationem, secundū formulas antiqui iuris, ita fieri iubebat, ut non minus quinque testibus Romanis ciuibus, & libripende, qui libram aeneam tenebat, is qui mancipiū accipit, æs tenēs, ita dicat: HVNC EGO HOMINEM EX IURE QUIRITVM, MEVM ESSE AIO: post quæ uerba, ære percutit libram, atque illi æs dat, à quo mancipiū accipit, quasi per imaginariam uenditionem precij loco, in ius suum & ditionē uendicaret de alterius manu. Quæcunque igitur alienatio duodecim tabulis haud aliter nisi hac sollemnitate fieri iure poterat, aut cessione, quæ fieret apud magistratum populi Romani: ut cui res iure ceditur, rem tenēs, ita uendicet: Hunc ego hominem ex iure Quiritum, meum esse aio: mox prætor interroget eum qui cedit, an contrā uendicet: quo negante aut tacente, ei qui uendicarat, rem addicit: idque legis actio dicitur, quia traditione pura cessio rei mācipi nō explicabatur. Quare usurpatur, ut in emptione rerum quæ mancipi sunt, libra interponeretur, & libripendes.

des. Si tamen filius è muliere, quæ uulgato corpore  
quæstum fecit, & non iustis nuptiis editus, aut à patre  
nullis foret artibus instructus, lege Solonis patrè alere  
minime cogi poterat. Glandem quoque suam in alienū  
fundum procidētem, ut liceat tollere in alieno, quique  
iniuria alterius arbores cecidisset, in singulas siclos æ-  
ris uiginti quinque pœnam soluere cogebat. Tum inter  
iura stillicidiorum & parietum, ne quis adibus tignū  
iniunctum eximere cogatur, sed duplum pro eo præ-  
stari, nène quadrupes pauperiem alteri faxit, sed dari  
animal pro noxa, aut eius offerri æstimationē lege ca-  
uebatur. Quod à Solone statutum erat, ut si canis mor-  
su affecisset quippiam, quatuor pedum capistro nexus  
dederetur, quod de omni quoque pecore sancitum est.  
Iisdemq; legibus quoties de alicuius statu causa agi-  
tur, ut liber an seruus sit in dubium ueniat, dari uindi-  
cias secundum libertatem, aut seruitutem cauebatur.  
Vtque ad agrum meum per tuū eunti uia mihi pateat,  
quæ in porrecto octo, in anfractu sedecim pedū foret.  
Dari autem uindicias secundum libertatem tunc dice-  
batur, quum prator super assertionē liberi capitis, aut  
seruilis personæ, quem assertor seruū aut liberū dicit,  
de quo ambigitur, datis inducijs decernit edicto, ne  
interim asserto uis inferri ualeat per assertorem, sed in  
libertate qua fungitur, maneat. Cū uerò prator as-  
sertum in seruitute pro seruo teneri apud assertorē in-  
terim iubet, uindiciæ secundū seruitutē dicuntur dari.  
Furta quoque eadem lex usque adeò auersata est, &  
tam seuera correctione plectit, ut furem manifestum in  
seruitutem tradat illi, cui furto quid subtractum foret.  
Furem uerò nocte deprensū, quoquo modo: die uerò,

si telo se defenderet: & demū cum clamore occidi per-  
miserit, in hac uerba: Si nox furtū factum sit, si im-  
liquis occisit, iure casus esto. Furta quoque per lancem  
& licium concepta, uelut manifesta, seueriori pœna pu-  
niuit. E diuerso Lycurgus Spartanis furta impunita  
esse uoluit, quo magis acuerentur ingenia, animoq; ef-  
fessent uegeto & solerti, exemplo Germanorum & Ae-  
gyptiorum, qui furta legibus inulta reliquere. Si tamē  
sacerdoti exhibita fuissent, furi ablata rei pars lucro  
accedebat. Apud Persas fuere Cardaces, quibus nullus  
erat rapinis modus: nam per occasionem & licentiam  
rapto uiuere permittitur. Fertur tamen Dionysius se-  
nior, quum sceleris conuictos grauius puniret, illos qui  
uestes furabantur, impune abire iussisse. Contra uerò  
apud Scythas: quibus nihil erat furto grauius: seuerissi-  
ma enim plectebantur pœna, qui turbato gentiū iure,  
de possessione dominos euerterent. Indi quoque à rapi-  
nis uelut contra hominum societatem, contraque diui-  
num humanumque ius magnopere abstinere, adeo ut  
si quis uectigal furatus esset, capite lueret: tametsi He-  
rodotus autor sit, Tauroscythas furandi licetia sibi ui-  
ctum queritare. Id quod solò apud Athenas sanctio-  
nibus magnopere uetuit, cauens ut si quis quod non po-  
suisset tolleret, tanquā improbus pœnas daret. Præ cæ-  
teris Draco legumlator, ut ab alieno omnes manū ab-  
stinerent, furta tam morosissimè pensitauit, ut eum qui  
stercorandi causa, stercus bubulum abstulisset, aut ole-  
ra, capitis supplicio afficeret: censuitque furto teneri  
etiam qui iumētum aliorum, quàm quò utendum ac-  
ceperat, deduceret. In Lycia ferunt constitutum, ut si  
liber homo quippiam furatur, libertate amissa, seruus  
cogatur

cogatur esse & mancipium. Alexander quoque Seuerus adeo uindex furtorum fuit, ut præter seuerissimas pœnas, nullum raptorem aut furem salutationi admiserit: illosque uelut nequissimos è conspectu summouerit. Dixere autem furta per lancem & licium, quòd fures qui in alienas penetrabant aedes, plerunque (ut est sagax furum solertia) licium ferebāt, quo furta alligarent, & lancem præ oculis, ne innotescerēt. Eadem quoque lex cœtus nocturnos & coitiones in urbe nocte fieri uetuit, quod lapsu mox temporis oblitteratum, postea Gabinia lege innouatum fuit. Noctemque ita lex definiuit, ut post solis occasum noctem esse decerneret. Verba legis hæc sunt: Ante meridiem causam conijcito, quum perorant ambo præsentēs: post meridiem præsentem litem addicito. Si ambo præsentēs, sol occasus suprema tempestas esto. Venditaque rei & tradita, nisi persoluto precio uel satisfacto, haud aliter rem ad emptorem transferri uoluit. Eurtinaque rei usucapionem & dominium inhibuit. Quo etiam iure cauebatur, in rebus uendundis ea præstari oportere, quæ essent nuncupata, ita ut pacti & conuenti stetur formula, quæ qui inficiatus foret, duplicem subiret pœnam. Quod mox à iureconsultis, qui formulas de dolo malo inuenerunt, cautius statutum est: nam in re uendita, si quid esset uitij, quod emptor ignoret, uenditor sciat, reticentiam quoque mulctari iusserunt. Erat tamen lege constitutum, ut si quis peteret quod inficiaretur dubia argumentorum fide, ambo, petitor & reus areos quingentos apud pontificem deponerent, quod iuramentum dicebatur: & demum re discussa, uictor pro quo iudicium staret,



nummos reciperet: uicti uerò, ad ararium ferebātur. Et tametsi lege duodecim tabularū, usucapione biennali fundi dominium transiret ad emptorem, nihilquē de urbanis caueretur prædijs, iureconsulti postea legē interpretati, idem placitum iuris æquitate ad urbanā transtulere: qua etiam lege cautum fuit, ut uestibulum sepulchri, sicut sepulchrum, usucapere non liceret. Frugem quoque alterius aratro quæsitam nocte pauisse, uel infame carnē proposuisse, puberi duodecim tabulis capitale fuit: impuberi uerò, prætoris arbitrātū fuisse pœna. Eumq; qui hostem concitasset, aut opem tulisset, capite puniuit. Furti quoque noxalis actio, lege duodecim tabularum constituta erat, ut si seruus quadrupēsue furtum damnumue admisit, uel fraude aut perfidia quid patrauit, dedendo seruū aut quadrupedem, liberetur dominus. Quod si seruus equisue meus in stadio coronam meruisset, domino deberi cauebatur, his uerbis: Qui coronā parit ipse pecuniā me, eius uirtutis ergo arguitur, quā seruus equine meruissent. Et hæc omnia sapiētia propè singulari eisdem tabulis sancita & sacrata fuere. Nec tantū circa corrigendos plectendosq; mores, sed circa ultimas uoluntates & bonorum successiones testamento debitas, & ad parentum bona admissionem, eisdem tabulis iura perscripta sunt: nam masculos æquē ac fœminas ad bona parentum pariter uocauit, eosque siue testamento ualido, siue nullo: nec solum natos, sed posthumos, inuitos & necessarios, hæredes esse iussit: proque hæreditarijs partiōibus legata distribui uoluit. Quod olim Ephialtes ephorus Lacedæmonijs lege prohibuit: nam rogationem tulit nimis insolentem, ut liceret patri, filijs

omissis,

omissis, extraneos scribere successores, hoc agens, ut filium quē odio prosequeretur, exheredaret. Solon uerō nisi extarent filij, quos testator uoluit scribi heredes iussit pro uoluntate. Apud Arabes lege cauetur, ut fratres gentilium hereditatum successores antecedant filios, quia natu grandiores sunt. Lycij populi filias, nō filios, heredes nuncupant, & à matribus cognomen transferunt: qui etiam apud Cantabros uetus erat mos, ut maribus omisus, filias ex asse instituunt. Germanis uerō de bonis testari nō licebat: sed si liberi extarent, ad intestati patris hereditatem admittebantur: si minus, proximiores propinqui. Apud Aethiopes ad regni successionem, non regis, sed fratrum filij uocabantur: proditum tamen memoria est, Metelli filios Romae à patre hereditate excussos: testamentum tamen irritum non fecisse, satius arbitrati, bonorum extorres fieri, quàm qualemcunque patris uoluntatē nō tueri. Non sic Hortensius orator & Fuluius Flaccus. nam scelestissimos filios, & parricidij conuictos, quanuis bonis se abdicaturos iurassent, heredes tamē bonorum reliquere. Attilia uerō Variola cū à patre octogenario hereditate excussa esset, centumuirali tamē iudicio ad patris bona admissa fuit, pro eo quod undecimo post die, nouerca ei superduxerat, uelut decrepitus pater ætate desiperet. Libertorum quoque hereditatem & tutelam filiorum, si intestati decessissent, ad patronū pertinere. Quibus quē tutor datus non esset, proximos agnatos, uelut fide & constantia singulari, ad tutelam & curam aduocauit. Fuit quē apud Thurios lege cautum, ut bonorum & fortunarum pupilli, agnati proximi curam agerent: ipsius uerō educatio & morū institutio,

maternis affinibus daretur. Solonis tamen lege cautū fuit, ne is tutor esset, ad quem post obitum, pupilli bona redundarent, ne qua fraus, neu quis dolus compositus pupillo exitio foret: quæ tutela fiduciaria dicta: quippe fiduciam is habere dicitur, cui res aliqua mancipatur & creditur, ut haud multo post illam mancipanti reddat. Eos Lacedæmonij ἀποδιδούς nuncupāt, qui alterius tutelam curamque suscipiunt. Apud Indos lege cauetur, ut patre defuncto, filijs tutores duo, qui illorū curam agerent, peregrini, nō ciues dentur. Atque si nemo suus hæres patri existeret decedenti, proximos agnatos hæredes iussit esse, his uerbis: Agnatus proximus familiam habeto. Si tamē capite minuti essent, illos ad bona decedentis lex nō admittebat: patronūque ad bona liberti tunc demum peculiumque admisit, si nemo suus hæres foret. Suspectumque tutorem à pupilli tutela amoueri, furiososque & prodigos, quiq; patrimonium profusus sumptibus debacchantur, in agnatorum tutela & cura esse uoluit: quibus etiam bonorum administratio lege interdicta fuit. Viro quoque ab uxore diuertere, aut res suas sibi habere, nisi causa legitime cognita, eisdem tabulis uetabatur: quo diuortio nulla uxoris culpa subsequuto, dos integra repetebatur. Si uerò culpa inesset, usque ad dimidium dotis in singulos liberos, sexta à marito retinebatur. Interdum si diuortii fieret, quod melius æquius esset, apud uirum manere: quod uerò non esset melius æquius, id uxor post diuortium uendicare iuebatur. Quod si inconfessum aut iudicatum lis data foret, triginta dies exoluendo debito præfixi fuere. Verba legis sunt: Aeris confessi, rebusq; iudicatis, triginta dies iusti sunt: post

post deinde manus iniectio esto. Quod si clientem aut eum qui in fidem patrociniūque uenit, quisquam nequam & improbus fraude aut dolo frustraretur, eum lex haud secus puniuit, ac si capitali iudicio esset affectus, in hæc uerba: Patronus si clienti fraudem fecerit, „ sacer esto. Neque enim leui animaduersione dignū cen „ suit eum, qui fidem labefactasset, quique frustraretur illum, qui in suam fidem & clientelam uenit, seque illi commisit & credidit. Nam clientem qui tutela patro- ni se commisit, chariorē haberi quā propinquos affi- nesq; , ueteres uoluere: id quod Persis & Indus magni criminis instar erat, quorum lege cauetur, ut qui clien- tem decepisset, quique ter mendacio abusus fuisset, illi .. per omnem uitam silentium indiceretur, nulloque ma- gistratu aut honore dignus haberetur. Artaxerxes quoque mirifice mendaciū auersatus fuit, adeo ut men- daxis hominis linguā triplici clauo affici iusserit. Fer- tur Epaminondas tam seuerus ueritatis cultor fuisse, ut ne ioco quidem quandoq; mētitus sit. E diuerso Aegyp- tijs nullus mētiendi modus, summaque mentiendi impunitas erat. Eademq; lex, ut ex duabus pluribusue sentētis decretisue, quoties ancipiti res cōtentione di- strahitur, semper ut antiquo abroget nouū, utq; postre- mum quod populus iussisset, id ratum foret, sancitū uo- luit, & pleraq; notatu et scitu digna: quæ omnia per- penso iudicio, & librata moderamine, à priscis legum conditoribus, commode constituta sunt: quorum argu- mento conūcimus, quā examinato modo prisci iuris interpretes scita legū promulgarūt. Contrā uerò multa incuriose & subrusticè, partim insolēter et inhumanè, non probabili nec recto iudicio eadem lege decreta



videntur et cōstituta: quæ forsan aut segniter præuisa,  
aut negligēter animaduersa fuere: nam de qua re iu-  
dicio disceptabatur, in re præsentī & apud prætorem  
exhibita, ex lege duodecim tabularum correptio ma-  
nus fiebat, quod ex iure manu confertum dicitur: atq;  
de ea nisi coram exhibita, minime decerni, aut iure agi  
lege poterat. Quodque si homo in iudicium citatur, &  
morbo aut senio affectus ad ingrediendum inualidus  
foret, iumentum aut plaustrum lex dari iubebat, quo  
ager ille forte spiritum exhalans, supremis annis siste-  
retur: uidelicet nondū per patronos & assertores aut  
sponsores agēdi forma cōstituta, cuius uerba adscripsi:  
" si in ius uocat, si morbus cuiusue uitium exitit, qui in  
" ius uocabit, iumentum dato: si nolet, arceram ne ster-  
" nito. Id quod lege Elia postea fuit sublatum: cautumq;  
ut locuples in iudicio clienti adesset, in hac uerba: Af-  
" siduo uindex assiduus esto. Dixere autem assiduū, qui  
pluribus assibus & fortunis locuples foret. Nec minus  
seuere quā duriter: quod si quis consulto aut casu al-  
terius membrum rupit aut secuit, è pacto talio pœna e-  
rat. Tum quod simile monstri est, & omnem exuperat  
secordiā, si ob æs alienum creditori debitor addictus  
foret, post distractum patrimonium, re familiari desti-  
tutus, postque uincula & catenas, membra eius bre-  
uissimo laniatu, ad creditorum libidinem diuidi iube-  
bat, iniquissimo decreto scæuæ atrocitatis immanitatis-  
que. Verba legis sunt: In ius ducito, ni indicatū faxit,  
" aut se ui & iure uendicat, statim ducito, uincito aut  
" neruo & compedibus quindecim pondo, nec minore: si  
" uolet, maiore uincito: si uolet, suo uiuito: ni suo uiuit,  
" qui eum uinctū habet, libras farris indies: si uolet, plus  
dato.

dato. Tertius nundinis parteis secanto: si plus minusue  
 secuerint, sine fraude esto: & infra. Hanc uero legem  
 Athenis Solon antea abrogarat: nam corpus pro re  
 addici, aut super eo fœnerari, sanctionibus uetuit, quæ  
 lex Susachtheia dicta, quasi oneris leuamen, quæ eti-  
 am cauit, ut præter bona debitoris, in tergore & cor-  
 pus nulla uexatio esset: sicut post XXX. tyrannos, par-  
 ta libertate, Athenienses Amnestiâ, hoc est, malorû ob-  
 liuionem, legem edidere, quæ ueterum admissorum im-  
 punitas dabatur. Idem ab Aegyptiis cautum affirmant,  
 ut ultra res et bona debitoris, nulla in corpus animad-  
 uersio foret: nam pecunia credita bona, non corpus di-  
 xere obnoxium: quibus in usu erat, ut defunctorû cor-  
 pora unguentis delibuta, ac si uiui essent, creditori op-  
 pignerarent, & super his fœnerarentur, magno dede-  
 core illorum, qui constituta die non reluissent. Post ali-  
 quot uero tempora ab Atheniensibus cautum fuit, ut si  
 litem pater non persoluisset, filius exoluere, & uinculis  
 publicis interim detineri cogeretur: sicut de Cimone et  
 alijs traditur. Apud Bæotios qui æs alienum non dissoluit,  
 in foro sedere cogitur: & circumstante plebe, in os &  
 ora corbem accipere: quæ nulla fuit ignominia maior.  
 Indis uero qui creditum moratur, à creditore reus agi-  
 tur: mox præfixa die, si non soluit, manu trunca, et oculo  
 effosso, morte afficitur. Apud Pisidas quoque de abiura-  
 to deposito maximum erat iudiciû, ut abiuratus facinus  
 morte lueret. Nec minus seuerè, quod falsum testimo-  
 nium dixisse conuictum, de saxo lex deiçi iubebat: quod  
 ab Aegyptiis ductum facile crediderim, quibus omne  
 periurium, & ueri ludificatio, dijs abiuratus, morte lue-  
 batur: quod deos unâ atque homines offendisset. Mox sub-

sequutus legibus, mitior pœna periurio data est, quarū  
 „ uerba sunt: Periuri pœna diuina, exitiū: humana, de-  
 „ decus uiolati iurisiuradi esto. Apud Indos uerò de pi-  
 rio cōuictus, manūū pedumq; digitis & extremis mem-  
 bris decurtabatur. Iudicem quoq; aut arbitriū iure da-  
 tum, conuictū ob rem iudicandam pecuniam accipere,  
 aut qui turpe iudicium nundinatur, nō minore seueri-  
 tate capite puniuit: cuius rei causa post aliquot secula  
 M. Cinthius legem tulit ad populū, qua causidicis mu-  
 nera ob patrocinia largiri uetuit: sapiusq; lege repeti-  
 ta, postea Claudius iussit, ut sine patrono quisq; uita ra-  
 tionem redderet. Contrā uerò, in eum qui insigni con-  
 tumelia quempiam affecisset, tam leuem mulctā dixit,  
 ut illi qui summa turpitudine fœdatus erat, ultra ui-  
 ginti quinq; æris mulctam conuicians non deberet, ut  
 tantulo impendio summa iniuria lueretur. Verba legis  
 „ sunt: Si quis alteri iniuriam faxit, uiginti quinq; æris  
 „ pœna sunt: Siquis tamē occentauiisset, aut carmen con-  
 „ didisset, quod infamiam faceret, flagitiumq; alteri, ca-  
 „ pitale sit. Solon uerò seueriori disciplina coercuit iniu-  
 rias: nam pro conuicio populare uoluit actionem dari,  
 ita ut cuius agendi facultas foret. Cumq; masculorum  
 progeniem ad parentū bona, sine discrimine lex uoca-  
 ret: illos qui per fœminini sexus necessitudinē pariter  
 sunt coniuncti, ita oſos habuit, ut nec inter matrem &  
 „ filiam ius succedendi daret. Et quum propter membrū  
 „ ruptum fractūue talionem constituerit, his uerbis: Si  
 „ quis membrū rupit, in eum talio esto: illi qui alteri os  
 fregit, quum ea corporis pars sanctior in homine sit, ob  
 id admissum nimīū tenuiter pœnā dixit, cūm propter  
 oris dignitatem seueriori pœna uindicandū foret. De-  
 cedent-

cedentium quoque voluntates ita lex fouit, ut omne patrimonium & quicquid in bonis esset, testatori legare permiserit, nihil apud heredem qui onus aditionis habet, ex defuncti substantia remanente. Verba legis sunt: Vti legasset suae rei quisque, ita ius esto. Et pleraque hoc genus quae acerbissima, dura nimis & agrestia iura sunt. Quod autem lex, si cliens morbo fontico impeditur, quominus sisti ualeat, iubet diem iudicii esse diffusum: ex bono & aequo factum crediderim. Siquidem sequuti iurisconsulti legem XII. tabularum interpretati, morbo impedito iudiciorum tempora dilabi uoluerunt. Sed cum omnis illa decemuiralis seueritas, ac tristis et inhumana ratio tam lege Ebutia quam alijs edictis, penitus indulta fuerint, sequuti postea iuris interpretes, miti & tractabili ratione easdem leges indefesso studio interpretati, abrogatis his quae duriora, quae uero aequiora uidebantur sequuti, propositas controuersias uberius explicarunt: itaque effecerunt, ut graui perpenso iudicio, aequissima nobis iura sanctissimaque hodie tradantur.

Sacrum septimontium in quibus locis urbis fieret, quinque septem colles urbis sunt, quatuor in illis praecipuae dignationis loca forent. Caput XI.

SEPTIMONTIVM festum agere Romanos, quod septimus Vrbi collis additus foret, apud autores legimus: quo tempore in septem locis sacrum fieri Varro significat, Palatio, Suburra, Velia, Fagutali, Caelio, Oppio & Cespio: quo die per urbem uehiculis ferri crinosum erat, qui Paganalia dictus, quod non populi, sed montanorum et agrestium dies festus erat. Quod enim in Palatio sacrum fiebat, Palatia, sicut in Viminali, Fagutal dictum est. Sicut inter urbis colles Capitolinum fuisse



præcipuum nemo dubitat, qui Saturnius ab Arcadi-  
 bus, qui ea loca incolebāt, primo nūcupatus, portamq;  
 illic excitati castelli Saturniam habuit, fanumque Sa-  
 turni in Capitolij faucibus, quod ararium populi Ro-  
 mani fuit: qui etiā Tarpeius à Vestali oppressa armis,  
 postea Capitolinus ex hominis capite inuento, dū tem-  
 pli fundamenta effodiūt, denominatus est: in quo præ-  
 ter Iouis optimi max. templū, Iunonis Reginae & Mi-  
 neruæ aedes fuere. Tria enim sacella paruo distincta  
 spatio uisebatur, medium Iouis Tonantis, ad dextram  
 Mineruæ, ad sinistrā Iunonis. Quod quidem Iouis tem-  
 plum semper Sabinis patuisse traditum est, ex fœdere,  
 quod inter Romulum & Tatium iētum fuit. Iuxta  
 quod sacri anseres, qui peruigiles excubitores erant,  
 affluentī cibo pascebantur. In eoq; fœdera cum Car-  
 thaginiensibus iēta & innouata, & cum Attalo Per-  
 gami rege, æneis tabulis, pactionesq; & priuilegia,  
 senatusconsulta, plebiscita, & immunitates, usque ab  
 exordio urbis cum exteris gentibus inita seruabatur:  
 quæ non modo in tabulis, sed in clypeis quoque quan-  
 doque scripta fuere. Siquidem fœdus Gabiorum cum  
 Romanis, in corio bouis rotūdo instar clypei descriptū  
 uisebatur. Fidei quoque & Termini templa iuxta e-  
 rant: Martis uerò & Iunonis Moneta in arce, cuius so-  
 lum domus M. Manlij Capitolini perniciosi ciuis fuisse  
 traditur: qui nouarum rerum cupiens, regnum appe-  
 tere aggressus est, in quem fuit iusta animaduersione  
 uindicatum. Quæ quidem arx Capitolio adhaesit, ex-  
 cubijs ualloq; circumdata, in qua situm erat Iouis si-  
 mulachrum ab ortu urbis, è cupresso. Mentis quoq; &  
 Veneris Ericynæ, atq; Opis & Iuuetutis ædiculæ inibi  
 fuerunt.

fuere: atque omnia deorum simulachra in Capitolio fuisse produntur: inter quæ ara Iouis Pistoris & Veneris Caluæ, quam sub tecto nominare religio non sinebat: ibique atrium publicum & curiam Calabram, quæ casæ Romuli proxima fuit, ubi minor pontifex festos enunciabat dies: Aedemque Tonantis Iouis ab Augusto, nouamque aliam Custodi Ioui conditam à Domitiano, auctores memorant. Quæ curia & Romuli casâ in memoriam uetustatis, è culmo fuit & stramentis, quo mos ueterum & humilis ille cultus notaretur: sicut Areopagus Athenis ad antiquitatis exemplar, luto & palea tegebatur. Hunc mōtem auspicato conditum, post incensam à Gallis urbem, quasi propugnaculum imperij, saxo quadrato cinctum fuisse memorant, quem Horatius Puluillus unâ cum templo dedicauit. Interiecto deinde quadringentorum & quindecim annorum spatio, incendio absumptum Sylla restituit. Mox magnificis operibus & imaginibus magni sumptus exornatus mons fuit, præcipue Iouis & Apollinis statua cubitorum triginta à Lucullo ex Apollonia Ponti urbe translata, quem deinde restitutum Quintus Catulus dedicauit: quod unum suæ felicitati defuisse Sylla testatus fuit. Sed quum rursus in Vitellij seditione, dissidentibus prætorianis à plebe, civili rabie esset euersus, Vespasianus illum denuo restituere aggressus, non perfecit, morte præuentus: demum Domitianus in imperio restitutum consecrauit. Sed præter hoc fuit aliud Capitolij Capuæ arx munitissima, aliud Beneuenti: sicut apud Carthaginienses Byrsa opus inuictum late prospectans, Aesculapio (ut ferunt) dicatū, quod erat Carthagini instar Capitolij. Et apud

Argos arces duæ, ex quibus Larissa egregiè munita. Et Corinthi Acrocorinthus munitissimus uertex, qui urbi imminet: atque Athenis Munychia & Cecropia, cui Πόλις nomen, locus natura magis quam opere sepius: nam Pelasgicum (quæ Athenarum pars editior erat) incolere oraculo moniti uetabantur. Susis autem Mnemonium, in Samo Cyathis & Amastris, iuxta Paphlagoniam Sesamis pro arce fuit & munimento. Apud Heduos Bibracte, Brutiorum Triuertex, Syracusis Acradina, Messenæ autem Ithome. Quam Acrocorinthus Philippus si haberet, utroque cornu bouem tenere Demetrius dictauit: sicut Gracia compedes, Corinthum, Chalcidem & Demetriadem, idem Philippus appellauit. Arx uerò Thebana, Cadmæa dicebatur: Aegypti regum Memphis, Babylonys Ptera, Hierosolymis Mesade, Massiliensibus Ephesium. Palatinus uero mons Capitolio proximus, quin Arcades habeat autores, nemo dubitat: quem à Palatia urbe Arcadia dictum autumant, ipsumque Aborigenes, & Reate profectos tenuisse: aut à balatu pecorum seu Palepastorum dea, uel à Palatia Latini uxore, siue ab Hyperborea Palantis filia, uel quòd ibi Pallas defunctus sit, nomen sortitum uolunt. Constatque prima fundamenta urbis ibi iacta, Romamque quadratam Romulum fundasse: Palatinumque, ne opportunus iniuriæ foret, munuisse. Postea eadem Victoriæ, & templum Apollinis & Musarum, quod magna mole construxit, cum bibliotheca græca latinaque Augustum addidisse: ibique sacellum deæ Virioplacæ, ad quod uir & uxor dissidentes conuenire, & in gratiam aequissimis animis redire assuerant: ac Febris sanum, eademque matris-

matris Magnæ, quæ Berecynthia dicta est, ac templum  
 Lunæ Noctiluçæ, delubrumque Iunonis Sospitæ, haud  
 longe post extructa fuisse. Etiam lucus Vestæ à Palatij  
 radice, ad Nouā usque uiam deuexus fuit: & Luper-  
 cal, ubi Romulus & Remus aliti feruntur & educati.  
 Regionemque Palatij ad capita bubala multos inibi  
 nominasse, ubi postea sacrarium fuit. Huicque regioni  
 Germalia, ac Sacriportum, & domū Scauri spectare,  
 quam Clodius mercatus fuerat, & ad Sacram usque  
 uiam portendi Varro significat. Ibi quoque præclara  
 domus Cn. Octauij, qui ex ea familia consul fuit pri-  
 mus: Crassique oratoris, Q. Catuli, atq; C. Aquilij, &  
 Lepidi. Tēplum quoque Iouis Statoris in Palatij radice  
 constructum à Romulo, quo tēpore inter Romanos &  
 Sabinos pugnatum est, multi asseuerant. Ibi que Cice-  
 ronis domus, quæ iussu Clodij demolita, in porticum  
 Libertatis trāsflata fuit, fuisse fertur: cui postea & Va-  
 lerio Maximo ades impensa publica ædificatas ferūt:  
 ac Vitrubij Vacci, qui autor defectionis fuerat: quas  
 dirutas unā cum bonis Semoni Sango consecratas, T.  
 Liuius autor est. De Auentino autem, quod ibi rex  
 Albanorum seu Aboriginum Auentinus, prælio fu-  
 sus & sepultus, monti nomen dederit: uel ab aduen-  
 tu, quod commune omnium Latinorum Dianæ tem-  
 plum ibi erat, ad quod finitimi frequentes uentita-  
 bant: siue ab aduectu, quod olim paludibus disclu-  
 sus mons erat, ratibusque aduecti illuc commeabant:  
 an ab Auente amne Sabinorum, qui loca tenuere (ut  
 Varro significat) dictus sit, incerta opinio est. Qui  
 quidem collis modice altus, duodecim ferè stadiorum  
 ambitu esse ferebatur. In quo præter Dianæ tem-



plum, ubi bouum cornua suspendebant, Lauretum atque Iunonis, Reginae, et Mineruae templa fuere. Ibi quoque ades Bonae deae, & Libertatis, quam ex mulctatitia pecunia Gracchus faciendam locauit: Forumque Pistorium, & scalae Gemoniae, ex quibus damnati dabantur praecipites: ara quoque Ioui Elicio, ad eliciendos fulgurum monitus, à Tullo Hostilio dicata: ac ades Lunae, Remonium quoque, quem locum Remus ad inaugurandum templa cepit: & Armilustrum, ubi Tatius Romulo consors regni, sepultus erat: atque ara Veneris Myrteae, quam Murtiam uocant, fuisse traduntur. Illud plane constat, primos Latinos, capta urbe Politorio ab Anco Martio, Auentinum incoluisse. Procedente mox tempore, cantum fuisse, ut in Saturnalibus ad illum frequentes Romani commearent. Quod quoque ex septem urbis collibus, quum ceteri intra pomerium sint, solus ab urbe disclusus, intra mœnia longo tempore admissus non fuit: siue quod plebs eò secessisset, siue quod Remo auspicate, illic aues non addixissent, uelut ominosum, extra pomerium fuisse. Caelius uero à Caelio Iubenko Etrusco, qui cum non parua manu Romulo contra Latinos ducenti suppetias tulit, quod ibi locum & sedem habuere, dictus cognominatus quoque est: cui quondam Querculano nomen, quod multiplici quercu septus muniretur. Quum uero Tullus Hostilius, Alba diruta, Albanos Romam traduxisset, Caelium urbi addidit: quoque frequentius incoletetur, ibi sumpsit regiam, ex quo ad plana urbis leniclinio, & prope æquus descensus erat. In eo templum diui Claudij à Nerone demolitum, postea à Vespasiana instauratum, magna mole constructum erat: ibi quoque

Mamuræ domus, & Tetricorum ædes, Fauni, Venerus & Cupidinis tēpla fuisse, & Carna deæ sacellum, quæ uitalia fouere dicebatur : campus quæ Martialis: in quo si quando Tyberis superfusus campum Martium inundaret, Equitia fiebant. In eo quoque duo aqueductus, alter Claudij in Palatiū, Caracallæ alter in Capitolium hodie uisuntur. Constat enim, Romæ aquarum multiplices ductus fuisse temporibus uarijs: nam præter Appiam, Cæruleam & Curtiam, fuit Anio uetus, Martia, Tepula, Iulia, Virgo, Alsietina quæ Augusta, Claudia & Anio nouus: quæ in urbem influunt: inter quas Martia præcipuo nitore fluit, ex Fucino lacu defluens, quam P. & Quintius Martij Romanam primi deduxere. Cærulea uerò & Curtia, à C. Casare & Claudio magno impedio, & substructionibus maximis, à quadragesimo lapide ad urbem ductæ fuere. Inter quas Claudia ex Cælio monte in Auentinum perenni manabat fonte: cuius aquæ ductus duos Caligula innouauit, qui ex fontibus Cæruleo & Curtio deducti, pro eo quòd illos Claudius nouo lapide opere absoluiisset, Claudie dictæ sunt aquæ. Alter uero Anio nouus, in plurimos & uberes lacus diuisus fuit. Reliquæ à conditoribus, aut à locis denominantur, quarum hodie ductus sumptuosissimi operis licet inspicere partim extantes, partim collapsos & deformatos. Hunc montem (autore Tranquillo) quum multa insula in eo deflagrassent, Tyberius Cæsar, præcio exhibito, restituit: quem propterea Augustum ex suo nomine nūcupauit. Exquilias autem Seruius Tullius auxit: & ut loco dignitas foret, regiam ibi sumpsit: quas quòd ex cultræ ab eo potissimè fuerint, Exqui

lias nuncupauit: tametsi ab excubijs regijs dictas non:  
 nulli credant: antea enim quòd sexticeps erat, Cespheus  
 nomen tulit. Hic ex urbis collibus solus duplici iugo  
 & aggere munitur, quum reliqui singulis còtenti sint:  
 ex quibus alter Cespheus nuncupatur, alter Oppius:  
 qui & lacum Fagulatem, hortos Mecœnatis & La-  
 rium, & Querculanum, sacellumque & lucum Mar-  
 tis unà complexus est: Mala quoque Fortunæ & Iu-  
 nonis Lucinæ templa, cuius festa dies calendis Martijs  
 colebatur à matronis, quòd parturientibus opem fer-  
 ret, & lucem daret. Extra uerò Exquilias locus fuit,  
 cui Puticola nomen, ubi puteos, in quos defunctorum  
 publicè cadauera in subiectam foveam mittebantur,  
 fuisse proditum est, exemplo Themistoclis, qui Melita  
 templum iuxta domum constituit, in quo damnato-  
 rum corpora cum uestibus & laqueis condebantur.  
 QUIRINALIS quoque & Viminalis, quin inter  
 septem numerentur, nulla controuersia est: sed Quiri-  
 nalis à Quirini fano, qui ibi colebatur: siue quòd à  
 Curibus profecti loca tenuerunt, nuncupatur, qui A-  
 gonius, & porta quæ illuc ferebat, Agonensis, quæ e-  
 tiam Collina dicta. Cumque in Quirinali diuersi ag-  
 geres forent, singuli sua nomina sortiti fuere: nanque  
 ex his uni Tricepsos ad ædem Quirini, contra quam  
 sacellum Semonis Sangi uisebatur: alteri Salutaris, ob  
 salutis ædem: tertio Mutialis, ad ædem dei Diffidi-  
 nomen erat, ut Varro inquit. In eo quoque Numa Pom-  
 pilius domum habuit, quæ ad Augusti tempora man-  
 sit incolumis: ubi & Primogeniæ Fortunæ templum,  
 quæ publica dicta est, ac Fidij Sabini dei, salutis &  
 Floræ, templa fuere. Habuitque circum multa memo-  
 ria

ria dignum, & uallem Quirinalem (ubi Pöponij At-  
tici domus, cui Tamphilianae nomen) aliasque domos  
clarissimas. Viminalis uero uel ab ara Iouis Viminei,  
uel quod ibi uiminum sylua esset, denominatus fertur:  
ubi campus Viminalis, lucus Petelinus, & templum  
Iunonis Lucinae. Qui quidem colles à Seruio Tullio,  
post censum perfectum, urbi additi sunt. Hic enim, ad-  
iecto Exquilino & Viminali, quod intermedij spatij  
est, stadiorum sex, è Collina porta ad Exquilinam, tur-  
ribus muniuit & muro sepsit, ne quando excursions  
illinc fieret, & hostium praesidium foret: in cuius me-  
dio porta Viminalis nomen habet. Habuitque hortos  
Salustianos, qui praeter amœnitatem, profusissimi sum-  
ptus erant. Post aliquot uero tempora ædibus pulcher-  
rimis magnæ molis ornatus mons fuit. Inter quas con-  
spiciæ magnitudinis M. Crassi domus: nec minore sum-  
ptu C. Aquilij equitis iuris scientissimi, qui primus de  
dolo malo inuenit formulas, cuius pleraque extant e-  
gregiè constituta: necnon Q. Catuli instructas, aliàs-  
que Romanorum ciuium aedes conspicuas, in eodem  
colle annotauere annales.

Qui flamines primi Roma fuerint, quóque flaminis officium,  
quibusue essent ceremonijs addicti.

Caput XII.

N V M A Pompilius summus religionum cultor,  
inter cetera inueta & constituta, flaminem Iouis assi-  
duum sacerdotem legisse fertur, qui re & aestimatio-  
ne magna fuit: eumque insigni ueste, toga prætextâ,  
& curuli sella, ac lictore adornasse, duosque illi fla-  
mines adsciuisse, unum Marti, Quirino alterum, ge-  
nere fama que longè principes: quibus sacra facien-



di & uictimas immolandi datum munus erat. Post aliquid uero tempestates, aucta ciuitate, quum augeri sacerdotia oporteret, quindecim flamines constituti fuere, qui omnes à dijs, quibus sacra faciebant, cognomina sortiti sunt: quorum primus Dialis, ultimus Pomonalis: Pomona enim pomorum dea est. Martialis uero, Viminalis, Quirinalis, Vulcanalis, Carmentalis, Falacer & Palatualis, ac Peciri flamen, Martiani sodalis, & reliqui deinceps post Dialem fuere. Dialis enim, quod Iouis sacerdos foret: Furinalis à Furida, cuius etiam feriae Furinales: Falacer à Falacre pomorum deo: Palatualis uero, quia illi dea in cuius tutela Palatium erat, sacra faciebat, nomina cepere: post quos nonnullis ex Caesaribus in deos relatis, post funera flamines tributis ex Caesarum nominibus, quorum sacris praeerant, denominantur: ut Martianus, Heluianus, Antoninianus, & reliqui. Erantque curiales flamines, maiores: plebis uero, minores. nam praeter praescriptos, quum in sua quisque curia publica sacra facerent, singulisque curijs sui ministri essent, à quibus sacra populo dabantur: hi nimirum curiales flamines, eo quod curijs praesent, dicti sunt: singulis enim curijs bini praepositi erant sacerdotes, honesti ordinis, moribus & uirtute praestantes, quorum nemo citra quinquagesimum annum inferior aetate fuit: qui nisi à collegio nominarentur, ad flaminium admitti non poterant. Quippe sacerdotes, nisi quos dignissimos putabant, ad collegium nullos admisere: admissique inaugurabantur: quo die auguribus, pontificibus, regi sacrorum & Vestalibus uirginibus, cœnas opiparas magnifice apparabant, quae adijciales seu adipales dictae. Nonnunquam

quàm uero pontificem maximum flaminem treauisse  
exemplis relatum est: siquidem Cn. Valerius Flaccus  
à Publio Licinio pōtifice maximo Dialis flamen crea-  
tus, sacerdotium gessit magnificè: qui quum fuisset ui-  
ta & moribus inquinatissimus, & parum secunda  
fama, postea summa religione & continentia flami-  
nio præsuit, magnoque honore & pudore spectatissi-  
mus euasit. Sæpe tamen à dictatore flaminem prodi-  
tum, plerunque à populo uel principe, comperimus.  
Qui tametsi proditus esset, non tamen sacerdotium ge-  
rebat, quin à pontificibus prius esset in collegium co-  
optatus. Qui quidem, quod pileum gestaret, in quo  
uirgula oleaginea modicum lanæ habens in summo,  
instar fungi inerat, flamines quasi filamines dicti sunt:  
quem quum per æstum ferre nō possent, dempto pileo,  
caput ligabant filo, quod nudo capite incedere fas  
non erat. Solus tamen inter reliquos flamines, Dialis  
albo galero insignis est: quem nisi ex ouis albæ tergore  
Ioui immolata fieri non decebat, ut eo insigni à reli-  
quis cōspicius foret. Festo tamen die flamen & si æstu  
laboraret, filo dempto, pileum sumebat: tunc enim filo  
ligasse caput, non satis erat. Quippe celebri die flami-  
nem sine pileo esse non conuenit. Est tamen observa-  
tum inter flamines, Dialem assidue pileum lanamque  
gestare, quum reliquis flaminibus, tunc quum sacrum  
faciunt, & festa ac religiosa die cum pileo esse deceat.  
Si tamen mortem oppetere Dialem forte contingeret,  
tunc quum agit animam, cum pileo esse minime con-  
uenit: deposito enim pileo decumbere, & animam ef-  
flare oportebat. Aliter apud Aegyptios: nam sacra-  
rum literarum scriptores, qui loco flaminis sunt, puni-

ceum filum pro insigni capitis, non pileum deferunt. Horum ergo, in sacrificijs deorum, non minimum ius potestasque fuit: nam quæ sacra dñs darentur & quæ uictimæ caderentur, & quando exta offerrentur, & an perfecto sacrificio litatum foret, enunciare debebant: tum sacrorum cura & ceremoniarum ad eos spectauit & pertinuit. Quod sacerdotium non sicut auguris, perpetuum erat: siquidem si sacra non rite fecisset, aut neglectæ religionis flamen argui posset, seu aliquid aduersus constitutum faceret, flaminio abire oportebat: Sulpitius enim flamen, quod inter sacrificandum apex prolapsus fuisset, sacerdotio deiectus fuit. C. etiam Claudius & Cornelius Cethegus, quod exta uictimæ perperam dederat, abire flaminio necessum habuit. Cumq; flamen sacra dñs dare & hostiam immolare uult, flamineum puerum aut puellam iuxta habebat, qui parati intentique ministerio, & sacrificanti præsto forent: quæque exequenda, quæ patrui moris & ritus erant, sacris ministrarent: quos non nisi ingenuos, patrimos & matrimos esse decebat. Cui ad sacra eñti, præco præcimitator dictus, præire & præmonere solebat populo, ut dum sacra fiunt, ab opere cessarent: qui si contumacius parent, pignoribus & multa plectebatur: neque enim flaminem aut regem sacrorum religiosis diebus aut feriatis opus facientem uidere fas erat. Quin etiam dum operatur sacris, eo corporis ornatu erat, ut fibulis aeneis accinctus, uictimas caderet, & dñs libaret. Ipsius quæ uxorem, cui Flaminicæ nomē, quoties tonitrua audisset, feriari necessum erat. Cui hoc est muneris loco datū, ut à uiro diuertere non liceret: nanq; ipse unius uir uxoris, & Fla  
minica

minica uiri unius uxor eligebatur: sicut Aegyptij ad Tauri sacra semel maritū assūpsere. Cumq; ob sacerdotij dignitatem, in senatū ueniēdi & sentētiā dicēdi, atea flamini ius fuerit, idq; post tēporū curricula eorū desidia oblitteratū esset, L. Flaccus flamē rem lōge intermissam reuocauit, eiq; et reliquis flaminibus, ut ueteri iure usurpato, in senatū ingredi, & publico cōcilio interesse, togamq; prætēxtā, & amplissimi ordinis ornāmēta habere liceret, senatusconsulto datū est: tametsi carbasum flaminis indumentū propriū fuisse dicāt. Ex eo enim, quoties frequēs senatus haberetur, flamini haud secus q̄ senatori in curiā ueniēdi, cōsultādi, suffragādi, cēsēdiq; potestas data fuit. Et tametsi flamines sacerdotio addicti essent, non tamē à belli muneribus erāt immunes, sapiusque res à patribus tentata & in utrāq; partē sermonibus agitata fuit: desuperq; lex lata fuisset, ut tā flamines q̄ reliqui sacerdotes militia munere uacarēt, nisi Gallorū imminēte tumultu, quū respub. milite egeret, à militia minime auocandos decreuissent. Sape tamen flamines, ne ad bellū irēt, religione inhibitos ferūt: quippe Cæcilius Metellus pontifex max. Aul. Posthumiū cōsulē, quoniā flamē Martialis erat, ne ad bellū p̄fisceretur, nēne stipēdia faceret, inhibuit: aliosq; uetitos fuisse constat, ne cura belli & rei militaris p̄curatio, illos à sacris auocaret. Nonnūquā uero Dialē flaminē extra Italiā sortitū prouincia inuenimus, asserētē, nullas religiones Diali, Martiali, & Quirinali puincias sortiri uetuisse. Augustus tamen Octauius annuam absentiā, & puinciarū administrationē Diali concedi uetuit, ne à cura sacrorū nimīū diu abesset. Qui quidē sicut inter flamines honore



præcipuus, sic maximis ceremoniis astrictus erat: quippe soli flamine in primis iurare non licebat, nefas aestimantes, cui deorum sacra & ceremonia credita sunt, ipsi uerbo asserenti fidem non habere: cui hoc munus impendebat, ut singulis idibus, quas feriatas habebat, bouem Ioui immolaret: utq; ad flaminium assumptus, è patrio iure immunis cõfestim sui potēs fiat. Eidemque sub diuo ungi, uel sine interula esse, aut equo uehi, noctemue unam ab urbe abesse non licebat. Si tamen aduersa ualetudo Dialem incesisset, pōtificis maximi arbitrio, ultra binoctium abesse poterat, dum ne diebus publici sacrificij, nec sæpius quam bis eodem anno procul fiat. Dialemque, coniuge defuncta, flaminio abire oportebat, quia sine cōiuge esse, aut iterum coniugio copulari non decebat: nanque bis nupti, sacerdotio pelluntur. Quod ab Aegyptiis æquè seruatum est, ut semel tantum sacerdoti nubere fas sit, quum reliqui pro uoluntate & facultatibus plures capiant. Frumentum quoque, farinam & carnem crudam, canem, capram uel equum tangere uetabatur. Hederam Diali si attigisset, uel annulum cum gemma, aut nodum habuisset, piaculum admitti putabatur: fabam tãgere aut nominare, uel funebres tibias audire, Diali flamine non licet: neque enim feralia attrectare fas erat. Capillum si tonderet, nisi æneis cultris, uelut turpissimo facinore tenebatur. Quod à Sabinis sumptum crediderim, quibus æneo cultro sacerdotes capillum tondere præcipitur. Ignem ex Diali flaminis domo efferrì, nisi sacrorum causa, aut procinctam classẽ uidere, paratasque ad bellum copias, piaculare est. Mortuõque pecudis corio flamine calceos fieri, nefandum: cui-

uis sacerdoti ab urbe tribus abesse noctibus non licet: alijsque ceremonijs Dialis astrictus erat, quibus à uilioribus sacerdotibus reliquisq; flaminibus cultu & ornatu longe sanctior erat atq; conspectior. Aegyptijs uero diu seruatus inoleuit mos, ut sacerdoti nec fabam ferere aut comesse, neque aspicere liceret: quibus erat constitutum, lege apud Memphim lata, ut Isidis sacerdotes semper derafo sint capite: utque tertia quaque die corpus eradant & frigida abluāt, ter die, noctu bis: piscibus quoque etiam tactu abstineant, nedum esu: uestemque lineam, calceos papyraceos gerāt: ouillis, nec suillis carnibus uescantur: sal cibis non adhibeant, uino abstineant, aut si bibere libet, perparco utantur: mare detestentur & nautas, à quibus institutum est, Apidi potum dare ex peculiari puteo, non ex Nili aqua. Apud Græcos uero flaminibus, stephanophoris nomē fuit, quibus ferre coronam & comam promissam, proprium erat: qui etiam arma sumere, aut Phocensium agros innadere lege uetabantur. Poliadis quoque Minervæ flamini hoc dabatur præcipuum, ut caseum recentem tangere perpetua lege uetaretur: Phæbi uero, aureum sceptrum coronis & uittis redimitum ferre. Flamini autem Ephesiæ Dianæ, qui eunuchus erat, Megabizo nomen fuit: Cereris uero Eumolpidi. Apud Hebræos Essei summi sacerdotes loco flaminis erant, qui uino, coniugio & carnibus abstinent, & duriori cubili degūt. Sed præter Dialis præscriptas ceremonias, aliæ fuerunt uxori flaminis præstituta, quas perpetua lege seruare tenebatur, quum ex Romuli cōstituto sacerdotū uxores cum uiris consecrentur, præscriptisque ceremonijs teneantur: nanque

Flaminica quā ad Argeos uadit, neq; comere caput, ne que capillū pectere debet: quotiesq; tonitrua audisset, feriata erat: cui mense Iunio, nisi post idus, nec ungues secare, nec capillū comere, neq; uirū tāgere permissum: cuius unguiū & capilli præsegmina subtus arborē silicem terra operiri necessum erat. Illi quoq; fabis uesti, aut gradus supra tres ascendere, minime licet: solaque Dialis uxor sacrorum causa sub uiri potestate & iure est. Fuitque amictus Flaminicæ purpureus quadratus fimbriatus, cui nomē rica, quo uelut palliolo utebatur. Pleriq; flāmeum uestē Flaminicæ propriū duxere, cui cœlū fulmineum color, & tutulū capitis ornatus, cui inerat uitta purpurea, quæ crinibus annectitur. Hoc quoq; non in postremis fuerit, q; si quis nocēs ad flaminem accederet, illo di; ab omni pœna criminis tutus erat: qui si uinclis nexus foret, eis dē solutus laxabatur. Ac licet sacerdoti, ut rebus diuinis impensius uacaret, nēue à sacris cultuq; & religione deorū, aliarum rerum cura seiūgeret, magistratus gerere non liceret: tamen & flaminem honores gessisse, & cōsulatum unā & flaminū administrasse, ac tam rebus diuinis quam humanis præfuisse, atque utriusque honoris ornamenta gestasse, apud multos tradita memoria est.

In quot cohortes, manipulos, centurias, decuriasq; phalanx diuidatur, & quæ illius descriptio fuerit. Caput XIIII.

QVOD legio quondam apud Romanos fuit, id phalāgem Græcis, Macedonibus & Dardanis, exterisq; nationibus ualuisse, monumētis proditum est: Ea enim in libero cāpo, & si quādo expatiari licuit, magno usui fuit. Cum uero arctis faucibus & præruptis saxis, aut inter uiarum angustia premitur, non est ea

nis potestasq;: quippe Macedonica phalāx immobilis, semper ex stabili peditum agmine, nec partiri, nec diuidi facilis erat: quod in Romana legione longe secus: quotiesq; coniunctos seruat ordines, & suis turmis ita fertur instructa, ut cōtinēti agmine uir uiro, armis arma cōiuncta foret, magno praesidio munita, ad uictoriam maxima momenta fecit: Sicut Orthia phalanx, quae in cornua procedit, & in profunditatem, ita instruebatur, ut nec à tergo asiliri, nec à frōte occursari, neque à lateribus praemagnitudine circumnueniri posset: quod etiam Macedonica phalangi erat proprium, praelōgas hastas ante clypeos obijcece, ita ut nisi in libero cāpo eius nullus usus foret. Si uero laxatis ordinibus semel esset dissoluta, robore simul atque ordine dissipato, omnis uis uirtusque eius pūcto tēporis dissoluntur. Hāc, qui de instruēdis aciebus memoriam reliquēre, quiq; in ea describenda multū studij & opera contriuere, ex nouem armatorum millibus: alij ex uiginti quinque millibus, ut Syri: Persae ex quadraginta millibus definiere. Cuius exemplo Perseus, aduersus Aemylum Paulū ex quadraginta millibus phalāgem instruxit: Alexander Romanus imperator ex triginta millibus. Macedones uerò ex sedecim millibus, trecentis octoginta quatuor militibus cōstare dixerunt, quos phalangitas uocant: sicut à Philippo primum, mox ab Alexandro descripta fuit: qua quidem externi duces, uelut firmissimo robore, usi fuere: nam tanti momenti fuit, ut incredibile dictu sit, quā parua manu quantas copias fuderit: sequentis inde tempestatibus, Graecorum duces diuersas turmas legionesque descripsere, inter quas Macedonum robur Sariphorius



magni aestimatur, quo uelut firmissimo munimento in  
 posterum usi sunt. Lacedaemonij raras instruxere pha-  
 langes. Germani defatis agminibus, scutis capita con-  
 teeti, obiectis parmis, phalangem ita composuerunt, ut  
 ad irrumpendum magna momenta faceret. Ea uero  
 phalax ita descripta erat, ut in minimas partes diuidi,  
 rursus momento temporis in unum colligi posset: quó-  
 que distinctior esset, singula ipsius partes propria sor-  
 titae sunt nomina. Siquidem haec phalanx quadrupla-  
 ris, in singulas duplares diuiditur, quibus cornua no-  
 men indidere: quarum singula octo millia centum  
 nonagintaduos milites habent, decurias uero quin-  
 gentas duodecim. Hanc postea duplarem in duas sim-  
 plares iterum partiti fuere, quarum singulas ex ho-  
 minibus quatuor millibus octogintasex effecerunt.  
 Item simplaris ista in duas rursus diuiditur partes,  
 quibus nomen Meros, quae hominum duorum mil-  
 lium quadragintatrium describitur, quarum quali-  
 bet ex centum uigintiocto decurijs constat. Rursus  
 Meros cohortem milliariam facit: ea autem est homi-  
 num mille uigintiquatuor, hoc est, centuriarum sexa-  
 gintaquatuor, cuius praefectus maior tribunus ap-  
 pellatur. Ista deinde milliaria in duas quingentarias,  
 quarum singulae homines quingentos duodecim, cen-  
 turias trigintaduas habent, eiusque ductor tribunus  
 minor: eandemque quingentariam in duos manipulos  
 partiti sunt. Singuli uero manipuli homines recipiunt  
 ducentos quinquagintasex, decurias uero sedecim, cui  
 ductor manipularius praerat, quam et senagia uo-  
 cant. Rursus manipulum duas centurias facere uoluit,  
 quarum qualibet milites centum uigintiocto, hoc est, octo  
 decu-

decurias capit. Nam duplicata centuria manipulū facit, cuius præfectus centurio ordinarius uocatur. Simplex uerò centuria duas quadruplares decurias facit, quarum singula hominū sexagintaquatuor: quæ quadruplaris in duas duplares diuiditur, quarum ex triginta duobus militibus fiunt singula: duplarisque decuria in simplarem, quæ ex sedecim militibus scribi dicique consuevit. Hæc enim totius phalāgis Macedonicæ, quam ex sedecim millibus trecentis octogintaquatuor militibus ueteres effecerunt, percommoda descriptio fuit. In qua duo sunt cornua, duplaresque phalanges duæ, simplares quatuor, partes octo, cohortes milliaria sedecim, quingentaria trigintaduæ, manipuli sexagintaquatuor, centuriæ centum uigintiocto, decuria quadruplares ducetæ quinquaginta sex, duplares sexcetæ duodecim, simplares mille uiginti quatuor. Ex his ergo effici cogiq; potest, quid phalāx, quid cohors, manipulus, centuria, decuriaue sit: quantumque militum in disponendis aciebus externa descriptione unaquæque capere assuevit. Qua quidē phalange Romanos duces contra exteras gentes aliquando usos comperimus, illamque non uno militū numero descripsisse: nam contra Mithridatem & Archelaum Sylla: & Romani plerique duces contra externos, phalāge usi sunt. Postea uerò manipulatim struere aciem capere, illamque in plures ordines, turmas, decurias centuriasque, atque ordines diuisere. Galli uerò & Celtiberi, atque exteræ nationes pleraque, non phalangem, sed cateruas habuere, hominum densum, aliquando sensum millium. sed quod est de cohorte milliaria dictū uel quingentaria, licet animaduertere, illā dissimili modo Græ-

cos uariasse, qui pro tempore & locis, & prout quisque commodum putauit, cohortes non una facie describere: siquidē Polybius ex nonaginta hominibus cohortem fecit, Callisthenes ex septingētis, Ephorus ex quingentis, Gorgias ex quadringentis lectis uiris, quam sacram nuncupauit. Samnites quadragenariā fecere cohortem, quā Linteata dicta. Camertes sexcentorum hominum cohortem Romanis aliquando misere ex fœdere. Nestor uerò apud Homerum, per singulas tribus cohortes disposuit, ut in conflictu præliorum alter alteri opem ferret, & inuicem se iuuarent. Fuitque miræ obseruationis apud Græcos, ut prima cohors tanquam firmissimū robur ex quadringentis militibus fiat: à Romanis uerò præter milliariam & quingentariam, etiam ex ducentis militibus primum Syllæ temporibus cohortem descriptam fuisse, apud multos nota memoria est.

Res sacra, religiosa & sancta quæ censerentur apud ueteres, quibusque sacrum aut sanctum facere licuit.

Caput XIIII.

RES sacras, religiosas & sanctas, in nullius semper bonis fuisse, ueteri lege seruatum est: erant enim sacra diuino cultui mancipata. Ait enim Trebatius: Quicquid deorum ergò habetur, sacrum est, siue ades, siue ara, uel signum, locus, aut pecunia: siue quicquid aliud more institutoque ciuitatis ritè dijs consecratum foret. Ea uerò consecratio uel à consule aut imperatore accenso foculo fit, cum tibicine, uerbis priscis & solennibus, præeunte uerò pōtifice maximo præfante carmen, capite uelato, & concione aduocata, ac iussu populi. iniussu enim populi, iuxta diuinas traditiones, consecrari

crari adem, terram, agrū, aut sanciri, nihil poterat. Postea latum ad populum fuit, plebsq; sciuit, ut in templi consecratione aræue, etiā iussus senatus tribunorumq; plebis maioris partis interesset: in quo illud seruātū est, ne una cella duobus dīs dicetur. Demū lege Papyria non modo templa & aras, sed ne priuatas quidē ades, sine iussu populi, consecrare, aut sempiterna religione obligare licuit: nam quod priuatus religionis ergō sacrauit, sacrum non esse consentiunt omnes. Fuitq; Platonis sententia, ut deorum delubra nemo priuatus constituat, satis arbitratus ad immolandū publica templa patere. Funestamq; familiam, aut hominē funere pollutum, templum aræmue dedicare: aut à lugentibus sacrificari, uel aliquid consecrari, uetabatur: nanque in luctu dīs supplicare, non sacrificare licebat, quum sine gemitu aut morsu animi sacris interesse deceat. Propterea in sacrificiis anniuersariis, & adis dedicatione, publicum luctū minui perpetua lege cauebatur. Tum si quando exitiali bello & terribili strage dimicatum foret, ne propter luctus acerbiter & intestinum urbis malum sacra Cereris intermitteretur, lugendi tempus ad certam fuit diem præfinitum: quod etiam Graecis in usu erat, ut in annua Cereris celebritate, funestos interesse aut uota exoluere, uetaretur. Tēpli uerò consecratio fiebat, ut qui templū adēmue dedicaturus erat, postē tenens, accenso foculo & aduocato numine, cui templū adēsue sacrantur, se ex profano usu & humano iure, templum, cellam, mensas, arulas, quæque eò pertinent, eximere, eaque conceptis uerbis ipsi numini (nominat numē) diuina humanaq; oīa consecrare dicereq; affirmet, sabina herba ad sacrū adhibita, sine



qua templum adémue, fana aut sacella, minime dicari putarūt posse. Fuitque cōstitutum, ut in dedicanda ara uel simulachro, postem teneri nō oporteret, in ade uerò necessum foret: in quo est animaduersum, si parū rectè tabernaculum captū esset, crimē spreta religionis admitti. Atheniēsisibus uerò in ara consecranda, uel statua dedicanda, mulieres in ueste uersicolori ollas leguminum circumferunt, illasque, gratias agētes, erectioribus diuidunt. Notatumque & illud, consecrationis uerba ritè concipi oportere, ne syllaba uel uerbo cadār: quare Metellum pontificem adem dedicaturum, quū balbus esset, multum laborasse ferunt, ut uerbum opifera ritè exprimere, & sine offensione posset: sicut Demosthenes lingua impedimēto offensus, adeò blasus erat, ut in exprimendo ꝑ literam, multum laborasse dicant, pro qua ꝑferebat. Vtq; in consecratione adis, si quando luctu publico populus teneretur, dimissis sagis, candidas uestes induant. Cumque omnia sacra tanquam dijs debita, uiolari nefas foret: hominem tamen sacrū & deo deuotū morte afficere, nefas nō putarunt, tanquam illius anima dijs deuota, amplius humani commercij nō sit. Religiosum uerò locum eum facere dicūt, qui defunctū cadauer aut cineres in locū suum defert, quūue mortuum in prædio locūe suo humo tegit: locus tamen ubi crematur corpus, priusquam iniecta gleba sit, non ideo religiosus manet, sed profanus. Sed quum à prima origine intra suas quisque ades defossa, cadauera haberent, unde Lares in singulis ædibus colendi religio peruasit, in Larario, in quo præter deorum Penatium, etiam insignium uirorum, quas uenerarentur, effictas imagines habebant: quare Seuerus imperator reli-

religione tactus, Christum, Abraham, Orpheū & Apollonium, uelut deos, intra ades ueneratus est: postea lege xij. tabularū, ne intra urbē sepelire liceret, probè cautum fuit: itaque in agris quisque suis sepulchra & loculos, in quibus cineres suorum conderent, habuere. Cineres tamen illorum qui triumphassent, aut imperatorum, summorumque ducum, qui rempub. auxissent, uirginumque Vestalium, in urbem ferri, & in foro condi licebat. Primumque Traianum Augustū sepulchrū in foro meruisse accepimus, quod & posteris deinceps datum est. A qua institutione postea desitum esse crediderim: nanque Hadrianus, & mox Antoninus Pius Augustus, ius antiquum renouans, ne cui intra urbem sepelire liceret, edictis decretisque sanciuere. Quæ Platonis etiam institutio fuit, ut in agro infæcundo & sterili sepulchra constituerentur, ne uiuentibus officiat. Cumque tota familia sepulchri patrisfamilias particeps foret, (quippe extra sacra & legem inferri cadauer nō licebat) procedente mox tempore, ne in genus & posteros sepulchra descenderent, alia fuit lege sancitum: donec nouo postea edicto ad genus & familiam pertinere. Quæ quidem pro dignitate & opibus fiebant maiora, si imperatores aut summos duces amplis honoribus functos, sepelire contingeret: minora uerò, si mediocris fortunæ uiros sepulchro condi curarent. In quibus literis adnotabant, quot pedes à fronte, quot in latitudinem sacer locus procederet. Sed quum profusissimæ impensæ, & magna moles sepulchrorum quotidie fierent, sequutis inde tēporibus, ne ampliori opere excitari sepulchrum, quàm quod quinque diebus absolueretur, nec maiori lapide, quàm qui laudes sepulsi et ti-

tulos honorum acciperet, lege cautum fuit: quod Græci epitaphium siue epitaphium dixerunt: id quod Plato legibus cauit, & Græci sanciuere, ne quis maioris operæ sepulchrum excitaret, quàm quod decem homines tri-duo perficerent: nèue Hermas in Ceramico apponere, aut longo petito proæmio, epigrāma inscribere fas foret. Mox Demetrius rex nouis sepulchris modum statuit, sanxitq; super defuncti cineres erigi columellam, quæ ultra cubitos tres non extaret. Quod Sylla lege promulgata constituit, qua funebres impensæ, & ambitiosa exequiæ, atque ad rogum munera, necnon conuiuiorū impendia, præscripto fine taxabantur: qui tamen in Metella coniugis funere legem suā transgressus, profusione maxima exequias dedit. Lycurgus uerò defuncti nomē tumulo adscribi uetuit, nisi illius qui fortiter pro patria occubuiſſet, & operā in bello reip. nauaſſet. Solon uerò pœna coërcuit illos, qui sepulchra delerent, aut in gentilia alienum inferrent. Aegyptijs tria fuere sepulchrorum genera: unum præcipuum & maximi sumptus, quod argenti talēto taxabatur: medium, minarum uiginti: humile uerò, ex leui materia minimæ impensæ. Clariora fuere Aethiopibus: nam ditiorum monumenta ex auro fiunt, tenuiora ex argento: inopes autem conduntur fictilibus. Indi & Germani operosa sepulchra, ut grauiā defunctis, aspernati sunt: itaque humili condebantur tumulo. Cyrus uerò apud Xenophontem, non auro, nec argento condidit, sed terræ corpus reddi uoluit, uelut matri. Singulosq; singulis sepulchris condidit apud Romanos diu permansit, quod ab Atheniensibus usurpatum est. Megareses cōtrā: nam tria aut quatuor defuncta corpora singulis

gulis condebant tumulis prona. contra Diogenes Cynicus: nam corpus in faciem sepeliri censuit, inferiora aliquando conuertenda arbitratus. In publico tamen non fuisse ius sepulturae, ex decreto pontificum cauebatur. Sed quū uis morbi Roma passim per ignota capita uagaretur, Antoninus Philosophus Augustus, ut passim in urbe liceret humari, cauit edicto, loco non definito. Si qui tamen tyranni malè de republica meriti, supplicio affecti essent, aut si qui laqueo & morte inhonesta, aut malo leto occubuissent, uel caelesti essent afflati numine, illos condi sepulchro, aut humari non decebat: itaque insepulti abiiciebantur. Vnius tamen Phocionis publico iudicio damnati, quum insepultum cadauer iaceret, seruilis manus sepelisse fertur. Si autem de caelo sepulchrum tactum aut fulmine ictum esset, locum à deo expeti & propterea consecrari putarunt: quod Lycurgo & Euripidi poetae contigisse ferunt, quorum sepulchra de caelo tacta sunt. Eratque Græcis lege cautum, ut qui patrimonium prodederat, sepulchro patrio non humaretur, sed externo: neue quis ob prodicionem reus, Athenis tumularetur, tanquam ob crimen famosus foret. Ideo Phocionis aliorumque qui prodicionis insimulati pœnas dederant, cadauera extra fines Atticos exegerunt. Cimon uerò Miltiadis filius, ut pater qui obierat in carcere, humaretur, captiuum se præstitit, & seruituti mancipauit. Apud Aegyptios si quem prauis moribus uixisse contingeret, eiectum cadauer in uastis solitudinibus exponunt. Persæ damnatorum corpora feris & canibus abiiciunt. In quo illud traditur mirum, quòd cūm Clearchi cadauer ob crimen insimulati canibus



expositum foret, magna uis uenti exorlens, illud pul-  
 uere texit, tanquam dñs significantibus immeritū pœ-  
 nas dedisse. Hostium tamē sepulchra nobis religiosa nō  
 sunt: ideo uiolari sine piaculo possunt: lapidesque inde  
 sublato in quemlibet usum conuertere, non est uetitū.  
 Atque licet Athenis magna fuerit sepulchrorum cura,  
 non minor tamen Romanis, qui publica monumenta  
 etiam pauperibus & seruis ubi conderentur adifica-  
 rūt. Apud Gracos quoq; detestabili crimine obnoxius  
 erat, & capitis pœna dignus, qui insepultum cadauer  
 reliquisset, adeo ut equos & canes parētis affectu Ci-  
 monem & Xantippū luxisse, & tumulto indidisse le-  
 gamus. Anser quoque Lacydi philosopho ita adhaesisse  
 fertur, ut nec domi, neque foris ab eo discederet: quem  
 elatum funere, effusis lachrymis sepeliuit. Alexander  
 quoque Bucephalo duxit exequias, sicut Agrigentini  
 equis sepulchra & pyramides erexere. Inter quos Au-  
 gustus Octauius, & postea Hadrianus Caesar, equo  
 tumulum fecisse traduntur maximi sumptus, & car-  
 men inscripsisse. Commodus quoq; Prasino equo mor-  
 tuo sepulchru in Vaticano fecit. Et Romani coruo de-  
 dere exequias, praecedente tibicine, duorum Aethiopū  
 humeris elato. Aegyptij uerò, quum feles aut aliquod  
 animal moritur, cuius superstitioni addicti sunt, sin-  
 done cōtectum, & sale atque aromatibus delibutum,  
 sepeliunt. Quare circa Myridis paludem cornicis atq;  
 ibidis sepulchra sumptuoso lapide uisebātur. Tantaq;  
 apud Gracos cura sepulturae fuit, ut decem praetores,  
 quod bello nauali apud Arginusas ui tempestatis acti,  
 defunctos in acie nō sepelissent, ab Atheniensibus ca-  
 pitis accersiti, & ultimo supplicio affecti sint. Et Lace-  
 daemonū

Dæmonij dum contra Messenios ducunt, ne milites qui bello ceciderant, insepulti manerēt, tesseras in brachijs insculptis nominibus habuere. Inoleuitque mos Athenis, ut singulae tribus singulas arcas, in quibus cadauera & dispersas reliquias illorum qui bello ceciderant, suæ cuiusque tribus inquisita colligerēt, in expeditione uehiculis ferant. Vnus autem torus constratus inanis ducebatur, illorum qui conquisiti non apparerent: & postquam in publicis sepulchris illa condidissent, ne essent inhonorati, insigni testimonio pietatis in defunctos, solenni oratione de ipsorū laudibus, quod pro patria mortē pugnando passi fuerant, illos magnificis uerbis atque honoribus extulerunt: tametsi ea procuratio funeris, inter pudendas & minime ingenuas artes haberetur. Si cuius tamen ossa cineresq; in alienū sepulchrū deferrentur, illa eruere loci dominus, & sine pontificum decreto aliud transferre non poterat. Est tamen lege cautum, ut locus fulmine ictus, ilico religiosus, & in nullius bonis fiat, quod eum deus consecrasset uidebatur: utque iuxta sepulchrū nouum, propiūsue sexaginta pedes, inuito domino, ades ad mouere non liceat. Ideo inuiolabilia habita, quæ nec præscribi poterant, nec usucapi, sicut nec publica. Et tam Romana lege quàm Solonis, ne quis alienum bustū uiolaret aut deiceret, grauissima fuit pœna interdictum: quare sepulchri uiolari actio constituta est. Notatumq; & illud, sepulchra & loca religiosa ipsa antiquitate sanctiora fieri, eoque diruto nihilominus religiosum locū esse: quippe sepulchrorum sanctitas in ipso solo manet. Sancta uerò dicuntur loca, quæ sacrata legibus plebis suisue sancita, pœnis adiectis, inuiolata manet: siqui-

dem sanctiones aut obtestatione, aut cōsecratione, uel pœnis consecratur. Itaque muri & mœnia ciuitatum, quòd illa transgredi non licet, & tam intra quàm extra pomœrium omnes ab his arcentur, nec cuiquā aedificia illis admouere fas est, augusta & sancta dicta sunt: ideo illibata iuris sanctione defenduntur. Capitale enim fuit, & seueriori pœna coercitum, etiam lege Romuli, illi, qui mœnia transgressus attigisset. Neque mœnia solum, sed ipsum pomœrium, quantumque circa mœnia loci est, quod nec coli, neque arari fas erat, sanctum esse liquet. Tametsi sacra & religiosa, quandoque sancta dicta sint. Leges quoque quarū iussa pœnis & supplicijs, ac religionibus in aeternum coercentur, eo quia non debent pœna sanctione corrumpi, sancta dicuntur: quas breues esse conuenit, uelut monita oraculorū diuinitus missa, ut paucis iubeant, non pluribus disputent, suadeantque magis quàm comminentur: quas quidē Plato iussit esse quàm paucissimas: nam si suo iure funguntur magistratus, nihil opus esse multiplici lege putauit: ubi uerò horum improbitate aliò detorquentur, ex legum multitudine perniciem afferri dicebat. Fuitque opinio Cleonis apud Thucydidem, satius esse malis legibus assuetam ciuitatem non facile mutari, quàm bonis inconstanter uti. Sed tamen leges à populo latae, aliter ratae non habentur, quàm si patres autores fiant, postquam fuit de cælo seruatum: nisi que ad populum prius latae scriba suggerēte, consensu populi, non per uim, iussuque senatus trinundino promulgatae, & per præconem prolatae, iuratae & receptae, in foro propositae, ac in arariū conditae fuissent. Nam sacrosanctū quid fieri minime poterat, nisi per populum plebem-

plebemq; sacratū esset. Ideo consulibus legē Curiatā ferentibus, quia à populo non recepta, sed à tribuno plebis saepe intercessum fuerat, pro lege habita non est. Proditumq; memoria fuit, malos mores optimis ferendis legibus saepe causam dedisse: quia ubi perperā uiuitur, multiplicibus edundis legibus magna datur occasio. Inde apud Aeginetas cautū est, ut qui nouæ condendæ legis causam daret, inuisus omnibus et execrabilis fieret. Sic apud Indos, si quis aliquid perniciosi inuenisset, nisi protinus remedio succurreret, morte plebatur. Quæ quidem leges, licet in æternum editæ, quum aut usus coarguit, aut rerū status facit inutiles, pro tempore mutari & induci, ac facile abrogari possunt. Portæ uerò ciuitatis, non ut mœnia, sanctæ sunt: quia quum per illas defuncta ferantur corpora, sacrosanctas minime putauerunt: quod enim funestum est, id sacrum aut sanctū fieri minime potest: tametsi alia feratur causa. Cū enim urbium conditores mœnia signarent, incincti ritu Gabino, id est, toga reiecta circa humeros, taurū ad dextram interius, uaccā aneo aratro iungebant, stiuamq; tenentes incuruā, ita ut omnes glebæ in interiorem ruerent partem, perfecto sacrificio mœnia signabant: ubi uerò portæ futuræ erant, id loci minime sulcabant, sed aratrum suspendentes, portarū spatia reliquere intacta. Ideo quum mœnia signata solenni sacrificio, sancta sint: portæ, quia signari illas uel sulcari minime decebat, sanctæ minime fuisse: in quo id seruatiū meminimus, ut fruges in subiectā foueam demittāt, & ex uicina terra exaggerent, bouesq; sulcatis mœnibus immolēt. Macedones uerò ubi primum urbis mœnia futura erant, polentā inter solēnia adhibuere.



Quod quidem aratrum nō adificandis modo urbibus, sed illis funditus euertendis inducebatur, quasi segetes ibi mox futuras denotarent. Fuitque constitutum, ut nemo Cæsariū, nisi qui imperij fines propagasset, non provinciali, sed Italico agro quæsito, nationesque signis collatis & iusto praelio perdomuisset, ius proferendi pomærij haberet. In qua re est animaduersum, Syllam ultimum Romanorum, pomærium protulisse: & post Syllam, Claudium Cæsarem terminos urbis propagasse. Si uerò non pomærium, sed templi ambitus & area consecranda forent, eam consecrationem fieri accepi-  
 mus, ut serena luce, omnem aream et spatium uittis coronisque euincirent. Mox milites et Vestales uirgines cum pueris puellisque patrimis & matrimis, ex quatuor fontibus aquam spargerent, boueque & tauro aream lustrarent. Prætorque præsides deos precatus, & magistratus unâ, sacerdotesque & senatus, cum equitibus & populo, saxum ingens fundamentis iniicerent: passimque auri & argenti stipes, & metallorum primitias nullis fornacibus euictas aggerarent. in quo præcipue cauendum, ne saxum, aurumue in aliud opus destinatum, apponant. Notatumque & illud, ut non solum funesti à consecratione & sacris arceantur, sed manci: quique insignes debilitate corporis, aut membro non satis utiles sunt, uelut indigni qui sacra tractarent: propterea M. Sergius ob prauitatem imminutionemque corporis, à sacris ut mancus amotus fuit, quod sacra tractare nequisset. Quod Persis quoque in usu fuisse traditum est, quibus morbo affectum, oculos aut membro deficientem, dominari, uel sacris præesse inhibetur. Quodque res & loca deorum immortalium diui-

diuino cultui mancipata, iussu populi per pōtīfices mutari & transferri, ac profana fieri posse, uerbis conceptis, amota religione, saepe compertum est.

Locus Ciceronis ex Catone maiore de lege Voconia, quæ esset, & quæ Furia, & Falcidia, explanatur.

Caput XV.

CUM Palatini fori iudicia operiremur, & tadio interdum ac mora offenderemur, in bibliothecā pontificum, quæ ibi fuit proxima, saepe diuertebamus: ibiq; in quoscunq; incideramus libellos, uaria lectione cum amicis conterebarum. Cumq; Ciceronis Catonem maiore inibi forte nacti essemus, hæc uerba quæ ex persona Catonis Cicero memorat, in eo tunc pensitabamus: Cum ego quinque & sexaginta annos natus, legē Voconiam magna uoce et bonis lateribus suasisset. Quid Voconia lege quam tunc Cato suasit, tantum fuisset, apud nonnullos qui aderant, querebatur. Et quum ex nostratibus homo quispiam fori & iudiciorum non ignarus, idem quod Furia & Falcidia, Voconia lege cauere respondisset, ne scilicet testatori ex bonis suis ultra dodrantem legare liceret: utque quarta hereditatis pars scripto heredi saltem maneret incolumis: sepiusque hanc legem abrogatam noua constitutione excitatā esse, & pleraq; induceret: dixi ego indubio errore labi illos, qui idē Voconia, quod Furia aut Falcidia statutū fuisse contenderent: quippe Furia & Falcidia, contra legis xij. tabularū antiquissima decreta à principio lata fuere. Quū enim duodecim tabulis quomodo uolet, & cui quantumque uolet, de bonis disponendi, illaq; siue institutionis, siue legati iure relinquendi, data facultas foret: postea lege Falcidia & Furia,

ut nisi ad dodrantem legare liceret, statutū fuit. Inter-  
iectis inde temporibus, Q. Volumius Saxa Tri. pl. tulit  
ad populum, ne quis heredem mulierem faceret: coer-  
citæque eo plebiscito mulierum hereditates sunt. Mox  
lege Voconia, quā C. Voconius Aricinus Tri. pl. tulit,  
fancitum fuit, ut non fœminas modo, sed ne quis census  
heredem etiam unicam relinqueret filiā, quam legem  
Cato persuasit: quo quidem plebiscito, ne liceret legare  
mulieribus ultra quadrantē, sub graui documento ue-  
tabatur: nam quum solidæ hereditates, & magna pa-  
trimonia mulieribus assiduè legarētur, prorsus ut ad-  
mirabile uideatur, quantum mulierum opes heredi-  
tatibus accrewissent: quum obuiam eundum putarent,  
ne tā immodicæ largitiones mulieribus fierent, quibus  
temerè abutebantur, cautum fuit lege Voconia, ut non  
ultra quadrantem, hoc est, quartā hereditatis partē, mu-  
lieribus ex quouis peculio obuenire posset. Lege autē  
Falcidia nō quadrantem, sicut in Voconia, sed ne ultra  
dodrantē in legatis cuius absumere potestas foret, ca-  
uebatur, ut saltem quarta pars hereditatis et bonorū,  
heredi scripto, qui in bona & nomē adscitus erat, ma-  
neret incolumis. Quod enim Voconia lex mulieribus  
tantum interdixit, ne ultra quadrantem legaretur, lex  
Falcidia ad omnium hereditatem extendit, cauens ne  
ultra dodrantem, hoc est, nouem uncias testatori in le-  
gatis absumere facultas foret. Post aliquot uerò atates,  
quum multi adulteri præteritis liberis, integrum assem  
mæchis testamento relinquerēt, Domitianus Cæsar sa-  
lubri constitutione, probrosis fœminis quæ mæcharen-  
tur, ius capiendi hereditates legataque ademit, nè ue-  
lesticis uectarentur, inhibuit. Quod autem uerbis le-  
gis

gis cauebatur, ne quis census heredem etiam unicā relinqueret filiam, census is dicebatur, qui multam pecuniam & ultra centum millia nummum in possessione haberet: nam cui multæ essent pecunia, multi census aestimabatur. Verba uerò legis duodecim tabularum, quibus libera facultas disponendi testatori datur, hæc fuere: Vti legasset sua rē quisque, ita ius esto.

Quid responderim Hieronymo Massiano, cur in eodem forem status semper, quum ad honores admitterentur alij. Caput XVI.

DEMIRABATUR aliquando Hieronymus Massianus, uir multæ eruditionis, & in studiis bonarū artium nō minus, atque in rerum actionibus uersatus abunde: cur, quum plurimos futes & ignauos ad honores & sacerdotia promotos, magnosque & opulentos quotidie uideat, me tamen ipse in eadem fortuna eodemque semper tenore aspiceret: cui mercedem laborum studiorumque deberi putaret. Quotiesque in eos sermones uenit, obiurgabundus & commoto similis, meam segnitiam accusabat: increpitaque ignauia, Tantis tu (inquit) laboribus tam diu nihil sapere didicisti? Cumque me nō nimis laborare, & mea sorte & parabili fortuna contentum respondissem, is ut me erigeret, languentemque spem excitaret, consilium dedit ut facerem, quod quempiam hominem astu & insigni arte longè clarissimum fecisse comperit: qui quum nullis bonis artibus ad pontificatum obrepere posset, dolia uini præcipui pleraque mercatus, ea pontifici dono dedit, suspicatus fore id quod euenit: quo maximè munere effecit, ut proximo senatu multo ampliora tulerit: nanque & honoribus & pontificio donatus postea fuit.



Aliosq; referebat homines despectissimos turpissimof-  
 que, qui prædæ et rapinis assueti, pecunias siue iure, si-  
 ue iniuria calamitosas erogatas, aut ui extortas, ad fi-  
 scum conferebāt: quibus artibus effecere, ut clari præ-  
 potentesque euaderent. Aliosque ignobiles & obscu-  
 ros sortis infimæ atque è cæno emersas, ut aiunt, quum  
 permodica re familiari essent, & gratia pollerēt, tan-  
 tum ualuisse, ut ad sacerdotia & pontificatus, quū mul-  
 ti clari & disertis uiri concurrerent, omnium suffraga-  
 tione ceteris prælati sint. Innumerosq; referebat alios  
 moribus perditissimis, qui sceleris magnitudine ex in-  
 fima fortuna, ad honores obrepserunt. Memoria teneo,  
 quum pueris nobis quidam magna doctrina, & in pri-  
 mis honestus uir, nō minus græcè quàm latinè doctus,  
 nihil præsidij, nihil sibi opis ad degendā uitam parare  
 potuisset, uitamque admodum tenuem & anxiam du-  
 ceret, cū inuidiosos mores cerneret, ac probitati præclu-  
 sam uiam, & quid sibi faciundum esset animo uolue-  
 ret, ut aliquod in posterum uitæ subsidium parare pos-  
 set, eò uesaniæ processit, ut coactus inopia, obscænis &  
 libero homine indignis artibus uacaret: (quibus uerò  
 artibus, non libet dicere: ita fœdæ & pudendæ sunt)  
 confecta q; fuit sibi res ex sententia: namq; haud multo  
 post, & sacerdotio & opibus auctus, affluēs & bea-  
 tus tranquillissimè uitam egit. Adeo despecta fortuna,  
 ubi nullus honos uirtuti est, extrema experiri aliquan-  
 do cogit. Quibus ego exemplis admonitus, uehemēter  
 animo cōsternatus sum, ne quando ut eiusmodi hono-  
 res appeterem, subirem scelesti consilij & conscientia  
 notam. longe igitur multumque præstat, satiusque fu-  
 it, uti ingenio meo, uacuumque his molestijs, modico  
 civili-

civilique cultu contentum esse, neque in ambitonem non necessariam incurrere, quàm bona animi, si qua sibi homo studio & labore parauit, ea turpi quæstu pessimo exemplo fœdare.

Quibus ex causis onare ducibus licebat, & in quibus ouatio differt à triumpho. Caput XVII.

ROMANI duces, qui in hostes uictoria tulere arma, si minus ea quæ gesserant, triumpho digna forent, ut tantum ferret honoris, persæpe quum domum reuertissent, minoribus triumphis & ouatione honestati sunt, quam Græci uà nuncupant. Cause uero ouandi, nec triumphandi, hæ ferme traduntur: Si non debellati hostes penitus, sed solum pericula depulsa sunt: fusique & fugati, perculsi & consternati, aut à populationibus coerciti, non autem multis & magnis cladibus affecti forent. Si ignominia tantum acceptæ cladis eleuata, uel paululum laboris admissum, aut non in sua & sibi constituta, sed in aliena prouincia res gessissent. Qui enim alieno auspicio res gesserunt, de prouincia triumphos agere non poterant. Si nondum pacata prouincia, reliquæ bellorum superessent. Si bella non rite indicta, uel cum hoste non legitimo, sed populo Romano indigno, ut cum seruis, piratis & fugitiuis bellum fuisset. Vel si deditioe facta, mediocri certamine, & incruento prælio pugnatum esset. Aut si ex prouincia exercitus non deportatus, nec successori traditus foret. His omnibus ouare, nec triumphare legitimo triumpho permissum est. Primus enim Posthumius Tuberius traditur, qui bello Sabino uictor, quod haud multo negotio hostem fuderat, urbem ouans inijt: inde institutum, ut ob præmissas cau-

fas ouatio detur, non triumphus. Pompa uero & ap-  
 paratus, idem fere ouantis qui & triumphantis, sed  
 tamen minor perhibetur: nam & uniuerso senatu, &  
 omnibus ordinibus obuiam effusis, paratu magno ur-  
 bem inibat. Et oppida bello capta, signaque militaria,  
 spoliaque & captiua arma, muneraque quibus do-  
 natus fuerat, præ se gerebat. Tum duces bello capti, et  
 obsides dati, bellorum machinae & currus, uasaque  
 aurea & argentea, ac quicquid pecuniarum ex ma-  
 nubus & præda exactum foret, etiam corona oppi-  
 dorum, quibus à socijs honestatus fuerat. Tum si qui  
 milites donis militaribus, torquibusque & armillis  
 donati essent, pulcherrimo comitatu præcedebāt. Ipse  
 uero dux, cui ouandi honos datur, myrtea insignis co-  
 rona sceptrum manu tenens, non triumphali picta uel  
 aurata ueste, nec curru quadriūgo, ut triumphantes,  
 sed purpura decorus, insidens equo. Neque senatu sub  
 prætextis iuxta currum, triumphantis more, sed eo sub-  
 sequente, sola plebe & equestri ordine, aut equitibus  
 præeuntibus incedebat. Sed notandum, eos quibus o-  
 uandi dabatur ius, priscis seculis sine exercitu aut le-  
 gionibus urbem pedibus inuissse: lapsis postea tempo-  
 ribus, ut equo ueherentur, morem præualuisse: ex quæ  
 duobus imperatoribus, rebus bene gestis, alteri trium-  
 phum, alteri ut ouans urbem iniret, datum esse. Cum  
 Lucretio Tricipitino Veturius consul de Volscis &  
 Aequis triumphauit: sed alteri, ut curru quadriūgo  
 triumphantem legiones sequerentur: Veturio uero, ut  
 sine legionibus, ouans equo ueheretur, à senatu datum  
 fuit. Bello etiam Punico secundo, Marcus Liuius &  
 Claudius Nero de Hasdrubale & Pœnis triumphab-  
 runt:

rant: sed Liuius curru triumphans cum legionibus, Nero autem sine exercitu equo urbem inisse proditur. Interdum uero ouantes lauro, non myrto coronatos inuenimus: siquidem Marcus Crassus de fugitiuis & Spartaco, quos collatis signis uicerat, ex consulto senatus, lauro coronatus ouasse traditur. Et Tyberius Cæsar quum de Vindelicis mæsta ciuitate propter repentinum incommodum, triumphare nollet, non equo, sed curru cum triumphalibus ornamentis lauro ornatus, ouans ingressus est. Turmas quoque equitum non lauro, sed olea ornatas, cum militaribus iocis & uersibus inconditis ouāti præcedere, non subsequi, ut in triumphis solet: neque ouantes candidos tauros aut boves mactare, ut erat triumphanti mos, sed coronatas oues ante se agere, illasque exacta pompa, immolare compertum est, quare ouationem dixere: neque clangentibus tubis, ut ille Martius triumphus solet, sed modulantibus tibys deduci. Illud quoque notatum perhibent, tam in maioribus quàm minoribus triumphis, nisi quibus præcipui honoris aut priuilegij prærogatiua indultum fuisset, ut equo uectarentur, omnes qui ouanti aut triumphanti prodirent obuiam, qui que erant comites, pedibus & non equo incesisse: quod longo post tempore obseruatum māsisse in triumphali pompa, multa documenta sunt.

Qui erant tribuni militum in Romanis castris, quæ uel potestas & officium foret, aut iurisdictio. Caput XVIII.

TRIBVNOS militum qui castris & legionibus præerant, imperium in milites habere, exercituique & summa rerum præesse, ferè peruulgatum est. Qui tametsi à primis originibus terni ex singulis tribubus,



Ramnensi, Titienſi, & Luceri crearentur: tamen militari lege, ut ſingulis quatuor legionibus ſeni ac deni tribuni præſſent, ſancitum erat. Qui licet à cōſulibus & ſummis ducibus antea eligerentur, poſt aliquot ætates ut militari ſuffragio & prærogativa crearetur, militibus munus datum fuit. Lapsis mox temporibus, ut populi ſuffragio & tribuni rogatione fierent, lege cautum fuit: ex quibus qui à cōſulibus creabantur, Ruſſuli, mox Rutuli nūcupati, eo quod Rutilius Ruſſus cōſul de illorum imperio primus tuliffet. Aliorum uero tribunorum militarium duo fuere genera: aut enim ſuffecti erant, aut comitiati: Suffecti, militari ſuffragio in caſtris: Comitiati uero, populi iuſſu comitijs creabantur. Demum ſequuti Cæſares, tribunos ipſi delegere, homines inſigni teſtimonio, in quibus eſſet ſpecimen magnæ & expertæ uirtutis. Quare Hadrianus Cæſar uiros ætatis exactæ & ſummæ prudentiæ, doctos ætate & uſu, ad tribunatum euexit: uetuitque edicto, ne imberbis adoleſcensue, tribunus fieret. Fuitque priſci moris, ut quum princeps ad tribunatum quempiam eueheret, gladium illi in manu traderet: quo ſignabatur, in milites iure militari habere imperium. Cuius edicti uerba ſic habent: Milites quibus inſi erunt, parento. eorumque tribuni ſunto: & infra. Huic Lacones & præſidi præfecto harmoſten dixere nomen, qui magiſtratus ſemeſtris erat. Illorumque præcipuum munus, caſtrorum & exercitus curam agere, ne ſine munimento, ſine cuſtodijs ſint: peruigiles excubias iubere, ne quid occulto ſpeculatu hoſtes moliri poſſint: in primisque milites ad ſolenne iuſiurandum adigere: neque enim militi arma capere fas erat, ni prius

prius apud tribunum legitimum praestitisset iusiurandum: qui etiam in castris iura dabat. quoque in promptu essent & nihil moraretur imperium, illorum statio in castrorum principibus erat, ubi tribunal habere & iura dare assuerant: quibus non uirgas, ut consuli aut praetori, sed ad terrorem audacia, uites lictores praeferebant: contumacesque milites Romani uel Latini nominis, iussa minus exequentes, non uirgis, sed uitibus per centuriones: externos uero fustibus pledebant. Alexander tamen Seuerus tribunis non lictores aut apparitores, sed milites anteire iussit, quatuor tribuno, sex duci, decem uero legato. Eratque militari lege cautum, ut si miles dum caditur ob crimen, uitem frangeret, aut centurionis uel tribuni manum teneret, de gradu deiectus, militia amoueretur: si autem uiolentas manus inferret, capite lucret. Cumque reliqui milites passim ferreos haberent annulos, tribunis tamen, centurionibus & legatis, aut his quibus ordo & imperium erat, aurei dabantur. à quibus siue in hostes ducere, siue castra metari, siue in prima acie & fronte locari, aut in subsidys poni, uel in stationes & uigilias ire conueniret, tesseram milites petebant. Ipsi uero ab imperatore, quod dari oportebat, signum assumebant: copiasque equitum & peditum, quoties dimicandum erat, ornari & instrui, atque in aciem educi iubebant. Milites quoque in conflictu praeliorum, singulos & uniuersos hortari & monere, atque in cessantes animaduertere, tribuni proprium munus erat. Missionem quoque militibus perfunctis militia, si causam probarent, ex autoritate & iussu consulum dabant. Quod Fuluius cohortem legionis, in qua tribunus erat, sine

iussu consulum missam fecerat, Q. Fulvius Flaccus censor illum ararium fecit, & senatu amovit. Si qui tamen post missionem studio pugnae militare cuperent, nisi secundo sacramento adscripti essent, arma sumere & merere, aut in hostes tendere nequibant. Marcellus notavit tribunorum militum officium esse, milites in castris habere dicto audientes, & intentos imperio, ad exercitationes deducere, in stationes mittere, claves portarum suscipere, ne occulta colloquia serant, neque quis auctor novi consilij cum hostibus moliri quid possit, stationes, vigiliis, munitionesque ne infrequentes sint, nonnunquam interdum, saepius noctu circuire, milites singulis momentis instructos paratosque habere, siue pabulatum, siue frumentatum vadant: praesertim si in procinctu hostes sint: exploratoque in hostes ducere. Cumque frumentum militibus admetitur, ne quid minus aequo impartiant, interesse, neque perniciosa fame, aut inopia afficiantur: utque preparati commeatus abunde sufficiant alimentis, ne arma, viri, equi aut pecunia desint, cum imperatore multo ante praevidere: nam Romani duces rationem commerciorum praecipuam habuere semper: castris locum capere, valetudinarios inspicere, sauciorum curam agere, nomina militum memoria tenere. Quippe imperatorem aut tribunum ignorare milites, pudenda inscitia est. Neque aliud Othonem ad imperium euexit, quam quod quenque militum, in agmine, in stationibus, in itinere nomine compellabat suo, ex hoc gratiam & studia hominum assequutus. Querelas quoque militum audire, illorumque delicta militari lege plectere, infidum damnosumque militem militia gradu deicere.

tribun-

tribunorum potestatis est. Fertur tamen Aurelianus  
 Casar tam seueræ disciplinæ fuisse, ut tribuno per epi-  
 stolam mandarit, ut militum manus contineret, ne  
 quis pullum aut ouem raperet, aut uiam ex uineis, aut  
 ex segete spicas: ut arma tersa, calceamenta fortia, ue-  
 stis noua, equus defricatus, & mulus centurionatus  
 foret. Fuitque antiqui moris, ut miles in castris ad cen-  
 turionem, centurio ad tribunum, mane salutatum ua-  
 dat, & ad edictum præsto sit. Ac licet tribunis mili-  
 tum centuriones subsint & decuriones, ipsi tamen  
 legati imperio parent. eratque militari lege cautum,  
 ne quis ubi tribunus militum fuisset, postea ordinum  
 ductor esset: nanque centurio, decurio & ordinis du-  
 ctor tribuno inferiores sunt. Alexander uero Macedo  
 tanti tribunos & decuriones fecit, ut neminem nisi  
 sexagenarium ordines ducere sinerit. Hoc quoque no-  
 tatum est, eum qui præconium faceret, inter decurio-  
 nes admitti non licere, & multo minus inter tribu-  
 nos. Si tamen antea præconium fecisset, & postea ar-  
 tem desuisset, ad decurionatum admitti poterat, ad  
 tribunatum non utique. Insuper obseruatum, ut si  
 quando in aliquos iusta mouenda forent arma, sena-  
 tum per tribunum militum de bello indicendo ad po-  
 pulum sæpe tulisse. Quodque ueteri instituto ad tri-  
 bunatum admitti nemo poterat, nisi prius alam du-  
 xisset: neque alam ducere, nisi cohorti præfuisset: si-  
 quidem cohors erat ala inferior. Tribunatus uero le-  
 gionum, post alam conferri darique consuevit.

Quiludi scenici, qui Megalenses, qui Taurij, Compitalij,  
 Inuenaes, & Honorarij fuerint.

Caput XIX.



INTER spectatissimos ludos, qui plurimi Rômæ fuerunt, Romani ludi à regibus instituti primum, qui & Magni, & Circenses dicti, præcipui semper habitusunt, Ioui, Iunoni, & Minervæ celebres: nam singulis dijs singuli erant dicati ludi: quippe uenationes & munera Saturno, scenici Libero, Circenses Neptuno: alijsque alijs numinibus dabantur, quos ad placanda numina unà cum sacrificijs, cumque cantu & tibia celebrabant, prætoris edicto id decernente in hac verba: Ludis publicis, quod sine curriculo & sine corporis certatione fiat, popularem letitiam cantu, fidibus & tibijs moderanto, eaque cum diuino honore iungunto. & infra. Quos etiam, urgente bellorum tumultu, prætermittere duxerunt nefas. Quum enim secundo Punico bello externis hostibus Italia affligeretur, & cuncta bello arderent, eosdem magnifice apparatusque factos, & in plures dies instauratos: oleique congios in uicos datos fuisse comperimus. Postea cōfectis bellis & rebus contra Samnites gestis, magnifice Romanos faciendos curasse: illosque coronatum populum spectasse, uictoribusque palmas, è Græcia translato more, atque epulum ludorum causa ædiles dedisse, Titus Livius auctor est. Fuere quoque ludi Magni, quos post pugnam ad Trasimenum uotos inuenimus, æris trecentis triginta tribus millibus, bobus albis quadringentis, multisque hostijs & alijs diuitijs clari, quos à Marco Acilio consule in apparatu belli contra Antiochum iterum uotos, & magno sumptu exolutos, ac dies decem continuos celebratos tradunt: in quorum celebritate, præcipua per singula puluinaria mittebantur munera. Anno inde ab urbe ferè quadringentesimo,

tesimo, quum uis morbi ingens urbem peruasisset, & graui cælo uulgarentur morbi, tantaque tabes & uis mali ingrueret, ut nullum pestis suffugium foret, quum ope diuina luem minime leuari crederent, uictis superstitione animis, scenici primum ludi apparatu magnifico facti sunt: quos ludiones ex Hetruria, motibus non indecoris, uersibus ridiculis cum cantu & tibicine adhibitis histrionibus, saltantes celebrarunt. Eosque ab adilibus curulibus secundo Punico bello, per quadriduum instauratos, ac noctu luminibus accensis celebrari, missiliaque uarij generis spargi, autores memorant: in quibus inter ludicra scena, comædia representari solebant, multis fabularum argumentis & apparatu uario, quarum sex fuere genera: nanque ex his alia stataria, alia motoria: aliæ togatæ, nonnullæ palliata, pleræque prætextata, aut Atellanæ. Eratque constitutum, ut comædi cum soccis proscenia inirent, actores tragædiarum cum cothurnis, planipedes excalceati: scenici certatores nudi, circa pudenda tantum uelati. Utque ad ostentationem scenæ, in argumentum fabulæ pro personis quas gerebant, uarios amictus induerent: quippe Agamemnon sceptrum ferebat, pellem bubulcus, Achilles arma, Telephus penulam & peram: ita ut pro fabulæ argumento congruens apparatus fieret per artifices scenicos, qui imitarentur affectus. Utque in scena quinque tantum seruarentur actus: nam scenico ludioni quinquies prodeunti, ultra prodire non licuit: quod in tragædia quoque seruatum est, ut non plures quam quinque personarum actus fierent. Utque finito argumento, & scena personis uacua, chorus & tibicen introducatur. In ueteri uero

comœdia seruatur, ut primarum partium communes actiones sint, aut gesta militia, domique: postremarum uero, conuiuia, cantus, potiones, & lusus. Postea, seu ob morum prauitatem, seu quia mali exempli ludi erant, perniciemque ciuibus afferebant, ita scenicos infectati sunt, ut Scipio Nasica in censura scenicos ludiones tribu mouisse, & ararios fecisse dicatur: licet institutum foret, ut actores Atellanarum tribu non mouerentur, sed stipendia facerent & mererent. fuitque uetus mos diu seruatus, ut primitiæ spectaculorum à ludicris scenicorum choreis inciperent. Cumque Idæam deorum matrem ex Pessinunte Romani aduocassent, præter munera & apparatus magnificentiæ, ludos in honorem deæ instituerunt, qui præcipui inde habiti sunt, quos Marcus Iunius Brutus cum templo in Palatio dedicauit, qui etiam scenici dicti: illosque Megalenses appellarunt, illorumque curam ædiles gerere, ac ueris initio prælata diuitiarum pompa celebrare: permissaque ludendi licentia, personatos iuuenes, magistratum priuatorumque munia & personas, & facta dictaque imitari: & ante deæ simulachrum ludere, matronasque spectatæ pudicitia in his psallere, memoriæ datum est. Quibus diebus Romanæ consuetudinis erat, conuiuia & sodalitates inuicem agere, & comessari, uictu tamen frugali & modesto, nec die tantum, sed noctu epulari: nanque hi ludi præcipue casti, magno fauore spectantium conspicui erant, ad quos seruos adire non licebat: illosque prætores & magistratus purpurati, in toga & prætexta, atque in ornatu maximo celebrarunt: quare purpura Megalensis, in uulgi prouerbiū uenit. Quibus diebus sti-

pem

pem cogere, Idea matris familijs proprium fuit, quod  
 edicto cauebatur his uerbis: Prater Idea matris fa-  
 milias, eosque iustis diebus, ne quis stipem cogito. Et  
 infra. In quibus fuit constitutum, ut patritij Megalen-  
 sibus motitarent, plebs uero Cerealibus. Prater hos  
 fuere Taurij dijs inferis consecrati, quorum origo fer-  
 tur antiquissima: quum enim regnante Superbo, uis  
 morbi Et insanabilis perniciēs per omnes Urbis re-  
 giones Et compita peruagata esset, assiduisque fune-  
 ribus exhausta ciuitas foret, atque ob esum carniū  
 taurorum pestifer annus grauidas mulieres ita affe-  
 cisset, ut sisti pestilentia nequiret, in deorum inferorum  
 placamenta hos ludos concelebrarunt: qui Taurij di-  
 cti, quod ob taurinae carnis morbum, inuenti primum  
 concelebratique sunt: in quibus metas circuncurrere,  
 uelut in Circensibus seruatum est. Compitalitios uero  
 Laribus, quos bis in anno uernis aestiuisque floribus  
 ornabant, dicatos plerique autumant, quorum origo  
 ab ultima antiquitate fuisse proditur. Cum enim Pri-  
 sco Tarquinio regnante, in foco genitale repente ap-  
 paruisset, quo in sinu admoto, mater Seruij Tullij O-  
 crestes, stupens miraculo, haud multo post Seruium  
 Tullium enixa peperit, qui mox regno successit: Et  
 quod puero caput arserit, Laris filius esse creditus est.  
 inde Compitalitij ludi primum instituti inuentique  
 fuere: quos per uicorum magistros fieri, Et in compitis  
 celebrari, ac per multum temporis desitos, quum so-  
 lennia ludorum intermittere nefas esset, post L. Lu-  
 sellum Et C. Marium consules à L. Pisone reuocatos,  
 Et magno apparatu instauratos memorant: qui postea  
 non per uicorum magistros, sed praefectos uicorum



celebrari cæpti, & demum sublatis collegijs, haud multo post discufsi fuere. Tametsi ab Atheniensibus primum institutos Compitalitios nonnulli credant, in quibus præmium uictori hircus donabatur: post quos, iuuenales, funebres & seculares, uario & solerti ingenio inde recepti paratiq; sunt: in iuuenalibus enim, licet iuuenum causa instituti forent, in hisq; adolescentibus per lusus & lasciuiam admitterentur, plerunque tamen anus & grandæuas natu matres, senesq; ingrauescenti etate, ludis admissos comperimus. Lusus erat quem ludebant, turmæ puerorum primo ætatis flore, & iuuenes generosi spiritus, ut equis instratis, hinc inde dispositis turmis, tanquam acie instructa, composito agmine, in iusta modum pugna cursitarent: speciemq; prælii, modo in occursum eundo, nunc à tergo & in gyrum occurcando, præberent: & campe-strem incursionem facerent, specimenq; magnæ indolis, & commendationem ineuntis adolescentiæ præse ferrent, ita ut qualis quisque futurus esset, cuiusq; spei, facile eniteret. In his quoque pyrrhicham saltari accepimus, quæ integris Urbis moribus, magno fauentium studio fiebat: quæ primum inuenta fertur in Creta: nonnulli à Laconibus, ad res bellicas facile obeundas, ut armati leui flexu & saltu, nunc se cōtrahendo, nunc in altum exiliendo, nunc declinando, tela & plagas uitarent, disciplinamq; edicerent: quæ enoplia saltatio dicta est, quam Trāquillus Troiam nuncupauit: idq; à Romulo institutum ferunt; ut cum armis saltarent milites, saltatione, quam bellicrepam dixit. Sicut in Panathenæis armatos pueros saltare uoluerunt: in quibus pueri puellæq; forma conspi-

cui,

cui, manibus amplexi, nunc in orbem, nunc in obli-  
quum per diuersos flexus pyrrhicham in theatro sal-  
tabant. Postea uero Gaditani modi & molliſſimæ sal-  
tationes, quum eſſent minus notæ, inuenta ſuere, in  
plures diuiſæ ſpecies: in cheronomiam, quæ manuum  
geſtu: halma, quæ pedum: lactiſma, quæ calcibus ad  
humeros iactis ſaltabantur. quorum inuentores Iones  
ſuiſſe dicunt, unde geſtus quoque pantomimi fluxere:  
in quo id fuit conſtitutum, ut in cheronomia aliꝝ ge-  
ſtus ſubiti, aliꝝ miſerabiles, aliꝝ longi nomina ferrent,  
Funebres uero ludos etiam inter ludicra ſcenæ exhi-  
beri accepimus, & poſt ludos epulum datum. quibus  
qui præerant, designatores dicti: in quibus gladiato-  
rum paria, qui uenalem habet sanguinem, modo plu-  
ra, nunc pauciora, nonnunquam familia lanistarum  
ad gladiaturam comparata, digladiari, uulneraque  
& cades accipere ſolebant: quos in defunctorum il-  
luſtrium memoriam ea de cauſa inſtitutos ferunt, quod  
quum hoſtes bello uicti, ſeruique ad ſepulchra ſum-  
morum ducum olim ſæue ingularentur, & ſanguinem  
effunderent, idque poſteris ſæuum & inhumanum  
uideretur ſcelus: cautum fuit, ut ſæua illa deſita con-  
ſuetudine, ſerui libertique, & damnati capite, ac gla-  
diatores buſtuariꝝ, qui uenalem habent ſanguinem,  
uſu armorum & aſtu eruditi, conſucti precio per la-  
niſtas, digladiarentur: in quibus in amulationem cer-  
tamenque uirtutis, licet dimicatione pernicioſa, ul-  
nera acciperent darentque, & ferro decernerent: in  
qua ſi quis forte ſuccumberet, mercedem lanista per-  
diti gladiatoris accipiebant. Athenienſes uero fures  
& ſicarios pecunia comparatos, armis inſtruebant,

quos, ut in scena dimicaret, inuicem committebant: apud quos usus obtinuit, ut imperatore uita functo, duodecim captiui ad sepulchrum iugulati, tumulentur una. Quæ munera licet summæ immanitatis forent, duces in bellum profecturi, Romæ plerunque populo exhibuere: scilicet ut uulnera cernere assuescerent, cædesque & prælia non formidarent. quibus certa lex data, ut multo grauioribus armis pugnare discant: utque diutius in pugna simulachris armati, assuescant, ut in patientia laborum educati, in conflictu pugna minus laborarent, neque ut tyrones corporibus animisque deficerent. Utque lanistæ cum hastis & rudibus primo introducantur, mox gladijs decernant, ad præliumque incedebant tunicati. Utque ante congressum multa fiant, quæ non ad uulnus, sed ad speciem gesticulationis, & motus agilitatem isticantur: procedente mox pugna, ut nudi digladiantur, neque in uulnere ingemiscant, neque iniussi decumbant. neque postquam decubuissent, ferrum accipere iussi, segnes & cunctabundi accipiant, aut retractent. Ad quod certamen insignes nobilitate & opibus, neque obscuri generis homines plerunque prodire: nam & Nero Cæsar CCCC. senatores, & DC. equites ad ferrum exhibuit. Et Domitiani temporibus, nobiles ad specimen uirtutis ostendendum, in arenam prodire non dubitarunt, qui non uirorum modo pugnas, sed fæminarum, noctu commisit: donec cautum fuit, ne equites Romani ludo & arena polluerentur. Primus enim qui gladiatorum edidit munus, Iunius Brutus, in honorem defuncti patris, fuisse traditur. Alij Appium Claudium & Fuluium consules in foro Boario gladiato-

atores commisisse primos asseuerant. In quo præter apparatus magnificentiæ, immanissimas feras, hominesque, qui cum his concurrerent, ad pugnam exhibuit. Ad quos matronas admitti erat lege uetitum, ne immanitati aut feritati assuescerent: sicut ab athletarum spectaculis, muliebrem sexum Augustus auocauit & dimouit. Non sic Cretensibus: qui præcipuas & magno natu mulieres ad gladiatorium munus adnitebant: & Sparta nulla est tam nobilis mulier, quæ precio cōducta, non ad scenam prodeat. Cumque antea gladiatorij ludi imperatorum munus foret, Claudius princeps, ut pecunia quæstorum fieret, cavit edito: quos propter cades & immanitatem, quodque mali exempli essent, postea edi prohibuit. Et quia nonnulli inopes & modicis facultatibus, sordida mercede conductos gladiatores ad ferrum exhibebāt, Tiberio imperante, senatuscōsulto cautum fuit, ne quis gladiatorium munus daret, cui minus quadringentis millibus census esset. Post aliquot uero ætates Theodoricus Gothorum rex, ita gladiatores odio prosequutus fuit, ut optantibus Romanis, non modo illos denegarit, sed nūquam postea edi permiserit. Fuitque in usu, ut in Funebribus essent spectatores penulati, quum in cæteris rogati conuenirent. Seculares uero ludos, quod singulis centumdecem annis, uel quod semel tantum hominis ætate fierent, dictos accepimus. Nam seculum ueteres hac finitione terminarunt. Alij nisi decurso trium ætatum spatio, seculares fieri negauerunt: qui supra Tyberim, sæpius in Capitolio, magna frequentia & fauore sunt edi soliti: ad quos licet præco inuitaret ad ludos, quos nec uidisset quisquam, nec uisurus



litate, praturam uel consulatum euectus erat, ad conciliandum populi fauorem maxima hos letitia coluit & celebrauit: in quibus elephantorum & leonū pugnās, aliarumque beluarum uenationes frequēter exhibitas inuenimus. Primus enim Scauola in curuli adilitate leonum pugnās dedisse fertur, mox Pompeius iūbatos trecentos quindecim, Cæsar quadringentos: donec senatusconsulto cautum fuit, ne Africas in urbem inueherent. Contra Cn. Aufidius tribunus plebis nam Circensium causa importari iussit. Postea Augustus tigrim, & Domitius Aenobardus centum ursos Numidicos in adilitate, & totidem uenatores Aethiopes dedit. Hæc enim expectatio munerum, quātum studiū & fauoris ad conciliandum populariū animos attulerit, quā magnifico sumptu exhibita fuissent, enarratu difficile est: siquidē qui illa ample & largiter dedissent, aut qui munificentia reliquos anteissent, facilimos aditus ad honores, consulatus & praturas, reliquosque magistratus, proximis comitijs habuere: quorum cura & procuratio præcipua adilium erat. Et qui illos ob socordiam prætermisisset, populare odium & offensam haud dubie incurrit: & uelut sordidus & parum ciuilis, est pro despectissimo habitus. Mamercus enim homini ditissimo, quod adilitatem, ne sumptus in exhibendis ludis faceret, assequi non curasset, in consulatu repulsam tulit. In his enim res commentitias, fabellas & scenas representare, tum monstra et uisu incognita, uenationesque & pugnās populo dare assueant: ad quas mulieres descendisse, & cum immanissimis feris sæpe depugnasse comperimus, tanto omnium studio, ut triginta & amplius dies, sepositis negocijs,

Romani ludis impenderent: quos postea Augustus coarctavit, ne ludorum celebritas nimium diu actus forenses & negocia moraretur. Theatrales quoque ludos in Liberi patris honorē inuētos fuisse, omnes ferē consentiunt: quos ab Atheniensibus originem duxisse ferunt, qui primi Nouembri mense Bacchanalia & ludos gymnicos ac Liberales celebrarunt, tanta licentia, ut nympharum & heroum habitu bacchantes prodirent in forum, & ad sonum tibie cum lasciuia gestulatione compositis modis psallerent, uinumque cum bellarijs, libaque ex melle, magna bibendi licētia circumferrent, quos plerunque populus coronatus spectauit. Quæ sacra præterquā quod per anum deliram & temulentā indicerentur, eō insolentia processere, ut mulieres uiri que ornati hedera, crine fluxo, lymphatis animis debacchata, cum thyrsis uelut insanientes & furore afflata obuios ferirent: ministri quoque phanatici non minore uesania ferulas gestarent, tanta temulentia & uerborum licentia, ut Marcus Varro, nisi ab amētibus fieri potuisse negaret: quare ministra, Mæna des dictæ, inter quos Sileni, Satyri, Bacchæ, Lenæ & Chiæ, Mimallones, Naiades, Nympha & Tityri, sacris operabantur. In his quoque comessationes, thyrsi, tibia & cantus frequentes erant. Et quoniā ad animæ purificationem pertinere dicerēt, etiam uannum quo triticū purgatur, & ouum sphaerali figura adhibebant. Quæ sacra procedente tempore, quum ex diurnis nocturna fierent (unde Nyctileia appellata sunt) promiscuus ingenuorum & fœminarū stupris, cum strepitu & ululatu in omne facinus & libidinem, perpetuo senatus consulto, nō in Vrbe modo, sed per omnem Italiā coercita

cita fuere: maximisq; pœnis inhibitum, ne Bacchanalia Roma, nèue in Italia fierent, quum in contubernio sordidissimorum patrarentur, essentque maximorum scelerû causa et seminariû. Apud Thraces Orgia Bacchi ab Orphed instituta, nō nisi à menstruosis fiebant. Euianes Bacchi festa celebrant, in quibus ludiones primo, mox spectatores multo uino epoto, ad arma cōcurrunt. A Babylonijs quoque festus dies Baccho plurimo mero exhausto colebatur, in quo noctem perēnem lasciuis gesticulationibus & largiori potu indulgebant. Apud Eleos bacchæ Dionysio psallentes modulata uoce, precantur ut bouino pede ad se accedat. Lauini integer mensis Libero dicabatur, quibus diebus obscœnis uerbis & spurcissimis uti permissum: quod Heliogabalus instituisse fertur, ut in uindemiarum festo multa impudica & obscœna iactarētur in dominos: id quod nostrates seruare etiamnum solenne habent: donec per forum uirile membrum plaustro transueherent, cui matrona spectata pudicitia uelut sancto numini coronā imponebat. Quod etiam Varro fieri consuesse, in reliqua Italia scribit, tanta turpitudine, ut per dies festos Liberi membrû per agros plostellis, mox in Urbē cum cantu & ululatu ferrēt. Ab Aegyptijs tāto abusu Bacchanalia fiebant, ut temeto ingurgitati, statuas cubitales per pagos circunferāt, protēta mentula, magnitudine uisenda, præcūte tibia et choro, cū Mercurij statua, pheretro porrecto: quas fœminæ & magno natu matres uelut pompā triumphalē, præ se agebāt, tam fœdo spectaculo, ut nihil improbius aut nequius foret. Eadē quoq; licētia Athenis uulgo usurpatur Nouēbri mense, quo Bacchanalia celebrabāt, ut phanatica multitudo

baccharum habitu per urbem procederet. Fuit præ-  
 terea quinquennale ludicrum, in quo tam uersu quàm  
 prosa oratione græcè latineque, tum musica per citha-  
 rædos & citharistas, tum gymniciis ludis certabatur:  
 quos Nero Cæsar primus ad morem Græci certaminis.  
 e Græcia Romam deduxisse, Iouiq; Capitolino dicasse,  
 atque singulis quinquennijs magno certamine animo-  
 rum celebrasse fertur, iam intermissos ducentis annis à  
 Lucij Mummiij triumpho, qui primus hoc spectaculi ge-  
 nus in urbe præstitit. In quibus quantum quisque fa-  
 cundia experimento, aut candore ingenij eniteret, fa-  
 cile apparebat. C. uerò Caligula, horum instar, miscet-  
 los Lugduni fecit, græcæ latinæque facundia experi-  
 mento. In quo certamine lege sancitū erat, ut uicti ui-  
 ctoribus hoc præmiū darent, ut ipsorum laudes tanquā  
 obnoxij scriberet & carmine celebraret. Postea à Do-  
 mitiano triplex institutum ferūt Capitolino Ioui, Mu-  
 sicum, Equestre & Gymnicum, aliquanto plurium co-  
 ronatorum: in quibus Papinius Statius uictus fertur,  
 uictor autem & ter coronatus in certamine Albano,  
 quod Domitianus pariter instituit: in quo poeta cer-  
 tatim Minervæ psallebant hymnos. In eo uerò Publius  
 Mimographus palmam tulisse dicitur. Athenis quoq;  
 ad Thesei sepulchrum celebres hi ludi mansere, in qui-  
 bus tragædorū certamen magno cōuentu totius Græ-  
 ciæ fuisse tradunt. Eò enim uiri eloquentissimi ex omni  
 Græcia exciti, cōfluxerunt inter quos Aeschylus primus  
 tragædiā dedit, in ea uictor Sophocles, uictus Aeschy-  
 lus, hāud multo post, mærore uictus occubuit: quibus  
 etiam ludis decem iudices ex singulis curijs præfuere.  
 Fuitque in more, ut hircus præmiū tragædo foret: utq;

lyrici



lyrici iuuentam immolarent, tragædi hircum, poëta taurum. Proditur tamen comicus Menander, quū centum & octo scripsisset fabulas, in certamine comædorum, licet esset superior, tamē ambitu et factione à Philemone uictus renunciatus. In Elide quoq; poëta accepto themate, carminibus certabāt, uictorque coronam ferebat donum: Sicut Archelaus Mausolo agona proposuit & ludos, in quibus doctissimi sæpe decertarūt: inter quos Theopompus Isocratis discipulus, omnium consensu, propter singularem uim ingenij, uictoriā tulit. Vna tamen proditur Corinna, musca lyrica dicta, tanta eruditione claruisse, ut Thebis cum Pindaro carminibus certaret, & quinques uictrix foret: et Aristophanes quum certamini poëtarum iudex præsidet, poëta illaudato uictoriam dedisse, quod sua, non aliena recitasset. Eutimus quoq; Locris oriundus tam diserta scripsit carmina, ut Olympicis ludis semper uictor fuerit, semel tantum uni posthabitus. Quinetiam Neapoli quinquennale certamen fuisse tradunt musicum & gymnicum, illis æmulū, quæ in Græcia summa laude celebrantur. quod etiam noctibus magna luce ignium singulis quinquēnijs Romæ fiebat, magnis oratorum & uatum certaminibus. Neq; omiserim à quibusdam traditū memoriæ, Hesiodum carminibus cum Homero in certamine poëtarū cōtendisse, uictoremq; Hesiodū epigramma cum tripode in Helicone posuisse. Erant præter hos plebeij ludi spectatissimi, qui exactis regibus pro plebis libertate primū dati sunt: quos nonnulli post secessionem ad sacrum mōtem institutos ferunt, ob consociatos patrum plebisq; animos: quos postea Lucius Sylla, perdomitis hostibus, magna plebs

expectatione restituit: quorum adiles plebis arbitri et moderatores erant, in quorum celebritate seruatiū meminimus, ut quoties instaurarentur, ab his ludorū causa epulum daretur, quos ex uarijs causis non semel instauratos cōperimus. Cereales uerò quin in Cereris honorem magnificentissime fierent, nulla cōtrouersia est: quos Circenses dictos nōnulli uolunt: nam & deorum imagines in his longo ordine produci, & circum metas cursu contendere solebāt, ouumque in Cerealis pompæ apparatu numerabatur primum: in quibus peruigilia noctu fiebant, sicut in sacris Isidis excubiæ: in his quoque adiles plebis pro equorum cursu plerunq; gladiatorum certamen exhibuere. Cereri enim ad quintum calendas Aprilis annis singulis Romani rem diuinam more patrio facere assuērunt: quæ sacra, quod è Gracia trāsłata essent, et per Græcos curata, Græca dicta sunt. Fuisse enim in Gracia sacra Eleusina Cereris spectatissima, autores memorant: quæ obscura luce fiebāt, sacerdotesque facibus discurrentes cursu phanatico sacra peragebant, à quibus uelut sanctissimis & impollutis, impij consceleratiq; amoueabantur uoce praconis, ita ut templum uelut omni religione sanctum, alicuius criminis aut noxæ conscio adire non liceret: quod si quis adisset non initiatus, capite luebat: ad quod Nero conscientia sceleris agitatus, ingredi ueritus fuit. Non sic Antoninus Philosophus Augustus: nam fretus innocentia & uita integritate, sine discrimine adiuit. Cuius mysteria magno silentio inclyta, uelut arcanum quid sanctumque in uulgus efferre non licebat. Quod sacrum à solis matronis fiebat annis singulis. Romaniq; in toga candida spectare ludos, mulieresque in ueste alba pariter

riter sacrum facere solebāt: in quo id fuit obseruatum, ut tunc dīs gratum esse censerent, si a latis, nec funere pollutis celebraretur: utque in sacris Cereris, ante noctem epuletur nemo, atque à uino in primis & Venere abstineant: utque quinto quoque anno ex Sibyllinis carminibus prodigiorum causa ieiuniū fiat: inter quæ præcipuum fuit, ut sacris initiatos, calda abluerent primum, quod castitati præesse ducerent. Apud Athenas in sacris Cereris, quæ dicuntur Adonia, mulieres simul lachra defunctorum efferre, multa que funesta & calamitosa iusto comploratu & gemitu effingere traduntur: in cuius sacrificio Attica uirgines inter solennia, reposita cistis sacra, capitibus quam occultè deferunt, quum Cereris sacrum quam occultissimis caeremoniis fieret: quippe profano homini Cereris mundum uidere nefas erat. Apud Siculos uerò Cereri & Proserpinæ diuerso anni tempore sacrum fit: Proserpinæ enim maturis mēsis, decem festos agunt dies: Cereri uerò, quum semen in terram mittitur. Græcis autem in tribus ludis, præterquā in Cerealibus, accensas faces gestare uetus mos habuit, in Prometheis, in Vulcaniis, in Panathenaicis. Præter hos fuere ludi Martiales Marti dicati, & alij piscatorii, ex quæstu piscantium: alij castrenses, qui in castris prætorianis plerunque cum uenatione dabantur: nonnulli miscellanei, ex ludionum multiplici genere: alij Palatini, in Palatio triduo celebrari soliti in diui Iulij honorem, qui uictam armis rempublicam in dominationem uertit: alij Capitolini, quod Iupiter optimus maximus suam sedem seruasset: qui alijs solennibus additi, collegiumque nouum (auctore senatu) institutum fuit: Præcipui Augustales, quos

Tiberij tempore tribuni pleb. in Augusti honorem facere instituerunt. Athenis uerò & in omni Græcia multiplices fuere ludi, in quibus ad aucupandam popularem gratiam, Theophrastus fructum diuitiarum putauit maximum: nam Panathenæa, Dionysia, Scirophoria, Halœa, & Apaturia celebria fuere. Apud Lacedæmonios Gymnopodia, Hyacinthia & Chori. Patauij, Cestici ab Antenore inuenti, quos inter reliquos annumerasse non ab re fuit. Illud utiq; uerū est, quod quauis ludorum multiplices species forent, tamen adilitia largitione quatuor curari impensius assueuerant, Megalenses, Funebres, Circēses & Apollinares, magno semper apparatu & habitu: in quibus nō tuba aut fistula, ut in alijs, sed sola tibia canebāt. Quodq; uetusto more quoties festi ludi edebantur, illos omnis ætas, sexus & ordo plerunque coronati spectabant: quare L. Crassus cognomento Diues, quod corollas ex auro & argento imitatione foliorū in ludis populo dedisset, celebri memoria habetur. Fuitq; prisca moris, ut populus in theatro uel circo sæpe ludicrum à principe postularet, cuius præcipuo studio teneretur: quotiesque princeps aut imperator, qui perdomitis hostibus triumphasset, uel popularis homo plebi percharus, ad ludos & theatrum iret, quum primum in conspectu prodiret, communi omnium plausu & fauore concionis, faustisque acclamationibus totis theatris exciperetur: nonnunquam uniuersus populus aduenienti principi assurgere, et laceras deponere solebant, ut togati apparerent: qui honor summis tantum ducibus, aut uiris summa integritate & fide ob merita in populū dabatur. Contra uerò deformatus ignominia, aut insensus infestusq; populo,



pulo, clamoribus explodebatur & sibilis. Tū si quando ludi remisse & leniter, aut non legitime celebrarentur, uel si quo infortunio aut casu repente constitissent, aut si tibicen conticuiisset, uel inter solēnia ludoru commisso spectaculo, ex subita latitia ad repentinum motum trāslati essent: aut si in enūciandis ludis uersu edilis errasset, aut uerbo: uel ante cōmissionem ludorum, siue dum eduntur, tumultus repens, aut aliquid triste auribus oculisue occurrisset, & ex uarijs causis, tanquam si nefario scelere polluti essent, eiusmodi admissa, ludorum instauratione procurabantur & expiabantur. Cū enim pompa duceretur, quòd obuius seruus loris medio circo uapularet, infausto augurio ludos pollutos pontifices putarunt. Et quum in ceremoniarum apparatu tensa procederet, quòd equo cōsternato, auriga habenas sinistra corripuisset, currumque perperam egisset & circumflexisset, uelut ominosum, ludorum instauratione opus esse iudicarunt.

Qui esset Urbis præfectus, quòd ue off. cium, quarumq; rerum cognitionem animaduersionemq; haberet.

Caput XX.

SOLITOS Romanos fuisse, quum reges & postea consules prætoresque reipublicæ causa abessent, ne quis repens tumultus fieret, nèue urbs sine imperio esset, aut hostium incurfibus pateret, præfectū creare, qui Vrbi mœnibusque præsideret, ius redderet & subitis mederetur, sæpe notatum est: qui si quid in Vrbe turbatum esset, quum res postularet, inuentutē armare, & per loca opportuna disponere, arma telaque in propugnaculis ingerere, castella cōmunire, muros turresque præsidio firmare, atq; omnia custodijs uigilijsq;

RRR

instructa habere, portas claudere, pro portis stationes,  
 dispositosque stationarios milites, ad tuendam populi  
 quietem, tenere deberet. Et ne quid falleret, aut nuda-  
 tum praesidijs esset, animaduvertere & oculis perlustra-  
 re, nihil deniq; curae aut laboris omittere. Qui tamen si  
 urbi praefectus foret, in suburbijis aequae cognitione ani-  
 maduersionemq; habebat, illiq; exercitus demandatos,  
 et gerendi belli saepe negocium datum esse liquet. Quam  
 praefecturam à prima antiquitate Romae fuisse multi-  
 plici exemplo apparet: Siquidem à Romulo primus Ro-  
 mulius, à Tullo Hostilio Mumartius, & Sp. Lucretius  
 pater Lucretiae, regnante Superbo, urbis praefecturam  
 meruere: deinde consulibus eam curationem demanda-  
 runt. Post aliquot uero aetates, tanquam non ciuile mu-  
 nus, à multis aspernatum est, ita ut eam curationem ue-  
 lut ignobilem, repudiantibus plurimis, Q. Seruilius ut  
 altercationes dirimeret, filium substituerit, eumq; ex-  
 tra sortem Vrbi praefecerit. Quam saepe intermissam fuis-  
 se crediderim: quippe Augustus Urbis praefecturam,  
 tanquam nouum munus & officium, creauit. Demum  
 in tantum processit, ut Nero à cognitionibus praefecturae  
 Urbis, honoris initia auspicaretur: & Piso uiginti an-  
 nos praefecturam Urbis, uelut instar magni muneris, ge-  
 rere non dubitarit. Extatque diui Seueri epistola ad  
 Fabium Culleonem, qua cognitio criminum per totam  
 Italiam ad praefectum Urbis delegatur. Relegandi quo-  
 que ad insulas, uel deportandi quos delicti enormitas  
 postulat, querelasque seruorum libertorumq; audien-  
 di, si de patronis dominisque querantur, ius illi potestasq;  
 fuit: carniuumque & fori boarum, piscarium, & suarum cu-  
 ra cognitioq; ad eundem spectauit & pertinuit. Etiam  
 sena-

senatum per Urbis praefectum nocari & consuli posse, atque absentibus uel impeditis consulibus senatusconsultum fieri, nulla controuersia est. Denique diligenter curare, ne qua pars Urbis laboret, neue per occasionem & licentiam aliquid plebs moliri posset: neue quid circa Urbis custodiâ aut munus uigiliarum segniter exequutum foret, quod ab homine impigro ante perspicipotuisset, prauidere praecauereque debebat. tantiue exempli fuit, ut quum fœdissimo bello respub. afflueretur, saepe Urbi saluti fuisse & imperio, magnaqu; attulisse praesidia compertum sit. sed notandû hunc praefectû, aut patritia gentis uirum, aut senatorem, deligi consueisse: idque exemplo Marci Messalæ oratoris, qui Augusti tempore Urbis praefectus fuit, facile dignosci: licet sexto post die magistratu se abdicarit, non ingenuam & parum ciuilem potestatem esse ratus. Et tamen Lucium Pisonem & Cossium praefectos Urbis uino indulgisse, & multû noctis conuiujs exegisse legamus, adeo ut biduum & duas noctes cum Tiberio largiore potu indulserint: illos tamen satis grauiter & inoffense Urbis tutelam administraffe, controuersia non est. Procedete mox tempore, in tantum praefectura Urbis processit, ut Sabino Vespasiani fratri ad praefecturâ processisse, magni muneris loco fuerit: & Pertinax imperator ex praefectura Urbis ad imperium prouectus sit. Rursus post aliquod interuallum, tam infimæ sortis habita est, ut Heliogabalus omnes lenones ad praefecturam Urbis prouehere destinarit. Qui uero praefectus Latinarum erat, etiam non senator fieri poterat: quippe quum citra ætatem senatoriam saepe annis iunior crearetur ex nobilioribus: idcirco praefecto

Latinarum, senatum habere non licuisse notatum est:  
 inter quos Marcus Antoninus Philosophus, qui postea  
 imperitavit, annis iunior praefecturam Urbis gessisse p̄di-  
 tur. A Priensibus quoq; in Neptuni Heliconij sacro,  
 quod cum Ionibus comune fuit, iuuenis aetate uix adul-  
 ta, praefectus creabatur & rex. Ab Indis in sex quin-  
 terniones Urbis praefectura diuiditur: namq; alij pere-  
 grinos recipiunt, alij uitam & mores notant, nonnulli  
 defunctorum bona mortesque inquirunt, alij uenden-  
 dis mercibus praesunt: multi uenditarum rerum exigunt  
 decimas, ita ut omne ciuitatis regimen illi moderentur.  
 Graecis uero Urbis praefectus ἰδρύαρχος dicebatur, ipsaq;  
 praefectura ἰδρύαρχία. Praeter quem fuit praetorianum cohori-  
 tium praefectus, annonaeq; & uigilum, qui in numero  
 magistratuum populi Romani non sunt, sed extra or-  
 dinem utilitatis causa creati. Ad praefectum enim uigi-  
 lum de incendiarijs, de furibus, de effraCTORIBUS, de re-  
 ceptatoribus, cognitio pertinuit. Augustus uero Octa-  
 uius quum plura oriretur incendia Romae, septem co-  
 hortibus opportunis locis constituit, ut unaquaeque binas  
 urbis regiones tueretur, quas praefecto uigilum subiecit.  
 Praefectus uero annonae ad leuandum frumenti inopiam,  
 conuectis com meatibus, plerumq; urbi praesuit & im-  
 perio. Praeter quos fuit praefectus morum, quem censo-  
 rem nuncupant: & haud multo post, praefectus castro-  
 rum & legionum, ac praefectus palatii temporibus Cae-  
 sarum nouissimis additi, quae dignitas proxima Cae-  
 sarum magnitudine fuit, cui praefectura Cleader a Com-  
 modo praepositus memoratur, qui propter morum inso-  
 lentiam, cum filiis una crudeli supplicio excarnificatus,  
 poenas dedit. Et similis sub Hadriano, qui deposita pa-  
 latij



latij præfectura, ad ocium se tradidit, moriensq; inscripsit tumulo, quod quū multos exegisset annos, septem tantum uixit, quibus ocio se dederat. Celebratur quoq; Opilius Macrinus, qui ex humili fortuna per Caracal lam palatio præfectus, mox ad imperium conscendit. Illud quoque à ueteribus factitatum nouimus, ut quatuordecim curatores urbis unà cum præfecto tam urbi quàm urbanis negocijs præsent. Sed & illud notatum, ad Urbis præfectum appellationes omnium potestatum, & illorum qui in honore erant, pertinuisse: ipsarumque cognitionem animaduersionemque habuisse, quod quidem noua constitutione à posteris seruati est. Antea enim ex constituto Neronis appellationes à iudicibus ad senatum fiebant: cautumq; fuit, ut qui à priuatis iudicibus ad senatum prouocassent, tantum pecunia pœnæ nomine exoluere cogerentur, quantum qui imperatorem appellassent. A senatu uerò ad principem appellare non licere, oratione D. Hadriani cauebatur: nec à præfecto prætorio, qui principis locum tenuit, appellare licuit. C. tamen Caligula nimias appellationes inhibuisse fertur, liberamque iurisdictionem magistratibus dedisse, ita ut sine appellatione iudicatum exquerentur, & placita seruaret. Quinetiam illud quæsitum est, an tutorum curatorumque, qui nequiter & inofficiose in tutela curaque de officio decedentes, uersati fuissent: aut filiorum, qui parentes quos uenerari decet, contumelijs probrisque affecissent, in eosque turpissimū facinus admittētes, impias manus intulissent: cognitionem animaduersionemq; præfectus haberet. Et placuit ab Urbis præfecto in tutores curatoresque, qui in euidenti calumnia tutelam curamque gessissent:

aut in filios, qui parentum dicto cōtumaces, & minus audientes forēt, animaduerti cognosciq̃ue posse: quod quidem tam legibus & senatusconsultis, quā decretis edictisq̃ue principum alijs super alia editis & promulgatis, sancitum est.

Miraculum de homine, qui extrusus ē carcere, rursusq̃ in eum intrusus, inferna se loca adiuisse enarrauit.

Caput XXI.

INTER fabulosa miracula, & puerilibus fabellis similia, multas magnasq̃ res, quæ uix credi diciq̃ possunt, nullum tam impudens mendacium creditum est, quā quod ad hosce annos in Pelignis euenisse dicūt: quod quum nouum commentum putaretur, & temere uulgatum, id uerū postea fuisse, tam fama celebri, quæ ubique peruasit & uulgata est, quā multorum testimonio, qui rem gestam didicere, non fictis sermonibus, sed certissimis experimētis cōpertum est. Quo autem pacto se res habuerit, hoc traditur modo: In Pelignis oppidum uetustum est, cuius nomen prætereo libens, licet obscura origine, haud tamē ignobile. in eo dominus, qui Vrbi præerat, superbe auareq̃ue ciuibus imperitabat: ac trucibus dictis factisq̃ue in subditos seruilem in modum animaduerrere solebat: eosq̃ue, licet imperata facerent, neque segniter mandata exequerentur, ob leues plerunque causas, pœnis & damno multabat. Forte autem quum homo quispiam alioqui bonus, sed tenui re familiari, inops atq̃ despectus, ipsius domini uenaticum canem, cuius miro studio tenebatur, ita uerbere affecisset, ut ob id perisse putaretur: quum id dominus rescisset, uehementer offensus, eum truci & minaci uultu grauius increpitū, in pessimum coniecit

coniecit carcerem: ibiq; quum uinctus grani custodia teneretur, post aliquot dies, hi quibus diligens ipsius cura madata erat, clauso iam carcere, & tam foribus quam omni aditu perseperto, ne elabi posset, quum ad illum accederent, ut solebant, in eodẽ intus carcere nusquam inuenere: qui diu conquistus, quum non appareret, nullumque effugij uestigium extaret, rem ad dominum detulere: quod quum credi uix posset, ipseque mirum in modum obstupesceret, post tres ferme dies, iisdem foribus pessulo firmatis, idem ipse qui modo carceri addictus fuerat, imprudentibus omnibus, & nemine conscio, rursus in eodem intus carcere intrusus apparuit: custodesque, ut cibum afferrent, aduocauit: qui quum propere accessissent, omnesque miraculo obstupescerent, eum uultu tetro & horribili facie, luxatis uisusque membris, aliter longe atque pridem fuerat, conspexere: quem quum interrogassent, unde elapsus & rursus in eodem intrusus carcere foret, quibusque in locis fuisset, & unde tam fædo & tetro cultu emerisset: ipse uelut elinguis, quum nullum proferret uerbum, sed attonito stupentique similis foret, ut ad dominum quantocyus admitteretur, postulauit: habere quod illi propere nunciaret, magnum, nec differendum. Cumque ad eum protinus admissus esset, rem mirificam & admirabilem: ac dictu audituque formidolosa, & uix credenda miracula dicere orsus fuit: Nam se ab inferis (silibet credere) remissum enarrauit: siquidem quum diutius carceris squalorem ferre nequirit, seu desperatione uictus, seu iudicium reformidans, inops consilij, malum demonem ut sibi præsto esset, seque ex tam tetro carcere relaxaret, aduocasse dixit.

Nec multo pōst, dæmonem fædo aspectu & terribili facie in eodem intus carcere aspexisse, & secum pactū fuisse, ab eodemq̃ue & ferreus claustris, non sine graui pressura extrusum, in loca deinde inferna & profundas uastitates, ac fundum telluris intimæ actum esse præcipitem, singulaq̃ue lustrasse: impiorumq̃ue supplicia, & sedes cōsceleratas, æternasq̃ tenebras, et ærumnas uidisse, ac loca fæda & formidolosa, regesq̃ue & summos duces in abrupto hiatu & profundo uoraginis densa mersos caligine afflictiari, & furiarum ardentibus facibus agitari: gemitusq̃ue & eiulatus, ac dies noctesq̃ue ploratus mulierum & uiroꝝ audisse: pontificesq̃ue uidisse infulis & trabeis, purpura et auro distinctis, ac gemmis ornatos, aliasq̃ue miserabiles facies omnis generis hominum, ætatum & ordinū, in cultu uario afflicti, & iacentes inter præaltas uoragines: alios immenso limo haustos æternis supplicijs & nocte cruciari, ipsorumq̃ue damnata scelera sempiterno dolore puniri: inter quos plures quos nouerat in uita, adnotauit, & præcipue intimum familiarem, quem dum in uita ageret, æqualem sodalemq̃ habuerat, alloquutum dixit: ab eo probe agnitus, & miti satis sermone requisitus fuit, quid rerū ageretur, & quid reliqui spei sibi foret: Ipseq̃ue quum prægrauū seruitio & crudeli dominatu, usq̃ue premi respondisset, illum mādasse, ut domino enūciaret, caueret nequid tale ageret in posterū, neue graui tributo & iniquo uestigali subditos opprimeret: nanq̃ illi uacuā sedē, quam prope cernebat, præstitutā esse prædixit. Et ut haud dubius pmissi foret, fidemq̃; ut dicto haberet, meminisse (inqt) illum debere secreti concilij et mutue pactionis, quam  
dum



dum unà militarent, & in castris agerent, clam ini-  
uissent, quorum nemo particeps aut conscius unquam  
fuit: quod consilium quum memoriter ille enunciaffet,  
& non solum dicta conuentaque, sed & singula uer-  
ba spōsionesque, quibus uterque astrictus erat, recen-  
suisset, ipsum dominum ordine hæc audientem, animo  
serio & attentiore factum, mirum in modum obstu-  
puisse: ingensque animo formido incussa fuit, conside-  
ranti quonam modo, quæ soli sibi credita, & nulli un-  
quam enunciata fuere, homo ille hebes & tardus in-  
genio, quasi numine afflatus, explorata haberet, eaq;  
uultu interrito enunciaret. Adijciunt miraculo, eun-  
dem interrogasse illum cum quo tunc sermo erat apud  
inferos, qui nitido cultu uestituque apparato uideba-  
tur, nunquid aliquo cruciatu affligerentur, qui insi-  
gni ueste & auro conspicui forent: illumque respon-  
disse, perenni incendio, interque maximos cruciatus,  
& sempiterno dolore usque premi & affligari: idq;  
totum quod auro & purpura fulgeret, ignem atque  
incendium esse. Et quum ipse id experiri uolens pro-  
pius manum purpuræ admouisset, admonitum ab eo  
fuisse, ne tangeret, & tamen efficere nequisse, ut non  
ex caloris afflatu palmam sibi manus, quam tunc o-  
stendebat, incendio & ipsi purpuræ admotam defla-  
graret. Erat enim pustulis liuentibus: & tetrīs hulce-  
ribus ueluti tabe & igne sacro, maloque quod latius  
serpere uidebatur, fere consumpta. Referunt præterea  
qui illum adiuere, eum postquam ab inferis emerfit,  
quasi mente cōsternata, hebetique aurium oculorum-  
que sensu affectus sceret, semper cogitabundum in ra-  
rum produisse sermonem, uixque sæpius interrogatum

colloquēti respondisse. Vultu uerò tam tetro, & aspectu tam deformi, reuertisse, ut qui dudum à coniuge & liberis probe agnitus foret, is postquam remeauit ab inferis, tam diro uultu, totiusque facie corporis dissimilis effectus est, ut uix eundem illum esse crederent: sæpiusque obortis lachrymis, ob faciei diritatem & speciem hominis fœdissime mutatam, notos affinesque ipsum alloquutos fuisse: agreque ut ante obitum, qui mox consequutus est, res suas dispēsaret, ac liberis & posteritati consuleret, uita spatium habuisse.

Quot militum ordines, cuiusue generis milites in Romana militia olim militare consueuerant, & qui apud externos.

Caput XXII.

MILITVM ordines, quos Romani duces habuere, quibus res magnas gessere, hi ferme traduntur, nomine diuersi: nanque rorarij dicti, cum quibus primi erant cōgressus, qui leuibus muniti armis, parmam & gladium gerētes, sicut ros ante pluuiam, sic priusquam procurrerent, aut acies admouerent, hostem incessebant, & primos concursus excipiebant. Præmittebatur enim leuis armatura, quæ eliceret, & hostem gradu moueret: mox equitatum libero cursu, & robora legionum immittebant, quæ longius pellerent & fugarent. Qui etiam antesignani, eo quod primi agminis erant, dicti: sicut apud Persas homotimi milites in principijs erant, qui magnopere apud reges nobilitati sunt: inter quos peltati & cetrati, qui peltas cetrasque (scutorum enim genera sunt) deferabant, haud multo discrimine diuersas. pelta enim cetra haud dissimilis est: nāque erat cetra scutum ex loro, quo Aphri, Hispani, Galli & Persæ plerunque usi sunt, in rhombi  
figu-

figuram: pelta uerò, breue scutum instar lunæ: parma, figura latioris & circularis. Lusitanis uerò scuta fuisse duorum pedum latitudinis, quæ nec fibula, nec ansa, nec loro necessebatur. Numidica ex coriis sicut Græcis. Orectanis & Gallis quandoque pro munimento fuit pelta, quæ erant enses obtusa cuspide, scuta uero debilia. Hiphicrates quoque pro parma militibus peltam dedit, hastæque modum duplicauit, & gladios longiores fecit, quare pelteastæ appellati. Thracibus & Belgis dabatur pelta, quam meridem dixere: Liguribus anea parma: Sardis pugio cum pelta: Celtiberis leue scutum & rotundum. C. uero Marius parmulas militibus inhiuit, illas minus habiles & superuacuas arbitratus. Romani autem clypeos peditibus, scuta equitibus dedere: quos quidem milites à prima origine clypeis usos comperimus. postquam uero stipendiarij facti sunt, mutato armorum genere, scuta maius tegmentum pro clypeis accepere, sicut Latini populi: (quare scutata & cetrata cohortes dictæ) quæ ex cratibus plerunque intexebant. Antea enim Romulus Argolico scuto utebatur. Post uero ictum cum Tatio fœdus, Romani, dimisso Argolico, Sabinorum accepere scuta, suaque Romulus cum Sabinis arma commutauit, quibus postea Romani usi sunt. Samnitibus lata, ad summum æquali fastigio fuere: in imo uero cuneata: Marsis amplissima, quæ decumana dicta sunt. Lucani quoque scuta ex uimine confecta, coriis tegebant. Græci frequenter rufatis, Carthaginienses albis, nonnunquam clypeis diuersa insignia ferentibus, utebantur: Corinthij rubris. Alba uero ferre scuta, Romanis erat

ignominia loco: nam fortes utebantur pictis: Pœni ex auro sculptis imaginibus. Germani scuta lectissimis coloribus distinxere. Græci quoque diuersa insignia, & numina addidere: quippe Græcorum clypeis Neptunus erat, Troianorum Minerva: Vlysses Delphinis insigne in scuto prætulit: Agamemnon Formidinem capite leonino cum epigrammate. Niciæ scutum auro fulgebat & purpura. Lacedæmonij λ, Messenij μ, literas describere. Alcibiades Cupidinem cum sagittis: Neocorus Aliarcus draconem, Demosthenes in scuto aureis literis Bonam Fortunam inscripsit: Legio ad Cordubam, Pompeij nomen. Persis uero cratis erat in manu læua, gladius uel securis in dextra. Fertur Alexander Macedo argyroaspidas ab argenteis clypeis, sicut Alexander Seuerus imperator chrysoaspidas ab aureis nuncupasse: id quod à Samnitibus fuit usurpatum, ut argenteis aureisque scutis ornarentur. Galatæ animalium formas æneas scuto effinxere, sicut Lacedæmonius quispiam in ingenti scuto muscam effictam habuit: & Hanno Carthaginienfis argenteo clypeo cum imagine Barchini Hasdrubalis conspicuus erat: Cleomenes uero docuit Lacedæmontas, clypeum non annulo suspensum, sed brachio innexum habere, quo se firmitus protegerent. Philipomenes Achæis, cum ante a scutis leuioribus, & ad protegenda corpora minus habilibus uterentur, pro scuto clypeum, pro hastili sarissam dedit. Qui tamen scutati pedites ferreas ocreas in dextro crure induebant, ne crure effracto, neci expositi forent. Sarmatis uero nulla scuta fuisse: nanque in conflictu præliorum defendi scuto inhibebantur: itaque ad uulnera expositi, toto corpore patebant.

Dein-



Deinde pilani, qui pilis depugnabant, dicti. Fuit enim pilum hastile, habens & ferrum pedale, & trigonum stylo præacuto, quod stupa colligatum mittebant, interdum hastam habens trium pedum, nec minoris præminentia ferrea ueruta: quo emissio, uelut ad id dato signo, citato gradu in hostes ibant: mox strictis gladijs collato pede, cominus rem gerebant, quæ ab hostibus missa, Romani sæpe densatis scutis excipiebant: tametsi nonnunquam tanto ardore animorum ad arma concursus, & in hostes itum est, ut ne mora in pilis emittendis fieret, illa abicerent, & strictis gladijs cominus rem gererent: quæ quidem pila Romanis propria, & sua fuere arma, telum haud dubiè quàm hasta uehementius: sicut gessa Gallorum, sarissa Macedonum, læcea Hispanorum, gladius Lacedæmoniorum, acinacis Medorum, falarica Saguntinorum, sagaris Persarum, rhomphea Thracum, framea Germanorum, & sparus rusticorum: Theutonicorum uerò, cateia. Erat enim hasta angusto & breui ferro, rhomphea autem ingentis longitudinis. Tametsi Hispanum gladium admodum breuem, & sarissam prælongam hastam ferro affixo legamus. Etiam sica Romanis frequēs & peculiaris fuit: quippe Romani milites utroque latere ferebant sicas, dextra breuiorem, sinistra longiorem. Proditumque memoria est, C. Marium noua primum forma iacula fecisse: nam quum duplici telo antea munirentur, ipse alterum admisit, alterum sustulit, & loco illius clauum panxit, quo firmitus impingerent. Marcellus ad Nolam longiora pila militibus distribuit, quo ferirent uehementius, quum Carthaginienses breuioribus, & minus habilibus uteren-

tur. Cleomenes uero docuit Lacedæmonios pro lancea  
sarissis uti, quas utraque manu torquere assuesecit.  
Galata pro ensibus spatæ gestabant oblongas, quas à  
dextro latere catenis subnectebant. Post quos hastati,  
qui hastam gessaque ferebāt: qui etiam in prima fron-  
te positi, hastis præualidis ferro munitis militabant: e-  
rant enim ferè tyrones, tunc primum militia adscripti.  
Deinde principes ordines ducebant, milites robustio-  
res atate & usu doctiores, ab hastatis per intervalla  
diuisi. Tertij uexilli triarij fuere, qui si qua maior uis  
ingrueret, aut durior casus principes repelleret, com-  
pressis ordinibus, uno continente agmine, totam aciem  
clauderent: laxatos, languentesque ordines magnis  
uiribus repararent: Tantiq̃ue roboris erant, ut rebus  
abscissis & deploratis, sæpe debilitatam uirtutem, &  
fractos restituerent animos. Præter hos uelites, quod  
uestiti & nullis armis muniti, quo expeditiores forent  
inter leuis armaturæ milites locabantur, quibus par-  
mæ tripedales, breuiorẽs quam equestres, & iacula  
quaternos longa pedes, ferro præfixo, data sunt, ex  
celeri cursu quasi uolantes dicti, prompti ad excursio-  
nes, qui ad prosequendum inclinatam semel aciem,  
uagos effusosque prædatores excipiendum, infestās-  
que populationes & uastitatem inhibendum, tum ad  
subita belli & repentinas incursiones, mirum dictu  
est, quanto præsidio fuerint. Hi enim secundo Punico  
ardente bello, dum Romani ad Capuam sedet, ut con-  
tra equites, quibus hostis præualebat, repugnarent, à  
Fulvio Flacco proconsule primum inuenti institutiq̃ue  
sunt. Quibus additi sequentibus bellis plerunque sa-  
gittarij, & cohors Peligna uelitaribus armis: quo-  
rum

rum tela ad remittendum imperitis inhabilia traduntur. Rursus inter militum ordines alij descripti sunt, quibus pratorianis nomen, qui iuxta ducis pratorium excubantes, honore atque ordine præstabant: hi enim præcipuo robore & uirtute illustres equites, magna & firma præsidia fuere: quippe qui circa principis tabernaculum, & imperatoris latera militabāt, quum nobilitate & honoribus anteirent. Hos antea Celeres à Romulo dictos ferunt: siquidem Romulus trecentos circa se, pacis bellique temporibus habuit expeditos, quos Celeres nuncupauit: qui postea Flexumines, demum Trossuli, quod oppidum Thuscorum Trossulum sine peditum opera, ui cepissent, dicti sunt: quos Numa dissoluit, & antiquata militia missos fecit. Primus enim Tarquinius Superbus custodiam ferocissimorum circa se habuit, ut noctu penes regiam excubarent: die autem illius latera cingerent. Observatumque fuit, ut is summam militiæ gereret, & imperatoris uice fungeretur, qui pratoria castra & pratorianos haberet: nanque omnis cura & procuratio rei militaris, desito imperio ueteri, penes pratorianos fuit: qui quandoque quum Roma iuxta pomerium castra metantur, magnarum dissensionum causam præbuere: nam per celebria urbis loca super assumendo principe inextricabiles sæpe pugnas conferebant. Ideo Tyberius Cæsar, ne per hospitia dispersi, populares tumultus sererent, extra frequentia urbis pratorianis loca dedit. Denique in tantum uiribus processere, ut quem uellent, ad spem imperij impellerent, & in principem assumerent: assumptumque mox deturbarent: essentque arbitri totius imperij & moderatores: qui etiam

speculatorum ordinem habebant promptissimorum, qui circa ducis latera excubabant: unde magni saepe duces adiumenta sumpsere: quippe Aphricanus primus fortissimum quenque delegit, qui ab eo non discederent, & cetero belli munere uacarent. Sequenti deinde consules & demum Caesares, cohortes circa latera, ueluti firma & ualida praesidia habuerunt. In urbe quoque ex praefectura Rheatina delecti milites ad latera consulum excubantes, saepe reipub. operam nauarunt. Manus quoque equitum Romanorum armata, praesidij causa senatui plerumque affuit. Cato quoque promptos circa se Firmianos habuisse fertur. Fuitque moris populi Romani, sociali fide & fœdere iunctis, quos reges appellauisset, turmam equitum Romanorum honoris causa, & militarem custodiam uelut praesidium impartiri. Reges quoque Asia, militum cohortes & robora uirorum habuere, quos Agraspidas à genere armorum nuncuparunt. Lacedaemoniorum reges generosissimos inuenes trecentos habuere custodes: Athenienses sacram cohortem, quae ex se inuicem amantibus constabat: quae etiam apud Thebanos fuit. Alexander Macedo clypeatos & Persarum mille satellites excubitores adsciuit. Macedonum quoque reges obseruarunt nobilium liberos habere, qui noctu seruatis uicibus, pro foribus ubi rex quiescebat, excubarent. Alexander Epiri ducentos Lucanorum exules habuit expeditos. Aratus uero ad corporis custodiam delectos milites accepisse fertur: Pisistratus Corynephoros: Marius satellites quos uocauit Praecipites. Et Sulpitius tribunus, Marij tempore, manum equitum iuniorum custodes aduocauit. Cumque sym-  
bola



bola in castris ab Antigono de nece Eumenis daretur, Macedones mille milites expeditos, ad ipsius custodiam dederunt. Dionysius praua lide seruus latera munivit, & effertis barbaris commisit custodiam: quos quum dimitti Plato suasisset, penè in discrimen uitæ & dissidium uenit. Petreius beneficiarius & cetratus stipatus fuit. Apud Persas turma Immortalium, quæ ex decem millibus constabat, ad extremos seruabantur casus, qui aureos torques & manicatas tunicas habuere distinctas auro, ex quibus mille selectis Mellophoris dixerunt nomen: donec Theodosio imperante, ab Ardaburio & nomen & genus Immortalium desistere: quorum instar ordo equitum apud Gallos fuit, quem Thymochresiam, Græci somatophylacas uocant. Cyrus custodes corporis eunuchos habuit, quo magis in officio essent, eos præter illecebras uoluptatum firmissimum præsidium ratus. Indi uero reges, peruiigiles mulieres habuere excubantes. Masinissa parum hominibus credens, salutem suam canibus uallauit. Iulius autem Cæsar, omisis excubijs, custodes corporis nullos admisit, satius arbitratus, semel morti succumbere, quàm metu assiduo detineri. Augustus Calaguritæ Germanorum manum aduocauit: sicut Tyberius Germanos, et Galba euocatos: Caius autem Caligula Batauos. Antoninus etiam Germanos equites acciuit. Traianus quoque sine stipatoribus, aut militari custodia per diu uixit. Fuitque literis proditum, excubias militares & corporis custodes, non Cæsari- bus modò, sed Augustis mulieribus, ut matri & coniugi imperatoris, olim apparuisse. Secundi ordinis cohortium urbanarum milites ex Romanis frequenter

adscripti sunt, ex quibus uexillares cohortes delegeret. Tertij legionarij, qui legionibus adscripti militabāt, qui tam ex ciuibus quā Latini nominis, & fore iunctis ciuitatibus sacramēto adsciti erant: quōque facilius dignoscerētur, diuersa habuere insignia: nanque alijs prātoriani, alijs legionarij, atque urbanarum cohortium milites utebantur insignijs. Præter quos fuere cataphracti loricati equites, ferro muniti & fulti grauioribus armis, qui stabili gradu cōgredi, & uim excipere solebant: quibus arma erant, galea, clypeus, ocrea, lorica, omnia ex ære, hasta & gladius: cassides uerò & thoraces peditibus similes. Hæc enim præ reliquis fortis & inuicta acies, tanto robore munimentoque fuisse traditur, ut trepidam diffidentēque aciem plerunque repararit. Erat enim manus hæc ualidissima, præque cæteris terrori hostibus & formidini: ab hisque gentes sæpius subactæ fuerunt & domitæ: quibus & equis operaimenta fuere linteæ, quæ ferreis laminis instar plumæ necēbantur, profecto munimentum contra omne telum insuperabile, quæ tanti fuere, ut eas Hiphicrates cum aneis commutarit, illasque Atheniensibus dederit. Priscis uero seculis perpauci linteis thoracibus (Homero teste) depugnarunt. Maxime uero firmitatis celebratur thorax ille linteus Amasis Aegypti regis, cuius singula fila trecentis sexaginta alijs constabant: in quo ex auro & lana uersicolore, diuersis animalium figuris inscriptæ eius uenationes erant. Nonnunquam equites galeis et clypeis ferro coruscantibus, in equis insidēs pariter ferro arēque munitis, in acies prodierunt: qui licet multimodis munirentur armis, furas tamen & femora nu-

ra nuda armis habebāt, quò expeditiores pedibus forent, quos statarios uocatos ferunt, quippe graue agmen, qui nisi firma manu & lento gressu prodibant in aciem. Galli crupellarios uocarunt, quibus continuum tegmen erat ictibus impenetrabile. Persæ clibanarios: quod erat proprium Sarmatarum, ferreis laminis, aut præduro corio conferto muniri: qui quum turmis instructi uadunt, mirum dictu quanti roboris quantaq; formidinis sint. Illorum uerò pedestri pugna nihil ignauius. Græcis quoque dissimiles equitum fuere species: nam quidam hippotoxotæ dicti, alij scenophori, plerique Iphicratenses summæ laudis, sicut apud Romanos Fabiani: alij Dimachæ grauioribus armis, qui quum opus est, pedestres fiunt acies: nonnulli hippagogi: multi amphippi, qui equis duobus merebant. Ultra quos in Romanis castris Accensi stipendia fecere, qui in demortuorum locum suffecti, cooptati ue fuerāt quasi ad censum adiecti, qui & adscriptiti, quod supplentes numerum militum, legionibus adscribebantur. Fuitque nomen ordinis militaris, sicut principes, commentarienses, uel cornicularij. Inter leuis uerò armaturæ milites, ferentarij non in postremis erant, funditores dicti, ex Balearibus frequentes, qui saxis & sudibus, uelut nimbo grandinis, & omni genere telorum quæ feruntur, non autem geruntur, procul hostem missilibus arcent, & in fugam agunt: nonnunquam ense congrediuntur cominus, qui etiam in cornibus & hostem petere eminus solebant, quibus singulis tres fundæ è neruo uel iunco, aut setis simplici habena fuere: interdum triplici scutali fundis, sicut ab Aegio, Patris & Dymis, funditores usi sunt, cum

scuto & iaculo præusto, qui unà cum sagittarijs & iaculatoribus incedebant: qui usus apud Indos præcipuus erat, ut misso lapide, extremos pueri capillos attingant impune. Hi inferioris ordinis quàm pedites, despectissimique inter milites habiti sunt: quare huic inconditæ turbæ, ad populandum uastandumque agros magis quam iustæ pugnæ idoneæ, Cyrus seruos præfecit: quasi illos nō militare, sed prædæ & rapinis assuetos, seruilia exercere duceret. Tametsi sagittariorum & funditorum plerunque delecta manus non temere congressi, magna ad uictoriam momenta fecere. Qui quidem sagittarij cum thorace, tibialibus & pharetra, ense accincti, nonnunquam sine pharetra cum hastâ & scuto præliabatur. Græcis uerò, licet ex diuersis prouincijs funditores & sagittarij stipendia fecerint, tamen Cirtei et Elymaei præcipui habiti sunt. Fertur Scipio Aphricanus aduersus Numantinos dimicaturus, omnibus ceterijs delectos sagittarios funditoresque miscuisse: qua descriptione effecit, ut de Numantinis insignem uictoriam tulerit. Metellus quoque ducens in Iugurtham, funditores & sagittarios inter manipulos diuisit, ita ut parum abfuerit, quin ingenti uictoria potiretur. Calones uero lixasque, licet militiæ sacramento adigi non solerent, siquidem seruilia ministrabant militibus, illos tamen in aciem produisse, bonam fidelemque operam reipub. sæpe nauasse comperimus, tunc quum accisis rebus & re exterminata, militumque fracta uirtute, militiam militare coacti sunt: qui quod ligneas clauas uel uallum gestarent, dicti calones fuere. Calas enim antiqui dixerunt fustes, quos serui portabant in comitatu dominorum,



norum, dum in expeditionem uadunt: seu ἀπὸ τῶν κα-  
 λῶν. Lixæ quoque, qui exercitum sequuti quæstus cau-  
 sa, aquam militibus curabant: Sicut Brutiarj, quorum  
 opera ueluti seruorum magistratus utebantur, per se-  
 pe militarunt, & munera fecerunt. Quum enim se-  
 cundo Punico bello post Cannensem cladem Brutij ad  
 Hannibalem primi defecissent, postea deuictō Han-  
 nibale eos Romani, neque milites scripsere, neque pro  
 socijs habuere, sed magistratibus præstare iusserunt  
 seruorum munia militiæ domique: sicut Picentes, ob  
 initam cum Hannibale societatem, pro militari officio  
 uiatorum & tabellariorum operas præbuere. Super  
 eos quos dixi, adnumerantur caligati, quibus caligis  
 militaribus uti permissum: tametsi pro caligatis omne  
 militum genus à militari caliga, multi accipi contem-  
 dant: quæ quidem ferreis clauis multiplicibus munitæ  
 erant. Præter quos legitimi euocati, & tumultuarij  
 milites fuere: legitimi, quod militiæ sacramento iusto  
 delectu adscripti militabant: euocati, qui ex provin-  
 cijs socijsque ciuitatibus æquo iure & fœdere iunctis,  
 non Latini nominis, militiæ munere fungebantur: qui  
 non milites, sed pro militibus habiti sunt. Milites enim  
 nominis Latini, proximè morem Romanum instructi  
 erant, lingua, moribus, armorum genere congruentes,  
 disciplina denique & cultu Romano: qui plerunque  
 Gabinio ritu toga circuncincta, ita ut lacinia reuocata  
 hominem cingeret, militarunt. Tumultuarij uero dicti,  
 qui repentino aduentu hostium, quum in discrimine  
 extremo res foret, per trepidationem & metum ra-  
 ptim militiæ adscribebantur. Etiam proletarios, &  
 capite censos quandoque munera fecisse, & reipub.

operam nauasse comperimus: erant enim hi tenuissimi & modicarum facultatum, qui non ultra mille quingenta æris in censum referebant, domi ad prolem excitandam destinati, dimissa militia, & sacramento soluti: qui temporibus reipub. difficillimis, quum undique imperium fluctuaret, rebus abscisis, milites quoadque scripti sunt. Sicut quum post Cannensem pugnam, seruitia, obæratos & mercenarios, ac capitalia ausos, militiæ sacramento adigere populus coactus fuit, numero octo millium, qui in exemplum iusti militis militauerunt, quos uolones dixere, quod sponte militiæ adsciti, libertatis studio militiam meruissent. Fuitque animaduersum, in Romanis castris, nisi ingenuos & libertinos seruitute exemptos, militiam meruisse neminem, præterquam secundo Punico bello, quo Hannibal Pænus Italiam omni clade belli peruastabat, quo populus Romanus extremo discrimine adactus, rem desuetam usurpauit, primumque seruitia sacramento adegit. Postea sociali bello ex libertinis duodecim cohortes bonam fidelemque operam reipub. nauarunt. Mox Iulius Cæsar ex magna parte perdomitis hostibus, quum ob bellorum clades in locum decedentium nullos sufficere ualeret, seruos commodatos militiæ adscripsit. Augustus quoque Octauius bello Illyrico & Germanico cohortes libertorum legit, quos uoluntarios appellauit, illosque cum ingenuis commisceri, aut eodem uti armorum genere uetuit. Hos quoque Romæ incendiorum causa, & si grauior tumultus oriretur, instructos paratosque habuit. Ipse enim seruos, qui ciuilibus bellis stipendia fecerant, confectis bellis, dominis restituit. Lapsis inde temporibus, An-

toni-

toninus Caesar uoluntarios, quos obsequentes latrones uocauit, & gladiatores contra hostes prapotentis militiae armauit. Cleomenes quoque dux Lacedaemoniorum, seruitia ad nouem millia libertate donasse, & militiae adscripsisse fertur, quum bellus attriti militum indigerent. Sed tamen capite censos propter inopiam & modicam rem familiarem, diu sacramento adscribere non licuit: donec C. Marius capite censos militiae muneribus fungi, & militare coegit, qui in exemplum iusti militis militarunt. Postremo causarii dicti, quibus causae ne mererent, legitime suppetebant: sicut beneficiarii, qui perfuncti militia, & data missione, post nauatam insigniter operam, muneris uacatione donati & militia missi fuere: tamen si beneficiarios, qui beneficio tribunorum ad militiam euecti erant, nonnulli dictos credant. Tria enim fuere missionum genera, quibus milites exautorabantur: Honesti, quum emeritis stipendij, & functis commodis missionum, uacationis munere donantur, quo tempore scuta, gladios & arma dicantur Laribus, sicut gladiatores Herculi, quod dijs iuuantibus perfuncti militia, rudem accepissent: quod missionis tempus, militi quinquagenario erat definitum. Alij, nisi decennio stipendia meruissent, missionem petere neminem putarunt posse. More tamen Romano, militare sacramentum in undecimum diffundebatur annum: quo exacto, militia perfunctis missio dabatur. Deinde ut decimussextus annus stipendij finem faceret, Tyberio imperante cautum fuit, qui etiam militiae tempus ad uigesimum annum propagauit: cauitque ut nisi post uigesimum annum, missio militi non daretur: praetoriana uero cohortes, nisi annis sedecim militasset, ad

penates & domesticos Lares non remittebātur. Apud Assyrios autem Ninus Semiramis filius, annis singulis copias sacramento solutas domum remisit. Rursus novos milites, militia sacramento, nullo præstituto tempore, adexit: quos tamen ultra annum militia nunquam adscripsit. Causaria uero missio dicitur, quum senectū aut ualitudine aduersa, uitioū corporis, domos uellent aut res inuisere suas: uel uiribus parum ualidi, minus idonei muneribus essent: Ignominiosa, quæ & probrosa dicitur, quum militi ob delictum & graue crimē, quibus reus agitur, ut quia trās fuga, desertor, aut fugitiuus arguitur, uel timide & diffidēter cum hoste congregitur, ignominia notatus, & militia exautoratus fuit: in qua re licet animaduertere, quod si tribunus militē exautorauit, hoc est, insignia militaria illi ademit, infamia quoq; affecisse uidebatur. Post aliquot uero tēpestates, noui milites nominibus uarijs à Caesaribus, penes quos fuit ius arbitriumque rerum omnium, militia adigi cōpere: nam præter gregarios, qui uilissimi inter milites sunt, fuere legionarij, alarij & manipulares, qui in legionibus, alis, uel manipulis militabant: ex quibus Nero Augustianos, & diuus Claudius Dacianos milites legit: Probus uero Decimanos, Alexāder Seuerus Ostēsionales, Tyberius Vigesimalanos, & alij Primanos, Secūdanos, Quartanos, Quartadecimanos, Vndeuigesimalanos, Duodeuigesimalanos, à legionū numero, magnæ et expertæ uirtutis. Apud spartanos Neodomadæ omniū habētur fortissimi, quos Persæ gardates dicūt. Antoninus Caesar lectos milites, Pitamitē et Laconicā cēturiā appellauit. Aegyptij & Aethiopes, calasiries & hermothybies: Antio-



Antiochus alam mille equitū, Gencam: Dion uerò Dionianos. Illud tamen ad memoriam insigne est, milites Romani nominis à cōdita Vrbe ad tribunos militares, & captam à Gallis Urbem, per annos ferè trecentos quinquaginta suo sumptu & impensa meruisse, ac stipendia fecisse. partem enim anni sub pellibus militabant: partē uerò, liberis, uxori & penatibus, sibi quē ac familiæ, agrū colendo, & rei rusticæ nauando operam, necessaria parabant. Quo aut tempore Veij diutina obsidione & intestino malo obsessi fuere, quū hyemare oporteret in castris, Romani utili & necessario exēplo docti, militibus stipendiū de publico statuere: tunc primū collata stipe, æra militibus constituta sunt. Et deinceps reliqua militia, sumptu et ære publico meruere. Nōnulli Anxure capto sub tribunis militaribus, patres stipendiū annuum militibus decreuisse memorant: quod quidem denis asibus in dies singulos taxabatur. Postea Tiberio regnante, singuli denarij diurni dati, prætorianis uerò bini. Scipio Aphricanus instituit, ut prætorianis sesquiplez stipendiū daretur, hoc est, integrum & dimidiatum. Domitianus, quartū stipendium aureos ternos, militi tradidisse fertur. Apud Germanos epulæ & largi conuictus militi pro stipendio fuere. Cyrus ternos obolos singulis nautis stipendium dedit: quibus Lysander unum adijci procurauit. Aegyptij calasirys & hermothybys, quos præcipuos habebāt milites, præter prædia dabāt panis tosti pondera definita, & carnis bubulæ minas singulis: uini uerò sextarios quaternos. Mercenario milite populus Romanus perraro adiutus fuit: solum enim Punico bello Q. Fabio Maximo, & T. Sempronio Graccho consuli-

bus, ope externa adiutus, bella gessit, et Hispania, Celtiberi stipendiarij militis auxilio fultus, legiones duxit, quos latrones, quod mercede militarent, quasi seruientes, nuncupauit antiquitas, qui plerunque circa imperatoris latera excubabant. Galli gessatas uocant milites mercenarios. Inter ceteros Cares mercede militasse, & auxilia conduxisse traduntur, ideo uiliores habiti. Fertur tamen Prusias conductus in Thracia mercenarijs militibus, ita Byzantios obsedisse, ut extra moenia progredi nequiret. Parthi nec mercenarios, nec ordinarios habent exercitus, quibus nec certa imperia, nec duces erant. Sed postquam inssu regis ad bellu educti fuerant, confectis bellis, ad propria dilapsi, nullam mercedem stipendiorum perferunt, nisi praedam. Britanni non aere signato militant, sed aurum, argentum, & alia metalla precium uictoriae ferunt. Scythi, nisi capite hostis oblato, miles praedae particeps fieri nequit. Chij autem quum seruis mercenarijs pro milite uterentur, bello subacti, seruis proprijs uincti traditi, & in exilium acti sunt, sicut Syracusis aliquando possessores a clientibus exacti fuere. Fertur uero Cato senior cum Celtiberorum manum ducentis talentis, & nimis magno stipendio conduxisset, & ob id increpitus ab amicis foret, quod summam nunquam exoluere ualeret, respondisse: si uicerimus, ex hostili praeda illis satisfiet: si uincti forsitan erimus, non habebunt unde petant. Fuit praeterea memoriae literis proditum, apud tot dissonas gentes, linguis moribusque differentes, uaria etiam armorum specie & dissimili ornatu milites in acie prodire, & cum hostibus congredi consuesse, quem sibi quisque proprium & peculiarem fecit. Etenim Vasco-

nes

nes teſto capite, aut cum galea pugnare nefas habent. Aetoli & Pelasgi dextro pede nudo dimicāt, & ſiniſtro crure uestito armis. Albani & Iberi ferarum ter-  
 gore caput amiſti: Saca Scythica gens, criſtatis galeis in acutum deſinentibus. Lacones pileati. Perſæ turrito pileo. Luſitani criſtata galea & neruata caſſide, aut mitratis frōtibus, & iaculo hamato. Paphlagones ha-  
 ſta, Spartani breui pugione præliantur: Salētini exer- to humero. Gallogræci nullo uestitu calceatuq̃ue ami-  
 ſti: quippe qui nunquā niſi in pugna nudentur. Balea- res diſcincti. Cares funda. Perſæ, Parthi, Cydones, & Macæ ſagittis. Thraces peltati cum iaculis & rōphea. Lacones gladio breuiori: Carthaginienses breuibꝯ ſpiculis. Oretani iaculo, funda, & gladio. Numida & Maſſæſylj effrenatis equis, & ſine ephippijs, mirabili uelocitate, ita ut modo citato agmine fugiāt, modo in-  
 ſequantur, miræ ad cauendum ſolertiæ: nonnunquam binos trahētes deſultorios equos, ita ut inter pugnan- dum ex feſſo in recentē armati conſeſtim tranſcendāt, quod compar fuit cum Sueuis & Dardanis, qui pari-  
 ter conſeſtim pugnant & cedūt. Samnites uibrare ha- ſtas antequam dimicēt, aſſuērunt: quibus in prælio nō utuntur. Euboici & Aphri haſtis congregiuntur, quas uocant phalangas: Cretenses Cydonio arcu & ſaltu. Andabata nō niſi obſcuro calo, nouo & inuſitato ge-  
 nere, clauſis & cōniuentibus oculis, aut in caligine et tenebris pugnant. Idem apud Arios, qui iuxta Sueuos incolunt, ut niſi atra nocte præliari liceat nigro ſcutō, corpore colore fucato, et oculis uinctis. Auſtyles quoq; Libyci populi, noctu pugnare diſcunt: die habent in-  
 ducias. At non Parthi: quibus pugnare in tenebris eſt

lege uetitum. Lacones uerò, ut in tenebris pugnare discerent, nunquã noctu prauio lumine incedebant. Contra Athenienses: nam è cubiculo egredi noctu, nisi praelato lumine, Solonis lege uetabantur. Galli praelongis gladijs, & sine mucronibus, & uastis scutis supra umbilicũ, nudi dimicabant. Hispani breuioribus & acuminatis, leues agilitate corporum & armorũ habitu: nam linteis prae-textis, cum purpura & candidissimis tunicis praeliantur: Aegyptij scutis oblongis, ita ut nix hostem conspiciant, & magnis hastis: Achæi breuioribus, neque ad protegenda corpora habilibus, & hastilibus minoribus: quibus Philopomenes, pro scuto clypeum, pro hastili sarissam de dit: Macedones graui armatura, breui gladiolo, et leuibus peltis. Medi et Thesfali equitatu ualèt: Massagetae equis & peditibus. Assyrij, Syri, Arabes, atque Asiatici ferè omnes frequētius de curru praeliātur: sicut Britanni, qui ingentibus gladijs sine mucrone, & breuibus cetris ictus excipiunt. Ipsi etiam Arabes uelocibus camelis cominus oblongo gladio, eminus arcu & sagitta: Bathriani bipennibus & leuibus scutis, Indi arcu tricubitali uel hasta, pelta & lato gladio. Mauri leonum & elephātum pellibus urforumque amicti, bella gerūt. Circa Maotim Laxamathæ uiri pedibus, fæminæ equestri praelio, non ense, sed laqueo depugnant: Sicut Nomades, qui Persice uiuunt, hostē illaqueatũ conficiunt. Ex Germania Roxani scuto, thorace & galea ex crudo bouis corio: reliqui immenso scuto armantur, & hasta enormi: Aethiopes arcubus longis non minus quatuor cubitis, & sagittis lōgissimis. Parthi missilibus telus, aut sagittis assuescūt, citis cohortibus nunc occurrentes, nunc terga dantes, simu-



simulata fuga: quod apud Scythas & Germanos fortissimum pugnae genus censebatur, ut cedere loco, & rursus instare, pro consilio haberent: quibus usus erat cum fœminis equabus praeliari, quod uestigas cursu leuarent: mares uerò in aciem non producere: sicut Bathriani fœminas camelas ad bella præparant, maribus in expeditione non utuntur. Sed tametsi Persæ, Medi & Assyrii, effuso cursu procursando, eminus iaculis et sagittis hostem incesserent, haud longis inde temporibus Persæ optimates, thorace pectus, scuto sinistram, dextram gladio uel securi muniuerunt. Lydi quoq; & pleriq; barbari, longis brachis & longis cristis, sed breui arcu & spiculo armantur. Quod autem de Cydoniis loquor, non omittendum, nulli Græcorum præter Cretenses sagittis uti, institutum patrium esse: nec solum Cydones, Persas, & Parthos catervis sagittariorum ualere, quos hippotoxotas uocant, sed Aethiopes, Arabas, Indos, Scythas, Bathras, Sarmatas, adde Aegyptios, & orientis populos, contra ingêtes hostium copias, calamorum & sagittarum iactu præcipue ualuisse, quibus plerunque solem obumbrant, & ideo serenos exoptant dies. præ cæteris Magnesiæ artem sagittandi habuisse traduntur præcipuam, ubi oppidum Mothona, in quo Philippus sagittæ iactu amisit oculum. Scythis autem adeo sagittarum studium fuit, ut dextra ac sinistra pariter iaculari, & uice alterna in hostes mittere, sublato discrimine, callerent.

Quid sit lex, quid plebiscitum, senatusue consultum, quid prætorum edicta, uel responsa prudentum.

Caput XXIII.

VERVM est quod proditur ab autoribus, à prin-

cipio originum, nullas apud Romanos ex scripto po-  
 puli iudicio, leges latas fuisse: sed quod reges iudicium  
 statuebant, id pro lege seruabatur. Arbitria enim prin-  
 cipum pro legibus erant: quippe condendarum legum  
 ius arbitriumque tunc penes reges erat, quum delictorū  
 pœnas præmiaque constituunt, & querelas ciuium cri-  
 minationesque admittūt. Hinc à Romulo leges curia-  
 ta, & reliquis regibus, præcipuè à Seruio Tullio, absq;  
 populi concilio, sed tantū consulto senatu, leges sacratæ  
 fuere, quibus etiam reges tenebantur: quas sine ordine  
 latas Papyrius in unum collegit & acervauit, unde  
 ius Papyrianum dictum. Quum uerò exterminatis re-  
 gibus, consules & annui magistratus præessent, ius po-  
 testasque omnis legis condendæ consulibus collata fuit:  
 qui quoties ex usu erat, ex cōsulto senatus, leges ad po-  
 pulum tulere, quæ firmæ illibataque mansere. Neque  
 consules modo, sed dictatores, prætores, ædiles, censo-  
 resque ad populum iura dare, & legem ferre poterāt,  
 eaque promulgata & demum lata populi iussu, pa-  
 tribus autoribus, ita summos ac infimos astringebat,  
 ut obediēter imperata facere oporteret. Quod si in le-  
 ge ferenda populus aduersaretur, aut senatus illā non  
 acciperet: quippe qui eam ferri aut promulgari non si-  
 neret, nullius exempli, nullarumque uirium esse cense-  
 batur. Ferebat enim præco legem ad populum, ex au-  
 toritate & iussu dictatoris, consulis, prætorisue, subij-  
 ciente uerba & præcunte scriba: qui quum illam pro-  
 mulgasset, id demū firmum erat, si in eo quod lege ca-  
 uebatur, populus autor fieret. Ipsaque lata & promul-  
 gata, atque in æs incisa, & in ærarium cōdita, ita suis  
 scitis omnes astringebat, ut eius firma maneret auto-  
 ritas:

ritas: aduersus que eam si quid factum foret, posset non iure factum uideri. Multa quoque per legem lata aduersus eum, qui secus fecisset, impune irrogari quibat. Si quid tamen ea promulgata, addendū legi foret, detrahendūue, antequam in foro proposita, et in æ incisa fuisset, facile licebat: postea uerò uetabatur. Si tamen nō trinundino lex promulgaretur, aut Ioue tonāte, uel per uim & minas, seu per fulgura & tempestates, uel die ominoso & piaculiari edita: si cōtra plebis tribunorūue intercessionēs, aut denique cōtra auspicia feratur: si neque iurata per consules tribunōsue esset: poterat haud dubiè abrogari, & pro infecta haberi. Quare quum M. Iulius Drusus tri. pl. leges pro optimatibus tulisset, Philippus consul qui ei infensus aderat, obtinuit à senatu, ut leges eius uno senatusconsulto tollerentur, quia contra auspicia latæ erant, propterea illis populum non teneri. Neque enim fas erat pro lege recipi, quod uitio, & non iusto imperio editum fuisset aut promulgatū: idque lege ueteri cauebatur, his uerbis: Legum iusta imperia sunt, hisque ciues modeste & sine recusatione parento: & infra. Dictum est autem trinundino leges ferri, quod tribus nundinis proponi leges, demum promulgari deberet. Si quid tamen alicui ob gratiam, quod dignū aliquod operæ precium fecisset, contra ius publicum aut legem scriptam indulgendum foret, nonnunquam senatu postulante, populi iussu lex abrogabatur, ut ille legibus solueretur, exemplo Lacedæmoniorum: & ius interim conuiebat, eademque post annum ferebatur denuo. Alexander uerò Seuerus imperator, nullā sacrasse dicitur legem, sine XX. iurisperitorum & quinquaginta disertissimorum

consilio. quod quidem ius, in legem, morem & aequitatem ueteres diuiserunt: iusque ad res humanas, fas ad religionem pertinere uoluerunt. Sed notandum, non solum leges editas consensu populi sacratas, sed & scita plebis, senatusconsulta, edicta magistratuum, ac iurisperitorum auctoritates & responsa, demum placita principum, & res iudicatas, uim legis habuisse in quibus ciuile omne ius consistit. Animaduersionis enim metu, magistratus dum audacia & facinoribus obuiam eunt, his ueluti legibus omnes alligarunt. Erant enim plebiscita, quæ rogatione tribunitia legis cõdenda causa, plebs statuebat, quæ licet à plebe scita essent, illa tamen uim legis habere haud dubium est. Quintus enim Hortensius quum plebs in Ianiculum secessisset, in Esculeto legem tulit, ut ea quæ plebs iussisset, omnes Quirites tenerent, quam L. Valerius, & M. Horatius antea tulerant centuriatis comitijs. Magni tamen inter plebiscita legesque intererat, quod plebiscita, tribuno rogante, de his quæ ad plebem pertinent: leges uerò, consule uel præatore, aut alio magistratu consulente, rogabantur. Qui tamen populus differt à plebe, quod in populo patritij, senatores, cunctaque nobilitas insunt: in plebe uerò patritij non insunt. Non tamen quicquid populus iussit, ratum esse decet: quia quod ius non esset, populus iubere non poterat. Senatus quoque consulta, tametsi ad populum non ferantur, si tamen ea tribuni probassent, & rata esse uellent, legis uim obtinuerunt. Erat enim senatusconsultum, quod senatu iubente, decernebatur sine lege. Hæc enim illa sunt decreta & consulta patrum, quæ iuris statuendi causa, non ob priuatam utilitatem decreto amplissimi ordinis statuuntur: quæ



quæ tunc rata erant, si tribuni pleb. ea censuissent: aliter poterat senatusconsultum per intercessionem tribunitias impediri. Fuitque diu obseruatum, in omnibus senatusconsultis, in quibus aliquem solui placebat, adijcere, ut de ea re ad populum feratur, quod postea adijci desitum est. præter quæ, prætorum edicta, quæ iuris statuendi causa in albo proponuntur, legum uicem habere, ut quum doli metusue causa, aut ui quod factum sit uel clam, se ratum non habiturum promittit: quæ quidem edicta, uel ciuile iuris declarandi, uel interpretandi, adiuuandi, supplendique causa, à prætore proponebatur: quod ius honorarium dictum est. Et quum prætores olim ob gratiam plerumque uarie ius dicerent, Cornelius legem tulit, ut nisi ex edictis suis perpetuis, & scripto iure prætores iura dare non possent. Fuitque constitutum, ut non prætores modo, sed ædiles, censesque de his quæ cuiusque magistratus iurisdictionis sunt, quoties uaria & commutabilis ratio aliquid noui decernendi causam daret, edicta proponerent, eaque circumspicte edita, uelut iura legesque promulgatas seruari mandarent, ita ut si quid contra factum esset, poterat in eum haud secus lege agi, quam si decreta legum labefactasset, aut præterisset. In quibus etiam seruatum comperimus, tunc quum proponuntur aut eduntur, in primis nomē Caesaris cum honore præfari. Et tamen si annuam dici legem edicta prætorum quidam censuerint, constat tamen, illorum constituta haud secus, quam si perpetua lex esset, sæpe ualuisse. Estque memoriæ proditum, ut instar edictorum, prætoris interdicta ualeant: nam si quid bono publico ne fieret interdixit, haud secus in eos animaduertit, qui admisere aliquid contra

uetitum, quàm si quid fieri iussisset, & ob nequitia paritum nõ fuisset. Responſa denique prudentum pro legibus ſape habita & recepta ſunt: quum enim interpretandi iuris & ſententia ferenda de his quæ in controuerſiam ueniunt, poteſtas his tributa eſſet, illorum reſponſa, librata moderatione edita, nimirum eam uim obtinere, ac ſi leges ſacrate fuiſſent: quæ quidem tanta autoritatis fuere, ut ſuppreſſa ratione, illorum placita inſtar legis haberent. Ante uerò Auguſti tempora ius reſpondendi de iure controuerſo nulli datum fuit: ſed qui ſtudiorum ſuorum fiduciam habebant, conſultentibus reſponſa dabant: primus enim Auguſtus iureconſultis, uelut legum miniſtris, de iure reſpondendi ſuper his quæ in dubium diſceptationemque uenirent, munus dediffe fertur: & ex illo traditum, ut reſpondendi interpretandi que iura, pro beneficio à principe peteretur facultas. Quare à Tiberio Cæſare, Sabino iureconſulto interpretandi iuris, magni muneris loco, ius tributum fuit: & poſt eum reliqui Cæſares id muneris ſui eſſe uoluere: adeo ut quum ab Hadriano iuri prætorij, ut de iure reſpondere liceret, pro beneficio peterent, reſpondiſſe dicatur, hoc non peti à principe, ſed præſtari ſolere: & ideo ſiquis ſui fiduciam haberet, eſſetque iuris ſciens, reſpondendi ſe facultatem non negaturum. Quare illorum reſponſis leges nonnunquam editæ, ſæpius interpretatæ ſunt. Feruntque Maxacenos iuxta Cappadoces, quum Carondæ legibus uteretur, ne ſine interprete legum ſcita ſeruarent, ſi quod dubium ius emergeret, aliquem peritum iuris elegiſſe, cuius reſponſis & dictis parerent. Eiuſmodi fuere tam Papi-niani, Seruij Sulpitij, Pauli & Scauolæ: quàm Vlpia-ni, Tre-

ni, Trebatij, Tuberonis, Cassij, & Saluij Iuliani, aliorumque iurifconsultorum magno studio curaque elaborata sententia: quibus tam leges quam plebiscita, pratorumque edicta, & senatusconsulta interpretandi facultas erat: proque illorum responsis in iudicio & foro ius saepe dictum est. Hic enim Cassius nepos fuit Tuberonis ex filia, quae neptis erat Seruij Sulpitij, iuris scientissimus & consultissimus. Papinianus uero Scauola discipulus, & ut in plurimum est monumentis, sub Seuero principe in summam commendationem uenit. Vlpianus autem, Paulus, Pomponius, Triphonius, Metianus, Celsus, Proculus, Modestinus, Alphenus, Aphricanus, Florentinus, Martianus, Callistratus, Hermogenes & Venuleius, sub Alexandro Seuero floruerunt: in eius societatem & iura familiaritatis allekti, Papiniani omnes discipuli. Vlpianum uero ipse Alexander praeceteris ob morum probitatem, & singularem iuris scientiam, amplissimis honoribus honestauit, & re familiari auxit: qui tamen ab Heliogabalo, quod bonus uir esset, officio motus fuit. Alphenus uero ab adulescentia tonstrina exercuit, mox sub Sulpitio iuris scientissimus euasit, ita ut consul effici, & decedens, publico funere efferrimeruerit. Trebatius, licet sub disciplina Ciceronis iuris peritissimus, aliquot libros de iure ciuili composuisset, & de religionibus nouem, tamen & uersu heroico plurimum ualuit, & inter poetas adnumeratus est. Saluius autem Iulianus, praecausus fuit Didio Iuliano, qui post Pertinacem, imperium tenuit. Papinianum uero Caracalla iussit interfici, quod fratris necem interfecerat, apud senatum excusare nollet, asserentem non tam facile parricidium excusari posse, quam fieri,

Fertur uerò Caligula, qui hostis humani generis dictus est, omnia iurisconsultorum placita inducere, & præter se, nullū de iure respondere uoluisse. Postremò principum placita, quæ constitutiones appellantur, pro legibus etiam recepta fuere. Nam quum D. Cæsar, & sequenti principes summam imperij haberent, & soli iura darent, omnis condenda legis ius potestasque lege Hortensia à populo ad principem translata fuit: ita ut quod principum decretis cōmunis iuris decernēdi causa statutum esset, etiam sine populi concilio pro lege haberetur. Non tamen omnis Cæsaris uoluntas lex putanda est: quia si quid princeps non publico decreto, ut inter exempla referatur, sed priuati iuris causa statuisset, id non esse legē conuenit: quippe priuata decreta principis in exemplum non deducuntur. D. autem Traianus uir omni laude dignus, quū priuilegijs ab se editis, aut ob merita indultis, multos inniti, atque in exemplum trahi uideret, ueritus ne contra leges moresque maiorum, ad alias causas perferrentur, illaq; in iudicijs & foro pro lege acciperent, diplomatibus libellisq; nunquā ex scripto respondebat, ne perniciosum inde exemplum, & quasi seminarium mali oriretur: sed tantum uerbo, quibus uisum est, assensisse fertur, aut priuilegia induxisse. Tāetsi uetus mos esset, principē scripto adire, & consulentibus per libellos respondere. Quod & Nero fecit, qui in iure dicēdo, nisi scripto & sequenti die postulatoribus respondit. Proditur tertius Antiochus tāti decreta legum fecisse, ut datis diplomatibus edixerit, ut si quid suo iussu cōtra leges & iura decretum foret, ne sibi parerent, impuneque aduersarentur: cuius exemplo Agesilaus, non aliter promissa præstare uoluit,



noluit, quàm si iusta essent. M. quoque Antonius orator è tot millibus orationum, nullam ex scripto edidit concionem, ut si quid parum laude dignum, & contra legum decreta in his compertum esset, posset à se dictum inficiari. Quod parum prospiciens L. Crassus orator, quum à M. Bruto increpitus esset apud iudices, quod ex duabus orationibus capita inter se contraria edidisset, respondit orationes esse causarum & temporum, non autem hominum & patronorum.

Qui primi de plebe ad dictaturam, consulatum, & praetoriam, aliosq; magistratus euecti fuerint: & de ephoris qua tradantur. Caput XXIIII.

QVO tempore in mōte Sacro magistratus sibi plebs creauit quos sacrosanctos fecit, id cautum est, ne cui patritio illos capere liceret, quod nō ab re sancitum fuit: Nam quum aduersus potentiam patritiorum, tribunum propugnatorem fautoremq; sibi plebs creasset, ut querelas criminationesque in patres acciperet, periniquum uidebatur, ut in quo defensores sibi plebs adsciuerat, ad id fastigium honoris, illos qui sibi infensi infestique erant, aduocaret: quorum instar ephori apud Lacedaemonios habuere: qui sicut tribuni pleb. Romae consularem potestatem, ita regum Spartanorum insolentiam reprimerent, ne imperio abuterentur, nimiaeque ferociae & audaciae assuescerent. Qui à principio quinque ex amicorum numero fuere, ut ministri regum auxilio allekti, scilicet quum reges foris bella gererent, ipsi domi iura darent, primum à Theopompo Spartanorum rege instituti, necessitatis causa, licet Spartana lege cautum fuerit, utrique regi cum exercitu foras prodire non licere. Paulatim eò licentiae processere, ut regi non

assurgerent, & seorsum tribunal haberent, & nō modo magistratus comprimerent, & in disquisitionē uocarent, ac de uendendis emendisq̃ue rebus cognoscerent, sed regi, quid factū opus erat, præscriberent: quibusq̃ue annis copia educendā forent, quoq̃ue tempore equitatus, aut grauis armatura, & peditum acies promouendā, enunciarent. Adeoq̃ue omnium rerum gerendarum censors erant, ut Archidamum Lacedæmoniorum regem graui affecerint mulcta, quod cum uxore exigui corporis nuptias contraxisset, quod liberos tantum, non reges se geniturum cogitasset: ipsumq̃ue in disquisitionem uocare, & in carcerem trudere, atque morte afficere possent, sicut de Pausania, Agide & alijs factitatum accepimus: eoq̃ue insolentiā processere, ut quū inissent magistratum, seruis primum bellum indicerent, quod olim cum Messenijs conspirassent, magnisq̃ue calamitatibus & multiplici incommodo spartam affecissent: mox, ut singuli barbaram rasitarent, per præconem edicerent, ut si qui minus dicta audientes forent, internoscerent. Vtq̃ue maiori formidini essent, iuxta triclinium ubi tribunal habebant, Timoris sacellum erexere. Vtq̃ue occasionem regis criminandi scrutarentur, singulis nouennijs cælum & sidera silenti nocte obseruarunt: ut si stellam ex cæli regione in aliam declinantem, aut radiantem uidissent, reges contra deos aliquid molitos criminarentur: itaq̃ue efficiebant, ut regimini cedere, & magistratu abire cogerentur. Erat tamen ius regi, ut si ab ephoris uocatus, primæ & alteri iussioni non pareret, contumacia fraudi non esset: tertiæ nisi paruisset, imperio cogi poterat. Qui quidem ephori unā cum regibus singulis  
mensi-

mensibus mutuo iurabant, pro legibus Lycurgi impe-  
 ratum ire, & regnum inconcussum tenere. Hos postea  
 Cleomenes, quum crudelem in modum dominarentur,  
 sustulit, & restituta regi potestate, illos de gradu de-  
 iccit, & dominium abrogauit. Si tamen reges dissen-  
 tirent, uariatis sententijs, illi qui uideretur melior, stan-  
 dum erat: quod si in unam sententiam conuenirent,  
 nulli ephorum contraire fas erat. Ergo plebeios ma-  
 gistratus nulli patritio sumere licebat: idque Volero  
 tribunus plebis rogatione promulgata statuit, plebsq;  
 sciuit, ut plebeij magistratus sine patribus, sed tan-  
 tum admissa plebe tribunitijs comitijs fierent. Cumque  
 patritij magistratus auspicato fierent, solos plebeios  
 inauspicatos esse, & minoribus regi auspicijs, peruul-  
 gatum est. Et tamen si ad dictaturam, consulatum, præ-  
 turam & censuram nulli nisi patritij antea admitte-  
 rentur, tamen sequutus temporibus patritij magistra-  
 tus cum plebe communicati fuere. Siquidem Sextius  
 primus de plebe cōsul factus est, quod deinde fuit Li-  
 cinia lege cautum, quam C. Licinius & L. Sextius tri-  
 pl. promulgarunt, ut consulatus cum plebe communis  
 foret. Q. quoque P. Philo præturā, & Cl. Licinius Sto-  
 lo de plebe homines, magisterium equitum cum patri-  
 bus gessere. Quinetiam dictaturam, in qua summus  
 splendor & amplitudo erat, censuramque cum plebe  
 communicatam inuenimus: nam & M. Rutilus pri-  
 mus dictator & censor: deinde Q. Pompeius, & Q.  
 Metellus uterque ex plebe censores facti sunt, quam le-  
 gem Philo dictator tulisse fertur. Omnes denique pa-  
 tritij magistratus, etiā pontificatus, & sacerdotia cum  
 plebe communicata fuere. Nec modo ex plebe ciues,

sed Latini nominis, & demum exterarum gentium populi, ad magistratus & honores Romæ prouecti fuerunt. Tribunatum uerò plebis lōgo tempore nihil cum patribus cōsociatum habuisse comperimus, nisi quum finito decemuruali imperio, nouos tribunos plebis cooptari oporteret, sp. Tarpeium & Aul. Aternium patritios & consulares, in collegium tribuni adsciuerunt. Et mox Minutius magister equitum, qui de sp. Melio sumpsit pœnas, & postea Appius Pulcher, ut Ptolemæo bellum indiceret, & deinde P. Clodius, ut tribunus plebis fieret, à patribus ad plebem transuere: donec post Syllæ tempora tribunatus plebis passim à patritijs & summis honoribus functis, appeti cœpit: qui prouincias sortiri, & imperium gerere, atque cum fascibus, & lictoribus etiam extra Urbem incedere cœperunt. Tantiq̃ue postea honoris habitus est, ut populum Romanum Octauio Augusto, & deinceps Cæsaribus tribunatum plebis dedisse, pro magno fuerit munere existimatum. Illud est tamen minime praterendum, quòd quum à tribuno pleb. dies dici consuli pratoriq̃ue possit, ipse tamen iure sacrosanctæ potestatis, ab omni potentia magistratus immunis erat. Si tamen potestate tradita abuteretur, aut si iura plebis minueret, uel ubi intercedendum minimè fuisset, intercederet: seu si cōtra cōmoda plebis aliquid molitus esset, poterat ei dies dici, & à consule uel tribunis reus agi: cunctisq̃ suffragantibus tribubus, de gradu deijci, & pœnis coerceri. Tūc enim sacrosanctus esse desinebat, & profanus erat. Quòd nouem tribuni plebis cum sp. Cassio, ne magistratus more maiorum subrogarentur, contra libertatem populi Romani coniurarant,

Publius



Publius Mutius tribunus plebis eis non solum tribu-  
 natum abrogauit, sed & pœnas debitas iure & lege  
 inferri peruenit. Et Tyberius Gracchus in tribunatu  
 Octauium collegam contra commoda plebis interce-  
 dentem, tribuum maiori parte suffragante, potestate  
 priuauit. Verba uero legis quibus tribunus plebis sa-  
 crofanctus sit, asscripsi: Tribunum inuitum, tanquam  
 unum è multis, nemo cogito agere, neque uerberato,  
 neque alteri ut uerberet imperato, neque occidito, ne-  
 que occidi iubeto: Si quis autem prohibitorum horum  
 quid fecerit, impius execrabilisque esto, bonaque eius  
 publicato ad sacra Cereris: & qui aliquem hæc agen-  
 tium occiderit, cadis expiatus esto.

Quas acies, quosue exercitus qui duces parua manu profliga-  
 rint, quæue flumina Xerxis exercitus potarit.

Caput XXV.

ACIES profligatas & exercitus parua manu  
 caesos ad interitum, ita ut uix pauci superfuerint, tres  
 præcipuos ab autoribus memoratos ferunt, licet ex  
 omni antiquitate si quis reputare uolet, innumeras in-  
 ueniet. Quum enim Assyriorum rex Cyrus cōtra Scy-  
 thas cum ualido exercitu occæpisset bellum facere,  
 postquam eos ingenti clade affluxit, caeso etiam unico  
 regis filio, Tomyris regina Scytharum dissimulans æ-  
 gritudinem animi, inter angustissimos tramites Assy-  
 rios nacta, ita illos cecidit, ut parua manu hostium in-  
 gentes copias fuderit, ducetæque millia Persarum una  
 acie trucidarit, tanta cæde, ut ne nuncius quidem lu-  
 etuosæ cladis superfuerit. Alteram, quum inter Locren-  
 ses Epizephyrios & Crotoniatas sæuientibus odijs  
 certaretur, tanto furore animorum, & quasi uecordia

ad pugnam fuisse procursum ferūt, ut quindecim Locrorum millia aduersus Crotoniatarum cētum uiginti millia seuē & atrociter pugnam inire nō dubitarint, Locrensesque tam parua manu tot millia Crotoniatarum felicitate mira uno praelio attriuerint, ita prorsus, ut ex ea strage pauci uix fuga elapsi superfuisse dicantur: eaque ad Sagram Metaponti fluiuium commissa pugna, ad posteros celebrem memoriam nominis dederit, uulgo iactato prouerbio, ἀλυσσερα τῶν ἐπὶ σά-  
 ραν. Tertiam, cum duce Miltiade in campis Marathonijs contra Artaphernem & Datym Darij praefectos, ab Atheniensibus uno praelio feliciter pugnatum & debellatum est, in qua decem Atheniensium millia, Persarum plus centum decem millia crudelem in modum afflixerunt, toto caeso exercitu: fuit autem Marathō Attica ciuitas ab Athenis haud plus decem milibus passuum distās. Iterum quum annis intercedentibus, contra Xerxem arma Graeciae inferentem, qui bellum dīs hominibusq; indixerat, memorabilis Spartanorum ad Thermopylas, & claustra illa tam natura quàm munimento inexpugnabilia, pugna commissa fuit, trophaeis & monumentis celebrata: quorum tam insolens uictoria proditur, ut decem hominum millia, duce Leonida, contra innumerabiles Persarum copias claustra tenere: & sexcenti spartani, quingentorum millium castra inuadere non dubitarint: ubi tāta strage ad satietatem seuitum est, ut difficile dictu sit, Spartanorum Atheniensiumque, uel singulorum precipuam uirtutem, uel uniuersorum laudes dinumerare: ad id uero cladis processum, ut quid funerum absumptum sit, illud argumento fuerit, quod cadauera pas-  
 sim

simstrata praelio uel tempestate, corporaque morbo  
& uastitate enecta, aliosque alia peste absumptos,  
mare & terra uix ceperit. Quiq; modo terrestres na-  
ualesque copias ultra decies cetena peditum, equitum  
uerò octoginta millia armatorum, in expeditionem  
duxerat: cuique sexcenta millia frumēti modia diar-  
na cibo, & tot flumina exhausta potui nō suffecerint:  
is cum multa cade & fuga à paucissimis cæsus & pro-  
fligatus, inconsulti certaminis, & temeraria expedi-  
tionis insignes pœnas dederit: ipseque tanti exercitus  
imperator magnificus, tanta clade oppressus, inermi  
naue per stragem corporum armorumque uix effuge-  
rit. In qua quidem re non minori miraculo proditur,  
tantas copias ab uno Pythio Bithyno epulo exceptas  
magnificè, frumentoque, ueste ac uiatico adiutas. Fuit  
illa quoque memorabilis exempli clades celebrata  
sermonibus, cum ad Granicum amnem, aut Arbelam,  
uel quum ad Amanicas Pylas in faucibus angustis ab  
Alexandro signis collatis cum Darao pugnatum est, in  
qua prope ad internecionem dimicatum fuit: ubi ul-  
tra centum millia Persarum peditum feruntur cæsa, e-  
quitum uero decem millia: ex Macedonibus uero non  
ultra trigintaduo pedites, equites autem cētum quin-  
quaginta occidisse. Ad Granicum uero barbarorum  
uiginti millia, equitum uero duo millia fœdum in mo-  
dum occubuerunt, quum ex Alexandri exercitu trigin-  
taquatuor fuisse desideratos, quidam monumentis te-  
stati sint. Romani autem licet incredibili felicitate sæ-  
pe hostium copias ad extremum exitium profligarint,  
tamen præcipuis cladibus, & infanda strage maxi-  
me hostem affecere: uel quum M. Linius & Claudius

Nero Hasdrubatem suppetias Hannibali ferentem, ad Metaurum ingenti strage debellarunt, ubi par Cannensi cladi exitium redditum fuisse memorant. Vel quum Fabius Aemilianus uix triginta millibus militum ad Rhodanum plus ducenta Gallorum millia ingenti strage deleuit. Vel quum cōtra Antiochum haud minus feliciter pugnatum est, plus quinquaginta millibus hostium casis, uigintiquatuor equitibus, & trecentis peditibus Romæ desideratis. Aut quum C. Marius Cimbro & Theutonos ad aquas Sextias parua manu cecidit. Vel quum Sylla contra Mithridatem ad Orchomenum & Cheroniam ducens, illius copias fudit, & in intimas solitudines egit. Aut quum contra Archelaum non longe à Pyrao commisso pralio, ita eum deformauit, ut ex uiginti hostium millibus uix decem superfuerint: ex Syllæ uero exercitu uix quatuordecim desiderati sint. Aut quum Pōpeius eundem Mithridatem strage atrocissima perculit, quadraginta millibus hostium casis, non pluribus uiginti ex suis interfectis. Vel quum Lucullus contra Tigranem bellum magnis conatibus aggressus, multiplici eum clade affecit, in quo Romanorum uix pars uigesima copūs hostium accedere uisa est: cuius pugna tanta Romanorum felicitas fuisse traditur, ut ultra centum millia hostium promiscua cæde occisa, Romanorum uero non ultra centum uulnerati, occisi autem quinque dicātur. Tam paruo impendio tam insolens uictoria stetit. Aeli quoque Galli in expeditione Arabica memorabilis uictoria inter illustria adnumeratur, ut post excidia & uastationes agrorum, pluribus oppidis expugnat, plus triginta hominū millibus fæde casis & profliga-



fligatis, non amplius septem ex suis interfectis, illustri uictoria potitus fuerit. Mitto C. Caesaris felicitatem, cuius longe lateque diffusa uirtus fuit, quoties bellis casibus agitatus contra Aquitanos, Heluetios, Aruernos, reliquosque Gallos & Germanos, aliasque exteras & incultis moribus gentes, parua manu innumeras hostium copias fudit. Quoties aduersus maximos conatus inops ipse & imparatus presentissimo animo resistit: quoties admotas hostiliter legiones fudit, quot praelia confecit, quam firmissima hostium praesidia saepe conuulsit & labefactauit, quas urbes & gentes ui & obsidione domuit, aut deditas in deditionem fideique recepit, ita ut an uirtute animi & metis magnitudine, an felicitate & fortuna plus ualuerit, difficile sit diiudicare. Sed post tot successus & felicitates una Romanorum clades inter exempla memoratur insignis, quum Lucius Bebius in Hispaniam ducens, agmine inexplorato per abditos saltus & inuias regiones in insidias praecipitatus, circumuentus à Liguribus & oppressus est: oportueritque Massilienses tam luctuosam cladem per nuncios Romanis significare. Altera post Cannensem cladem cum duce C. Manlio & Quinto Cepione, à Cimbris & Theutonis, legionibus fuis, plus octoginta Romanorum & sociorum millia ad Rbodanum fœde casa & debellata fuere: ubi tantum cladis acceptum, ut uix decem superfuisse dicantur, qua clade populus Romanus in tanto pauore & luctu fuit, ut uelut ultima publicorum malorum passus, iustitio indicto, sicut in magna consternatione assolet, pretextas & laticlauios dimiserit, & saga sumpserit. Sed super omnem indignita-

tem fædi exempli & memoria est, quod de Valeriano Casare recentiore memoria proditum est, qui quum optimus fuerit, infelix apparuit tamen, postquam uis illa uigorque & uirtus bellica, atque antiquum belli decus exoleuit: qui in expeditione in Persas quum fœdissimo euentu pugnasset, à Sapore Persarum rege, occiso exercitu, captus, usque eò deformatus fuit, tantisque contumelijs obnoxius, ut post afflictas fortunas, nulla uerecundia pristina maiestatis, contra decus imperij, regi Persarum equum ascensuro, humi prostratus dorso gradum faceret. adeo Romani indignissimam fortunam, & grauissimos casus, ac sortis humanæ uarietatem, uelut magna documenta mortalitatis, nonnunquam experti fuere. In qua quidem re proditur uerbum Galeni filij uecordis & deliri, qui qua die de captiuitate patris resciiuit, parum curans, uerbum Catonis usurpauit: Sciebam, inquit, me genuisse mortalem. Quæ autem flumina à tot millibus Persarum epota, Xerxi non suffecerint, hæc præcipuè traduntur: Scamander & Onochonus in Thessalia: Simois in Phrygia, qui ex Ida sub Ilio decurrens quandoque torrentior, ad Sigeum mare ingreditur: Chydorus in Bæotia, Lysus in Samothracia, qui per Thasios fluit: Manala iuxta Hellepontum in Lysimachia. Addit Herodotus lacum in sinu eodem triginta stadiorum, quem sola iumenta Persarum, quum aqua subsalsum saporem habeat, & potui insalubris homini sit, paucis diebus esiccauere.

Quid uaria gentes de dijs senserint, & quàm impia & detestanda sacra apud exteras gentes fuerint.

Caput XXVI.

Quàm

QVAM impia & falsa inter gentes olim de dijs opinio fuerit, quamque multiformes deorum uanitates, & quam infandis sacris prisci deos coluerint; dictu referre difficile est: siquidem primi mortales nulla doctrinae schola, nec ratione aut lege, sed suo quisque ingenio, & prout impetus animi tulit, deos geniosque adoptando, numina coluerunt. Primos enim qui antiquissimi fuerunt, hastas colere cœpisse, aut ligna delibrata corticibus pro dijs ueneratos accepimus: inde à Romanis religio fluxit, ut singulis deorum simulachris hastas darent: tametsi antiquissimos Romanorum, centum septuaginta annos sine deorum imaginibus uixisse nonnulli testati sint. Indi quicquid colere cœperunt, præcipue maximas arbores deos putauerunt, illasque pro numinibus uenerati sunt, quas ferro uiolasse capitale fuit: ex quibus nonnulli draconem quinque iugerum, uelut Liberi patris simulachrum, coluerunt: Persæ & Massageta Cælum, Iouem: Solem uero deum maximum dixerunt, equosque illi sacrauerunt, quibus interdictum erat, ne quem præter Solem deum colerent. Quicquid uero quernis arboribus nascebatur, è cœlo missum putabant: ijdem Soli, Lunæ, Telluri & Igni, Aquæ ac Ventis sacrum facere instituerunt, quos omnes deos, Ignem uero præcipuum duxerunt: quæ etiam Magorum opinio fuit, cui Thales adstipulatur, qui Ignem tam religiose coluerunt, ut cremare corpora ducerent nefas, ne contagio cadaueris, deorum maximum uiolarent. Multos comperi persuasum habere, Martem pernixilem deum esse, & præsentissimum numen: quare Neurii qui iuxta Borysthenem sunt, enses pro Martis simulachro

adorabant. Sunt qui arbitrètur uisco, quod in querna arbore nascebatur, nullum præsentiùs numen aestimari. Hi fuerunt Druidæ, quorum uana superstitione inter mortales præcipua fuisse traditur. Alij mari porretum collem uelut præsentem deum coluerunt, quòd eo occlusa uallis, aestu Oceani non inundaret. Cappadocibus quoque Mons deus habetur. Et phryges Maandro & Marsyæ sacrificant. Scythæ illi inhospitales qui in intimas solitudines acti sunt, super sarmentorũ fascibus uetustissimo collocato acinaci, uelut Martis simulachro, annuis hostijs litabant. Pæni Soli & Lunæ uniuerſi sacrificant. Syri obsecatis animis Pisces & Columbam deos sibi consecrarunt. Troglodytæ Testudines, Heliopolitani Bouem, Memphitæ Vaccam, Lentopolitani Leonem, Capram & Hircum Mendesi, Thebani Aquilam, Lycopolitani Lupum, Babylonũ uero Cepum, ab his uelut propicio numine petita accipere arbitrantes. Cyrenæici Acorem, magnum deum muscarum aestimarunt. Arabes ad Memnonium, Cercopithecum cælo dicarunt, illius opem in rebus afflictis implorantes. Mitto Aegyptiorum superstitionem, & falsarum opinionum ineptias, qui Apim præcipuo honore uenerati, solum responsa dare, & prosperos euentus, aut futuras calamitates præmonstrare, fabulati sunt: modo Isim & Osiridem, modo Serapim, & quod dicere piget, crocodilos, à quibus hominem deuorari, tanquam à deo expetitur, magni muneris habebatur loco: modo Ichneumones, Ibes & fæda animalia, aliaque ludibria religionum, uelut deorum numina colentes: ita ut gentes aliquas quæ Felem auream, & alios qui Scarabæos, pro dijs haberent, circa Scyo-



Scyonem fuisse legamus. Germani Solem, Vulcanum  
 & Lunam, solos deos quos cernebant, opinati sunt:  
 quæ Anaximandri opinio fuit, ut cœlestia fœdera deos  
 esse crederet. Quinetiam Aegyptij Solis simulachrum  
 diplomatibus consignatis adorant, quem Horum nun-  
 cupant, illudque precibus & uotis frequentant assi-  
 due: Arabes Iouem & Bacchum. Aethiopes ex dijs u-  
 num mortalem, alterum immortalem putant: nonnulli  
 Pœnam & Beneficium: Assyrij & Persæ unum bono-  
 rum largitorem, alterum malorum. Fuere qui crede-  
 rent nullos deos esse, cæci & excordes, omniaque agi  
 fato, animasque cum corporibus interire unâ. Ex his  
 præter Diagoram & Theodorum Cyrenæum, Eue-  
 merum Tegeatem, & Callimachum, ac Prodicum  
 Cæum, aliosque plures, qui ἄθροιστος dicti, fuere Callaici  
 gens moribus effera, cultu inhumano & fero, neque  
 more neque iure uiuentes. Numidæ Ammonem in de-  
 sertis arenis magnis honoribus frequentant. Celtiberi  
 cuiuspiam deo, cuius etiam nomen ignorabant, plena  
 Luna nocturnum sacrum facere, & ante cuiusque  
 fores saltibus indecoris pernoctare didicerunt. Quod  
 si illorum sacrificia scrutari, ac barbaros externosque  
 ritus eruere conamur, quàm impios cultus & quàm  
 infanda sacra apud tot efferas nationes uario gētium  
 ritu inueniemus? Scythotauri pro hostijs Dianæ adue-  
 nas immolabant: Laodiceæ Palladi uirginem: Arcades  
 Ioui Lycæo puerum. Plerique iuxta Borysthenem ue-  
 cordi animo homines, uictimas dare, & in sacrificijs  
 deorum humanis ossibus adolere solebant. Blemmyæ,  
 Cimbri, Galli, Druidæ & Germani, statis diebus, hu-  
 manis litant hostijs, & cruore captiuorum adolent a-

ras, tunc propiciari deum maxime arbitrati, quum per cruciatum homines excarnificarent, ex pœnis hominum diuinationem & auguria captantes. Fuitque apud Phœnices & Carthaginienses nimium diu seruatum, ut infantes principali honore insignes sorte ductos, in regio ornata Saturno immolarent hostias: & quem sors morti destinarat, morti subtrahere non licebat. quare multorum ciuium largis fletibus dep lorata funera fuere: à quibus sacris quum desuissent, postea uicti ab Agathocle, deos propterea subiratos arbitantes, ut numen placarent, ducentos nobilium filios mactarunt ad aras: adeò caca mortalitas sub nomine religionis ad infandas cedes agebatur præceptis. Id quod à Rhodijs & Cretensibus factitatum comperimus, ut hominem epulis grauatum, ac pueros impuberes festis diebus Saturno mactarent. In Chio & Salamine mos multa secula uiguit, ut Diomedi & Dionysio homines discriptos iugularent: eiusdemque Dionysii templum in Arcadia fuit, in quo puellæ ad aram diffлагellabantur ad necem: sicut spartæ in ara Mercurij, & Orthiæ Diana pueri. Quin etiam alij ingenti simulachro uiminibus intexto, & uiuis hominibus oppleto, ac igne succenso, hominibusque fœdum in modum exanimatis, maximum holocaustum djs offerre putauerunt. Boijs & Celtis purgato captiui hostis capite, caluariam auro calare, & in eo poculo in solennibus libare, religiosissimum erat. Proditur Aristomenes Messenius, Ioui, quem Ithometem appellant, trecentos simul homines, in quibus Theopompus fuit, uno sacrificio mactasse: & Lacedæmonios eò uesania processisse, ut Marti humana uictima litarent.

Gala-

Galata & Massageta non aliter deos rite consuli arbitrati sunt, quàm ingulato homine apud aras deorũ: ex cuius casu, tum ex membrorum laniatu & fluxu sanguinis, futura diuinabant. Cimbri noxios homines seruatos, sudibus affixos, dijs pro hostijs dabant. Galli præter Hesium & Theutatem, Mercurium, quos humano cruore placabant, grauioribus morbis aut periculis affecti, ad placandas deorum iras aut homines immolabant, aut se immolatueros uoueant: ad cuius aram etiam grandæuos ætate pro uictimis prosecabant. Lusitanis uetus mos erat, ex intestinis hominum exta prospicere, atque inde omina & diuinationes captare: abscissasq; captiuorum dextras pro munere dijs offerre. Thraces Zamolsim, quem maximum deum putant, non aliter fieri propicium æstimarunt, quam si ad aram facili lancearum ictu homo concideret, eam optimam & dijs gratissimam uictimam opinati. Germani quoque ritu barbarico, Mercurio humano cruore litare religiosissimum putant. Idem fecere Senones, qui cæso publice homine, infanda sacra statis diebus anni celebrabant, his portentis delicta expiari opinati. Persis quoque ad habendas dijs gratias, uiuentes iuuenes, eosque spirantes sub terra defodere assuetum fuit. quem morem Græcis inoleuisse accepimus, ut in anniuersaria celebritate Baccho uiuos homines sacrificent: quique ita fuisset immolatus, maximam inter suos probitatis laudem ferat. Longum est exequi, qui Taurorum mores fuerint, ut apud aram hominem sisterent, & post solennes preces, hominis caput claua ferirent, illudque cruci affigerent: truncumque corpus ex ingenti rupe in præceps darent:

quod cum Leucadijs commune fuisse traditur, ut in A-  
pollinis sacro, auertendæ deorū iræ, hominem de mon-  
tis specula deicerent, & in mare præcitem agerent.  
Fuitque apud Albanos usurpatum, ut hominem sacris  
initiatum, qui sanctitate polleret, diu seruatū & o-  
pipare saginatum apud aras sisterent, eumque furiali  
carmine excantatum, quibusdam additis precationi-  
bus, cum alijs hostijs immolarent. Tātaque animorum  
insipientia fuit, & tam præceps libido imperiti vulgi,  
ut omnes ferè mortales in templis coire, & nefandis  
libidinibus immisceri, ac pudēdis genitalibus sacrum  
facere, quod procreationis seminarium forent, nefas  
non putarent: ita ut Britannis longo tempore mos ino-  
leuerit, coniuges & nurus nudas, & succo herbarum  
delibutas, ad templa ducere, & ita supplicare, ac ca-  
ptiuorum sanguine djs litare: & Corinthi supra mille  
prostitutas in templo Veneris assidue degere, & in-  
flammata libidine, quæstui meretricio operam dare,  
& uelut sacrorum ministras deæ famulari. Piget re-  
ferre Romanos tunc rerum dominos, quibus fœdera,  
leges & sacra exteris dare nationibus imperium fuit,  
quanto in errore, & quàm tetra caligine uersatus fuit  
uictor ille gentium populus, & totius dominator or-  
bis, omni superstitioni obnoxius, Iunones & Genios  
quotidie sibi asciscendo, & noua numina adoptando:  
qui etiam extraordinaria sacra ex fatalibus libris fa-  
cere coacti, Græcum & Græcam, totidemque Gallos,  
in foro Boario ad placādas deorū iras, sub terras ui-  
uos defodere ueriti non fuerunt. Licuitque diu in sa-  
cris hominē interimere, & djs immolare, adeo ut sa-  
turnum & Latialem Iouem humana placarēt hostia,  
cuius



## LIBER V

cuius simulachrum, dum sacrifican humano sanguine  
 proluebant: donec Cn. Corneli Lentulo, & Pu-  
 blio Licinio Crasso cōsulibus, sen usconsulto cautum  
 fuit, ne nouam inducere religionē, nēue hominem im-  
 molare, aut humano sanguine lare liceret. Ac præter  
 notissimos deos homini uix iniato, & nondum in lu-  
 cem edito, turbas deorum tansam pedissequos & pæ-  
 dagogos, & tot uanitates pæfecere: Prosam, Post-  
 uertam, Egeriam, Fluoniam, uicinam, Pylumnum, Pi-  
 cumnum, Edusam, Potinam, Maiam, quæ Fatua dicta  
 est: quos sibi deos finxit anquitas, etiam Stabilinum,  
 & Statanum, ac Fabulinum, aliosque Magnos, alios  
 Geniales, alios Indigete, nonnullos Patrios deos ue-  
 nerati. Adeo ignara superstio hominum mentes de-  
 prauat, & nonnunquam sapientum animos transuer-  
 sos agit. Quantū debemus CHRISTO domino, re-  
 gi & doctōri nostro quē uerum Deum ueneramur &  
 scimus, quo præmostrante, explosa ferarum gentium  
 doctrina, rituque nmani & barbaro, ueram religio-  
 nem edocti, humanitatem & uerum Deum colimus:  
 — cuiusque erroribus & infandis ineptijs, quas  
     prisci coliere, quid quēque deceat, & qui-  
     bus sacris quaque mente Deum cole-  
     re oporteat, nosci-  
     tamus.

LIBRI SEXTI GENIALIVM  
 DIERV M FINIS.

1870

1871

1872

1873

1874

1875

1876

1877

1878

1879

1880

1881

1882

1883

1884

1885

1886

1887

1888

1889

1890

1891

1892

1893

1894

1895

1896

1897

1898

1899







